



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

B 1,177,873















# MNEMOSYNE.

---

## BIBLIOTHECA PHILOLOGICA BATAVA.

COLLEGERUNT

S. A. NABER, J. VAN LEEUWEN J.F., I. M. J. VALETON.

OPERAM SUAM POLLICITI SUNT

J. J. HARTMAN, H. VAN HERWERDEN, A. E. J. HOLWERDA, H. T. KARSTEN,  
J. C. NABER, K. G. P. SCHWARTZ, M. C. VALETON, J. WOLTJER.

---

NOVA SERIES.

VOLUMEN TRICESIMUM SEXTUM.

---

LUGDUNI-BATAVORUM

E. J. BRILL.

---

LIPSIAE,

O. HARRASSOWITZ.

1908.

---

EX OFFICINA TYPOGRAPHICA ET BIBLIOPOLIO QUAE ANTEHAC E. J. BRILLII FUERUNT.

# INDEX.

	Pag.
Platonica ( <i>contin. e Vol. XXXV pag. 177</i> ), scripsit S. A.	
NABER . . . . .	1—28.
Ad Iliad. H vs. 195—199, scripsit MATTH. V. . . . .	28.
Apuleiana ( <i>contin. e Vol. XXXV pag. 113</i> ), scripsit C.	
BRACKMAN I. F. . . . .	29—38.
Johannis Jacobi Reiskii animadversiones ad Arriani Ana-	
basin, edidit A. G. ROOS . . . . .	39—61.
Emendatur Stat. Ach. I. 87, scripsit P. H. D. . . . .	61.
Ad nova fragmenta in libro Berliner Klassikertexte V, 2,	
scripsit H. VAN HERWERDEN . . . . .	62—64.
Observatiunculæ de iure Romano ( <i>contin. e Vol. XXXV</i>	
<i>pag. 395</i> ), scripsit J. C. NABER S. A. FIL. . . . .	65—74.
De nonnullis Demosthenis et Aeschinis controversiis, scripsit	
MATTHÆUS VALETON . . . . .	75—114.
Valckenarianum, scripsit S. A. N. . . . .	115—118.
Ad Ciceronis orationem pro M. Caelio annotatiunculæ	
criticæ, scripsit P. H. DAMSTÉ . . . . .	119—125.
Ad Plutarchum, scripsit J. J. H. . . . .	125.
Italica. Observationes ad locos Vergilianos et Ovidianos,	
scripsit J. VÜRTHEIM . . . . .	126—178.
Ad Porphyrogeniti excerpta de sententiis ex Polybio ed.	
U. Ph. BOISSEVAIN, scripsit H. VAN HERWERDEN . . . .	179—182.
Ad Statii Thebaidem, scripsit P. H. D. . . . .	182.
De pyxide Caeliana, scripsit J. VAN WAGENINGEN . . . .	183—186.
Ad Plutarchum, scripsit J. J. H. . . . .	186.
Thucydidea ( <i>contin. e Vol. XXXIV pag. 429</i> ), scripsit I.	
C. VOLLGRAFF . . . . .	187—204.

	Pag.
Ad Lygdami Elegias, scripsit P. H. DAMSTÉ . . . . .	205—210.
Ad Plutarchum, scripsit J. J. H. . . . .	210.
ΔΙΟΝΤΕΟΣ ΕΝ ΑΙΜΝΑΙΣ, scripsit C. GUL. VOLLGRAFF . . . . .	211—215.
Ad Plutarchum, scripsit J. J. H. . . . .	215—216.
Platonica ( <i>contin. ex pag. 28</i> ), scripsit S. A. NABER . . . . .	217—288.
Ad Plutarchum, scripsit J. J. H. . . . .	288.
Quaestiones Graecae ( <i>contin. ex Vol. XVI pag. 238</i> ), scripsit I. M. J. VALETON . . . . .	289—334.
De Euripideae fabulae Pirithoi fragmento nuper reperto, scripsit K. KUIPER . . . . .	335—341.
Ad Plutarchum, scripsit J. J. H. . . . .	341.
Novae coniecturae in fragmenta Menandrea reperta a Le- feburio, scripsit H. VAN HERWERDEN . . . . .	342—352.
Annotationes ad Statii Thebaldem, scripsit P. H. DAMSTÉ. . . . .	353—396.
Ad Plutarchum, scripsit J. J. H. . . . .	396.
Ad scholia Bobiensia, scripsit C. BRAKMAN I. F. . . . .	397—414.
Ad Plutarchum, scripsit J. J. H. . . . .	414.
Notulae ad alteram Leeuwenii editionem fragmentorum Me- nandreorum recens detectorum, scripsit H. v. HERWERDEN. . . . .	415—418.
De vocabuli <i>τρέπος</i> vi atque usu per saecula VI et V, scripsit K. KUIPER . . . . .	419—434.
Ad Plutarchum, scripsit J. J. H. . . . .	434.
Platonica ( <i>contin. ex pag. 288</i> ), scripsit S. A. NABER . . . . .	435—448.

---

### CORRIGENDUM.

Vol. XXXV pag. 448 pro *Henricum Dideticum Blaauw* legatur  
*Henricum Didericum DE Blaauw*.

---

# PLATONICA.

SCRIPSIT

S. A. NABER.

(Continuantur ex Vol. XXXV pag. 177).



AD SOPHISTAM.

P. 217 B: ἐπεὶ διακηκοέναι γέ Φησιν ἱκανῶς καὶ οὐκ ἀμνημονεῖν. Sunt Theodori verba qui Eleaticum hospitem ad Socratem adduxerat, sed deest quod ad rem praecipuum est, hunc hospitem Parmenidis fuisse auditorem, quemadmodum disertè traditur p. 237 A et 242 C itaque inserto proprio nomine legendum: ἐπεὶ (Παρμενίδου) διακηκοέναι γέ Φησιν. Contra p. 241 D: τὸν τοῦ πατρὸς Παρμενίδου λόγον, proprium nomen inducendum.

Ibid. 218 B: τόνδε παραληφόμεθα [Σωκράτη] τὸν Σωκράτους μὲν δμῶνυμον ἐμὸν δὲ ἡλικιώτην. Verbum non addam.

Ibid. 226 C. hospes Eleaticus affert quaedam exempla οἰκετικῶν ὀνομάτων, inter quae et illa sunt: διηθεῖν καὶ διαττᾶν καὶ βράττειν καὶ διακρίνειν. Ultimum vocabulum non est sumtum de eadem officina, in qua cetera peculiari et noto usu recepta erant; nihil habet quod prae ceteris οἰκετικόν possit videri et credibile est καὶ διακρίνειν glossatori reddendum esse. Sed nunc video Astium iam attendisse animum.

Ibid. p. 226 E. Prorsus absurdum est quod Theaetetus respondet. Hospes interrogat: οὐκ οὐν τό γε καθαρτικὸν εἶδος αὐτῷ δι-

πλοῦν ὃν πᾶς ἂν ἴδοι; Nondum admodum est perspicuum quid hospes velit, Theaetetus tamen, qui strenue et alacriter respondere solet, nunc ab omnibus creditur dixisse: *Ναί, κατὰ σχολήν γ' ἴσως· οὐ μὲν ἔγωγε καθορῶ νῦν*. Itaque affirmat et negat eodem tempore, quod ne faciat, abiiciendum erit importunum *ναί*, haud unum in locum perperam illatum et omnia optime habebunt. Hic plurimum miror Schanzium qui Heindorfio et Cobeto optime monentibus non obtemperaverit. Post pauca, p. 227 C, audita explicatione agnoscit Theaetetus duo esse εἶδη καθάρσεως, quorum alterum ad corpus, alterum ad animum pertineat. Exclamat hospes: *πάντων κάλλιστα*· at hoc quidem nimium est, satis erat *πάντων μάλιστα* dicere. Non dissimile est illud 220 B: *ταύτην αὖ τὴν θήραν ἄρ' οὐκ ἂν κατὰ μέγιστα μέρη δύο διελοίμην*, rectissime sensit Heindorfius requiri *διελοίμεν*, sed locus nondum persanatus est. Quae sunt enim illae *μαζιμαί* partes? Nempe *ἀλιευτική* dividitur in *ἐκροθηρικήν* et *πληκτικήν*. Simplicissima nisi fallor ratio erit rescribere: *κατὰ μέρη μάλιστα δύο*. Ceterum de hoc loco conferatur Cobetus *Mnem.* 1860 p. 362 et de confusione vocabulorum *κάλλιστα* et *μάλιστα* Porsonus ad Eur. Phoen. 878.

Aliquid displicet in Theaeteti verbis p. 231 C: *ἀπορῶ δ' ἔγωγε ἤδη διὰ τὸ πολλὰ πεφάνθαι, τί χρή ποτε ὡς ἀληθῆ λέγοντα καὶ διίσχυριζόμενον εἰπεῖν ὄντως τὸν σοφιστήν*. Rectissime intelligo, dummodo Plato sic scripserit, quomodo illud *τὸ πολλὰ πεφάνθαι* accipi debeat; et hospes Eleaticus sine ulla vitii suspicione rogat: *Φέρε, ὅποσα ἡμῖν ὁ σοφιστὴς πέφανται*; sed tum *τὸ πολλὰ πεφάνθαι* sic quidem positum subobscurè dictum est, tum colligo ex hospitis verbis Theaetetum hoc innuisse se defatigatum esse; hinc utitur illa exhortatione: *νῦν οὖν καὶ μάλιστα ἐπιθετέον αὐτῷ*, concedit tamen ut aliquantisper subsistat et se quasi colligat: *πρῶτον δὲ πάντες οἷον ἐξαναπνεύσωμεν*. Rectius omnia cohaerebunt, si scribas: *διὰ τὸ πολλὰ πεπεράνθαι*. Iterum illud ipsum verbum corruptelam passum est p. 261 B: confer modo hospitis verba: *ἐπεὶ τοῦτο ὃ λέγεις διαπεπέρανται* et illa Theaeteti: *μόγισ μὲν τὸ μὴ ὃν ὡς οὐκ ἔστι προβληθὲν διεπεράσαμεν*. Quod viri docti saepe observarunt, hic quoque in emendando usu veniet: est Plato in talibus unus omnium accuratissimus et in referendis Theaeteti verbis hospes uti debuit eodem verbo quo

adulescens usus erat itaque verum est διεπεράναμεν. Vide idem verbum Politic. p. 264 B et 297 E.

Ibid. p. 234 C. Inepte abundat διὰ τῶν ὧτων [τοῖς λόγοις] γοητεύειν.

Ibid. 237 E. Non dicit Theaetetus quod dicere videtur: τέλος γοῦν ἂν ἀπορίας ὁ λόγος ἔχῃ. Credo miserum adulescentem ἄσμενον ἂν vidisse illarum argutiarum finem, sed hospes non in eo est ut eum missum faciat. Sed illud erat πέρας ἀπορίας quod modo postulaverat. Facile quidem esset plures locos adducere, ubi illud ipsum πέρας legitur et πέρας ποιεῖν λαλιᾶς, sed nihil opus est post Cobetum *Mnem.* 1855 p. 255. Nobis Latine balbutientibus est *nec plus ultra*.

Ibid. 237 E. Interrogat hospes: τὸν μὴ τὸ λέγοντα ἀναγκαιότατον. Respondet Theaetetus: ἀναγκαιότατον μὲν οὖν, hoc est: imo vero quam maxime necessarium: itaque cum Hirschigio in hospitis verbis reponam positivum gradum: ἀναγκαῖον. Usum particularum μὲν οὖν tum alibi observare poteris tum 256 D ubi hospes: ἀδεῶς ἄρα τὴν κίνησιν ἕτερον εἶναι λέγωμεν; cui adulescens: ἀδεέστατα μὲν οὖν.

Ibid. 238 D. Plane sine sensu sunt quae hic leguntur. In recondita quadam quaestione tractanda Theaetetus iusserat: εἰπέ ἔτι σαφέστερον. Cui hospes: οὐδὲν δεῖ τὸ σαφέστερον ἐν ἐμοὶ σκοπεῖν. Hoc donec quis probabili ratione explicet, equidem praeferam: οὐδὲν δεῖ τὸ σαφέστερον· ἐν ἐμοὶ σκόπει, quibus interprete non opus est. Vide eundem imperativum σκόπει infra p. 247 D, 249 E, 260 A, Parm. 148 D, Phileb. 25 B.

Ibid. 248 A. Non concedo ad illa hospitis: τοῦτο ἡμῖν ἐνταῦθα μέντω ξυνομολογηθέν, Theaetetum respondere potuisse μένει· debuit dicere μέντω. Prorsus idem vitium est in Phileb. 24 A.

Aliquot litterulae non sine damno sententiae transpositae videntur p. 260 A: πρὸς τὸ τὸν λόγον ἡμῖν τῶν ὄντων ἐν τι γένῳ εἶναι. Haeserunt viri docti, quid esset τὰ ὄντα γένη. Stallbaumius γένος; pro γένῳ· addit tamen optimum sibi videri

nihil circa receptam lectionem sollicitare. Hanc ego quoque sententiam fortasse amplectar, simulac vulgatam didicero intelligere; interim multum arridet mutatio sane levis, qua efficitur ut omnia luce clariora sint. Disseca vocabulum γενῶν in duas partes, ut tandem aliquid te profecisse ostendas e doctrina Eleatici hospitis; transpone vocabula et sponte excidet interpolatum ἡμῖν. Itaque scribam: πρὸς τὸ τὸν λόγον τῶν ὄντων ἔν γ' ἐστὶ νῶν εἶναι. Nihil est cur premam suspicionem quae cum praesenti causa coniuncta est. Legitur in Politico p. 302 C: εἶναι τρεῖς ταύτας ἡμῖν λεγομένας τοῦ νῦν ἐπικεχυμένου λόγου κατ' ἀρχάς. Potestne recte dici ἡμῖν λεγομένας? potestne illud νῦν commode explicari? Multum dubito. Vertit Stallbaumius: *in exordio orationis quae tanquam iam nobis affluxit*. Itaque in versione imprudens omisit quod erat difficillimum. Repone: *in exordio orationis quae nunc affluxit* et apparebit quid sit in his verbis corruptum. Fortasse etiam maior offensio est in Graecis. Quid requiratur desumi potest ex ipso loco quem Stallbaumius laudavit. Legitur in libro de Legibus VII 703 B: ὁ νυνδὴ λόγος ἡμῖν ἐπιχυθείς. Quid si Plato hic eodem modo: τοῦ νῶν ἐπικεχυμένου λόγου, quo probato ἡμῖν ante λεγομένας sede exturbabitur.

Ibid. 265 D: ὑπολαμβάνων οἶσθαί σε κατὰ θεὸν αὐτὰ γίγνεσθαι, ταύτη καὶ αὐτὸς νενόμικα, omnino placet: νενέμηκα. Cf. p. 267 B. μιμητικὸν δὲ τοῦτο αὐτῆς προσειπόντες ἀπονειμώμεθα cum Theaeteti responso: νενεμήσθω. Phileb. 65 B: ποτέρῳ μᾶλλον ξυγγενὲς ἕκασον αὐτῶν ἀπονεμοῦμεν;

Ibid. 268 C: συνδήσομεν αὐτοῦ τοῦνομα συμπλέξαντες ἀπὸ τελευτῆς ἐπ' ἀρχήν. Collato p. 261 A: τὸν σοφιστὴν εἰς αὐτὸ ἐνδήσωμεν, illic itidem corrigam: ἐνδήσομεν, de quo composito nuper dixi *Mnem.* 1906 p. 8.

#### AD POLITICUM.

P. 257 D: καὶ μὴν κινδυνεύετον ἄμφω πόθεν ἐμοὶ ξυγγένειαν ἔχειν τινά. Illud ἄμφω nescio quomodo mihi otiose additum videtur; multo malim: ἀμόθεν γε πόθεν.

Ibid. 261 C: καὶ πᾶν οὕτω διαιρήσεται δίχα. Planissime requiritur futurum exactum et ante pedes positum est διηρήσεται, de qua forma nemo dubitabit post Cobetum *Mnem.* 1856 p. 395.

Ibid. 263 A: ὃ βέλτις' ἀνδρῶν οὐ Φαῦλον προστάττεις Σώκρατες. Saepe disceptatum fuit essetne ipsum proprium nomen in talibus delendum an ferri aliquatenus deberet, sed nunc certe inepta interpolatio importuna sede luculenter arguitur. Ad idem argumentum infra rediturus sum, sed nunc tamen vide in hoc ipso dialogo p. 263 D ὃ πάντων ἀνδρείοτατε, 265 A ὃ θαυμασέ, p. 277 D ὃ δαιμόνιε et ὃ μακάριε, quod redit p. 283 B. Addam Phileb. 36 D: ὃ παῖ κείνου τ' ἀνδρός.

Ibid. 265 D: κολοβὸν ἀγέλην τινὰ κεράτων νομεύει. Est haec lectio Codicis Bodleiani, quam Stallbaumius acriter tuetur, quum in aliis fere legatur κολοβῶν ἀγέλην τινὰ ἀκεράτων. In clara luce vir doctus incredibilem in modum caecutire videtur; quis enim eum sequetur cum intelligat gregem *cornibus mutilum et carentem*? Scilicet non animadvertit scribendum esse κολοβῶν ἀγέλην τινὰ, interpretationem autem ἀκεράτων in marginem esse relegandam.

Non minus mirifice Stallbaumius errat p. 265 E: τὸ δέ γε λοιπὸν ἔτι τῆς λείας ἀγέλης τῶν ἡμέρων ἀμιγρὲς γένει πρὸς ἄλληλα. Etenim postquam Ficini versionem exscripsit ut ostenderet hunc quoque λείας in suo codice repperisse, quod libenter credo, addit ut interpretetur Cratyl. 406 A: ἔοικεν οὖν πρὸς τὸ μὴ τραχὺ τοῦ ἥθους ἀλλ' ἡμερόν τε καὶ λεῖον Ληθῶ κεκλήσθαι. Quem locum, inquit, qui comparaverit, is quid λείας hic significet, minime dubitabit. Nempe non intellexit λείας nomen esse substantivum minime rarum et insiticia esse vocabula ἀγέλης τῶν ἡμέρων. Numquamne legit Sophoclis Aiacem?

Ibid. 268 A: αὐτὸς [τῆς ἀγέλης τροφὸς ὁ] βουφορβός, αὐτὸς ἱατρός, αὐτὸς οἶον νυμφευτής. Sunt spuria verba quae uncinis notavi.

Ibid. 269 E: τὴν ἀνακύκλησιν εἰληχεν ὅτι μικροτάτην τῆς αὐτοῦ κινήσεως παράλλαξιν. Quid hic requiri videatur, sic aperiam. Αὐτὸς multis nominibus tum propriis tum appellativis ita adiungitur ut nascatur compositum nomen vel certe quasi-compositum. Non fugit hoc Cobetum, quem nihil talium fugiebat itaque Var. Lect. p. 285 et *Mnem.* 1874 p. 244 in Platonis Menexeno 245 D: αὐτοὶ Ἕλληνες οὐ μὲν βαρβαροὶ οἰκοῦμεν, correxit: Αὐτοῖς Ἕλληνες, sicuti dicitur Αὐτοθαῖς, Αὐτοβορέας, Αὐτοθρακλῆς et sim. Item *Mnem.* 1856 p. 98 Cratino suum reddidit Αὐτοῖς βήρες. Complura huius locutionis exempla mihi repperisse videor apud Platonem: veluti Legg. X 902 B: θεοσεβέστατον αὐτὸ ἐστὶ πάντων ζώων ἄνθρωπος, ubi voculis interpositis intelliges duo nomina non firmiter in unum vocabulum coaluisse. Alibi, Legg. VII 817 B, ἡμεῖς ἐσμὲν αὐτοὶ ποιηταὶ κατὰ δύναντα ὅ τι καλλίστης αἰα καὶ ἀρίστης, sentire mihi videor cur praeferendum sit: αὐτοποιοιταί, sicuti Xenophon Hell. V 2. 14 αὐτοπολίτας appellavit. Rep. X 597 C: ἀνάγκη ἐπὶ μὴ πλεονῇ ἢ μίαν ἐν τῇ φύσει ἀπεργάσασθαι αὐτὸν κλίνην, commendare ausim: αὐτοκλίνην, sicuti recte p. 612 B: αὐτὸ δικαιοσύνην αὐτῇ ψυχῇ ἄριστον εὖρομεν, nam scribamusne hoc an αὐτοδικαιοσύνην nihil prorsus nec nostra nec Platonis interest. Phaedr. 246 A: αὐτοὶ τε ἀγαθοὶ καὶ ἐξ ἀγαθῶν. Deest τε in Bodleiano, unde commendo: αὐτάγαθοι, quod apud sequiores certe frequenti usu tritum est. Atque pariter eo loco unde profecti sumus, praestare dixerim: τῆς αὐτοκινήσεως, quam vocem etiam Aristoteles usurpavit. Etiam ex Thucydide unum locum addam, VII 57: Ἀθηναῖοι μὲν αὐτοὶ Ἴωνες ἐπὶ Δωριᾶς Σαρακηνῶν ἐκόντες ἦλθον· hic saepe suspicatus sum praestare: Αὐταῖωνες eo sensu quo αὐτοῖς Ἕλλησι opponuntur. Praeterea cf. infra ad Parmen. 158 A.

Ibid. 270 C: μεγίστας τοῖνον καὶ (πλείστας) μεταβολὰς χρὴ νοοῖζειν γίνεσθαι. Nempe vocabulum excidisse apparet ex iis quae continuo sequuntur: μεταβολὰς μεγάλας καὶ πολλάς.

Ibid. 272 E: πάσας τῆς ψυχῆς τὰς γενέσεις ἀποδεδακυίας, ὅσα ἦν ἐκείνη προταχθέν, τὸσαῦτα εἰς γῆν σπέρματα πεσοῦσης. Hic rideo vana conamina eorum qui corrupta verba

utcumque interpretantur, nec tamen ipse sum loco emendando: id solum videre mihi videor latere ὥσπερ μεταπεσοῦσης. Reliqua fortasse felix hora suppeditabit: id tantum quaero lateatne adverbium τοσαυτάκις. Fortasse aliquid conferet quod de p. 260 D Cobetus adnotavit *Mnem.* 1860 p. 359.

Ibid. 272 A: καρπούς δ' ἀφθόνους εἶχον ἀπὸ τε δένδρων καὶ πολλῆς ὕλης ἄλλης. Olim δρυῶν legebatur: lateatne fortasse ἀκροδρύων? Cf. Criti. 115 B: δυσθησαύριτος ἀκροδρύων καρπός.

Ibid. 273 A: ὁ δὲ μετασφερόμενος καὶ ξυμβάλλων ἄλλην φθορὰν ζῶων παντοίων ἀπειργάσατο. Si hoc loco ξυμβάλλων mecum non intelligis, nota codices praebere et hoc et συμβαλῶν, συμβάλλων et ξυλλαβῶν in codice Simplicii quem Stallbaumius laudat. Hoc proximum abest a vero, nempe: δξύλαβῶν. Hoc verbo usus est Xenophon in Hell. VII 4. 27 et interpretantur Hesychius et Lex. Rhet. Bk. 286. 21: τὸ δξέως λαβέσθαι πράγματος, quod apprime convenit. Praeterea Suidas interpretatur δξύλοβῶ, quod significare docet ταχέως ἀκούω, sed errorem subesse dixerim et nullum umquam verbum δξύλοβεῖν fuisse nisi in corruptela pro δξύλαβεῖν.

Ibid. 273 B: παρὰ μὲν τοῦ συνθέντος πάντα καλὰ κέκτῃται. Scribit Cobetus ad Geelium p. 52 se invenisse in Simplicii codice Taurinensi lectionem τέτυκται. Hoc, credo, recipiendum erit.

Ibid. p. 275 B: ἵνα κάκεῖνον ὃν προσήκει μόνον κατὰ τὸ παράδειγμα ποιμένων τούτου μόνον ἀξιοθῆναι τοῦ προσήματος. Facile vincam verum esse: ὃν προσήκει τρόπον.

Ibid. 281 C: δοκεῖν χρὴ τό γε συναιτίας εἶναι προσποιήσασθαι παντὸς ὑφάσματος. Attendendum est ad usum verbi, de quo infra quaedam adnotabo, sed miror aliquantulum quod Stallbaumius non intellexit requiri futurum προσποιήσεσθαι, sicuti supra est ἀμφισβητήσουσιν.

Ibid. 282 D: εἴπερ μέλλομεν τὴν προρρηθεῖσαν ὕφαντικὴν αἰ-

Ibid. 269 E: τὴν ἀνακύκλησιν εἶληχεν ὅτι σμικροτάτην τῆς αὐτοῦ κινήσεως παράλλαξιν. Quid hic requiri videatur, sic aperiam. Αὐτὸς multis nominibus tum propriis tum appellativis ita additur ut nascatur compositum nomen vel certe quasi-compositum. Non fugit hoc Cobetum, quem nihil talium fugiebat itaque *Var. Lect.* p. 285 et *Mnem.* 1874 p. 244 in Platonis Menexeno 245 D: αὐτοὶ Ἕλληνες οὐ μίξοβάρβαροι οἰκοῦμεν, correxit: Αὐτοέλληνες, sicuti dicitur Αὐτοθαῖς, Αὐτοβορέας, Αὐτοηρακλῆς et sim. Item *Mnem.* 1856 p. 98 Cratino suum reddidit Αὐτοῖβηρος. Complura huius locutionis exempla mihi repperisse videor apud Platonem: veluti Legg. X 902 B: θεοσεβέστατον αὐτό ἐστι πάντων ζώων ἄνθρωπος, ubi voculis interpositis intelliges duo nomina non firmiter in unum vocabulum coaluisse. Alibi, Legg. VII 817 B, ἡμεῖς ἐσμὲν αὐτοὶ ποιηταὶ κατὰ δύναμιν ὃ τι καλλίστης ἄμα καὶ ἀρίστης, sentire mihi videor cur praeferendum sit: αὐτοποιηταί, sicuti Xenophon Hell. V 2. 14 αὐτοπολίτας appellavit. Rep. X 597 C: ἀνάγκη ἐπὶ μὴ πλέον ἢ μίαν ἐν τῇ φύσει ἀπεργάσασθαι αὐτὸν κλίνην, commendare ausim: αὐτοκλίνην, sicuti recte p. 612 B: αὐτὸ δίκαιοσύνην αὐτῇ ψυχῇ ἄριστον εὖρομεν, nam scribamusne hoc an αὐτοδικαιοσύνην nihil prorsus nec nostra nec Platonis interest. Phaedr. 246 A: αὐτοὶ τε ἀγαθοὶ καὶ ἐξ ἀγαθῶν. Deest τε in Bodleiano, unde commendo: αὐτάγαθοι, quod apud sequiores certe frequenti usu tritum est. Atque pariter eo loco unde profecti sumus, praestare dixerim: τῆς αὐτοκινήσεως, quam vocem etiam Aristoteles usurpavit. Etiam ex Thucydide unum locum addam, VII 57: Ἀθηναῖοι μὲν αὐτοὶ Ἴωνες ἐπὶ Δωριᾶς Συρακοσίους ἐκόντες ἦλθον· hic saepe suspicatus sum praestare: Αὐτοῖωνες eo sensu quo αὐτοέλληνες τοῖς μιξέλλησιν opponuntur. Praeterea cf. infra ad Parmen. 158 A.

Ibid. 270 C: μεγίστας τοίνυν καὶ (πλείστας) μεταβολὰς χρῆ νομίζειν γίγνεσθαι. Nempe vocabulum excidisse apparet ex iis quae continuo sequuntur: μεταβολὰς μεγάλας καὶ πολλὰς.

Ibid. 272 E: πάσας τῆς ψυχῆς τὰς γενέσεις ἀποδεδωκυίας, ὅσα ἦν ἐκάστη προσταχθέν, τοσαῦτα εἰς γῆν σπέρματα πεισούσης. Hic rideo vana conamina eorum qui corrupta verba

utcumque interpretantur, nec tamen ipse sum loco emendando: id solum videre mihi videor latere ὥσπερ μεταπεσοῦσης. Reliqua fortasse felix hora suppeditabit: id tantum quaero lateatne adverbium τοσαυτάκις. Fortasse aliquid conferet quod de p. 260 D Cobetus adnotavit *Mnem.* 1860 p. 359.

Ibid. 272 A: καρπὸς δ' ἀφθόνους εἶχον ἀπὸ τε δένδρων καὶ πολλῆς ὕλης ἄλλης. Olim δρυῶν legebatur: lateatne fortasse ἀκροδρύων? Cf. Criti. 115 B: δυσθησαύριτος ἀκροδρύων καρπός.

Ibid. 273 A: ὁ δὲ μετασρεφόμενος καὶ ξυμβάλλων ἄλλην Φθορὰν ζῶων παντοίων ἀπειργάσατο. Si hoc loco ξυμβάλλων mecum non intelligis, nota codices praebere et hoc et συμβαλῶν, συμβάλλων et ξυλλαβῶν in codice Simplicii quem Stallbaumius laudat. Hoc proximum abest a vero, nempe: δξυλαβῶν. Hoc verbo usus est Xenophon in Hell. VII 4.27 et interpretantur Hesychius et Lex. Rhet. Bk. 286.21: τὸ δξέως λαβέσθαι πράγματος, quod apprime convenit. Praeterea Suidas interpretatur δξυλοβῶ, quod significare docet ταχέως ἀκούω, sed errorem subesse dixerim et nullum umquam verbum δξυλοβεῖν fuisse nisi in corruptela pro δξυλαβεῖν.

Ibid. 273 B: παρὰ μὲν τοῦ συνθέντος πάντα καλὰ κέκτῃται. Scribit Cobetus ad Geelium p. 52 se invenisse in Simplicii codice Taurinensi lectionem τέτυκται. Hoc, credo, recipiendum erit.

Ibid. p. 275 B: ἵνα κακεῖνον ὃν προσήκει μόνον κατὰ τὸ παράδειγμα ποιμένων τούτου μόνον ἀξιοθῆναι τοῦ προσήματος. Facile vincam verum esse: ὃν προσήκει τρόπον.

Ibid. 281 C: δοκεῖν χρὴ τό γε συναιτίας εἶναι προσποιήσασθαι παντὸς ὑφάσματος. Attendendum est ad usum verbi, de quo infra quaedam adnotabo, sed miror aliquantulum quod Stallbaumius non intellexit requiri futurum προσποιήσεσθαι, sicuti supra est ἀμφισβητήσουσιν.

Ibid. 282 D: εἴπερ μέλλομεν τὴν προρρηθεῖσαν ὑφαντικὴν αἰ-

ρήσειν. Reponam; ἀθρήσειν, cuius verbi apud Platonem frequentissimus usus est. Eandem confusionem post Bothium olim animadverti Hom. Iliad. Ω 206.

Ibid. 283 B. In dialogo cum hospite Eleatico Socrates adulescens, ἔμοιγε, inquit, μάτην οὐδέν τῶν ῥηθέντων ἔδοξε ῥηθῆναι. Cui hospes: καὶ θαυμασόν γε οὐδέν· ἀλλὰ τάχ' ἂν ὧ μακάριε δόξειε. Improperie hoc dictum est; certissima ratione supplendum τάχ' ἂν (ἄλλω). Ipse vides quam facile hoc vocabulum excidere potuerit.

Ibid. 290 A: οὗς ὁρῶμεν θῆτας πᾶσιν ἐτοιμότατα ὑπηρετοῦντας. Haec est lectio Bodleiani et duorum praeterea aliorum codicum, reliqui ἐτοιμῶς habent; ducere hoc dixerim ad ἐτοιμῶς πάντα.

Ibid. 293 C: ἕως ἂν σώζωσιν οἱ θεραπεύοντες ἑκάστοι τὰ θεραπεύόμενα. Quid hoc est? intelligam: ἐκάστοτε.

Ibid. p. 293 D. Sepositis aliquantisper quaestiunculis de vero Platonis textu restituendo et tamquam in vitam revocando, nunc libet examinare quid Plato de avunculo suo Critia iudicaverit. Duos potissimum de eius ingenio testes habemus, Xenophontem dico et Platonem. Qui nostris temporibus Historiam Graecam conscripserunt, tum ii qui populare Atheniensium imperium perosi erant, tum pauci illi qui Georgio Groto duce libertatis in omnibus causam sunt tutati, utrique Xenophontem fere sequuntur et hominem depingunt omni flagitiorum genere coopertum, τῶν ἐν ὀλιγαρχίᾳ πάντων κλειπτιστὸν τε καὶ βιαϊότατον, ut est in Memor. I 2 § 12. Apud Cobetum quae eo pertinent, in unum congesta videbis in *Prosopogr. Xen.* p. 44 sqq. Alia autem omnia apud Groenium in *Prosopogr. Plat.* invenies p. 139. Omissis iis quae ad nostram rem minus pertinent hic ita scribit: „Habetur honorificentissime in Timaeo et in Dialogo, qui ipsius inscriptus nomine est. Nam traditiones Aegyptiorum de antiquissima Athenarum historia, ab avo Critia acceptas, in prudentissimorum virorum conventu, quam brevissime primum, ἐν κεφαλαίῳ (Tim. p. 21—27), fusius deinde, καθ' ἑκάστον,

(Criti.), enarrat et affirmat Socrates ὅτι Κριτίαν πάντες οἱ τῷδ' ἴσμεν οὐδενὸς ὧν λέγομεν ἰδιώτην ὄντα, Tim. p. 20." Haec postquam Groenius disseruit, ita perorat: „Neque tamen existimo Platonem, cum crudelem istum et impotentem tyrannum laudibus ornaret, aliquid cognato gratificatum esse. Sed observari oportet Critiam, etsi civitati suae non bonum, doctum atque eloquentem fuisse et Socraticis disputationibus eruditum: porro fieri posse, vel potius perquam probabile esse, eum multis ornatum naturae fortunaeque bonis minime contemnendum fuisse; cum vero postea ἐν μεγάλῃ ἐξουσίᾳ τοῦ ἀδικεῖν versaretur, ad μέγιστα καὶ ἀνοσιώτατα ἀμειψήματα pervenisse." Quid respondeam? Nimirum ita probabiliter disputari posse si sumamus, quod propemodum absurdum est statuere, dialogos Timaeum et Critiam scriptos fuisse ante captas a Lysandro Athenas. Sed intimum animi sensum Plato aperit in Politico eo loco quem modo indicabam. Audiamus hospitem Eleaticum: ἀναγκαῖον δὴ καὶ πολιτείῳ, ὥς ἔοικε, ταύτην ὁρθὴν διαφερόντως εἶναι καὶ μόνην πολιτείαν, ἐν ᾗ τις ἂν εὐρίσκει τοὺς ἄρχοντας ἀληθῶς ἐπισήμονας καὶ οὐ δοκοῦντας μόνον, ἐάν τε κατὰ νόμους ἐάν τε ἔνευ νόμων ἄρχωσι, καὶ ἐκόντων ἢ ἀκόντων, ἢ πενόμενοι ἢ πλουτοῦντες, τούτων ὑπολογισέον οὐδὲν οὐδαμῶς εἶναι κατ' οὐδεμίαν ὁρθότητα. Itaque sentit cum iis qui hodie quoque apud nos libertatis et reipublicae odio „sapientem tyrannum" tanquam extremum omnium malorum remedium expetunt. Sed longius progreditur quam hodie quisquam audeat: καὶ ἐάν τέ γε ἀποκτινύντες τινὰς ἢ καὶ ἐκβάλλοντες καθαίρωσιν ἐπ' ἀγαθῷ τὴν πόλιν, εἴτε καὶ ἀποικίας οἷον σμήνη μελιττῶν ἐκπέμποντές ποι σμικροτέραν ποιῶσιν, ἢ τινὰς ἐπείσαγόμενοι ποθεν ἄλλους ἐξωθεν, πολίτας ποιῶντες, αὐτὴν αὖξωσιν, ἕως περ ἂν ἐπισήμε καὶ τῷ δικαίῳ προσχρώμενοι, σώζοντες, ἐκ χείρονος βελτίῳ ποιῶσι κατὰ δύναμιν, ταύτην τότε καὶ κατὰ τοὺς τοιούτους ὁρους ἡμῖν μόνην ὁρθὴν πολιτείαν εἶναι βητέον. Qui hoc scribere potuit, potuit etiam Critiam ex animi sententia laudare. Hic, credo, assensus fuisset si potuisset legere apud Aristotelem Polit. V 9 p. 150b: νῦν μὲν ἐν ἐνίαις ὀλιγαρχίαις θμνύουσι· καὶ τῷ δήμῳ κακόνους ἔσομαι καὶ βουλευέσω ὃ τι ἂν ἔχω κακόν, cf. Niebuhr. Hist. Rom. II p. 680. Sed Graecia mendax in historia nihil non audet. Utrum Xenophontem sequemur qui trigintavirum

facinora in lucem protulit, an Platonem qui artificiosissime ne dicam subdole obscuravit quod celari non poterat? Hic tu fortasse anceps haerebis. Credo equidem, pepercit memoriae eorum quos cognatione attingebat magisque etiam abominatus est popolare regimen, postquam Socrates cicutam bibit, cum Critias cum collegis summam in sene dicendi libertatem dicam an licentiam aequis animis toleravissent. Natura Platonem formarat nobilitatis fautorem acrem et iracundum simulque summum dicendi artificem nec miramur eum lectorum oculos praestrinxisse dum laudibus eveheret optimates quos inde a pueritia dilexisset et, quod videmus in Gorgia, conviciis acerbissime proscinderet Periclem et ceteros qui populi libertatem stabilivissent. Modum excesserint per me licet tum optimates tum populares, quod furentibus odiis numquam non usu venit; sed occaecatus furore est qui non intelligat, quanto plus mali ab illis inventum sit quam ab his. Hic dignus est qui conferatur Georgius Grotius in libro de Platone I p. 117. Ed. 1888.

Ibid. 296 B: *ἀν δ' οὖν μὴ πείθων τις βιάζεται τὸ βέλτιον, [ἀπόκριναί], τί τοῦνομα τῆς βίας ἔσται; . . . μὴ μέντοι πω, περὶ δὲ τῶν ἐμπροσθεν πρότερον.* Insiticiū est id quod vides.

Ibid. 298 B: *κυβερνῆται . . . σφάλματα ποιοῦντες ἐν τοῖς πελάγεσιν ἐκβάλλουσιν εἰς τὴν θάλατταν καὶ ἕτερα κακουργοῦσιν.* Coll. v. c. Herodt. VI 76: *σφαγιασάμενος τῇ θαλάσῃ ταῦρον* vel Xenoph. Anab. IV 3. 18: *οἱ μὲν μάντιες ἐσφαγιάζοντο εἰς τὸν ποταμόν*, tuto reponere licebit *σφάλγια ποιοῦντες*. Plura dabit Stengelius.

Ibid. 302 B: *διὰ τὴν ναυτῶν μοχθηρίαν τῶν περὶ τὰ μέγιστα μεγίστην ἄγνοιαν εἰληφότων.* Possumus *ἐπισήμην λαβεῖν* eaque nota locutio continuo post recurrit, sed *ἄγνοιαν λαβεῖν* non possumus. Ante pedes posita est correctio *ὠφληκότων*.

Ibid. 303 C: *μεγίστους δὲ ὄντας μιμητὰς καὶ γόητας μεγίστους γίγνεσθαι τῶν σοφιστῶν σοφιστάς.* Dele postremum vocabulum, quod in consimili sententia recte deest p. 291 C.

Ibid. 309 A: εἰς ἀδικίαν ὑπὸ κακῆς βίᾳ φύσεως ἀπωθουμένους. Revocat hoc mihi in memoriam notum illud: *belle Marguise*, cet., sed scribe mutato accentu: ὑπὸ κακῆς et sponte excidet id quod est φύσεως.

## AD PARMENIDEM.

P. 126 A. Dialogi initio Cephalī verba sunt: Ἐπειδὴ Ἀθήναζε οἶκοθεν ἐκ Κλαζομενῶν ἀφικόμεθα. Non ipse sane Cephalus addidit illud ἐκ Κλαζομενῶν, nec crediderim Platonem fuisse qui nomen proprium inutiliter adscripserit. Qui illud οἶκοθεν explicare voluit, sumere potuit Cephalī patriam ex iis quae proximo sequuntur: παῖς δὲ πού ἦν (scil. Antipho) ὅτε τὸ πρότερον ἐπεδήμητα ἐκ Κλαζομενῶν. Vide autem quid inde sequatur. Sunt qui hunc Cephalum eundem quem Lysiae patrem putent esse, sunt qui diversum hominem intelligant: quae eo pertinent exposita invenies apud Groenium p. 111, nunc autem eiectis molestis vocabulis quae notavimus, nullo negotio quaestiuncula solvi poterit. Cephalus Lysiae pater Clazomenius erat venitque aliquando e patria Clazomenis Athenas, quo tempore Antipho Pyrilampis filius puerulus erat. Deinde fortunarum suarum sedem Syracusas transtulit habitusque fuit Syracusanus, etiam postquam Periclis hortatu Athenas migravit. Hinc rectissime apparet primum Cephalum Clazomenis venisse Athenas, deinde post satis diuturnum temporis spatium, πολὺς δὲ ἤδη χρόνος ἐξ ἐκείνου, quum iam Syracusanus et esset et haberetur, Athenas rediit. Ὅτε τὸ πρότερον ἐπεδήμησα δεῦρο ἐκ Κλαζομενῶν patriae nomine recte addito, nam iamdudum vix quisquam norat cuius Cephalus revera esset. Ἐπειδὴ Ἀθήναζε οἶκοθεν ἀφικόμεθα perperam intellexit qui interpolavit: ἐκ Κλαζομενῶν, nam venerat Syracusis. — Tantum ac fortasse nimis multa de re levi.

Ibid. 127 C: Fieri non potest ut Plato scripserit: οἱ δὲ καὶ ἀφικέσθαι τὸν τε Σωκράτη καὶ ἄλλους τινὰς μετ' αὐτοῦ πολλούς, nam apparet e Zenonis verbis p. 136 D non *multos* affuisse, sed paucos tantum: εἰ μὲν οὖν πλείους ἦμεν οὐκ ἂν ἄξιον ἦν δεῖσθαι· ἀπρεπὴ γὰρ τὰ τοιαῦτα πολλῶν ἐναντίον λέγειν. Nimirum erant omnino *septem* numero, uti legimus p. 129 D. Quin igitur re-

scribimus: ἄλλους τινὰς μετ' αὐτοῦ (οὐ) πολλούς. Cf. Euthyd. p. 273 A. Ad rem cf. Georgium Grotum de Platone III p. 90.

Ibid. 130 A: ἔφη αὐτὸς μὲν οἶσθαι ἐφ' ἐκάστου ἄχθεσθαι τὸν Παρμενίδην. Praeter loci sententiam hoc dictum est; corrige: ἄχθέσεσθαι.

Ibid. 136 D: αὐτοῦ ὃ Σώκρατες δεώμεθα Παρμενίδου. Proprium Parmenidis nomen eleganter omittendum est.

Ibid. 137 B. Paucos hodie dari credo qui Parmenidem curent legere itaque nunc locum indicabo quem in alio dialogo silentio praeterissem. Nempe si quis miretur cur Socrates, cur Theodorus, cur Zeno, cur alii adulescentem sibi identidem adsciscant, qui respondendi partes sustineat, inspiciat is Zenonis verba: τίς οὖν μοι ἀποκρινεῖται; ἢ ὁ νεώτατος; ἤκιστα γὰρ ἂν πολυπραγμονοίῃ καὶ ἂν οἴεται μάλιστα ἂν ἀποκρίνοιτο· καὶ ἅμα ἐμοὶ ἀνάπαυλ' ἂν εἴη ἢ ἐκείνου ἀπόκρισις.

Ibid. 141 E: τὸ ἔσται καὶ τὸ γενήσεται καὶ τὸ γενηθήσεται. Corrigam: γεγενήσεται itemque mox: οὐτ' ἔπειτα γενήσεται οὔτε γενηθήσεται οὐτ' ἔσται praeferam: οὐτ' ἔπειτα γεγενήσεται οὔτε γεγενήσεται.

Ibid. 147 A: ἐκφεύγοι pro ἐκφεύγοι ἂν mirum sane. Pariter 148 E: ἄπτοιτο pro ἄπτοιτο ἂν, πῶς γὰρ pro πῶς γὰρ ἂν 162 C. E et 163 D. Mihi quidem incomperta res.

Ibid. 156 E in disputatione de eo quod est unum, saepe opponuntur inter se κίνησις et στάσις, κινεῖσθαι et ἐσάναι, τὰ κινούμενα et τὰ ἐστῶτα. Simplex res est: οὐ γὰρ ἓκ γε τοῦ ἐσάναι ἐσῶτος ἔτι μεταβάλλει οὐδ' ἐκ τῆς κινήσεως κινουμένης ἔτι μεταβάλλει, ἀλλ' ἢ ἐξαίφνης αὕτη φύσις ἄτοπός τις ἐγκάθηται μεταξὺ τῆς κινήσεως τε καὶ τῆς στάσεως. Mox sequuntur verba quae volo: ὅτε μεταβάλλει, ἐν οὐδενὶ χρόνῳ ἂν εἴη οὐδὲ κινεῖται ἂν τότε οὐδ' ἂν εἰρήνη. Non est hic dialogus admodum facilis intellectu et fortasse philosophi lubentius legunt et interpretantur quam philologi; sed quo res ipsae obscuriores sunt, eo magis est

cavendum ne vel minimum sermonis vitium remaneat, quod lectorem impedire possit. Admonitus nemo facile dubitabit verum esse non *σαίη* sed *ἐσαίη*. videtur hoc mihi satis certum esse. Prorsus eodem modo librarii erraverunt Legg. X 895 A: *εἰ σαίη πως τὰ πάντα ὁμοῦ γενόμενα, τίς ἄρα ἐν αὐτοῖς ἀνάγκη πρώτῃν κίνησιν γενέσθαι τῶν εἰρημένων;* Respondet Atheniensis: motus initium a se ipso fiet: hanc vocat *ἀρχὴν κινήσεων πασῶν ἐν τε ἐξῶσι γενομένην καὶ ἐν κινουμένοις*, sed hic quoque praestabit legere: *ἐσαίη*. Sed tangere noli Theaet. 153 D et Sophist. 252 D.

Ibid. 158 A: *μετέχοι δέ γ' ἂν τοῦ ἐνὸς δῆλον ὅτι ἄλλο ὄν ἢ ἔν· οὐ γὰρ ἂν μετεῖχεν, ἀλλ' ἦν ἂν αὐτὸ ἔν·* malim cum Bodleiano codice *αὐτόθεν* scribere, de quibus quasi-compositis supra quaedam adnotavi ad Politic. 269 E. Continuo sequitur: *νῦν δὲ ἐνὶ μὲν εἶναι πλὴν αὐτῷ τῷ ἐνὶ ἀδύνατόν που*, verum esse *ἐν μὲν εἶναι*, non *ἐνί*, colligere poteris ex iis quae Cobetus adnotavit *Mnem.* 1874 p. 159 et 276. Quod hic Theaet. p. 175 correxit *οὐδὲν* pro *οὐδένι*, ea res non fugit Ruhnkenii diligentiam, cuius manuscriptae adnotationes asservantur in Bibliotheca Leidensi.

Ibid. 164 D: *ὥσπερ ὄναρ ἐν ὕπνῳ φαίνεται.* Dele interpretamentum *ἐν ὕπνῳ*, coll. Politic. 277 D et 278 E, Phaedr. 277 D, Rep. V 476 C, Epist. III 319 B, aliis locis.

#### AD PHILEBUM.

P. 11 A. Hic quod dicam, admodum leve est, sed in re critica nihil didici contemnendum esse. Si quis servum suum compellat, usurpat quod millies legitur *παῖ* et *παῖ*, *παῖ*, sed ad ingenuum puerum solemne est *ὦ παῖ*. itidem fortasse ad alienum servum, quod addendum videtur propter Menon. 82 B. Recte legitur in hoc dialogo p. 15 A *ὦ παῖ* et 16 B *ὦ παῖδες* et ubi non? Tantum non semper autem legitur *ὦ Σώκρατες*, *ὦ Φίληβε*, *ὦ Ζήνων* simil. neque omittere moris est id quod est *ὦ*. Itidem ad Calliae filium semper Socrates: *ὦ Πρώταρχε*, excepto huius dialogi initio uti et p. 28 B, qui loci correctore egent. Qui otio abundant, ulterius rem investigare poterunt, collatis Badhamo ad dialogi initium et praecipue Hugio ad Symp. 172 A.

Ibid. 11 C: μῶν οὐχ οὕτω πως λέγομεν ἐκάτεροι; *Requiro singularem: ἐκάτερος*, sicuti recte legitur p. 11 D et 22 D.

Ibid. p. 11 C. Dixerat Socrates ipso dialogi initio: *τίνα λόγον μέλλεις παρὰ Φιλίβου δέχεσθαι*; et post pauca: *δέχει* δὴ τοῦτον τὸν λόγον; feram hoc in quovis alio, sed Socrates qui se semper accuratissimum in dicendo praestat, necessario futurum praetulit: *δέξει*.

Ibid. 13 A: *τούτῳ τῷ λόγῳ μὴ πίστευε, τῷ πάντα τὰ ἐναντιώτατα ἐν ποιοῦντι*. Nimium hoc quidem est: conicio verum esse: *ἐναντιώματα*. Plato vocabulum crebro usurpat.

Ibid. 13 D: *ἐροῦμεν ἅπερ οἱ πάντων φαυλότατοι καὶ περὶ λόγους ἅμα νέοι*. Quis hoc ferat? Reponam *μάλα νέοι*. Alterum in his verbis vitium post Badhamum Cobetus detexit *Mnem.* 1874 p. 258.

Ibid. 13 D: *τάχ' ἂν ἰόντες εἰς τὰς ὁμοίας ἴσως ἂν πως ἀλλήλοις συγχωρήσαιμεν*. Imo praestat: *συμφωνήσαιμεν*. vide hoc verbum infra p. 24 E, Phaedr. 263 B, alibi. Itidem dignus est qui de vicino loco conferatur Cobetus *Mnem.* 1874 p. 257.

Ibid. 14 A: *ἄρ' ἄξις ἂν εἴην τοῦ διαλέγεσθαι νῦν, εἰ . . . ἡμῖν οὗτος ὁ λόγος ὥσπερ μῦθος ἀπολόμενος οἷχοιτο, αὐτοὶ δὲ σωζοίμεθα ἐπὶ τινος ἀλογίας*. Mira dicendi formula, quam perspicuam reddes inserto: *ἐπὶ τινος (σχεδίας) ἀλογίας*, quemadmodum ipse Plato locutus est Phaed. 85 D: *ἐπὶ τούτου δχοῦμενον ὥσπερ ἐπὶ σχεδίας*. Quod omnes norunt, in talibus praepositio non iteratur, sed quod haud satis scio an nondum observatum fuerit, etiam id quod est *ὥσπερ* persaepe omittitur. Ut de usu constet, complusculos locos eius generis enotabo: Euthyd. 293 A: *σῶσαι ἐκ τῆς τρικυμίας τοῦ λόγου*. Menex. 237 B: *ὑπὸ μητρὸς τῆς χώρας ἐν ᾗ ὥκουν*. Euthyphr. 12 A: *τρυφᾷς ὑπὸ πλούτου τῆς σοφίας*. Theaet. 162 A: *παίζουσα ἐκ τοῦ ἀδύτου τῆς βίβλου ἐφθέγγετο*. Legg. I 639 B: *ὑπὸ μέθης τοῦ φόβου ναυτιᾷ*. Legg. VII 803 B: *διὰ τοῦ πλοῦ τούτου τῆς ζωῆς διακομισθὸς μέθα*. Legg. X 905 B: *ὥσπερ ἐν κατόπτροις αὐτῶν ταῖς πράξεσιν ἡγήσω*

καθεορακέναι. Phaed. p. 85 B: ἐπὶ βεβαιότερου ὀχήματος ἢ λόγου  
 θείου τινὸς διαπορευθῆναι, ubi omnia sana arbitror praeter ἢ, quo  
 expuncto veram Platonis manum revocaveris, neque opus erit  
 cum Heindorfio ἢ λόγου θείου eiicere. Sed erit operae pretium  
 cum cura considerare quando praepositio iterari debeat, quando  
 non debeat. Veluti Rep. IV p. 440 D θυμός describitur, qui οὐ  
 λήγει τῶν γενναίων πρὶν ἂν ἢ διαπράξῃται ἢ τελευτήσῃ ἢ ὥσπερ  
 κύων ὑπὸ νομέως ὑπὸ τοῦ λόγου τοῦ παρ' αὐτῷ ἀνακληθεὶς πραῦνθῃ.  
 Hoc recte itidemque recte Politic. p. 303 B: πασῶν γὰρ ἐκείνην  
 γε ἐκκριτέον οἶον θεὸν ἐξ ἀνθρώπων ἐκ τῶν ἄλλων πολιτειῶν, nam  
 reliquae respublicae minime cum hominibus comparantur. Simili  
 de causa servanda praepositio Theaet. p. 206 D: ὥσπερ εἰς κά-  
 τοπτρον ἢ ὕδωρ τὴν δόξαν ἐκτυπούμενον εἰς τὴν διὰ τοῦ σώματος  
 ῥοήν, ne forte comparari dicas κάτοπτρον et τὴν διὰ τοῦ σώματος  
 ῥοήν. Itidem Aristophanes Nub. 946:

πρόσωπον ἅπαν καὶ τῷφθαλμῷ  
 κεντούμενος ὥσπερ ὑπ' ἀνθρώπων  
 ΤΠΟ τῶν γνωμῶν ἀπολεῖται.,

ubi etiamsi metrum ducem non haberemus, perfacile tamen  
 foret ad intelligendum cur praepositio necessario iterari deberet.  
 Etiam illo loco a quo profecti sumus, comparantur θυμός et  
 κύων, nec vero λόγος et νομέως: hinc genuinum est ΤΠΟ τοῦ  
 λόγου. Sed corrige sodes Gorg. 472 B: ἐπιχειρεῖς ἐκβάλλειν με  
 ἐκ τῆς οὐσίας [ἐκ] τοῦ ἀληθοῦς.

Ibid. 14 B. Hic necessario paulo plura describenda erunt: τὴν  
 διαφορότητα τοῦ ἀγαθοῦ τοῦ τ' ἐμοῦ καὶ τοῦ σοῦ μὴ ἀποκρυπτόμε-  
 νοι, το λμῶμεν ἂν πῃ ἐλεγχόμεναι μηνύσωσι, πότερον ἡδονὴν  
 τᾶγαθὸν δεῖ λέγειν ἢ φρόνησιν. Hic impeditum locum ut expla-  
 naret, doctorum virorum tentaminibus cum cura recensitis,  
 Stallbaumius multa moliendo nihil promovet neque agnovit  
 vitii sedem in eo quod est το λμῶμεν. Nec magis Badhamo res  
 successit. Ecquid latet? Credo equidem: μελετῶμεν, cuius  
 verbi frequens usus est apud Platonem, v. c. Phileb. 55 E, 57 A,  
 Symp. 208 A, Phaedr. 228 B, 228 E, Alcib. I 114 D, Parm.  
 denique p. 126 C et quo verbo rescripto ne puer quidem de  
 loci sententia anceps haerebit. Forte fortuna eandem confusionem  
 verborum το λμᾶν et μελετᾶν nuper, *Mnem.* 1905 p. 88 apud

Lysiam indicavi in Oratione pro Mantitheo: οὐκ εἴ τις τολμᾷ, διὰ τοῦτο μισεῖν χρή, ubi commendavi εἴ τις μελετᾷ. Altera correctio alteram confirmat.

In sincera Graecitate sterile est τὸ ἔν, cui in derivatis et in compositis substituitur id quod est μόνον· omnes hoc novimus et ἐν τῇ Ἀθηνᾷ aliquando Contus allata nube exemplorum rem extra dubium posuit. Graeculis relinquendae sunt αἱ ἐνάδες et Theologos facile ferimus, quum nescio quid discriminis comminiscuntur inter *monotheismum* et *henotheismum*, sed Plato in Philob. p. 15A scribere non potuit: περὶ τούτων τῶν ἐνάδων· recte μονάδας appellavit p. 56D.

Ibid. 15A: περὶ τῶν τοιούτων ἡ πολλὴ σπουδὴ μετὰ διαιρέσεως ἀμφισβήτησις γίγνεται. Inutilis glossa est ἀμφισβήτησις· frustra Stallbaumius obloquitur.

Ibid. 16A: εἴ τις ἔστι μηχανὴ τὴν τοιαύτην ταραχὴν εὐμενῶς πως ἀπελθεῖν. Requiritur transitivum verbum et reponam: παρελθεῖν.

Ibid. 19E: ἔδωκας εἰς ταῦθ' ἡμῖν σαυτόν, malim fere ἐπέδωκας, ut est p. 19C.

Ibid. 21B: εἰ χαίρεις ἢ μὴ χαίρεις ἀνάγκη δήπου σε ἀγνοεῖν. Bodleianus εἴη habet, quod manu ducit ad: εἴ τι χαίρεις. Sed Badhamus hoc iam vidit.

Ibid. 22C: οὐδὲ γὰρ ὁ σὸς νοῦς ἔστι τὰγαθόν. Libenter expungam id quod est νοῦς et locum si inspexeris, videbis cur ita sentiam; sed plus proderit eadem correctio p. 64A: ἄρ' οὐκ ἐμφρόνως ταῦτα καὶ ἐχόντως ἑαυτὸν [τὸν νοῦν] φήσομεν ὑπὲρ ἑαυτοῦ ἀποκρίνασθαι; nam additum nomen loci elegantiam pessumdat. Recte p. 28B: σεμνύνεις τὸν σεαυτοῦ θεόν.

Ibid. 23D: ἐγὼ γελοῖός τις ἱκανῶς κατ' εἶδη διισᾷς (ἀεὶ) καὶ διαριθμούμενος. Supplevi id quod vides; recurrit idem mendum Legg. II p. 660B: ὑφ' ἡδονῶν πολλοῦ δεουσῶν τῶν αὐτῶν εἶναι (ἀεὶ) καὶ κατὰ ταῦτά.

Ibid. 26 B: ἡ θεὸς νόμον καὶ τάξιν πέρας ἔχοντ' ἔθετο. In Bodleiano codice perperam legitur ἐχόντων· hinc suspicor veram lectionem esse: ἐν ἔθετο.

Ibid. 26 C. Aliquid excidit in hisce: τρίτον δ' οὐ κατέχω (πω) τί βούλει φράζειν. Sic pariter 49 C: ἡ μῆξις οὕτω μοι καταφανής.

Ibid. 28 C: ὄντως σε ἐγὼ σεμνύνων ἐν τῷ παίζειν ἐθορύβησα. Solet hoc Plato προσπαίζειν appellare. Rival. 134 E: προσπαίζων αὐτοὺς ἡρόμην. Euthyd. 278 B: Φημί ἐγὼ σοι τούτους προσπαίζειν et brevi post προσπαίζειν τοῖς ἀνθρώποις. Euthyd. 285 A: προσέπαιζον τὸν Κτήσιππον. Legg. X 885 C: προσπαίζοντας αὐτοὺς λέγειν μαντεύομαι. Epinom.: θεοὺς προσπαίσαντι τελευτῆς ἀρίστης τυχεῖν. Phaedr. 262 D: ὡς ἂν προσπαίζων ἐν λόγοις παράγοι τοὺς ἀκούοντας. Denique Phaedr. 265 C: κεράσαντες μυθικόν τινα ὕμνον προσεπαίσαμεν μετρίως τὸν Ἑρωτα, de quo loco Stallbaumium confer. Ceterum Badhamo spuria sunt verba ἐν τῷ παίζειν.

Ibid. 29 D: ταῦτα εἰς ἐν συγκείμενα ἰδόντες ἐπωνομάσαμεν σῶμα. Paulo magis ex Platonis consuetudine dictum erit perfectum ἐπωνομάκαμεν. Cf. Tim. 37 D: ὃν δὴ χρόνον ὠνομάκαμεν, ubi praestat singularis ὠνόμακεν. Tim. 49 C: ὁ νῦν ὕδωρ ὠνομάκαμεν. Tim. 60 D: κέραμον ἐπωνομάκαμεν. Tim. 63 D: κοῦφον αὐτὸ προσειρήκαμεν. Tim. 39 B: ὁ δὴ νῦν κεκλήκαμεν, sed satis est exemplorum.

Ibid. 37 E: ἂν λύπην ἀμαρτάνουσιν ἐφωρῶμεν. Mire dictum; quidni ἐφεύρωμεν? Minus certe placet Badhami inventum: φωρῶμεν.

Ibid. 43 A: αἰεὶ γὰρ ἅπαντα ἄνω τε καὶ κάτω βεῖ. Ex sapientum sententia hoc Socrates perhibet, unde necessario scribendum: βεῖν.

Ibid. 51 C: εἴ μου μανθάνεις. Immo: εἴ που.

Ibid. 58 C: τίς τέχνη πασῶν διαφέρει τῷ μεγίστη καὶ ἀρίστη

καὶ πλεῖστα ὠφελοῦσα ἡμᾶς; Stallbaumius omnem lapidem movet ut hanc orationis scabritiem excuset: quantillum erat reponere: τῷ μεγίστη καὶ ἀρίστη εἶναι atque hoc modo recte addetur participium ὠφελοῦσα. Secundum Badhamum spuria sunt verba διαφέρει τῷ· utra ratio praestat?

## AD SYMPOSIUM.

P. 173 D: ἀεὶ ὅμοιος εἶ, ὦ Ἀπολλόδωρε. Qui hic loquitur Apollodori sodalis, exclamabat credo: (ὦς) ἀεὶ ὅμοιος εἶ. Homerus: ὡς αἰεὶ τὸν ὁμοῖον ἄγει θεὸς εἰς τὸν ὁμοῖον. Eundem versiculum in mente Plato habuit Symp. 195 B et Lysid. 214 A.

Ibid. 173 D. Sodalis sunt ad Apollodorum verba: ὁπόθεν ποτὲ ταύτην τὴν ἐπανυμίαν ἔλαβες, τὸ μανικὸς καλεῖσθαι, οὐκ οἶδα ἔγωγε. Omnium primum quaeritur unde hoc cognomentum Apollodoro obvenerit et qua indole fuerint quos Athenienses μανικούς appellarent. Sed hoc quidem apparet, nam ipse satis aperte de se ipso: ὅταν μὲν τινὰς περὶ φιλοσοφίας λόγους ἢ αὐτὸς ποιῶμαι ἢ ἄλλων ἀκούω, χωρὶς τοῦ οἶσθαι ὠφελεῖσθαι ὑπερφυῶς ὡς χαίρω· ὅταν δὲ ἄλλους τινὰς ἄλλως τε καὶ τοὺς ὑμετέρους τοὺς τῶν πλουσίων καὶ χρηματιστικῶν, αὐτὸς τε ἄχθομαι ὑμᾶς τε ἐλεῶ, ὅτι οἴεσθε τι ποιεῖν οὐδὲν ποιοῦντες. καὶ ἴσως αὖ ὑμεῖς ἐμὲ ἡγεῖσθε κακοδαίμονα εἶναι, καὶ οἶμαι ὑμᾶς ἀληθῆ λέγειν· ἐγὼ μέντοι ὑμᾶς οὐκ οἶμαι ἀλλ' εὖ οἶδα. Graphice sane ac hominem mihi ante oculos repraesento: ipse quoque sodalis confirmat Apollodori de se iudicium: ἐν τοῖς λόγοις ἀεὶ τοιοῦτος εἶ· σαυτῷ τε καὶ τοῖς ἄλλοις ἀγριαίνεις πλὴν Σωκράτους, et post pauca: δῆλόν γε δῆ, ὅτι οὕτω διανοούμενος καὶ περὶ ἑμαυτοῦ καὶ περὶ ὑμῶν μαίνομαι καὶ παραπαίω. Fuse de eo Groenius egit p. 204 sqq.: „Quod insanus, μανικός, appellabatur, convitium illud in Apollodoro ita explicare oportet, ut, cum tristis semper ac morosus esset, et dolori languide obsequeretur, fabula factus sit. Multum enim, ut hoc verbum premendum sit, abesse, patet ex Theaeteto, p. 144 A, ubi homines acuti dicuntur ferri plerumque ὥσπερ τὰ ἀνερμάτιστα πλοῖα et esse μανικώτεροι ἢ ἀνδρείοτεροι. A verborum sensu aberrabit, qui mentis non compotes ibi arbitretur intelligendos. Item ex So-

phista, p. 216 C, Φιλόσοφοι . . . τότε μὲν πολιτικοὶ φαντάζονται, τότε δὲ σοφισταί, τότε δὲ ἐστὶν οἷς δόξαν παράσχοιντο ἂν ὡς παντάπασιν ἔχοντες μανικῶς. Nimirum ita populus solet notare, quos multum tribuere videt iis rebus eaque agere non mediocri alacritate, quorum vim et momentum non capiat ipse. Chaerephonti idem est titulus tributus, cum περιθερμος, calidus in agendo esset et . . . σφοδρὸς ἐφ' ὃ τι ὁρμήσειε, cf. Charmid. 153 B: Χαιρεφῶν ἄτε καὶ μανικὸς ὢν." Intelligere mihi videor qui Athenis hoc modo μανικοὶ dicti sint, nimirum ii qui Latine dicuntur *insani*; apertius tamen succurrit vernaculum nomen: *hartstoehtelijk*, cf. Rettig. p. 67.

Hisce igitur quantum satis est ac fieri potuit stabilitis, nova oritur difficultas; nempe sodalis miratur quod amicus ταύτην τὴν ἐπωνυμίαν ἔλαβε τὸ μανικὸς καλεῖσθαι. Non est admodum mirabile μανικόν τινα appellare μανικόν· non datur aptius cognomen quod Apollodoro tribui potuit. Itaque experiamur reliqua, nam nondum omnia exhausimus quae de Apollodoro nobis innotuerunt. Pergo sequi fidum ducem Groenium: „Animi propensione ad tristitiam ferebatur: et cum rideret popularium errores et vitia, ac doleret, animumque ingratis semper cogitationibus defixum recreare nollet, est eo tandem prolapsus, ut *mollius*, quam virum decet, quaevis lamentaretur. Itaque necesse erat, ut Socratem cum videret proximum morti, lacrimas effunderet multas: σχεδόν τι οὕτω διεκείμεθα, ποτὲ μὲν γελῶντες, ἐνίοτε δὲ δακρύοντες· εἷς δὲ ἡμῶν καὶ διαφερόντως Ἀπολλόδωρος· οἶσθα γὰρ πού τὸν ἄνδρα καὶ τὸν τρόπον αὐτοῦ· Phaed. p. 59 A. Imo clamores edidit: Ἀπολλόδωρος καὶ ἐν τῷ ἔμπροσθεν χρόνῳ οὐδὲν ἐπαύετο δακρύων, καὶ δὴ καὶ τότε ἀναβρυχσάμενος, κλάων καὶ ἀγανακτῶν οὐδὲν ὄντιν' οὐ κατέκλασε τῶν παρόντων." Talis igitur vir iis moribus quos quantum satis erat cognovimus, quum ad mollitiem nimis propensus animus videretur, non sane μανικός a popularibus dictus est, sed, haud satis scio iurene an iniuria, μαλακός. Noli dicere hanc temerariam coniecturam esse criticorum Batavorum omnia urentium secantium, nam hoc ipsum μαλακός, non μανικός, lectio est optimi Bodleiani codicis. Agnoscimus singulare acumen Cobeti adolescentis, qui haec posuit in Prosopogr. Xen. p. 63: „Non tamen in Epist. Socrat. XXI, ubi legitur Ἀπολλόδωρος ὁ μαλακὸς ἐπικαλούμενος,

assentiar Leoni Allatio et aliis *μανικὸς* reponentibus. Apprime enim illud cognomen in Apollodori indolem et mores convenit." Apparet quam sententiam pronunciaturus fuisset, si anno 1835 Bodleianam scripturam iam cognovisset.

Ibid. 175 D: ὥσπερ τὸ ἐν ταῖς κύλιξιν ὕδωρ τὸ διὰ τοῦ ἔριου ῥέον [ἐκ τῆς πληρεσέρας εἰς τὴν κενωτέραν]. Quae vocabula uncinis circumdedi, ex superioribus perperam et inutiliter iterata sunt.

Ibid. 177 E: εἰὰν οἱ πρόσθεν ἱκανῶς [καὶ καλῶς] εἴπωσιν. Facile est dittographiam agnoscere.

Ibid. 178 B: τεκμήριον δὲ τούτου· γονῆς γὰρ Ἔρωτος οὐτ' εἰσὶν οὔτε λέγονται. Dicendum hoc utique fuit sicuti cum alibi saepe dicitur tum p. 192 B, nempe: τεκμήριον δέ· τούτου γονῆς γὰρ κτέ. expuncto proprio nomine Ἔρωτος.

Ibid. 178 E: οὐκ ἔστιν ὅπως ἂν ἄμεινον οἰκήσειαν ἢ ἀπεχόμενοι πάντων τῶν αἰσχυρῶν. Coniunctio ἢ male abundat. Vulgatam tamen Hugius tuetur contra Schanzium.

Ibid. p. 179 D: μαλθακίζεσθαι ἐδόκει ἅτε ὦν καθαρθὸς καὶ οὐ τολμᾶν ἔνεκα τοῦ ἔρωτος ἀποθνήσκειν. Miror nondum correctum fuisse τολμῶν.

Ibid. 179 E de Orpheo legimus: ἐποίησαν τὸν θάνατον αὐτοῦ ὑπὸ γυναικῶν γενέσθαι. Mihi quidem inaudita locutio est et propemodum commendare ausim: ἐποίησαν ἔργον γενέσθαι γυναικῶν. Apud sequiores haec formula haud raro occurrit, quae significat: ἀπολέσθαι ὑπό τινος, quod multis exemplis docuit Wytttenbachius in *Biblioth. Crit.* X 15, sed origo fortasse a Platone repetenda est. Affine certe est quod apud Isocratē invenio XVI 40: ἔργον ἐποίησαντ' ἐκεῖνον ἀποκτεῖναι, de quo loco Cobetus dixit *Mnem.* 1858 p. 79.

Ibid. 179 E: Ἀχιλλεὺς ἐτίμησαν [καὶ εἰς μακάρων νήσους ἀπέπεμψαν], interpolata videntur verba quae uncinis inclusi,

nempe huc translata ex p. 180 B: Ἀχιλλέα τῆς Ἀλκίτιδος μαῖλλον ἐτίμησαν εἰς μακάρων νήσους ἀποπέμψαντες. In iis quae statim sequuntur: βοηθήσας τῷ ἑρατῇ Πατρόκλῃ, insiticiū est propriū Patrocli nomen.

Ibid. 186 A: καθεορακέναι μοι δοκῶ ἐκ [τῆς ἰατρικῆς] τῆς ἡμετέρας τέχνης. Omnes convivae satis norant quam artem Eryximachus profiteretur et vides quid suadeam. Ipse paulo post dicit: ἵνα καὶ πρεσβεύωμεν τὴν τέχνην, quo respicit Agatho p. 196 D: ἵνα αὐτὸ καὶ ἐγὼ τὴν ἡμετέραν τέχνην τιμήσω ὥσπερ Ἐρυξίμαχος, ubi τὴν ποιητικὴν nemo non expungeret, si codices praeberent. Nec quidquam addidit Socrates cum in initio Politici ad Theodorum diceret: κατὰ τὴν ἀναλογίαν τὴν τῆς ἡμετέρας τέχνης. In Gorgia p. 452 A: τί οὖν λέγεις; ἢ τὸ τῆς σῆς τέχνης ἔργον μέγιστόν ἐστιν ἀγαθόν; Πῶς γὰρ οὐ, Φαίη ἂν ἴσως, ὃ Σώκρατες, ὑγίεια; τί δ' ἐστὶ μείζον ἀγαθὸν ἀνθρώποις ὑγείας; Vidit, nisi fallit memoria, Heindorfius inducendum esse vocabulum ὑγίεια. In eodem dialogo p. 520 B: δι' ἄγνοίαν τὸ μὲν πάγκαλόν τι οἶε εἶναι, [τὴν ῥητορικὴν,] eadem fidelia opus est. In Theaeteto p. 161 E: τὸ δὲ δὴ ἐμὸν καὶ τῆς ἐμῆς τέχνης [τῆς μαθηματικῆς] σιγῶ, quod alibi fortasse ferri poterat, in Theaeteto non potest. Nunc mihi credi potest de interpolatione in Euthydemo p. 272 B: αὐτὸ γὰρ τοῦτω γέροντε ὄντι ἡρξάσθην ταύτης τῆς σοφίας ἧς ἐγὼ ἐπιθυμῶ, [τῆς ἐριστικῆς]. Sed hic habemus etiam aliud indicium expungendum esse nomen artis quam fratres profitebantur. Apud Platonem enim vocatur ea ἀντιλογική, cum ἐρισική non dicatur nisi cum aliqua irrisione et contemptu. Hinc in Philebo 17 A opponuntur inter se διαλεκτικῶς et ἐρισικῶς. In Theaeteto p. 197 A sunt ἀντιλογικοὶ ἄνδρες, qui homines alibi ἐρισικοὶ et ἀγωνιστικοὶ dicuntur, a quibus germani philosophi prorsus diversi sunt, ut 164 C. Huc quoque non inepte trahas Sophist. 225 B, sed imprimis luculentum testimonium ipse Plato dicet in Menone 80 E et 75 C. In Isocrate alia res est, nam apud eum ἔρις legitur pro dialectica et eodem modo usurpat ἐρίζειν et ἐρισικός, sicuti Nicocl. 53, 67, Panath. 29 C, alibi; vide Dobraei Advers. I p. 539. Sed ipsi ἐρισικοὶ volebant ἀντιλογικοὶ haberi, cf. Antidos. 45.

Ibid. 186 C: τοῖς μὲν ἀγαθοῖς καλὸν χαρίζεσθαι καὶ δεῖ καὶ τοῦτ' εἶναι ᾧ ὄνομα τὸ ἱατρικόν. Ludicrum vitium pro καὶ δὴ καί.

Ibid. 190 B: τὸ δ' ἀμφοτέρων μετέχον τῆς σελήνης· inutile pondus adhaeret: ὅτι καὶ ἡ σελήνη ἀμφοτέρων μετέχει. Sed Iahnus hoc iam vidit.

Ibid. 193 A: διωκίσθημεν ὑπὸ τοῦ θεοῦ, ὥσπερ Ἀρκάδες ὑπὸ Λακεδαιμονίων. Hic haereo, nam in eo argumento quod omnes novimus, quam stulta est cum Arcadibus comparatio; minus enim curo Mantineam διοικισθῆναι quindecim annis postquam Socrates cicutam bibisset, nam Plato ubique temporum notationes negligit. Fierine potest ut sciolus aliquid adscripserit de usu verbi διοικίζεσθαι, quod norat ex Xenoph. Hell. V 2. 7? Ceterum p. 182 B itidem sermo fit de Ionibus ὅσοι ὑπὸ βαρβάρους οἰκοῦσι, quasi dialogus haberi potuit post pacem Antalcideam.

Ibid. 190 E: τὸν Ἀπόλλω ἐκέλευε τό τε πρόσωπον μετασρέφειν καὶ τὸ τοῦ αὐχένος ἥμισυ πρὸς τὴν τομὴν, ἵνα θεώμενος τὴν αὐτοῦ τμήσιν κοσμιώτερος εἴη ὁ ἄνθρωπος. Post τομὴν parum eleganter τμήσιν appellat, sed *υποβιβλίσαι* Aristophanes dicere voluit: πρό-  
τμήσιν. Homer. Iliad. A 424:

Χερσὶ δάμαντα δ' ἔπειτα καθ' ἵππων αἶξαντα  
δουρὶ κατὰ πρότμησιν ὑπ' ἀσπίδος ὀμφαλοέσσης  
νύξεν.

Ibid. 191 E: τέως μὲν ἂν παῖδες ὦσιν. Lege: ἕως. In nota re verbum non addam.

Ibid. 192 E: ἐθέλω ὑμᾶς συντῆξαι καὶ συμφῦσαι εἰς τὸ αὐτό. Diligenter videndum an non praestet quod Bodleianus liber habet: συμφυσῆσαι. Contrarium vitium fortasse obtinet Legg. IV 708 D, cf. Cobet. *Mnem.* 1874 p. 260 et Rettig. ad nostrum locum p. 216. Item Cornar. ad quartum librum Legum.

Ibid. 193 C: εἰ τύχοι εἰς τὴν ἀρχαίαν ἀπελθὼν φύσιν. Nonne praestat cum Mehlero scribere ἐπανελθὼν?

Ibid. 193 E: Ἀγάθων γὰρ καὶ Σωκράτης λοιποί. Supplendum in fine μόνοι. Res pro semet ipsa loquitur. Cf. Rettig. p. 223.

Ibid. 195 E: ἤτινι ἂν σκληρὸν ἔθος ἐχούσῃ ἐντύχη, ἀπέρχεται, ἢ δ' ἂν μαλακὸν, οἰκίζεται. Legendum: ἐνοικίζεται.

Ibid. 195 E: ἐν μαλακωτάτοις τῶν μαλακωτάτων. Nimium hoc quidem est; rescribam: μαλακοῖς.

Ibid. 196 C: εἴ δ' ἤττους, κρατοῖντ' ἂν ὑπ' Ἑρωτος, ὁ δὲ κρατοῖ. Longum est integrum locum describere, ut appareat quam necessarium sit cum Stobaeo praeferre indicativum: κρατεῖ.

Ibid. 196 D: οὐ γὰρ ἔχει Ἑρωτα Ἀρης ἀλλ' Ἑρως Ἀρη Ἀφροδίτης. Abundat Veneris nomen, nonne?

Ibid. 198 C: οὐχ οἶδ' εἶσομαι οὐδ' ἐγγὺς τούτων οὐδὲν καλὸν εἰπεῖν. Languet additum illud: οὐδὲν καλόν.

Ibid. 198 C: ἀτεχνῶς τὸ τοῦ Ὀμήρου ἐπεπόνθη· ἐφοβούμεν μή μοι τελευτῶν Γοργίου κεφαλὴν . . . . πέμψας αὐτόν με λίθον τῇ Ἀφρονίᾳ ποιήσεις. Qui Γοργίου rescripsit, Socratis iocum optime intellexit, sed quanto salsius erit: Γοργεῖην! Deinde displicet ἀσυνδέτως dici ἐπεπόνθη· ἐφοβούμεν· nimirum prius verbum eliminandum est. Vide prorsus eandem corruptelam Rep. VII 516 D, unde necessario paulo plura describenda erunt: δοκεῖς ἂν αὐτὸν ἐπιθυμητικῶς αὐτῶν ἔχειν — ἢ τὸ τοῦ Ὀμήρου ἂν πεπονθέναι καὶ σφόδρα βούλεσθαι ἐπάρουρον ἔοντα θητευέμεν ἄλλω ἀνδρὶ παρ' ἀκλήρῳ καὶ ὁτιοῦν ἂν πεπονθέναι μᾶλλον ἢ ἐκεῖνά τε δοξάζειν καὶ ἐκείνως ζῆν; Ipse vides quid eiiciendum sit; etenim librarium non fuisse recordatum, quomodo usurpari soleat illud τὸ τοῦ Ὀμήρου. Eadem interpolatio in sequentibus statim recurrit: οὕτως, ἔφη, ἔγωγε οἶμαι πᾶν μᾶλλον πεπονθέναι ἂν δέξασθαι ἢ ζῆν ἐκείνως.

Ibid. 199 C: Ἀλλὰ παρήμι, Φάναι τὸν Φαῖδρον, ἀλλ' ἐρώτα. Duobus punctis addidis, scriba Bodleianus, ut mihi videtur, voluit indicare non Phaedrum, sed Agathonem iussisse: ἀλλ' ἐρώτα.

Ibid. 203 B: ἐπιβουλεύουσα παιδίον ποιήσασθαι ἐκ τοῦ Πόρου. Improperie hoc dictum pro: παιδοποιήσασθαι. Hic miror quod Hugius mihi obloquitur.

Ibid. 205 B: οὐ πάντας ἐρᾶν Φαμεν, εἴπερ γε πάντες τῶν αὐτῶν ἐρῶσι καὶ ἀεὶ; Itane? Num omnes omnino eadem adamant? Ληρεῖ bona Diotima; sed contuli p. 207 A: εἴπερ τοῦ ἀγαθοῦ αὐτῷ εἶναι ἀεὶ ἔρως ἐστίν et p. 205 D: πᾶσα ἡ τῶν ἀγαθῶν ἐπιθυμία et rescribendum arbitror: πάντες τῶν ἀγαθῶν ἐρῶσι καὶ ἀεὶ. Prorsus idem vitium deturpat Dionys. Halic. Antiqq. XIV 20: πολλὴν ἀφθονίαν ἀπάντων αὐτῶν ἀνήσει· vide modo sequens caput: τῶν πάντων ἔστιν ἀγαθῶν χρῆμα κάλλιστον.

Ibid. 205 C. Quod Bekkerus pro ἤδη correxit, ut esset ἡ δ' ἤ, id inde ab Buttmanno fuere qui improbarent et Ludwichi in *Museo Rhenano* 1886 p. 445 itidem assensum cohibuit. Nempe mirantur viri docti quod non nisi unicum illius ἡ δ' ἤ exemplum aetatem tulit; exstat tamen alterum apud Cratinum, Athen. X 446 B:

τῇ νυν τόδε πῖθι λαβών, ἡ δ' ἤ, καὶ τοῦνομα μ' εὐθύς ἐρωτᾷ. Nam sic locum emendavi et explanare conatus sum *Mnem.* 1880 p. 25. Nempe de Circe narrat Ulysses et poeta, quod ex reliquis fragmentis liquido apparet, immutavit rerum ordinem, qui apud Homerum est.

Ibid. 206 B: μαντείας δεῖται ὃ τι ποτε λέγεις [καὶ οὐ μανθάνω]. Vides quid suadeam. Cf. *Cratyl.* 384 A. Tricatur Rettigius p. 282.

Ibid. 206 C: ἐπειδὴν ἐν τινὶ ἡλικίᾳ γένωνται. Satis est dicere: ἐν ἡλικίᾳ. Cf. *Gorg.* 484 C.

Ibid. 205 D: πᾶσα ἡ τῶν ἀγαθῶν ἐπιθυμία καὶ τοῦ εὐδαιμονεῖν, ὃ μέγιστός τε καὶ δολεροῦς ἔρως παντί. Madvigius post alios p. 396 rectissime vidit δολεροῦς appellationem hinc alienam esse itaque correxit ὀλόκληρος, quod mihi quidem non magno opere arridet. Equidem incidi in κερδαλέος. Vide plura apud Hugium qui mihi tamen non persuasit.

Ibid. 207C: τὰ δὲ θηρία τίς αἰτία οὕτως ἐρωτικῶς διατίθεται. Prorsus otiosum est adverbium ἐρωτικῶς.

Contra 209A necessaria vocula excidit in hisce: εἰσί γὰρ οἱ ἐν ταῖς ψυχαῖς κυοῦσιν ἐτι μᾶλλον ἢ (αἱ) ἐν τοῖς σώμασιν.

Ibid. 209D. De priscis poetis sermo fit, οἷα ἔκγονα ἑαυτῶν καταλείπουσιν. Nonne requiritur καταλελοίπασιν?

Ibid. 210A: οὐκ οἶδ' εἰ οἶός τ' ἂν εἴης. Moris est vocula transposita ita dicere: οὐκ οἶδ' ἂν εἰ οἶός τ' εἴης eumque locum addas velim copiis quas Cobetus post Elmsleium et Stallbaumium conguessit *Mnem.* 1858 p. 126. Nec magis Cobetus eam locutionem sedulo investigans, ut ipse ait, animum attendit Alcib. I p. 114B: οὐκ οἶδα εἰ οἶός τ' ἂν εἴην. Alibi dixerim εἰ et ἂν particulas recte copulari: Cratyl. 398E: οὐδ' εἴ τι οἶός τ' ἂν εἴην εὐρεῖν, οὐ συντείνω. Theaet. 170C: σκόπει εἰ ἐθέλοι ἂν τις διαμάχεσθαι. Lach. 200D: ὅρα εἴ τι σοῦ ἂν μᾶλλον ὑπακούοι, ubi obiter dativum σοι redde Platoni. Denique Rep. III 441C: μηδὲν καινὸν, ἐφ' ἡμῶν οὐ γεγονὸς οὐδ' οἶδ' εἰ γενόμενον ἂν· sed horum locorum diversa ratio est. Dignus est quem conferas Buttmannus ad Menonem p. 66.

Ibid. 211B: αὐτὸ καθ' αὐτό. Inepte abundat quod adscriptum est: μεθ' αὐτοῦ. Frequentes omnino errores sunt in ea locutione.

Ibid. 212C: ἐξαίφνης τὴν αὔλειον θύραν κρουμένην πολλὴν ψόφον παρασχεῖν ὥς κωμασῶν. Hic viri docti vitium odorati sunt, sed nondum successit emendatio: nempe legendum est: ὥς (ὑπὸ) κωμασῶν. Ab nostris moribus res aliena est, sed sic solebant comissabundi iuvenes protervi ictibus crebris quatere amicorum et amicarum ianuas et fenestras. Usus sum, uti vides, Horatianis verbis; ante tamen odarium totum relegi et in Bentleii adnotationibus me advertit Meleagri Epigramma:

Νῦξ μακρὴ καὶ χεῖμα —

ἀγὼ πρὸ προβύροις νείσσομαι ὑμέτους.

Primum leve sane est πρὸς προβύροις corrigere: deinde Bentleyus contendit recte scribi νείσσομαι vel νίσσομαι, cum Scaliger νάσ-

σομαι, Theodorus autem Marcilius κείσομαι perperam substituerint; perhibet enim νίσσομαι significare: *ambulo, versor ante fores*, quod si probabitur, certe πρὸς προθύροις scribi non poterit et aliud erit remedium quaerendum ne praepositio cum tertio casu iungatur. Sed salva res; emenda: πρὸς προθύροις λίσσομαι.

Ibid. 213 B: Σωκράτης οὗτος ἐλλοχῶν αὖ με ἐνταῦθα κατέκεισο; Soloecum est Σωκράτης οὗτος, nonne? Itaque mecum dele proprium nomen. Itidem vitiosum est Σωκράτης οὗτος p. 175 A.

Ibid. 215 C: ἂ γὰρ Ὀλυμπος ἡϋλει, Μαρσύου λέγω τοῦτου διδάξαντος. Commendare ausim: τοῦ διδάξαντος.

Ibid. 215 D: εἶπον δμόσας ἂν ὑμῖν οἶα δὴ πέπονθα. Longe malim: ἐπομόσας, sed ipse ultro concedo hoc non esse certissimum.

Ibid. 206 E: διὰ τὸ μεγάλης ὀδίνος ἀπολύειν τὸν ἔχοντα. Bodleianus codex habet ἀπολαύειν, quod potius ducit ad ἀποπαύειν.

Ibid. 212: Alcibiadis verba sunt: νῦν δὲ ἤκω [ἐπὶ τῇ κεφαλῇ ἔχων τὰς ταινίας], ἴν' ἀπὸ τῆς ἐμῆς κεφαλῆς τὴν τοῦ σοφωτάτου κεφαλὴν ἀναδήσω. Probabiliter inducenda sunt vocabula quae notavi, desumta, uti apparet, ex iis quae proxime praecedunt: Ἀλκιβιάδην ταινίας ἔχοντα ἐπὶ τῇ κεφαλῇ πάνυ πολλάς, de quibus verbis aliam movit dubitationem Herwerdenus in *Lectt. Rheno-Trai.* p. 52.

Ibid. 213 E: Φερέτω Ἀγάθων εἴ τι ἐστὶν ἐκπωμα. Est de his verbis Cobeti adnotatio *Mnem.* 1854 p. 318: „Rustici est dicere Φερέτω Ἀγάθων· servile hoc ministerium est et multi servuli adstabant: deinde satis imperiosum est Φερέτω Ἀγάθων· utrumque vitium ab Alcibiadis et Agathonis persona alienum est.” Hucusque vere, sed pergit Cobetus et reponit: ἀλλὰ Φέρετ', ὃ Ἀγάθων· festinanter, credo, nam illud Φέρετε minime huc quadrat. Verum est in medio positum: ἀλλὰ Φερέτω, ὃ Ἀγάθων,

εἴ τι ἐστὶν ἔκπωμα μέγα. Φερέτω· nempe unus ex servulis qui adstabant.

Ibid. 214 A: πῶς οὖν ποιοῦμεν; Nonne praestat coniunctivus ποιοῦμεν? Certe post breve intervallum recte ita scribitur.

Ibid. 214 B: ὃ Ἐρυξιμάχῃ βέλτισε βελτίστου πατρὸς καὶ σωφρονεστάτου. Hic abesse malim proprium Eryximachi nomen.

Ibid. 215 E. Supplebo: ὁρῶ δὲ καὶ ἄλλους πολλοὺς ταῦτὰ (ταῦτα) πάσχοντας.

Ibid. 217 C. Itidem aliquid deest: συνεγυμναζόμεν ὥς τι ἐν ταῦθ' (γε) περανῶν.

Ibid. 218 B: πύλας πάνυ μεγάλας τοῖς ὧσιν ἐπίθεσθε. Hoc numquam concoquere potui, nec πύλαι πάνυ μεγάλαι decebunt, nisi quis forte asininas aures habeat. Nulla erit offensio si Alcibiades ludicre πύλας παμμεγέλας appellaverit. Cf. *Mnem.* 1876 p. 342. Amat Plato eiusmodi composita: habet Symp. 223 B: κωμασὰς παμπόλλους, p. 223 B: πίνειν πάμπολυν οἶνον, p. 217 A: θεῖα καὶ χρυσᾶ καὶ πάγκαλα καὶ θαυμασά, Phaedr. 217 A: δοκεῖ δὲ τοῦτο πάμμεγα εἶναι, vide Theaet. 181 B: παμπαλαίους καὶ πασσόφους ἄνδρας, uti et p. 149 D, unde fortasse corrigendum p. 194 E. Parmen. 164 D invenitur παμμέγεθες, Epist. VIII 354 E πάγκακον, Rep. VII 540 C παγκάλως. Noli credere perinde fere esse utro modo scribas, nam interest aliquid ac multum quidem. Duo potissimum loci hoc tironi monstrare poterunt: Phileb. 16 C: δηλῶσαι μὲν οὐ πάνυ χαλεπὸν, χρῆσθαι δὲ παγχαλεπόν et Legg. VIII 829 A: τούτοις δὲ τὸ μὲν οὐ πάνυ χαλεπὸν, τοῦ δὲ μὴ ἀδικεῖσθαι κτήσασθαι δύναμιν παγχαλεπόν. Nec vero, ut hoc utar, ταῦροι παμμέλανες vel πάλλευκοι, dici possunt πάνυ μέλανες vel πάνυ λευκοί· hoc facile sentitur. Itaque *Mnem.* 1880 p. 344 Cobetus rectissime correxit πάμπολυ pro πάνυ πολὺ Protag. 349 D et 359 A. Eadem medicina, *Mnem.* 1883 p. 11, sanavit Theag. p. 128 A, nec tamen attendit ad p. 130 E, ubi propter p. 130 A itidem πάμπολυ ἐπιδώσεις restituendum est. Praeterea Sophist. 248 B: ὃ

πανάρισοι malo quam ὁ πάντων ἄριστοι. Phaed. 87 A: δοκεῖ γάρ μοι πᾶσι τοῦτοις πάνυ πολὺ διαφέρειν· lege: πᾶμπολου. Politic. 300 E: μιμοῖντο μέντοι πᾶν κακῶς· lege: παγκάκως. Phileb. 27 E corrige πανάγαθον, coll. Prolegom. ad Photium p. 116. Denique, ut tandem ad Symposion redeam, p. 222 B: οὐκ ἐμὲ μόνον ταῦτα πεποίηκεν ἀλλὰ καὶ ἄλλους πάνυ πολλούς, praestabit παμπόλλους. Nihil est ab omni parte beatum: id quomodo Graece dicendum est? Credo: οὐδὲν πανάγαθον, nam πάνυ ἀγαθὰ multa sunt.

Ibid. 219 E: στρατεία ἡμῖν ἐγένετο κοινή. Malo fere: κοινῇ.

Ibid. 220 A: τὰς τοῦ χειμῶνος καρτερήσεις· δεινοὶ γὰρ αὐτόθι χειμῶνες. Ultimum vocabulum expunge.

(Continuabuntur).

#### AD ILIAD. H VS. 195—199.

Hos versus Zen. Aristoph. Arist. damnaverunt. v Wilamowitz (Hom. Untersuch. p. 244 in ann. 4) vs. 195 retinendum censet. A commilitonibus petere Aiace[m] ut pro se precentur submissa voce, ne audiant Troiani et malis verbis irritas preces faciant, alienum non censet; hoc alienum deinceps heroem mutata mente suis viribus gloriari, deorum auxilium spernere.

Vürtheim (De Aiakis origine, cultu, patria p. 27 sq.) cum Wilamowitzio facit; vs. 196 etiam propterea servari non posse putat, quod post verba ἡὲ καὶ ἀμφαδίην non debuerit sequi id quod nunc sequitur ἐπεὶ οὐ τίνα δέδιμεν ἔμπης, sed huiusmodi aliquid: „ἐπεὶ Διὸς οὐκ ἀλεγίζω”.

Facile assentirer verba οὐ τίνα δέδιμεν ἔμπης aptum sensum non praeberē, si cum aliis interpretibus verbum δέδιμεν ad Aiace[m] solum referrem. Sed simul id referendum puto ad socios quos pro se precari vult, idque non intellexisse eum, qui vss. 197—199 addidit. Hos vss. solos interpolatos censeo. Verba „cum omnino neminem mutuamus”, si ita interpretaris ut significant: „cum minime metuamus ne hostes sive precibus contrariis sive incantamentis nostras valeant preces irritas reddere”, nihil habet vs. 196 quod offendant, imo nativa quadam venustate non caret.

ΜΑΤΤΗ. V.

# APULEIANA.

SCRIPSIT

C. BRAKMAN I. F.

(Continuantur ex Vol. XXXV pag. 113).



Pergam observationes criticas ad Apulei opera pertinentes facere atque *δησιότηας* <sup>1)</sup>, quae editores fugisse videntur, enumerare. Et primum quidem scripturus sum de Floridis, quorum editionem anno MCM. in aedibus Teubneri J. v. d. Vliet in lucem emisit. Sed illam codicum Fφ partem, quae Florida continet, Florentiae propter angustias temporis conferre non potui. Liber autem manu scriptus IV G. 55, quem Neapoli inspexi et pro parte contuli, ad textum constituendum vix quicquam novi affert.

145, 11 parua haec quippe et quamquam paucis percontantibus adorata, *<plerisque>* tamen ignorantibus transcurra.

Editor Batavus inseruit *plerisque*, equidem sequor Rohdium addentem *plurimis*, cui favent haec exempla: Florid. cap. 17 pg. 178, 23 sed nequeo, quin ex plurimis, quae in te meritissimo admiramur, ex his plurimis quin uel paucissima attingam; Apol. c. 40 (ed. Helm 46, 10; v. d. Vliet 52, 8) ut sane sunt plurima cum in aliis omnibus rebus eodem naturae munere in-

---

1) Investigare locos, quos Apuleius ex antiquioribus poetis solutaeque orationis scriptoribus desumpsit, quantum conferat ad melius cognoscendum Apulei genus dicendi, simul quam magni momenti esse possit ad veras lectiones aut inveniendas aut confirmandas luculente demonstravit P. Thomas v. c. in aureis libellis, quibus est titulus: *Remarques critiques sur les œuvres philosophiques d'Apulée* (Bruxelles, Hayez 1898—1905). Hoc imprimis cadit in illud opusculum (*„Quatrième Série”*), quod prodiiit anno millesimo nongentesimo ipso: illa enim pars tota versatur in ratione, quae intercedit inter Lucretium et Apuleium.

terspersa atque interminata, tum etiam nonnulla in piscibus; de deo Socr. c. 3 (Goldb. 7, 11) hos namque cunctos deos in sublimi aetheris vertice locatos, ab humana contagione procul discretos plurimi sed non rite venerantur, omnes sed inscie metuunt, pauci sed inpie diffitentur.

146, 13 ac si ad oculos et obtutum istum terrenum *redigas* et hebetem, profecto uerissime poeta egregius dixit, uelut nebulam nobis ob oculos effusam, nec cernere nos nisi intra lapidis iactum ualere.

Coll. (155, 9) meum uero unumquodque dictum acriter examinatis, sedulo pensiculatis, ad limam et lineam certam *redigitis*, potius scribere uelis: si ad oculos et obtutum istum terrenum <res> redigas e. q. s. quam ἀπὸ κοινοῦ subaudias cum Oudendorpio *nos*. Rohde maluit <cuncta> redigas.

Pro Oudendorpio certe non pugnat De Plat. et eius dogm. 1, 7 (Goldb. 68, 23) haec e plurimis elementis ad unum reducta esse.

146, 16 aquila enimvero cum se nubium tenus altissime sublimauit . . . . . (147, 5) quaerit quorsus potissimum in praedam superne sese ruat fulminis uicem . . . cernens unde rostro transfodiat, unde unguibus inuncet uel agnum incuriosum uel leporem meticulosum e. q. s.

Rhetorice augendo Apuleius imaginem, quam Homerus uividis coloribus nobis expinxit, languidiorem reddidit; componas modo Iliad. XXII 308:

ῥῆμῃσεν δὲ γαλεῖς ὥς τ' αἰετὸς ὑψιπετής,  
ὅς τ' εἴσιν πεδίονδε διὰ νεφέων ἑρεβενῶν  
ἄρπάζων ἢ γάρν' ἀμαλὴν ἢ πτώκα λαγῶν.

148, 16 laudans sese quod erat et coma relacinus et barba squalidus et pectore hirsutus et arte *tidicen* et fortuna egenus: contra Apollinem — ridiculum dictu — aduersis uirtutibus culpabat, quod Apollo <sup>1)</sup> esset et coma intonsus et genis gratus et corpore glabellus et arte multiscius et fortuna opulentus.

1) Nolim cum editore nostro *Apollo* secludere; cf. Helm Philol. Suppl. IX (1904) pg. 516.

Exscripsi totum locum ut dilucide appareret, quam parum apte substantivum *tibicen*, si genuinum esset, poneretur inter adiectiva in *-us* exeuntia. Porro unusquisque intellegit, quam male *tibicen* et *multiscius*, quam optime cetera adiectiva inter se opponantur. Itaque mireris, cur peritissimus verborum artifex non dederit *unimodus* ac profecto fieri potest, ut *tibicen* superscriptum vel in margine adscriptum in textum irrepserit ipsiusque auctoris manum expulerit. Illud certe vocabulum scriptor Madaurensis agnoscit: de Plat. et eius dogm. II, 5 (Goldb. 84, 10) *unimodam* vero esse virtutem, quod bonum suapte natura adminiculo non indiget, perfectum autem quod sit, solitudine debet esse contentum. Prudentius, qui interdum ab Apuleio verba mutuatus est, semel id adhibet in *Psychomachia* (vs. 767)

Sic quicquid gerimus mentisque et corporis actu,  
Spiritus unimodis texat compagibus unus.

At *omnimodus* occurrit Metam. V, 25 (VI. 112, 29) tunc forte Pan deus rusticus iuxta supercilium amnis sedebat complexus Echo montanam deam eamque uoculas *omnimodas* edocens recinere. Haec vox lepide circumscribitur Flor. c. 13 (163, 1) sed enim philosophi ratio et oratio tempore iugis est et auditu uenerabilis et intellectu utilis et modo omnica<sup>1</sup>).

Adverbium *omnimodis*, quod Apuleius Lucretio debet, praebet proxima pagina (149, 16): *Tibicen* quidam fuit Antigenidas, omnis uoculae melleus modulator et idem *omnimodis* peritus modifier.

*Multimodus*<sup>2</sup>) denique legitur de Plat. I, 7 (Goldb. 68, 19) quarum substantia multimoda potestatum coitione conficitur.

151, 2 nec (sc. aequè miror) quod apud illos immensi dracones cum immanibus elephantis pari periculo in mutuam perniciem concertant: quippe <hi> lubrico uolumine indepti reuinciunt e. q. s.

In rasura supplevit recentissimus editor *hi*, sed praestat fortasse scribere: quippe <qui> lubrico uolumine indepti reuinciunt

1) Addere possis Apol. c. 50 (H. 57, 3; VI. 64, 7) *omnimodis* maculationibus.

2) Valde miror Munronem ad Lucret. I 683 annotare: there is no adj. *omnimodus* or *multimodus*, any more than *omnigenus*.

e. q. s., nam *quippe qui* nonnumquam apud Apuleium vix differt a particula causali *quia* vel *quoniam* <sup>1)</sup>).

151, 9 sunt apud illos et uaria colentium genera. libentius enim de miraculis hominum quam naturae disseruerim. est apud illos genus, qui nihil amplius quam bubulcitare nouere e. q. s.

Nihil opus est particula causali, quam v. d. Vliet substituit pronomini *ego*, quod codices exhibent, neque cum Kruegero mutet quis verborum ordinem; habeatur modo illud enuntiatum: libentius *ego* de miraculis hominum quam naturae disseruerim, pro parenthesi, quae respicit verba (150, 23) non aequè miror e. q. s., quo pertinet etiam (151, 16) hos *ego* maxime admiror.

151, 18 non illi norunt *aruum* colere uel *aurum* colare.  
Similem paronomasiam deprehendimus Lucret. II 1153  
haud, ut opinor, enim mortalia saecula superne  
*aurea* de caelo demisit funis in *arua*.

152, 6 hic *alius* se commemorat inter duos arbitrum delectum, sanata similitate, reconciliata gratia, purgata suspicione amicos ex infensis reddidisse: itidem *alius* sese parentibus quaequam imperantibus oboedisse et *alius* aliquid meditatione sua repperisse uel alterius demonstratione didicisse: *denique ceteri commemorant*. qui nihil habet adferre cur prandeat, inpransus ad opus foras extruditur.

Post *alius* iteratum in tribus periodi membris, quae describunt bona facta adulescentium a magistris interrogatorum, mire languent verba: denique ceteri commemorant, quae nemo desiderat. Immo illis verbis, quae emblema olent, omittendis sententiam Apuleio dignam reddis. Animadvertendum est *commemorare* obiectum adsciscere solere, velut infra 157, 10 et 11; 174, 1 et 7; Apol. c. 20 (H. 24, 14; Vl. 29, 4) cet. de deo Socr. c. 13 (Goldb. 16, 21) cet. de Plat. I, 5 (Goldb. 67, 2) cet. Quo magis suspecta esse debent verba, quae ab Apuleio abiudicanda esse censui.

1) Cf. Apol. c. 20 (Vl. 29, 7) et Indic. pg. 139; praeterea Helm, Phil. l.c pg. 544.

153, 9 eo igitur omnium metu factum, solus Alexander ut ubique imaginum *similis* <sup>1)</sup> esset, utique omnibus statuīs et tabulis et toreumatibus <sup>1)</sup> idem uigor acerrimi bellatoris, idem ingenium maximi honoris . . . . cerneretur.

Pro librorum memoria *simus* v. d. Vliet Floridum secutus edidit *similis*, equidem conicio *simillimus* cf. 169, 3 exemplum eius rei paulo secus *simillimum* memorabo; de Philemone comico; Ammian. Marcell. XVI 1, 4 Traiani *simillimus* (sc. Iulianus); Verg. Georg. II 131 cet.

153, 22 quae enim facilior res quam linguae rabies et uilitas morum, alterum ex aliorum contemptu, alterum ex sui <natum>? nam uiliter semet ipsum colere sui contemptus est e. q. s.

Nonne statim ante *nam* excidit *natū* (= natum)? Mihi persuasit, fateor, sententia M. Caesaris epistolae ad Frontonem (Nab. 39, 9): Orationem qua causam nostram defendisti, Faustinae cum festum ostendam et agam gratias ei, quod mihi talis epistula tua legenda ex isto negotio nata est.

154, 17 qui meliores obtrectare malint quam imitari.

Cum his verbis facile unusquisque comparat, quod Apollodorus operibus suis inscripsit (Plut. de glor. Ath. 2; 346 A) *μωμῆσται τις μᾶλλον ἢ μιμῆσται*.

155, 9 meum uero unumquodque dictum acriter examinatis, sedulo pensiculatis, ad limam et lineam certam redigitis, cum torno et coturno uerum comprobatis.

Ecce altera sententia e Graeco scriptore hausta, nam procul dubio Apuleio ante oculos obuersabantur Aristophanis festiissimi versus (Ran. 797 sqq.).

*καὶ γὰρ ταλάντῳ μουσικὴ σταθμῆσται*

799 *καὶ κανόνας ἐξοίσουσι καὶ πήχεις ἐπὼν*

*καὶ πλαίσια ξύμπηκτα . . .*

*καὶ διαμέτρους καὶ σφῆνας. ὁ γὰρ Εὐριπίδης*

*κατ' ἔπος βασανιεῖν Φησι τὰς τραγωδίας.*

1) *toreumatis* est in cod. Neap. IV G. 55, qui *sum* (= summus) exhibet pro *simus*.

157, 4 habebat amictui pallium candidum, quod superne circumiecerat: id quoque pallium *comperior* ipsius laborem fuisse.

*Comperior* auctore Goldbachero v. d. Vliet recepit pro codicum scriptura *coptoris*, quae emendatio tantummodo incohata videtur, latet enim fortasse in extremo vocis corruptae *rhetoris*, cf. c. 20 (186, 15) rhetoris eloquentia.

158, 18 enim sic natura *comparatum est*, ut eum quem laudes etiam ames, porro quem ames etiam laudari te ab illo uelis.

Optimo iure pro librorum scriptura *comprobatum* v. d. Vliet cum Bosscha edidit *comparatum*, quae lectio confirmatur loco parallelo Sidonii Apollinaris (Epist. VII 2, 9) pariter et natura *comparatum est*, ut quibus impendimus studium, praestemus affectum.

160, 14 nec non quinque ceterae uagantium potestates: Iouis benefica . . . . Martis ignita.

Hic persuasum mihi habeo Apuleium meminisse <sup>1)</sup> Cic. Somn. Scip. § 17 deinde est hominum generi prosperus et salutaris ille fulgor, qui dicitur Iovis; tum rutilus horribilisque terris, quem Martium dicitis.

162, 1 (discit autem statim pullus . . .) dum facile os, uti *conformetur* e. q. s.

Iam inde ab Elmenhorstio edi solet *conformetur* pro librorum memoria *confirmetur*. Eodem modo emendatur Schol. Gronov. (Or. 441, 17) semper unusquisque, qui militiam ingreditur, legit aliena facta et ita *formatur* <sup>2)</sup> praeceptis.

163, 10 adeoque *eius* cupiebatur e. q. s.

Hic Graecismus satis defendi videtur Mil. Glor. 962

Qui ingenuis satis responsare nequeas, quae cupiunt tui.

---

1) Cf. P. Thomas (Quatrième Série 1900) pg. 3 Le philosophe de Madaure avait une vaste lecture et une mémoire excellente.

2) Leidensis exhibet *firmatur*; distinctionem correxit Stangl (Woch. f. kl. Phil. 1906. N° 14 pg. 390).

164, 18 ibi donarium deae *perquam* opulentum.

Etiam Apol. c. 63 (H. 71, 9; Vl. 79, 15) *perquam* impudenti mendacio, adverbium auget vim positivi; at Met. II, 7 (Vl. 27, 18) tucetum *perquam* sapidissimum, auget vim superlativi. Praeterea altero Metamorphoseon loco revocandum videtur, nempe III, 5 (Vl. 50, 24) unus denique et manu promptior et corpore uastior his adfatibus et ceteros incitabat 'heus, pueri, *perquam* maribus animis et uiribus alacribus dormientes adgrediamur e. q. s. Hic in F est: puer .. quam, at in  $\Phi$  pueri inquam, quo quam facile abierit lectio primaria nemo non perspicit.

165, 3 pone autem coma prolixior *interlucentem* ceruicem scapularum finibus obumbrat.

Idem participium habes Metam. XI, 6 (Vl. 256, 22) Acherontis tenebris *interlucentem*. Quod verbum haud scio an restituendum sit Metam. VII, 5 (Vl. 145, 20) tunc profectus et paululum commoratus ille producit immanem quendam iuuenem, uti fuerat pollicitus, nescio an ulli praesentium comparandum — sed plane centunculis disparibus et male consarcinatis semiamictum, inter quos pectus et uenter crustata crassitie *interlucebant*.

Hic codices exhibent *reluctabant*, quod v. d. Vliet et Bluemner mutare voluerunt in *relucebant*, Vollgraff in *relucitabant* <sup>1)</sup>.

Cum primo exemplo supra allato conferas quaeso: de deo Socr. c. 3 (Goldb. 8, 3) intellectum huius dei, id quoque interdum velut in artissimis tenebris rapidissimo coruscamine lumen candidum *intermicare*.

165, 15 quod interim canticum uidetur ore tereti semihiantibus in conatu labellis eliquare.

His verbis admonemur de Propertiano illo (Postg. III 29, 13; Luc. Muell. III 29, 5)

hic equidem Phoebo uisus mihi pulchrior ipso  
marmoreus tacita carmen hiare lyra.

166, 15 nec his artibus animi expletum mox Chaldaeos atque inde Brachmanos — hi sapientes uiri sunt <sup>2)</sup>: Indiae gens est — eorum ergo Brachmanum gymnosophistas adisse.

1) Cf. Mnemos. XXXII pg. 254.

2) v. d. Vliet addidit *illa*.

Hunc locum respicit Sidonius Apollinaris scribens Epist. VIII 3, 4 historiam flagitatum tunc recognoscere oportune competenterque, si cum Tyaneo nostro nunc ad Caucasum Indumque, nunc ad Aethiopum gymnosophistas Indorumque Bracmanas totus lectioni vacans et ipse quodammodo peregrinare.

168, 4 porro noster Plato nihil ab hac secta uel paululum deuius pythagorissat in plurimis: aequae et ipse in nomen eius <ut> a magistris meis adoptarer, utrumque meditationibus academicis didici, et, cum dicto opus est, impigre dicere, et, cum tacito opus est, libenter tacere.

In scriptura Langobardica *ut* potius excidisse videtur inter *eius* et *a* quam statim post *ipse*, ubi Kruegerum secutus v. d. Vliet coniunctionem inseruit.

Etiam infra (172, 24) edere velim: est enim tantus in studiis, prae nobilior <ut> sit proprio ingenio quam patricio consulatu. Non ita raro *ut* a primo enuntiati loco remouit Apuleius, velut supra (161, 19) imperium magistri ut persentiscat; Apol. c. 88 (H. 97, 2; VI. 106, 12) quippe ita placuerat, in suburbana uilla potius *ut* coniungeremur cet.

169, 15 nec eo minus et leno *periurus* et amator feruidus et seruulus callidus et amica illudens e. q. s.

Sunt qui nimio studio suffixorum symmetriae scriptori nostro falsas lectiones obtrudant sanasque sollicitent. Non est cur hic integrae scripturae *periurus* substituamus *perfidus*, praesertim cum Plaut. Capt. 57 (quem locum scilicet ipse editor citat) legatur: hic neque *periurus* leno est e. q. s..

In Rudente quoque ad Labracem, hominem eiusdem infamis generis spectant adiectiva (vs. 125)

ecquem tu hic hominem crispum, incanum videris,  
malum, *perieurum* <sup>1)</sup> e. q. s.

171, 18 et Philemonis ritu compelleret ante letum adire quam lectum, potius *implere fata* quam *fanda*.

Hic Apuleius Livium videtur imitari scribentem VIII 6, 11 placuit . . . . simul ut, si extis eadem, quae in somnio visa fuerant, portenderentur, alteruter consulum fata inpleret.

1) Cf. etiam Rud. 860, 722, 1875.

175, 9 igitur, quod difficile factu erat quodque re uera arduum non *<inmerito>* existimabatur: gratum esse populo, placere ordini, probari magistratibus et principibus; id .... iam quodammodo mihi obtigit.

*Non inmerito* post *re uera*, quod antecedit, satis languidum est, praeterea *inmerito* nisi perraro apud Apuleium non legitur. Expectaveris *non modice* vel simile quid. Illud certe commendat Apol. c. 23 (H. 27, 6; Vl. 31, 24) *modice* imminutum; ibid. c. 50 (H. 57, 15; Vl. 64, 19) *modice* angit; de deo Socr. c. 3 (Goldb. 8, 1) vel *modice* comprehendendi; de Plat. II, 3 (Goldb. 82, 19) *modice* temperatum.

175, 19 quin etiam tibi, nobilitas senatorum, claritudo ciuium, dignitas amicorum, mox ad dedicationem statuæ meae libro etiam conscripto plenius gratias *canam <tena>cique* libro mandabo, uti per omnis prouincias e. q. s.

*Gratias canam* nihil habet quod offendant, ut elucet ex hisce verbis (187, 3) *canit* enim Empedocles carmina, Plato dialogos, Socrates hymnos, Epicharmus modos, Xenophon historias, Xenocrates satiras et (172, 3) An non properandum mihi erat, ut pro eo honore uobis multas *gratias dicerem* e. q. s. Quamobrem non audio Novákium <sup>1)</sup> *gratias agam* proponentem. Verum cum illo viro doctissimo editoris coniecturam *tenaci* improbo. Quid reponendum erit? Equidem sumo primum similitudine litterarum *a* et *t* in scriptura Langobardica librarium esse lapsum, deinde *c* et *l* confudisse, ita ut dederit *canāciq*; pro *canātaliq*; Refinge ergo: plenius gratias *canam talique* libro mandabo e. q. s. Praefero *tali* vocabulo ei cl. 159, 26 ut medius fidius admirabilior esset in iuvene quam in te parta laus, nisi *eam* tu *talem* tradidisses; de deo Socr. c. 23 (Goldb. 26, 1) sat Euphroni ayo gloriae est, qui *talis* fuit, ut eius nepotem non puderet cet.

180, 8 sed uerum est profecto, qui *aiunt*, nihil quicquam homini tam prosperum diuinitus datum, quin ei tamen admixtum sit aliquid difficultatis.

Apuleius ipse nos monere videtur, ut scribamus cum Bosscha

1) Quaestiones Apuleianae, pg. 85. Praeterea Oudendorpio praeeunte Novák scribit *cique*, quam lectionem Helm quoque probavit (Philol. I. c. pg. 578).

aliisque *quod aiunt*. Invenimus enim Metam. II, 7 (VI. 27, 12): Haec mecum ipse disputans fores Milonis accedo et quod aiunt pedibus in sententiam meam uado; ibid. VII, 16 (VI. 153, 21): Talibus aerumnis edomitum nouis Fortuna saeua tradidit cruciatibus, scilicet ut, quod aiunt, domi forisque fortibus factis adoriae plenae gloriarer. Meminimus *qui et quod* compehndiose scripta saepe confundi.

Contra recte se habet Apol. c. 40 (H. 47, 6; VI. 53, 15) more hoc et instituto magistrorum meorum, *qui aiunt* hominem liberum et magnificum debere . . . . in primori fronte animum gestare.

182, 21 cui scilicet multo *tanta* praestat illa altera merces, quam Thalem memorant *suasisse*.

De *multo tanta* egi ad Metam. 238, 16 (cf. Vol. XXXV pg. 92); item praeter necessitatem editor scribit: Thali memorant suffecisse.

184, 3 qui (sc. Aesculapius) arcem nostrae Carthaginis indubitabili numine propitius *respicit*.

Si Apuleius re vera dedit *respicit* <sup>1)</sup>, in mente habuit, opinor, Carm. Saecul. vs. 65 si Palatinas videt aequas aras <sup>2)</sup> e. q. s.

188, 12 Crates ille Diogenis sectator, *qui* ut lar familiaris apud homines aetatis suae Athenis est: <ei> nulla domus unquam clausa erat, nec erat patris familias tam absconditum secretum, quin e. q. s.

Retinui *qui*, quod v. d. Vliet secluserat, sed *ei* statim post sententiam relativam inserui. Eiusmodi enim periodis Florida abundant, velut (152, 14) Alexandro illi, longe omnium excellentissimo regi, cui ex rebus actis . . . . *eius* igitur Alexandri e. q. s.; 150, 14 Indi, gens populosa cultoribus et finibus maxima . . . . eorum igitur Indorum e. q. s. <sup>3)</sup>. Primum locum *ei* obtinet etiam in apodosi huius sententiae: (148, 1) quod si quis uidebatur paulo largius in arte promouisse, *ei* quoque tamen mos fuit una tibia uelut una tuba personare, cet.

1) Cum ed. Romana v. d. Vliet recepit *respicit* pro *strepit*.

2) Alii malunt *arces*, quod fortasse Apuleius quoque in suo exemplari inuenerat.

3) De hac re in universum conferatur Helm l. c. pg. 518.

JOHANNIS JACOBI REISKII  
ANIMADVERSIONES AD ARRIANI ANABASIN

EDIDIT

A. G. ROOS.



Mense Februario anni 1907 Henricus Schenkl v. c., qui cognovisset me novam scriptorum Arriani editionem parare, Johannis Jacobi Reiskii ad huius auctoris Anabasin et Indicam adversaria partim a se partim a patre suo Carolo ex autographo Reiskiano, quod nunc Hauniae in Bibliotheca Regia servatur, olim descripta ultro mihi dono misit et liberalissime permisit ut iis uterer prout maxime e re videretur. Pro quo eximio beneficio viro ceteroquin de bonis litteris meritissimo etiam hoc loco gratias quam maximas ago. At paucis hebdomadibus antequam schedas Reiskianas accepi, prius volumen editionis meae Alexandri Magni expeditionem continens iam in lucem prodierat, quam ob rem et Schenklio et me invitis accidit ut in ea expolienda animadversionibus summi philologi uti non potuerim. Cum vero cognovissem eas bonae frugis plenas esse et dignas quae etiam nunc cum viris doctis communicarentur, a Mnemosynes nostratis rectoribus impetravi, ut ea saltem quae Reiskius ad Anabasin adnotavisset hic in lucem profferrem, elucubrationibus eius in Indicam, quam una cum ceteris Arriani scriptis minoribus et deperditorum fragmentis editurus sum, ad tempus sepositis. Non omnia tamen, sicut a Reiskii manu profecta essent, integra mihi edenda esse in animum induxi. Primum secludendae erant coniecturae iis locis

propositae, qui in veteribus editionibus depravati circumferebantur, nunc vero e codicibus melioribus, qui postea innotuerunt, in integrum restituti sunt. Lubet vero commemorare non minus sexaginta Anabaseos locis eum id ipsum reponi iussisse, quod iam e codicibus scimus Arrianum re vera scripsisse: spissa profecto emendationum messis, qua denuo egregium illud Reiskii acumen comprobatur. Deinde magnam partem eos locos seclusi a Reiskio minus feliciter tentatos, qui postea ab aliis evidentissime sanati sunt, et eas coniecturas, quas prorsus falsas esse mihi persuasi, postremo pericopas nonnunquam longiores, quibus auctoris verba explanavit vel latine vertit. In quo delectu faciendo eorum quae proferrem et quae silentio premerem in illam quam in hanc partem peccare malui, ita ut confidenter sperem nihil, quod etiam nunc scitu dignum sit, me omisisse. Emendationes easque non paucas, in quas post Reiskium alii viri docti incidissent, commemorandas esse putavi.

De Reiskii <sup>1)</sup> studiis Arrianeis pauca scimus. Anno 1738 cum viginti duos annos natus studiorum praecipue Arabicorum gratia Lipsia Lugdunum Batavorum peregrinaretur, Luneburgi Georgius Raphelius pastor ecclesiae Luneburgensis ei commenta sua in Arrianum tum nondum in lucem prolata ostendit <sup>2)</sup>. Leidae degens etiam Arriano operam navasse videtur, nam in epistola ad Valckenaerium d. 16 m. Iulii a. 1745 data de adversariis suis in nonnullos auctores Graecos edendis agens ita scribit: „caetera in Arrianum, Libanium et Themistium caeteros minorum gentium deos alii tempori reservabo” <sup>3)</sup>, quamquam fortasse hoc loco Arriani Epictetea in animo habuit <sup>4)</sup>. Editio Rapheliana tandem anno 1757 in lucem prolata Reiskio causa videtur fuisse

---

1) De eius vita ac scriptis copiose egit Ricardus Foerster in operis, cui titulus *Allgemeine Deutsche Biographie*, volumine XXVIII.

2) Cf. *D. Johann Jacob Reiskens von ihm selbst aufgesetzte Lebensbeschreibung* (Lipsiae 1788), p. 18: „Zu Lueneburg besuchte ich den Herrn Raphelius, der mir seine damals noch ungedruckte Arbeit ueber den Arrianus wies.” (vide etiam p. sequ. adn. 1.) Recensio Raphelii iam anno 1709 absoluta post eius mortem demum anno 1757 intercedente eius genero Conr. Arn. Schmidio Amstelaedami apud Weistonium prodiit, cf. Jacobi Wetstenii Praefatio ad hanc editionem p. x.

3) Cf. *Johann Jacob Reiske's Briefe herausgeg. von Richard Foerster* (Lipsiae 1897) p. 146.

4) Cf. *Briefe* p. 179 et 561.

cur denuo Arriani Anabasi et Indicae se applicaret <sup>1)</sup>, nam animadversionibus suis in hunc auctorem praescripsit: „Ad Arriani vitam Alexandri ex editione Wetsteniana cum commentariis Raphellii, coeptae d. 21 Julii 1757.” Intra sex hebdomadam spatium iis ad finem perductis hanc subscriptionem addidit: „absolvi adspirante deo d. 29 Aug. 1757. Indica tantummodo semel ad hoc diei legi, et satis quidem ἡμελημένως. Quare necesse est ut in eo libello multa corrupta praeterierim intacta. Reliquos septem libros superiores maiore cura et ter vel quater perlegi.”

Quae commenta edere per iniquitatem temporum ei non licuit. Cum enim inde ab anno 1757 ad 1766 Animadversionum ad auctores graecos partes quinque suo sumtu magno cum rei suae detrimento in lucem emisisset, quominus cetera multa quae excogitasset, inter quae etiam Arrianea, publicaret inopia impedivit. Quanti autem adversaria sua fecerit et quam vehementer speraverit fore ut saltem post mortem suam prodirent, multis et epistularum et vitae enarrationis locis diserte professus est <sup>2)</sup>. Cum anno 1774 e vita excessisset, manuscripta eius inedita Hauniam in bibliothecam Suhmianam, deinde in Bibliothecam Regiam deveniunt.

Sequuntur nunc Reiskii animadversiones in Arriani Anabasin, ita editae ut supra edisserui. Lemmata pleraque addidi vel ampliavi, praeterea in paginarum calcibus pauca, praesertim si qua coniectura post Reiskium ab alio quodam proposita esset, adnotavi. Ad singulos locos indicandos Reiskius paginas et ver-

1) In epistola d. 26 m. Maii a. 1754 Lipsiae ad Joh. Steph. Bernard Amstelodamensem data ita scribit: „Arriani libros de Exped. Alex. M. cum Raphellii commentario excudi non illibenter audio. Vidi illum commentarium penes ipsum auctorem ante 16 annos Luneburgi, credoque bonae fragis in suo genere, quamvis non critici gustus sit, esse. Bene callebat ille vir Graece, et erat sedulus in exponendis verborum et phrasium viribus atque significationibus.” *Briefe* p. 527.

2) Cf. *Lebensbeschreibung* p. 70 „Ich wollte noch einmal so ruhig aus der Welt gehen, wenn ich meine Animadversiones insgesamt gedruckt sähe, denn sie sind meine beste Schrift, die ich jemals verfertigt habe. Sie sind flos ingenii mei, wenn man anders meinem ingenio nicht omnem florem abspricht,” et p. 72 „Das Schicksal meiner noch ungedruckten Anmerkungen zu diesen Autoren steht in Gottes Hand; zu dem ich das gute Vertrauen habe, er werde nicht geschehen lassen, dass sie fuer mich und fuer das Publicum verloren gehen,” et quae sequuntur. Vide etiam quae a. 1756 ad Wesselingium scribit, *Briefe* p. 561.

sus editionis Raphelianaе indicaverat, ego singulorum librorum, capitum, paragraphorum mentioni paginas et versus editionis meae ascripsi. Uncis lunatis ea saepsi, quae praeter codicum fidem supplenda sunt, quadratis vero, quae expungenda.

## AD LIBRUM PRIMUM.

1, 2 p. 2, 19 στρατιᾶς] mallet *στρατείας* <sup>1)</sup>.

1, 6 p. 3, 18 τὸν στόλον aberravit a sede sua et revocari debet in vs. 17 post πρόσω <sup>2)</sup>.

1, 7 p. 3, 21 s. ἐν νῷ εἶχον ἐπαφίεναι ἀνιοῦσιν ἢ ἀποτομώτατον τοῦ ὅρους ἐπὶ τὴν Φάλαγγα τῶν Μακεδόνων τὰς ἀμάξας] aut ἢ ἀποτομώτατον ἦν τὸ ὅρος legendum, aut ἢ τὸ ἀποτομώτατον ἦν τοῦ ὅρους, aut ἀνιοῦσιν ἀπ' ἀποτομωτάτων τοῦ ὅρους.

1, 8 p. 4, 12 κατὰ τὸ εἶκος] fortasse κατὰ τὸ εἶκον: ἰδί, καθὶ nihil resisteret.

2, 4 p. 6, 5 s. (Ἀλέξανδρος) τοὺς τοξότας δὲ καὶ τοὺς σφενδονήτας προεκθέοντας ἐκέλευσεν ἐκτοξεύειν τε καὶ σφενδονᾶν ἐς τοὺς βαρβάρους, εἴ πως προκαλέσαιτο αὐτοὺς ἐς τὰ ψιλὰ ἐκ τοῦνάπους] non improbo vulgatam, quae ad Alexandrum referri potest, mallet tamen προκαλέσαιντο, ut ad iaculatores et funditores redeat.

2, 6 p. 6, 22 s. (ὡς) οἱ ἵππεῖς οὐκ ἀκοντισμῷ ἔτι, ἀλλ' αὐτοῖς τοῖς ἵπποις ὠθοῦντες ἄλλη καὶ ἄλλη προσέπιπτον] potest προσέπιπτον ad ἀκοντισμῷ quoque referri, mallet tamen post ἔτι additum habere ἐχρῶντο.

5, 2 p. 10, 11 ὅτι μὲν] leg. ἔτι μὲν <sup>3)</sup>.

6, 5 p. 14, 1 s. Ἀλέξανδρος δὲ λόφον τινὰς κατέχοντας ἰδὼν οὐ πολλοὺς τῶν πολεμίων] leg. τινὰ: *collem aliquem* <sup>4)</sup>.

7, 9 s. p. 18, 6 ss. (Ἀλέξανδρος) ἐστρατοπέδευσεν οὐ πολὺ ἀπέχων τῆς Καδμείας, ὥστε ἐγγὺς εἶναι ὠφέλειαν τῶν Μακεδόνων τοῖς τὴν Καδμείαν ἔχουσιν. οἱ γὰρ Θηβαῖοι τὴν Καδμείαν διπλῷ χάρακι ἐφρούρουσαν ἀποτευχίσαντες, ὡς μήτε ἔξωθεν τινα τοῖς ἐγκατειλημμένοις δύνασθαι ἐπωφελεῖν, μήτε αὐτοὺς ἐκθέοντας βλάπτειν

1) Idem voluit Schmieder.

2) Idem proposuit Schneider.

3) Idem coniecerunt Pflugk et Sintenis, ἤδη μὲν ego, τὸ μὲν τι Polak.

4) Idem prop. Krueger.

τι σφᾶς, ὁπότε τοῖς ἔξω πολεμίοις προσφέροιντο] aut delendum ὠφέλειαν aut leg. εἶναι <οὐδεμίαν δυνάμενον παρέχειν> ὠφέλειαν.

9, 1 p. 20, 22 πάθος τοῦτο Ἑλληνικόν] fortasse <οὐχ> Ἑλληνικόν: *Graecis indignum et ignominiosum*, cf. § 6 p. 22, 20.

9, 4 p. 21, 21 τῷ πλήθει τῶν τε ἀπολομένων] leg. τῶν τότε ἀπολομένων<sup>1)</sup>.

9, 7 p. 22, 15 (δ τῆς πόλεως ἀνδραποδισμὸς) ἐς μῆνιν τὴν ἀπὸ τοῦ θεοῦ ἀνηνέχθῃ] leg. ἐς μῆνιν τιν' ἀπὸ τοῦ θεοῦ: *itaque aliquam*.

11, 7 p. 26, 22 s. ὅθεν τε ἐστάλη ἐκ τῆς Εὐρώπης καὶ ὅπου ἐξέβη τῆς Ἀσίας] fortasse ἐπέβη.

12, 5, p. 29, 1 οὐκ ἀπαξιῶ ἑμαυτὸν τῶν πρώτων ἐν τῇ Φωνῇ τῇ Ἑλλάδι] τῶν πρώτων, subaudi μερῶν; *mallet tamen τῶν πρωτείων*<sup>2)</sup>.

13, 3 p. 31, 8 (τοὺς πολεμίους) πολὺ τῶν πεζῶν λειπομένους] τῶν πεζῶν, subaudi ἡμετέρων, sed *mallet τῷ πεζῷ*, scil. στρατῷ<sup>3)</sup>.

13, 4 p. 31, 14 s. (οὐχ οἶόν τε ἐν μετώπῳ διὰ τοῦ ποταμοῦ ἄγειν τὸν στρατόν) πολλὰ μὲν γὰρ αὐτοῦ δρᾶται βαθέα, αἱ δὲ ὄχθαι αὐται ὄρεαι ὅτι ὑπερύψηλοι καὶ κρημνάδεις εἰσὶν αἱ αὐτῶν] δρᾶται non valde placet. Si bene habeat erit pro τῇ ὁράσει δοκεῖ, *mallet tamen Φωρᾶται: deprehenduntur*. Dicitur Φωρᾶν de re, quam talem deprehendis, qualem et nolles esse neque sperabas ita futuram. Deinde *mallet quoque αἱ δὲ ὄχθαι, αὐτὰς ὄρεας: ipsemet vides*. Et fortasse legendum αἱ <πολλαὶ> vel <πλεῖσται> αὐτῶν, aut αἱ <ἐκβάσεις> vel <ἄνοδοι> αὐτῶν.

13, 5 p. 31, 18 s. τὸ πρῶτον σφάλμα ἔς τε τὰ παρόντα χαλεπὸν καὶ κτλ.] leg. σφάλμα <ἔσται> ἔς τε τὰ παρόντα κτλ.

13, 6 p. 31, 23 s. οὕτω τῷ ὀνόματι τὸν Γράνικον ἐκφαυλίσας] leg. τοῦτω τῷ ὀνόματι.

13, 7 p. 32, 1 s. ἀναθαρρήσειν τε δοκῶ τοὺς Πέρσας ἀξιομάχους Μακεδόσιν ὄντας] leg. τοὺς Πέρσας <ὡς> ἀξιομάχους<sup>4)</sup>.

14, 4 p. 33, 7 s. κατὰ τὸ εὐάνυμον μὲν σφῶν ἐπέχοντα] μὲν delendum ut repetitum e fine vocabuli proximi<sup>5)</sup>.

14, 7 p. 33, 24 s. ἐμβαίνει ἐς τὸν πόρον, λοξὴν αἰὲ παρατείνων

1) τε del. Ellendt, τῶν τε ἀπολομένων <καὶ τῶν ἀλόντων> conieci.

2) Idem proposuit Cobet, *Nov. Lect.* p. 468.

3) Idem restituit Krueger.

4) Idem supplevit Schneider.

5) Idem del. Ellendt.

τὴν τάξιν, ἣ παρεῖλκε τὸ ρεῦμα] leg. ἣ παρεῖκε: *qua cedebat fluxu* <sup>1)</sup>).

16,2 p. 36,17 s. (τῶν μισθοφόρων τὸ στῖφος) ἢ τὸ πρῶτον ἐτάχθη, ἐκπλήξει μᾶλλον τι τοῦ παραλόγου ἢ λογισμῷ βεβαίως ἔμμενεν] aut βέβαιον aut βεβαίως.

16,5 p. 37,12 s. τούτους ἔθαψεν Ἀλέξανδρος ξὺν τοῖς ὅπλοις τε καὶ ἄλλῳ κόσμῳ] leg. καὶ <τῷ> ἄλλῳ κόσμῳ <sup>1)</sup>).

17,4 p. 38,22 s. Σαρδιανούς δὲ καὶ τοὺς ἄλλους Λυδοὺς τοῖς νόμοις τε τοῖς πάλαι Λυδῶν χρῆσθαι ἔδωκεν καὶ ἐλευθέρους εἶναι ἀφῆκεν] leg. Σαρδιανοῖς τε καὶ τοῖς ἄλλοις Λυδοῖς νόμοις τε τοῖς πάλαι Λυδῶν κτλ.

18,4 p. 41,14 s. (Ἡγησίστρατος) πρόσθεν γράμματα παρ' Ἀλέξανδρον ἔπεμπεν ἐνδιδοὺς τὴν Μίλητον· τότε δὲ] leg. πρόσθεν <μὲν> <sup>2)</sup>).

18,8 p. 42,20 ss. (Ἀλέξανδρος ἔφη) ἡττηθεῖσι τῇ ναυμαχίᾳ οὐ μικρὰν τὴν βλάβην ἔσεσθαι ἐς τοῦ πολέμου τὴν πρώτην δόξαν, τὰ τε ἄλλα καὶ τοὺς Ἕλληνας νεωτεριεῖν] leg. τὰ τε <γὰρ> ἄλλα, scil. συμβήσεσθαι vel δεῖν ὑπολογίζεσθαι.

19,2 p. 43,12 s. προσῆγε τὴν στρατιὰν ὥς ἐπιβησομένουσ ἢ κατερήριπτο ἢ ἐσεσάλευτο τὸ τεῖχος] leg. ἐπιβησόμενος.

22,6 p. 51,13 s. ὁ πλεῖστος δὲ φόνος περὶ ταῖς πύλαις αὐ-  
ταῖς ξυνέβη] leg. αὐτοῖς ἱρσί, Milesiis puta.

22,7 p. 51,24 ss. (ἀπέθανον) Πτολεμαῖός τε ὁ σωματοφύλαξ καὶ Κλέαρχος ὁ τοξάρχης καὶ Ἀδδαῖος χιλιάρχης] leg. Ἀδδαῖος <δ> χιλιάρχης <sup>3)</sup>).

23,5 p. 52,24 ἥδη τε ἡὼς ὑπέφαινε καὶ κτλ.] leg. ἥδη <δὲ ἤ> τε ἡὼς.

29,4 p. 63,27 s. καὶ οἱ νεόγαμοι δὲ οἱ ἐπὶ Μακεδονίας στα-  
λέντες εἰς Γόρδιον ἦκον] leg. ἀπὸ vel ἐκ Μακεδονίας.

#### AD LIBRUM SECUNDUM.

1,2 p. 65,11 ss. (Memnon Mitylenam obsidebat) καὶ μέρος μὲν τι τῶν νεῶν τὸν λιμένα αὐτῶν ἐφύλασσε, τὰς δὲ ἐπὶ τὴν ἕκραν τῆς Λέσβου τὸ Σίγριον . . . ἀποκλείσας τὸν παράπλουον ἐν Φυλακῇ εἶχεν] pro αὐτῶν leg. αὐτῷ ἱρσί, hoc est eius in gratiam

1) Idem proposuit Krueger.

2) Idem suppl. Sintenis.

3) Idem suppl. Schmieder.

et eius iussu atque loco ipso absente <sup>1)</sup>, et pro ἀποκλείσας leg. ἀποστείλας <sup>2)</sup>; quodsi autem ἀποκλείσας servetur, necesse est paullo ante legi ταῖς δὲ (scil. ναυσι) τὴν ἄκραν . . . ἀποκλείσας: *parte vero alia navium praecingens et intercipiens promontorium Lesbii.*

4, 2 p. 70, 13 s. (Ἀλέξανδρος) ξύμπασαν τὴν ἐντὸς Ἑλλυος ποταμοῦ προσηγάγετο καὶ ἔτι ὑπὲρ τὸν Ἑλλυν πολλήν] leg. ἔτι <τῆς> ὑπὲρ τὸν Ἑλlyn.

5, 4 p. 73, 12 αἰνισσόμενος] fortasse αἰνιστόμενα, ut ad ἔπη redeat.

6, 5 p. 75, 27 ss. καταπατήσῃν τε τῇ Ἰππῳ τῶν Μακεδόνων τὴν στρατιὰν ἄλλος ἄλλοθεν αὐτῷ (scil. Δαρείῳ) ἐπαίροντες ἔλεγον <sup>3)</sup>] leg. αὐτὸν: *eum inflantes vana spe fastuque hostis.*

7, 3 p. 77, 11 ὅτι delendum <sup>4)</sup>.

8, 9 p. 81, 2 τοὺς δὲ ἐκ Πελοποννήσου καὶ τὸ ἄλλο τὸ συμμαχικὸν] alterum τὸ delendum.

9, 2 p. 82, 1 s. (τοὺς δὲ) πρὸς τὸ ὄρος τὸ κατὰ νότου ἔταξεν, ὥστε κατὰ τὸ δεξιὸν αὐτῷ τῆς Φάλαγγος ἐς δύο κέρατα διέχουσαν τετάχθαι] ad διέχουσαν subaudi αὐτὴν, scil. τὴν Φάλαγγα; planior tamen foret oratio, si hoc ipsum, τὴν Φάλαγγα puta, pro τῆς Φάλαγγος substitueretur <sup>5)</sup>.

11, 3 p. 85, 6 (οἱ ἵπποι) ἐκακοπάθουν βαρέως ὥπλισμένους τοὺς ἐμβάτας σφῶν φέροντες] leg. ἀμβάτας, hoc est ἀναβάτας, aut ἐπιβάτας <sup>6)</sup>.

14, 3 p. 92, 2 (Δαρεῖος ἔφη) τούτου ἕνεκα καταβῆναι αὐτὸς τὴν χώραν ἀμύνων] ἀμυνῶν in futuro an ἀμύνων legas perinde est, sed τῇ χώρᾳ semper legendum <sup>7)</sup>.

14, 9 p. 93, 23 ss. (Alexander in epistola ad Dareum:) εἰ δ' ἀντιλέγεις περὶ τῆς βασιλείας, ὑπομείνας ἔτι ἀγωνίῃ περὶ αὐτῆς καὶ μὴ φεῦγε] fortasse ὑπομείνας ἔτι <τι>, adhuc aliquid, aut ἔτι <ὀλίγον τι>.

16, 1 p. 95, 18 (Σεμέλη) ἐξ ἧς καὶ ὁ τοῦ Διὸς Διόνυσος γίγνεται] fortasse ἐξ ἧς καὶ τοῦ Διὸς ὁ <Θηβαίων> Διόνυσος γίγνεται.

1) Idem prop. Sinentis.

2) Idem con. Krueger.

3) ἐπέλεγον cod., corr. Vulcanius.

4) Idem del. Krueger, ὅτι <μάλιστα> Polak.

5) Idem restituit Schmieder.

6) ἀμβάτας reposuit etiam Schneider.

7) τῇ χώρᾳ ἀμυνῶν etiam Krueger proposuit.

16, 7 p. 97, 1 leg. τούτῳ <δὴ> τῷ Ἡρακλεῖ.

17, 1 p. 97, 15 v. ὑπολειπομένους αὐτὴν τε ὀπίσω τὴν τῶν Τυρίων πέλιν ἀμφίβολον καὶ κτλ.] pro αὐτὴν mallem ταύτην.

20, 10 p. 104, 20 κατὰ τὸν λιμένεα τὸν ἐκ Σιδῶνος φέροντα] leg. ἐπὶ, et sic quoque corrigo II 24, 1 (p. 110, 23).

21, 3 p. 105, 9 ss. καὶ εἴ πῃ ἄλλη αἰ μηχαναὶ προσήγοντο, βέλεσί τε ἡμύνοντο (scil. οἱ Τύριοι) καὶ πυρφόροις οἰστοῖς ἔβαλλον αὐτάς τὰς ναῦς] leg. αὐτάς (scil. τὰς μηχανάς) <καὶ> τὰς ναῦς.

21, 9 p. 106, 24 τοῖς εὐοπλοτάτοις καὶ ἅμα εὐθαρσεστάτοις] leg. τοῖς εὐοπλοτάτοις ἅμα καὶ εὐθαρσεστάτοις.

22, 4 p. 108, 4 σημείοις ἄλλοις καὶ ἄλλοις ἐπεκάλουιν ἐς τὴν ἀναχώρησιν] leg. ἀπεκάλουιν.

23, 4 p. 110, 5 (Ἀλέξανδρος) τοῦ τε ἔργου αὐτοῦ καρτερῶς ἀπτόμενος καὶ θεατὴς τῶν ἄλλων] aut αὐτὸς leg. <sup>1)</sup> aut <δι> αὐτοῦ.

27, 3 p. 115, 16 αὐτὸς μὲν τὸ τραῦμα ἐθεραπεύετο χαλεπῶς] mallem αὐτῷ.

#### AD LIBRUM TERTIUM.

2, 2 p. 118, 25 μὲν delendum <sup>2)</sup>).

2, 5 p. 119, 16 ὅσοι τῆς ἀποστάσεως τῆς Χίων ξυνεπελάβοντο] aut τῇ Χίῳ leg. aut τοῖς Χίοις.

9, 3 p. 131, 1 ss. (Ἀλέξανδρος) ἐβουλεύετο, εἰ αὐτόθεν ἐπάγοι ἤδη τὴν Φάλαγγα, ... ἢ καθάπερ Παρμενίωνι [καλῶς] ἐδόκει, τότε μὲν αὐτοῦ καταστρατοπεδεύειν, κατασκέψασθαι δὲ τὸν χῶρον ξύμπαντα, εἰ δὴ τι ὑποπτον αὐτοῦ ἢ ἄπορον, ἢ εἴ πῃ τάφροι ἢ σκόλοπες καταπεπηγότες ἀφανεῖς] post καταστρατοπεδεύειν deest δέοι, et legendum εἰ δὴ τι ὑποπτον αὐτοῦ ἢ ἄπορον <εἶη>, ἢ εἴ πῃ κτλ.

15, 7 p. 142, 11 τοῦτο τέλος τῇ μάχῃ ταύτῃ ἐγένετο] leg. τοῦτο <τὸ> τέλος <sup>3)</sup>).

16, 5 p. 143, 22 ss. ὅσα ἐδόκει Χαλδαίοις ἀμφὶ τὰ ἱερὰ τὰ ἐν Βαβυλῶνι ἔπραξε (scil. Ἀλέξανδρος), τὰ τε ἄλλα καὶ τῷ Βήλῳ καθ' ᾧ ἐκείνοι ἐξηγουῦντο ἔθυσεν] leg. καὶ τῷ Βήλῳ, <ᾧ> καθ' ᾧ ἐκείνοι κτλ.

1) Idem coni. Pflugk.

2) Idem del. Krueger.

3) Idem suppl. Ellendt.

16, 8 p. 144, 12 s. ὅστις δὲ μεμύηται ταῖν θεαῖν ἐν Ἐλευσίνι, οἶδε τὸν Εὐδανέμου βωμὸν ἐπὶ τοῦ δαπέδου ὄντα] fortasse <τὸν> ἐπὶ τοῦ δαπέδου ὄντα.

18, 5 p. 147, 17 ss. (Ἀλέξανδρος) προστάττει αὐτῷ (scil. Κρατερῷ), ἐπειδὴν ἐκπεριεληλυθότα αὐτὸν αἰσθῆται καὶ προσάγοντα ἤδη τῷ στρατοπέδῳ τῶν Περσῶν (αἰσθήσεσθαι δὲ οὐ χαλεπῶς, σημαίνειν γὰρ αὐτῷ τὰς σάλπιγγας), τότε δὲ προσβαλεῖν τῷ τείχει] legendum σημαίνειν in futuro et τότε δὲ ἤ 1).

18, 6 p. 148, 4 πρὶν Φάους dictio suspecta; num πρὸ Φάους 2) αὐτῷ, αὐτῷ, αὐτῷ πρὶν Φάος <γενέσθαι>.

22, 5 p. 156, 17 Φυγάς τε ἐκ τούτου τῆς αὐτοῦ ἀρχῆς πλανώμενος] fort. <πανταχόσε> πλανώμενος vel <μακρὰν ἀπο>πλανώμενος.

22, 6 p. 156, 23 τῶν παίδων ... τροφή τε Ἀλεξάνδρου καὶ παιδευσίς] leg. <ὑπ'> Ἀλεξάνδρου 3).

25, 1 p. 160, 25 ἐκεῖθεν δὲ (scil. ἦγεν) ἐπὶ τὰ τῆς Ἀρείας ὄρια καὶ Σουσίαν, πόλιν τῆς Ἀρείας] fortasse <μεγίστην> πόλιν τῆς Ἀρείας.

26, 1 p. 162, 25 ss. ἐνταῦθα καὶ τὴν Φιλῶτα ἐπιβουλὴν τοῦ Παρμενίανος ἔμαθεν Ἀλέξανδρος, καὶ λέγει Πτολεμαῖος καὶ Ἀριστόβουλος ὅτι προηγγελέμενην 4) ἤδη οἱ καὶ πρότερον ἐν Αἰγύπτῳ, οὐ μέντοι πιστὴ γε ἐφάνη] ad ὅτι προηγγελέμενην subaudi ἔμαθεν αὐτήν; alias facili negotio posset emendari προαπηγγελέμενη <ἦν> 5).

30, 11 p. 172, 12 s. καὶ ἐπὶ τούτοις Ἀλέξανδρος τοὺς κουφοτάτους τῆς στρατιᾶς ἀναλαβὼν ἦγεν] leg. ἐπὶ τούτους 6).

## AD LIBRUM QUARTUM.

1, 5 p. 174, 9 s. (ξυνεπελάβοντο δὲ τῆς ἀποστάσεως καὶ τῶν Σογδιανῶν οἱ πολλοί) εἴτε δὴ καὶ δέισαντες Ἀλέξανδρον, εἴτε καὶ λόγον ἐπὶ τῇ ἀποστάσει δίδόντες, ὅτι κτλ.] pro καὶ δέισαντες leg. uno verbo καταδείσαντες, deinde λόγον ἐπὶ τῇ ἀποστάσει <ἑαυτοῖς> δίδόντες 7).

1) Utrumque etiam Krueger reposuit.

2) Idem coni. Polak.

3) παρ' add. Schmieder, ἐξ Krueger.

4) προσηγγελέμενη cod., προηγγελέμενη vulgata post Vulcanium.

5) προηγγελέμενη <ἦν> Enthoven, προηγγελέμενη <μὲν ἦν> Polak.

6) Idem restituit Schmieder.

7) διαδόντες pro δίδόντες Pflugk, λόγον <σφίσιν> ... δίδόντες Polak.

2, 2 p. 175, 2 (παρήγγελλτο αὐτῷ) τὰς μηχανὰς ὅσαις χρῆσθαι ξυμπηγνύναι] leg. ὅσαις χρῆσθαι <δέμ> vel <ἔμελλε>.

4, 9 p. 180, 25 s. ἐπὶ τῷδε ἡ δῶξις οὐκ ἐπὶ πάντων Σκυθῶν ἐγένετο] πάντων dividendum in duo vocabula πᾶν τῶν: *persecutio Scytharum non fiebat ad omnem usque modum* <sup>1)</sup>).

6, 2 p. 183, 23 s. (οὐκ ἐβελήσαντας, εἰ δὲ τι πταίσειαν,) μὴ ὅσον κατ' ἄνδρα μόνον μετέχειν αὐτοῦς, ἀλλὰ καὶ ὡς τὸ πᾶν αὐτοῦς κακῶς ἐξηγησαμένους] leg. μὴ ὅσον κατ' ἄνδρα μόνον μετέχειν αὐτοῦ <sup>2)</sup>).

7, 4 p. 186, 8 ss. ἐσθῆτά τε ὅτι Μηδικὴν ἀντὶ τῆς Μακεδονικῆς ... μετέλαβεν (scil. Ἀλέξανδρος), οὐδ' αὖ μὴ ἐπαινῶ, καὶ τὴν κίταριν τὴν Περσικὴν τῶν νενικημένων ἀντὶ ὧν αὐτὸς ὁ νικῶν πάσαι ἐφόρει ἀμεῖψαι οὐκ ἐπηδέσθη, οὐδ' ἐν τούτων ἐπαινῶ] leg. <ὅτι> ἀντὶ ὧν αὐτὸς <sup>3)</sup>, deinde οὐδ' ἐν τούτῳ ἐπαινῶ.

8, 2 p. 187, 8 leg. ἀλλ' ἐν γε τῷ πότῳ <τῷ> τότε. Illud ἀλλὰ significat hanc fere sententiam: atqui nolo iam de illis barbaricis compotationibus narrare, qui iam id solum ago, ut de illa, quae tam celebrata fuit, compotatione exponam.

8, 5 p. 187, 25 fortasse εἶναι τοίγαρ οὖν (pro εἶναι γὰρ οὖν).

9, 4 p. 190, 9 ss. (Ἀλέξανδρον λέγουσιν) ἄσιτόν τε καὶ ἄποτον καρτερεῖν ἔστε ἐπὶ τρεῖς ἡμέρας, οὐδέ τινα ἄλλην θεραπείαν θεραπεῦσαι τὸ σῶμα] leg. οὐδέ τινα ἄλλη θεραπεία.

9, 5 p. 190, 13 s. Ἀλέξανδρος μόγις πρὸς τῶν ἐταίρων πεισθεὶς σίτου τε ἤψατο καὶ τὸ σῶμα κακῶς ἐθεράπευσε] κακῶς bene habet: *sic satis parce et inique atque duriter* <sup>4)</sup>).

9, 9 p. 191, 18 ss. (λόγος κατέχει) οὐκ ἐνδεῆσαι δὲ οὐδὲ πρὸς τοῦτο (scil. πρὸς τὸ προσκυνεῖσθαι) αὐτῷ (nempe Ἀλεξάνδρῳ) τοὺς κολακεῖα ἐς αὐτὸ ἐνδιδόντας, ἄλλους τέ τινας καὶ δὴ καὶ τῶν σοφιστῶν τῶν ἀμφ' αὐτὸν Ἀνάξαρχόν τε καὶ Ἄγιν Ἀργεῖον ἐποποιόν] hi omnes accusativi genitivis sunt mutandi: οὐκ ἐνδεῆσαι δὲ οὐδὲ πρὸς τοῦτο αὐτῷ τοῦ κολακεῖα ἐς αὐτὸ ἐνδιδόντος, ἄλλου τέ τινος καὶ δὴ καὶ ... Ἀναξάρχου τε καὶ Ἀγίδος Ἀργεῖου ἐποποιῶ.

11, 3 p. 193, 28 s. καὶ αὐτῶν τῶν θεῶν ἄλλοις ἄλλαι τιμαὶ

1) Idem coni. Pflugk et Miller.

2) Idem ipse proposui.

3) ὅτι post ἀμεῖψαι add. Krueger.

4) καλῶς praebet cod. Florentinus qui olim Optimus dicebatur, ἀναγκαίως coni. Pflugk, ἰκανῶς Sintenis, ἄλλως Röhl, ἐπεικῶς Polak.

πρόσκεινται, καὶ ναὶ μὰ Δία ἥρωσιν ἄλλαι] leg. ἥρωσιν <ἄλλοις> ἄλλαι.

11,7 p. 195, 5 s. Callisthenes in oratione ad Alexandrum: καὶ ἐγὼ τῆς Ἑλλάδος μεμνησθῆναι σε ἀξιῶ, ὦ Ἀλέξανδρε, ἥς ἔνεκα ὁ πᾶς στόλος σοι ἐγένετο, προσθεῖναι τὴν Ἀσίαν τῇ Ἑλλάδι] leg. <καὶ> προσθεῖναι.

11,8 p. 195, 11 ss. ἡ διακεκριμένα ἴσται σοι αὐτῷ τὰ τῶν τιμῶν ἐς ἄπαν, ὡς πρὸς Ἑλλήνων μὲν καὶ Μακεδόνων ἀνθρωπίνως τε καὶ Ἑλληνικῶς τιμᾶσθαι, πρὸς δὲ τῶν βαρβάρων μόνων βαρβαρικῶς;] fortasse ἐς διπλοῦν pro ἐς ἄπαν.

12,7 p. 197, 5 ss. ἐφ' ὅτῳ τεκμαίρομαι μὴ χαλεπῶς πιστευθῆναι τοὺς κατειπόντας Καλλισθένους, ὅτι μετέσχε τῆς ἐπιβουλῆς . . ., τοὺς δέ, ὅτι καὶ ἐπῆρεν αὐτὸς ἐς τὸ ἐπιβουλεύσαι] post Καλλισθένους deesse videtur, nam id malim quam subaudiri, τοὺς μὲν, ob sequens τοὺς δὲ <sup>1)</sup>).

13,1 p. 197, 12 post βασιλέως videtur ὡς deesse.

17,3 p. 205, 10 s. (Alexander Coenum in Sogdiana cum militibus relinquit) τῆς τε χώρας ἔνεκα τῆς Φυλακῆς καὶ εἴ πῃ ἄρα Σπιταμένην . . . ἐνεδρεύσαντας ξυλλαβεῖν] post ἄρα deest προχωρῆ aut παράσχοι aut ἐνδέχοιτο aut οἶόν τε ἤ <sup>2)</sup>).

19,1 p. 208, 17 ss. (milites selecti Alexandri iussu in rupem quandam escensuri prodibant) πασσάλους μικροὺς σιδηροῦς, οἷς αἱ σκηναὶ καταπεπήγεσαν αὐτοῖς, παρασκευάσαντες, τοῦ καταπηγνύναι αὐτοὺς ἐς τε τὴν χιόνα ὅπου πεπηγυῖα Φανείη καὶ εἴ που τι τῆς χώρας ἔρημον χιόνος ὑποφαίνοιτο] immo vero πασσάλους μακροὺς, nam debebant singuli tales clavi aut bini stantem in se hominem sustinere, debebant quoque profunde in terram aut nivem adigi; denique non parvi sunt clavi, quibus tentoria depanguntur in terram.

21,4 p. 212, 17 ss. τὰς δὲ νύκτας ἐν μέρει οἱ σωματοφύλακες αὐτῷ ἐργάζοντο . . . τῷ λοιπῷ μέρει τῆς στρατιᾶς, ὅπερ αὐτῷ ἐς τὴν νύκτα ἐπετέτακτο] malle ἄπετέτακτο <sup>3)</sup>).

23,2 p. 217, 17 s. τῶν πεζῶν ἐς ὀκτακοσίους ἐπιβιβάσας τῶν ἵππων] aut τῇ ἵππῳ legendum, equitatui, aut τοῖς ἵπποις, equis.

1) Idem suppl. Krueger.

2) ἐνεδρεύσαντες ξυλλάβοιεν coni. Schmieder.

3) Idem ipse reposui; cf. Polyb. VI 85, 6; X 16, 8; 18, 9.

24, 3 p. 219, 15 ἔδωκεν ἔτι ἐκ τοῦ ἵππου] potest ἔτι exponi: adhuc in equo, ut hactenus fuerat, non facto in terram descensu; mallem tamen ἔς τι: quadamtenus, aliquantisper.

25, 2 p. 221, 18 ss. οἱ δὲ ἀμφὶ Πτολεμαῖον οὐκ ἐν τῷ ὁμαλῷ παρετάξαντο, ἀλλὰ γήλοφον γὰρ κατεῖχον οἱ βάρβαροι, ὀρθίους ποιήσαντες τοὺς λόχους, Πτολεμαῖος προσῆγεν] fortasse ποιήσας: adduxit cohortes postquam eas e latioribus longiores fecit<sup>1)</sup>; potest quoque legi ποιήσαντας: adduxit eos Ptolemaeus ad hostes, postquam fecerunt cohortes rectas.

25, 3 p. 221, 24 καὶ γίνεταί καὶ τούτοις (scil. militibus Ptolemaei) μάχη καρτερὰ] aut delendum καὶ ante τούτοις, aut si hic loci καὶ retineas, necesse est § 1 vs. 17 s. (pro ἀλλὰ τούτους μὲν οὐ ξὺν πόνῳ ἐνίκα Ἀλέξανδρος) legas ἀλλὰ τούτους μὲν, ξὺν πόνῳ δ' ἐνίκα Ἀλ., nam si Alexander sibi obiectos vicit quidem, at non sine molestia, recte subicitur etiam Ptolemaei manum laboriosam habuisse dimicationem et multo sudore sibi peperisse victoriam; quodsi vero ea Alexandro nullo labore constitit, expungi debet καὶ etiam.

25, 7 p. 222, 23 s. ὁ δὲ ῥοῦς ἦν αὐτῷ (scil. τῷ Γουραίῳ) καὶ οἱ λίθοι στρογγύλοι ἐν τῷ ποταμῷ ὄντες σφαιεροὶ τοῖς ἐπιβαίνουσιν ἐγίγνοντο] fortasse στρογγύλοι, <ὡς> ἐν τοιοῦτῳ ποταμῷ ὄντες, aut στρογγύλοι ἐν <μέσῳ> vel <βαθεῖ> τῷ ποταμῷ ὄντες.

27, 1 p. 225, 2 s. (Ἀλέξανδρος δὲ πέμπει Ἀλκέταν) τοὺς τε κατατετρωμένους ἀναλαβεῖν καὶ ὅσοι προσεμάχοντο ἐπανακαλέσασθαι ὥς ἐπὶ τὸ στρατόπεδον] legendum προσεμάχοντο, scil. τῶν κατατετρωμένων: qui oppositis armis defendebant vulneratos et iacentes.

27, 3 p. 225, 17 s. νυκτὸς δὲ ἐπενδύουν (scil. οἱ μισθοφόροι Ἴνδοι) δρασμῶ διαχρησάμενοι ἔς τὰ σφέτερα ἦθι ἀπαναστῆναι] fortasse δρασμῶ, νῆ Δία, χρησάμενοι: illo νῆ Δία addito eximere ex animo lectoris omnem malam de Alexandro suspicionem voluit, qui merito crudelis et perfidus atque periurus et in viros fortes iniurius videri posset, nisi caveretur omni modo, ut Indos fidem datam primos violare instituisse crederetur, id quod efficere auctor addito νῆ Δία voluit.

28, 2 p. 227, 18 s. εἰ μὲν δὴ καὶ ἔς Ἴνδούς ἀφίκετο ὁ Ἡρακλῆς

1) Idem coni. Pflugk.

δ Θηβαῖος ἢ δ Τύριος ἢ δ Αἰγύπτιος ἐς οὐδέτερα ἔχω ἰσχυρίσασθαι] primum δ delendum.

29, 6 p. 230, 26 s. ὥς δὲ οὐκ ἀνῆσαν οἱ Μακεδόνες, ἄλλοι ἐπ' ἄλλοις ἐπιόντες, οἱ δὲ πρόσθεν ἀναπαυόμενοι, μόγις . . . ἐκράτησαν τῆς παρόδου] legendum ἀνίεσαν, remittebant, desisteabant <sup>1)</sup>.

30, 5 p. 233, 4 s. ἀφικόμενος ἐς Δύρτα πόλιν τῶν μὲν οἰκούντων οὐδένα καταλαμβάνει] leg. τῶν μὲν <ἐν>οικούντων <sup>2)</sup>.

30, 6 p. 233, 10 s. ἐστέλλοντο δὲ (scil. cohortes Alexandri) τά τε χωρία κατοψόμενοι καὶ εἴ ποῦ τινὰς τῶν βαρβάρων ξυλλαβεῖν] post καὶ εἴ ποῦ τινὰς aut addi debet aut saltem subaudiri δύναιντο <sup>3)</sup>.

30, 7 p. 233, 20 s. τούτους ἡγήσασθαι οἱ τὴν ὁδὸν ἐκέλευσεν] aut τῆς ὁδοῦ leg. aut τῶν ὁδῶν.

## AD LIBRUM QUINTUM.

1, 2 p. 235, 7 δὲ delendum <sup>4)</sup>.

2, 1 p. 237, 6 ss. κτίσμα εἶναι Διονύσου τὴν Νῦσαν ἤθελεν (scil. Ἀλέξανδρος), ὥς ἤδη τε ἦκειν αὐτὸς ἔνθα ἦλθε Διόνυσος καὶ ἐπέκεινα ἐλθεῖν Διονύσου] post αὐτὸς videtur deesse.

2, 2 p. 237, 14 ss. (Ἀλέξανδρος) ἡξίωσε τῶν τε ἱππέων (scil. τῶν Νυσαίων) οἱ ξυμπέμψαι ἐς τριακοσίους καὶ τῶν προεστώτων τοῦ πολιτεύματος, ἦσαν δὲ καὶ αὐτοὶ τριακόσιοι, ἑκατὸν τοὺς ἀρίστους ἐπιλεξάμενος· Ἄκουφιν δὲ εἶναι τὸν ἐπιλεγόμενον] mallet ἐπιλεξαμένους et ad Nysaeos, non ad Alexandrum referri, ut ipsi Nysaei delectum haberent, ut qui suos optime nossent, non Alexander <sup>5)</sup>. Confirmatur haec coniectura a proxime subiectis: Ἄκουφιν δὲ εἶναι τὸν ἐπιλεγόμενον.

2, 3 p. 237, 23 ss. (Acuphis in responso ad Alexandrum:) ἀλλὰ σύ, εἴ σοι μέλει Νυσαίων, τοὺς ἱππέας μὲν ἄγεσθαι τοὺς τρακοσίους καὶ εἰ βούλει ἔτι τούτων πλείονας, ἀντὶ δὲ τῶν ἑκατόν, οὐστινας τοὺς ἀρίστους ἐπιλέξαι σὺ κελεύεις, διπλασίους τῶν ἄλλων τῶν κακῶν ἄγεσθαι] fortasse ἐπιλέξασθαι σοι κελεύεις.

2, 4 p. 238, 3 ss. ταῦτα λέγοντα (scil. Ἄκουφιν), λέγειν γὰρ δόξαι φρόνιμα, πείσαι Ἀλεξάνδρον. καὶ τοὺς μὲν ἱππεάς ξυμπέμ-

1) Idem reposuit Krueger.

2) Idem suppl. Schmieder.

3) ξυλλαβεῖν <δύναιντο> conl. Schmieder, ξυλλάβοιεν Krueger.

4) Idem del. Ellendt.

5) Idem restituit Krueger.

πειν οἱ ἐκέλευσε, τοὺς δὲ ἑκατόν τοὺς ἐπιλέκτους μηκέτι αἰτῆσαι, ἀλλὰ μηδὲ ἀντ' αὐτῶν ἄλλους] fortasse κελεῦσαι.

2, 5 p. 238, 9 ss. Ἀλέξανδρον δὲ πόθος ἔλαβεν ἰδεῖν τὸν χῶρον, ὅπου τινὰ ὑπομνήματα τοῦ Διονύσου οἱ Νυσαῖοι ἐκόμπαζον. ἐλθεῖν τε ἐς τὸ ὄρος τὸν Μηρὸν . . . καὶ ἰδεῖν κισσοῦ τε ἀνάπλεων καὶ δάφνης τὸ ὄρος καὶ ἄλση παντοῖα] verba a πόθος ad ἐκόμπαζον includenda sunt parenthesi et sic concinnandus locus: Ἀλέξανδρον δὲ (πόθος <γὰρ αὐτὸν> ἔλαβεν ἰδεῖν . . . ἐκόμπαζον) ἐλθεῖν τε κτλ.

2, 6 p. 238, 18 ss. (τοὺς Μακεδόνας) στεφάνους σπουδῇ ἀπ' αὐτοῦ (scil. τοῦ κισσοῦ) ποιεῖσθαι, ὡς καὶ στεφανώσασθαι εἶχον, ἐφυμνοῦντας τὸν Διόνυσόν τε καὶ τὰς ἐπωνυμίας τοῦ θεοῦ ἀνακαλοῦντας] aut loco εἶχον legendum ἔχειν <sup>1)</sup>, aut legendum ὡς καὶ στεφανώσασθαι, Εὐρίον ἐφυμνοῦντας τὸν Διόνυσόν τε καὶ τὰς <ἄλλας> ἐπωνυμίας τοῦ θεοῦ ἀνακαλοῦντας.

3, 4 p. 239, 22 ἐν τε αὐτῇ τῇ Ἰνδῶν γῇ] pro αὐτῇ leg. αὐ.

4, 4 p. 242, 1 post τε addendum γάρ.

4, 5 p. 242, 9 ss. τὸ γὰρ Περσῶν τῶν πάλαι . . . οὐκ ἔχω ἀτρεκῶς ὥς γε δὴ πρὸς τὰ Ἰνδῶν ξυμβαλεῖν] post Ἰνδῶν videtur εἶχει deesse. Constructio est: οὐκ ἔχω ξυμβαλεῖν ὥς εἶχει τὸ τῶν πάλαι Περσῶν πρὸς τὰ τῶν Ἰνδῶν.

5, 4 p. 243, 16 τὸν δὲ Καύκασον τοῦτον καθήκειν ἔστε ἐπὶ <sup>2)</sup> μεγάλην τὴν πρὸς Ἴω τε καὶ Ἰνδοὺς θάλασσαν] fortasse καὶ <ὑπὲρ> Ἰνδοὺς θάλασσαν, mare ultra Indos situm.

5, 5 p. 243, 24 s. (τοὺς οὖν ποταμούς, ὅσοι κατὰ τὴν Ἀσίαν λόγου ἄξιοι, τοὺς μὲν ὡς ἐπ' ἄρκτον τετραμμένον ἔχειν τὸ ὕδωρ) τοὺς δὲ ὡς ἐπὶ νότον ἄνεμον τὸν Εὐφράτην τε εἶναι καὶ τὸν Τίγρητα κτλ.] post ἄνεμον subaudiri primum debet τετραμμένον ἔχειν τὸ ὕδωρ e superioribus, deinde addi ὧν: quorum e numero esse Euphratem.

6, 4 p. 245, 8 παρὰ πόλιν Σμύρναν Αἰολικὴν] legendum παρὰ Σμύρναν, πόλιν Αἰολικὴν <sup>3)</sup>.

8, 3 p. 248, 26 (ἦκον καὶ παρὰ Ἀβισάρου πρέσβεις) καὶ παρὰ Δοξάρως νομάρχου ἄλλοι] fortasse ἄλλου, ab alio quoriam populi rectore, nempe qualis erat Abisares.

9, 2 p. 250, 7 s. (Ἀλέξανδρος διελὼν δὴ ἐς πολλὰ τὸν στρατὸν

1) Idem proposuit Polak.

2) τὴν post ἐπὶ suppl. Krueger.

3) Idem reposuit Polak.

τοὺς μὲν αὐτοὺς ἄλλη καὶ ἄλλη ἤγε τῆς χώρας) τοὺς δὲ τῶν ἡγεμόνων ἄλλοις καὶ ἄλλοις ἐπιτάξας καὶ αὐτοὺς πολλαχῇ διέπεμπε] fortasse τοὺς δὲ, τῶν ἡγεμόνων ἄλλους ἄλλοις <sup>1)</sup> ἐπιτάξας, καὶ αὐτοὺς πολλαχῇ διέπεμπε. Illud καὶ αὐτὸς respicit ad id, quod in superioribus de Poro dixerat <sup>2)</sup>).

9, 4 p. 250, 21 ss. ἦν γὰρ ὥρα ἔτους ἥ μετὰ τροπὰς μάλιστα ἐν θέρει τρέπεται ὁ ἥλιος· ταύτῃ δὲ τῇ ὥρᾳ . . . αἱ χιόνες αἱ τοῦ Καυκάσου, ἐνθενπερ τῶν πολλῶν ποταμῶν αἱ πηγαὶ εἰσι, κατατηκόμεναι αὖξουσιν αὐτοῖς τὸ ὕδωρ ἐπὶ μέγα· χειμῶνος δὲ ἔμπαλιν ἴσχουσιν ὀλίγοι τε γίγνονται καὶ καθαροὶ ἰδεῖν] fortasse ἥ μετὰ τροπὰς μάλιστα <τὰς> ἐν θέρει τρέπεται (subaudi τὴν ὀπίσω ὁδὸν) ὁ ἥλιος <sup>3)</sup>). Deinde sic distingo et lego: χειμῶνος δὲ ἔμπαλιν ἴσχουσιν. ὀλίγοι τε <γὰρ> γίγνονται κτλ. Verbum ἴσχουσιν hic loci nihil aliud quam ἔχουσιν denotat, non autem ἐπέχουσιν, retinent, cohibent.

10, 4 p. 252, 5 s. ἀλλ' ἐκείνων <sup>4)</sup> γὰρ γινούς τὸν φόβον κατὰ χώραν ἐπὶ στρατοπέδου ἔμενε] leg. ἀλλ' ἐκ κενῶν, vel potius eodem sensu ἀλλὰ κενὸν <sup>5)</sup>, deinde ἐπὶ <τοῦ> στρατοπέδου, et sic quoque V 11, 4 (p. 253, 14), cf. V 15, 4 (p. 258, 23).

11, 1 p. 252, 11 s. (ἄκρα) δασεῖα εἶδει παντοίων δένδρων] nolo quidem εἶδει prorsus improbare, quamvis forsitan εἶδеси aut ἰδέα praestaret, fuit tamen quum conicerem ἰδῆ, σίλνα, aut ὕλη <sup>6)</sup>).

11, 1 p. 252, 13 ss. ταύτην καταμαθὼν (scil. Ἀλέξανδρος) τὴν νῆσον καταντικρὺ τῆς ἄκρας, ἀμφότερα ὑλώδη τὰ χωρία καὶ οἷα κρύψαι τῆς διαβάσεως τὴν ἐπιχειρήσιν, ταύτῃ ἔγνω διαβιβάζειν τὸν στρατόν. ἀπέχει δὲ ἥ τε ἄκρα καὶ ἡ νῆσος τοῦ μεγάλου στρατοπέδου ἐς πεντήκοντα καὶ ἑκατὸν σταδίου] legendum <καὶ> ἀμφότερα ὑλώδη τε χωρία: quum et rurem illam et obiectam ipsi observasset insulam, praetereaue observasset ambas esse loca dumentis densa. Deinde ἀπέειχε legendum pro ἀπέχει <sup>1)</sup>).

14, 2 p. 256, 14 ss. (γνώμην δὲ ἐπεποίητο Ἀλέξανδρος, εἰ οἱ

1) ἄλλοις ἄλλους Polak.

2) Nempce: (Πῶρος) ταύτῃ μὲν δὴ ἥ κατεστρατοπεδευκότη εἶδεν Ἀλέξανδρον αὐτὸς μὲν ἐφύλαττε τὸν πόρον (scil. τοῦ Ἰθάσπου). ὅσα δὲ ἄλλα τοῦ ποταμοῦ εὐπορώτερα, ἐπὶ ταῦτα φρουρὰς διαπέμψας καὶ ἡγεμόνας ἐπιστήσας ἐκάστοις εἶργειν ἐπενέει τοῦ πόρου τοὺς Μακεδόνας.

3) Idem ipse supplēvi.

4) Ita vulgata, ἀλλ' ἐκείνων cod.

5) Hoc restituit etiam Krueger.

6) Utrumque etiam Krueger coni.

7) ἀπέειχε Krueger quoque proposuit.

Ἰνδοὶ ἐκπλαγύντες Φεύγοιεν,) οὐ πόρρωθεν ἔξεσθαι αὐτῶν κατὰ τὴν Φυγὴν, ὥς πλείονα ἐν τῇ ἀποχωρήσει τὸν Φόνον γενόμενον δλίγον ἔτι ὑπολείπεσθαι αὐτῷ τὸ ἔργον] aut ὑπολείπεσθαι sensu activo pro ὑπολείψειν debet accipi, *reliquum facturum esse*, id quod praefero, aut alias legendum *πλείονος* ... τοῦ Φόνου γενομένου <sup>1)</sup>).

14, 6 p. 257, 25 s. Φθάσαι δὲ περάσαντα Ἀλέξανδρον καὶ τὸν ἐκ τῆς νήσου τὸν τελευταῖον πόρον] pro καὶ fortasse κατὰ legendum.

15, 3 p. 258, 14 (Ἀλέξανδρον) πεπερακότα ξὺν τῇ στρατιᾷ ἐς τὸ καρτερώτατον] aut loco ἐς subiciendum ὅσον, aut, quod ut simplicius malim, ξὺν τῆς στρατιᾶς τῷ καρτερωτάτῳ <sup>2)</sup>).

17, 3 p. 261, 11 ss. καὶ ἐν τούτῳ οἱ ἐπιστάται τῶν ἐλεφάντων ἀντεπῆγον τῇ ἵππῳ τὰ θηρία, καὶ ἡ Φάλαγξ αὐτῇ τῶν Μακεδόνων ἀντεπῆει πρὸς τοὺς ἐλέφαντας] leg. καὶ ἡ Φάλαγξ αὐτῇ τῶν Μακεδόνων: *et rursus vel ex altera parte phalanx Macedonum*.

17, 5 p. 261, 28 s. ἐς στενὸν ἤδη κατειλημμένων τῶν θηρίων] leg. κατειλημμένων unico μ, nam est a verbo κατειλεῖσθαι, *compelli in angustum et veluti convulsi* <sup>3)</sup>).

19, 3 p. 265, 14 s. (Ἀλέξανδρος) τὴν τε ἀρχὴν τῷ Πάρῳ τῶν τε αὐτῶν Ἰνδῶν ἔδωκεν καὶ ἄλλην ἔτι χώραν ... προσέθηκεν] *eorundem illorum Indorum*, subaudi quibus antea imperaverat; posset tamen τῶν τε αὐτοῦ Ἰνδῶν conici e V 29, 5 (p. 285, 5) <sup>4)</sup>).

22, 5 p. 271, 22 τοὺς ἵπποτοξότας εὐθὺς ὥς εἶχεν ἐκπέμπει] leg. ὥς εἶχον, *ut habebant tum, in ea qua tum erant armatura, conditione, apparatu*.

23, 7 p. 274, 9 s. ἀποστάτης ὧδ' οὐδὲ ἐγὼ τοῦ ἔργου] leg. ἀποστατήσω οὐδὲ ἐγὼ τοῦ ἔργου <sup>5)</sup>).

26, 8 p. 280, 11 ss. (Alexander in oratione ad milites) ἐπειδὴν ἐπεξέλθωμεν τὴν Ἀσίαν, τότε οὐκ ἐμπλήσας μὰ Δί' ὑμᾶς, ἀλλὰ καὶ ὑπερβαλὼν ὅσα ἕκαστος ἐλπίζει ἀγαθὰ ἔσεσθαι, τοὺς μὲν ... ἀποπέμψω κτλ.] fortasse ἐπέλθωμεν, *quum obierimus Asiam*, deinde ἀγαθὰ <οἱ> ἔσεσθαι, *bona sibi futura*.

28, 2 p. 283, 14 (Ἀλέξανδρος ἔφη) τοῖς δὲ καὶ ἀπιέναι οἵκαδε ἐθέλουσιν ὑπάρχειν ἀπιέναι] aut καὶ delendum aut legendum τοῖς δ' <ἀπειθεῖν> καὶ ἀπιέναι.

1) Idem ipse dubitanter proposui.

2) Idem prop. Krueger.

3) Idem restituit Ellendt.

4) ἀποστατήσω δὲ οὐδὲ corr. Toup coll. Suid. s. v. ἀποστατήσω.

5) Idem suppl. Krueger.

## AD LIBRUM SEXTUM.

1, 5 p. 287, 9 τι] fortasse τε.

1, 5 p. 287, 11 legendum τοῦτο <τὸ> ἀμφὶ τῷ Νείλῳ γραφέν <sup>1)</sup>.

3, 5 p. 290, 5 (οἱ Ἴνδοι) ἐπὶ τῇ ὄχθῃ κατέθεον] aut συνέθεον legendum aut ἐπὶ τὴν ὄχθην κατέθεον <sup>1)</sup>.

4, 1 p. 290, 13 ss. (Φίλιππον) ἐπὶ τὸν Ἀκεσίην ποταμὸν ἐκπέμπει (scil. Ἀλέξανδρος) ξὺν οἷς ἔχων ἦκε, τάξας παρὰ τοῦ Ἀκεσίνου ποταμοῦ τὴν ὄχθην πορεύεσθαι] leg. τὴν <δεξιὰν> ὄχθην.

5, 2 p. 292, 1 ss. αἱ δὲ μακρὰ νῆες οὐχ ὡσαύτως (scil. aliter atque onerariae) ἀπαθεῖς ἀπῆλθον ἐν τῇ ἐπιστροφῇ, οὔτε μετέωροι ἐπὶ τοῦ ἐπικαχλάζοντος κύματος ὡσαύτως οὔσαι κτλ.] aut simplex καχλάζοντος optandum aut ὑποκαχλάζοντος, et pro οὔσαι mallem θέουσai aut μένουσαι.

7, 5 p. 296, 17 ss. πρῶτος Ἀλέξανδρος ἐπιβὰς τοῦ τείχους ὄφθῃ ἔχων τὸ τεῖχος· καὶ τοῦτον ἰδόντες οἱ ἄλλοι Μακεδόνες αἰσχυνθέντες ἄλλος ἄλλῃ ἀνίσταν] leg. ἀνῆσαν <sup>2)</sup>.

9, 2 p. 298, 26 s. οἱ δὲ ὁμοῦ Περδίκκα τεταγμένοι ὑστέρησαν ὑπερβαίνοντες κατὰ τὰ τεῖχη οὐκ εὐπετῶς] κατὰ delendum.

10, 4 p. 301, 18 sq. (οἱ Μακεδόνες ἄλλοι ἄλλας μηχανὰς ἐς τὸ ἀνελθεῖν ἐπὶ τὸ τεῖχος ἐμηχανῶντο) ὁ δὲ πρῶτος ἀνελθὼν ἐνρίπτει αὐτὸν κατὰ τὸ τεῖχος ἐς τὴν πόλιν ἵνα περ τὸν βασιλέα ἐώρων κείμενον, ξὺν οἰμωγῇ καὶ ἀλαλαγμῷ πάντες] legendum κατὰ τοῦ τείχους, de muro summo deorsum <sup>3)</sup>; pro πόλιν mallem quoque ἀκρόπολιν, v. § 4 i. f. (p. 302, 2). Deinde (post πόλιν) nonnulla desunt, e. c. καὶ δεύτερος ἐπ' αὐτῷ καὶ τρίτος καὶ ἄλλοι πολλοί, vel simile quid <sup>4)</sup>, quod intelligitur e plurali ἐώρων *videbant* addito, id quod incongruum foret, si de uno solo sermo esset. Prodit defectum quoque vox πάντες.

10, 4 p. 302, 1 s. ὄσαντες ἐς τὸ ἔσω τὸ τεῖχος ἀνεπέτασαν ταύτῃ τὴν ἄκραν] legendum τοῦ τείχους <sup>5)</sup>.

11, 1 p. 302, 5 s. ἐξέφερον τὸν βασιλέα ἐπὶ τῆς ἀσπίδος κακῶς ἔχοντα] in castra scilicet, neque adversatur c. 12, 1 (p. 304, 18: ἐν ᾧ δὲ Ἀλέξανδρος αὐτοῦ μένων τὸ τραῦμα ἐθεραπεύετο) et

1) Hoc etiam Krueger proposuit.

2) Idem restituit Ellendt.

3) Idem reposuit Krueger.

4) εἴτα ἄλλος καὶ ἄλλος post πόλιν suppl. Polak.

5) Idem conii. Krueger.

c. 12, 3 (p. 305, 9 s.: *γράμματα παρ' αὐτοῦ ἦκεν ὅτι ὅσον οὕτω κατελεύσεται ἐπὶ τὸ στρατόπεδον*), nam ibi sermo est de castris maioribus, ubi reliquerat Alexander maximam exercitus partem, in Mallos proficiscens, ut ipse Arrianus admonet, cf. c. 13, 1 (p. 305, 18 s.).

11, 3 p. 302, 25 (*ἰγνώκεσαν οἱ Μαλλοὶ*) *ξυμμίξαντες τοῖς Ὀξυδράκαις οὕτω διαγωνίζεσθαι*] fortasse οὕτω δὲ ἀγωνίζεσθαι aut οὕτω <δὴ αὐτῶ> διαγωνίζεσθαι.

11, 7 p. 303, 25 ὑπὲρ delendum <sup>1)</sup>.

11, 8 p. 304, 11 ss. *καίτοι αὐτὸς Πτολεμαῖος ἀναγέγραφεν οὐδὲ παραγενέσθαι τούτῳ τῷ ἔργῳ, ἀλλὰ . . . ἄλλας μάχεσθαι μάχας καὶ πρὸς ἄλλους βαρβάρους*] aut *μαχεσασθαι* aut *μεμαχησθαι*, nam tempus praeteritum sententia postulat.

12, 2 p. 305, 1 ss. (*ἄθυμοι ἦσαν οἱ Μακεδόνες ὅπως ἀποσωθῇσονται ἐς τὴν οἰκίαν*) *τοσούτων ἔθνων μαχίμων περιειργόντων σφᾶς ἐν κύκλῳ, τῶν μὲν οὕτω προσκεχωρηκότων, τῶν δὲ ἀποστησομένων ἀφαιρεθέντος αὐτοῖς τοῦ Ἀλεξάνδρου φόβου*] potest vulgata lectio defendi et Ἀλεξάνδρου φόβος esse metus ab Alexandro barbaris incussus, exspectatio malorum ab eo metuendorum, mallet tamen ut mollius et planius τοῦ <ἀπ> vel <ἐξ> Ἀλεξάνδρου φόβου.

13, 3 p. 306, 8 ss. *οἱ δὲ ἐπέλαζον* (scil. Ἀλεξάνδρῳ) *ἄλλος ἄλλοθεν, οἱ μὲν χειρῶν, οἱ δὲ γονάτων, οἱ δὲ τῆς ἐσθῆτος αὐτῆς ἀπτέμενοι, οἱ δὲ καὶ ἰδεῖν ἐγγύθεν καὶ τι καὶ ἐπευφημήσαντες ἀπελθεῖν*] potest ἰδεῖν et ἀπελθεῖν accipi pro ἐπὶ τῷ ἰδεῖν et ἀπελθεῖν: *accedebant eo fine ut Alexandrum e propinquo spectarent*, existimo tamen βουλόμενοι vel γλιχόμενοι vel θέλοντες vel simile quid excidisse <sup>2)</sup>.

14, 2 p. 307, 14 ss. *συγγνωστὰ δὲ ἀμαρτεῖν ἔφασαν* (scil. οἱ τῶν Μαλλῶν πρέσβεις) *οὐ πάλαι παρ' αὐτὸν πρεσβευσάμενοι. ἐπιθυμεῖν γὰρ ὥσπερ τινὲς ἄλλοι ἔτι μᾶλλον αὐτοὶ ἐλευθερίας*] fortasse *ἐπιθυμεῖν γὰρ ὥσπερ τινὲς ἄλλοι, <καὶ> ἔτι μᾶλλον, αὐτοὶ ἐλευθερίας*: *parsi modo se libertatem cupere atque ulli alii, et adhuc magis cupere* <sup>3)</sup>.

19, 2 p. 316, 4 ss. *ὅσας μὲν δὴ τῶν νεῶν ἐν τῷ πηλῷ ἑδραίας κατέλαβεν* (scil. τὸ ὕδωρ μετὰ τὴν ἀμπωτιν προσίον), αὐταὶ δὲ

1) Idem del. Krueger.

2) ἐφιέμενοι suppl. Krueger.

3) ὥσπερ pro ὥσπερ prop. Polak.

ἀβλαβῶς τε ἐμετεωρίσθησαν καὶ οὐδὲν χαλεπὸν παθεῖναι ἔπλεον αὐθις· ὅσαι δὲ ἐν ξηροτέρῃ τε τῇ γῇ καὶ οὐ βεβαίως τὴν στάσιν ἔχουσαι ὑπελείφθησαν, αὐταὶ δὲ ἀθρόου ἐπελθόντος τοῦ κύματος αἱ μὲν αὐτῶν ἐμπεσοῦσαι ἐς ἀλλήλας, αἱ δὲ πρὸς τῇ γῇ ἀραχθεῖσαι συνετρίβησαν] *legendum* αὐταὶ μὲν ἀβλαβῶς, ἐπὶ πρὸς τὴν γῆν ἀραχθεῖσαι.

21, 2 p. 319, 7 ss. ἀπὸ δὲ τοῦ χειμῶνος τῆς ἀρχῆς <sup>1)</sup> τὸ ἀπὸ Πλειάδων δύσεως ἔστε ἐπὶ τροπᾶς, ἧς ἐν χειμῶνι ὁ ἥλιος ἐπιστρέφει] *pro* τὸ *legendum* ἦτοι: *ab initio hiemis aut, quod idem est, ab occasu Vergiliatum.*

22, 6 p. 322, 8 ss. (Ἀριστόβουλος λέγει) εἶναι δὲ καὶ ἄλλα δένδρα ἐν τῇ ἐρήμῳ, τὸ μὲν τι δάφνη ἰοικδς τὸ φύλλον, καὶ τοῦτο ἐν τοῖς προσκυλλομένοις τῇ θαλάσῃ χωρίοις πεφυκέναι] *legendum* ἄλλο δένδρον.

23, 3 p. 323, 18 s. ἀπήγγειλεν ἀλιέας τινὰς καταλαβεῖν ἀπὸ τοῦ αἰγιαλοῦ ἐν καλύβαις πνιγνῆαῖς] *pro* ἀπὸ *legendum* ἐπὶ <sup>2)</sup>, cf. c. 26, 5 (p. 330, 3).

25, 6 p. 328, 2 ss. οἱ πολλοὶ δὲ καὶ πίνοντες, ὁπότε ἐκ καύματος τε καὶ δίψους ὕδατι ἀθρόω ἐπιτύχοιεν, πρὸς αὐτοῦ τοῦ ἀπαύστου ποτοῦ ἀπώλυντο] *fortasse* καὶ <ἔτι> πίνοντες *vel* καὶ <μεταξὺ> πίνοντες, *inter dūdendum.*

27, 3 p. 331, 4 s. ἐνταῦθα δὲ Στασάνωρ τε ὁ Ἀρείων καὶ ὁ Ζαραγγῶν σατράπης ἦκεν] *post* καὶ *deest* nomen viri <sup>3)</sup>.

29, 11 p. 337, 4 ss. (Ἀλέξανδρος τοὺς μάγους ἐστρέβλωσεν) οἱ δὲ οὐδὲν οὔτε σφῶν οὔτε ἄλλου κατεῖπον στρεβλούμενοι, οὐδὲ ἄλλη πῃ ξυνηλέγχοντο ξυναιδότες τῷ ἔργῳ] *legendum* ἐξηλέγχοντο <sup>4)</sup>.

30, 3 p. 337, 25 γε] *legendum* τε <sup>5)</sup>.

## AD LIBRUM SEPTIMUM.

3, 6 p. 342, 22 ss. ταῦτα καὶ τοιαῦτα ὑπὲρ Καλάνου τοῦ Ἰνδοῦ ἱκανοὶ ἀναγεγράφασιν, οὐκ ἄχρεῖα πάντα ἐς ἀνθρώπους, ὅτῳ γινῶναι ἐπιμελές, ὥς καρτερόν τέ ἐστι καὶ ἀνίκητον γινώμη ἀνθρωπίνη ὅ τι περ ἐθέλοι ἐξεργάσασθαι] *fortasse* οὐκ ἄχρεῖα πάντως

1) τῆς ἀρχῆς *vulgata* *post* Vulcanium, τὴν ἀρχὴν *cod.*

2) *Idem* restituit Bergler.

4) *Idem* reposuit Krueger.

3) *Alteram* δ *del.* Sintenis.

5) *Idem* con. Pflugk.

ἀνθρώπων ὅτῳ γινῶναι ἐπιμελές, *hominum illi futura non prorsus inutilia, qui nosse curet* <sup>1)</sup>).

4, 8 p. 344, 24 s. τούτοις δωρεὰ Ἀλεξάνδρου ἐδόθησαν ἐπὶ τοῖς γάμοις] *legendum* <ὕπ> Ἀλεξάνδρου <sup>2)</sup>).

5, 3 p. 345, 13 ss. καταθείς δὲ (scil. Ἀλέξανδρος) τραπέζας ἐν τῷ στρατοπέδῳ καὶ ἐπὶ τούτων χρυσίον καὶ τοὺς ἐπιμελησομένους τῆς δόσεως ἐκάστοις, ὅστις συμβόλαιον ἐπεδείκνυτο, ἐπιλύεσθαι τὰ χρέα ἐκέλευεν οὐκ ἀπογραφομένους ἔτι τὰ δνόματα. καὶ οὕτω δὴ ἐπίστευσάν τε ἀληθεύειν Ἀλέξανδρον καὶ σὺν χάριτι μείζονι ἐγίγνετο αὐτοῖς τὸ μὴ γνωσθῆναι μᾶλλον τι ἢ τὸ παύσασθαι ὀφείλοντας] *legendum* ἀπογραφομένοις. *Redit enim ad* ἐκάστοις, nam si ad ἐπιμελησομένους rediret, debuisset ἀπογράφοντας dicere. *Ad* γνωσθῆναι subaudi ὀφείλοντας, quod ex proximo versu huc tacite pertrahi debet: *ἴγνωται se debere*.

7, 5 p. 349, 7 s. ἐς οὐ πολὺ ὕδωρ ὃ Εὐφράτης τελευτῶν καὶ τεναγώδης ἐς τοῦτο οὕτως ἀποπαύεται] *pro* καὶ τεναγώδης ἐς τοῦτο *legendum* καὶ τεναγῶδες τοῦτο, *et id ipsum quidem paludosum, redit enim ad* ὕδωρ <sup>3)</sup>).

8, 1 p. 350, 1 ss. (Ἀλέξανδρος) προεῖπεν ὅτι τοὺς ὑπὸ γήρωσ ἢ πηρώσεως τοῦ σώματος ἀχρεῖους ἐς τὰ πολέμια ὄντας παραλύει μὲν τῆς στρατιᾶς, ἀποτέμπει δὲ ἐς τὰ σφέτερα ἤθη, ἐπιδώσει δὲ μένουσιν ὅσα αὐτοὺς τε ζηλωτοτέρους ποιήσει τοῖς οἴκοι κτλ.] *pro* μένουσιν *leg.* ἀπιοῦσιν <sup>4)</sup>).

9, 4 p. 352, 2 s. ἀντὶ τοῦ φόρους τελεῖν Ἀθηναίοις καὶ ὑπακούειν Θηβαίων] *aut* ἀκούειν simplex composito sufficiens, *aut* *legendum* Θηβαίοις.

9, 5 p. 352, 5 s. ἡγεμὼν αὐτοκράτωρ συμπάσης τῆς ἄλλης Ἑλλάδος ἀποδειχθεὶς τῆς ἐπὶ τὸν Πέρσην στρατιᾶς mallem <ὕπ> συμπάσης, nam alias durior esset constructio et sequens τῆς στρατιᾶς penderet neque haberet quo referretur.

10, 1 p. 353, 15 s. (Alexander in oratione ad milites:) τίς ὑμῶν ἢ πονήσας οἶδεν ἐμοῦ μᾶλλον ἢ ἐγὼ ὑπὲρ ἐκείνου; *legendum* καὶ τίς ὑμῶν [ἢ] πονήσας οἶδεν <ὕπ> ἐμοῦ μᾶλλον

1) πάντῃ pro πάντα prop. Sinentis.

2) Ἀλεξάνδρῃ con. Ellendt, <ἐξ> Ἀλεξάνδρου Krueger.

3) Idem restituit Jacobs.

4) Idem con. Krueger, ego μένουσιν ut spurium cancellavi.

κτλ. <sup>1)</sup>. Hoc esset minus terse quidem at paullo tamen dilucidius, πλατυκώτερον ἀλλὰ σαφέστερον, ita exponendum: καὶ τίς ὑμῶν ξύνοιδεν ἑαυτῷ πεπονηκῶτι (vel ὅτι πεπόνηκεν) ὑπὲρ ἑμοῦ μᾶλλον ἢ ἐγὼ ἑμαυτῷ ξύνοιδα πεπονηκῶτι ὑπὲρ ἐκείνου;

10, 2 p. 353, 20 οὐδὲ ὅπλον τι ἔστιν ἢ ἐκ χειρὸς ἢ τῶν ἀφιεμένων] parum abest quin pronunciam post ἐκ χειρὸς desiderari ἐπενεχθῆν vel simile quid.

13, 4 p. 360, 21 ss. οὐδὲ δοκεῖ μοι ἐν τῷ τότε σώζεσθαι τὸ γένος τῶν Ἀμαζόνων, οὐδ' ἔτι πρὸ Ἀλεξάνδρου, ἢ Ξενοφῶν ἀνεμνήσθη αὐτῶν] legendum ἀν ἐμνήσθη <sup>2)</sup>.

13, 6 p. 361, 10 Ἡροδότῳ πολλάκις περὶ τῶν γυναικῶν τούτων (scil. τῶν Ἀμαζόνων) πεποιήται] subaudi λόγος <sup>3)</sup>.

14, 5 p. 362, 20 s. οἱ δὲ καὶ (scil. ἀνέγραψαν), τὸ ἄρμα ἐφ' ὅτῳ τὸ σῶμα ἐφέρετο αὐτὸς ἔστιν ὅτε ἡνιόχει] fortasse <ὅτι> αὐτός ἐστιν, ὃς ἡνιόχει <sup>4)</sup>.

16, 4 p. 367, 4 ss. (πολλοὶ δὲ ποταμοὶ ἐς τὴν Κασπίαν θάλασσαν ἐξιῶσιν) οἱ μὲν καὶ γινωσκόμενοι πρὸς τῶν ἄμφ' Ἀλέξανδρον ἐπελθόντων τὰ ἔθνη ταῦτα, οἱ δὲ κατὰ τὰ ἐπέκεινα τοῦ κόλπου, ὡς εἰκός, ἐς τοὺς Σκύθας τοὺς Νομάδας, ὃ δὴ ἄγνωστον πάντῃ ἐστίν] post Νομάδας videtur ἀναγεόμενοι deesse <sup>5)</sup>.

16, 5 p. 367, 12 ss. (Χαλδαίων οἱ λόγοι) ἰδέοντο (scil. Ἀλεξάνδρου) ἐπισχεῖν τὴν ἐπὶ Βαβυλῶνος ἔλασιν. λόγιον γὰρ γεγονέναι σφίσιν ἐκ τοῦ θεοῦ τοῦ Βήλου μὴ πρὸς ἀγαθοῦ οἱ εἶναι τὴν πάροδον τὴν ἐς Βαβυλῶνα ἐν τῷ τότε· τὸν δὲ ἀποκρίνασθαι αὐτοῖς λόγον τοῦ Εὐριπίδου τοῦ ποιητοῦ ἔπος (nempe μάντις δ' ἄριστος ὅστις εἰκάζει καλῶς)] sunt procul dubio qui πρὸς ἀγαθοῦ defendant, ego vero nullus dubito πρὸς ἀγαθὸν emendare; saltem si vulgata servetur, subaudiri oportebit μοῖραν vel simile quid. Deinde pro λόγον legendum λόγος, scil. ἐστὶ vel κατέχει <sup>6)</sup>.

19, 6 p. 373, 8 s. ἦν δὲ αὐτῷ (scil. Ἀλεξάνδρῳ) τοῦ ναυτικοῦ ἢ παρασκευῇ ὡς ἐπὶ Ἀραβας τοὺς πολλοὺς)] Arrianus in more

1) Idem prop. Abicht, Krueger post μᾶλλον lacunam statuit et <ἢ κινδυνεύσας ὑπὲρ ἑμοῦ μᾶλλον> add., <ἢ τάλαιπωρήσας ὑπὲρ ἑμοῦ> suppl. Polak.

2) Idem restituit Sintenis.

3) <λόγος> vel <μνήμη> πεποιήται prop. Polak.

4) ὅτι pro ἔστιν ὅτε substituit Sintenis, <ὅτι> post ἐφέρετο add. Abicht.

5) κατὰ τοὺς Σκύθας rescripsit Schmiedler e cod. Optimo qui dicebatur.

6) Hoc etiam Krueger restituit.

habet illos Arabas, qui peninsulam vulgo Felicem dictam incolerent, appellare τοὺς πολλοὺς eoque hos Arabas, Arabiae Felicis incolas, a nomadibus Arabibus per Arabiam desertam et Petraeam et Syriam atque Palaestinam itemque Mesopotamiam palantibus distinguere, ut numero superantes a paucioribus. Sic supra c. 1, 2 (p. 338, 7) Arabiam Felicem τὴν πολλὴν appellavit, quod etiam Indic. XLIII 1 et 7 fecit.

20, 2 p. 374, 1 legendum τὸ <τε> μέγεθος τῆς χώρας <sup>1)</sup>, scil. ὑπεκίνει αὐτόν, quod e superioribus (p. 373, 24) tacite repetendum est.

21, 1 p. 376, 16 ss. (Ἀλέξανδρος ἐκπλεῖ) ὡς ἐπὶ τὸν Πολλακόπαν καλούμενον ποταμόν. ἀπέχει δὲ οὗτος τῆς Βαβυλῶνος σταδίου ὅσον ὀκτακοσίου, καὶ ἔστι διῶρυξ αὐτῆς <sup>2)</sup> ὁ Πολλακόπας ἐκ τοῦ Εὐφράτου, οὐχὶ δὲ ἐκ πηγῶν τις ἀνίσχων ποταμός] legendum αὐτῆς <sup>3)</sup>.

21, 3 p. 377, 7 s. (αἱ λίμναι) αἱ δὲ ἀρχόμεναι ἀπὸ ταύτης τῆς διῶρυχος ἔστε ἐπὶ τὴν ξυνεχῆ τῇ Ἀράβων γῇ] post γῇ deest verbum, e. c. ἀνατείνουσιν, *procurrunt*, aut προβαίνουσιν vel simile quid <sup>4)</sup>.

21, 4 p. 377, 14 s. εἰ δὲ τις μὴ ἀποφράξει τὸν Πολλακόπαν αὐτῆς, . . . ἐκένωσεν ἂν τὸν Εὐφράτην ἐς αὐτόν] legendum ἀποφράξειε <sup>5)</sup>.

22, 2 q. 379, 4 (ὁ κάλαμος ἐπεπεφύκει) τάφῳ τινὶ τῶν πάλαι βασιλέων] malle m τινός.

22, 3 p. 379, 6 ss. τῶν τις ναυτῶν ἐκνηξάμενος ὡς ἐπὶ τὸ διάδημα ἀφελὼν τοῦ καλάμου αὐτὸ μετὰ χειρὸς μὲν οὐκ ἤνεγκεν, ὅτι νηχομένου ἂν αὐτοῦ ἐβρέχετο, περιθείς δὲ τῇ κεφαλῇ τῇ αὐτοῦ οὕτω διήνεγκε] malle m οὕτω δὲ ἤνεγκε aut οὕτω <δὲ> διήνεγκε.

24, 2 p. 382, 16 s. (Ἀριστόβουλος λέγει) τῶν τινα οὖν ἡμελημένων ἀνθρώπων, οἱ δὲ καὶ τῶν ἐν Φυλακῇ ἀδέσμῳ ὄντα λέγουσιν] legendum ὄντων.

1) Idem suppl. Krueger.

2) Ita vulgata, αὐτῇ (sic) cod.

3) Idem reposerunt Pflugk et Sintenis, ego praeterea voces ὁ Πολλακόπας ut spurias eieci.

4) Eodem loco aliquid excidisse putavit Krueger, ego διήκουσιν post διῶρυχος addidi.

5) Idem restituit Ellendt.

24, 4 p. 383, 8 s. ἀπὸ δὲ τοῦ πότου αὐτὸν μὲν (scil. Ἀλέξανδρον) ἀπαλλάττεσθαι ἐθέλειν ἐπὶ κοιτῶνι εἰσὶν οἱ ἀνέγραψαν] legendum ἐπὶ κοιτῶνα <sup>1)</sup>).

30, 3 p. 390, 7 ss. ἐπεὶ καὶ αὐτὸς ἐμεμφάμην ἔστιν ἃ ἐν τῇ ξυγγραφῇ τῶν Ἀλεξάνδρου ἔργων, ἀλλὰ αὐτόν γε Ἀλέξανδρον οὐκ αἰσχύνομαι θαυμάζων] legendum ἐπεὶ, <εἰ> καὶ αὐτὸς, vel ἔτι, <εἰ> καὶ αὐτὸς.

1) Idem restituit Sintenis.

# EMENDATUR STAT. ACH. I. 87.

Ubi Neptunus Thetin alloquitur et alia dicit et haec:  
cum tuus Aeacides tepido modo sanguine Teucros  
undabit campos, modo crassa exire vetabit  
flumina et Hectoreo tardabit funere currus  
impelletque manu nostros, opera inrita, muros!

Lectio *undabit* hucusque editorum curas frustra vexavit, quae quin corrupta sit non est dubitandum, quandoquidem tam Statius quam ceteri semper et ubique eo verbo intransitive usi sunt, cf. Theb. I. 449, 552, II. 124, 635 e. a. Garrod vocabulo crucibus saepto proponit *turpabit* additque certe lectionem traditam frustra ex Claud. Ruf. II 68 defendi.

Veram lectionem esse mutabit et alii loci Statiani et res palaeographica me docuerunt. Sunt autem Theb. VII. 71:

Hyrcano in sanguine pulcher  
ipse subit curru, diraque aspergine latos  
mutat agros, spolia a tergo flentesque catervae.

Deinde Theb. IX. 257:

crasso vada mutat uterque  
sanguine, et e fluvio neutri fatale reverti.

Denique Theb. IX. 359:

iacet ipse procul, qua mixta supremum  
Ismenon primi mutant confinia ponti.

Similiter Lactantius verbo usus est, qui ad Theb. VIII. 405: 'nondum deforme cruoribus aurum' observat: „Necessitas enim belli aurum aut perdit aut mutat”, neque aliter apud Verg. Ecl. 4. 44 explicandum est:

ipse sed in pratis aries iam suave rubenti  
murice, iam croceo mutabit vellera luto.

P. H. D.

## AD NOVA FRAGMENTA IN LIBRO

BERLINER KLASSIKERTEXTE V, 2.

SCRIPSIT

H. VAN HERWERDEN.



SAPPHONIS fr. II (p. 13), strophe quinta sic editur:

π[όλλοις γὰρ στεφά]νοις ἴων  
καὶ βρ[όδων ...]κιων τ' ὅμοι (= ὁμοῦ)  
καὶ [. . . . .] παρ' ἔμοι περεθήκαο.

In vs. ultimo supplendum suspicor:

καὶ ἀ[νθρώσκων], i. e. κἀνθρώσκων. Cf. fr. V, strophe 5:  
ἀ δ' ἱέρσα κάλα κέχυται, τεθά|λαισι δὲ βρόδα κᾶταλ' ἀνθρώσκα.  
Post καὶ Blass leve vestigium literae A dispicere sibi visus est.

In magno *Cretensium* EURIPIDIS fragmento p. 73 sqq. postquam Pasiphaë convicta quod Minotaurum peperisset, culpam partim voluntati divinae partim Minoi tribuit, in quem vehementer invehitur, quod missum sibi taurum non, ut voverat, Neptuno immolarit, et chorus huius iram mitigare frustra conatus est, vs. 44 Minos ira excandescens exclamat:

ἄρ' ἐστόμωται, *quantum os gerit!* Tum ad satellites:  
μ[. . . . .] βοαι.

45 χωρεῖτε λόγχη [. . . . . ο]υμένη  
λάζυσθε τὴν πανοῦργον, ὧς καλῶς θάνηι,  
καὶ τὴν ξύνεργον [τήνδε, δ]ωμάτων δ' ἔσω  
[ἄγο]ντες αὐτὰς ἔρ[ξατ' ἐς . . . τ]ήριον,  
[ὧς μ]ηκέτ' εἰσιδ[ωσιν ἡλίου κ]ύκλον.

Fortasse primus versus sic potest redintegrari, ut legatur:

ἄρ' ἐστόμωται· μ[ᾶσσον ἢ ταῦρος] βοᾷ! —  
χωρεῖτε κτέ.

i. e. *altius tauro* (amatore suo) *clamat!* — *Ite satellites* cett.  
De λόγχη collective usurpato pro λογχοφόροι cf. nota editoris.

Versui 48 quattuor adhuc desunt literae. Sententiae convenit: ἄγοντες αὐτὰς ἔρξαιτ' ἐς κρυπτήριον, *conclave abditum, latebras* = *κευθμῶνα*, quamquam substantivum non nisi apud sequiores occurrit. Sed vocabulum legitime formatum est a *κρυπτός*, ut *κριτήριο* a *κριτός* cett., et plurima vocabula pro novitiis habita literarum incremento apparuit esse antiqua.

NOVAE COMOEDIAE FRAGMENTUM B p. 115 sqq., si non Menandreum, Menandro saltem dignissimum, continet tres columnas, quarum secunda et tertia pars ultima ita comparatae sunt, ut satis bene possint intellegi. Col. II

- 35 ζηλοῖς λαβῶν τε τὴν . . . . ἐλ[ή]λυθα[ς]  
 θυγατέρα δεῦρο, πλουσίαν τε [ήγ]ῃ[ι] μόνη[ν]  
 ταύτην, σεαυτὸν δ' οὐχί; B. πάντ' ἐγὼ [μ]όνης  
 ταύτης λογιζομαι τ' ἐμαυτοῦ τὴν ἐμήν.  
 ἐλευθέρα τ' ἦν καὶ πόλεως Ἑλλη[ν]ίδος,  
 40 καὶ πάντα ταῦτ' ἐκτησά[μην] ἀ[γαθ]ῇ τύχῃ.  
 οὐ δεῖ λαβεῖν με πορνο[.....] θ....  
 A. τί δὴ τὸ λυποῦν σ' ἐστίν; τ[ί] γὰρ οὐκ ἤγαγες  
 ἐνταῦθα τὴν γυναῖκα κα[.] . . . . .];  
 B. οὐκ οἶδ' ὅπου γῆς ἐστίν· οὐκ [ἐλ]ήλ[υθ]εν  
 45 οὐπω γε νυνί, τῶν χρόν[ω]ν ὄντων μακρῶν. κτέ.

Uxorem iuvenis, de qua hic agitur, ditissimam fuisse ἐπίκληρον crediderim et patris iam defuncti filiam, fortasse *unicam*, itaque ditio- rem quam si sorores habuisset. Quinque saltem literis in vs. 35 adhuc deficientibus convenit *μόνην*, nec coniecturae ob- stare *μόνην* et *μόνης* in versibus contigu- is vix est quod dicam.

Vs. 43 fortasse sic explendus:

ἐνταῦθα τὴν γυναῖκα κα[.] τὸ παιδί[ω]ν;

Sufficit certe spatium, nec video quid obstat, sequens enim numerus singularis spectat matrem, cui infans est ἐν προσθήκῃς μέρει. Litera finalis secundum editorem est aut H aut N. — Vox ζηλοῖς cohaerens cum antecedentibus, quae perierunt, fugit interpretationem.

Vs. 59 s.

καὶ γὰρ αὐτὸς ἐγενόμην

εἷς [τῶν λεγο]μένων οὐσίαν μικρὰν ποιεῖν.

Hinc profecisse videtur veterum imitator Libanius Or. XL § 6: οὐδὲν ἂν ἀνδραπόδου βελτίων ... οὐσίαν μικρὰν ποιεῖν.

In eodem fragmento, col. 2 et 3, altera est scena, ubi pater aliquis cum filio suo (non confundendo cum priore illo adolescente) colloquitur, qui confitetur se amare filiam citharistae cuiusdam Ephesii nomine Phaniae, sic narrans inde a vs. 92 quomodo eam primum cognoverit:

τὰ δ' ἄλλ' ἄκουσον συστρ[όφως εἰρημένα].

εἰς τὴν Ἑφεσον ἔπεσον [ἐγὼ 'κ ναυαγίας].

τῆς Ἀρτέμιδος ἦν τῆς ἐκεῖ τιμωμένης]

95 δειπνοφορία τις παρθένω[ν τε καὶ νέων].

εἶδον κόρην ἐνταῦθα Φανίου [τινός]

Εὐωνυμέως. B. Εὐωνυμεῖς καὶ[κεῖ τινές]

εἰς' ἐν Ἑφέσῳ; A. χρέα μὲν οὖν [ἦλθεν Φυγῶν]

ἐντεῦθεν. B. ἄρα τοῦ κιθαριστοῦ Φανίου]

100 ταύτην λαβεῖν ἐσπούδακ[ας τὴν παρθένον,]

τοῦ γείτονος νῦν ὄντος; οὐ[τ]ο[ς, πῶς λέγεις];

Supplementa mea sunt vs. 92—94 et vs. 101.

Vs. 94 parum feliciter suppletus: Ἑ[φεσίας] . . . . . Asyndeta orationis συνεστραμμένης propria sunt. Indignabundum autem patrem decet quod in ultimo versu conieci οὗτος, πῶς λέγεις; Ceteram in hoc genere pleraque incertiora esse vix est quod dicam, specie quadam contenti esse debemus. — Ad δειπνοφορία editor vix scripsisset quae adnotavit, ita festum vocare *potuisse* Atheniensem, si cognovisset titulum Ephesium in Herme IV p. 203 δειπνοφοριακὴ πομπή, quem in *Lexico* meo *suppletorio* attuli.

MELANIPPAE EURIPIDAE fragm. p. 125, col. 3, 13:

ἐρημία

γυναικὸς οἶκος δυσπινὴς ὅγε ὄλβιος.

Adnotat editor: „auch wenn man <καί> ὅ γ' ὄλβιος versucht, bleibt der Ausdruck mit dem elenden γε des Dichters unwürdig." Recte, sed nihil opus est vocula καί. Vix aliud dedit poeta quam:

ἐρημία

γυναικὸς οἶκος δυσπινὴς ἐστ' ὄλβιος.

*Sine muliere dives domus sordet.*

Ibidem col. 4, vs. 16 (26) Florilegii auctori debetur forma futuri Hellenistica διορίσω pro διορίω, ut dedit Euripides, quod idem valet de γίνεται pro γίγνεται in versu sequente.

# OBSERVATIUNCULAE DE IURE ROMANO.

SCRIPTIT

J. C. NABER S. A. FIL.

(Continuantur ex Vol. XXXV pag. 395).



## XCIX.

### COMPENSATIO <sup>1)</sup> QUOTUPLEX.

Quaerunt dialectici, nec umquam, opinor, quaerere desistent, sitne ea natura compensationis ut invicem debita deberi desinant actu quodam interposito an re; neque enim, ista natio ut intelligat, fore spes est, sui natura compensationem utrumque admittere. Est enim una <sup>2)</sup> compensatio, quae fit *pact(o)* <sup>3)</sup> et in omnibus locum habet quae invicem debeantur, nam nihil est aliud nisi remissio ultro citroque <sup>4)</sup>. Quocirca quaeritur teneatne

---

1) Compensationem in hoc tractatu intelligimus *invicem liberationem* (Tribon. l. 10 pr. D. 16. 2), in qua aut nihil aut superfluum tantum solvatur. De aliis compensationibus (*„Erwerbscompensationen“*) cf. Kretschmar, *Secum pensare* (1886) p. 1-3.

2) Compensationem modo esse *voluntariam*, modo *necessariam*, nec posse utrique generi eadem iuris regulas convenire, viderunt multi (veluti Bethman-Hollweg, *RL. Mus.* I (1827) p. 268). Sed in eo errarunt, quod aut compensationem voluntariam neglexerunt (Ubbelohde, *Ueber den Satz* etc. (1858) p. 6: *„Compensation, die sogenannte comp. necessaria“*; Lenel, *das edictum* (1907) p. 485<sup>2)</sup>: *„eigentliche Compensation (findet) nur durch den Richter statt“*), vel certe in definiendo rationem eius non habuerunt (Windscheid (1891) § 348 ia. § 351. 2), aut necessariam putaverunt unam esse. Vitaverunt prius vitium Eisele, *Compensation* (1876) p. 389 (§ 35); Dernburg, *Pandekten* II (1892) § 62, utrumque Girard, *Manuel* (1906) p. 702.

3) Cf. l. 51 § 1 D. 2. 14; l. 7 § 4 D. 15. 3; l. 4 D. 20. 4; l. 11 § 9 D. 32; c. 13 C. 4. 31; c. 11 § 2 C. 4. 44; c. 2 § 1 C. 4. 49.

4) Windscheid (1891) § 351. 2: *„gegenseitiger Erlassvertrag“*.

pactum, quum ab altera parte indebitum in compensationem deductum sit <sup>1)</sup>. Est huius generis pactum id quoque, quo abitur ab emptione venditione vel locatione conductione, ceterorum eatenus dissimile, quatenus iure utroque valet <sup>2)</sup>, cetera honorario solo, nisi subiciatur acceptilatio <sup>3)</sup>. Alia compensatio est, quae fit iudicio, quae locum habet in bonae fidei iudiciis propter iudicis officium; at in strictis doli mali opposita exceptione propter rescriptum divi Marci, quod illustravimus cap. XXIX. Huic ut locus sit, oportet id invicem deberi, quod iudex ad idem genus, veluti pecuniam, redigere possit. Sed quia iure vere Romano id semper <sup>4)</sup> potest, hac ratione compensatio numquam impeditur <sup>5)</sup>. De novo iure quaeritur <sup>6)</sup>. Sane a Iustiniano non vetatur iudex aestimata re pecuniam condemnare, quamquam ob id ipsum cum convicio dimittitur <sup>7)</sup>; nec nisi permissam voluit Imperator pecuniariam condemnationem, aut dici potest, cur denegare opus fuerit compensationem depositario et *possessionem alienam perperam occupant(i)* <sup>8)</sup>, aut perspicitur, quando vel quomodo *ex (in rem) actionibus* compensa-

1) Cf. inprimis Eisele, *Compensation* (1876) p. 237-241.

2) § 4 Inst. III 29; l. 7 § 6, l. 58 D. 2. 14; l. 6 § 2, l. 72 pr. D. 18. 1; l. 1, l. 2 D. 18. 5.

3) Gai. IV § 126a.

4) Excipit Dernburg, *Compensation* (1868) p. 495, actiones arbitrarías, „wenigstens so lange das Stadium der Naturalrestitution noch nicht erledigt war“, id est antequam declaretur restitutum non iri. Docet quidem (ibid. p. 495-497): quum par causa sit, adversario postulante statim litem aestimari eo fine, ut compensatio fiat. Laudat in eam sententiam l. 18 § 4 D. 18. 6. Ulterius docet (ibid. p. 342/3), quum propter impensas utiles cum vindicante agatur, omnimodo litem aestimari, tum vero maxime quum res domino venalis sit. Laudat l. 28-30, l. 38 D. 6. 1.

5) Impediri quidam putant aut eo, quod non permittatur iudici condemnare reum, si velit praestare (Ubbelohde, *Ueber den Satz* etc. p. 73; Dernburg, *Compensation* (1868) p. 341; Eisele, *Compensation* (1876) p. 47), aut, quod non permittatur pecunia aestimare, quod invicem actorem praestare oporteat, hic si praestare malit (Eisele, *Comp.* p. 4/5). Illud numquam, hoc stricto dumtaxat iudicio constituto obaturum putat Windscheid (1891) § 350<sup>10</sup>. De bonae fidei iudicio concedit Eisele, *Compensat.* (1876) p. 324 (obaturum neutrum).

6) Cf. Knip, *Praescriptio und Pactum* (1891) p. 25<sup>11</sup> (= *die mora des Schuldners* (1872) § 91).

7) c. 17 § 2 C. 7. 4.

8) Ergo Appleton, *Hist. de la compensation* (1895) p. 489-501, compensationem his denegatam esse negat, mutuum petitionem ait (p. 501: „c'est tout simplement l'interdiction de la demande reconventionnelle“). Cf. ibid. p. 261 (ima), 409 (ima), 427<sup>12</sup>.

tionis nomine quidquam decerpi possit <sup>1)</sup>. Consequens igitur est <sup>2)</sup>, etiam iure novo compensationem generis diversitate nequaquam impediri. Iam lege Gallica <sup>3)</sup> cum pecunia cur veniat in compensationem nihil praeterquam fruges, quarum pretia *in foro rerum venalium habe(a)ntur* <sup>4)</sup>, adeoque cognosci possint *per nundinationem* <sup>5)</sup>, quas hoc tempore Galli literas appellant *mercuriales*, non ea ratio est, quod ceteras res omnes iudex aestimare non debeat — aestimare vetatur nihil, nisi, ubi in fructus condemnari oporteat, ultimi anni fructum <sup>6)</sup> — sed, quod non censuit legislator aestimationem expectandam esse <sup>7)</sup>. Qui, quod denegavit depositario et commodatario et praedoni exemplo iuris Iustiniani compensationem, post interdictam disparis generis compensationem sane ex abundanti cavit <sup>8)</sup>. Licet autem a Iustiniano non vetetur iudex aestimatione ultro citroque facta sic invicem debita compensare, cavetur tamen, ne quid in compensationem admittatur, quod non sit liquidae, id est, facilis, probationis. Ergo debet admitti, quod iudicationem non moretur, solum. Ex diverso remittit Iustinianus veteris iuris condicionem: ut exceptione reus se defenderit, quum stricto agatur iudicio. Qua condicione salva in strictis iudiciis non sufficiet apud iudicem datum mutuam actionem instituisse. Sufficiet in bonae fidei iudiciis <sup>9)</sup>, quia, mutuam petitionem qui intendit, is re ipsa postulat, ut compensetur <sup>10)</sup>. Quodsi in iure apud praetorem

1) Ergo docet Dernburg, *Compensation* (1868) p. 353/4 tunc demum decerpi, quum non possit res restitui vel quum causa rei aestimetur. Cf. Brachyl. III 18 § 7 (Eisele, *Compens.* (1876) p. 326).

2) Esse vidit Duarenus (I p. 303).

3) *Code civil* art. 1291. 2.

4) Cf. c. 87 C. Th. 11. 1; c. 2 C. Th. 11. 2; c. 2 C. Th. 11. 15. Eam appellant Papyri (veluti Paris. 7 lin. 13; Genev. 8 lin. 13/4, 25/6 (Nicole, *Rév. étud. grecq.* VIII (1896) p. 326, 331); Lond. 218 lin. 10/1; Grenf. I 18 lin. 21/2; Fayum 90 lin. 17; Amherst 44 lin. 11; 46 lin. 10/1; 47 lin. 13/4) τὴν ἐν τῇ ἀγορῇ (P. Tebt. 105, 46: τὴν ἐν τῇ νέμῃ; P. Genev. 43, 14/5: τὴν ἐπὶ τοῦ καιροῦ) τιμὴν.

5) Amm. Marcell. XXVIII 1 § 18. Cf. Appleton, *Hist. de la comp.* (1895) p. 98<sup>1</sup>.

6) *Code de procéd.* art. 129.

7) Cf. Dernburg, *Compensation* (1854) p. 428<sup>2</sup>.

8) Cf. Appleton, *Hist. de la compens.* (1895) p. 501-511.

9) Cf. Collat. X 2 § 5.

10) Ita sentiunt Bethmann-Hollweg, *Civilprozess* II § 101 (p. 466): „(die Widerklage schliesst) die Einrede der Compensation in sich“; Wetzell, *System* (1861) p. 689;

mutuam quis actionem instituerit, mittetur quidem ad eundem iudicem, sed non potest is iudex compensationis rationem habere, quum diversis formulis sumptus sit, nisi utrumque iudicium bonae fidei sit. Tunc enim potest in altero compensationis ratione habita et in superfluum reo condemnato ex altero absolvere. Quodsi alterum utrum bonae fidei est, in eo quidem potest compensationis rationem habere, sed, nisi alterum sub doli mali exceptione datum sit, ibi non potest absolvere. Quodsi utrumque strictum est et utrobique formula pura, in neutro poterit compensationis haberi ratio. Aliud dicendum est, si ipse magistratus cognitionem susceperit, quia hic semper potest compensationis rationem habere <sup>1)</sup> *ratione doli exceptionis* <sup>2)</sup>, quae extraordinariis iudiciis inest. Ergo, postquam iudicia omnia extraordinaria facta sunt, interesse desiit inter compensationis, id est, pensandae <sup>3)</sup> pecuniae, defensionem et mutuam actionem, quia nec interest re et solemnitas eadem est <sup>4)</sup>. Nam re ideo non interest, quia, qui mutuam actionem intendit, is utique desiderat compensari; qui vero opponit compensationem, is vel magis adversarium sibi condemnari cupit <sup>5)</sup>. Solemnitas autem

Dernburg, *Compensation* (1868) p. 542 (videtur quidem hic (p. 264) aliter existimare de iure Romano).

1) Posse vidit Appleton, op. cit. 262.

2) L. 67 § 3, l. 69 § 3 (cf. l. 34 § 2) D. 81.

3) Diversa est *pensata(e)* pecuniae exceptio (l. 19 § 3 D. 22. 3), id est, ni fallor, quam appellat Dernburg, *Compensation* (1854) p. 46/7 rei in compensationem deductae exceptionem (p. 255 summa: „*Einrede der durchgeführten Compensation*“).

4) Hoc sibi velle videtur Cuiacius, Obs. IX c. 37 (Paris. III p. 267 C/D) verbis: *mutuae petitionis obiectio compensatio est* (cf. Appleton, *Hist. de la compens.* (1895) p. 498). Eodem modo dici potest: *compensatio est mutuae petitionis obiectio*, quae sententia aliquando obtinuit (Dernburg, *Compensation* (1868) p. 545). Ceterum neque *compensatio est species reconventionis*, quod placebat Baldo (Dernburg, *Compens.* (1868) p. 269) neque *reconventio species compensationis*, quo principio, sed non expresso, ratiocinantur Wilmowski et Levy (1886) ad *Civilprozessordn.* § 33. 1.

5) Ergo falso docet Endemann, *Civilprozessrecht* (1868) § 175 (p. 662), proprium hoc esse mutuae actionis: „*die Widerklage ist ein wirklicher Gegenangriff, mit dem der Verklagte nicht blos, wie mit der Einrede die Abweisung der Klage, sondern die Kondemnation des Gegners bezweckt*“ (= Bettmann-Hollweg, *Rh. Mus.* I (1827) p. 262: „*durch die Compensation wünscht der Beklagte, wie durch jede Einrede, nur Absolution . . . . Durch die Widerklage verlangt er die Kondemnation des Klägers*“). Rectius multo Geib, *Theorie der gerichtl. Compens.* (1897) p. 117: „*wenn sich auch formell die Compensationseinrede als blosses Vertheidigungsmittel . . . . darstellt, so ist es doch materiell dem Compensanten um die (p. 105 sogar executive) Realisierung des eigenen . . . . Anspruchs zu thun*“.

adeo est eadem, ut dicere temptet Appleton <sup>1)</sup>: post formulas abrogatas novam aliquam solemnitatem mutuis actionibus positam esse, ne confunderetur mutua actio et compensationis defensio. Verum enimvero, quia leges non tantum Romanae sed recentissima quaeque separant mutuam actionem et compensationis defensionem — veluti permittebat lex Borussica de praediorum dominiis transferendis <sup>2)</sup>, quae anno 1872 lata est, ex causa rei venditae et traditae mutuam actionem (*Widerklage*), denegabat autem in pari specie defensionem (*Einrede*), atque similiter propria iura statuit lex Germanorum iudiciaria <sup>3)</sup> sive quis mutuam petitionem (*Gegenforderung*) in modum actionis instituerit (*Widerklage*), sive in modum contradictionis (*mittels Einrede*) — ergo, quia leges interesse volunt, mirum non est, si interpretes discrepantiam utriusque rei èt quaesiverunt èt, ut fit, invenisse sibi visi sunt. Azoni <sup>4)</sup> igitur et item multis aliis, qui ab Azone pendent vel certe pendere videntur, veluti papae Innocentio <sup>5)</sup>, Tancredo <sup>6)</sup>, Duranti <sup>7)</sup>, hoc interesse visum est inter defensionem et mutuam actionem, quod, mutua actione qui utatur, is petat adversarium sibi condemnari, defensione qui utatur, is non petat condemnari actorem, sed absolvi dumtaxat se. Ergo tacite adsumunt, quod ab aliis nominatim exprimitur; non posse actorem condemnari, nisi id ipsum reus totidem verbis petiverit <sup>8)</sup>. Quod refellunt inprimis Imperatores,

1) *Hist. de la compens.* (1895) p. 234. Cf. in re simili Demelius, *die confessio* (1880) p. 102.

2) *Eigentumsverwergesetz* § 7. 2.

3) *Civilprozessordnung* (1879) § 273, 274. Communis est § 136. 2 (et rursus propria § 33).

4) Summa cod. III 8 vv.: *si vero reus in modum exceptionis aliquam obiciat actori (quaesitionem, id est, ut non petat eum sibi condemnari sed se ab eo... absolvi.*

5) c. 2 X 2. 10: *Nos autem distinguendum esse credimus etc*

6) Ord. iud. II 20 § 2: *Item nota etc.*

7) Tit. de incid. quaest. § 13.

8) Dernburg, *Compensation* (1868) p. 255: *“(die) stillschweigend(e) Widerklage ist ... überhaupt dem römischen und gemeinen Rechte fremd ..., welches auf der Verhandlungsmazime ruht, und zu jeder Verurtheilung unbedingt einen Antrag ... voraussetzt”*; id. ibid. p. 542; Windscheid (1891) § 127<sup>a</sup>; Appleton, *Hist. de la compens.* (1895) p. 233 ima: *“aucune condamnation ne peut être prononcée sans une demande”*. Laudat hic praeterea Albertum Deejardins (*condamner le demandeur d’office ... (c’est inadmissible)*). Sed cf. Witte, *das interd. uti poss.* (1863) p. 134 (lin. 19 sqq.) et Bekker, *Recht des Besitzes* (1880) p. 256 (lin. 7-9), et ipse Windscheid (1891) § 159<sup>a</sup>, quibus in interdicto *uti possidetis* non videtur absurdum.

quum doceant <sup>1)</sup>: *non dubitandum es(se) iudici, si quid a litigatoribus vel ab his qui negotiis adsistunt minus fuerit dictum, id supplere et proferre, quod sciat legibus et iuri publico convenire*; tum vero Papinianus, quem laudat Iustinianus <sup>2)</sup> in hanc sententiam: *non solum posse iudicem de absolutione rei iudicare, sed ipsum actorem, si e contrario obnoxius fuerit inventus, condemnare, quod pertinere non potest* <sup>3)</sup> ad mutuae petitionis effectum, quis enim umquam dubitavit, quin ex mutua petitione actor condemnari possit quibusdam speciebus exceptis <sup>4)</sup>; ergo pertinere debet ad compensationis vim ac potestatem. Quocirca, licet concedamus, non omnia quae legibus et iuri publico convenient a iudicibus suppleri — veluti sunt exceptiones omnimodo obiciendae <sup>5)</sup>, — concedamus praeterea esse in hac iuris parte pleraque incerta <sup>6)</sup>, constare tamen dicimus et Papiniani constare auctoritate <sup>7)</sup>: perinde compensatione obiecta condemnandum actorem, acsi mutua petitio instituta esset. Atqui hoc discrimine remoto, nihil est residui <sup>8)</sup>. Intelligimus autem mutuam petitionem, quae petitioni obiciatur, id est, per quam respondeat reus ad actoris petitionem <sup>9)</sup>. Qua ratione negavimus <sup>10)</sup> ἀντιπρόκλησιν veram esse petitionem mutuam. Eadem ratione negabat Pontifex <sup>11)</sup> esse reconventionem, si contra (petitorem) reus literas impetrare maluerit. Separat denique Borussicus legislator <sup>12)</sup>

1) c. un. C. 2. 10. (11).

2) c. 14 C. 7. 45.

3) Pertinere putant Dernburg, *Compensation* (1868) p. 254/5; Appleton, *Hist. de la comp.* (1895) p. 231-233.

4) Unam indicabit Dernburg, *Compensation* (1868) p. 545 (post notam 2).

5) De hoc iure cf. Lenel, *Urspr. und Wirk. der Exceptionen* (1876) § 7 (atque praeterea Dernburg, *Pandekten I* (1892) § 137 not. 10).

6) Bethmann-Hollweg, *RL. Mus. I* (1827) p. 263 ima. Non dubitat hic (p. 260), quin retentionis defensio supplenda sit, quum compensationem quis obiecerit; dubitat (p. 263), utrum tunc supplenda sit, quum quis mutuam petitionem instituerit.

7) Ergo valebit conclusio nostra, quatenus Papiniano parebitur.

8) Docet quidem Duarenus (I p. 303/4) interesse, quod, qui compensationem opponat, confiteatur debitum.

9) Hoc est illud, quod Gallice dicitur: *par ses défenses se .... constituer demandeur*. Cf. Loysel, *Institut. coutum.* no. 703 (Davot).

10) Observ. LXXXIV.

11) cap. 8 § 1 in VI° 1. 3.

12) *Eigentumsverwerbgesetz* (1872) § 7. 2. Eandem adhibet distinctionem Garsonnet, *Traité de procéd.* V (1894) § 1185<sup>a</sup> (p. 810).

actoris a reo conventionem (*Klage*) et mutuam conventionem (*Widerklage*). Quamobrem rectissime definivit Savigny <sup>1)</sup> veram non esse mutuam petitionem, nisi ratio intercedat cum principali petitione, sed, quae ratio intercedere debeat, invenisse non videtur. Recte quidem docet: non in eo rationem consistere, quod apud adversarii iudicem actor respondere cogatur; non enim propterea quod actor petitioni respondere cogitur, mutua est, sed, summum <sup>2)</sup>, dici potest: propterea, quod mutua sit, respondere cogi actorem. Non recte aut ipse scribit aut Endemann <sup>3)</sup>, in eo consistere rationem, quod simul cognoscatur de utraque; non enim propterea mutua est petitio, quod simul cognoscitur, sed, quia mutua est petitio, cognoscitur simul <sup>4)</sup>. Propius verum accessit Wetzell, quum doceat <sup>5)</sup>: veram esse mutuam petitionem, quam intendat reus eo consilio, ut simul de utraque iudicetur; sed ipsa res docet, veriorum esse, quam praemisimus, quia non consilium invicem petentis iudex explorare solet, sed factum, id est, utrum ultro egerit, an responderit <sup>6)</sup>. Potest quaeri, ubi iudicis interventu compensabitur, utrum *ei opponenda sit exceptio*, quod non competens iudex agentis esse cognoscitur <sup>7)</sup>. Quocirca docet Dernburg <sup>8)</sup>, compensationis defensionem non posse obici fori praescriptionem mero iure <sup>9)</sup>, quod quasi inhaereat defensionem petitioni <sup>10)</sup>; sed notandum est, Iustinianum <sup>11)</sup>, quum confirmet Papiniani sententiam, posse ex causa compensationis actorem condemnari, augendam eam duxisse re-

1) *System* VI § 289 (p. 330/1).

2) Ideo, *summum*, quia iure communi utique actor omni adversarii petitioni apud huius iudicem respondere cogitur, licet proprie non sit mutua (Endemann, *Civilprozessrecht* (1868) § 175 V (p. 666/7); cf. Wetzell, *System* (1861) p. 360/1, 636 ante notam 76). Hoc in novas leges transiisse non videtur.

3) *Civilprozessrecht* (1868) § 175 (p. 662).

4) Endemann, l.l. not. 1.

5) *System* (1861) p. 686 (post notam 76).

6) Potest nova Germanorum lege (*Civilprozessordnung* (1879) § 138) causas conexas coniungere iudex, etiamsi reus *ἀντιπροσκαλέσαστο*.

7) Sic loquitur Iustinianus (c. 14 C. 7. 45).

8) *Compensation* (1868) p. 541. Cf. *ibid.* p. 530/1.

9) „*schon der Strenge der Prinzipien nach*“. Diversum putat de mutua petitione.

10) „*da . . . die Compensationseinrede (der Hauptklage) innerlich zugehörig ist*“.

11) c. 14 C. 7. 45.

motis privilegiis <sup>1)</sup>. Sequitur tertia compensationis figura, quae re fit, nec ea sui natura locum habere potest, nisi utrumque par genus debeat, quod perperam praedicat Windscheid <sup>2)</sup> de omni compensatione. Licet autem sui natura haec compensatio locum habere possit, ubi par genus invicem debeat, tamen locum habere non sequitur, quia hoc pendet ex constituentium auctoritate. Invenitur autem re compensatio legibus Atticis, quocirca Demostheni liberando multa (quod per acceptilationem non licebat) satis fuit civitatem oratori in eandem summam obligari <sup>3)</sup>. Invenitur quoque apud auctores nostros <sup>4)</sup> veluti apud Paulum <sup>5)</sup>, et multum distat ab ea compensatione, quae argentario opponitur <sup>6)</sup>, haec enim non re fit, sed litis contestatione, quum quis iudicium purum recusaverit, nam cogitur <sup>7)</sup> hoc modo argentarius cum compensatione agere <sup>8)</sup>. Re compensatio iure novo numquam locum habet, quia ex constitutione Iustiniani semper praecedere debet iudicis cognitio habeatne liquidam probationem, quod invicem deberi dicatur. Quam Fridolini Eisele sententiam supra <sup>9)</sup> comprobavimus <sup>10)</sup>. Quocirca dicendum est errare Duarenum <sup>11)</sup>, quum doceat etiam nunc, quum par sit species, re compensari. Est praeterea quarta compensationis figura, quae perficitur denuntiatione („durch Erklärung”), quum quis actori denuntiaverit compensare se paratum esse. Invenitur

1) Ergo videtur Friderico Carolo Savigny (*System* VI § 290 (p. 342) not. f) Papinianus admisisse fori praescriptionem. Quod non sequitur.

2) *Lehrbuch* (1891) § 350\*. Statim quidem (not. 10) ipse docet hoc verum non esse, ubi iudicio compensetur et index aestimare possit; pacto denique ubi compensetur (§ 351 not. 4), par genus nequaquam requiri.

3) Plut. Dem. 27 (i. f.). Cf. quoque *Inscr. jur. graec.* XX A § 2 (= Michel no. 1336).

4) Hoc verum esse negat Geib, *Theorie der gerichtl. Compensation* (1897) p. 18-20.

5) Sent. II 5 § 3.

6) Gai. IV § 66.

7) A praetore.

8) Gai. IV § 64.

9) cap. XXXIII.

10) Docent quidem Dernburg, *Compensation* (1868) p. 566 sqq.; Windscheid (1891) § 350. 5, cuius debiti causa liquida non sit, eius compensationem differri quidem non vero perimi; condemnandum scilicet reum compensatione salva, sed demonstravit Ubbelohde, *Ueber den Satz* etc. (1858) p. 113 sqq., eam mentem Iustiniani non fuisse. Erit aperta res, quicumque inspexerit Institutiones (§ 30 IV 6), Theophilum (IV § 191), Thalelaeum (Bas. 24. 10. 88 et sch. 1 ad Bas. 24. 10. 28).

11) I p. 308.

autem ea non Romanis <sup>1)</sup> sed novis Germanorum legibus <sup>2)</sup> ad formam Bartoli <sup>3)</sup>, et locum habet, quum par species sit <sup>4)</sup>, nec potest ultra porrigi, quia scilicet dispar species non potest sine aestimatione compensari, aestimatio porro remota conventionesententiae non procedit. De genere dispari leges istae mutae sunt; plane non videtur legislator taciturnitate sua eripere voluisse iudici compensandi potestatem, quatenus ei litem aestimare permittitur <sup>5)</sup>, multo vero minus contrahentibus. — Videmus nunc eequae compensationum sint communia. Inprimis igitur communis tractatus est <sup>6)</sup>, an et quatenus ex dispari causa locum habeat compensatio. Quam rem examinavimus capite harum observatiuncularum XXXVII. Secundo quaeritur, utrum sit obicienda compensatio, an possit iudex rationem eius habere, licet is quocum agitur, ut compensetur, non postulaverit <sup>7)</sup>. Et quidem si videatur compensationis defensio vera esse exceptio <sup>8)</sup>, sine dubio debet nominatim opponi; quodsi proprium genus defensionis est compensatio, iam potest esse dubium, sitne defensio nominatim obicienda. Erat utique ex

---

1) Inveniri demonstrare aggressus est F. Leonhard, *die Aufrechnung* I (1896). Quem falli puto. Ipsa quidem denuntiatio compensare se paratu(m) es(se) intelligenda videtur Paulo Kretschmar, *Ueber die Entw. der Kompens.* (1907) p. 14 lin. 3/4, cui potius adsentior, l. 2 D. 16. 2 (quam sumus interpretati cap. XXX), sed multum abest, ut compensetur ibi denuntiatione.

2) *B. G.-B.* § 338. Ita ius constitutum iri, praesagiebat Dernburg, *Pandekten* II (1892) § 64 not. 1 (cf. *Compensation* (1868) p. 291).

3) Dernburg, *Compensation* (1868) p. 285.

4) *B. G.-B.* § 387.

5) Eius rei termini ponuntur *B. G.-B.* § 249-251, 253.

6) Bonae fidei iudicii et stricti, quum sit opposita doli mali exceptio. Eius enim compensationis quae argentario opponitur atque deductionis, quae obicitur bonorum emptori, separata causa est.

7) Hic quoque propria causa est deductionis quam patitur bonorum emptor (cf. Lenel, *das edictum* (1907) p. 412 ante not. 3) atque compensationis quae opponitur argentario (cf. Dernburg, *Compensation* (1868) p. 26 et ex diverso Geib, *Theorie der gerichtl. Comp.* (1897) p. 141/2).

8) Sic videtur Bethmanno Hollwegio, *Civilprozess* III p. 271: „Das Recht der Compensation (ist) das einer wahren exceptio“. Quocirca Geib, op. cit. p. 45, 48, 57 docet compensationis defensionem nihil esse aliud quam doli, et eius praesentis, exceptionem (p. 45: „d(i)e Compensationseinrede . . . ist (nichts anderes) als eine exceptio doli praesentis“). Observat denique Eisele, *Compensation* (1876) p. 222, Bernhard Windscheid (§ 349. 8) re ipsa compensationis defensionem exceptionibus veris contribuere.

rescripto divi Marci impetranda exceptio, ut liceret compensatione se defendere; sed, quia novo iure rescriptum abrogatum est, ex ipsius compensationis natura decernatur necesse est. Praevaluisse tamen videtur<sup>1)</sup>, ut esset compensatio omnibus modis opponenda, neve sufficeret apud iudicem aliquid dixisse vel adlegasse, quod notitiam eius instrueret. Non propterea sequitur compensare volentis desiderium, quum instituat mutua petitio, nominatim exprimendum esse. Tertio compensationum est commune, quod nulla locum habet<sup>2)</sup> ante diem debiti<sup>3)</sup> et quod *compensatione* quomodocumque habita *pignora* liberantur<sup>4)</sup>. Praeterea quaeritur, compensationis defensio pariatne indebiti conditionem? Sed obstare videtur c. 13 C. 4. 31: *redditis* (id est: solutis), *quae venerant in compensationem*<sup>5)</sup>, *non indebiti soluti repetitio, sed ante debiti competit exactio*. Nam, qui denegat pensatae pecuniae conditionem, eius vel magis negabit, quae in compensationem non venerit, sed venire potuerit. Interest autem creditoris pristinam habere actionem, alioquin condicenti erroris ratio reddenda est<sup>6)</sup> et spes hypothecarum abicienda<sup>7)</sup>. Dat quidem Tribonianus<sup>8)</sup>, *si quis . . . compensare potens solverit*, conditionem, quam nec recepit Gallicus legislator<sup>9)</sup> et nos capite harum observatiuncularum XXXII auctori suo restituimus. En tibi, lector, tractatus de compensationibus, in quo nusquam occurrit perplexum illud *ipso iure*, quod nec apud Paulum nec apud Iustinianum interpretari tunc defugimus, quum compensationis iura deductionisque data opera examinabamus<sup>10)</sup>.

1) Cf. Dernburg, *Compensation* (1868) p. 530 (cf. ibid. not. 2 et p. 286/7; Geib, *Theorie der gerichtl. Comp.* (1897) p. 42 not. 1).

2) Nisi scilicet debitoria bona venierunt (Gai. IV § 67).

3) L. 7 pr. D. 16. 2, quod putat quidem ad argentarii causam (Gai. IV § 67) pertinere Appleton, *Hist. de la compens.* (1895) p. 75 (cf. Dernburg, *Compensation* (1868) p. 31) nec obstare l. 7 cit. § 1 (cf. Eisele, *Compensation* (1876) p. 8).

4) c. 12 C. 4. 31.

5) Proponitur c. 13 cit. pacto compensatum debitum publicum et exactoris privatum.

6) Windsch. (1891) § 349. 3.

7) Cf. Pothier, *Obligations* no. 639 (603).

8) L. 10 § 1 D. 16. 2. Cf. l. 30 D. 12. 6.

9) Art. 1299. Adimit nihilominus hypothecas, siquis compensari posse sciens solverit.

10) Intelleguntur superiora capita XXVI—XLII. In his cap. XL: *quid sit, ipso iure compensari quod dicitur*.

# DE NONNULLIS DEMOSTHENIS ET AESCHINIS CONTROVERSIIS.

SCRIPTISIT

MATTHAEUS VALETON.



## I.

### DE PACE PHILOCRATEA.

Post pacem Philocrateam mox apparuit qua re inductus Philippus faciles praeberet aures Atheniensium legationi pacem rogaturae. Verum antequam pax facta esset, mirationem aliquam id movere poterat, ei dumtaxat qui externam modo rerum speciem cognitam haberet. Vix enim dubium erat, quin rex, si in bello perseverasset, intra breve tempus Chersonesum, quae sola possessio in litore Thracio Atheniensibus superesset, potuisset expugnare. At molestae erant eorum classes, quae commeatum intercludebant et portus obsidebant, quibus par esse non potuit. Sed hanc molestiam iam per decem annos toleraverat, et tolerare poterat dum in terra debellaretur. Verum Philippus ardebat ad opprimendos Phocenses, cuius rei occasionem honorificentissimam cum maxime ei praebebant preces quibus adibatur ab Amphictyonum parte maiore, i. e. a Thessalis et Thebanis. Nihil ei optatius contingere poterat, quam ut ultra Thermopylas in ipsis Graeciae finibus auctoritatem suam conderet, et viam sibi muniret imminendi, si videretur, ipsis finibus Atticae. Expeditio

autem anni a Chr. natum 352 eum docuerat<sup>1)</sup> hac de re ne cogitandum quidem esse, quamdiu bellum cum Atheniensibus teneret, posse enim hos, dum Phocenses starent et a Thebanis sibi tergum tegerent, copiis suis navalibus et terrestribus iter ipsi intercludere; hos igitur conciliandos esse ut pacis legibus eos obstringeret.

Iamvero haec cum Atheniensium viros πολιτικούς fugere non deberent, expectandum erat eos cautissime cum rege acturos esse. Regis non intererat statim ab initio enuntiare se Phocenses utique a pace exclusos velle. Athenienses satis cognovisse potuit bello esse defessos et pacis cupidissimos, neque tamen non metuendum erat ei, si aperte illud declararet, ne pax infecta maneret et Thermopylae sibi clauderentur. Magis expediebat, cum cetera omnia convenissent, Athenienses pacis spe adsuevissent, increvisset eorum belli taedium, tum demum durissimam eis conditionem foederis ostendere. At Atheniensium legati rem negligere non debebant. Hoc quisque secum, hoc communi consilio reputare debebant, quid responderent cum Philippus postularet ut Phocensium causam Athenienses desererent; hoc iis constare debebat utrum pacem, Chersonesum, civium suorum Olynthi captorum libertatem periclitari vellent, dummodo Thermopylas vindicarent, an conarentur Philippo persuadere ut si Thermopylas ei aperirent Athenienses, eos ascisceret socios in Phocensium rebus constituendis. Perquam erat res difficilis et periculosa. Quid si Philippo persuaderi non posset? Quid, etiamsi specie Athenienses in societatem victoriae acciperet, si tamen ei semel Thermopylis potito nulla in re resistere valerent? Ab altera parte, si Thermopylas sibi vindicaturi cetera omnia omitterent —, équis ignorabat Phocensium vires decrescere? Quid si Thebanis victoribus et ad Thermopylas appropinquantibus recedendum tamen inde, omnisque labor irritus futurus esset? Nihilominus non expectandum erat dum Philippo placeret de Phocensibus agere, res occupanda erat, suo, non Philippi tempore quid ille vellet, quid ipsi possent, legati tentare debebant.

---

1) Diodor. XVI. 37. 38. Iustin. VIII. 2. Dem. Phil. I. 17 de falsa leg. 84, de corona 32, Argum. Dem. Or. de pace 1.

Verum misere videntur impares fuisse suo muneri. Fieri potest ut iam tum inter eos fuerint, qui Philippi largitione adducti, eius iussu conati sint collegas suos in legatione docere non opus esse de Phocensibus agere. Verum hos, inter quos saltem Demosthenes et Aeschines <sup>1)</sup> corruptela intacti erant, ita falli non oportebat. Sed ne animadvertisse quidem videntur quanti momenti esset Philippo ut Amphictyonum mandata perficeret. Pluris fecisse videntur quam in re erat incommoda quae ei ex bello orerentur, et praecipue, ut vanum erat Atheniensium ingenium, suam apud eum gratiam, quam rex callidissimus officiosissime ostentabat. Pacem cum Philippo si facerent non Athenienses modo sed, quod vix aliter posset, etiam socii eorum, non dubitasse videntur quin res, sua sponte, eo reditura esset, ut Phocenses quoque in pacis societatem reciperentur. Non attigisse videntur negotium huic rei prospiciendi et consulendi. Aeschines, qui solus nobis auctor est <sup>2)</sup> eorum, quae ipse et collegae cum Philippo egerunt, de Amphipoli se iactat, quam tamen redditum iri ne iusta quidem spes erat; at de Phocensibus οὐδὲ γάρ.

Beloch v. cl. in opere cui titulus *Griechische Geschichte*, hoc inquit <sup>3)</sup> convenisse inter Philippum et legatos ut communi consilio rex et Athenienses de Phocensium causa disceptarent. Belle coniecta! At nescio an fallatur vir doctus. Non ignoro praeter Amphipolin de multis aliis disservisse et se et collegas testari Aeschinem, neque negare velim in sermones quoque de Phocensibus eos incidisse et fieri posse ut Philippus significaverit se, simulac pax facta esset cum Atheniensibus de ea re consulere velle; sed certi nihil convenit, neque Philippus — id quod rite interrogatus celare non potuit — utrum armis utique Phocenses petiturus an vi abstenturus esset, declaravit. Quod èt apparet ex iis quae acta sunt in conciliis de pace Athenis habitis èt unice, si tenetur, controversias quae de pace inter Demosthenem et Aeschinem ortae sunt perspicere penitus licet; quod demonstrare conabor.

1) Dem. de fals. leg. 9—15.

2) Aesch. de fals. leg. 25—39.

3) II p. 510 „Die Phokische Frage sollte im Einverständnisse beider Mächte geordnet werden“.

Paulo postquam legati domum redierunt, Demosthenes qui tum senator erat auctor fuit populo ut iuberet duobus deinceps diebus mensis Elaphebolionis, XVIII et XIX, concilia haberi de pace idque ita, ut priore die sententiae dicerentur, altero die in suffragium iretur <sup>1)</sup>. Interea Athenas advenerant Philippi legati *αὐτοκράτορες* Antipater et Parmenio <sup>2)</sup>, sicubi de conditionibus pacis convenisset et populus pacem iussisset, Atheniensium praetores sociorumque legatos in iusiurandum adacturi. Schaefer v. cl. putat <sup>3)</sup> eos statim in priore concilio de Philippi retulisse postulatis. Sed testis nobis est Demosthenes eos cum in eo deliberaret populus non interfuisse. Dicit enim (de fals. leg. 144) „καὶ κρατοῦντος ἐμοῦ τὴν προτέραν ἡμέραν καὶ πεπεικότες ὑμᾶς τὸ τῶν συμμάχων δόγμα κυρῶσαι καὶ καλέσαι τοὺς πρέσβεις τοὺς τοῦ Φιλίππου, ἐκκρούσας οὗτος (i. e. Aeschines) εἰς τὴν ὑστεραίαν . . . . ἔπεισε κ.τ.λ., legatos autem non opus fuit vocare, si adessent. At potuerunt Philippi mandatis expositis recessisse. Potuerunt, sed non ita res se habet, quod apparet si comparamus ea quae in priore et quae in altero concilio acta sunt.

Conventus civitatum quae iniquo foedere cum republica Atheniensium iunctae erant, populum Atheniensem certiore fecerat sibi placere ut, si ille cum Philippo pacem faceret, cuivis civitati Graecae liceret, intra trium mensum spatium in pacis societatem ascisci <sup>4)</sup>, quod δόγμα si perferretur manifesto Phocensibus quoque liceret pacis participibus fieri. Contra Philocrates Atheniensis apud populum verba faciens suaserat ut Phocenses et Halenses nominatim a pace cum Philippo excluderentur <sup>5)</sup>. Iamvero prioris concilii die omnes qui praeter Phi-

1) Aesch. de fals. leg. 65, 66.

2) Tres legatos fuisse: Antipatrum, Parmenionem, Eurylochum tradit Argum. alterum Dem. orat. de fals. leg. 4, de qua re vide Schaefer Dem. u. s. Z. II<sup>2</sup> p. 220 in ann. (1).

3) l. l. p. 225.

4) Aesch. in or. contra Ctes. 69: „ἐν τῇ προτέρᾳ τῶν ἐκκλησιῶν ἀνεγνώσθη δόγμα τῶν συμμάχων . . . . 70 . . . . ἔξεῖναι τῷ βουλευμένῳ τῶν Ἑλλήνων ἐν τρισὶ μηνσὶν εἰς τὴν αὐτὴν στήλην ἀναγεγράφθαι μετ' Ἀθηναίων καὶ μετέχειν τῶν ὅρκων καὶ τῶν συνθηκῶν. Hoc δόγμα quia Aeschines recitandum curavit, de veritate non dubitandum est.

5) Dem. de fals. leg. 159 τὴν τε γὰρ εἰρήνην οὐχὶ δυνηθέντων ὥς ἐπεχείρησαν οὗτοι „πλὴν Ἀλίων καὶ Φωκέων” γράψαι ἀλλ' ἀναγκασθέντος ὑφ' ὑμῶν τοῦ Φιλο-

locratem contionabantur, communi consensu Philocratis dissuaserunt sententiam, sociorum decretum suaserunt <sup>1)</sup>, altero autem populus nulla ratione habita decreti sociorum, rogante Philocrate <sup>2)</sup>, pacem, simulque foedus <sup>3)</sup> iussit inter Athenienses eorumque socios <sup>4)</sup> et Philippum eiusque socios <sup>5)</sup> nihil amplius <sup>6)</sup>. Unde haec orta est rerum commutatio, et qui factum est, ut in altero concilio Eubulus Atheniensis cives suos pervicerit, id quod testatur Demosthenes <sup>7)</sup>, metu iis incusso nisi hanc pacis conditionem probarent, ne cogerentur naves conscendere et tributum e censu pendere et pecunias rebus divinis destinatis in

*κράτους ταῦτ' ἀπολείψαι, γράψαι δ' ἄντικρυς ἡ Ἀθηναίοις καὶ τοῖς Ἀθηναίων συμμάχοις*". Halae sola in Thessalia civitas erat quam tunc temporis nondum suae dicionis fecerat Philippus. Urbem obsidebat quam ab eo missam velle Athenienses perspicuum est.

1) Dem. de fals. leg. 15 *καὶ ὅμων βουλομένων ταῦτα* (i. e. sociorum decretum) οὐδὲ φῶνην ἐθελόντων ἀκούειν τοῦ καταπτυστοῦ Φιλοκράτους. His verbis significat Dem. quo animo esset populus initio concilii posterioris, sed eo ipso ostendit quo animo esset sub finem prioris idque eo confirmatur et quod teste Aeschine (contra Ctesiph. 71) tum omnes favebant *δόγματι* sociorum et mutuis ipsis Demosthenis et Aeschinis criminationibus, de quibus infra agam.

2) Aesch. contra Ctes. 72 *καὶ τέλος ταῦτ' ἐνίκα* i. e. ne ratio haberetur decreti sociorum cf. 70 sq. Populi clamoribus adductum Philocratem ea de Phocensibus et Halensibus in rogatione sua omisisse docet locus Dem. de fals. leg. 159 quem laudavimus supra. Beloch, 11. p. 11 „Der Entwurf. des Philokrates ging im Rate ohne Widerstand durch". Rogationem Philocratis non dissuasisset senatum verisimile puto. Tamen teneri velim neque de ea re quidquam tradi et tam licuisse populo id iubere quod senatus dissuasisset quam quod suasisset, vide Gilbert, Handbuch der Griechischen Staatsalterth. I p. 278. Verum cum Beloch dicit „der Entwurf des Phil." vult sententiam (id quod apparet ex eis quae proxime praecedunt verbis laudatis) quam Philocrates dixerat de excludendis Halensibus et Phocensibus. De ea autem senatus praesudicium non tulerat, ferebat enim de rogationibus, non de sententiis oratorum. Erravit Beloch, quoniam sententiam a Philocrate in priore concilio dictam non distinxit ab eiusdem rogatione in altero lata.

3) Aesch. contra Ctes. 72 *καὶ τέλος ταῦτ' ἐνίκα* (i. e. et ne decreti sociorum ratio haberetur et ut non pax solum, sed etiam foedus cum Philippo fieret cf. 70 sq.) τῷ μὲν λόγῳ προσβιασμένου Δημοσθένους τὸ δὲ ψήφισμα γράψαντος Φιλοκράτους,

4) Dem. de fals. leg. 159.

5) Hegesippus de Halonn. 31. Exposuit ibi orator quae se iudice praeter ea quae revera pace Philocratea statuta essent par fuisset statui et dicit inter alia: *μὴ μόνον ἡμᾶς καὶ τοὺς συμμάχους τοὺς ἡμετέρους καὶ Φίλιππον καὶ τοὺς συμμάχους τοὺς ἐκείνου ἔχειν τὴν εἰρήνην . . . . ἀλλὰ κ.τ.λ.* cf. etiam Dem. de fals. leg. 36. 158.

6) Nisi quantum pertineret ad statuendum quid utrique haberent, quomodo mari urerentur, quae esset foederis vis talia.

7) Dem. de fals. leg. 291.

re militari consumere, aliis verbis ne cogerentur in bello cum Philippo perseverare <sup>1)</sup>, cum in priore concilio neque is neque aliis quisquam hac de re verbum iactasset?

Responsum in promptu est. Quoniam tum cum haberetur prius concilium nondum cognitum erat Philippum utique Phocenses a pace exclusos velle, id autem eius legati in altero concilio adhibiti declaraverunt. Apparet igitur eos in priore concilio Philippi mandata nondum exposuisse, et hunc rerum agendarum ordinem constitutum fuisse ut primum Athenienses inter se compararent de pacis ratione quid videretur, deinde autem Philippi legati ostenderent utrum regi quoque hoc placeret an mutatum quid vellet. Hunc ordinem facile credas ab ipso Philippo propositum non tantum, quod supra demonstravi (p. 76) cum eius interesset quam diutissime duci Athenienses, sed etiam quia non extra omnem spem positum erat — quod infra ostendam — eos ultro id ipsum, quod ille vellet iussuros. Athenienses ab altera parte veri simile est, cum praesertim Philip-  
pus per litteras quas eorum legatis mandaverat, quem admodum coram, summam in eos significasset voluntatem et promisisset se eos, si foedus secum inirent magnis beneficiis affecturum <sup>2)</sup>, id ipsum accepisse pro documento eius benevolentiae, quod sibi permitteret libere de pace consulere, hoc tantum praemonito Amphipolin cetera oppida Thraciae, quae iure belli possideret se non redditurum <sup>3)</sup>. Sed hoc mitto. Illud autem animadversum velim potuisse Philippum satis habere, sicut satis habuit, hanc prohibuisse pacis conditionem ut intra trium mensum spatium

1) Haec Demosthenem ab Eubulo in altero concilio velle dicta esse inde apparet, quod Aeschinem cum eo consensisse tradit quem in priore concilio contra Philocratem locutum esse ait cf. de fals. leg. 18 sqq.

2) Aesch. de fals. leg. 45, 50. Dem. de fals. leg. 40, 316. Heges. de Halonn. 83.

3) Dem. Phil. II 17 *εἰ γὰρ Ἀμφίπολιν καὶ Ποτίδαιαν προσέτο, οὐδ' ἂν οἱ κε μένειν βεβαίως ἡγήετο*. Verisimile est haec desumpta esse Philippi litteris. cf. Philostr. L. de Sophocl. 2. 1 *κακείνος μὲν (Dem.) ἦκων Ἀθήναζε τιμὰς προσέττει καὶ στεφάνους ἀπολαύσας Ἀθηναίους Ἀμφιπόλεως* quod nonnisi de prima Demosthenis legatione recte dici potuit. cf. Aesch. de fals. leg. 45, Dem. de fals. leg. 234 Accedit quod, cum constet Philippo pacis legibus Amphipolin cetera, decreta esse (Heges. d. Halonn. 24 sqq, et schol. ad h. l. Dem. de fals. leg. 22, 253, de Pace 25) nusquam tamen apparet in conciliis de pace habitis hac de re ullam controversiam ortam esse.

cuique civitati Graecae liceret in pacem ascribi. Hoc impetrato non prorsus necesse ei erat nominatim Phocenses excludi, nullus enim iam metus erat ne cum in eo esset ut scripto mandarentur nomina eorum ad quos pax pertineret, Athenienses, nisi Phocenses ascriberentur, pacem irritam facerent. Neque tamen res nullius momenti erat, ut ipse eventus docuit nefas non visum esse Demostheni, aliis, post pacem factam, Phocensibus non ascriptis, tamen propterea quod *ab Atheniensibus* Phocenses non exclusi essent, armorum vi eos a Philippo defendere. Rex vero, quem credibile puto tale quid praevidisse — callidissime enim mox illorum consilis occurrit —, tamen cum satis cognitos haberet Atheniensium spiritus ad intellegendum gravius eos laturos si cogerentur aperte profiteri Phocenses a se desertos quam reapse eos deserere, illud eis remisit non tanti rem faciens ut propterea pacem et foedus in discrimen adduceret.

At Philocratem rogare licet, quid induxerit ut ultra moliretur rem patriae commodo adversissimam, eamque perferendi quid spei habuerit. Nimirum simultates aliquas cum Phocensibus tunc temporis excercebant Athenienses, quorum auxilia praetor Phocensium Phalaecus, cum arcessivisset factio ei inimica et paulisper superior facta, mox summa imperii recuperata, non sine contumelia domum remisit <sup>1)</sup>. Hoc ipso prioris concilii die Athenas allatum erat, et propter hanc causam in spem Philocrates venire poterat, mobiles civium suorum animos se pertracturum ut irae potius quam utilitati suae consulerent. Quam tamen spem eum fefellisse vidimus. Philocrates autem vix dubitandum quin Philippi auro corruptus ea tentaverit. Nam neque ea quae statim post pacem egit mox nobis apparebit omnino intellegi posse nisi Philippi mandatu suscepta credas, et pecuniarum a Philippo captarum ab Hyperide reus factus, ne ausus quidem causam dicere, sponte solum vertit. Ut omittam eum, si Demostheni fides est aperte aliquamdiu Philippi donis gloriatum esse <sup>2)</sup>. Philippo autem magni momenti res

1) Diod. Sic. XVI 59 *Φάλακκος μὲν ὁ τῶν Φωκίων στρατηγὸς διαβληθεὶς ὅτι πολλὰ τῶν ἱερῶν κλέοφεν, ἐξέπεσεν ἐκ τῆς ἀρχῆς. 59 . . . Φάλακκον πάλιν τῆς στρατηγίας ἤξιωμένον.* Cetera tradit Aesch. de fals. leg. 132—134.

2) De fals. leg. 114 sq.

erat, ut Athenienses suis ipsorum verbis Phocensium causam destituerent, sic hercle securo ab omni metu ne mutata mente tamen suis consiliis officerent.

Iamvero post ea quae demonstravi ne verbo quidem amplius opus est ad arguendum Atheniensium legatos de pace missos non egisse cum Philippo de rebus Phocensium. Relinquitur ut ostendam, quid lucis illa afferant ad intellegenda ea quae post pacem factam Demosthenes et Aeschines sibi invicem crimini dederunt.

Et primum quidem uterque orator alterum insimulat in Philocratis sententiam pro pace locutum esse, se ipse contendit decretum suasuisse sociorum. Haec repugnare videntur ut quae maxime, sed ex eo quod addit uterque, in altero concilio alterum id fecisse quod ei obicit, apparet vera esse. Cur enim addidit „in altero concilio” nisi propterea quod sciebat hoc verum esse? nam ceteroquin nulla erat causa addendi hoc. In altero autem concilio, quod supra vidimus, rex per legatos suos declaravit Phocenses a pace excludendos esse, neque mirum erat, etiamsi quis in priore concilio perstrinxisset Philocratem, nolle tamen committere ut paci officeret. Quod autem neque Demosthenes neque Aeschines, cum alteri obiciens quod Philocrati assensus esset, de se ipso contrarium iactaret, non iudicavit sibi expedire ut adderet hoc unice ad concilium prius pertinere, prorsus consentaneum est. At vero cur uterque orator alteri id obiecit, quod neutri dedecori esset? Res aliquanto intricatior, tentandum tamen est eam expedire.

Criminandi initium fecit Demosthenes. In oratione inscripta „de falsa legatione”, qua adversarium accusat unum e legatis quibus curae esset ut Philippus in pacem iuraret, auro corruptum patriae commoda prodidisse, aliqua de pacis ratione praefatus: „Aeschines” inquit (14 sqq.) „in priore concilio dixit, si Philocrates diu cogitasset quo potissimum modo pacem impediret, nihil melius invenisset quam ut ea” (de Phocensibus) „suaderet, ego autem hanc pacem quamdiu unus ex Atheniensibus relinquitur, numquam populo faciendam censebo, pacem tamen faciendam censeo. Et eiusmodi alia breviter et honeste locutus est. Is vero qui pridie coram vobis omnibus haec dixisset, postridie eum pax conficienda esset, me sociorum decreto

assentiente, vobisque haec cupientibus ac ne vocem quidem nefarii illius Philocratis audire volentibus, surrexit, contionatus est, per deos immortales, quae multis suppliciis digna sunt, non oportere vos maiorum vestrorum meminisse neque eos sustinere, qui tropaea et pugnas navales loquerentur; se legem rogaturum ne cuiquam Graecorum auxilio veniretis, nisi qui prior vobis subvenisset <sup>1)</sup>". Quam contumeliam defensurus a se Aeschines (de falsa leg. 63—65) in altero concilio verba se omnino non fecisse ait, neque facere potuisse cum populus ipso Demosthene rogante statuisset, ut in priore concilio sententiae dicerentur, in altero contionandi copia non daretur, iretur in suffragium <sup>2)</sup>. Ut vera se dicere probet populiscitum huc perti-  
nens recitandum curat. At tamen mentitur. Nam in oratione sua contra Ctesiphontem testatur (71) disservisse in altero concilio Demosthenem ea quae pridie contra Philocratem allata essent, nullius pretii esse, nisi Philippi legatis probari possent. Hoc autem vere enuntiasse Aeschinem supra ostendimus (p. 82).

---

1) De eis quae deinde sequuntur, Aeschinem haec dixisse coram legationibus ex aliis Graeciae civitatibus, quas Atheniensium populus per legatos arcessivisset secum consulturas de bello adversus Philippum, ad quae respondet Aeschines (Aesch. de fals. leg. 57—59) nullas adfuisse legationes Graecorum necdum redisse Atheniensium legatos qui eas arcesserent, varie censuerunt, viri docti, alii Demosthenem, alii Aeschinem mentiri rati. Equidem assentior viro praef. Grotio (hist. of Greece a new Ed. in 12 vol. Vol. XI p. 193 in. ann.). Quod Dem. alio loco (de eor. 23, 24) dicit quo tempore Athenis concilia de pace haberentur nullos Atheniensium legatos missos fuisse sed iam dudum exploratos fuisse ceterorum Graecorum animos, non hoc mihi videtur repugnare eius dictis modo laudatis, nisi quod temporis praeteriti spatium — dicit enim „iam dudum“ — in maius auctum est; nam poterit sane universae Graecorum sententia iam explorata esse, ita ut tamen unus alteriusve civitatis etiam legati Athenis adessent, sed quod addit Demosthenes (de cor. 24) si, quo tempore concilia de pace haberentur, Atheniensium legati de bello cum Philippo circum ceteras civitates Graecas missi essent, fraudulenter actum fore cum iis, etenim Athenienses eas ad bellum citaturos fuisse cum ipsi de pace agerent, hoc nihil est, nam tum cum legationes mittebantur de pace nondum cogitabatur. Quod vero Aeschines, dicit *nullo*dum Atheniensium legatos in patriam redisse, mentitur nam *ipse* inter legatos fuerat (Aesch. de fals. leg. 79) et tamen Athenis in conciliis de pace aderat; ut nondum *omnes* redierint sequi videtur e sociorum decreto quod recitandum curat Aesch. (de fals. leg. 60. 61) unde apparet fuisse qui expectarentur cum hoc decretum fieret. Sed sciri non potest an tamen reverterint antequam concilia de pace haberentur. Si minus, Demosthenes quoque mentitur contendens (de cor. 23) nullos iam expectari.

2) Vide supra p. 78.

Accedit quod in ipsa oratione de fals. leg. Aeschines non obscure designans Demosthenis dicta adversus se, fuisse inquit (74 sqq.) qui salutis patriae parum memores, unice suaderent civibus suis ut spectarent arcis propylaea, et proelium apud Salaminem et maiorum sepulchra et tropaea, se vero contempsisse haec quoque memoria tenenda esse, sed ab altera parte cavenda esse ea quae minus considerate a maioribus acta essent, praecipue quotiens pacem respuissent ut saepius sub finem belli Peloponnesii, quam tamen deinde multo molestiorem conciliare cogerentur. Quando autem haec contendit Aeschines? Fieri non potest quin in concilio altero, manifesto enim eius oratio eo spectat ut pacis invidiam tollat, quae nulla erat antequam Philippi legati regis condiciones nuntiassent. Neque alienum videtur huc referre quod in oratione contra Timarchum (174), quae brevi post pacem factam habita est, cum Philocrates nondum reus factus, auctoritate floreret, se ait cum Philocrate pacis auctorem fuisse quibus quoque verbis suis mendacii arguitur Aeschines, in orat. de fals. leg. iis, quae attulit ad refellendum Demosthenem de altero concilio, haec praemittens (56) „invenietis cives non me et Philocratem, sed Demosthenem et Philocratem paci operam dedisse.” At quid de populiscito illo Demosthenis, quod attulit Aeschines ad probandum se in altero concilio verba facere non potuisse? Dissolvuntur tenebrae loco illo Demosthenis (de fals. leg. 144) quem supra laudavi (p. 78) ubi hic memorat se voluisse in priore iam concilio advocari Philippi legatos, sed Aeschinem pertulisse ut hoc ad posterum diem differretur. Inde apparet Aeschine auctore illud populiscitum sublatum esse, nam si in altero demum concilio Philippi legatorum verba audirentur, necesse erat etiam in altero concilio liceret verba facere, neque enim in suffragium iri poterat, antequam legatis auditis, rursus sententiae dictae essent. Pertulit igitur Aeschines ut e populiscito quod rogaverat Demosthenes derogaretur id quod de altero concilio vetitum esset, et in eo quoque iuberet populus copiam dari suadendi et dissuadendi. Cum autem tribus annis post orationem suam de falsa leg. haberet Aeschines recitare iussit Demosthenis populiscitum, suum, quo id sublatum erat tacuit.

Iamvero tu rogas cur Aeschines maluerit mentiri, quam respondere adversario: „id feci, quod aliter fieri non potuit, quod ne tu quidem Demosthenes fecisti aliter”. Si accurate comparamus ea quae in oratione de fals. leg. Demosthenes Aeschini et ea quae in oratione contra Ctesiphontem Aeschines Demostheni iniungit, videmus ea tamen non prorsus similia esse. Nam Aesch. (in or. c. Ct. 71) Demosthenem ait in priore concilio cum ceteris omnibus locutum in sententiam sociorum, ut trium mensum spatium omnibus Graecis daretur in societatem pacis veniendi quo futurum esset ut Phocensibus liceret arma tutari Philippi, nocte intermissa contendisse nullius usus esse quae pridie dicta essent nisi ea legatis Philippi persuaderentur. Hoc autem quamvis obiurget Aeschines, vere et honeste dici poterat, nisi forte id ipsum crimini esset nolle pacem irritam facere. Addidit Aeschines (contra Ctes. 60, 65, 71 sq.) etiam de foedere praeter pacem cum Philippo ineundo consensisse cum illius legatis Demosthenem, quo tamen res non alia fit, si quidem hoc quoque Philippo recusari non poterat Postremo affert Amyntorem quemdam testem (de fals. leg. 64, 67), quem Demosthenes in altero concilio ostenta rogatione scripta quam secum habuisset a Philocratis rogatione non diversa, ferretne ad populum consuluisset. Testimonium sane leve videtur, neque tamen quidquam vetat credere, nam revera in Philocratis rogatione exemptis eis de Phocensibus et Halensibus nihil erat cui Demosthenes si pacem faciendam non negaret, assentiri nollet <sup>1)</sup>. At vero Aeschines,

---

1) Una cum eis quae attuli etiam Aeschines adversario exprobat 1° eo ipso quod conciliis de pace habendis dixisset dies mensis Elaph. XVIII et XIX impedivisse quominus, secundum decretum sociorum, legati expectarentur circum ceteras civitates Graeciae missi. (Hoc etiam in or. de fals. leg. iam iactaverat Aesch. 60 sqq., repetivit in or. contra Ctes. 64, 67, 68. Quod autem in hac addit, 67, iam die VIII mensis Elaphebolionis voluisse haberi concilium coniecerunt vv. d. Grote II. p. 191, Schaefer II. p. 211 id propterea non habitum esse cum Philippi legati tunc nondum advenissent. Potius credam diem a populo reiectum esse cum dies festus esset Aesculapio sacer). 2° turpiter eum assentatum esse Philippi legatis (contra Ctes 61, 75), 3° eum auctorem fuisse ut Cersobleptes rex Thraciae Atheniensium socio excluderetur a pace. — De Cersoblepte infra agam; assentationis autem crimen merae nugae sunt (cf. Dem. de eor. 28). Quod autem Aeschines dicit impedivisse Demosthenem quominus expectarentur Atheniensium legati peregrinantes, utrum hoc verum sit necne sciri non potest (cf. supra p. 83, in ann. (1) sub fin.) sed fac verum esse. Omitto

quod testatur Demosthenes neque negat ille, quamquam verba Demosthenis designans ea refellere conatur (in orat. de fals. leg. 74 vide supra p. 14), in altero concilio dixisse apparet nulli Graecorum civitati auxilium esse ferendum quae non ante ipsis auxilium tulisset, quibus verbis, quid aliud spectare poterat, quam ut persuaderet civibus suis aequum et bonum esse Phocenses deserere? propter hoc autem eum perstrinxit Demosthenes. Vides discrimen; Demosthenes agnoverat a Philippo cogi Athenienses Phocensium causam destituere, Aeschines conatus erat huius rei invidia Philippum liberare. Id autem cur fecerat? Philippi adductus largitione. Cur enim aliter? Quid? in altera legatione quae erat de adigendo Philippo in iusiurandum procul dubio est, id quod mox demonstrabo, eum una cum Philocrate Philippi inservisse commodis. Adde quod in or. contra Timarchum (174) ipse gloriatur se cum Philocrate pacis auctorem fuisse, qua re imprudens confitetur se prorsus alia ratione atque Demosthenem Philocrati adfuisse; quem auro corruptum et supra iam argui, et arguam infra etiam amplius. Adde quod in eadem oratione contra Timarchum (169) Philippum laudat propter λόγων εὐφημίαν neque dubitare se dicit, quin si promissis suis stet ἀσφαλῇ καὶ ῥᾶδιον τὸν καθ' αὐτοῦ ποιήσει ἔπαινον. Aeschines autem si iam constat tentatum esse donis Philippi eisque succubuisse, quid credibilius, quam hoc factum esse cum inter prius et alterum concilium audisset a Philippi legatis quid is de Phocensibus statuisset? Tunc dicere sibi poterat Aeschines resisti Philippo tamen posse nullo modo; pace careri non posse; utique cedendum esse; rem eodem loco manere sive pacem ut necessariam ita miseram et turpem, a Philippo coactam profiteretur, sive cona-

---

quod ex Aeschine ipso discimus (de fals. leg. 79) hoc tamen iam apparuisse eas, quae auctoritate plurimum valerent civitates Graecas Atheniensium legatis morem non gessisse. Verum, id quod iam vidit Grote (l.l. p. 196 sq.) differre non licebat contiones de pace nisi frustra venturi erant legati Philippi qui iam erant in itinere. Quod autem Aeschines ait tum quod Demosthenes legatorum Atheniensium reditum expectari prohibuisset, tum quod per eum stetisset quominus intra trium mensum spatium ceterae quae vellent civitates Graecae paci ascriberentur, factum esse ne pax communis totius Graeciae cum Philippo fieret (contra Ctes. 61, 68, 70) nihil id est. Nam nulla civitas praeter Athenienses ipsos Phocensesque eis temporibus cum Philippo bellum gerebat. Cur autem ei qui pacem iam agebant, pacem facerent?

retur civibus suis persuadere nihil aequius esse quam ut ultro excluderent Phocenses <sup>1)</sup>. Philippi autem plurimum intererat, postquam conatus decipiendi per Philocratem Athenienses male cecidit, eiusque legati iam non potuerunt quin aperte profiterentur pacem regem non daturum nisi excluderentur Phocenses, etiam sic sibi conciliare quempiam oratorem facundum, civibus suis minime suspectum, qui eorum animos placaret et deliniret. Num sciebat Philippus an Hyperides, Hegesippus eius generis oratores postremo tamen populum perducerent ut pacem recusaret? Num praevidere poterat, id quod eventus docuit, Demosthenem et Eubulum, non cum illis facturos? pacem eos etiamsi ingrata et gravis esset tamen bello praelaturos? Si quidquam veri inest Aeschinis gloriationi se cum Philocrate pacis auctorem fuisse, credere licet magni momenti fuisse eius orationem ad populum perducendum ut sociorum decreti rationem ne haberet.

Itaque rogantes cur Aeschines maluerit mentiri quam agnoscere se civibus suis suasisse ut Philippi conditiones acciperent, facile iam invenimus responsum hoc: quoniam utique ei necesse erat mentiri. Non illud ei obiecit Demosthenes quod necessarium esse censuisset deserere Phocenses, sed hoc quod praedicasset honestum et laudabile id esse. Si hoc se fecisse negaret illud confessus se fecisse, mentiebatur tamen. Maluit ita mentiri ut omnino negaret se in altero concilio verba fecisse. Alterum nihil habebat quo probaret, et ipsa mendacii conscientia eum prohibebat confidere cuiquam id credibile fore; alterum quo probaret habebat Demosthenis illud populiscitum, cuius specie falsa levissimis auditoribus etiam videretur adversarium mendacii improbi coarguisse; eo audacius hoc tentare poterat, quoniam accusatori in eadem causa plus semel verba facere non liceret.

At Demosthenes quoque mentitus est, vel quod eodem redit,

---

1) Absonum fuisse contendit Aesch. (de fals leg. 66) si, una nocte intermissa, Philocrati assensus esset apud eos qui pridie audissent eum contra Philocratem loquentem; nihil enim profecturum fuisse, nisi ut omnibus odio esset. Speciosius hoc est quam verius. Etenim si eius verba auditorum animos delinire valerent, rogaturi non erant num sibi constaret. Sin minus, cum donis pollicitationibusque Philippi eorum odium compensabat.

dissimulavit. Tacuit se in altero concilio professum Philippo cedendum esse, speciem movit quasi in eo quoque locutus esset in sociorum sententiam (de fals. leg. 15); contendit suas partes quaerendi pacem nullas fuisse (de corona 20—22). Metuisse videtur ne si ea quae dixisset, referret ut dixisset, non satis post tres pluresve annos dispicerent homines quid interfuisset inter ipsum et Aeschinem Philocratemque, quorum hunc populus *δαρδοκίας* damnaverat, illum ipse eodem crimine postulabat. Vi veritatis, quamvis semper eam in ore ferret, confidere iamdiu dedidicerat eorum temporum ars oratoria <sup>1)</sup>).

Sed de his iam satis. Altera autem, quae huc pertinet inter Demosthenem et Aeschinem controversia est de altera illa legatione, cuius in superioribus iam saepius mentionem fecimus, suscepta statim postquam Athenienses in pacem iuraverunt, ut Philippum in iusiurandam adigeret, deque Aeschinis apud populum verbis post reditum. Revera, si utrique et Athenienses et Philippus sincere staturi erant legibus pacis, nullius momenti erat ea legatio. In concilio habito die mensis Elaphebolionis XXIII quo statueretur quae civitates sociorum nomine cum Athenienses in pacem iurarent, Philocrates pertulit populiscitum ut iuraret conventus legatorum e civitatibus quibus foedus iniquum cum Atheniensibus esset (Aesch. contra Ches. 74); quo sequebatur ut Phocenses ut qui in harum civitatum numero non essent a pace excluderentur. Hi igitur in pila cui includebantur nomina Atheniensium eorumque sociorum qui cum Philippo eiusque sociis pacem et societatem inierant non ascribebantur, iisque, pristinis hostibus quos iam ante multos annos in Thessalia victos frustra conatus erat rex in ipsorum finibus aggredi, nullae eum prohibebant pacis leges denuo arma inferre praesertim arcessitum a sacro Amphictyonum conventu. Alterum bellum rex gerebat contra Cersobleptem Thraciae regulum; huic Athenienses auxilia miserant quibus nonnulla eius tuebantur oppida Hieron Oros, Doriscum, Serrium, alia. Sed ne Cersobleptes quidem in pacis societatem

1) Sic etiam si mentitus est Demosthenes quod tamen non constat (cf. supra p. 83 in ann. (1) sub fin. p. 85 in ann.) nullos legatos Atheniensium nondum redisse quibus diebus concilia de pace haberentur, propterea mentitus est quod satius putabat crimen inane infutendo reicere, quam dissolvere explicando.

receptus erat, quod cum sponte iam sequitur e populiscito Philocratis modo laudato praeterea ostendit Philippi epistola quam aliquot annis post ad Athenienses misit qua discimus eius nomen in pila propter pacem instructa incisum non fuisse<sup>1)</sup>. Neque repugnant ea, quae nobis tradidit Aeschines (de fals. leg. 82—85) in concilio illo diei XXIII mensis Elaphebolionis cui Demosthenes praesideret, postquam iussisset populus Philocratis rogationem, prodisse Critobulum Lampsacenum dicentem se a Cersoblepta missum, et petivisse ut sibi liceret illius nomine iurare inter Atheniensium socios, Aleximachum autem Atheniensem censuisse ut illi hoc liceret, sed Demosthenem noluisse hanc sententiam pronuntiare (neque licebat per Philocratis populiscitum modo iussum), obstrepente tamen populo invitum rogasse. Non addit Aeschines utrum rogatio iussa sit an antiquata, sed ex epistola regis sequitur ut antiquata sit<sup>2)</sup>; id autem si propterea mirationem facit,

1) Inter Demosthenis orationes ed. Teubn. XII. 8 ἀλλὰ πρὸς τοῖς ἄλλοις καὶ γράφετε ἐν τοῖς ψήφισμασι (i. e. in quibusdam populiscitis aliquanto post pacem factis) ἐμοὶ προστάττοντες Τήρην καὶ Κερσοβλέπτην ἔξιν Θράκης ἔρχειν, ὡς ὄντας Ἀθηναίους. ἐγὼ δὲ τούτους οὔτε τῶν περὶ τῆς εἰρήνης συνθηκῶν οἶδα μετασχόντας οὔτ' ἐν ταῖς στήλας ἀναγεγραμμένους οὔτ' Ἀθηναίους ὄντας.

2) Quod autem in sua epistola addit rex (l.l.) Κερσοβλέπην δὲ τοῖς παρ' ἐμοῦ πρεσβευταῖς ἰδίᾳ μὲν τοὺς ὕρκους ὁμόσαι προθυμούμενον κωλυθέντα δ' ὑπὸ τῶν ὑμετέρων στρατηγῶν ἀποφαινόντων αὐτὸν Ἀθηναίων ἐχθρόν, hoc non ab omni parte recte se habere potest, nam quomodo Atheniensium praetores potuerunt contendere Cersoblepten Atheniensium hostem esse? Sed illud credibile Critobulum postquam Aleximachi rogatio antiquata est tamen a praetoribus Atheniensium, qui huic rei praesedissee videntur, petivisse ut siminus inter Atheniensium socios tamen „privatim” Cersobleptes (vel potius ipse Cersobleptae nomine) iuraret idque eos recusasse quoniam Philocratis populiscito modo iusso statutum esset ut solus legatorum conventus sociorum Atheniensium iuraret. Simul autem inde apparet Aleximachi rogationem esse antiquatam, qua si iussa esset Philocratis populiscitum esset abrogatum. — Aeschines (de fals. 86) Demosthenem ait contendisse ipsum Aeschinem proturbasse Critobulum ne iuraret παρόντων τῶν συμμάχων, ἐψηφισμένου τοῦ δήμου, προκαθημένων τῶν στρατηγῶν proturbasse igitur Critobulum quamvis populus iussisset eum iurare. Sed in nulla Demosthenis oratione, qualem nunc eam habemus, tale quid invenitur. Si tamen tale quid dixit Demosthenes mentitus est, idque satis inapte, quomodo enim, quod vere addit Aeschines (l.l. 86) id facere potuit quod dicit Demosthenem sibi imputare? Veri similis autem videtur Aeschinem ipsum mentitum esse ut illi iniungeret, mendacium inepte. Fortasse ob oculos habebat hunc locum Dem. de fals. leg. 174 πρῶτον μὲν τοῖνυν Φωκέας ἐκσπόνδους καὶ Ἀλέας ἀπέφηναν (Philocrates et Aeschines) καὶ Κερσοβλέπτην παρὰ τὸ ψήφισμα καὶ τὰ πρὸς

quod tamen postulavit populus ut rogaretur, tenendum est, quamvis dicat Aeschines „populum” obstrepuisse et rogari voluisse (ὁμᾶς) dicit ad iudices conversus, vult igitur *cives*) minime inde sequi ut omnes vel etiam plerique, qui in concilio adessent obstrepuerint et rogari voluerint, sed satis est credere ab amicis Critobuli et Aleximachi tumultuatum esse; maior tamen pars populi potuit intellexisse quam turpe et ridiculum esset id iubere quo everteretur id quod modo iussissent auctore Philocrate, rogati quinam iurarent sociorum Atheniensium nomine, iurare conventum legatorum civitatum foederatarum. Ceterum Philippi legatos non apparet ullo modo conatos esse populum compellere ut Philocratis rogationem iuberent vel ut antiquarent Aleximachi. Nimirum probe scire poterant contra Cersobleptem tantum non debellatum esse, ut paulo post Charitis in Thracia praetoris litteris allatum est (Aesch. de fals. leg. 90) eum iam pridie concilii de quo nunc agimus in ditionem venisse <sup>1)</sup>. Parum igitur eorum intererat quid de eo statuerent

ὁμᾶς εἰρημένα. Sed quod ibi dicit orator Philocratem et Aeschinem a pace exclusisse Phocenses, Halenses, Cersobleptem, contextus orationis docet haec pertinere ad legationem missam ad adigendum Philippum iureiurando. Nihilominus hoc loco omnia conturbat Demosthenes. Quod enim vult ψήφισμα? Nam populiscito Philocratis priore (diei mensis Elapheb. XIX) non magis admissi ad pacem erant Phocenses, Halenses, Cersobleptes quam exclusi. Exclusi autem erant altero Philocratis populiscito (die XXIII mens. Elapheb.). Sin autem vult populiscitum Aleximachi et mentitur, vidimus enim antiquatum id esse et ad Phocenses et Halenses id non pertinet. — Superest Demosthenis locus (de fals. leg. 81) ubi significat populum Atheniensium iussisse pacem fieri inter Philippum et Cersobleptem. Reprehendit enim Athenienses quod negligerent quidquid eos non praesenti dolore afficeret et ita pergit εἰτα τὴν ἄλλως ἐνπαῦθα ψηφίζεσθαι, ἀποδοῦναι δὲ καὶ Κερσοβλέπτῃ Φίλιππον τοὺς ὅρκους. Iam vero eo quod dicit Κερσοβλέπτῃ Φίλιππον non vero Κερσοβλέπτῃ Φίλιππῳ et magis etiam quod addit τούτων οὐδένος ἢ τῶν ψηφισμάτων ἔδει εἰ πλεῖν οὗτος (i. e. Aeschines) ἤθελε κατὰ προσήκοντα ποιεῖν quibus verbis spectat legationem missam ad adigendum Philippum in iusiurandum, apparet agere eum de quopiam populiscito ceteroquin nobis ignoto, aliquanto post pacem facto, quo statutum sit Philippum propter pacem cum Atheniensibus initam paciisci oportere etiam cum Cersoblepta.

1) Ἀκούσατε δὴ τῆς Χάρτης ἐπιστολῆς ἣν ἀπέστειλε τότε τῇ δήμῳ ὅτι Κερσοβλέπτης ἀπολώλεκε τὴν ἔρχην καὶ Ἱερὸν Ὅρος κατέλιψε Φίλιππος Ἐλαφβολίανος μηνὸς ἐβδόμῃ φθίνοντος. Δημοσθένης δ' ἐν τῇ δήμῳ προήδρευε τούτου τοῦ μηνὸς, εἰς ὃν τῶν πρεσβέων ἕκτῃ φθίνοντος. In libris legitur: Ἱερὸν Ὅρος κατέλιψε Φίλιππος Ἐλαφβολίανος μηνὸς ἕκτῃ φθίνοντος et Δημοσθένης προήδρευε . . . . . ἐβδόμῃ φθίνοντος quod Spengler v. d. vidit mutandum esse. Cf. Schaeff. l. l. p. 245 in --- (1).

Athenienses, quos tamen ab altera parte verisimile est iam ex legatis suis de pace missis, qui etiam Cersobleptae filium obsidem apud Philippum viderant <sup>1)</sup>, certiores factos esse regem non magis quam Amphipolin vel Potidaeam redditurus esset, a Cersoblepta qui rebellasse videtur (quamquam de ea re nihil compertum est) arma abstenturum. Sed quoquomodo hoc se habet, illud constat Athenienses, nisi praesidia sua e Cersobleptae castellis retraherent contra pacem facturos, Philippum si ea inde depelleret suo iure uti. Itaque cum pactum esset utrosque, Athenienses et regem, per pacem id habituros, quod haberent cum pax iniretur, fac Philippum eum fuisse, qui non vereretur quantum posset alteri parti praeripere ante quam ipse in pacem iuraret, revera nihil erat quod praeriperet nisi forte Chersonesum, a qua tamen, ut promiserat se abstenturum, abstinuit. Hac omissa omne habebat quod habere se velle poterat; pacem adeptus qualem adeptus erat, libere in Phocenses, libere in Halenses, libere in Cersoblepten grassari licebat, quid autem cupere poterat amplius? Summo iure Aeschines contendere potuit (Dem. de fals. leg. 211, cf. etiam Aesch. de fals. leg. 123 s. fin.) ne opus quidem esse ut alterius illius legationis, quae Philippum adigeret in iusiurandum redderentur rationes, dummodo appareret, cuius rei testimonium afferebant legati epistolam Philippi, regem eiusque socios iuravisse in pacem, regemque — id quod ante oculos erat — Chersonesum reliquisse intactam. Quid vero attinebat utrum aliquot mensibus prius an posterius, utrum in Thracia an Pellae iurasset? Nihil alterutra ratione impetravit, quod non habebat enim ipsa pace.

Verum enim vero Demostheni aliter visum est. Hic enim sibi persuasisse videtur Atheniensibus, cum Phocenses et Halenses non nominatim exclusissent, etiam post pacem integrum manere ut eos vi atque armis a Philippo defenderent, huic contra, sicubi in pacem cum Atheniensibus iurasset, non amplius licere eos aggredi quippe cum illi tamen eos pro sociis haberent, Cersoblepten quoque ipsum, quantum eius regni quo die Philippus iuraret nondum in eius potestate esset — quod vix quidquam esse primum nescivit, deinde dissimulavit Demosthe-

---

1) Aesch. de fals. leg. 81.

nes — tutum esse a Philippo quoniam eius castella Atheniensium praesidiis defenderentur, quae regi in pacem iurato, adoriri non liceret. Cogitatione hac, tanquam fundamento, nituntur quaecunque orationibus suis de pace, de falsa legatione, Philippicis altera et tertia, ac priore parte orationis suae de corona disse-ruit Demosthenes. Hanc autem cogitationem patet non ei occurrere potuisse ante concilium Athenis habitum mensis Elaphebolionis die XIX. Nam ante quam Antipater et Parmenio indicassent quid Philippo videretur de pacis conditionibus nemo Atheniensis, nisi qui a rege empti erant, pacem cum rege sine Phocensibus factum iri cogitavit. Sed quattuor diebus post Demosthenes senatui auctor fuit (Dem. de fals. leg. 154, Aesch. de fals. leg. 91) ut iuberet legatos electos ad Philippum adigendum iureiurando — erant autem eidem qui priorem obierant legationem — quam celerrime ad eum proficisci, nullo alio consilio, ut ipse profitetur, quam ut caveretur ne Philippus quidquam praeiperet. Verisimile autem est, statim cum apparuisset si pax futura esset, Philippi conditionibus cedendum esse, cogitationem ei subisse id non eiusmodi esse quo quidquam prodere cogeretur sua civitas quod retinere vellet. Sic intelligimus cur hoc solum contenderit ne nominatim Phocenses et Halenses excluderentur, in ceteris Philocrati et Aeschini praesto fuerit paci expediendae. Si restitisset paci operam perdidisset, nam pacem coëgit Eubulus <sup>1)</sup> monendo cives suos nisi concederent, naves ipsis esse conscendendas et tributum e censu pendendum et pecunias rebus divinis destinatas in re militari consumendas, atque ipse Demosthenes ait (de cor. 234) Athenienses non ex quo pacem iurassent, sed ex quo in pacis spem venissent omnes omisisse apparatus bellicos. Sed sibi videbatur Demosthenes si Philippus post pacem factam aggrederetur Thermopylas vel Halenses, vel Atheniensium praesidia Cersobleptae, posse facundia sua civibus suis persuadere hoc nefas esse, indignatione eos replere, incitare ut omnes vires intenderent ad regi resistendum.

Nulla modo neque velim, neque ausim contendere hac in re fraudis sibi conscium fuisse Demosthenem, non revera eum

---

1) Vide supra p. 79 sq.

putasse Athenienses per pacis conditiones tamen non cogi Phocenses, Halenses, Cersoblepten non amplius pro sociis habere, et Philippum contra, etiamsi cum his pacem non fecisset, tamen foedere cum Atheniensibus inito cogi ut arma ab eis abstineret; forsitan sibi placuerit, ut erat vanus, quod cavendo ne ab Atheniensibus ipsis pronuntiaretur Phocenses et Halenses a pace excludi callidum regem astu superavisset. Sed qui aequis oculis rem aspicit fugere neminem potest, hoc fictum et falsum esse. Rex fecit pacem cum Atheniensibus, atque eorum sociis, ita enim inter eos convenerat, ei igitur quibuscum ille antea bellum gerens, pacem tum non faceret, quorum nomina non inciderentur in pila pro documento pacis extracta, non habendi erant pro Atheniensium sociis, eos si qui antea socii fuerant, tum deseruit populus Athenienses; quos si tamen armis a Philippo defensurus erat, pacem erat rupturus. Neglexerunt hoc Grote, Schaefer ceteri plerique inter recentiores qui ante Belochium de hac re egerunt frustra Demosthenem laudantes, Philippum periurii accusantes.

Ergone assentimus Belochio delirasse Demosthenem cum Aeschinem ceterosque in altera legatione collegas corruptos fuisse iterum iterumque accusat? Contra hos cum fide et honestate munus suum obisse? Minime gentium equidem. Quod in oratione sua de hac legatione Demosthenes ita rem proponit quasi Phocenses et Cersobleptes per Aeschinem et Philocratem contra pacis iura a pace exclusi essent, fucus et fallacia hoc est quippe qui exclusi essent ipsis pacis legibus. Sed obstitisse Aeschinem et Philocratem, largitione Philippi adductos, quominus tamen Phocenses servarentur, verissimum id. Nam ita perversae erant omnes aequi bonique rationes ut Philippus sive innata quadam suspiciosa circumspectione, quippe qui hominum magis vitiorum quam virtutum rationem haberet, sive monitus per satellites suos Philocratem ceteros, quos facile credimus non fugisse Demosthenis consilia, neque enim is erat qui in pectus abderet quae agitare, non sine causa metuens ne si palam ageret conaturi essent Athenienses a iure suo ipsum impedire, maluerit eos decipere. Procul omni dubio est e legatione reversum de consiliis Philippi Aeschinem falsa retulisse neque id invitum et inscium sed scientem et volentem, quod

cum constet, etiam in ipsa legatione ab eo eisque e collegis qui cum eo facerent esse interpositas moras non casu vel desidia sed e composito, veri simillimum est.

Demosthenes nobis auctor est <sup>1)</sup>, die decimo sexto mensis Scirophorionis contione advocata in qua referrent legati de eis, quae cum Philippo egissent, ita fere disseruisse Aeschinem: se Philippo persuasisse omnia quae Atheniensibus prodesse, et intra duorum vel trium dierum spatium eos audituros Thebas a Philippo obsideri, Thespias et Plataeas refici, opes deo ereptas repeti non a Phocensibus sed a Thebanis (qui olim aedem occupaturi fuerant), eamque ob rem Thebanos praemium decrevisse qui se interimeret. Praeterea audivisse nonnullos Euboeos perterritos ac perturbatos propter familiaritatem Atheniensibus cum Philippo exortam in hunc modum locutos esse „non fugit nos, legati, qua ratione pacem cum Philippo feceritis, neque ignoramus vos Amphipolin ei tradidisse, vobis autem Philippum Euboeam se largiturum promisisse”, tum etiam aliud aliquid se impetravisse quod tamen enuntiare nolle, cum inter collegas in legatione essent, qui sibi inviderent. Designasse autem his verbis ait Demosthenes spem Oropi per Philippum recuperandi.

Omnibus his dictis nihil inesse quod vere praedictum esset docuit rerum eventus. Philippus — quod notissimum est — Phocenses perdidit non Thebanos, Thespias et Plataeas non restituit, Euboeam sibi subiecit non Atheniensibus, Oropum hi numquam recuperaverunt. Nostra autem interest scire utrum vere Demosthenes necne perhibuerit apud Athenienses illa contionatum esse Aeschinem. Verissime scilicet. Nam reponit quidem hic in defensione sua (de fals. leg. 119, 120) se non praedixisse et promisisse Philippum Thebanos in ordinem coacturum, sed tantummodo se de legatione referentem cum civibus suis communicasse quid in hanc sententiam regi suasisset. At de Phocensibus quid retulerit facturum Philippum silet, manifesto contra dicere non ausus, cur enim aliter? deque Euboea confitetur se retulisse ex Euboeis nonnullis audita. Cur vero retulit nisi vel-

---

1) De falsa legat. 16—22 cf. de pace 9 sq., Phil. II. 30, de fals. leg. 74, 112, 220 de cor. 35.

let Athenienses eis credere? Neque non mentitur contendens (121), quod Demosthenes dixisset ipsum fallacibus suis verbis se impedivisse vera referre volentem, fieri non posse ut hoc verum sit, nam Demosthenem statim post legatorum reditum senatui auctorem fuisse ut eos laudaret, cum e contrario senatum non laudavisse legatos appareat e senatus decreto quod Demosthenes Aeschinem accusans recitandum curavit (Dem. de fals. leg. 31). Additque Aeschines se apud populum contionantem et ceteros collegas et Demosthenem rogasse verene referret ea quae cum Philippo egisset, atque respondisse illum multo etiam melius egisse quam referret. Sed hoc nihil ad rem. Nam non contendit Demosthenes falsa esse quae retulisset se cum Philippo egisse — haec rogatus cum aliqua ironia laudavit — sed falsa esse quae praedixisset futura esse. Imprudens autem confessus est Aeschines se ea praedixisse cum de eis quodammodo se excuset dicens (de fals. leg. 136 sq.): „An solus Phalaecus futura ignorabat?” (Vult Phalaecum Phocensium ducem, si cogitasset eversum iri Phocensium urbes se Philippo non dediturum fuisse. Sed Demosthenes contendit de fals. leg. 53 sq. ipsa Aeschinis apud Athenienses oratione deceptum se dedisse Phalaecum.) „Vos ipsi” (Athenienses) „quomodo publice affecti eratis? Nonne omnes exspectavistis Philippum Thebanos fracturum et conspecta eorum ferocitate et cum nollet hominum infidorum potestatem augeri.” (Hic rursus dissimulat Aeschines responderi ei posse, ipsius verbis in eam expectationem venisse Athenienses.) „Nonne Lacedaemonii nobiscum in legatione adversabantur, postremo rixabantur, minabantur?” (Haec ad rem minime faciunt.) „Ipsi Thebanorum legati nonne haesitabant, timebant?” (Ne hoc quidem, quod ipsi Thebani metuerint ne contra se proficisceretur Philippus probatur e bona fide locutus esse Aeschines.) „Thessali vero nonne ceteris irridebant, sibi dicebant hanc expeditionem suscipi?” (Significat Thessalos sibi solis non Thebanis Philippi expeditionem censuisse profuturam. Sed alio loco, de fals. leg. 140, idem Thessalos ante omnes Phocensium exitio studuisse ait.) „Atque e Philippi amicis nonne fuerunt qui disertis verbis nobis dicerent, regem Thespias atque Plataeas refecturum? Thebani nonne omnibus copiis egressi erant rebus diffidentes?”

Neque sic tantum agnovit Aeschines vere reddidisse Demo-

sthenem quae ille contionatus esset, sed praesertim eo quod per adversarium stetisse arguit quominus Phocenses servarentur (Aesch. de fals. leg. 138—141). Tamen quae in hanc sententiam affert merae nugae sunt, et miror, ut qui maxime, his quidquam tribuisse Belochium censentem <sup>1)</sup> revera inter Philippum et Aeschinem convenisse ea quae hic in concilio die XVI mensis Scirophorionis habito se Philippo persuasisse gloriatur. „Tua proditione tuoque cum Thebanis hospitio” inquit in causae dictione (de fals. leg. 141) „omnia interierunt”. Quid igitur? Paucis diebus post concilium quod supra dixi Philippus, qui interea proxime Thermopylas constiterat, deinceps misit duas epistolas ad Athenienses quibus ab iis petivit ut omnibus copiis ad se venirent „adiutnri iustam causam” (cf. Dem. de fals. leg. 51 sq.). Hoc prohibuisse ait Aeschines (de fals. leg. 141) eos „qui nunc nonnisi bellum crepent et pacem ignominiam vocent, dicentes se vereri ne milites obsidum loco retinerentur”; tum tecte significat (l.l. 141) regem auxilio Atheniensium destitutum invitum concessisse Thebanis et Thessalis. Scholiasta ad Demosthenis orationem de falsa legatione 115, 118 tradit Hegesippum populo Atheniensi auctorem fuisse recusandi auxilium <sup>1)</sup>, sed inde quod Aeschines contendit Demosthenis proditione omnia interisse apparet eum inter eos, qui „pacem ignominiam vocent” huic eius rei principes tribuere partes. Quod nihil vetat credere recte se habere. Ecquis autem credet ea simulatione eaque perfidia fuisse Demosthenem ut habuerit orationes de pace, de falsa legatione, Philippicas alteram et tertiam, idemque largitione Thebanorum corruptus Phocenses ultro prodiderit? At stoliditate et odio adductus regis consilia amicissima erga Athenienses perfregit. Nugae! inquam. Facile dō re per se spectata, Philippum dummodo Thermopylas intraret, ibique regnaret aequae libenter Thebanos oppressisse ac evertisse Phocenses, Athenienses offendisse; pluris forsitan quam Thebanorum horum fecerit amicitiam, ut qui tamen classe sua plus ei nocere possent, quam Thebani exercitu suo. Sed illud contendendo ne liberum quidem fuisse regi Thebanos petere, Phocensibus parcere; qui sex annis ante, post victoriam in Croci

1) Cf. etiam Dem. de fals. leg. 72—74 et Schaef. ll. p. 276 in ann. (1).

Campo ex eis reportatam, tria milia captivorum, sacrilegorum numero, in mare demersisset <sup>1)</sup>; qui rursus ut ulcisceretur sacrilegium eorum invocatus ab Amphictyonibus i. e. a Thebanis et Thessalis, inde ipsum quod Dei et sancti instituti vindex existeret honorem sibi quaereret et dignitatem. Isne ergo sacrilegis parceret, Thebanos, qui eum invocassent peteret? Quam rationem professurus? Risum teneas; quod aliquando Thebani consilium inisse dicerentur occupandi aedem! Multa aiunt saepe dolose et fraudulenter clam a Philippo acta esse, sed numquam publice et palam omnem honesti speciem obtrivit. Adde quod non Thebanos solos sed Thessalos quoque, Phocensibus (ipso Aeschine teste de fals. leg. 143) etiam infensiores, quos nuper demum necdum prorsus sibi devinxisset, adeo irritaturus erat ut vix dubium esset quin arma contra ipsum verterent. Num forte Philippus exercitu Atheniensium fretus, coniunctas Thebanorum Thessalorumque copias despecturus erat? Num is erat, qui ea quae sine ullo certamine consequi posset, in aciei periculum adduceret? Ab altera parte par erat Hegesippum, Demosthenem alios qui regis amicitiae diffiderent, dempta iam facultate succurrendi Phocensibus saltem prohibere velle cives suos cladis eorum invitos esse spectatores et velut adiutores, ne dum haberi loco obsidum; atque eo facilius impetrasse videntur, cum omnes crederent ea futura esse quae Aeschines affirmasset neque opus esse censerent coram eis adesse, nullius rei cupidiores quam quietem agendi. Philippum autem veri simile est, ut animadvertit Demosthenes (de fals. leg. 51, 52) ne optasse quidem ut Athenienses venirent <sup>2)</sup> — neque id eis

1) Diodor. XVI. 55. Paus. X. 2. 8. Philo Iudaeus ap. Eus. Praep. Ed. VIII p. 392.

2) Pro documento eius rei hoc quoque avertit Demosthenes (de fals. leg. 51) οὐκ ἔν ποτε τοὺς χρόνους ἀνελὼν ἐν οἷς ἠδυνήθητ' ἂν ἐξελθεῖν, τηνικαῦτ' ἐκάλει. Hoc verum esse non potest, nihil enim obstat quominus venirent Athenienses cum eos vocaret Philippus. Sed manifesto hoc spectat Athenienses si egressi essent tamen ad Thermopylas pervenire non potuisse antequam iam de Phocensium sorte decrevisset Philippus. Neque tamen sic recte se habent quae dicit. Nam cum audiret Philippus Athenienses in itinere esse potuit omnia distulisse dum advenissent. Quae autem addit orator οὐδ' ἂν ἐμ' ἤνικα δεῦρ' ἀποπλεῖν ἐβουλόμην κατεκάλειν (cum in Macedonia esset cum ceteris legatis qui Philippum in iniurandum adigerent) οὐδὲ τοιαῦτα λέγειν τούτῳ (i. e. Aeschini) προσέταττεν ἐξ ἧν ἤμισθ' ὑμεῖς ἐμέλλετ' ἐξιέναι prorsus falsa sunt. Nam iis quae hic commemorantur manifesto illud agebat Philippus

suaserunt Philocrates vel Aeschines — sed rogasse tantum quo etiam magis sibi persuaderent vera esse quae Aeschines eos docuisset neque non ut, si domi manerent, postea dicere sibi liceret per ipsos factum esse ut Thebanis Thessalisque mos sibi gerendus esset.

Maximo autem regi emolumento fuit ratio quam sequebantur Aeschines et Philocrates e legatione reversi. Nam tunc temporis appropinquabat Thermopylis, ad servandos Phocenses nondum sero erat, si quis poterat Athenienses permovere ut classem in sinu Maliaco collocarent, copiis terrestribus Phalaeco subvenirent. Sed Aeschinis oratio animos praeoccupavit; laetissima spe proposita fore ut Thebani invisi plecterentur, Plataeae Thespieae reficerentur, praevertit levissimos omnium hominum ab omni suspitione, omni dubitatione, ita ut Demostheni contra dicere incipienti obstreperent, neque sinerent eum sententiam suam exponere „Adstantes” ait Demosthenes (d. fals. leg. 23, 44, 45 Phil. II 30) ab altera parte Aeschines ab altera Philocrates, clamabant, loco me trudebant, mihi insultabant, vos autem o cives mei ridebatis”, et rursus „postremo Philocrates, nihil mirum inquit Athenienses Demostheni mihiq̃ue diversa placere, hic enim aquam, ego vero vinum bibo, vos autem ridebatis!”<sup>1)</sup> Deinde Philocrates duplicem pertulit rogationem (de fals. leg. 48 sq.) alteram ut foedus et societas cum Philippo cum eius posteris quoque futura esset et laudaretur Philippus quod promitteret omnia iusta se facturum, alteram populum Atheniensium nisi Phocenses facerent quod deceret, et aedem Amphictyonibus traderent, auxilio venturum contra eos qui hoc prohiberent. Ita Athenienses ipsi se obstringebant neque hoc

---

ne sibi Thermopylas clauderent Athenienses, non hoc ne secum se coniungerent in Thermopylis.


1) Beloch II. p. 515 „Einen Antrag” ait „auf Besetzung der Thermopylen zu stellen war er (Demosthenes) freilich sehr weit entfernt, er wusste nur zu wohl dass Phokis doch nicht mehr zu retten war, noch abgesehen davon das Phalaekos gar keine lust hatte sich retten zu lassen”. Paene scripsi; quot verba tot commenta. Nam primum quidem, unde certior factus est vir doctus quid „non in animo habuerit Demosthenes” quem vix os aperire sinerent adversarii? tum: unde apparet Demosthenenem „optime scrivisse iam servari non posse Phocenses”? Nam quod in annotatione affert Beloch ad rem probandam minime huc facit. Ibi enĩ dicit: „Schon drei Jahre früher (Ol. I 26, III 8) hatte er ausgesprochen das (Phocis) keine wirksame

tantum, sed Phalaecus cuius legati Athenis aderant intellegens nihil auxilii iam sibi inde expectantandum esse et propter inopiam pecuniae vix milites suos continens, fortasse credens ea quae legati Atheniensium coram declarassent vera esse, Philippo se tradidit, atque hic omni certamine Thermopylis potiendi causa levabatur (de fals. leg. 59—61). Haec omnia de Demosthene solo discimus, sed eo ipso quod ne verbo quidem Aeschines ausus est ea infitiri apparet vera esse.

Neque tamen, inquit, ex his apparet corruptos fuisse Aeschinem et Philocratem. Cur non possunt falsa specie decepti esse quam eis aut praebuerit, aut praebendam curaverit Philippus? Hic censeo rem acu tetigisse Demosthenem ita disserentem (de fals. leg. 102): *Ἀνάγκη δὴ πού τούτους τοὺς λόγους Αἰσχίνην πρὸς ὑμᾶς εἰπεῖν . . . εἴπερ μὴ πεπρακῶς αὐτὸν ἐκὼν ἐξηπάτα, δυοῖν θάτερον ἢ διχρῆδην ἀκούσανθ' ὑποσχομένου Φιλίππου, ὅτι πράξει ταῦτα καὶ ποιήσει, ἢ εἰ μὴ τοῦτο, γοητευθέντα καὶ Φενακισθέντα τῇ περὶ τᾶλλα Φιλανθρωπίᾳ καὶ ταῦτ' ἐλπίσαντα παρ' αὐτοῦ. . . . ἐκ τίνων ἀμφοτέρων μάλιστα πάντων ἀνθρώπων μισεῖν αὐτῷ προσήκει Φίλιππον . . . ἔστιν οὖν ὅστις ὑμῶν Φωνὴν ἀκήκοεν Αἰσχίνου κατηγοροῦντος Φιλίππου; τί δ' ἐξελέγχοντ' ἢ λέγοντά τι τούτων ἐδρακεν; οὐδὲ εἷς. . . . ἐγὼ δ' ἐκείνους τοὺς λόγους ἐζήτουν παρὰ τούτου εἴπερ μὴ πεπρακῶς αὐτὸν ἦν „ἄνδρες Ἀθηναῖοι, ἐμοὶ μὲν χρήσασθ' ὅτι βούλεσθε· ἐπίστευσ' ἐξηπατήθην, ἡμάρτον, ὁμολογῶ, τὸν δ' ἄνθρωπον ἄνδρες Ἀθηναῖοι Φυλάττεσθε· ἄπιστος, γόης, πονηρὸς” . . . τούτων οὐδέν' ἀκούω τῶν λόγων, οὐδ' ὑμεῖς.* Non tantum quod Philippi hospes adfuit festo Ae-

---

Schutzwehr gegen Philipp ab zu geben im Stande wäre". Legimus Ol. I 26; ἀλλὰ Φωκεῖς (καλύπτουσιν αὐτὸν i. e. Philippum, δεῦρο βαδίζοντα); οἱ τὴν οἰκίαν οὐχ οἶοι τε φυλάττειν, ἂν μὴ βοηθῇ ὑμεῖς ἢ ἄλλος τις, et III 8 ἀπειρηκότων δὲ χρήμασιν Φωκίων μηδένας δ' ἐμποδὼν ὄντος Φιλίππου τὰ παρόντα καταστρεφάμενός πρὸς ταῦτ' ἐπικλῖναι. Quod hic Demosthenes cives suos monet, Phocensium potestatem non sufficere ut ab hac parte securi sint tamen non prorsus idem est atque id quod inde derivat B, Phocenses iam ab iis non defendi posse contra Philippum. Postremo Phalaeco inquit in mentem non venire ab Atheniensibus servari velle. Sane ante mensem cum Philippus etiam procul esset, Phalaecus Atheniensium auxilia ab adversariis invocata spreverat (vide supra p. 81). Sed e computatione dierum quam proponit Demosthenes (de fals. leg. 59) apparet simul ac Phocensium legati Athenis redissent Phalaecum se dedisse; haud temere ergo statuimus hos a Phalaeco missos esse anxio quid decernerent Athenienses.



schines convivio quo rex victoriam suam de Phocensibus celebravit (Dem., de fals. leg. 128—130. Aesch. de fals. 162 sq.); sed in oratione contra Timarchum — ut iam memoravimus (supra p. 84 p. 86) — gloriatur sibi cum Philocrate pacem deberi, laudat Philippum propter eius verborum honestatem et suavitatem, non dubitat quin si suis promissis stet, tutam sibi et facilem laudem paret. Tum demum cum Philocrates in exilio esset pecuniarum captarum damnatus, Aeschines (de fals. leg. 118) pacem non eam fuisse ait quam speravisset; tum demum quoque suam causam a Philocratis seiungere conatus est. Sed ne tum quidem se a Philippo et Philocrate deceptum esse contendit, Phocensium cladis odium in Demosthenem reicere conatus. Ab altera parte Demosthenis contra Aeschinem dicta quae supra laudavi, non carent vi aequa contra Philocratem. Hic quoque si a Philippo deceptus ex animi sententia Atheniensibus ea praedixisset quae eventus docuit falsa esse, non potuit non vehementer regi irasci idque civibus suis significare; quo facto opinor neque paulo post reus factus esset pecuniarum captarum, neque tamen reus factus, de causa sua desperavisset, vertissetque solum ea deserta. Accedunt ea quae in altero concilio mensis Elaphebolionis cum pacis ratio constituenda esset praecipue a Philocrate neque tamen non ab Aeschine agebantur et dicebantur ita ut Philippi commodis inserviretur, de quibus egimus supra <sup>1)</sup>; accedit utriusque ipsa ratio in altera legatione obeunda, de qua nobis superest ut pauca moneamus.

Quo tempore Athenienses in pacem iurabant Philippus in Thracia bellum gerebat cum Cersoblepta, magni autem eius intererat, ab altera parte ibi debellari èt antequam ad Thermopylas contenderet, ne relinqueretur bellum in tergo èt antequam eum convenirent legati Atheniensium missi ad adigendum eum in iusiurandum, si qui forte ex his ei negotia exhibituri essent offendentes eum Atheniensium praesidia oppugnantem <sup>2)</sup>, ab altera parte ipsum in Thermopylarum vicinia esse antequam legati Athenas revertissent, quippe cum satis confidere posset, nihil ante Athenienses molituros. Optatius igitur nihil ei esse

---

1) p. 81. p. 86 sqq.

2) Vide supra p. 88 p. 91.



poterat quam ut legati in itinere quam maxime morarentur. Hi autem ad hoc ei praebendum nihi reliqui fecerunt. Qui cum iam electi essent die XXV mensis Elaphebolionis <sup>1)</sup> non prius profecti sunt quam Demosthenes die III mensis sequentis Munychionis, i. e. quattuordecim diebus post, senatus decretum pertulisset ut quam celerrime proficiscerentur (Dem. de fals. leg. 154). Iussi vero nave vehi ad ea loca, ubi Philippus tunc esset, quod quatuor diebus fieri poterat, hoc neglecto pedestri ab inde Thessalia itinere viginti tribus diebus Pellam se contulerunt, ibique per viginti septem dies eius adventum expectaverunt (de fals. leg. 155), ubi tandem in pacem iuratus rex eos perduxit (de cor. 32) ut non ante in Thessaliam proficiscerentur quam ipse eos comitaretur, videlicet se expeditisset ad contendendum contra Phocenses. Pheris in urbe Thessaliae ceterarum huius regionis civitatum legatos in iusiurandum ad; egerunt <sup>2)</sup> exceptis Halensibus quorum urbem tunc cum Pharsaliis coniunctus obsidebat Parmenio et paulo post evertit (Dem. de fals. leg. 31 cf. 163). Tum per Euboeam Athenas redierunt prope tres menses peregrinati (l.l. 57.) Itaque confirmat, opinor, hoc iter sententiae nostrae fidem, iam ob alias ut vidimus rationes satis perspicuam, pecunia sua Philippum emisse officium legatorum. Vix dubitandum quin rex iam antequam legati proficiscerentur curaverit donis additis eos certiores faciendos,

1) Hoc non totidem verbis traditur, sed apparet e verbis Demosthenis (de fals. leg. 150) *ἐπειδὴ γὰρ ἡ μὲν εἰρήνη τέλος εἶχεν αὐτὴ ἡ τοῦ Φιλοκράτους, οἱ δὲ πρέσβεις ἀπῆρκεσαν οἱ τοῦ Φιλίππου λαβόντες τοὺς ὕρκους . . . , ἤξιον ἐγὼ καὶ τοῦτοις* (i. e. collegis in altera legatione) *ἔλεγον πλεῖν τὴν ταχίστην ἐφ' Ἑλλάσποντον.* (cf. p. 154 *ἐπειδὴ γὰρ ἐκκλησία μὲν οὐκέτι ἦν ὑπόλοιπος οὐδεμία διὰ τὸ προκατατεχρήσθαι* — i. e. cum profectis Philippi legatis, nullum concilium amplius in mense Elaphebolione haberi liceret quoniam dies comitiales consumti erant in conciliis habitis diebus XVIII. XIX, XXV — *οὗτοι δ' οὐκ ἀπῆσαν κ.τ.λ.*)

2) Demosthenes (de fals. leg. 158) collegis suis in legatione crimini dat, quod non statim cum in itinere in Macedoniam essent Thessalicas civitates in iusiurandum adegerint. Sed manifestum est hoc non potuisse fieri antequam Philippus iurasset. Praeterea hanc ob causam collegas perstringit Demosthenes, quod iussi Philippi sociorum urbes ipsi circumire legatos eorum Pheras convenire sivissent, de qua re Philippus in epistola ad Athenienses eos excusavit: se eos ab eo consilio avertisse (de fals. leg. 36, 37). Res nullius momenti videtur; nam quod dicit Dem. (l.l. 158, 159) propterea ita Philippum rem instituisse quod nollet socios suos iurare in verba Atheniensium eorumque sociorum *οὐ γὰρ εὐστρατεύσειν ἐφ' ἃ νῦν ἔχει τῶν ὑμετέρων ἕμελλον, ἀλλ' ἔξειν πρόφασιν τοὺς ὕρκους* perspicuum est eum fucum facere suis civibus.

gratum sibi fore, si Pellae suum e Thracia reditum expectarent, unde factum esse ut iter suum procrastinarent et in eo morarentur. Quod deinde Pellae ait Aeschines (de fals. leg. 115 sq.) se Philippum monuisse ut, potius quam vi, iuris certamine uteretur, porro ne negligeret Thebanos contra Amphictyonum iura nonnullas Boeotiae urbes evertisse, minime opus est suspicari haec aut non aut simulate protulisse Aeschinem. Verum hoc constare videtur palam nihil certi ad haec respondisse regem, ministros autem eius et amicos iussu eius et divulgasse se non dubitare quin Thebani non Phocenses peterentur et Demosthene excepto a legatis impetrasse, donis a rege additis, ut promitterent se civibus suis persuasuros ne ipsis obsisterent. Neque ergo fides deneganda videtur Demostheni referenti regem cum sibi domum navigaturo et nave conducta iter obstrueret (de fals. leg. 51, 323), cunctis legatis hospitalium nomine magnam vim auri misisse, cuius partem cum ipse recusasset, ceteros totam inter se divisisse (l.l. 167, 168). An credemus tamen, propterea quod Aeschines pecuniarum captarum a Demosthene reus factus absolutus est, non licere de eius innocentia dubitare? Verum illud potuerunt iudices reputare nihil Philippo eum vendidisse quod huic non ipsis pacis legibus obvenisset. Neque tamen Aeschines ipse id defendere ausus est; non magis ille quam Demosthenes agnoscit ipsa pace Phocenses regi esse proditos <sup>1)</sup>, procul dubio intellexit frustra se temptaturum persuadere id iudicibus. Malim igitur credere non propter illiusmodi ratiocinationem quamvis unice recte se habeat eum absolutum esse, sed propterea quod reliquorum legatorum causa, Demosthenis excepta, ab eius seiungi non poterat. Illis eorumque propinquis et amicis metuendum erat ne, si Aeschines damnaretur, sibi quoque accusatio impenderet. Veri simile ergo est eos omnes summa vi contendisse ut liberaretur, quam rem etiam Demosthenes ipse in exordio accusationis (de fals. leg. 1) haud obscure significat. Adde quod potens Eubuli auxilium amico non defuisse videtur (l.l. 290—294) neque

1) Neque tamen huius rei inconsciis sibi fuit nam obscure eam significat cum dicat (de fals. leg. 123) καὶ Φίλιππος εἰ τὴν πόλιν ἐξηπάτα διὰ τοῦτο ἐψεύδετο ὅπως τῆς εἰρήνης, ἥπερ συνέφερον αὐτῷ τύχοι.

Phocionis defuit <sup>1)</sup>, quem utrumque, quantum scire licet, Demosthenem potius quam Aeschinem malitiae obnoxium habuisse constat.

Neque sane negandum est malitiae documenta non deesse in Demosthenis accusatione Aeschinis. Quorum nullum est insignius quam quod contendit (de fals. leg. 174, 180 sq. <sup>2)</sup>), 334 cf. 156, 161, de rebus in Chers. 64, Phil. III 15, de cor. 27, 33, 32). Cersoblepten illius culpa, ne dum a pace exclusum esse sed perisse. Sed tradidit Cersobleptes caput regni sui Hieron Oros inque eo se ipsum pridie concilii Athenis habiti quo iuraverunt Atheniensium socii in verba Philippi legatorum (Aesch. de fals. leg. 90 vide supra p. 90). At hoc nondum adlatum erat Athenas cum legati legerentur qui Philippum in iusiurandum adigerent, itaque cum hi cessarent, ut illi potestatem facerent in Thracia debellandi antequam in pacem iuraret, tamen pro virili parte operam dabant ut Cersobleptes periret, neque eo quod haec ne requirebatur quidem quidquam de eorum culpa detrahitur; minus accenrate dixerit Demosthenes ἀπώλεσας Αἰσχίνην Κερσοβλέπτην, recte dicere potuit τὸ σὸν μέρος ἀπώλεσας K., non alia fit res quod non addidit τὸ σὸν μέρος, praeterea supererant aliqua Thraciae oppida, Doriscus, Serrium, Myrtenum

---

1) Beloch l.l. p. 541 Aeschinis absolutionem huic maxime rei deberi censet: „dass jene selben Phokier, die Aeschines verraten haben sollte für ihn Zeugnis ablegten, und auch nicht einer von ihnen sich fand, der sich zu Demosthenes' Hilfershelfer hergegeben hätte“. Noli autem his magnopere tribuere. Demostheni non tanti fuisse eorum auxilium ut id sua pecunia emeret satis credibile Quid tandem testarentur? Quidquid Aeschines cum eorum damno fecerat vel dixerat, apud eos nihil fecerat neque dixerat; unum supererat ut suam miseriam praesentes depingerent; sed hanc omnes satis cognitam habebant. Utque ultro se offerrent ad accusandum Aeschinem etiam minus expectandum. An apud Atheniensium populum qui ipse pacis conditione totus eos prodiderat? Praesertim cum vereri deberent ne Thebanos regemque etiam infestiores sibi redderent. Quod Demosthenes metuit (de fals. leg. 80) ne Aeschines pro se allaturus esset, e Phocensibus neminem se accusare, noli inde colligere Aeschinem hoc afferentem iure id pro se afferre. At faerunt etiam nonnulli e Phocensibus et ex exilibus Thebanis qui testarentur Aeschinis voluntatem erga se (Aesch. de fals. leg. 142, 143). Sed hoc testimonium ille emisse potest, neque non fieri potest ut horum salutem a Philippode precatus sit. — Addit Beloch: „die schlichte Sprache der Wahrheit“ (scil. Aeschinis orationis) „verfehlte nicht ihres tiefen Eindrucks auf die Geschworenen.“ Hoc vero nisi omnia nos fefellerunt, nihil est. Nam vera Aeschines et falsa permixta protulit, pleraque autem falsa.

2) De locis his vide etiam supra p. 89 in ann. (2).

alia, unde proximis demum mensibus Atheniensium praesidia pepulisse videtur Philippus <sup>1)</sup>, quae igitur ab eo tueri potuissent legati, si in tempore advenissent. Errat qui ita ratiocinatur neque vera dicit; „οὐ γὰρ ἂν ἦσαν αὐτῶν, inquit Demosthenes (de cor. 30) παρόντων ἡμῶν, ἢ οὐκ ἂν ὠρκίζομεν αὐτὸν, ὥστε τῆς εἰρήνης ἂν διημαρτήκει καὶ οὐκ ἂν ἀμφοτέρ' εἶχε, καὶ τὴν εἰρήνην καὶ τὰ χῶρια. Fac verum esse legatos, si in Thracia supervenissent Philippo toti in expugnanda regione et Atheniensium praesidiis proturbandis, nisi ab armis cederet recusaturos fuisse ne in iusiurandum eum adigerent, quod nullo iure fecissent cum Cersobleptes non in societatem pacis venisset <sup>2)</sup>, sed fac recusaturos fuisse, fac Demosthenem ceterosque persuasum habuisse propter foedus Atheniense Philippum oportere Cersobleptem dimittere — equis censet eos etiam speravisse ab armis cessurum Philippum? Non pacem quoque habuisset. Sane sed tamen Cersobleptes perisset. Sic autem Demosthenes secum meditatus fuisse videtur, si rex Thraciam mittere nollet, sive sui collegae quiescerent, sive, pace irrita facta secum redirent, Athenas reverso sibi regisque perfidiam accusanti, nonnihil id momenti praebiturum ad excitandos cives suos ut Thermopylas defenderent. Quod ipsum rex praevidens a legatis emit ne se in Thracia convenirent. Graviter id tulisse Demosthenem nihil mirum, sed Cersobleptae salus, quam in ore fert, in ea re nullo loco est.

Porro ut malitiose ita inepte Demosthenes epistolam, quam Philippus, iuratus in pacem, populo Atheniensi per huius legatos tradendam curavit, ab Aeschine conscriptam voluit (de fals. leg. 36—40 cf. 175, 176). Cui rite et bene respondit Aeschines (de fals. leg. 124—128) permirum esse non ipsum Philippum eam scribere potuisse, aut si ille non posset, exules qui apud

1) Vide Schaefer l.l. p. 246 in ann. (8).

2) Simulare Demosthenem (de fals. leg. 174) Cersobleptem in pacis societatem ascitum esse vide supra p. 88 s. f. sq. ibique in ann. (1). Impudentissime autem mentitur noster postquam narravit (Phil. III 12) cepisse Philippum Serrium Doriscum, Hieron Oros et milites Athenienses inde pepulisse haec addens (l.l. 16): καίτοι ταῦτα πράττων τί ποιεῖ; εἰρήνην μὲν γὰρ ὥμω μόκει. Notissimum est Philippum Pellae iuravisse postquam in Thracia debellavit teste ipso Demosthene de fals. leg. 155 de cor. 80. Hieron Oros autem iam cepit Philippus ante quam legati in quorum verba iuraturus erat Athenis essent profecti cf. supra p. 103.

eum degerent sive Leosthenem Atheniensem, quem nonnulli non dubitarent post Callistratum Aphidnaeum, facundissimum eis temporibus oratorem dicere, sive Pythonem Byzantinum propter artem scribendi se iactantem; cur se requiri ad hoc officium? In hac autem epistola Aeschinem Philippo auctorem fuisse ait Demosthenes (de fals. leg. 39, 40) ut diceret se nondum cogitasse de captivis redimendis <sup>1)</sup>, idque eo consilio fecisse Aeschinem ut suis laudibus, cum in ea re talentum consumpsisset (de fals. leg. 169, 170) obtrectaret. At consentaneum erat Philippum ante quam bellum Phocense confecisset captivos Athenienses nolle liberatos; in Panathenaeorum festum remissionem reiecit.

Postremo adversarium insimulat Demosthenes (de fals. leg. 96, 98) quod cum in Macedonia legati morarentur, in convivio parato a Xenophrone quodam, consors fuisset inter pocula mulcandi mulierem ingenuam e captivis Olynthiis. Quod cum ad rem publicam non pertineat mitto. Omnino autem statuendum videtur, quamvis satis appareat Aeschinem in legatione sua Philippi consiliis praesto fuisse, quod sine largitione non credibile est, dubitari autem nequeat quin persuasum habuerit Demosthenes patriae suae interesse poenas comparari istiusmodi hominibus, praecipue tamen in accusando Aeschinem eum irae indulsisse quod sua consilia illius inprimis, secundum Philocratem, usus opera rex irrita fecisset, idque eo tulisse aegrius quo minus perspiceret quam impar ipse regi esset non tam calliditate quam prudentia et consilio <sup>2)</sup>).

---

1) Vide plura de ea re apud Schaef. l.l. p. 249 et ibi ia ann. (7).

2) Merito Beloch l.l. p. 485. „In diplomatischer Begabung that es ihm niemand zuvor; wer dann in den Verhandlungen mit ihm dem kürzeren gezogen hatte schrie natürlich über die Treulosigkeit des Königs, statt die eigene Ungeschicklichkeit anzuklagen; und doch hat Philipp überall da, wo er bindende Verpflichtungen eingegangen ist sie redlich gehalten.“

---

## II.

## DE BELLO AMPHISSAEO.

Optime meritum esse Aeschinem de patria sua apud Amphictyones in crimen adducta, cum Amphissaeos, qui eam sacrilegii accusassent <sup>1)</sup>, mutue sacrilegii reos ageret <sup>2)</sup>, sic enim civitatem suam avertisse ab infamia multae ei dictae et, nisi hanc pendere vellent, ab Amphictyonum belli periculo insigni, Beloch v. clssms primus rite perspexit <sup>3)</sup>. Negat quidem Demosthenes Amphissaeos accusationem in Athenienses intulisse, at manifesto mentitur, ceteroquin causam suam probasset. Affert quidem <sup>4)</sup> Atheniensibus ab Amphictyonibus diem non dictam esse, idque procul dubio vere, sed nullo modo inde sequitur ut non Amphissaei, quod ait Aeschines, quinquaginta talentorum multam iis irrogaverint, quam certari Aeschines prohibuerit <sup>5)</sup>. Hoc Demosthenes, dum praetermittit silentio, fatetur se negare non posse.

Quod autem Grote v. d. contendit <sup>6)</sup> pessime fecisse Aeschinem, quod Amphictyones incitaret contra Amphissaeos, perniciosissimum secutus exemplum quo quindecim annis ante Thebani usi essent, ut plecterentur Phocenses, offensiones proprias in religionem trahendi, eaque re non Amphissaeis tantum, sed etiam patriae suae gravissimam cladem intulisse, non possumus diiudicare licueritne Aeschini aliud comparare praesidium quo praesens periculum repelleret; utque concedamus civitatibus Graecis, si rem universe spectes, magno detrimento fuisse iura deorum suis praetenta inimicitiis, neque negemus bellum Amphissaeum ansam dedisse Philippo Atheniensium reipublicae sibi subiciendae, hoc tamen constat bellum cum Amphictyonibus, quo qui peterentur sacrilegorum haberentur numero, multo

---

1) Aesch. contra Ctes. 116.

2) l. l. 118.

3) Griech. Gesch. II p. 556 sqq.

4) de cor. 150.

5) *μείζονος δόγμα* inquit Aesch. i. e. agebant hoc.

6) History of Greece XI p. 280 sqq.

magis Atheniensibus horrendum fuisse quam cetera omnia, illud autem si multa statim soluta effugerent, non modo futurum fuisse ut eorum opes extenuarentur, sed etiam è ipso quod damnati essent ab Amphictyonibus èt quod resistere non audere viderentur, ut sociorum quos ad bellum biennium iam cum Philippo gestum sibi comparassent, existimatione diminuta, fides labefieret, ita ut ab omni parte debilitarentur bellicue oneri sustinendo impares fierent.

Ecquis autem censet, si bellum indixissent Amphictyones Atheniensibus, fieri potuisse quin Philippus in eius partem veniret et sibi vindicaret victoriae praemium? Quamobrem haud cunctanter statuimus iterum mentiri Demosthenem, ubi dicat <sup>1)</sup> a Philippo corruptum Amphictyonum adversus Amphissam belli auctorem fuisse Aeschinem. Quid, quaeso, regem permovere potuit ut Aeschinem hunc ad finem corrumpere? An bellum Amphictyonum adversus Athenienses ei minus gratum erat, quam adversus Amphissam? An minus sperare poterat se praefuturum illius summae quam huius? Illius autem Thebanos quoque socios sibi habuisset, quos hoc a se alienavit, Amphissa enim iis iuncta erat veteris amicitiae vinculis. Ita solum absurdum non esset regem corrupisse Aeschinem, si Amphissaei non ante accusassent Athenienses. Fac autem ne id quidem egisse Amphissaeos ut suam delationem reciperent Amphictyones, certaretur multa, damnarentur Athenienses, sed tantummodo voluisse contumeliam in Athenienses iacere, hoc quoque sufficit ad ostendendum ineptam esse corruptelae suspicionem. Scivitne Philippus Amphissaeos dicturos contra Athenienses, an nescivit? Si nesciit, non potuit corrumpere Aeschinem, huius enim accusatio continuo illorum successit. Sin vero scivit, multo magis eius intererat eorum inceptis subscribere quam pecunia sua adducere Aeschinem ut iis occurreret, quem praeterea quo subveniret suae patriae non opus erat permoveri regis auro. Ab altera parte quid causae erat cur Amphissaei tam infensos se praeberent Atheniensibus? Bellum enim Phocense quo illi cum Thebanis, hi cum Phocensibus steterant iam diu horum exitio finitum erat; sed Macedoniae portus navibus suis obsidebant

---

1) de cor. 149.

Athenienses, atque eorum ope factum erat ut Philippus repelleretur a Perintho et Byzantio <sup>1)</sup>. Quid igitur magis consentaneum erat, quam ut vellet domi eis exhiberi negotia? Quamobrem facile credimus Belochio suspicanti Amphissaeos a Philippo incitados esse, sive ab ipso pecunia, sive per eius mercenarios quos Thebis magno habebat numero. Ceterum Schaefero v. d. dari potest <sup>2)</sup>, non tam ex tempore et subito Aeschinem — quod ipse perhibet <sup>3)</sup> — quam meditatam accusationem suam protulisse. Quod Demosthenes contendit <sup>4)</sup> „verba speciosa et narrationes eum composuisse” hac in re nullius momenti est. Sed ipse Aeschines memorat <sup>5)</sup>, se recitanda curavisse documenta pertinentia ad Cirrhaei agri consecrationem, quae quamvis in Apollinis aede adessent, non credibile est in ipso hieromnemonum consilio apud quos verba fecit in promptu fuisse, neque omnino eum memoriter tenuisse historiam belli Cirrhaei, nisi orationem suam praeparavisset. Itaque cum dicat sibi exorso verba facere ad Amphissaeorum accusationem defendendam et interpellato ab iis conviciis et criminationibus, tum demum subisse ut ipsos sacrilegii reos faceret quod agrum Cirrhaeum occupassent, potius credas eum iam accusandi eos initium fecisse cum interpellaretur.

Iamvero ex eis quae demonstravi utiliter civibus suis egisse Aeschinem minime sequitur ut hi reprehendendi sint quod a bello adversus Amphissam abstinuerunt. Huius rei ait Aeschines <sup>6)</sup> eis auctorem fuisse Demosthenem. Atque hic quidem neminem sibi aures praeuisse dicit <sup>7)</sup> in contione clamitanti „bellum Amphictyonum in Atticam infers Aeschines!” Verum id nihil aliud sibi velle potest nisi hoc, noluisse populum perstringi Aeschinem; sane aliud erat nolle ipsos bello praeesse, quod Amphictyones inferrent Amphissae, aliud nolle Aeschinem laudari quod prohibuisset Amphictyones bellum inferre Atticae. Illud Aeschines studuerat et vix aliter poterat quam moleste ferre, quod recusarent cives sibi morem genere, verum tamen

---

1) l. l. p. 556.

3) contra Ctes. 118.

5) contra Ctes. 119.

7) de cor. 145.

2) Demosth. u. seine Zeit II<sup>a</sup> p. 536.

4) de cor. 149.

6) l. l. 125—127.

male eos si gessissent, consulturos fuisse suae salutis, minime obscurum est. „Dei” inquit Aeschines <sup>1)</sup> „pii bellii ductum nobis dederant” et tecte in sequentibus significat, eo, quod Demosthene auctore Athenienses donum illud divinum sprevisent, factum esse ut belli summa Philippo mandaretur, unde notum est cladem Chaeronensem consecutam esse. Sed rogare licet, num Philippus prohiberi potuisset se interponere si Athenienses ductum suscepissent. Thebani etiamsi Amphictyonum metu non auderent palam Amphisaeis succurrere, saltem cunctati non essent Athenienses impedire quominus copias suas per Boeotiam transducerent, ita ut forsitan futurum fuisset ut cogerentur eas totam Peloponnesum circumvehere. Fac autem cladem quamvis exigua ab iis acceptam, nonne amici et mercenarii Philippi praetendissent eos muneri suscepto impares esse coelumque ac terras miscuissent ad invocandum regem? Non aliter fecerunt cum Cottyphus Larisaeus non valeret Amphisaeos statim devincere. At melius sane erat rem non suscepisse quam post irritos sumptus atque labores contumeliose inde depelli. Sed fac etiam potuisse debellari cum Amphisaeis nulla Philippo facultate data interponendi se; tamen nihil inde nisi malum oriturum fuit. Iratos enim habere Thebanos Atheniensibus adversus Amphisaeos bellantibus molestum, adversus Philippum periculosissimum erat, eorum auxilium contra regem optatissimum. Per triginta iam annos discordes erant Athenienses et Thebani, sed decem annis proximis viri principes Atheniensium Eubulus, Aristophon, Demosthenes identidem privatim conati erant controversias dirimere. Eiusmodi incepta perfringere studebant quicunque Thebis Philippi inserviebant commodis, sed non omnia poterant, neque desperandum erat, id quod docuit foedus initum post Elateam a Philippo occupatam, Thebanorum animos conciliari posse dum appareret regis in eos officia non tam benevole collata esse quam quo ipse augeretur, ut obsederat iam Echinum et Nicaeam colonias Thebanorum prope Thermopylas sitas <sup>2)</sup>. Itaque viam non intercludi detrahendi Thebanos a Philippo res summi momenti erat, quos tamen Athenienses si Amphisaeos

---

1) contra Ctes. 129. s. f. 180.

2) Dem. Phil. 3. 84 et scholia, πρὸς τὴν ἑπ. et schol.

pristinos amicos et socios Thebanorum ulciscerentur, ita ut Philippus in ea re nullas partes ageret neque igitur inde discordia inter Philippum et Thebanos oreretur, prorsus adigerent ut uno animo Philippi partes amplecterentur, eique concederent — id quod adhuc numquam ne poscere quidem ausus erat — ut per suos fines exercitum in Atticam duceret, nedum ut foedus cum eo facerent et suas copias ei iungerent,

At, inquit Beloch, ipsum bellum Amphisaeum si Athenienses id susciperent, simul autem de eo cum rege agerent ansam iis dare poterat cum illo in gratiam redeundi <sup>1)</sup>. Haec pertinent ad Belochii sententiam, Philippum semper optasse ut cum Atheniensibus gratia atque amicitia sibi foret, idque unice impedivisse Demosthenis et Hyperidis machinationes. Sed res ei non addicunt. Verum est Philippo numquam in animo fuisse Atheniensium rem publicam funditus perdere, quod satis apparuit post pugnam Chaeronensem, et facile credo eum omnia fausta iis precari voluisse, dumne suis consiliis obsisterent. Sed consilia eius, quem alium finem habebant, quam ut in Graecia regnaret, nedum Atheniensibus quamvis auctoritatem ullo orae Macedoniae vel Thraciae loco inde a sinu Pagasaeo usque ad Bosphorum relinqueret. Ne Beloch quidem negaverit aliam Philippum pacis rationem initurum non fuisse, nisi qua Athenienses sibi cederent Perintho et Byzantio. At inquit, frustra vires suas consumeabant in resistendo eius consiliis, quibus resistere non valebant; praeterea autem pro beneficio habere oportebat Graecas civitates, quod imperio suo Philippus perpetuis ipsarum discordiis et turbis finem impositurus, vires contra Persas coniuncturus erat, quod unus omnium rectissime vidit Isocrates. At qui ita loquitur confundere videtur nonnulla, quae distinguenda sunt. Quamvis magno beneficio Graecos affecerint Philippus filiusque eius Alexander, quoniam suo imperio eis libertatem ademerunt qua uterentur ad se invicem lacerandos et coegerunt suas vires

---

1) II. p. 558 Addit vir doctus: „Dann möchten beide, Athener und Makedonen, ihre Waffen gegen Theben wenden, jene Burg des Perserkönigs in Hellas, die Philipp zu seinen Füßen sehen musste ehe er an die Verwirklichung seiner Nationalen Pläne ging“. Haec omitto. Sed nullam video causam cur Philippus tum temporis adversus Thebas proficisceretur; ne praetextum quidem invenire licebat, nisi forte Thebani ad eam amentiam devenirent ut coram Amphisaeorum causam susciperent.

intendere in acquirendas novas terras, novasque facultates florescendi et crescendi, hoc tamen beneficium in eorum numero habendum est quae res publica, qualis erat Atheniensium libertate olim potens, non sine dedecore accipere possit nisi coacta et invita. Itaque non hoc reprehendendum est quod non sua sponte Philippo Athenienses se addixerunt cum praesertim rex, quo conditor pacis atque concordiae fieret viam sibi muniret praecipue ubicunque poterat, turbis, rixis, inimicitiiis efficiendis et incitandis. Sed illud confitendum nullos tum temporis tulisse viros Atticam, qui Philippum sollertia aequarent, nullos qui in resistendo regi eas rationes sequi scirent, quibus opes civitatis quantaecunque erant, utilissime adhiberentur, nullos, qui irae contra hostem externum non admiscuerint vile odium in adversarios inter cives suos et vanae gloriae cupiditatem, nullos qui in suadendo magis niterentur eo quod verum et bonum esset quam spinosa speciosaque arte dicendi, nullos qui in arduissimis rebus simul prudentia, peritia, innocentia eminerent. Facile damus Belochio multa, quae Demosthenes in republica egit, egisse eum praepostere; hoc negamus utique Philippo resisti neque potuisse neque debuisse. Neque video causam cur credamus aliter de hac re sensisse Isocratem; sed pro tempore et re iudicans Philippi dominationem censuit — idque recte — saluti esse Graeciae. Ab altera parte non in omnibus saltem peccavit Demosthenes, non cum post bellum Phocense cives suos retineret ne copias suas cum Philippi in Thermopylis coniungerent, non cum iis dissuaderet ne belli Amphissaei duces existerent.

Porro Beloch contendit tum cum Cottyphus bellum adversus Amphissaeos conficere non potuisset et Amphictyones eius ductum Philippo mandassent hanc rem regi molestissimam fuisse. Parum id credibile. Procul dubio bellum Amphictyonum contra Athenienses multo optatius ei fuit, multoque potius hoc, invocatus, suis auspiciis geri voluisset. Sed ea spe deiecto quid ei magis prodesse potuit semper cupienti in res Graecorum se intrudere quam occasio belli Amphissaei? At sic compulsi atque paene coegit Thebanos ut intra Attica praesidia migrarent. Ex eventu iudicat Beloch. Sed nonne Philippi occupatio Elateae fuit quae unice *πειθανάγκην* addiderit Demosthenis verbis foedus cum Thebanis suadentis? Quae tamen non necessaria fuit ad bellum

contra Amphissam. Fieri sane potest ut existimaverit Philippus id ipsum, quod contra Amphissam proficisceretur, satis causae fore Thebanis ut cum Atheniensibus se coniungerent, et propterea necesse ei visum esse ut bellum praeciperet Elataea potiendo. Sed cur non credas ei Elataeae possessionem tanti fuisse ut prae ea metum foederis inter Thebanos et Athenienses sperneret? Quod omnium verisimillimum esse censebit, qui reputaverit regi si re vera bellum Amphissaeum gerere noluisset, non defuisse potestatem eius componendi. Ecquid adversus eum valebat „umbra Delphica” cum populorum Thessaliae suffragiis pro arbitrio suo ei uti liceret, neque non strenua Thebanorum opera hac in re potuit confidere? At in religionem vertebat Amphictyonem mandatum. Tu crede mihi, nimis tribuit Beloch regis erga deum Delphicum pietati; non is fuit quem unquam Deorum metus a commodis suis persequendis averterit. Ab altera parte ne hoc quidem ei constitisse credibile est Elataeam occupatam utique Thebanos ad bellum contra se incitaturum esse. Nonne foedus Atheniense e pilo pependit? Nonne omni Demosthenis eloquentiae vi opus fuit ad id perficiendum? Nonne tamen res irrita fuisset nisi amplissima proposuisset Thebanis praemia: principatum Boeotiae agnitum, belli terrestri auspiciū totum, maritimi pro altera parte, belli sumptus modo tertiam partem illatam <sup>1)</sup>. Sed quoquomodo hoc se habet, Elataeae occupatio maximi regi momenti fuit ad bellum adversus Athenienses, quod iam tres annos magno cum incommodo suo gesserat, in rem suam convertendum; eo enim potestas ei fiebat invadendi eorum fines, quo aut eos cogeret proelio terrestri dimicare aut eorum urbem a terra includeret, Atticamque devastaret; idque Thebanorum ira, si aliter non posset, operae pretium erat emere. Procul dubio, callide cum Atheniensibus pacisci maluit quam periculosam experiri armorum aleam, sed ad illud ipsum exercitus in viciniam adductus ei usui esse poterat; omnino autem si in bello perseverandum esset, quanto melius erat, coniunctis etiam cum Atheniensibus et Thebanis terrestribus copiis decernere, quam illorum lacerati classe et arceri moenibus Perinthi et Byzantii!

---

1) contra Ctes. I42 sq.

Iamvero si constat Philippo, cum spes eum fefellisset Amphictyonum bello Athenienses implicandi, nihil exoptatius fieri potuisse, quam ut bellum quod contra Amphissam moverat Aeschines, gerendum sibi traderetur, ne dubitandum quidem est quin ipse operam per satellites suos dederit, ut hoc sibi contingeret. Qua in re non alienum est rogare quas partes egerit Aeschines. „Ὡς δ' ἄπαξ” inquit Demosthenes <sup>1)</sup> „ἐκ τούτων” (i. e. ex Aeschinis apud Amphictyones oratione) „ἐγκλήματα καὶ πόλεμος πρὸς τοὺς Ἀμφισσέας ἐταράχθη τὸ μὲν πρῶτον ὁ Κόττυφος αὐτῶν τῶν Ἀμφικτυόνων ἤγαγε στρατίαν, ὡς δ' οἱ μὲν οὐκ ἤλθον, οἱ δ' ἐλθόντες οὐδὲν ἐποιοῦν εἰς τὴν ἐπιούσαν πυλαίαν ἐπὶ τὸν Φίλιππον εὐθὺς ἡγεμόν' ἦγον οἱ κατεσκευασμένοι καὶ πάλαι πονηροὶ τῶν Θετταλῶν καὶ τῶν ἐν ταῖς ἄλλαις πόλεσι, καὶ προφάσεις εὐλόγους εἰλήφεσαν· ἡ γὰρ αὐτοὺς εἰσφέρειν καὶ ξένους τρέφειν ἔφασκον δεῖν καὶ ζημιοῦν τοὺς μὴ ταῦτα ποιοῦντας, ἢ κεῖνον αἰρεῖσθαι”. Aeschinem autem passim accusat <sup>2)</sup>, quod eo ipso consilio Amphictyones contra Amphissam incitasset ut Philippo ansam administraret una cum Thessalis et Thebanis contra Atticam proficiscendi. Habet igitur Aeschinem in numero quoque eorum qui „ἐπὶ τὸν Φίλιππον ἡγεμόνα ἦγον”. Verum mentitur Demosthenes, idque turpissime, quod supra vidimus <sup>3)</sup>, cum contendit temere neque ulla necessitate adductum, nulla patriae commodi ratione habita a Philippo emtum Amphissaeos sacrilegii accusasse Aeschinem, mentitur, idque audacissime, cum contendit hoc egisse Aeschinem ut Philippo „una cum Thebanis”. Atticam invadendi occasionem daret, luce enim clarius est fieri non potuisse quin nihil Thebanis ingratus esset quam ut opprimerentur Amphissaei, veteres amici atque socii, neque ullam rem magis aptam fuisse ad abalienandos eos a Philippo si hic illos bello afficeret; neque profecto talia ausus esset Demosthenes palam proferre nisi confideret propter res deinde insecutas, longumque temporis spatium, cives suos quid in re esset prorsus oblitos esse. Nonne igitur hoc quoque, quod belli Amphissaei ductum ad Philippum deferre studuerit Aeschines pro fuco atque fallaciis habendum est? An credibile eundem Philippo obstitisse cum hic Amphictyonum bellum adversus Athenienses movere

1) de cor. 151.

2) l. l. 145—154, 156, 158 sq.

3) p. 1. p. 106 sq.

temptaret, eundem belli Amphisaei ductum patriae suae prae-  
bere conatum esse, eundem deinceps Philippi commodis inser-  
visse huius belli auspiciū cupienti? Repugnantia in oculos  
incurrere videtur, at tamen specie non re consistit. Nihil est  
cur credamus eum fuisse Aeschinem, qui operam suam polli-  
ceretur ut Amphictyonum bellum, unum omnium miserrimum,  
contra patriam suam moveretur, neque tale quid Philippus qui,  
si quis alius, penitus in homines introspiceret ab eo exacturus  
erat, quin imo ne in malam quidem partem rex ei verterit,  
quod sibi obstiterit hoc molienti. Verum cum periculum immi-  
nens avertisset Aeschines, cum ab adversariis, quos domi ha-  
bebat, civitatis tum temporis principibus, non tantum ductus  
belli Amphisaei sperneretur, sed ipse gratia merita privaretur  
et oneraretur conviciis, num censeas tum magno momento opus  
fuisse ad eum perducendum ut adiuvaret Philippum in summa  
huius belli impetranda? Ecquid aliud erat quo acrius adversarios  
suos ulcisceretur? Nonne illecebra huius rei eiusmodi erat ut vix  
in ea opus esset praemiis et pollicitationibus, quibus tamen vix  
dubium est, quin uti rex non omiserit? Contra afferas bellum  
quia illis temporibus rex cum Atheniensibus gerebat, eius opes  
Aeschines si augere contenderit, vix perduellionis crimine eum  
absolvendum esse. Sed non deerant quae praetenderet huic in-  
famae; ut dicere sibi potuit tamen regi resisti non posse belli  
Amphisaei auspiciū sibi cupienti, neque praeterea hanc rem  
pertinere ad bellum cum Atheniensibus, potius Thebanis eam  
molestam esse <sup>1)</sup>).

Si fuit Aeschines vir iustus ac integer neque talia excogita-  
vit, neque omnino existimandus est in eis quae ad bellum  
Amphisaeum pertineant ullius culpaē fuisse obnoxius. Sed quia  
historia pacis Philocrateae nos docet non eum fuisse Aeschinem,  
qui a recta conscientia numquam transversum unguem discesserit,  
suspicio in promptu est non prorsus a vero aberrasse Demosthenem,  
cum eum in numero eorum habeat, quorum officio usus sit  
Philippus in bello cuius exitu patriae libertas interiit.

Arnhemiae.

---

1) Cf. contra Ctes. 141.

## VALCKENARIANUM.

---

Iohannes C. G. Boot, qui exacta aetate et plus quam nonagenarius senex ante septem ferme annos fato functus est, forte anno 1866 professus erat se mense Decembri coram Regiis Academicis acturum esse de Erico Huberto van Eldik, Valckenarii dilecto discipulo, qui postquam edito Suspicionum libro inclaruit, quum per longam annorum seriem superstes esset, sed adversa fortuna conflictaretur, numquam adigi potuit ut emitteret alterum fasciculum, etiamsi larga messis iamdudum succrevisset. Itaque Bootius, cui ad illum thesaurum aditus patebat, quaedam exquisita delibavit, sed non opus habuit laudare Gerardum H. M. Delprat venerabilem senem, qui scripserat illo praesertim anni tempore se prohiberi quominus Roterodamo Amstelodamum excurreret, sed mittere Vriemoetii epistulam, qua amicus suo arbitrato uteretur. Fuit Emo Lucius Vriemoet Athenis Frisiacis — nam sic Franequeram maiores amabant appellitare — literarum Orientalium professor, qui de Valckenarii Oratione quadam satis iracunde scripserat ad amicum suum Danielelem Gerdes, cuius proneptis Delprat nupsit. Hoc apographum invenit Bootii filia, quam honoris causa nomino, quum forte paternam supellectilem litterariam, quam pie conservat, recognosceret, et Academicis Regiis obtulit, ut in bibliothecam reconderetur. Itaque nuper Karstenius Collega Aestumatissimus in Trippiano epistulam recitavit et omnium consensu placuit ut Mnemosynes patronis traderetur quod fortasse lectores lubenter cognoscerent, nam nobis quidem res haud illepidi visa est.

Sequitur Epistolae praecipua pars:

Viro plur. reverendo et celeberrimo | Danieli Gerdiesio  
S. P. D. | E. L. Vriemoet.

. . . . . Audivimus tandem Graeci nostri orationem dudum promissam d. XII huius mensis, stilo comto et florido. Facilitate memoriae admirabili. Gestibus maxime vividis, sed saepe nimium histrionicis. Voce lugubri et tragica, ingenio moroso propria; satis tamen in varias formas flexa. Ceterum totus sermo plenus partim adulationis, partim fellis. Longum erat eloquium ad Ser. Principem, cui inter alia Poëtas impense commendabat. Longum item ad parvulum comitem Buranum, quem incumbens pulpito veluti in inferiore cathedra iacentem in cunis intuebatur. Multum laudabat, rapta quadam occasione, Academicam pubem Franequeranam, tum quae nunc aderat, tum quae fuerat ab aliquot annis. Omnes in Belgio nostro egregios iuvenes in optimis scientiis, excepta Medicina et Philosophia, unice nostro e Lyceo prodiisse contendebat. Valde laudabat adolescentes nobiles, tamquam quibus omnibus incoctum generoso pectus honesto et veluti certum depositum vera virtus. — Sed non ita facilis ab altera parte, mox in alloquio auditorum mentionem faciebat hominum invidorum ipsi, quos tamen paucos sperabat adesse! Totis viribus invehebatur in invidos calumniatores suos, voce horrenda nec benigniore vultu, gestuum autem magno strepitu. Ipsos Professores dicebat proclives ad invidiam; quod quidem nescio an sic abiturum sit. Reprehendebat Ecclesiastas Frisios, quorum quam plurimi aderant, quod vitia notantes populi, numquam ab ipso auditi fuerint invecti in *avaritiam* et *desidiam*, quas duas praecipuas decernebat fuisse causas retrolabentium rerum nostrarum. Laudabat Gallos iis carentes. Multa porro alia erant, quae placere non poterant omnibus. Non sane preces, quas mediae histrioniae inserebat. Nec id, quod dicebat, sublimioris ingenii homines leges humanas respuere, sibimet ipsis legis loco esse. Mitto alia. Non minus itaque omnium crisi subiecta oratio, quam mense Decembri ab ipso editum privatum Programma absurdissimum, quo mihi creditus fuit voluisse aegre facere. — Ostendit Senatus noster displicere sibi istum agendi modum vetuitque eum imitari in posterum, caet. —

d. 23 m. Martii 1749.

Io. Theod. Bergman qui anno 1871 scripsit *Memoriam Valckenarii*, fecit ut cognoscere possimus „absurdissimum” illud programma, in quo orator significaverat se d. XI m. Decembris a. 1748 dicturum esse *de prisca et nupera rerum Belgicarum vicissitudine*. Nempe in fine haec verba legebantur: „Quotquot literarum, patriae sunt et historiae patriae amantes, si commodum videbitur, poterunt ad eam orationem audiendam convenire in templum Academicum, die Mercurii, XI Decembris MDCCXLVIII, hora matutina decima. RELIQUI NIHIL HABEBUNT CAUSAE, CUR SIBI SINT ET NOBIS ONEROSI.” Nec magno opere miramur denunciationem tum aliis quibusdam Clarissimis Viris odiosam fuisse, tum Vriemoetio, qui octogesimo aetatis anno morosus esset factus et octo annis ante aegre tulisset adolescentulum XXVI annorum sibi datum fuisse collegam, quem paucis annis ante in scholis Orientalibus habuisset auditorem.

Anno 1740 Valckenario oblatum fuerat munus Conrectoris scholarum Campensium eamque stationem per unum annum tenuit „inter amoena Camporum<sup>†</sup> moenia, quorum iucunda semper ipsius animo remansit recordatio.” Uno anno post Professor Linguae Graecae Franequerae creatus mutata omnia invenit. Hinc ad Bernardum amicum Kal. April. 1747 questus est: „Omnia hic etiam odii, invidiae et simultatum plena: ego quidem certe in otio Campensi, ubi habebam, qui ex animo mihi bene cuperent, multo vixi beatius.” Tunc factum est, uti opinor, quod semper fit: ipse erat odio iis quos oderat. Praecipua causa fuisse videtur infirma valetudo. De sene omnes novimus quod scribit Wytttenbachius eum (tertio quoque anno) intemperie quadam affici solere, ut per aliquod tempus excitatior ferretur, tum ad se rediret, subtristis quasi ac taciturnus. Sed etiam adulescens habuit quod de corpusculo suo quereretur. Scribit Bernardus ad Reiskium Kal. Sept. 1747, pag. est 249: „Valckenarius e consilio medici aquis salubribus hac aestate usus est, quod corpore esset languido ac febre laboraret lenta atque iniqua.” Similiter idem ad eundem d. 10 m. Iulii 1750, pag. est 396: „Valckenarius noster coepit revallescere, ac profectiunculis animum et corpus recreare nititur.” Sed insequens annus omnia ei laeta attulit. Scribit Bernardus d. 16 m. Sept. 1751: „Miratus sum ubi Valckenarium vidi: qui enim gracilis esset olim, iam

pinguior et obesus factus est. Summopere gavius sum, ubi illum prospera ac firma valetudine frui cernerem." Tum etiam novus ei vigor additus, quum Amstelodamo Franequeram uxorem duceret lectissimam virginem Ioannam van der Streng.

Verumenimvero incertum qua de causa; sive Valckenarii morbus intercessit, sive turbidus reip. status, statuto die oratio non est habita, sed res dilata est, sicuti supra diximus, in d. XII m. Martii 1749. Triplex argumentum fuit, nam orator egit de anno 1748, qui liberi Belgarum imperii centesimus erat, Burano Comiti [Principi Guilielmo V] natalis, atque insignis pace [Aquisgranensi] firmata. Vriemoetii iudicium si contuleris, apparebit quaedam in editione, quae eodem anno prodiit et anno 1784 repetita fuit, mutata vel certe mitigata fuisse; sunt quoque quae, credo, propter offensiones eorum qui affuerant, omissa fuerint ac semel etiam lacuna notatur, ubi orator pervenit ad salebrosum locum de induciis duodecennalibus. Iam vidimus fuisse Franequerae qui orationem improbarent; sed quum Valckenaerius sectae Nassavicae apertissime faveret, Dorvillius, Bernardus, alii Amstelodamenses etiam iniquiores iudices fuerunt, quibuscum Reiskius consensit, quemquam Lipsiae ab illis civium dissensionibus plane alienus esset. Leidae Hemsterhusius, qui et ipse Nassavicas partes sequebatur, mitius iudicavit itemque Ruhnkenius, quem utpote Pomeranum nulla illarum discordiarum cura movebat.

Equidem quum olim adulescens Valckenarii edita atque inedita omnia summa cura legerem et examinarem, ad hanc orationem non attendi animum, quum nihil pertineret ad literarum Graecarum studium; hisce diebus inspexi, sed mihi, fatebor enim, parum placuit, nam, etiamsi vehementer probem quae in laudem principum Arausionensium dicta sunt, multa tamen insubide disputata esse visa sunt et mediocris Latinitas hic illic lectionem impeditam reddit. Vix ausus fuisset hoc tam aperte proloqui, nisi meminissem Bakium disserere solere in eam sententiam sermonis elegantia Valckenarium neutiquam debere cum Ruhnkenio conferri.

S. A. N.

# AD CICERONIS ORATIONEM PRO M. CAELIO ANNOTATIUNCULAE CRITICAE.

SCRIPSIT

P. H. DAMSTÉ.

---

C. 2. 4. „Nam quod de pietate dixistis, est ista quidem nostra existimatio sed iudicium certe parentis.”

Haec verba neque a Clarkio, recentissimo orationis editore <sup>1)</sup>, neque a ceteris recte recensita existimo. Libri mss. non multum inter se dissentiunt: in codice S. Marci 255 saec. XV pro *nostra* legitur *vestra* et ordo verborum *ista quidem* a manu altera est in codice Parisino 14749 libris ceteris praebentibus *quidem ista*. At maior est apud editores dissensio, quorum coniecturas in apparatu critico Vollgraffii <sup>2)</sup> compositas videbis. Cum vero hic locus e paucissimis unus sit qui etiamnunc emendari posse mihi videatur, novam sententiam istis addere liceat.

Postquam in § 3 Cicero affirmavit: *obiectus est pater varie, quod aut parum splendidus ipse aut parum pie tractatus a filio diceretur*, primum dignitatem M. Caelii patris defendit, quo facto ad pietatem filii defendendam transit verbis quae e recensione Clarkiana supra descripsi. Iam verba *est ista quidem nostra existimatio* quam sint ambigua, ne obscura dicam, vix quemquam fugere opinor: quae sit pronominis *ista* vis, quid spectet quisvis rogabit. Quodsi quis respondeat, pronomine hoc loco ad ea quae sequuntur referri, moneo ne ibi quidem ullam existimationem

---

1) In Scriptorum Classicorum Bibliotheca Oxoniensi MDCCCXV.

2) M. Tullii Ciceronis pro M. Caelio oratio rec. J. C. Vollgraff, Lugduni Batavorum 1887.

oratoris de Caelii pietate aperiri: sequuntur enim haec: *Quid nos opinemur audietis ex iuratis*. Patet causa, propter quam Halm, cum ita ut nunc locus legitur pronomen *nostra* nullo modo explicari posse videret, cum uno illo codice recentiore *vestra* legere maluit atque alii aliter locum constituere voluerunt.

Pro *ista* si reposueris *iusta*, omnis difficultas iam sublata erit.

Haec vult: Nam quod de pietate dixistis, est iusta quidem nostra existimatio, i. e. nostra opinio de ea re non temere concepta est, nititur argumentis satis probabilibus, sed pater ipse optimus iudex est. Iam apte sequuntur:

*Quid nos opinemur* (i. e. qualis sit iusta nostra existimatio) *audietis ex iuratis; quid parentes sentiant lacrimae matris incredibilisque maeror, squalor patris et haec praesens maestitia quam cernitis luctusque declarat*.

C. 4. 10. Ubi a crimine familiaritatis cum Catilina initae Caelius defenditur, legimus: „Ad quem si accessit aut si a me discessit umquam — quamquam multi boni adulescentes illi homini nequam atque improbo studuerunt — tum existimetur Caelius Catilinae nimium familiaris fuisse.”

Lectio *tum*, quam Clark recepit, debetur manui secundae in codice Paris. 14749, cum ceteri codices omnes exhibeant *tamen*. Viri docti locum sollicitarunt coniecturis hisce, Bake: [*tamen*] ex., Oetling: *tamen* <non> ex., Baehrens: *tacite* ex.

Miror neminem umquam offendisse verba *nimum familiaris*. Nempe id ipsum, quod Catilinae nimium familiaris fuisset, accusatores Caelio obiecerant, ita ut vis nulla oratoris provocationi inesset, si ita loqueretur: „Caelius si umquam ad Catilinam accessit, vos verum dixisse iudices existiment”. Etiam si clausula notae deterioris evadat, cuius tamen 1103 exempla Zielinskio teste apud Ciceronem occurrunt, vix dubito quin codicum mss. scriptura *tamen* retenta scribendum sit:

„Ad quem si accessit aut si a me discessit umquam, quamquam multi boni adulescentes illi homini nequam atque improbo studuerunt, *tamen* existimetur Caelius Catilinae omnium familiarissimus fuisse”.

Primum vocabulum *omnium* in *nimum* corruptum, deinde pro superlativo gradu positivum substitutum esse suspicor.

C. 7. 18: „cum domus patris a foro longe abesset, quo facilius et nostras domus obire et ipse a suis coli posset, conduxit in Palatio non magno domum.”

Vocabulum *domus* intra tam breve spatium ter repetitum non una de causa suspicionem movet. Primum rogo quare *domus patris* et *domum* singulari numero — *nostras domus* plurali posita sint; deinde Caelio non id agendum erat, ut domus amicorum obiret sed ipsos amicos; denique verbis *a suis* verba *nostras domus* male respondent. Quae cum ita sint, non cum Vollgraffio *domum*, quod in enuntiati fine est, delere velim, sed ita legere:

„quo facilius et nostros [domus] obire et ipse a suis coli posset.”

Vocabulum *domus* e versu superiore hoc loco male repetitum arbitror, quo facto nescio quis *nostros* in *nostras* immutaverit. Cf. § 76, ubi de eodem Caelio:

„quem absolutum insequitur, revocat, nemini nostrum obtemperat, est violentior quam vellem.”

C. 11. 27. „Deliciarum obiurgatio fuit longa, etiam lenior, plusque disputationis habuit quam atrocitatis, quo etiam audita est attentius.”

Post Franckenii coniecturam: *plusque disputatio ista humanitatis habuit* et Vollgraffii: *plusque disputatio ista suavitatis habuit* duo loci me permoverunt ut potius pro *disputationis* legendum esse putarem *delectationis*; sunt autem § 66 extr.: „Quos quidem ego, iudices, testis non modo sine ullo timore sed etiam cum aliqua spe delectationis exspecto” et § 46: „Obterendae sunt omnes voluptates, relinquenda studia delectationis, ludus, iocus, convivium, sermo paene est familiarium deserendus.”

In eodem capite verba, quae in fine § 25 leguntur, sc. *Quid quaeritis . . . . horrebam*, non suo loco nunc legi arbitror. Ubi nunc sunt, cursum orationis interrumpunt, nam post descriptionem accusationis L. Herennii generalem ac satis longam quivis exspectet, eius partes singulas continuo enumerari. At verbis, quae modo indicavi, interpositis, id demum fieri videmus § 26 initio: *Ac prima pars fuit illa* e. q. s. Contra in § 27 ante enuntiatum, quod verbis *Nam P. Clodius* incipit, verba opportune

posita essent, quandoquidem „tam triste illud, tam asperum genus orationis”, quod Cicero se horrere dicit, nimirum spectat P. Clodii eloquentiam.

C. 17. 39. Postquam Caelii vitam solutiorem aliquamdiu defendit, Cicero timere incipit, ne quis dicat: „Haec igitur est tua disciplina, sic tu instituis adolescentis?” Immo vero, respondet, Camillos, Fabricios, Curios ego quoque magnopere admiror, sed obsoleverunt iam illa pristinae severitatis exempla, vix iam in libris reperiuntur. At vero

„Ego, si quis . . . . fuit, ut . . . . nihil in vita expetendum putaret nisi quod esset cum laude et cum dignitate coniunctum, hunc mea sententia divinis quibusdam bonis instructum atque ornatum puto.”

In mira, immo inepta, verborum *mea sententia puto* copulatione vitium latere alii ante me iudicarunt, nam Vollgraff *putatote* scripsit, cum Francken *putate* iam proposuisset. Verum ut omnis dubitatio de disciplina atque institutione sua iam tolleretur, Ciceronem sollemni declaratione usum esse exspectamus qualis evadet si ita locum emendabimus:

hunc ex animi sententia divinis quibusdam bonis instructum atque ornatum puto.

C. 20. 48. „Verum si quis est qui etiam meretriciis amoribus interdictum iuventuti putet, est ille quidem valde severus — negare non possum — sed abhorret non modo ab huius saeculi licentia verum etiam a maiorum consuetudine atque concessis.”

Insulsum additamentum *negare non possum* forsitan ab homine iocoso primum in margine adscriptum fuerit, deinde in contextam orationem per errorem receptum: quantocius igitur in locum suum relegetur! Similiter in C. 19. 44 verba *Quod quidem . . . . auget et quae firmiore . . . . deflorescunt* nescio cuius interpretamenta esse atque Ciceroni falso obtrusa mihi quidem semper visa sunt.

ibid. „Hic ego ipsam rem definiam, mulierem nullam nominabo; tantum in medio relinquam.”

Sic Clark locum constituit pro codicum mss. lectione *iam*

Halmii coniectura *ipsam* recepta. Vollgraff quoque eam recepit atque insuper de suo pro *tantum* scripsit *tantummodo*; idem magnam coniecturarum copiam, quibus critici vocabula *iam* et *tantum* emendare sibi visi sunt, enumerat.

Nihilominus lectio tradita *iam* optime se habere mihi videtur. Cicero primum amoris meretricii consuetudinem licitam atque saeculi sui in talibus rebus licentiam generatim atque universe commemoravit, quo facto *iam* rem definit, h. e. *iam* rem, de qua exposuit, certo exemplo singillatim illustrabit; at tamen nullius mulieris nomen evulgabit, scilicet ne fabula fiat.

Neque tamen locum ab omni parte sanum esse credo: verba enim *nullam nominabo* glossam esse, qua quis formulam *in medio relinquam* interpretari voluerit. Ceterum moneo, hanc formulam hoc loco aptissime adhibitam esse ab oratore, quandoquidem Clodiam in sequentibus designari scilicet neminem ex auditoribus fugit. Ita locum legendum esse opinor:

„Hic ego *iam* rem definiam: mulierem [nullam nominabo] tantum <quod> in medio relinquam.”

Cf. Verr. II. 1. 45 § 116: „componit edictum eis verbis, ut quivis intellegere posset unius hominis causa conscriptum esse: tantum quod hominem non nominat, causam quidem totam perscribit, ius, consuetudinem, aequitatem, edicta omnium neglegit.”

C. 22. 54. Caelius a Clodia aurum sumpsisse arguebatur, quod L. Luccei servis daret, per quos Alexandrinus Dio qui tum apud Lucceium habitabat necaretur. Lucceium Cicero sanctissimum hominem et gravissimum testem praedicat,

„qui tantum facinus in famam atque in fortunas suas neque non audisset inlatum a M. Caelio neque neglexisset neque tulisset.”

Interpretamentum quod est a M. Caelio tam loco quam sententia arguitur. An forte Lucceius facinus neglexisset, tulisset, non audisset, si quis alius id perpetrasset? Sequuntur haec:

„An ille vir illa humanitate praeditus, illis studiis, illis artibus atque doctrina illius ipsius periculum quem propter haec ipsa studia diligebat, neglegere potuisset [et], quod facinus in alienum hominem intentum severe acciperet, id omisisset curare

in hospitem? quod ..... neglegeret? quod ..... ferret? quod ..... putaret?"

Particula, quam uncinis inclusi, e dittographia nata est, quod rogationes asyndetae, quae sequuntur, satis comprobant.

C. 24. 60. Postquam Q. Metelli mortem, veneno ab uxore interfecti, egregiis pinxit coloribus, his verbis ad rem redit:

„Sed revertor ad crimen; etenim haec facta illius clarissimi ac fortissimi viri mentio et vocem meam fletu debilitavit et mentem dolore impedit.”

Nescio an pro *facta* corrigendum sit *fati*: non ipsius viri mentio, sed mortis eius indignissimae, qua abstractus est e sinu gremioque patriae, acerbissimo dolore Ciceronem affecit. Moneo in fine § 79 quoque *fato* in codice Erf. corruptum esse in *facto*.

C. 26. 63 de testibus sermo est, qui Licinium, Caelii familiarem, venenum servis tradidisse in balneis publicis adseverabant.

„Sed quid ego de dignitate istorum testium loquor? virtutem eorum diligentiamque cognoscite. 'In balneis delituerunt'. Testis egregios! 'Dein temere prosiluerunt'. Homines temperantis!"

Immo intemperantis, i. e. impotentes, ut sequens narratio demonstrat. Cf. etiam finis § 64: „quos quidem tu quam ob rem temere prosiluisse dicas atque ante tempus non reperio,” nec non initium paragraphi sequentis.

ibid. „Licinium ..... retraxisse atque ex illo repentino hominum impetu se in fugam coniecisse.”

Clark *ex*, quod altera manus in cod. Paris. 14749 intulit, ante *illo* edidit — Vollgraff ratus necessarium participium perfecti passivi unde penderet *hominum impetu* intercidisse supplevit: *atque illo repentino hominum impetu* <impeditum> *se in fugam coniecisse*. Equidem inserere malim *perterritum*, cl. § 66: An timebant ne tot unum (sc. Licinium), valentes imbecillum, alacres perterritum superare non possent?

C. 32. 78. Persuaderi mihi numquam potuit, editores qui

Garatonium secuti verba *hominem sine re, sine fide, sine spe, sine sede, sine fortunis, ore, lingua, manu, vita omni inquinatum post ducem vidistis* transponunt, cum in codicibus post *incendit* legantur, loco bene consuluisse. Non ea verba transponi, verum alia quaedam induci oportere credo, verba scilicet quae sunt *qui aedis sacras, qui censum populi Romani, qui memoriam publicam suis manibus incendit*. Haec enim eo loco, ubi in codicibus leguntur, servari non posse Garatoni recte perspexit, sed ne ibi quidem, ubi nunc in editionibus legi solent, ea ferri posse contendo. Nonne Cicerone indignum, cum primum aedes sacras, censum populi, memoriam publicam incensa esse exclamavit, domus suae fratrisque combustae mentionem iniicere, deinde ad totius urbis caedem atque incendium rursus oratione adscendere? Sed vel maxime nunc offendit verbi *incendit* molestissima intra tam breve verborum spatium repetitio. Quae cum ita sint, non Garatonii medela utendum esse opinor, sed verba *qui aedis sacras . . . . incendit* interpretatori reddenda.

C. 32. 80. „Conservate parenti filium, parentem filio, ne aut senectutem iam prope desperatam contempsisse aut adulescentiam plenam spei maximae non modo non aluisse vos verum etiam perculisse atque afflxisse videamini.”

Verbi *aluisse* in codice vetustissimo Paris. 7794 saec. IX duae litterae priores tantummodo servatae sunt, manus secunda et codicum recentiorum scribae lacunam expleverunt. Lectio tamen vera non restituta esse multis visa est, e quibus Mueller *adlevasse*, Francken *abiecisse* maluit. Requiritur verbum menti dicentis aptissimum: *adiuvisse*.

PLUT. PRAEC. REIP. GR. 823 B.

Bonus prudensque 'politicus' non molestus est civibus suis magno comitum numero, qui in theatro aliisque locis omnes sedes occupet οὐδὲ τοῖς εἰς τρυφήν καὶ πολυτέλειαν ἐπιφθόνους παρὰσημος.

Immo vero ἐπίφθονος παρὰσημοῖς (aut, si hoc mavis παρὰσημοῖς ἐπίφθονος): non movet invidiam luxu divitiisque ostentandis.

J. J. H.

ITALICA.  
OBSERVATIONES AD LOCOS VERGILIANOS ET  
OVIDIANOS.

SCRIPSIT

I. VÜRTHEIM.



I.

Pandite nunc Helicon, deae, cantusque movete,  
qui bello exciti reges, quae quemque secutae  
complerint campos acies!

Hisce verbis Vergilius Catalogum suum incipit minime peiorem Aeneidis partem exorsus, quam armorum vestiumque descriptione vivida colorata, heroum populorumque recensione bene distincta et ordinata lectu reddidit iucundissimam. Nam viventes ante lectorum oculos praetergrediuntur divum contemptor Mezentius et Lausus ferarum debellator, pulcher Aventinus opertus tegumine leonino, Herculis e sanguine creatus, Catillus et Coras fratres gemini, quibus „magno cedunt virgulta fragore”, Caeculus viros ducens Praenestinos. Tum oculos in se vertit Messapus, equorum domitor Neptunia proles, quem praecedunt viri suum ipsorum canentes ducem: eunt „numero aequati.” Itane Musis addicti sunt Calabriae incolae? Cave credas; aliunde deveniunt canorae hae copiae, sunt Aequi Falisci, Capenates, montis Soractis qui habitant radices! Quid hoc? Nonne in extrema Italia sita est Messapia, ubi Metapontum, vel ut antiquiore aetate audiebat Metabum, Messapi propria videtur regio? Quod Neptuni filium poeta fecit Messapum intellegimus; sed non quod, ut explicat

Servius, hic Messapus per mare venerit ad Italiam, idcirco Neptunius est appellandus, immo, quia heros iam antequam in Italiam est transgressus, ipsa in Graecia Neptuni Μεσσηνίου nomen Eresi cultum servabat in memoria. Ubi non invenitur nomen quod cum Messapi arcte cohaereat, sive spectas montem Μεσσηνίου in Boeotia prope ab Anthedone, sive Euboeam, Aetoliam, Locridem, Laconicam, Cretam, Cariam lustras? Μετάνιοι inveniuntur in Elide, Μεσσηνίου ὄρος in Paeonia. Facile credimus Kretschmero statuenti Messapios propter linguarum affinitatem a gente Illyrica non esse disiungendos verique simillimum videtur Messapios e partibus septentrionalibus praeter utramque maris Adriatici oram meridiem versus descendisse, sed gerunt nomen quod, sive vere graecum est sive graeco habitu obvelatum, antiquis cum Neptuni cognomine cohaerere videbatur.

Sed haec nunc mittimus; quid vero Vergilium movit ut heroem Messapum, cui extrema in Italia sedem assignavit vetustas, ducem dare maluerit Faliscis populoque Capenati? Describit eum, quem neque igni neque ferro sternere possis; cui observationi lucem forte attulit Heynius monendo sacerdotes Apollinis Soractini, Hirpos illos, super ambustam ligni struem ambulantes salvos abiisse. Obstat tamen huic explicationi, quod Romae quoque, cum Fordicidia agebantur, viri mulieresque in monte Palatino per ardentes stipulae crepitantis acervos celeri pede saliebant, ita ut Soranorum mos non tantam poetae migrationem movere posset, ut indeoreretur versus de Soractis accola: „neque fas igni cuiquam nec sternere ferro.” Immo sacerdotes Sorani S. C. militiae munere vacabant. Potius igitur conicimus Vergilium versu suo heroem depinxisse, quales fuerunt Achilles et Ajax <sup>1)</sup>, quibus mortales armis mortalibus mortem parare non valebant. Mentio quidem fit in Aeneide Hirporum Soranorum, sed hoc quoque in episodio nonnulla nos deterrent, quominus Messapum, licet populis Soractis vicinis imperet, Hirpum fuisse credamus.

In libro enim XI<sup>o</sup> prodit Arruns quidam, ut Camillam Amazonem fortem atque indefessam hasta percutiat necopinantem, quo facto ipse a Dianae satellite sagitta transfixus ignoto campi

1) De huius ἀρπυιάς egi „De Aiakis origine, cultu, patria,” pag. 1—12.

in pulvere moribundus a sociis deseritur. Celerius quam apparuit ex Aeneide evadit. Cuiusnam fuerit filius poeta silentio praeterit, hoc modo adiecto Arruntem in eo ut inimicam virginem aggredere-  
deretur sic voce esse precatum:

Summe deum, sancti custos Soractis Apollo,  
Quem primi colimus, cui pineus ardor acervo  
Pascitur et medium freti pietate per ignem  
Cultores multa premimus vestigia pruna,  
Da, pater, hoc nostris aboleri dedecus armis,  
Omnipotens.

Habes qui se ipsum Apollinis Soractis cultorem profiteatur, verum Hirpum. Teste vero Plutarcho in Poplic. IX Arruns, vel graece *Ἀρρῶν*, erat Tarquinii filius; nomen *Ἀρρῶν* in Arcadia, Tarquiniorum patria, minime ignotum erat. *Τάρχων* Tarquiniorum *ἑπώνυμος* Telephi audiebat filius. Quid igitur? In Aeneide quoque Tarchonem Tyrrhenum genitorem cum Arrunte affinitate coniunctum fuisse statuere licebit? Nil, credo obstat; immo nil non tali rei favet. Nam ubi Tarchonis copiae, Etrusci, manus cum Camillae caterva conserunt, quid mirum Tarchonis filium Arruntem ipsam Camillam ibi petiisse?

Quare non videmus qui factum sit, ut antiqui commentatores teste Servio (XI, 762) desperarent de Arruntis origine detegenda. Habitat Etruriam meridionalem, Soractis est incola. Non procul igitur sedem habet a Faliscis Capenatibusque, qui sub Messapo pro Turno, ab iisdem partibus a quibus stat Camilla, contra Tarchonem pugnant. Vel ut brevius idem exprimamus, Arruns Soractis Hirpus et Falisci, qui „Soractis habent arces”, diversis a partibus militant. Denuo mirabundi haeremus, nam si quos alios, hosce homines commilitones fuisse expectabamus. At non eiusdem erant gentis; eadem religio — Apollinis Soractis cultus — non tantum valuit, ut diversae gentes eosdem hostes eosdem amicos haberent. At Tarcho quoque Etruscorum dux et Mezentius Agyllina ex urbe — id est etrusca ex urbe Caere — ortus sibi stant oppositi Martis in campo. Caveamus! Mezentius enim a civibus ob crudelitatem expulsus apud Turnum refugium quaesierat. Nolite igitur putare etiam Etruscos civili discordia bipartito fuisse disceptos. Discordes vero videmus Etruscos et Faliscos.

Sed transeamus ad Camillam. Quaeenam illa fuit? Filia erat

Metabi Tusci, qui à populo suo Volscos patria — i. e. Priverno, urbe Volscorum in Latio sita — pulsus erat. Si credimus commentatori ad XI, 567, cuius auctor Cato fuisse videtur in Originibus, Privernum tum temporis Etruscorum potestate regebatur. „Pulsus erat”, ita poeta, „ob invidiam viresque superbas.” Feritate (cf. XI, 568) cives in se armarat, alter igitur Mezentius. Nam ut hunc omnis Etruria iustis furiis agitata ad supplicium reposcebat a Turno, sic illum telis saevis fugientem premebant Volsci. Quo vero fugerat? Non dicit poeta, sed quoniam filiam adultam multae matres per oppida Tyrrhena frustra optabant nurum, apparet Metabum Tiberim flumen traiecissee Etruriamque petiisse. Expectamus igitur Metabi filiam Camillam iuxta Tarchonem, Etruscorum regem, ab Aeneae partibus contra Turnum dimicasse. Non ita est; agmen agens equitum Volscos de gente advenerat (VII, 800); ducit igitur gentem cuius tela pater quondam effugerat, quodque plus est, Tyrrhenos, inter quos refugium invenerat ipsa, bello persequitur neque contemptum reticet suum. E. g., ubi Ornytum Etruscum percutit, super hoc pectore fatur inimico:

Silvis te, Tyrrhene, feras agitare putasti?

Nemo non, opinor, rogabit, num forte poeta somniarit, cum Camillam ducem praemitteret Volscis? Neque absque omni dubitatione repetet verba commentatoris: „Privernum tunc ab Etruscis regebatur!”

Ceterum non est quod miremur Camillam, quae procos Etruscos infra se duxit et copia data gentem despectam impugnavit, ab Arrunte Etrusco Tarchonis filio esse prostratam. Sed quid iudicabimus de verbis commentatoris (XI, 558): nomen Camillae e lingua etrusca esse petitum? Potuit sane pater, qui terram petebat Etruscorum ut vitam servaret, filiae nomen indere tyrrhenum; sed tale nomen virgini, cui Etrusci sunt odio, non bene convenit. Nonne poeta nomen magis idoneum excogitare poterat quam etruscum illud? An forte nomen in mythis italicis invenerat? Sed tunc rogamus, rectene fecerit poeta, ubi Camillam Volscis, patris inimicis, praemitteret Etrurios ut impugnaret.

Haec nostra difficultas hand levatur, immo aggravatur si haec attendimus. Metaponti nomen antiquius fuit Metabum (*δοκίμῳ* δ'

Ἀντίοχος τὴν πόλιν Μεταπόντιον εἰρῆσθαι πρότερον Μεταβον) <sup>1)</sup>. Auctor est Antiochus Syracusanus ἐν τῷ περὶ Ἰταλίας συγγράμματι. Metabi autem nomen forma modo discrepat a Messapo, quod vidit, sed post alios, Kretschmerus (Einl. p. 273). Quare contendimus Camillam, Metabi filiam, et Messapum ab origine nexu quodam fuisse coniunctos. Quodsi forte quis addubitatur, indicabimus locum Vergilianum, ubi ipse poeta sententiae nostrae astipulatur. Nam in libro undecimo Turnus sic alloquitur virginem (vs. 508 sq.):

„O decus Italiae..... Tyrrhenum equitem collatis excipe signis,  
Tecum acer Messapus erit turmaeque Latinae.

Hic simul eundem petunt hostem Messapus et Camilla! Messapus, dux Faliscorum! quem in regione septentrionali non expectabamus, et Camilla, quam apud Volscos mirabundi ducis munere fungi videmus. Quid Vergilium movit, ut tali modo nomina per Italiam disperserit?

Nondum difficultatum copiam exhausimus. Sed antequam novum scopulum in quo navis nostra haesit indicemus, pauca observanda restant de Camilla. Haud dubie virgo illa provenit e regione unde Messapus oriundus erat, scilicet e Messapia.

Iam diu enim v. d. agnoverunt Camillam referre imaginem Harpalyces illius, cuius pater, sicut Metabus, a civibus expulsus filiam suam eodem cibo nutriverat, nempe lacte ferino. Utraque virgo Amazo videtur tam habitu (Aen. XI, 648) quam Dianae ministerio. Neque Harpalyce, quae piscatorum retibus constricta capitur, multum differt a Diana Cretensi Dictynna appellata.

Vinculum, quod inter Camillam et Harpalycen exstat, non prorsus neglexit poeta. Aen. XI, 675 Camilla et Harpalyces simul in scaenam prodeunt, quibus tertius adiungitur Tereus. Causa cur hic potissimum introducatur haud deest. Exstitit enim fabula alexandrina, qua Harpalyce quaedam a patre Clymeno amata fratrem necasse patrique apposuisse ferebatur, dein in avem mutata esse. Habes Terei fabulam mutatis nominibus. Ex Alexandrino igitur thesauro materiem hausit Vergilius. Fortasse etiam longius procedere licebit, nam docet nos Pausanias.

1) Strab. VI p. 265.

(IX, 37) Clymeno fuisse filium, cui nomen esset Ἀρρων, i. e. latine Arruns. Verisimile igitur videtur hoc quoque nomen ex eodem fonte alexandrino in Aeneidis librum undecimum esse receptum; odium enim Ἀρρωνος in Harpalycen ob fratrem interemptum facile in inimicitias inter Arruntem et Camillam mutari potuit. Sed quanta libertate, ne dicamus libidine, poeta hac in materia tractanda et transmittenda sit usus, inde apparet quod versus, quibus Hesiodus (fr. 117 Rz) Iphiclum Harpalyces spretorem depinxit:

ἄκρον ἐπ' ἀνθερίκων καρπὸν θέεν οὐδὲ κατέκλα,  
ἀλλ' ἐπὶ πυραμίνων ἀθέρων δρομάσκει πόδεσσι  
κοῦ σινέσκετο καρπὸν

fere ad literas vertit, sed ad Harpalycen Italicam, Camillam, transtulit:

illa vel infractae segetis per summa volaret  
gramina nec teneras cursu laesisset aristas (VII, 808).

Supervacaneum videtur observasse Hesiodo exemplum fuisse T 226 sqq., ubi eadem legimus de equis a Borea progenitis. Auctore Athenaeo (XIX, 619 E) „Harpalyce” erat carmen a virginibus cantatum. Haud igitur ex abscondito angello Vergilius „doctrinam illam Alexandrinam” protraxit in lucem.

Si vero non iniuria vinculum quaesivimus inter Messapum et Neptunum Μεταπόντιον; si attendimus Κλύμενον, nomen patris Harpalyces, deorum χθονίων, qualis erat Neptunus, fuisse epitheton (cf. Paus. IX, 37: Κλύμενον μὲν ἐν τῇ ἑορτῇ τοῦ Ὀγρηστίου Ποσειδῶνος φρονεύουσιν); si hiæ observationibus adiungimus Harpalycen a Dictynna dea marina non fuisse absimilem, Harpalycen autem italicam esse Camillam, non facile quis negabit id, quod iam supra ipso e Vergilio effecimus, Messapum et Camillam non esse disiungendos, quippe qui eodem cultu fuerint coniuncti. Quare, si Messapi nomen e Messapia est petatum, statuendum videtur Camillam quoque inde venisse, quae conclusio stabilitur iis, quae ethnographi coniciunt de Messapiis, gente illyrica tam per Italiam quam per Graeciam dispersa (Vid. Kretschm. II.; Fick. Vorgr. Ortsn. p. 142 sq.).

At contendit commentator apud Servium (XI, 558) Camillam fuisse nomen etruscum, Mercurium etrusca lingua Camillum dici, affert testem Pacuvium, quem voce *camillae* usum esse

etrusca, ubi latine expectaretur vocabulum *ministra*, probat versu e Medea allato:

caelitum camilla expectata advenis, salve hospita!  
Respondemus versu Pacuvii id modo verisimile fieri *camillam* significasse *ministram*, de vocis autem origine nil apparere. Unde vero commentatoris provenerit doctrina legimus Serv. XI, 543: „Statius Tullianus de vocabulis rerum libro primo ait dixisse Callimachum apud Tuscos Camillum appellari Mercurium, quo vocabulo significant deorum praeministrum.” (Macrob. III, 8, 5).

Nescimus quo iure Callimachus tale quid sit prolocutus. Sed quoniam teste scholiasta ad Apoll. Arg. I, 917 Κάσμιλος Ἑρμῆς ἐστίν ὡς ἱστορεῖ Διονυσόδωρος, et in Samothracio cultu Cabirorum Casmilus idem ac Mercurius habebatur, conicimus Callimachi sententiam niti affinitate illa, qua antiquitus Samothraces Tyrheni et Etruriae incolae inter se coniungebantur.

Constat camillos et camillas appellasse Romanos pueros et puellas nobiles et investes, flaminicarum et flaminum praeministros; constat in nuptiis casmillum audisse, qui cumerum ferret, sed utrum etruscum fuerit vocabulum necne non constat. Ipse Vergilius nomen Camillae derivat a Casmilla

matrisque vocavit (puellam)

nomine Casmillae, mutata parte, Camillam.

Nomina Casmili, Cadmili, Cadmi, quae ex Italia orientem versus nos abducunt, nullus explicavit ita ut omnem tolleret dubitationem; hinc sequitur Camillae quoque nomen spissa caligine originem suam obtectam servare. Sed fac Camillam etruscum esse vel proprium nomen vel adiectivum, quidni Messapii eandem cognoverint vocem, cum Messapii sint Illyrii, Etrusci autem, si O. Muellero et Penkæ (Herkunft der alten Völker Italiens und Griechenlands) credimus, e Lydis et Illyriis mixtis provenerint?

## II.

Sed haec hactenus. Probasse mihi videor, Vergilium nomina Messapi, Metabi, Camillae, quae non erant distrahenda, patria e terra abstulisse atque alienas in regiones sive coniuncta sive disiuncta transtulisse. Cuius agendi rationis novum dabimus exemplum.



den? Immo Atrides et Agamemnonius indicant Agamemnonis filium, sive legitimum sive nothum, sed filium. Unde sequitur Vergilium aliam genealogiam quam volebat Ovidius Halaeso tribuisse.

Quid vero iudicabimus de versu Ovidiano: „Halaesus, a quo se dictam terra Falisca putat”? Modo apud Vergilium audivimus Halaesum Campanum fuisse, qui praeibat copiis Volturri oras incolentibus. Nunc fit Faleriorum conditor, verus aptusque dux, cui Faliscos paruisse credimus. Apud Vergilium vero alius Faliscis praeest, Messapus, quem poeta miro modo a civibus suis Messapiis divulsit. Quid tandem Vergilium movere potuit, ut nomina heroum sic conturbaret? Nam, si quid videmus, Ovidius hac in re ipsorum Faliscorum servavit fabellam popularem, Vergilius autem hoc loco, sicut ubi de Messapo loquebatur, suam iniit viam, quae a fabula populari abducit.

Commentatorem id non fugit. Observat ad Aen. VII, 695: „Faliscos Halaesus condidit. Hi autem immutato H in F Falisci dicti sunt, sicut febris dicitur quae ante hebris dicebatur, Formiae quae Hormiae fuerunt ἀπὸ τῆς ὁρμῆς: nam posteritas in multis nominibus F pro H posuit.”

Etymologicae hae nugae nihil probant nisi hoc: Servio nexum inter Halaesum et Faliscum, qualiscumque ille nexus fuit, haud ignotum fuisse. Apud Silium VIII, 476 legimus hunc versum sermone pedestri:

Alsium litus dilectum Argolico Halaeso!

Disiungit igitur Halaesum a Faliscis, ut novam doceat etymologiam, quae nititur radice ἀλ(ε); attamen Faliscos non prorsus negligere potuit, nam vs. 491 sqq. apparent

Aequique Falisci

quique tuos, Flavina, focos Sabatia quique

stagna tenent Ciminique lacum, qui Sutria tecta

haud procul et sacrum Phoebæ Soracte frequentant.

Intellegimus etymologum, qui nomen Halaesi a voce ἀλ(ε) deducere voluit; quali vero modo explicandum erit quod fecit Vergilius? Ad Massici radices iacet ager Falernus; huc trans tulit Halaesum. Ecquid inter Falerios et Falernum statuit nexum etymologicum eaque opinione ductus cum Falerno coniunxit heroem, quem etymologice cum Faleriis coniunctum saepius audisset? Fac ita fuisse; tum vero iure rogabis, cur non potius

Halaesum inter suos Faliscos reliquerit et Massici accolis praefererit illum, quem e Messapia transtulisset, Messapum? Quod quia non fecit, coniecimus certam causam nobis ignotam eum perpulisse, ut utique Messapum cum Faliscis coniungeret, quo facto Halaeso novam patriam quaesivit apud eos, quibuscum iam *ἐτρώμῳ* coniunctus videbatur. Hoc studium Messapi inter Etruscos vel inter Etruscorum vicinos transferendi ibi quoque prodidit poeta, ubi Metabum (i. e. Messapum) cum filia Camilla Priverno pulsum Tyrrhenos petiisse cecinit, quamquam Camilla Tyrrhenos abominata atque ad Volscos refugiens satis superque probavit se et patrem suum inter Tyrrhenos fuisse alienigenas; vel potius se duxisse alienigenas.

Indene aliquid efficere possumus? Possumus, quamquam haesitantes proferemus quae coniecimus, sed non quod errorem timeamus, quem nisi nihil faciendo vix semper effugias. Vergilius, puto, nomen Messapi vel Metabi in Capenatum quoque et Faliscorum fabellis repperit, ubi sic appellabatur Etruscus quidam, cui hae urbes erant subiectae. Fieri id poterat, quia, ut supra iam exposuimus, studia ethnologica et linguistica nostrae aetatis in populis Etruscorum et Messapiorum communem detexerunt gentem illyricam. Hanc ob causam Messapum et Metabum inter Tyrrhenos posuit. Sed simul, id quod viri docti Vergili aequales contendebant, Camillam nomen esse etruscum pernegavit Camillam Etruscis opponendo et in urbe Latii collocando. Nomina Halaesi et Faleriorum inter se cohaerere credidit quidem, sed suo Marte inde statuit nexum etymologicum inter Halaesum et Falernum.

### III.

Sed haec omnia nunc mittimus, ut de Halaeso cetera perpendamus documenta.

Iam primum, ut Messapus, sic Halaesus vocatur Neptunia proles in mira nota Serviana (VIII, 285): „quidam etiam dicunt Salios a Morrio rege Veientanorum institutos, ut Halaesus Neptuni filius eorum carmine laudaretur, qui eiusdem regis familiae auctor ultimus fuit.” Fuit igitur Halaesus, Neptuni

filius, auctor gentis Morrii, regis Veientanorum. Carmina a Saliis cantata exstabant, quibus Halaesi laudes efferebantur.

Denuo apparet heroem nostrum, utpote regum Veientium auctorem, prope ab Soracte sedem habuisse. Nunc vero, postquam mythis italicis est annexus, filius audit Neptuni, non Agamemnonius. Hoc nomen gerit ubi mythologi antiqui vel docti poetae fabellas italicas, cultum aliquem italicum, ob congruentiam cum narrationibus caeremoniisve graecis detectam, e Graecia in Italiam importata crediderunt. Cuius rei mox afferemus exemplum. In carminibus autem Saliorum Veientanorum Neptuno utebatur pater. Romae, ut satis est notum, carmen Saliare bifariam divisum erat. Prior pars, aximenta nominata, omnes complectebatur deos, altera varios deos sed singulos canebat singulique versus a singulis denominabantur deis, ut Iovii, Ianii, Iunonii, Minervii. Quodsi idem Veis obtinuit, altera in parte Neptunius laudabatur Halaesus, quem et Faleriorum ferebant conditorem. Revera commercium exstitit inter Faliscos et Veientes ut docet bellum diuturnum, quo libertatem Veientes contra Romanos defenderunt auxilio usi Faleriorum. Morrius autem ille Veientanorum rex, qui Salios instituit, non erat diversus a noto Mamurrio Veturio, anciliorum fabricatore. Ludis Capitolinis, cum Romani victoriam a Veientibus reportatam celebrabant, auctio fieri solebat Veientium, in qua senex cum toga praetexta bullaque aurea a praecone producebatur clamante populo: „Sardi venales”! (Festus i. v.).

Sardi appellabantur, quia Etrusca gens Sardibus orta credebatur. Addit Plutarchus Qu. Rom. 53: „Ῥωμύλῳ πολὺν χρόνον ἐπολέμησαν οἱ λεγόμενοι Οὐήιοι Τυρρηνῶν, καὶ ταύτην τὴν πόλιν ἐσχάτην εἴλε καὶ πολλοὺς αἰχμαλώτους ἀπεκέρυξε μετὰ τοῦ βασιλέως, ἐπισκώπτων αὐτοῦ τὴν ἡλιθιότητα καὶ τὴν ἀβελτερίαν”.

Denique teste Ennio in Schol. Bern. ad Verg. Georg. II. 384 mos saliendo per utres, mos igitur τοῦ ἀσκωλιάζειν, viguit in ludis Capitolinis.

Hisce documentis inter se comparatis atque coniunctis apparet, opinor, senem cultu regio etrusco (vid. Fest.) ornatum, quem ludis Capitolinis vendebant Romani, habitum fuisse pro Veientium rege. Et quia hisce ludis inter ioca oblectamentaque popularia obtinebat locum τὸ salire per utres, orta est opinio

Veientium illum regem *saliendi* morem instituisse. Mox venit lepidum caput, quo auctore Morrius Veientium rex *Salios* instituisse ferebatur. Ignotus autem ille Halaesus, cuius obscuram originem aegre ferebant Romani, quoniam in Saliorum Veientanorum carminibus locum obtinebat, quin Veientium regum fuisset princeps, nullus posthac dubitabat. Quantum in hac ratiocinatione valuerit Halaesi nomen a radice *άλ(λομαι)* derivatum, non facile dixeris. Sic mira illa nota Serviana (VIII, 285) explicanda videtur. Morrium, Mamurium, Martem Salisubsum unam eandemque esse personam iam alii ante nos erant prolocuti.

## IV.

Nunc ad Halaesum revertamur. Ovidius hunc heroem non neglexit, quod tanto magis gaudemus, quoniam poeta duxerat uxorem Faliscam: procul dubio occasione oblata Faliscorum mythos propius adspexit. Iam primum confirmat Halaesum Faleriorum fuisse conditorem; habent autem eius verba quod mireris. Legimus enim (Amor. III, 13 sqq.):

Agamemnone caeso

et scelus et patrias fugit Halaesus opes.

Iamque pererratis profugus terraque fretoque  
moenia felici condidit alta manu.

Quoquo te verteris, tandem concedendum tibi erit Ovidio notam fuisse fabellam, qua Halaesus ferebatur Agamemnonis filius nothus. Patre mortuo relictis patriis opibus scelestam Aegisthi manum effugerat. Sed quam e matre ortus erat alter ille Orestes? Conieceris e Cassandra, quae et duos alios Agamemnoni peperit filios, Teledamum et Pelopem (Paus. II, 16, 6), Aegisthi manu perituros. Neque a probabilitate rerum abhorreret Halaesum simul cum matre Cassandra cultum in Italia meridionali esse nactum. (Lyc. Alex. 1128 c. schol.; Vürtheim, de Aiakis origine p. 124). Talis vero narrationis, Alexandrinae haud dubie, si unquam exstitit, neque vola iam nec vestigium superest.

Pergit Ovidius: „ille suos docuit Iunonia sacra Faliscos.” Mirus, hercle, fuit heros Halaesus noster: est Agamemnonius, est Neptunius, est Martius, celebratur a Saliis, instituit Iunonia.

Hoc autem parva opera ei cessit utpote Argivo. Sed videamus festi ritum, nam fieri potuit ut Iunonia sacra Faleriis acta ob nimiam cum Argivis Iunoniis congruentiam ipsa quoque pro Argivis haberentur; hinc autem suspicio nasci poterat ~~horum~~ sacrorum conditorem ab origine fuisse Argivum. Deinde, si factus erat Argivus, quidni fuisset Agamemnonis filius? Nonne tot aliae urbes italicae graecis gloriabantur patronis?

Antiquissimus auctor inter scriptores antiquos, qui nos docuit Faleriorum originem Argivam, Cato est in Originibus. Habet enim Plinius (III, 5): „Falisca Argis orta, ut auctor est Cato, quae cognominatur Hetruscorum.” Cato, qui „multa industria et diligentia sed nulla doctrina” Origines scripsit, graecos — quis dubitare potest — adiit fontes, licet auctores nominatim non laudarit. Adiit igitur Callimachi quoque Ἀῖτια, unde de Halaeso quaedam haurire potuit. Nam doctum Cyrenaeum attigisse mythos italicos efficere licet e verbis Statii Tulliani supra allatis. Quid igitur? Indiciane de Iunoniorum Faliscorum origine graeca apud Ovidium detegi possunt? En, habes versus:

- 3 Casta sacerdotes Iunoni festa parabant
- 4 per celebres ludos indigenamque bovem.
- 7 Stat vetus et densa praenubilus arbore lucus,
- 9 accipit ara preces votivaeque tura piorum,
- 10 ara per antiquas facta sine arte manus.
- Hinc ubi praesonuit sollemni tibia cantu,
- it per velatas annua pompa vias.
- Ducuntur niveae populo plaudente iuvencae,
- quas aluit campis herba Falisca suis,
- 15 et vituli nondum metuenda fronte minaces,
- et minor ex humili victima porcus hara,
- duxque gregis cornu per tempora dura recurvo.
- Invisa est dominae sola capella deae.
- Illius indicio silvis inventa sub altis
- 20 dicitur inceptam destituisse fugam.
- Nunc quoque per pueros iaculis incessitur index,
- et pretium auctori vulneris ipsa datur.
- Qua ventura dea est, iuvenes timidaeque puellae
- praevertunt latas veste iacente vias.
- 25 Virginei crines auro gemmaque premuntur,

et tegit auratos palla superba pedes:  
more patrum graio velatae vestibus albis  
tradita supposito vertice sacra ferunt.

Ore favent populi tunc, cum venit aurea pompa,  
30 ipsa sacerdotes subsequiturque suas.

Argiva est pompae facies.

Animadvertamus Ovidium bis Argivas caerimonias commemorare. Ubi canephoros albis vestibus velatas nominat, addit „more patrum graio”; deinde in fine descriptionis omnia quae aspexit colligit sententia: „argiva est pompae facies.” Iurene id contendit, an vocem popularem repetiit? Necesse erit, succincte perlustremur ipsas argivas caerimonias. Non ita multae nobis sunt notae.

Magnas partes in cultu argivo agit vacca alba; supervacaneum est auctores laudare de re nulli ignota; citemus modo Senec. Agam. 364 sq.:

ad tua coniunx candida tauri | delubra cadet  
nescia aratri nullo collum | signata iugo.

Adsunt in pompa Argiva indigenae iuvencae; sed adsunt etiam vituli fronte nondum minaces.

Memoria quidem tenemus Herodotum in fabella notissima de Bitone et Cleobi loqui de *bubus*: οἱ δὲ σφι βόες οὐ παρήσαν; legimus quidem in schol. Pind. Ol. VII, 152: Ἐκατόμβαια δὲ ὁ ἀγὼν λέγεται ὅτι πομπῆς μεγάλης προηγούνται ἑκατὸν βόες, οὗς νόμος κρεανομεῖσθαι, sed haud dubie agitur de vaccis, etsi minus ad grammatices normam sint indicatae. Vaccarum imagines ex aere et ex ebore factae in Heraeo sunt repertae.

Porcus et aries, qui Faleriis cum vitulis coniuncti efficiunt quod suovetaurile dicere possis, in pompa argiva non memorantur; neque causa adest, cur coniciamus haec animalia tamen affuisse. Venatio capellae Iunoni invisae, ludicrum sane oblectamentum memoratuque haud indignum, Argis videtur fuisse ignota. Corinthi vero celebrabatur Iuno αἰγοφάγος, quae igitur capellam odio non habuit. Iuppiter αἰγοφάγος, apparet Etym. magn. 27, 51. Erravit, ut bene observatum est, Pausanias, ubi refert (III, 15, 9): „solis Spartanis inter Graecos mos est Iunonem appellare αἰγοφάγον capellasque huic deae immolare.” Sed haec de Corinthiaco ritu; Argis nil tale innotuit.

Sequuntur in pompa Falisca „iuvenes timidaeque puellae, qui

praeerrunt latas veste iacente vias" Quid hic voluerit poeta apparet collatis verbis Ovidianis:

„nimium demissa iacent tibi pallia terrae".

Procedunt igitur iuniores utriusque generis *ἐλκεχίτωνες*; virgines autem crines gerunt auro gemmisque distinctos; palla superba descendit usque ad pedes sandaliis calceatos auratis; capitibus gerunt sacra tradita, „more patrum graio". Non errabimus statu-  
entes hic agi de canephoris. Rogatur an Argis quoque affuerint.

Puellas affuisse docet Euripides Electr. 171 sqq.:

ἀγγέλλει δ' ὅτι νῦν τριταί-

αν καρύσσουσιν θυσίαν

Ἄργεῖοι, πᾶσαι δὲ παρ' Ἡ-

ρην μέλλουσιν παρθενικαὶ στείχειν,

docet praeterea Pollux (IV, 78) virgines *ἀνθεσφόρους*; in Heraeis saltasse et tibiis cantasse; et apud Senecam legimus (Agam. 358 sqq.):

tibi multifora tibia buxo

solemne canit,

tibi fila movent docta puellae

carmine molli.

De canephoris vero altum silentium!

At affuerunt Argis iuvenes! Ita est; sed etiam *ἐλκεχίτωνες*? Qui teste Aenea Tact. I, 17: „ἐξῆγον πομπὴν σὺν ὅπλοις τῶν ἐν ἡλικίᾳ συχῶν." In Iliade autem non bene placent οἱ Ἰάονες *ἐλκεχίτωνες*, qui cum telo pugnam ineunt seriam, ab omni ludo alienissimam. Melius placent in hymno Apollinis οἱ *ἐλκεχίτωνες* Ἰάονες, qui ἡγερέθονται, ut deum delectent *πυγμαχίῃ τε καὶ δρχηθμῷ καὶ ἀοιδῇ*. Absunt arma; a diebus festis absint! Si vero adsunt, armatos iuvenes, qui extra urbem pompam ab hostibus defenderent, *ἐλκεχίτωνες* fuisse non credimus.

Sic unum modo restat; inquirendum, utrum Argis dea ipsa, ut Faleriis, in pompa sacerdotes suas subsequi solita fuerit necne. Quodsi et hoc negatur, omnibus partibus inter se differunt caerimoniae Faliscae et Argivae, nisi quod utraeque fiebant in honorem Iunonis, cui utraque in urbe officia praestabant sacerdotes feminae. Nam de ritu observatu dignissimo, quem Seneca sic expressit (Agam. 362):

tibi votivam matres Graiae lampada iactant

Ovidius in descriptione festi Falisci nil refert.

Rogatur igitur num Iuno in Heraeis sive imagine sive a sacerdote sua repraesentata affuerit. Haec quaestio magni, si quid videmus, est momenti. Statim enim postquam poeta in pompa aspexit Iunonem Faliscam, exclamat: „Argiva est pompae facies”; unde forte non iniuria effeceris deae praesertim praesentiam Ovidio pompas graecas in memoriam revocasse atque ante alias pompam *argivam*. Verba Ovidiana „ipsa sacerdotes subsequiturque suas” docent deae imaginem locum post sacerdotes obtinuisse. Idem voluit Farnellus (Cult. Gr. St. I, 187) de pompa argiva, sed nullum, quod quidem sciam, documentum hanc opinionem comprobat. Fuerunt alii, qui putarent, Iunonis sacerdotem — cogita de matre Bitonis — deae partes egisse, sicut e. g. Patris Dianae sacerdos cervis vecta Laphrium ipsam referebat. Sed si Herodoti narrationi (I, 31) aliquam fidem tribui licet (quadamtenus enim Argivi cultus servat memoriam) neque statua neque dea aderat in pompa; nam consentaneum non est eam, quae deae partes ageret, cum in templum venisset *στᾶσαν ἀντίον τοῦ ἀγάλματος εὐξασθαι τοῖσι ἰωυτῆς τέκνοισι*. In templo certe partes semel susceptae erant peragendaе; statua, ut apparet, in templo stabat neque dea se cum precibus ad suam ipsius statuam convertere poterat.

Vidimus igitur omnia, quae cultus Faliscus haberet peculiaria, a cultu Argivo afuisse; quaeque in hoc hominum mentes et oculos quam maxime allicerent, in illo non esse visa. Quibus praemonitis non erit metuendum ne Dionysii verbis a vera sententia nos abduci sinamus.

Qui haec habet (I, 21): „διέμεινε (Faleriis) πολλὰ τῶν ἀρχαίων διαιτημάτων, οἷς τὸ Ἑλληνικὸν ποτ' ἐχρήσατο· οἷον ὃ τε τῶν πολεμιστηρίων κόσμος, ἀσπίδες Ἀργολικαὶ καὶ δόρατα . . . ., πάντων δὲ περιφανέστατον μνημεῖον τῆς ἐν Ἀργεὶ ποτὲ οἰκήσεως τῶν ἀνθρώπων ἐκείνων, ὃ τῆς Ἥρας νεῶς ἐν Φαλερίῳ κατεσκευασμένος ὡς ἐν Ἀργεὶ· ἐνθα καὶ τῶν θυηπολιῶν ὁ τρόπος ὁμοίος ἦν, καὶ γυναῖκες ἱεραὶ θερμπεύουσαι τὸ τέμενος, ἧ τε λεγομένη κανηφόρος ἀγνὴ γάμων παῖς καταρχομένη τῶν θυμάτων, χοροὶ τε παρθένων ὑμνουσῶν τὴν θεὸν ᾧδαῖς πατρίοις.

Nemo, opinor, nisi mirabundus haec perleget. Itanevero, ὃ τῆς Ἥρας νεῶς ἐν Φαλερίῳ κατεσκευασμένος ὡς ἐν Ἀργεὶ! Tem-

plum igitur ab archaeologis americanis nostris diebus effossum, clarissimum illud fanum, institutum erat ut aedis Falisca. Sed ubinam fuit haec aedis? nam apud Ovidium nil legitur nisi:

Stat vetus et densa praenubilis arbore lucus:

aspice, concedas numen inesse loco,

accipit ara preces votivae tura piorum

ara per antiquas facta sine arte manus.

Satisne simplicia sunt ara et lucus? Ubi hic splendor Heraei Argivi, vel potius, ubi hic quamvis modicum sacellum? Num forte Ovidius in descriptione satis accurata templi est oblitus?

Tum δ τρέπος τῶν θυπολιῶν ὄμμιος ἦν! Centum boves, ingens sacrificium, mactabantur in Heraeo, carnes inter cives dividebantur; ἀγών habebatur, ubi τὸ ἄθλον ἀσπίς χαλκῇ, οἱ δὲ στέφανοι ἐκ μυρσίνης; matronae lampades iactabant; suspicio est argivum festum fuisse ἱερὸν γάμον! Cum his magnis caerimoniis confer suovetaurile Faliscum, venationem misellae capellae, ludum agrestem Carneorum Theraeorum illi subsimilem (cf. commentationem meam de Carneis). Mira profecto ὁμοιότης! Denique, ἡ λεγομένη κανηφόρος adest in pompa Falisca. At ubi haec virgo in Heraeis laudatur? Χοροὶ παρθένων utrumque festum carminibus celebrant, mulieres sacerdotes adsunt, vaccae vel iuvencae candidae in utraque pompa aspiciuntur: haec sunt simillima illa, nil amplius! Cetera bonus Dionysius suo more per insomniam nocturnam excogitata lectoribus pro veris apponere est conatus.

Missis ergo huius auctoris fabellis rogemus, qui Ovidius pompa Falisca aspecta exclamare potuerit: „Argiva est facies!” Responsum in promptu est; nam quid magis innotuit ex Heraeis magnis quam plaustrum vaccis vectum candidis? *Iuvencae* igitur aliquot in clivo Falisco aspectae, — non ut Argis *vaccae* duae illae niveo colore refulgentes! —, plaustrum quoque, quo figura muliebris vehebatur, satis per se valebant ad narrationem Herodoteam de Cleobi et Bitone poetae in mentem revocandam. Praeterea canepori, etsi non e ritu Argivo attamen e pompis atticis notissimae, ἑλληνικὸν τι habebant (adiectivum „argivum” pro „graeco” quoties adhibuit poeta!); denique fama popularis de Faleriorum origine argiva Ovidio haud ignota iam ante spectaculum spectatoris mentem ad res graecas detorserat. Hinc factum ut festum ingenuum, sed apparatu aliquo graeco orna-

tum, e Graecia invectum esse putarit, famam solitam secutus.

Species igitur non defuit, quare homines imperitiores Iunonia Falisca ex Heraeis Argivis orta et in Italiam translata esse ducerent; sed defuerunt verae illae congruentiae, quibus periti talem originem argumentis defendere potuissent, siquidem voluissent. Id autem suspicari licet, Halaesum heroem Faliscum, cuius nomen tam cum Saliorum instituto quam cum Iunoniis coniungebatur, — unde solum id efficimus Halaesum in rebus sacris primas egisse partes, — Argivum factum esse, quod Iunonia quoque Argiva haberentur; Agamemnonium eum audivisse, quod quaerentibus cuinam heroi Halaesum Argivum tribuerent filium, ante alios se obtulisset Argivus ille nulli ignotus, Agamemnon.

## V.

Teste Tertulliano (Apolog. 24) Faleriis in honore erat *Pater Curis*, a quo Iuno cognomen Curitis duxisse ferebatur. Fuitne hic pater Curis idem qui Halaesus? Fuitne ignotus ille Divus Pater *Falacer* Romae, qui suum habebat Flamen Falacrum (Varro V, 84, VII, 45), idem qui Halaesus? Incerti haeremus, licet nobis asseverent linguarum italicarum periti vocem Falerios, Faliscum a radice fale i. e. „altitudo” ductam minime esse etruscam sed italicam. Iam apud Paulum (p. 91) exstat *ἱτρύμων*: „Falerii oppidum a Fale dictum”, cui astipulatus est Deeckius in libro suo de Faliscis.

Iunonem Curitim Prellerus Sabinam vel Umbricam ab origine fuisse pro sua sententia statuit. Non. Oct. celebrabantur Romae caerimoniae Iunoni Curriti (sic) in Campo. Habet Paulus non Curriti sed Quiriti. De nominis forma ambigitur, neque rem dirimunt Servii verba I, 17: „in sacris Tiburtibus sic precantur: Iuno curitis (curritis C) tuo curru clipeoque tuere meos curiae vernulas.” Mira profecto, precatio fuit, quae ludit cum vocibus Curiti, curru, curia! Sed id saltem inde docemur Iunonem Curitim Tiburtinam clipeo armatam curru vectam, sub forma igitur Argiva, effectam esse, neque immemores sumus Tibur, ut Falerios, a colono Argivo secundum vocem popularem esse conditum.

Sic Iuno Picentium apud Salernum Argiva habebatur templumque deae ab Iasone conditum erat insigne (Plin. H. N. III c. V). Hi autem agri Picentini incolae a Picens oriundi erant, ipsi vero Picensi voto sacro a Sabinis originem ducebant (Plin. H. N. III c. 13). Commune igitur vinculum detegimus inter Picentinos, Tiburtinos, Faliscos, quibus omnibus Iuno quaedam Curitis Argiva sub forma honorata erat propria. Hinc novam accipit lucem quod rogat Iustinus XX, 1, 13: „iam Falisci, Nolani, Abellani nonne Chalcidensium coloni sunt?” Nempe iustam admirationem movent Falisci, Nolani, una coniuncti sententia. Sed qui reputat hic nominari vicinos Picentinorum iuxta Faliscos, — inter quos et Picentinos intercedebat ratio sacra, — is fortasse nobiscum inde efficiet vicinos quoque illos eodem vinculo sacro cum Faliscis coniunctos fuisse, eamque ob causam historicos antiquos eandem originem graecam iis tribuisse. Chalcidensium vero vocabantur coloni, quoniam ab Chalcidensibus importatum credebatur quidquid graeci vel graecis rebus simile in Italia reperiebatur.

Quodsi non iniuria statuimus inter Campaniae incolas atque Faliscos exstitisse vinculum sacrum, melius fortasse quam hucusque fecimus explicare possumus, quid factum sit ut Vergilius ex agro Falerno, i. e. e Campania, Halaesum venisse cecinerit. Congruentia enim inter nomina Faleriorum et Falerni iam supra indicata multo plus valebit, si novis argumentis e re sacra petitis corroboretur. Fortasse Vergilius nonnulla de Faliscorum atque de Falernorum affinitate repperit in Originibus Catonis.

Lingua Falisca discrepat a lingua Etruscorum; italica est, vel ut accuratius rem indicemus, latinae (Momms. R. G. I, 114) subsimilis. Sicut intra Romae moenia viam invenit dea sabina Iuno Curitis, ita Faleriis quoque occupavit locum primarium. Vidimus eandem deam penetrasse in agrum Tiburtinum et Falernum. Adde quod tam Faleriis quam Romae et Tiburti Saliorum collegium fuit celeberrimum. Nonne inde exoritur suspicio nexum quandam inter Iunonem Curitim et Salios exstitisse? Quae suspicio crescit reputantibus Halaesum Faleriis fuisse heroem, qui et Iunonia ferretur instituisse et cuius in honorem Salios esse institutos tradiderit Servius. De Saliis Tiburtinis refert Macrobius (III, 12) operatos eos esse diebus certis et

auspicato non Marti sed Herculi; quae sententia nititur auctore Octavio Hersennio in libro de sacris Saliaribus Tiburtium. Maioris forte nobis videbitur momenti observatio Serviana: „sunt autem Salii Martis et Herculis, quoniam Chaldaei stellam Martis Herculeam dicunt, quos *Varro* sequitur.” Hic habemus auctorem quem secutus est *Vergilius* (Aen. VIII, 285 sqq.):

Tum Salii ad cantus incensa altaria circum  
Populeis adsunt evincti tempora ramis,  
Hic iuvenum chorus, ille senum; qui carmine laudes  
Herculeas et facta ferunt.

Meminimus etruscis in speculis Herculem et Iunonem ita interdum coniunctos aspici ut revera coniuges videantur (vid. Rosch. I 2259). Reifferscheidius plurima exempla contulit, in quibus haec numina modo concordia repraesentari credebatur, modo discordia, irae autem hanc statuebat causam, quod Iuno virgo adversus deum amantem se ipsam defenderet, sicut certamen Martis et Nerienis antehit horum deorum nuptias (Porphy. ad Hor. Ep. II, 2, 209: de nuptiis habito certamine Mars victus est). Puellas enim a maritis se defendere, maritos effugere, rapi igitur debere, notissimum esse atque hinc explicandum esse *Sabinarum* raptum. In speculis etruscis similibusque ornamentis Iunonem adesse pelle cinctam caprina, eodem igitur indutam ornatu quo depingitur Iuno Caprotina, item statuit Reifferscheidius, repetivit Peter apud Roscherum l.l. Oblocuti quidem sunt Reifferscheidio Iordanus et Wissowa, sed quae de Etruscorum opinionibus aere expressis vir doctus protulerat non labefecerunt, neque quicquam credo obstat quominus statuamus Herculem et Iunonem virginem pelle caprina adopertam secundum Etruscorum opinionem primum inter se certasse, dein puellam amatorem effugisse, denique vero ab eo *δηθῆναι*. Quo cum mytho confer versus Ovidianos:

Invisa est dominae sola capella deae.  
Illius indicio silvis inventa sub altis  
Dicitur inceptam destituisse fugam.  
Nunc quoque per pueros iaculis incessitur index  
Et pretium auctori vulneris ipsa datur.

Qua de causa Iuno aliquando fugerit et quem, silentio transiit poeta; inventa tamen est silva sub alta ab amatore capellae

indicio. Hinc venatio solemnitas. Intellegimus autem *αἵτιαν* nobis hic praebere, cur dea capram sibi sacrificari voluerit, cur pellem caprinam, ut Hercules leoninam, gestarit. Itaque non miremur, si Ovidii sub versibus lateat mythus, quem in speculis etruscis depictum agnovit Reifferscheidius: mythum dicimus de Iunone et Hercule.

Observarunt autem critici Reifferscheidium iniuria quae de Etruscis valeret transtulisse ad Romanos; monuerunt Iunonem et Herculem deos coniugales Romae idcirco non habendos esse, quod nobilibus pueris natis in atrio domus Iunoni lectus Herculi mensa poneretur. Hac in re non intercedimus; unum tamen argumentum Reifferscheidii neque Wissowa neque Iordanus refutavit, nempe ubi memorat nodum cinguli, quem maritus novae nuptiae in lecto solveret geniali, appellatum fuisse nodum Herculeum. Utut id est, Salios Tiburtinos Herculi sacrificasse negari nequit, neque inter Salios Collinos et Quirinum intercessisse rationem. Bipartito enim cum essent divisi Salii romani, Palatini colebant Martem, Collini Quirinum. Livium si audimus (V, 52, 7), Quirinus ille una cum Gradivo in tutela habebat ancilia, quae Kalendis Martiis, die igitur Iunoni sacro, e caelo in domum Numae Sabinorum regis Curibus oriundi erant delapsa. Argumentum quaerere ex etymo nominis Quirini, quod auctores antiqui a Curibus derivabant, nolumus; sed vel sic, si quis recordatur raptas virgines Sabinas a Romanis, mythum qui est de Iunone Hercule effugienti, pelle caprina amictas Iunonem Curitim Sabinam et Iunonem Caprotinam Lanuvii, Salios Tiburtinos Herculi sacrificantes, Salios Romae a rege Sabino institutos, Salios Faliscos Halaesum celebrantes (qui Halaesus Iunonia Faleriis instituerat) nodum Herculeum in lecto geniali solutum, patrem Curim Faleriis cultum, divum patrem Falacrem Romae, tunc ei, etiamsi minime sit credulus, dummodo serio vim et pondus uniuscuiusque harum rerum secum reputet, obrepet suspicio esse commune aliquid quo variae hae caerimoniae, varia haec instituta, nomina, sacra inter se coniungantur. Et fortasse nobiscum cogitabit de uno eodemque ritu, de iisdem placitis Sabina e gente ortis, sed inde vicinos per populos Etruriae, Latii, Campaniae divulgatis, quae ad fertilitatem generis humani spectarent, ita ut Iuno praesi-

deret sexui muliebri, Hercules virili, dea animalis luxuriantis (caprae) gereret pellem, deus collegio cuidam praeesset, quod saltando, canendo, armis et scutis concutiundis, vires naturales quae latent in sole orienti, in terra vegeta, in ipso humano genere, excitaret et augeret. Nobiscum forte credit Iunonia a mulieribus acta eodem tetendisse ac ritus Saliorum; hosce autem institutos esse habitos a rege divini generis, puta Morrium (i. e. Mamurrium vel Martem), Numam, in honorem illius numinis, quod prospiceret sexui virili, sicut Iunonia ad Iunonem spectarent. In Halaeso igitur, Faleriorum patrono, quem celebrabant Salii Falisci, latere Faliscum Genium; qui cum iuxta Iunonem coleretur, ipsa Iunonia Falisca instituisse ferretur. Herculem igitur Faliscum, quem effugere vellet Iuno, fuisse Halaesum; neque mirum videri heroem eponymum et deum fertilitatis fautorem uno nomine coniunctos esse.

## VI.

Qui Salios dicit simil cogitat de Lupercis, neque iniucundum est audire pellem caprinam, qua Luperci feriebant mulieres ut fertiles fierent, appellatam esse amiculum Iunonis. Sic Iunonis Lanuvinae et Faliscae ornatus animalis Romae quoque aspiciabatur. Horum autem Lupercorum consuetudinem Ovidius ex Etruria venisse perhibet, Falerios haud dubie nomine Etruriae amplexus. Nam quo tempore uxores maritis suis rara dabant pignora, dea ipsa apparuit iubens: „Italidas matres sacer hircus inito.” Pergit quidem poeta (F. II 427 sqq.:

Obstipuit dubio territa turba sono.

Augur erat, nomen longis intercudit annis

Nuper ab Etrusca venerat exul humo.

Ille caprum mactat: iussae sua terga puellae

Pellibus exsectis percutienda dabant,

sed nemo non ex ipsis deae verbis intellegit caprum mactatum pro ipso deo fertilitatis esse, qui mulieres pelle percussas iniret.

Itaque cum Iuno Falisca pellem caprinam gerit, ut capram se esse significet, socius eius divinus capri in forma prodit, neque mirum foret, si nobis aliquando innotesceret Halaesus utpote deus caprinus cum cornibus depictus. Revera repperimus

inter Faliscos par deorum cornutorum, et quoniam supra, ubi de capellae venatione agebamus, contulimus morem Carneorum Spartanorum et Theraeorum, nunc eo lubentius Carnea laudamus, quae in commentatione nostra de Carneis appellavimus dies festos deorum cornutorum (vid. De Aiakis etc. p. 153). At exstat discrepantia. Nam caper in Carneis vivus captus fausta omnia civitati portendebat, in Iunoniis vero capra vulnerata vel mortua deae irae satisfaciebat. *Κάρπυα* enim hanc capellam non fuisse iam inde patet, quod tale animal dono alicui dari nequit, nisi cum magno accipientis detrimento et periculo, ut docet Herodotus II, 39 in narratione de capitibus bovinis consecratis ab Aegyptiis sed Graecis mercatoribus venum datis.

Obiicerit autem aliquis Iunonem Faliscam caprae pelle velatam non fuisse. Ovidium enim de pompa Argiva locutum esse, Iunonem autem Argivam tali amictu caruisse. Negaverit Iunonem Caprotinam cum Argiva, quod ad speciem attineat, commutari posse, laudatis Ciceronis verbis (De Nat. Deor. I, 29, 83): „Apim illum, sanctum Aegyptiorum bovem nonne deum videri Aegyptiis? tam hercle, quam tibi illam vestram Sospitam, quam tu nunquam ne in somniis quidem vides nisi cum pelle caprina, cum hasta, cum scutulo, cum calceolis repandis. At non est talis Argiva nec Romana Iuno.” Quid haec observantibus est respondendum? Hoc opinor: neque Ovidium neque Dionysium Iunonia Falisca appellasse Argiva *ipsius deae ob speciem*. Loquitur Dionysius, sive iure sive secus, de deae templo, de sacerdotibus, de canephoris, de puellarum choris; his in rebus quaesivit similitudinem, quam reperire sibi est visus. Item Ovidius refert virgines velatas esse vestibis albis *more patrum graio*, dein exclamat: Argiva est *pompae facies!*; deae vero faciem speciemve ne verbo quidem attigit. Argivis autem, si qui forte adessent, perpauca in pompa nota ac patria videri potuisse iam patuit supra; numen ipsum, de quo nil aliud refert Ovidius nisi venationem caprae ei sacrae, haud dubie Iunoni Argivae non erat simile. Qui enim simile esse poterat? Nonne aberant ex eius pompa *vaccae* illae duae candidae, sine quibus pompa Argiva ne cogitari quidem poterat?

Aderant quidem vitulae, quae procul aspectae imperito Argolicum spectaculum nunquam visum sed e libris notum in

mentem revocare poterant, sed vera pompa Argiva poscebat vaccas. Inspice modo Livium XXVII, 37, ubi sacrificium Iunoni Reginae — illi igitur deae, quae a Cicerone Sospitae Caprotinae opponitur, — ab decemviris edictum sic describitur: „boves feminae duae in urbem ductae; post eas duo signa cupressea Iunonis reginae portabantur; tum septem et viginti virgines etc.” Hic adsunt *vaccae*; de vitulis verbum nullum!

Quid vero in pompa Falisca sibi volunt vitulae illae? Notum est e ritibus Iguvinis ad populum lustrandum vitulos esse captos et mactatos (Bücheler Umbrica p. 114). Idemne fiebat in sacrificio deae Faliscae habito? Speciem habet suspicio, quae, si quid videmus, more quodam in Caprotinis usitato confirmatur. Nam postquam pridie Nonas Iulias Poplifugia egit populus, Nonis quoque ipsis actae sunt Caprotinae, postridie Nonas sequitur Vitulatio. Hac de voce Macrobius nonnulla refert memoratu dignissima (III, c. 2): „Hyllus libro quem de diis composuit ait Vitulam vocari deam quae laetitiae praeest. Piso ait Vitulam victoriam nominari; quidam nomen eius animadversum putant, quod potens sit vitae tolerandae. Ideo huic deae pro frugibus fieri sacra dicuntur, quia frugibus vita humana toleratur. Unde hoc esse animadvertimus quod ait Vergilius:

Cum faciam vitula pro frugibus, ipse venito:  
ut vitula dixerit pro vitulatione, quod nomen esse sacrificii ob laetitiam facti superius expressimus. Meminerimus tamen sic legendum per ablativum:

Cum faciam vitula pro frugibus:  
id est, cum faciam rem divinam non ove, *non capra, sed vitula.*”

Agitur de sacro ambarvali (Ecl. III 77); neque opus est laudare Tibulli versus (I, 1, 21):

Tunc vitula innumeros lustrabat caesa iuencos,

Nunc agna exiguit hostia parva soli,  
ut intellegatur vitulationem sic vocari, quod in sacrificio caedatur vitula. Sensus verbi vitulari: victoriam agere, *παιανίζειν*, e sacrificio ob victoriam reportatam habito derivandus est. Cf. Varronem R. D. libr. XV: „quod pontifex in sacris quibusdam vitulari soleat, quod Graeci *παιανίζειν* vocant.” Conferendae sunt voces ovatio et ovari. Nam licet illud vocabulum a Plutarcho in vita Marcelli ab ove derivetur, ovatio igitur signifi-

care debeat sacrificium ovis, verbum ovandi sensu gaudendi adhibetur e. g. Liv. XXVII, 45, VIII, 7 (cum ovante gaudio). Habet quidem Festus: „ovantes laetantes, ab eo clamore quem faciunt redeuntes ex pugna victores milites geminata O litera”; derivat Dionysius vocem ἀπὸ τοῦ εὐασμοῦ <sup>1)</sup>, sed operam credo perdiderunt. Gravius videtur quod obstat vitulationis *ἐτύμω* literam i longam esse, sed ecce versus Ennianus (Non. Marc. p. 14):

ut in venatu vitulantes ex aviis

locis nos mittant pennis decoratos feris

unde apparet prosodiam illam in lexicis divulgatam minime constare. Quare, si revera exstitit dea Vitula, numinis nomen invocatum quoties vitula sacrificabatur, indigitamentis romanis inserenda est. Quorum in longa serie iam exstat dea victoriarum „Vica Pota”. Exstitit fortasse alia eiusdem nominis forma Vitellia. Observat enim Suetonius Vit. 1: „exstat Qu. Eulogii ad Qu. Vitellium Divi Augusti quaestorem libellus, quo continetur Vitellios Fauno Aboriginum rege et Vitellia, quae multis locis pro numine coleretur, ortos toto Latio imperasse. Horum residuam stirpem ex Sabinis Romam transiisse”. Observa denuo nos ad Sabinos ablegari; vide quanto aptius dea Vitellia cum Fauno coniungatur, si nomen eius cum „vitulus, vitula” cohaereat, quam si a verbo vincendi cum Iordano derivetur.

Qua re, ut ad propositum redeamus, valde verisimile nobis videtur vitulos iuencasque in pompa Iunonis Faliscae fuisse hostias, quibus ad vitulationem peragendam esset opus.

## VII.

Novo igitur argumento congruentia rituum in festis Faliscae et Caprotinae Lanuvinae observatorum corroboratur. Nam vitulatione Lanuvina celebratam esse priscam victoriam, ut antiqui perhibent, non facile hodiernus criticus concedat. Quid enim erat rei? Tres dies agebantur: Poplifugia, Nonae Caprotinae vel Ancillarum Ferae, Vitulatio. Macrobio Plutarchoque auctoribus Fidenates Romam obsidentes, cuius cives intra muros

1) Quem secutus est Walde Etymol. Wörterb.

aufugerant, exigebant ut virgines ingenuae sibi traderentur. Tum serva, ut patres e tanta difficultate liberaret, senatui proposuit strategema: pro filiabus suis mitterent ancillas honesto amictu vestitas; hae sequenti nocte hostibus arma deriperent, inermosque somno captos Romanis traderent. Ita factum est; urbe vero liberata victoria postridie est celebrata ancillisque venia data, ut in futurum Nonis Caprotinis, quasi liberae essent, vestitu honesto circumirent amictae iocisque obviam euntes peterent.

Poplifugia magnis literis in Kalendariis (Maff. Amit. Ant.) sunt designata, quod, Mommsenio praemonente, pro indicio est habendum illum diem festum iam in Kalendario reipublicae locum obtinuisse. Hinc autem sequitur Poplifugia antiquiora esse invasione gallica, festi igitur ritum non e narratione Macrobiani Plutarchi esse explicandum. In Kalendario autem Aminternino ascriptum est voci Poplifugiorum hoc: „Feriae Iovi”. Fuitne igitur hic dies Iovi sacer? Confirmat Dio ubi refert: „sacellum Caesari tanquam heroi in foro, eo loco ubi crematus est, exstruere instituerunt, *τά τε γενέσια αὐτοῦ διαφημοποιούντας καὶ εὐθυμουμένους πάντας ἐορτάζειν ἠνάγκασαν, νομοθετήσαντες τοὺς μὲν ἄλλους τοὺς ἀμελήσαντας αὐτῶν ἐπαράτους τῷ τε Διὶ καὶ αὐτῷ ἐκείνῳ εἶναι, τοὺς δὲ δὴ βουλευτὰς* multam decies sestertium pendere” (XLVII, 18). Rogatur, cur non solum Divo Iulio sed etiam Iovi sacri essent. Nempe quod ipse dies, quo Caesarem natum esse dicebant, vel fingeant (III Non. Quinct.), sacer esset Iovi. Sed cuinam Iovi? et cur idem dies Poplifugia audiebat? Cogitant hodierni de fuga illa simulata spectantium sacerdotem sacrificantem circumstantium, cuius collegit exempla Lobeck Aglaopham. 679, 680. Cf. Regifugium VI Kal. Mart. de quo Plut. Qu. Rom. 36: „ἔστι γοῦν τις ἐν ἀγορᾷ θυσία πρὸς τῷ λεγομένῳ Κομητίῳ πατριος, ἣν θύσας ὁ βασιλεὺς κατὰ τάχος ἅπεισι φεύγων ἐξ ἀγορᾶς.” Vel ut laudemus Festum p. 278: „[Regifugium notatur in fastis dies a. d.] VI Kal. [Mart. qui creditur sic dict[us] quia [eo die Tarquinius rex fugerit ex urbe]. Quod falsum est; nam e castris in exilium abiisse eum retulerunt annales. Rectius explicabit, qui regem et Salios [hoc die ... facere sacri]ficium in [comitio eoque perfecto illum inde fugere]overit.

Plerumque tamen, ut in Regifugio et in Buphoniis Atheniensibus, unum modo hominem, sive sacerdotem sive regem sacrorum fugientem videmus. Hic autem fit mentio de *populo* fugienti; quam ob causam difficultatis solutionem non nisi dubitantes accipimus. Ecce autem nova ratio se offert. Secundum Kalendaria Ludi Apollinares habebantur a Prid. Non. Quinct. usque ad III Id. Quinct.; incipiebant igitur postridie Poplifugiorum. Nam quod refert Livius XXVII, 23: „P. Licinius Varus primus vovit, fecitque ante diem tertium Nonas Quinctiles”, licet omnia MSS. hisce in verbis conspirent, ex auctoritate Kalendariorum haud dubie mutandum est in „ante diem tertium *Idus* Quinctiles”. Nexusne exstitit inter ea quae fiebant III Non. et Prid. Non.?

### VIII.

Si quaeritur, cur ludi Apollinares instituti sint, ipse Livius nobis praebet responsum. Nam cum anno 212 primum essent habiti, anno 208 repetiti sunt et in perpetuum solemniter constituti ob pestilentiam gravem. Suspicio igitur est quattuor quoque annis ante eandem ob causam primum actos fuisse.

Apollō Romanis ab initio usque ad Imperium fuit ἀλεξίκακος, deus Medicus, qui pellit morbos contagiosos aestate tam homines quam animalia arripientes. Novi autem dei illati cum numinum obsoletorum locum occupare soleant, rogamus an de Apolline quoque id valeat.

Gellius V, 12 observat de numine antiquissimo, quod in valle Capitolini colebatur: „simulacrum igitur dei Veiovis, quod est in aede, de qua supra dixi, sagittas tenet, quae sunt videlicet paratae ad nocendum. Quapropter eum deum plerique Apollinem esse dixerunt; immolaturque illi capra eiusque animalis figmentum iuxta simulacrum stat.” Si dei speciem quaerimus, monet Ovidius F. III 437 Veiovem fuisse iuvenem; nummi gentis Caesiae et Liciniae ostendunt iuvenem imberbem. Quibus nummis aspectis non miramur Apollinem facile illius numinis locum Romae occupasse, cum praesertim Veiovi ut Apollini fuerit vis medica. E. g. in insula Tiberina, quae a Dionysio (V, 13) vocatur νῆσος εὐμεγέθης Ἀσκληπιοῦ ἱερά, Veiovis

quoque sacellum habebat, quare in Kalendario Praenestino ad Kal. Ian. ascriptum est: „Aesculapio, Vediovi in insula.”

Sed et aliud quid haec inscriptio nos docet, nempe formam nominis interdum cum illa *Iovis* commutari; nam apud Ovid. Fast. I, 291 sqq. legimus:

Accepit Phoebæ Nymphaque Coronide natum

Insula, dividua quam premit amnis aqua.

*Iuppiter* in parte est. Cepit locus unus utramque

Iunctaque sunt magno templa nepotis avo.

Sed obicitur nobis talia apud poetam minoris esse momenti. Quod licet pernegemus cum de re sacra sermo fiat, alia exempla eaque ab lingua poetica aliena proferemus. Livius XXXI, 21 habet haec de pugna contra Gallos anno 200 apud Cremonam gesta: „praetor aedem Deo Iovi vovit, si eo die hostis fudisset.” Merkel (Ovid. F. CXXIV) emendavit „aedem Vediovi”, et revera de hoc deo hic agi apparet ex libro Livii XXIV 53: „et in insula . . . aedem C. Servilius duumvir dedicavit: vota erat sex annis ante Gallico bello ab L. Furio.”. Quodnam vero nomen post „insula” legimus? Exspectas nimirum *Vediovis* sed exstat *Iovis*.

Fac ferias Iovi III Non. Quinct. habitas Veiovi fuisse sacras; pro „*Iovi*” in Kalendario Amiternino igitur legendum esse *Veiovi*, ut legendum vel potius intellegendum est locis ex Ovidio laudatis et Livio, tunc habemus in Fastis dies duos sacros duobus deis, Iovi et Iunoni, quibus *capram* victimam fuisse docent ritus et imagines. Volumus diem quintum mensis Iulii (III Non. Quinct.), cui inscribitur „Poplifugia, Feriae Iovi” et diem eisdem mensis septimum, cui in Kalendariis aliis additum est nihil, sed quem Silvii Kalendarium vocat „Ancillarum Feras”; populus autem vocabat Nonas Caprotinas. Disiuncti hi dies erant die illo, qui vocatur Prid. Non. Quinct. ludis Apollinaribus notus. Neque a verisimilitudine abhorret festum Apollini, i. e. novo deo medico, sacrum statim post diem alteri illi numini medico addictum in Kalendario locum obtinuisse. Vidimus supra Apollinem et Veiovem saepius pro uno eodemque habitos esse deo; id fieri poterat e. c. quod numina tam similia in Fastis quoque essent coniuncta. Sed in re tam dubitationi obnoxia nulla argumenta, ne minima quidem, praetereunda sunt; quare

monemus III Non. Quinct., Ferias igitur <Ve>iovis, Caesaris habita esse natalicia (secundum Dionem XLVII, 18), eum autem, qui haec natalicia non celebraret, e S. C. sacrum fuisse tam <Ve>iovi quam Divo Iulio. Exstititne igitur vinculum quoddam inter deum et Iulios, quapropter Caesarem, etsi natus esset die 12<sup>o</sup> m. Iulii, Feriis <Ve>iovis natum esse fingerent patres?

Gens Iulia, oriunda Alba, antiquitus consederat tam Bovillis quam Romae. Reperta autem est Bovillis inscriptio arae insculpta: *Vediovei Patrei genteiles Iuliei*. Licetne inde efficere Romae quoque inter Veiovem et Iulios vinculum exstitisse sacrum? Quod si verum videatur, novo documento allato corroborata sit suspicio nostra: Poplifugia habita esse eo die, quo Romani sacrificabant Veiovi vel, ut sequamur Dionysium Halicarnassensem, τῷ Διὶ καταχθονίῳ. Tum vero melius intellegatur obscurum illud „fugere”, cuius causas frustra hucusque investigaverunt philologi. „Aliquot huius diei vestigia fugae in sacris apparent, de quibus rebus antiquitatum libri plura referunt” verba sunt Varronis L. L. VI, 18. Quali autem deo sacra illa ferebantur? Numini pestilentiae, et eo quidem tempore quo aestas ingruens mortalibus omnibus minitabatur. Quid igitur erat faciendum ὡς ἀπεικέα λογὸν ἀμύνοιεν? Populum lustrari oportebat. Vide nunc Serv. Aen. II, 140: „ludos Taureos a Sabinis propter pestilentiam institutos dicunt, ut lues publica in has hostias verteretur.” Sed cui rei in Sabinis inserviebant taureae, id est steriles vaccae, eidem Romae caprae. Populum vero hostiam effugisse, ne caprae sacratae praesentia pollueretur, ipsa fert ratio.

Ad summam: Poplifugia fuerunt lustratio populi, ut a pestilentiae periculo caveretur. Fortasse Veiovis in honorem sacra illa fiebant, cuius suspicionis argumenta haud contemnenda adsunt, licet ipsi concedamus talem coniecturam secundum arithmeticae leges probari non posse. Nomen autem „Iovi” intellegendum esse „Veiovi”, licet „Iovi” in Calendario exstet, id certe minime molestum nobis videtur obstaculum, nam *Feriae* quoque *Iovi* habitae Id. Mai., quin lustrationi per sacra deis *subterraneis* demissa peractae inservierint, nullus harum rerum peritus dubitare potest; necnon idem valet de Feriis Iovi Id. Oct., ubi „equus ad Nixas fiebat;” fuit haec quoque lustratio.

## IX.

Utut id est, de clade quadam III Non. Quinct. a Romanis accepta serio cogitari non potest. Nedum vitulatio, quae VIII Id. Quinct. babebatur, fuerit caerimonia qua deis ob victoriam relatum agerentur grates. Ob sacrificium quidem aliquod quin et hic dies notus fuerit non est dubium, sed hostia quae tum cadebat erat vitulus, animal Iovi sacrum. Sed ut capra sacrata deis subterraneis prodibat ante Ancillarum Ferias, sic Nonis Caprotinis peractis immolabatur vitulus. Et quoniam hisce Nonis Iuno celebrari solebat, necnon ad ritum Iunonis Faliscae explicandum Caprotinarum caerimoniae aliquid fortasse tribuere possunt, paulisper subsistamus ad considerata ea quae fiebant Non. Quinct., die igitur mensis Iulii septimo.

Primum agendum de nomine Caprōtina. Est adiectivum quale matūtina; et velut hoc cohaeret cum „Matūta, maturus, maturo”, sic iuxta Caprōtinam quaerendae sunt formae Caprōta, caprōro. In lingua autem latina formae tales desunt, quas feliciter quaesierit aliquis in graeca. Habet enim lingua graeca verbum *καπρώζω*, quod significat *καπρῶν* (Arist. A. A. VI, 18, 25) vel *ποθῶ τοῦ κάπρου*. Ἡ γράϋς *καπρῶσα* satis nota est ex Aristoph. Plut. 1024. Quare non longius aberrabimus statuentes ipsum nomen Nonarum Caprotinarum indicare diem, quo de mulierum fecunditate ageretur. Statim cogitamus de iis quae Lupercalibus fiebant, inque memoriam nobis revocamus verba Ovidiana supra allata: „Italidas matres sacer *hircus* inito.” Vidimus quomodo mulieres huic imperio divino sint obsecutae; „iussae sua terga puellae pelli bus exsertis percutienda dabant.”

Talene quid Nonis quoque fiebat? Ita. Narrantur enim haec: „Nonis Iuliis diem festum esse ancillarum tam vulgo notum est, ut nec origo nec causa celebritatis ignota sit. Iunoni enim Caprotinae die illo liberae pariter ancillaeque sacrificant sub arbore caprifico, in memoriam benignae virtutis quae in ancillarum animis pro conservatione publicae dignitatis apparuit. Nam post urbem captam cum sedatus esset Gallicus motus, respublica vero esset ad tenue deducta, finitimi opportunitatem invadendi Romani nominis aucupati praefecerunt sibi Postumium

Livium Fidenatium dictatorem, qui mandatis ad senatum missis postulavit, ut si vellent reliquias suae civitatis manere, matres familiae sibi et virgines dederentur. Cumque patres essent in ancipiti deliberatione suspensi, ancilla nomine Tutula seu Philotis pollicita est se cum ceteris ancillis sub nomine dominarum ad hostes ituram; habituque matrum familias et virginum sumpto, hostibus cum prosequentium lacrimis ad fidem doloris ingestae sunt. Quae cum a Livio in castris distributae fuissent, viros plurimo vino provocaverunt, diem festum apud se esse simulantes. Quibus soporatis ex arbore caprifico, quae castris erat proxima, signum Romanis dederunt. Qui cum repentina incursione superassent, memor beneficii senatus omnes ancillas manu iussit emitti dotemque iis ex publico fecit et ornatum, quo tunc erant usae, gestare concessit diemque ipsum Nonas Caprotinas nuncupavit ab illa caprifico ex qua signum victoriae ceperunt. Sacrificiumque statuit annua sollemnitate celebrandum, cui lac, quod ex caprifico manat, propter memoriam facti praecedentis adhibetur."

Hactenus Macrobius I, 11. Habet autem Varro L. L. VI, 18: „Nonae Caprotinae, quod eo die in Latio Iunoni Caprotinae mulieres sacrificantur et sub caprifico faciunt, *e caprifico adhibent virgam*." Iure rogamus quemnam ad finem virga illa usae fuerint. Cui quaestioni lucem praebet Plutarchus (Camill. 33 sqq.); nam postquam eadem narravit, praeterquam quod non „matronas et virgines" sed solum „παρθένους ἐλευθέρας" Latinos a Romanis exegisse narrat (volebant enim Latini ἀναμιξασθαι τὰ γένη), ita pergit auctor:

„Νύκτωρ τήνδε, εἴτε Τουτούλαν εἴτε Φιλωτίδα, προσβᾶσαν ἱρινεῶ μεγαλῶ καὶ παρατείνασαν ὀπίσω τὸ ἱμάτιον, ἄραι πυρὸν εἰς τὴν Ῥώμην, ὥσπερ ἦν συγκεῖμενον αὐτῇ πρὸς τοὺς ἄρχοντας, οὐδενὸς ἄλλου τῶν πολιτῶν εἰδότες. Δι' ὃ καὶ θορυβῶδη γίνεσθαι τὴν τῶν στρατιωτῶν ἔξοδον, ὡς κατήπειγον οἱ ἄρχοντες, ἀλλήλους ἀνακαλούντων καὶ μόλις εἰς τὴν τάξιν καθίσταμένων. Ἐπελθόντας δὲ τῷ χάρακι τῶν πολεμίων οὐ προσδεχομένων καὶ καθευδόντων, ἐλεῖν τὸ στρατόπεδον καὶ διαφθεῖραι τοὺς πλείστους. Τοῦτο δὲ γενέσθαι ταῖς νῦν Ἰουλαῖς, τότε δὲ Κυῖντιλαῖς Νόνναις· καὶ τὴν ἀγομένην ἑορτὴν ὑπόμνημα τῆς πράξεως ἐκείνης εἶναι. Πρῶτον μὲν γὰρ ἐξιόντες ἄθροοι διὰ τῆς πύλης, πολλὰ τῶν ἐπιχωρίων καὶ κοινῶν ὀνομάτων

βοῇ φθέγγονται, Γάϊον, Μάρκον, Λούκιον, καὶ τὰ τούτοις ὅμοια· μιμούμενοι τὴν τότε γενομένην μετὰ σπουδῆς ἀλλήλων ἀνάκλησιν.

Ἐπεὶτα κεκοσμημέναι λαμπρῶς αἱ θερμαινίδες περιᾶσι παίζουσαι διὰ σκωμμάτων εἰς τοὺς ἀπαντῶντας. Γίνεται δὲ καὶ μάχη τις αὐταῖς πρὸς ἀλλήλας, ὥς καὶ τότε τοῦ πρὸς τοὺς Λατίνους ἀγῶνος συνεπιλαμβανομένης. Ἐστιώμεναι δὲ καθέζονται κλάδοις συκῆς σκιαζόμεναι· καὶ τὴν ἡμέραν Νόννας Καπρατίνας καλοῦσιν, ὥς ὄνται διὰ τὸν ἔρινεδν, ἀφ' οὗ τὴν παιδίσκην τὸν πυρσὸν ἄραι· τὸν γὰρ ἔρινεδν καπρίφικον ὀνομάζουσιν. Ἔτεροι δὲ τούτων" etc.

Audimus igitur: Nonis Caprotinis cives magno numero urbem relinquunt alta voce nomina propria, qualia sunt Gaius, Marcus, Lucius, advocantes:

servae tunc pulchre ornatae circumeunt iocis nullum non sibi obviam venientem petentes;

oritur pugna quaedam inter eas;

sub caprifico considunt cenam ibi obeuntes.

At iam docuit nos Varro servas sub caprifico etiam sacrificasse, virgamque adhibuisse eadem ex arbore dereptam. Caprificus haec arbor cur fuerit minime latet, cum ficum fecunditatis symbolum fuisse nesciat nemo. Haud dubie mulieres virga huius arboris se invicem petentes et ferientes spectaculum pugnae cuiusdam, de qua egit Plutarchus, praeberunt; sed et haec actio quin ad mulierum spectarit fecunditatem, dubitari nequit, Luperorum morem si conferimus. Postremo, quod mulieres tali occasione solitae erant satis libere, ne dicamus libidinose, se gerere <sup>1)</sup>, causa haec fortasse fuit, cur matronae virginesque liberae ab hisce ludis abstinerent.

Observat autem Tertullianus (De Spect. 5) hoc ipso die sacrificium factum esse deo Conso in Circo Maximo ad altare subterraneum. Nonne observatu dignum Sabinarum raptum coniunctum esse ab antiquis cum Consualibus autumnalibus? Nam et Nonis quoque omnium virginum innuptarumque potentes ut fierent Latini Romam obsedis dicuntur. Sed de hisce iam satis: ex agro Falisco Romam devenimus; fortasse non inutile erit hanc migrationem meridiem versus usque ad Ariciam continuasse. Ibi enim quaedam observari possunt, quae a quaestione nostra haud aliena esse videntur.

1) Cf. Frazer „Golden Bough” II, 171 sqq., 372 sqq.

## X.

Montibus circumdatum templum ibi surgebat Dianae Nemo-  
rensis, sed ante aedem fulgebat lacus altis ripis inclusus, cui  
pulchrum indiderant nomen Speculi Dianae. Fuit ibi quoque  
arbor quaedam, de qua infringi ramum non licebat; dabatur  
autem facultas servis fugitivis, ut si quis exinde ramum po-  
tuisset auferre, certamine singulari cum templi sacerdote dimi-  
caret ob sacerdotium obtinendum. Nam qui sacris praeerat fu-  
gitivus esse debebat (Serv. ad Aen. VI, 136; Paus. II, 27; cf.  
Suet. Vit. Calig. c. 35: „nullus denique tam abiectae condicio-  
nis tamque extremae sortis fuit, cuius non commodis obtrectaret.  
Nemorensi regi, quod multos iam annos potiretur sacerdotio,  
validiorem adversarium subornavit”).

Recordamur versus Ovidianos (A. A. I. 259 sq.):

Ecce suburbanae templum nemorale Dianae

Partaque per gladios regna nocente manu.

vel (Fast. III, 269 sq.):

Regna tenent fortesque manu pedibusque fugaces

Et perit exemplo postmodo quisque suo.

Hos autem versus praecedunt verba, quae ipsa quidem non  
sunt obscura licet rem designent explicatu difficiliorem. Volu-  
mus haec:

Saepe potens voti, frontem redimita coronis

Femina lucentes portat ab Urbe faces.

Rem explicant poetae duo Propertius et Statius. Legimus  
enim apud illum (III, 32, 9):

nam tibi me credere turba vetat,

cum videt accensis devotam currere taedis

in nemus et Triviae lumina ferre deae.

apud hunc (Silv. III, 1, 52):

tempus erat caeli cum torrentissimus axis

incumbit terris ictusque Hyperione multo

acer anhelantes incendit Sirius agros.

Iamque dies aderat, profugis cum regibus aptum

fumat Aricinum Triviae nemus et face multa

consciis Hippolyti splendet lacus: ipsa coronat

emeritos Diana canes et spicula tergit  
 et tutas sinit ire feras omnisque pudicis  
 Itala terra focus Hecateias excolit Idus.

Festum diem igitur celebrabant mulieres Idibus Sextilibus, non nocte sed primo mane, accensis cum facibus circum Speculum Dianae vagantes. Tum interdicta erat venatio. Quid vero Hippolytus ille sibi vult? Respondet Vergilius (VII, 774 sqq.):

at Trivia Hippolytum secretis alma recondit  
 sedibus et nymphae Egeriae nemorique relegat,  
 solus ubi in silvis Italis ignobilis aevum  
 exigeret versoque ubi nomine Virbius esset.

Annotat Servius (vs. 778): „Callimachus scripsit *Ἀρτίς*, in quibus etiam hoc commemorat.” Ecce iterum Callimachus Vergilii auctor, quem de Halaeso quoque, ut supra coniecimus, adiit poeta noster. Nam, ut sacra Falisca graeca ex origine repetebantur, sic Nemorensia duobus modis cum deis heroibusve graecis coniungebantur. Primum legimus apud Servium (VI, 136): „Orestes post occisum regem Thoantem in regione Taurica cum sorore Iphigenia fugit et Dianae simulacrum inde sublatum haud longe ab Aricia collocavit”; quibus addenda sunt verba Serviana (II, 116): „simulacrum sustulit absconditum fasce lignorum, unde et Facelitis dicitur, non tantum *a face*, cum qua pingitur, propter quod et Lucifera dicitur: et Ariciam detulit.” Ob Orestis autem praesentiam Diana Nemorensis apud Ovidium (Met. XV, 489) audit „Oresteia Diana”, apud Lucanum (VI, 74) Diana Mycenaea:

at tantum saepti vallo sibi vindicat agri,  
 parva Mycenaeae quantum sacrata Dianae  
 distat ab excelsa nemoralis Aricia Roma.

Observatione dignum est adiectivum „Mycenaeus”, quoniam Halaesus simili adiectivo „Agamemnonio, Argivo” ornatus est et eodem ex fonte ambo haec epitheta fluxisse videntur, nempe e Callimachi carmine. Sed cum frustra indagatum sit, quid effecerit ut Halaesus et Agamemno coniungerentur, Dianae Aricinae imaginem cur ab Oreste Ariciam delatam homines dixerint, demonstrari potest, ut opinor. Audivimus enim mulieres accensis cum facibus deam Nemorensem adiasse, unde effecimus numen quoque ipsum, quod saepius appellabatur Lucifera, manu tenuisse

*facem*. Vel potius nihil effici opus est, siquidem verbis Servianis supra laudatis ipsa res enuntiatur („cum qua pingitur”). Haec vero fax homines nimis doctos induxit ut cogitarent de Diana *Phaceliti* vel *Lygodesma* tam *Spartae* quam *Rhegii* culta, cuius nomen revera ducendum est a *Φάκελω* vel *fascē*. Qua re non miramur quod apud Servium legimus (II, 116): „cum postea Romanis sacrorum (*Nemorensium*) crudelitas displiceret, ad *Laconas* est *Diana* translata, ubi sacrificii consuetudo adulescentum verberibus servatur, qui vocabantur *Bomonicae*.” Nimirum inversa est ratio! *Spartana* autem *Diana*, vulgo *Orthosia* appellata, eadem habebatur ac *Tauropolos* vel dea *Taurica*, ita ut *Nemorensis* quoque et *Taurica* pro eadem haberi possent. Quod postquam perspeximus, non iniucundum est observatu in notissima imagine Pompeiana, quae ad sacrificium spectat *Iphigeniae*, deam apparere ἐν *Φάκελω*.

Sed et alio modo dea lucifera *Aricina* cum Graecia coniungi solebat; nempe cum *Virbio* connexa:

accedo . . . *Bovillas*

clivumque ad *Virbi*: praesto est mihi *Manius* heres  
progenies terrae,

ita *Persius* (VI, 57), cuius „clivus *Virbi*” idem est ac clivus *Aricinus* vel locus de quo cecinit *Iuvenalis*:

in vallem *Egeriae* descendimus et speluncas  
dissimiles veris, quanto praestantius esset  
numen aquae, viridi si margine cluderet undas  
herba, nec ingenuum violarent marmora tophum.

*Virbium* illum auctore *Ovidio* (*Met.* XV, 538), licet haberetur *Hippolytus* ab *Aesculapio* in vitam revocatus, virili potius quam iuvenili forma indutum fingeant antiqui. Sic enim de se ipso loquitur heros:

utque forem tutus possemque impune videri,  
*addidit* (*Aesc.*) *aetatem* nec *cognoscenda* reliquit  
*ora* mihi.

Imaginem eius attingere nefas erat, quod apud Servium (VII, 776) ita explicatur: „*Virbium* autem quidam *Solem* putant esse, cuius simulacrum non est fas attingere propterea quia nec sol attingitur.” Quas nugas minime praeteriens *Birtius* apud *Roscherum* (I, 1006) pro opinione sua est prolocutus: „mulieres

idecirco accensis facibus Speculum Dianae circumire solitas fuisse, ut consalutarent lucem diurnam". Tutius credo statuemus caerimoniam respexisse Dianam Luciferam, cuius *πάρεδρος* masculinus, quaecunque ob causam appellatus Virbius, sive hoc nomen cum verbo virendi sive cum voce verbenae cohaeret, ideo pro Hippolyto haberi soleret, quia a templo Triviae lucisque sacratiss cornipedes arcebantur equi (Verg. VII, 779). *Αἰρίαν* enim quae-rebant homines, qua singularis mos explicari posset, quem Ovidius quoque expressit (Fast. III 266):

unde nemus nullis illud initur equis.

Sed iuxta Dianam et Virbium invenimus Ariciae par aliud, ut videtur, numinum: Egeriam et Egerium. Numa, cuius nomen cum Saliorum collegio coniungitur, — vides iterum atque iterum ad Salios vel nolentes nos reverti, — cum Egeria congressus esse dicitur quo loco e caelo ceciderat ancile; ibi enim templum ei Musisque vovit rex (Plut. Num. 13). Fuit hic locus.

ad veteres arcus madidamque Capenam,  
sed illinc Egeria Ariciam transmigravit Numam, si Ovidium audimus, deplorans (XV, 488 sq.):

vallis Aricinae densis latet abdita silvis  
sacraque Oresteae gemitu questuque Dianae  
impedit.

Qui simul cum Egeria ibi colebatur Manius Egerius, apud Priscianum (IV, 21) audit: „dictator latinus, Egerius Laevius Tusculanus”; consecravit secundum Festum „lucum Nemorensem Dianae, a quo multi et clari viri orti sunt et per multos annos fuerunt. Unde proverbium: multi mani Ariciae.” Nemo vero nostrum dubitabit, quin dictator ille Tusculanus eo sit remittendus unde et provenerit *Argivus* Halaesus; nempe ad illam regionem, ubi poetarum habitant somnia. Revera Manius ille Egerius inter numina recenseatur umbrasve terrae gremium incolentes. Nam ubi Paulus p. 129 nos docuit „manias, quas nutrices minitentur parvulis pueris, esse larvas”, libenter, opinor, nullus non concedet Egerium cognomine suo Manio eidem larvarum attribui classi. Est igitur, ut supra observavimus, *πάρεδρος* masculinus illius Egeriae, cui secundum Paulum p. 77 „gravidae solebant sacrificare, quod eam putabant facile con-

ceptam alvum egerere." Discernebantur quidem Diana et Egeria, sed cum legimus apud Ovidium (Fast. III 267 sqq.) talem fani Aricini descriptionem:

licia dependent, longas velantia saepes,  
et posita est meritae multa tabella Deae,  
saepe *potens voti* frontem redimita coronis  
femina lucentes portat at Urbe faces,

intellegimus Luciferam illam, cui supplicabant mulieres, fuisse non modo *Λυκείαν*, sed etiam *λοχλείαν*, *Ειλειθυϊαν*, qualis Braurone quoque fuit: Egeriam igitur indigetem quandam eadem ratione cum Diana coniunctam fuisse, quae inter indigetem Lucinam intercederet et Iunonem Lucinam. Sabinae illae, quae „reddebant uteri pignora rara sui", ibant ad Iunonis lucum in-caeduum sub monte Esquilio, mulieres autem Tusculanae, Aricinae, Lanuvinae, aliae quae recensebantur inter populos Aricinam Nemorensem communiter colentes, eandem ob causam frequentabant nemus Egeriae. Mutatis nominibus eadem diversis locis narrantur. Observavimus autem per Halaesum cum caerimoniis Faliscis coniunctos fuisse Salios, Lupercorum vero ritum cum Iunoniis cohaerere Esquilinis; Ariciae denique iterum emergit nomen Saliorum.

Numa enim, ut Faliscus ille Morrius, instituit Saliorum collegium; Numa Sabinus! Videbamus supra instituta Sabella cum Faliscis commune aliquid habuisse, raptumque virginum Sabinarum quadamtenus iteratum esse in caerimoniis Nonarum Caprotinarum, non levis est suspicio.

## XI.

Sed et alia Saliorum vestigia obscura quidem, sed in re tam obscura quam est prisca Italorum religio haud spernenda, Ariciae detegi possunt. Ibi enim invenimus Manium Egerium, cuius nominis pars prior haud dubie cohaeret cum voce maniae i. e. larvae. Sed cum recordamur secundum Paulum p. 122 in antiquo Saliorum carmine nominatum esse Cerum Manum, quasi Cerum vel Creatorem bonum, — et revera exstat Iani cognomen duonus cerus apud Varronem VII, 26, — vinculum quoddam exstitisse inter Manium Egerium et Salios Tusculanos non pos-

sumus non suspicari. Sensus enim nominis Mani Egeri quin fuerit „bonum numen quod semina omnia in lucem egerit” vix dubitamus, nisi quod forte „Manius” illud longius etiam spectat. Frequentia enim in prisca religione romana sunt nomina duplicia, quae eiusdem numinis expriment potestates vel similes vel oppositas, e. g. Panda Cela, Vica Pota, Mutunus Tutunus (Priapus romanus, cf. servam Tutulam e Nonis Caprotinis). Sic invenimus deam Genētam Manam, cuius nominis pars prior spectat ad generationem, altera vero pars ad manias, larvas mortuorum, quos prisci illi homines „bonos” appellare solebant. Digna sunt verba Plutarchi (Qu. Rom. 52), licet saepius sint laudata, quae hic quoque inveniant locum: „Διά τί τῇ καλουμένην Γενεΐτῃ Μάνῃ κύνα θύουσι καὶ κατεύχονται μηδένα χρηστὸν ἀποβῆναι τῶν οἰκογενῶν; διὰ τὸ χρηστοὺς λέγεσθαι τοὺς τελευτῶντας. οὐ δεῖ δὲ τοῦτο θαυμάζειν· καὶ γὰρ Ἀριστοτέλης ἐν ταῖς Ἀρκάδων πρὸς Λακεδαιμονίους συνθήκαις γεγράφθαι Φησὶ μηδένα χρηστὸν ποιεῖν βοήθειας χάριν τοῖς λακωνίζουσι τῶν Τεγεατῶν, ὅπερ εἶναι, μηδένα ἀποκτινύναι”. Sic fieri potest, ut Mani quoque Egeri nominis pars prior spectarit ad mortem, posterior ad generationem. Proverbium autem quod laudat Festus: „multi mani Ariciae” referendum est ad bonos, i. e. mortuos, quos dea Aricina non semper gravidis benevola cum matribus e vita eripere solet.

Apud Persium nomen Manium ludicro modo adhibitum invenimus.

Sed locus est, qui, si quis alius, priscam nominis vim nobis explicare possit.

„Age”, ita poeta, „si iam nullus mihi sit cognatus, non tamen omni privatus ero herede. Ibo enim Bovillas

clivumque ad Virbi: praesto est mihi Manius heres”.

— „Progenies terrae!” — „Quaere ex me, quis mihi quartus sit pater, haud prompte, dicam tamen. Adde etiam unum, unum etiam, terrae est iam filius et mihi ritu

Manius hic generis prope maior avunculus exstat.”

Iocans poeta unum e multis manis Aricinis, quasi fuerit *verus* Manius, heredem invocat. Terrae progeniem eum appellare non recusat, dummodo sibi concedatur tritavum quoque, aequè ignotum et obscurum hominem, tali nomine designari posse.

## XII.

Iam Wissowa observarat cum nympha Egeria, numine fontis fatidico atque lucifero, conferri posse tam Iuturnam quam Carmentam. Neque iniuria, nam et hae iisdem funguntur officiis. Melius etiam haec comparatio, ni fallimur, placebit, siquis reputarit iuxta Carmentam obtinere locum Euandrum sive Bonum Virum, iuxta Iuturnam Ianum.

Ianus autem, auctore Macrobio (I, 9, 14), „Saliorum antiquissimis carminibus deorum deus canitur”; Euander, Romanae conditor arcis, nexu quodam cum Lupercis coniunctus fuisse videtur (cf. Verg. Aen. VII, 343); instituit enim Lupercalia, Pani Lycaeο condidit Lupercal.

Iterum atque iterum igitur invenitur hisce in regionibus Italiae par deorum sive cum Saliis sive cum Lupercis coniunctum; masculinum numen, cogita de Halaeso, collegium quocum coniungitur instituisse dicitur, femininum semper vitae muliebri, naturae fecunditati prospicit. Parva quidem sed certissima procul dubio rudimenta antiquissimae religionis romanorum hic ante oculos habemus.

Euandro quoque, ut Halaeso, inveniebatur graeca quaedam origo; Parrhasium Euandrum quis nescit (Aen. IX, 647)? Non iniucundum autem videtur, bonum Euandrum genealogia doctissime inventa affinem factum fuisse Atridarum, non aliter ac cum Halaeso factum esse supra exposuimus. Habet enim Vergilius (VIII, 130):

quodque ab stirpe fores geminis coniunctus Atridis.

Stemma herois nostri mittimus; mirantes vero audimus Euandrum teste Servio (VIII, 51) patriam fugisse occiso patre! Prorsus eadem Halaesi sors fuit!

## XIII.

Veniamus nunc ad quaestionem, quae cum iis quas supra protulimus simul tractanda videtur. Volumus Dioscuros Italos.

Livius (II, 20), ubi pugnam Tusculano in agro commissam descripsit, hisce verbis finem facit narrationis: „ibi nihil nec

divinae nec humanae opis dictator — Postumius fuit — praetermittens aedem Castori vovisse fertur. Hoc modo ad lacum Regillum pugnatum est.”

Castorem autem partibus proeliantibus vel opem tulisse vel nocuisse nullo verbo in descriptione indicavit Livius; itaque si Livi opera sola aetatem tulissent, mirabundus lector sibi proponeret quaestionem, qua tandem re Castor templi honore dignum se reddidisset. Novit igitur Livius, sed praetermisit, fabellam popularem de ope divina allata; nominat unum Castorem, Pollucem oblivio tradit.

Eiusdem libri secundi capite 42<sup>o</sup> haec modo legimus: „Castoris aedes eodem anno Idibus Quintilibus dedicata est.” Agitur de anno 474, annis igitur 22 post pugnam ad lacum Regillum. Nunc quoque deest Pollux: quinimo ubicumque Castor a Livio nominatur, semper solus heros prodit a fratre gemello seiunctus. E. g. libro VIII, 11 audimus: „equitibus Campanis civitas romana data monumentoque ut esset aeneam tabulam in aede Castoris Romae fixerunt.” Libro IX, 43: „Marcius de Hernicis triumphans in urbem rediit statuaque equestris in foro decreta est, quae ante templum Castoris posita est.” Quattuor locis — plures non sunt — ubi auctor Dioscuros respicit, semper Pollucem silentio transit, de Castoris modo aede mentionem facit. Qua in consuetudine morem quendam lapidum testimoniis nobis comprobatum secutus esse videtur.

Aedes autem, quam laudavimus, posita erat in honorem patroni equitum, id est, in honorem Κάστωρος ἱπποδάμου; unde intellegitur τὸν πρὸς ἀγαθὸν Πολυδεύκεα, utpote cui cum equitatu nihil esset commune, ab aedis mentione fuisse exclusum. Sequebantur igitur homines, quorum opinionem exprimit Livius, discrepantiam ab Homero inter heroes constitutam; prae gloria equorum domitoris, quam anxie coluerant atque colebant equites, interierat fere dixeris Pollucis in republica memoria, certe apud rerum scriptores. Alibi enim Pollucis nomen non interiisse, eadem aetate qua historici eum praeteribant, infra patebit.

Neque Dioscurorum nominis ullum apparet exemplum eadem per tempora; simul cum Pollucis mentione redit vel venit ad lucem nomen Dioscurorum. Reviviscit vero Pollucis nomen tam in pedestri quam in poetico sermone ultimis reipublicae decen-

niis, ubi illucescit aetas imperatoria; dehinc una cum Castoris nomine, interdum forma plurali Castorum et ipsum comprehensum, per literas procedit. Sic Ovidius (Fast. I, 706) non amplius loquitur de Castoris aede, sed habet versum: „Ledaëis templa dicata deis”; Suetonius (Tib. 20) imperatorem antiquum Castoris templum restaurare facit „Castori et Polluci”; Cicero (Verr. V, 72) cum emphasi invocat: „vos, omnium rerum forensium, consiliorum maximorum, legum iudiciorumque arbitri et testes, celeberrimo in loco populi romani locati, Castor et Pollux, *quorum* e templo” etc.

Animadvertas autem eandem aedem aliis locis a Cicerone laudari Castoris modo nomine addito, e. g. Verr. I, 49: „ausum esse in aede Castoris, celeberrimo clarissimoque monumento, quod templum in oculis quotidianoque aspectu populi romani est positum, quo saepenumero senatus convocatur, quo maximarum rerum frequentissimae quotidie advocations fiunt, in eo loco, in sermone hominum, audaciae suae monumentum aeternum relinquere.” Vides hic non minorem apparatus oratorium quam in exemplo praecedenti adhibuisse Ciceronem neque tamen, quod exspectarit fortasse aliquis, utrumque laudasse heroem. Ambigit, dixeris, orator inter dictionem populo usitatam atque formam doctiorem, quam haud dubie postea fovebat aula Augustea.

Sed Div. I, 43 varia monstra computans exclamat: „quid? quum in Capitolio ictus Centaurus e caelo est, in Aventino portae et homines, Tusculi aedes *Castoris et Pollucis*, Romae Pietatis!” Pugnam quoque describens ad lacum Regillum commissam fusius de numinum auxilio nos docet neque, ut Livius fecit, Castorem nominasse satis habet. Verba sunt haec: „praesentiam saepe divi suam declarant ut et apud Regillum bello Latinorum, cum A. Postumius dictator cum Octavio Mamilio Tusculano proelio dimicaret, in nostra acie Castor et Pollux ex equis pugnare visi sunt.” Quodque plus est, rogat Cicero De Nat. Deor. III, 5: „ergo et illud in silice, quod hodie apparet apud Regillum tamquam vestigium ungulae, Castoris equi credis esse?” Monumentum igitur unius Castoris equus in lacus ripa reliquerat; nihilo minus pergit auctor: „Nonne ab A. Postumio aedem *Castori et Polluci* in foro dedicatam vides?”

Nulli ignota est, credo, narratio de Dioscurorum epiphania, quam legimus apud Plutarchum in Vita Aemili Pauli. Refert enim Διοσκόρους, postquam apud lacum Regillum fortiter causam romanam defenderint, vesperi eiusdem diei Romae ad fontem Iuturnae equos sudantes refrigerasse circumstantibusque victoriam narrasse. Cui nuntio cum unus ex his fidem habere negaret, Dioscuros ridentes barbam eius attigisse, quae ex illo tempore e nigra facta rutila homini nomen Aenobarbi praeberit (cf. Vit. Coriolani c. III).

Causa episodii huius referendi Plutarcho fuit, quod etiam post pugnam apud Pydnam commissam simili epiphania Romanis victoria nuntiata est. Nam Romanis *certamina equestria* spectantibus subito fama est iniecta Aemilium vicisse Perseum Macedoniamque totam debellasse.

Neque omisit Plutarchus tertium exemplum talis epiphaniae, nempe in proelio inter Locrenses et Crotoniatas habito duos iuvenes equis niveis vectos palliisque purpureis amictos opem tulisse Locrensibus; nuntium autem victoriae reportatae eodem die Graecis Olympia spectantibus rettulisse.

En, eadem series exemplorum τῶν θεῶν ἐπιφανέντων exstat apud Ciceronem, De Natura Deorum II, 2, 6 et III, 5; unde facile suspiceris Plutarchum Ciceronem esse secutum. Exstant vero discrepantiae. Nam quod Plutarchus addidit de Aenobarbo, omisit Cicero; de mira quoque fama spectatoribus iniecta nil habet Cicero, qui contra in scenam producit Vatinius. Legimus enim haec: „P. Vatinius, quum e praefectura Reatina Romam venienti noctu duo iuvenes cum equis albis dixissent regem Persen illo die captum, senatui nuntiavit.” Plutarchus hac in re alium auctorem, puta Nasicam, secutus esse videtur. Quodsi rogatur unde habuerit episodium de Aenobarbo et heroum epiphaniam ad fontem Iuturnae — neutrum enim invenitur apud Ciceronem —, addidit fortasse illud e Suetonio, hoc e Dionysio. „Fortasse”, nam non omnia apud utrumque auctorem sibi respondent. Vide modo quae Suetonius habet in vita Ner. c. 2: „auctorem cognominis habent L. Domitium, cui *rure* quondam revertenti iuvenes gemini augustiore forma ex occurso imperasse traduntur, nuntiaret senatui ac populo victoriam de qua incertum adhuc erat: atque in fidem maiestatis adeo permulsisse

malas ut e nigro rutilum aeri que assimilem capillum redderent."

Susplicamur hanc fabellam conflata esse secundum narrationem supra de Vatinio relatam, nam tam Domitio quam Vatinio Dioscuri obviam fiunt in itinere, utrique nuntium mandant. Historiam autem de barbae colore mutato e fabella populari addidit auctor; constat enim Aenobarbos fuisse iam ante tempus, quo pugna ad lacum Regillum commissa ab historicis aetatis Augusti ornata sit mirifica illa Dioscurorum epiphania, quam reperiebant in descriptione pugnae Graecorum ad flumen Sagram commissae.

Dionysius libro sexto tradidit haec: „in eo proelio feruntur Postumio et stipantibus eum militibus apparuisse duo equites statura et forma longe quam nostra natura fert praestantiores, primae lanuginis iuvenes praecedentes Romanum equitatum hostemque comminus congredientem hastis ferientes fundentes fugantes. Sed et post fugam Latinorum, cum et castra capta erant et proelium finitum, Romae in foro sub vesperam visi sunt itidem duo adolescentes militari cultu, vultu adhuc retinente quam in pugna habuerant speciem, equis vecti sudore madentibus. Qui cum de equis descendissent lavissentque equos e fonte, qui ad aedem Vestae profluens parvam sed profundam facit lacunam, circumstantibus ac rogantibus ecquid ab exercitu novi afferrent, exposuerunt pugnam et victoriam; deinde digressi e foro nusquam comparuerunt, quamvis diligenter a praefecto urbis quaererentur. Postero die cum rei publicae praesides ex dictatoris literis inter cetera eius proelii memorabilia de numinum quoque *ἐπιφανήσῃ* cognovissent, crediderunt *Castorum* fuisse imagines. Monumenta deorum apparentium in urbe exstant multa: in foro templum Castorum publice constructum vicinusque fons numinibus his sacer dictus et usque ad nostra tempora creditus; sacrificium quoque splendidum, quod populus romanus quotannis per proceres equestris ordinis viros Idibus Quintilibus peragit: qua die haec illi victoria contigit."

#### XIV.

Arcte igitur cum Dioscuris vel Castoribus coniungitur Iuturna. Intelligimus a Livio et a Cicerone praeteritam mentionem Iu-

turnae illius, cuius minime obliti erant Dionysius, Plutarchus, renovatam esse aetate imperatoria. Templum nymphae fuerat dedicatum a Lutatio Catulo in pugna apud Aegates insulas, anno igitur 241 a. C. n. Stabat in Campo Martio teste Schol. ad Verg. Aen. XII, 139: „[Iuturnae] primus Lutatius Catulus templum in campo Martis fecit (sic!), nam et Iuturnae ferias celebrant qui artificium aqua exercent, quem diem festum Iuturnalia dicunt. Varro rerum divinarum quarto decimo ait „Iuturna inter proprios deos nymphasque ponitur”.

Observandum est nulla Iuturnalia nominari in *Kalendaris romanis*; quo die ea acta esse perhibet Servius, celebrabantur *Carmentalia*; hic dies erat a. d. III Id. Ianuarias. Confirmant versus Ovidiani (F. I. 463 sq.):

Te quoque lux eadem, Turni soror, aede recepit,  
hic ubi Virginea campus obitur aqua.

Catuli templum memoratur apud Cic. pro Cluent. 36, 101, ubi sermo fit de statu is aureis ad Iuturnae positus a Staieno. Mommsenius observavit (Eph. epigr. I, 36) in libris omnibus Cluentianae scriptum esse Diuturnam; item in Flori libro Palatino I, 28 legi „apud Diuturnae lacum”. Nil autem, quod sciam, in Saeptis Campi Marti aliquem nexum inter Dioscuros et Diuturnam indicat; contra in Foro ad partem orientalem aedis Castoris nostra aetate repertus est Lacus Iuturnae cum fonte adhuc vivo; repertum puteal marmoreum cum inscriptione primi post C. n. saeculi: „M. Barbatius Pollio aed. cur. Iuturnai sacrum rest. [puteal]”; reperta quoque ara e saeculo secundo vel tertio p. C. n. ornata in fronte duabus imaginibus, quarum altera refert mulierem, altera hominem hasta et clipeo armatum. Mulier homini laevam porrigit. Neque longe a puteali abest aedicula satis parva (1.82 m.), quae imagini nymphae locum praebeuisse videtur. In epistylis servatae sunt literae „Iuturnai sa.....”.

Cuncta haec monumenta in foro reperta hac in re cum monumentis literariis conspirant, quod docere videntur aetate demum imperatoria arctius a magistratibus romanis coniunctos fuisse Dioscuros et Iuturnam (vel Diuturnam). Iam vidimus auctorem antiquissimum, qui haec numina inter se coniungebat, fuisse Dionysium.

Duobus igitur locis in Campo et in Foro Iuturna fontem

Romae habebat. Unde virgo Romam ducta sit mox patebit; videtur autem a mythographis et poetis sub finem reipublicae vel initio imperii viventibus variis modis cum heroibus vel numinibus romanis fuisse coniuncta. Difficile est, si spectamus imagines arae in foro insculptas, non cogitare de Iuturna et de Turno, sicut Vergilius eos iam coniunxerat. Sed tum etiam „dea Daunia” vocari poterat Iuturna (XII, 785), fratrique opitulabatur aurigae formam induta contra *Aenean Indigetem*! (ibid. 794). Neque obliviscendum puto hunc versum; nam fortasse momenti alicuius esse videbitur memoria tenuisse, Aenean in *Numicum* flumen cecidisse, deinde deum Indigetem factum, *ὁς ποταμοῦ Νομικίου θεῶμα διέπει*. Est et Iuturna dea „stagnis quae fluminibusque sonoris praesidet”, est „nympha, decus fluviorum”, quae mox „obsценis volucris territa glauco caput contegit amictu multa gemens et se fluvio condit alto”. Iuturna illa Vergiliana nympha erat lacus Latii non longe ab monte Albano siti; vel potius audiamus Servium (XIII, 139) annotantem: „Iuturna fons est in Italia saluberrimus iuxta *Numicum* fluvium, cui nomen a iuvando est inditum. Hic omnibus saluberrimus fons est.”

Haud dubie Vergilius fabellam *ἐπιχώριον* secutus est, cum Iuturnam contra Aenean, i. e. fontem iuxta Numicum cum Numico deo pugnantem duxit in scenam.

Alios alii excogitarunt mythos. Sic apud Arnobium (3, 29) audit Iuturna Volturni filia, uxor Iani, Fonti mater: revera propior ab Dauniis sic habitabat nympha, quam Vergilius vocabat deam Dauniam. Non autem mirabitur numen Daunium Latium incolens, siquis reputarit Turnum quoque, licet ab origine esset Daunius, incoluisse Latium et Ardeam quidem urbem, quam praeterfluit Numicus. Ecce, iterum Vergilius sive proprio Marte sive alios secutus nomina mythologica e suis regionibus alienas in terras traduxit, perinde atque Messapum, Camillam, Halaesum. Nunc vero heroi Daunio Latium habitandum dedit. Causae huius transmigrationis possuntne indicari? Nam cum Wissowa apud Roscherum statuere duos fuisse Daunos, alterum Rutulum, alterum Apulum, minus placet.

Ni fallimur, indicia sunt servata satis perspicua. „Ardea”, ita Plinius N. H. III, 9 „a Danaë Persei matre condita.” Congruit cum Plinio Servius (VII, 372): „Danaë, Acrisii regis (cf. Verg.

VII, 410) Argivorum filia, postquam est a Iove vitata, pater eam intra arcam inclusam praecipitavit in mare. Quae delata ad Italiam, inventa est a piscatore cum Perseo, quem illic enixa fuerat, et oblata regi, qui eam sibi fecit uxorem, cum qua etiam Ardeam condidit." Quis non persentit nomina Danaën et Danaum nimis fuisse similia, quam quibus mythologi fabularum conglutinandarum studiosissimi non uterentur ut Daunum Apulum facerent filium Danaes? *Turnum* quoque locum iuxta *Iuturnam* obtinuisse eandem ob causam non miramur; nominum assonantium amor primarias hic egit partes.

## XV.

Augustus, qui imperium suum rebus sacris dudum obsoletis ex antiquissimis rei publicae temporibus in lucem protractis ornare et confirmare voluit, Dioscurorum imagines evanidas ab historicis, poetis, artificibus, novis coloribus renovandas curavit heroesque equitibus praefecit illustribus. Sic Iuturnam quoque maiorem ad honorem produxit monumentis in Foro nymphae sacris constitutis, dieque Iuturnalium publice celebrando (Ovid. F. I, 463), nomineque eius cum Carmentalibus iungendo (III Id. Ian.). Tunc quoque — si viros doctos audimus — novo nexu sunt coniuncti Dioscuri et Iuturna, sed unde haec coniunctio effingi potuerit, frustra quaerimus. Quapropter eo propensi sumus, ut credamus Dioscuros et Iuturnam iam antea fuisse coniunctos, non Romae quidem, sed certe in urbis vicinia. Supra enim vidimus Diuturnam fontis cuiusdam prope a flumine Numico scaturientis fuisse nympham; inveniebatur igitur in proxima vicinia urbis Ardeae cultu Dioscurorum notissimae (Serv. Aen. I, 44: „nam Ardeae in templo Castoris et Pollucis in laeva intrantibus post forem Capaneos pictus est" etc.). Addit Servius: „Iuturna .... cui nomen a iuvando est inditum. Cum enim naturaliter omnis aqua noxia sit extraneorum corporibus, hic omnibus saluberrimus fons est. De hoc autem fonte Romam ad omnia sacrificia aqua adferri consueverat."

Suo iure Iordanus observavit hanc etymologiam a verbo iuvandi satis debilem videri, formam enim Diuturnam tam in inscriptionibus quam in libris mss. inveniri; neque defuerunt, qui

aliunde auxilium petendum esse, puta a radice *div*, statuerint. Utut id est, id quidem constat Iturnae nomen etiamsi a iuvando deducendum non sit, a Romanis certe derivatum fuisse, quod tam perspicuum fit scholio Serviano quam Lutati Catuli dedicatione post pugnam navalem ad Aegates insulas commissam facta. Nam hanc ob causam consul vota nymphae fecisse videtur, quod eam se *iuvaturam* esse speraret. Habebantur igitur tam Dioscuri quam Iturna numina opitulantia non modo aegrotantibus sed etiam proeliantibus.

Iam Petersen (Röm. Mitteil. XV, 344) inter Dioscuros et fontes nexum quendam exstitisse coniecerat. Reperiebatur e. g. apud Therapnas fons Polydeucia appellatus. Certamen singulare quo Polydeuces cum Amyco de fonte decertasse ferebatur, quod certamen tam e Graecis quam e Latinis literis nobis innotuit, in Cista Ficoronia Praenesti detecta necnon in speculis etruscis ornandi causa ab artificibus erat expressum. Fortasse non supervacaneum erit observasse, ipsum Pollucem fuisse cuius nomen cum fontibus coniungi solebat. Artem autem medicinam uterque exercebat heros; puta, Phormio in pugna apud Sagram commissa vulneratus sanatus est a Dioscuris (F. H. G. IV, 149). Eodem loco in Muelleri Fragmentis legimus Byzanti aedem Dioscuris esse conditam atque dedicatam, quae *λύσις τῶν παθῶν τοῖς ἀνθρώποις ἐγένετο*.

Quaeritur autem documentum, quo probetur in Italia quoque vim medicam Dioscuris tributam esse; nam quae documenta afferuntur e Graecia, quidnam probant de Italia, licet a scriptoribus latinis, ab artificibus etruscis, Graecorum forte vestigia secutis, quamvis sedulo sint relata?

Ecce, bona fortuna servavit nobis documentum optatum, quo nullum fingi possit luculentius. Satira secunda Persius amicum Plotium Macrinum hortatur genio ut indulgeat, ab impiis votis abstineat, deos magnificis sacrificiis corrumpere nolit. Monet stultam esse hominum opinionem idcirco deos quoque donis capi posse, quod mortales donis corrumpi velint.

„Hinc enim orta est consuetudo statuas auro inducendi vel ex solido auro effingendi. Sunt etiam, qui, cum in somniis a deis responsa accipere videantur, hanc ob rem barbam simulacris inaurandam curent:

Hinc illud subiit, auro sacras quod ovato  
 Perducis facies. Nam fratres inter aënos  
 Somnia pituita qui purgatissima mittunt,  
 Praecipui sunt, sitque illis aurea barba.

Qui sunt fratres illi aëni? Estne hodie, qui neget generaliter deorum indicari simulacra ex aere confecta? Non credo. At fuerunt, qui Dioscuros intellegere mallent. Solebant enim hi heroes, non dico in Graecia vel in Asia minore, sed in ipsa Italia morborum remedia per insomnia indicare aegrotantibus in fano depositis; quam rem testatur scholium ad Pers. II, 56 (vid. Buecheler p. 20): „cum Romani pestilentia laborarent, Castor et Pollux in somniis populum monuerunt quibus remediis curarentur.” Praecedunt haec verba: „alii autem fratres aënos Pollucem et Castorem (esse putant), qui fratres fuerunt et aliquando nocte Persen Macedoniae regem nuntiaverunt victum; in quorum templo somniorum interpretes haberi solent, qui puros a pituita visus hominum exponebant.” Conferenda sunt, ut appareat non de nihilo scholiastam talia finxisse, quae servata sunt apud Ciceronem N. D. II, 2, 6: „P. enim Vatinius, . . . . cum e praefectura Reatina Romam venienti noctu duo iuvenes cum equis albis dixissent regem Persen illo die captum, senatui nuntiavit.”

## XVI.

Ludovicus Deubnerus ubi agit de incubatione christiana (De incubatione p. 79), optime ad scholium laudatum notavit: „Templum illud Dioscurorum Romanorum in foro situm esse notissimum. Atque maxime nobis videtur memorabile haud procul ab eo supra vetus Romuli sacrum iuxta basilicam Constantini temporibus posterioribus ecclesiam exstructam esse ss. Cosmae et Damiani, eorundem anargyrorum Romanorum, quos eodem modo atque Arabas per incubationem sanasse aegrotos ex Actorum locis apparet.” Leguntur miracula Cosmae et Damiani Arabum apud Wangnereckium p. 302—542 e codice Vaticano edita. De Romanis sanctis apud Malal. 12 p. 304, 15 ed. Bonn. invenies: „ἦσαν γὰρ ἰατροὶ τὴν ἐπιστήμην. Vivi etiam

curaverunt Carinum imperatorem: *εἰσηνέχθησαν οἱ ἅγιοι τῇ βασιλεῖ ἐν νυκτὶ καὶ αὐτοὶ ἰάσαντο αὐτὸν διὰ τῆς ἰδίας προσευχῆς*".

Sed iam satis de sanctis romanis, quos Romae Dioscurorum locum occupasse vel inde statueris, quod Byzantii, ubi heroibus, ut diximus, templum ad populi valetudini prospiciendum erat dedicatum, hoc ipsum templum temporibus volventibus Cosmae et Damiano sacrum est factum. Quamvis autem nomina possessorum essent mutata, aegri ad aedem conveniebant ut antea, neque minus ibi inveniebant medicinam. Quae res narratione satis lepida comprobatur.

Nam cum aeger quidam Graecus sed paganus amicorum monitu in aede sanctorum esset depositus, noctu duas imagines vestimento albo circumire atque ceteros aegros adire videbat. Postquam autem se ab iis neglegi intellexit, magna voce Dioscurorum nomine eos invocavit, recte se ita facere ratus, quoniam in templo antiquissimo cultu sibi noto iacere se sciebat. Sed iratae imagines ad vociferantem conversae: „noli putare” dixerunt, „apud Castorem et Pollucem te venisse. Nos enim sumus Domini servi Cosmas et Damianus appellati” (Deubn. de incub. p. 77).

Qua de causa haec omnia? Ut probetur scholium Pers. II 56 haudquaquam nugas rettulisse; immo Dioscuros procul omni dubitatione Romae pro deis medicis fuisse habitos. Sed cum iam ante tempora imperatoria extra Romam cum nymphea fontis salutiferi eos coniunctos fuisse appareat, suspicio oritur heroes iam tum apud plebeculam pro numinibus medicis esse habitos eamque ob potestatem honoribus esse gavisos. Quaeritur igitur argumentum, quo haec suspicio ad probabilitatem perducii possit, vel certe hypothesi aliqua non absurda corroboretur. Cui investigationi qui operam dat, non potest quin attendat ad exclamationes illas notissimas sed adhuc nondum explicatas, quibus mulieres quoque romanae in iureiurando uti solebant: *ecastor* vel *mecastor* et *edepol* vel *pol*. Variis modis viri docti has interiectiones explicare conati sunt; primum rogarunt, qui fieri potuerit ut dei, quorum praesentia in vita reipublicae raro persentiat ab iis qui vel maxime in antiquitatibus romanis versentur, tantas partes agerent, ut eorum nomina in exclamationes abirent. Deinde in medium protulerunt verba, quae

exstant apud Gellium XI, 6 sub titulo „Quod mulieres Romae per Herculem non iuraverunt, neque viri per Castorem”. Denique quaesiverunt, cur mulierculis praesertim exclamatio *ecastor* tribui soleret; unde forma vocis *edepol*, alia. Sed mittamus rogare cum rogantibus; circumspeciamus an parvae hae reliquiae consuetudinis haud dubie e re sacra ortae atque in ore popelli vitam tranquillam ducentis cum probabilitate aliqua coniungi possint tam cum iis, quae supra de Dioscuris exposuimus, quam cum sententia Varroniana a Gellio nobis servata. Sed hac de re, si quid videmus, inter nos convenire debet vocabulum *edepol*, licet formam induerit satis mirabilem, cum nomine Pollucis cohaerere. Eo enim ducit tam species, quoniam iuxta vocabulum *ecastor* iustum occupat locum, quam testimonium Varronis, qui in ipsis Romae plateis linguam popularem interrogare potuit. Quare quae de coniunctione vocabuli *pol* = *πολύ* cum interiectione *ede* = *ec* sunt prolata mittenda putamus. Nam, ne multa doctrina abutamur, sensu cassa talis coniunctio videtur; quo gravius impedimentum exstare nequit.

Fuerunt olim qui *aedepol* scriberent, quasi per aedem Pollucis significasset. Huic autem rei obstat argumentum gravissimum, quo res conficitur: Dioscurorum aedem per totam rempublicam nuncupatam fuisse aedem Castoris. Qua de re supra iam fusius egimus. Aedem Pollucis nullus novit Romanus.

Legimus apud Charisium (II p. 178 P): „per Iovem vel fidem filiumve Iovis Herculem, quae iuratio propria virorum est, ut feminarum *edepol*, *ecastor*, eiuno. Denique Titinius in Setina molliculum adolescentulum effeminate loquentem cum reprehendere magis (scr. magister) vellet:

An quia *pol edepol* fabulare.

Apparet „*pol edepol*” esse tautologiam. Quid si illud „*ede*” natum sit ex interiectione, quam laudat Charisius l. c. hisce verbis: „*edi*” Titinius in Barbatō: „id necessest?” respondetur „*edi*”? Valet nimirum *edius*, cf. „*medius fidius*.”

Utut id est, spectat illud *edepol* ad Pollucem, vixit in lingua, qua utitur fabula togata, cotidiana. Non igitur miramur extra comicorum opera parvam huius dei fieri mentionem. Utuntur hac exclamatione tam viri quam mulieres; quinimo Hubrich (De diis Plautinis Terentianisque p. 127) arte statistica

computavit apud Plautum saepius viros quam mulieres voculis pol et edepol esse usos. Attamen, licet ita sit, licet e fabulis comicorum loci permulti collegi possint, ubi virorum in ore reperiatur pol, vel potius edepol, magni tamen momenti ducimus fragmentum Titinianum, ubi molliculus adulescens vituperatur ob effeminatum illud „pol edepol”. Statuendum igitur est volventibus temporibus iusiurandum mulieribus proprium viros quoque usurpasse. Quae nostra opinio corroboratur verbis Gellianis: „nusquam igitur scriptum invenire est apud idoneos quidem scriptores aut mehercle feminam dicere, aut mecastor virum. Edepol autem, quod iusiurandum *per Pollucem* est, et viro et feminae commune est. Sed M. Varro asseverat antiquissimos viros neque per Castorem neque per Pollucem deirare solitos, sed id iusiurandum fuisse tantum feminarum ex Initiis Eleusiniis acceptum; paulatim tamen, inscitia antiquitatis, viros dicere edepol coepisse factumque esse ita dicendi morem: sed mecastor a viro dici, in nullo vetere scripto inveniri.”

Egregia, credo, observatio, praeter explicationem quae tempatur. Respicit, ut nemo non videt, Varro ad formulam Atheniensibus feminis usitatam *μὰ τὸ θεῶν*, qua significabant Cererem et Proserpinam. Inde illa Eleusiniarum mentio. Deductumne igitur usum esse *e Graecia* putabat Varro? Credititne vir doctissimus solas mulieres adhibitas esse ad sacra Eleusinia; commisitne gravem errorem ut *τὸ θεῶν* in formula Atticarum pro Dioscuris habuerit? Non credo. Haud dubie Gellius, breviorum in formam cum redigeret notam Varroniam, obscuravit sententiam. Sic enim Varronem ratiocinatum esse mihi fingo: „Sacris Eleusiniis debebatur quod Atticae mulieres iurantes advocabant Cererem et Proserpinam iuratione *μὰ τὸ θεῶν*. Per se conspiciendum est viros deirantes numina feminina non invocasse, sed mulieribus deas vitae muliebri prospicientes adorandas atque iurandas reliquisse. Sic nostrae mulieres italicae iurare solent per numina antiquissima, quae utpote artem medicinam callentia, fontibus salutiferis praesidentia, arctissime cum Iuturna coniuncta, prae ceteris omnibus cara esse debebant puerperis et gravidis. Nolite autem mirari nobis *τὸ θεῶν* esse *deos*, nam eadem formula Boeoti invocabant *τοὺς Διοσκῶρες Βοιωτίους* Am-

phionem et Zethum, Spartani ipsos Dioscuros Castorem et Pollicem" 1).

Quod si Varro tali modo explicavit, equidem non habeo quod eum vituperem. Restat ut paucis verbis demonstremus in Graecia quoque Dioscuros minime feminarum caruisse cultu.

C. I. G. 5432 (vel Kaibel I. G. S. I. 205) exstat inscriptio, qua docemur Theo . . . . . quendam Acris in urbe Siciliae Dionysi in templo constituisse tres statuas: Καλλιγενίαν, Κάστ[ορα, Πολυδεύκη].

Quanti sit haec coniunctio nominum *Calligeniae* et *Dioscurorum* nemo non persentit. Accedit quod in Laconica cultui Dioscurorum praeserat sacerdos femina (Deneken Theoxeniis p. 7): τὸ δ' ἀγωνοθέτις τῶν σεμνοτάτων Διοσκουρεῶν (C. I. G. 1444; est inscriptio aetatis romanae). Tabula quoque votiva Larisae reperta, cui insculpti sunt Dioscuri, dedicata est a muliere (Δανά 'Ατ(Φ)θονεῖτελα Conze Vorl. Bl. IV T. 9, 2). Quanti denique fuerint Castor et Pultuke in Etruria satis demonstrant specula etrusca, de quibus optime egit Dennis (Etruria p. I, LVIII). Sed ut lingua doctiorum ad leges graecas derasa atque polita apud Romanos quasi crusta glaciali supertexit popularem sermonem viventem et vivacem, sic delituerunt multae notiones ipsius popelli ad res sacras pertinentes sub mythologia illa doctiorum congelata, rigida, decolorata, quam literae infelicitate fabellis numinum italicorum praetulerunt. Ne Ovidi quidem ingenium imagines exsanguis, marcidas, quas doctrina Varro-niana e priscis monumentis elicuerat, novam ad vitam evocare potuit; libros Fastorum taedii plenus ad finem non perduxit. An potius dicendum noluisse poetam in se recipere opus multi laboris, sedulae diligentiae, patientiae? Haud dubie facilius fuit poetae lepidissimo, artis suae peritissimo, de Olympiis ioculariter canere, quam quaecumque adhuc in mente rusticorum e patrum religione viverent et valerent colligere, con-

---

1) Aliam viam iniit v. cl. Speyer in Albo Gratulatorio Bootio nostrati oblato (1901), perhibens „edepol” significare „per Apollinem”. Equidem hac in re Varronem quam Speyerum sequi malim, tam ob totam sententiam nostram supra de Dioscuro-rum natura expositam quam quod vix a me impetrare possum, ut edepol ab ecastor secernam.

iungere, pie tractare. Concedimus enim priscam doctrinam a Varrone e libris corrasam haud multi fuisse pretii, licet reliquiae illae maiore cum cura exponi, largius et fusius tractari, quam fecerit Fastorum poeta, potuerint a viro harum rerum studioso et, ut ita dicamus, animo praedito Vergiliano. Sed multa Ovidi aetate etiam extra libros in ipsis agris, montibus, litore, superstitia fuisse, quae ad priscam religionem illustrandam scripto mandata non esse valde dolemus, id nullum effugere potest, qui observarit linguae popularis tenacitatem et vivacitatem, affluentem dicteriis et proverbiiis aliunde ignotis, qualem eam depinxit Petronius. Quinimo in festiva Cenae descriptione invenimus indigitamenta, qualia sunt cerdo, felicio, luerio, occupo; nomina hic tantum obvia. Quid vero magis e mente romana fuit quam fingere indigitamenta? Nondum igitur intermorta erat religio antiqua, sed iacebant tunc temporis illa omnia apud doctiores. Hinc incerti haeremus simulac de antiquissimis placitis romanis opinio est proferenda. Nunc quoque, etsi valde propensi sumus ad credendum Dioscuros graecos maiorem quam vulgo creditur occupasse locum in mente mulierum romanarum, quinimo haec numina aliunde invecta *ingenuorum* numinum obtinuisse locum, — nam omnibus gentibus, quae vocantur indo-germanicae, par simile deorum propitiiorum est commune, — tamen pro paucitate argumentorum documentis probatorum sententiam nostram quamvis probabilem mathematice defendere non possumus. Quamquam, si quis in nostris studiis poscat demonstrationem mathematicam, tantopere careat sensu illo, sine quo literae exstare et vivere nequeunt, ut ne ipsa quidem ars illa, quam severus invocet, talem hominem vincere valeat.

---

# AD PORPHYROGENITI EXCERPTA DE SENTENTIIS EX POLYBIO ED. U. PH. BOISSEVAIN.

SCRIPSIT

H. VAN HERWERDEN.



Pag. 154, 25. Ὅτι Τιμαίος Φησιν ἐν τῇ τριακοστῇ καὶ τετάρτῃ βίβλῳ· „πεντήκοντα συνεχῶς ἔτη διατρίψας Ἀθήνησι ξενιτεύων ἀπάσης ὁμολογουμένως ἄπειρος ἐγένετο πολεμικῆς χρείας, ἔτι δὲ καὶ τῆς τῶν τόπων θέας.”

Parum credibile est Timaeum haec omnia de se ipso scripsisse, quod etiam vetant additum ὁμολογουμένως et ἐγένετο dictum pro ἐγενόμην. Procul dubio dederat Polybius:

Ὅτι Τιμαίος <, ὅς> Φησιν ἐν τῇ τριακοστῇ καὶ τετάρτῃ βίβλῳ πεντήκοντα συνεχῶς ἔτη διατρίψαι Ἀθήνησι ξενιτεύων, ὁμολογουμένως ἄπειρος ἐγένετο πολεμικῆς χρείας, ἔτι δὲ καὶ τῆς τῶν τόπων θέας.

Pag. 160, 5. περιζώματα φοροῦσιν, ἵνα μὴδ' ὅταν ἀποθάνωσιν ἐν ταῖς μάχαις φανεροὶ γένωνται τοῖς ὑπεναντίοις.

Verba necessaria ἄνδρες ὄντες, quae Cobet addidit post ὑπεναντίοις, facilius propter ductuum similitudinem a librario negligi potuerunt posita ante φανεροί.

Pag. 161, 17. Τὸ δ' αὐτὸ καὶ Τιμαίῳ συμβέβηκε περὶ τὴν ἱστορίαν καὶ τοῖς τούτου ζηλωταῖς· παραδοξολόγος γὰρ ὢν καὶ Φιλόνεικος (l. -νικός) περὶ τὸ προτεθεὶς τοὺς μὲν πολλοὺς καταπέπληκται ἀλόγως, ἡνάγκακε δ' αὐτῷ <προσέχειν Hultsch> διὰ τὴν πρόφασιν τῆς ἀληθινολογίας, τινὰς δὲ καὶ προσέκληται καὶ μετ' ἀποδείξεως δοκεῖ πείσειν (πείθειν Geel).

Non intellego quid hic sibi velit *προσκέκληται*, nulla enim ex tribus verbi *προσκαλεῖσθαι* significationibus aptam praebet sententiam. Dubitabundus tento *προσκλησεσι*, *afferendis testimoniis*.

Pag. 168, 10. ἤρξατο λέγειν ὡς ἐβούλετο μὲν ἂν μήτε Καρχηδονίους ἐπιθυμῆσαι μηδέποτε μηδενὸς τῶν ἐκτὸς τῆς Ἰταλίας μήτε Καρχηδονίους τῶν τῆς Λιβύης.

Si recte Ursinus haesit in vocula *ἐκτός* non repetita, conicere debuit τῶν <ἐκτός> τῆς Λιβύης, non τῶν ἐκτός Λιβύης.

Pag. 178, 13. πλὴν ὃ γε Πτολεμαῖος δῆσας τοὺς ἀνθρώπους γυμνοὺς ταῖς ἀμάξαις εἴλκε καὶ μετὰ ταῦτα τιμωρησάμενος ἀπέκτεινεν.

Captivi semper *ligabantur*, sed Ptolemaeus eos curribus *alligari* iussit, itaque corrigendum *προσδήσας*. Passim praepositionis *πρὸς* notum signum a librariis neglectum esse quis nescit?

Pag. 180, 5. εὐνέστησεν pro εὐαρέστησεν eclogario, non ipsi Polybio tribuendum videtur.

Pag. 187, 16. Ὅτι δοκοῦσι πολλοὶ μὲν τῶν ἀνθρώπων ἐπιθυμεῖν τῶν καλῶν, ὀλίγοι δὲ τολμᾶν ἐγχειρεῖν αὐτοῖς· σπάνιοι δὲ τῶν ἐγχειρησάντων ἐπὶ τέλος ἀγαγεῖν <καὶ add. Boissevain> τὰ πρὸς τὸ καθήκον ἐν ἑκάστοις ποιεῖν.

Miror neminem haesisse in genetivo τῶν ἐγχειρησάντων pro nominativo usurpato. Procul dubio Polybius dederat *σπάνις* δὲ (sc. ἐστὶ) τῶν ἐγχειρησάντων.

Pag. 188, 17. ἐπειδὴ δὲ διὰ τῶν μετὰ ταῦτα πράξεων ἡ φύσις ὑπὲρ αὐτῆς ἀπελογήθη.

Desideratur in adnotatione critica animadversio requiri αὐτῆς. Sed fortasse in textu spiritus lenis est vitium typographicum.

Pag. 189, 4. Ὅτι πὲρ ὧν ἔγωγε διηπόρηκα τί δεῖ ποιεῖν· τό τε γὰρ γράφειν κατὰ μέρος ὑπὲρ τοιούτων ἀκριβολογούμενον ἂν δι' ἀπορρήτων πρὸς αὐτοὺς οἱ βασιλεῖς ἔπραττον εὐεπλήκτον ἐφαίνετό μοι καὶ τελέως ἐπισφαλές.

Quo sensu Naber hic coniecerit *εὐπερίληπτον* prorsus me latet, quoniam eiusmodi *ἀκριβολογία* magnum operis ambitum, itaque ipsum contrarium postulasset. Sed *εὐεπίληπτον* (cf. *ἐπίληπτος* et *ἐπιλήψιμος* et *ἐπιλαμβάνεσθαι*) dicitur *quod facile ansam dat vituperio*, sensu aptissimo, cui congruunt ipsa sequentia *καὶ τελείως ἐπισφαλές*, confirmantibus iis quae opponuntur vs. 9 sq. Addatur igitur vox lexicis.

Ibidem 28. *ταῦτα δὲ συλλογισάμενος*. Malim δὴ.

Pag. 191, 29. *διὰ πάσης κακίας ὥσανει παττάλειόν ἐστιν*.

Perperam Dindorf postulabat *πατταλεῖον*, nam procul dubio vera forma est *παττάλιον*, deminutiva, ducta a voce *πάτταλος*, ut recte scriptum est *πασσάλιον* apud Pollucem IX 120, et alibi eodem sensu *πασσαλίσκος*. Recte igitur eclogarius in vocabulo corrupto per itacismum verum servavit accentum.

Pag. 193, 13. *διόπερ οὐ χρὴ καταγινώσκειν ὥς ἡμῶν ἐπισυρόντων τὰς πράξεις*.

Transponendum *καταγινώσκειν ἡμῶν ὥς κτέ*.

Pag. 197, 8. *Καὶ τὴν μὲν Δῆμον καὶ τὴν Δῆλον κατὰ τὴν παροιμίαν τὸν λύκον τῶν ὄτων ἔλαβον· πολλὰ γὰρ ὑπέμειναν δυσχερήματα συμπλεκόμενοι τοῖς Δηλίοις*.

Iure expectamus: *τοῖς <Δημνίοις καὶ τοῖς> Δηλίοις*. Quae in-serui propter literarum similitudinem videntur excidisse.

Videant alii num recte habeat initio vocula *καὶ* an corrigendum sit *κατὰ*.

Pag. 201, 19. *Ἴσως δὲ τινες ἐπιζητοῦσι πῶς ἡμεῖς οὐκ ἐν ἀγωνίσματι κεχρήμεθα προφερόμενοι τοὺς κατὰ μέρος λόγους, τοιαύτης ὑποθέσεως ἐπειλημμένοι καὶ τηλικαύτης πράξεως*.

Quoniam sana esse videntur verba *ἐν ἀγωνίσματι προφερόμενοι τοὺς κατὰ μέρος λόγους*, solum verbum *κεχρήμεθα* corruptum esse arbitror, idque ex *εὐρήμεθα*, *comperiti sumus*. Coniecturatum, quae referuntur in adnotatione critica, mihi quidem nulla satisfacit.

Pag. 205, 14. διότι καλῶς ποιήσουσι Πολύβιον τὸν Μεγαλοπολί-  
την ἐκπέμψοντες. Dindorf coniecit ἐκπέμψαντες. Malim  
ἐκπέμποντες.

Pag. 221, 1. Διὸ καὶ δικαίως ἂν εἴποι τις τὸ περιφερόμε-  
νον οὐ θύρα, τὸ δὲ λεγόμενον, ἀλλ' ἀμφὸς διέψευσται. Ipsum  
Polybium duabus formulis aequivalentibus tam exiguo intervallo  
seiuunctis uti potuisse quis credat?

## AD STATII THEBAIDEM.

XI. 278.

hos ignis egentis

fert humus, hos pelago patrius iam detulit amnis,

hi quaerunt artus, illi anxia vulnera curant.

Codex optimus *anxia*, ceteri *ardua* praebent. Muellerus *arida*  
coniecit. At nota *hos* — *hos* — *hi* — *illi* et mecum corrige:

hi quaerunt artus et hiantia vulnera curant,

cl. Ach. II. 161: quid faciat somnos, quid hiantia vulnera  
claudat, et Theb. XII 340: ei mihi, sed quanto descendit vul-  
nus hiatu! Vitium inde natum est, quod litterae priores voca-  
buli *hiantia* non bene cum sequentibus iunctae fuerunt.

XII. 352. Antigonaē vix successit ut ex urbe egrederetur ad  
iusta fratri persolvenda,

illam nam tempore in omni

attendunt vigiles et rex iubet ipse teneri,

contractaeque vices et crebrior excubat ignis.

Ita editores cum codd. dett. scribere solent — codd. ceteri ex-  
hibent *timeri*. Scribendum est:

illam nam tempore in omni

attendunt vigiles et rex iubet ipse tueri.

XII. 396. Argia, uxor Polynicis, Antigonaē narrat quid  
Argis exsul ille egerit,

non hic amissos, quamquam vagus exsul, honores,

non gentile solum, carae non pectora matris,

te cupiit unam noctesque diesque locutus

Antigonen.

Ain tu, scriba? At ego Polynicem Statianum melius novi quam  
qui Argiam tales nugas de eo vendidisse crederem. Corrige  
quaeso: crepuit.

P. H. D.

## DE PYXIDE CAELIANA.

SCRIPSIT

J. VAN WAGENINGEN.



Cicero in Caeliana tradit accusatores Marco Caelio et alia obiecisse et quod Clodiam veneno interimere conatus esset. Aiebant enim Caelium P. Licinio, familiari suo, venenum dedisse, illum autem cum Clodiae servis constituisse, ut ad balneas Senias venirent, quo et ipse venturus esset ad veneni pyxidem tradendam. Servos tamen rem ad dominam detulisse eamque amicos quosdam in balneis illis delitescere iussisse, ut Licinium, cum servis pyxidem traderet, comprehenderent. Sed casu quodam factum esse, ut amici in insidiis collocati ante tempus prosilirent Liciniusque, antequam venenum servis tradidisset, aufugere posset <sup>1)</sup>.

Postquam Cicero hanc accusationis partem refutare studuit totam rem in risum vertens, et fideles illos servos manumissos esse a Clodia commemoravit, postremo haec addit (§ 69):

„Hic etiam miramur, si illam commenticiam pyxidem obscenissima *sit fabula consecuta?* Nihil est quod in eiusmodi mulierem non cadere videatur. Audita et percelebrata sermonibus res est. Percipitis animis, iudices, iamdudum, quid velim vel potius quid nolim dicere. Quod etiamsi est *factum* <sup>2)</sup>, certe a Caelio non est (quid enim attinebat?), sed <sup>3)</sup> enim ab aliquo

---

1) Cic. p. Cael. §§ 61—66.

2) Pro *factum* Franckenus: *facete dictum*, Baehrensius: *iactum*.

3) Ita legit Baehr., codd. *est*, Franck.: *et*.

adulescente fortasse <sup>1)</sup> non tam insulso quam non verecundo. Sin autem est *factum* <sup>2)</sup>, non illud quidem modestum, sed tamen est non infacetum mendacium; quod profecto numquam hominum sermo atque opinio comprobasset, nisi omnia, quae cum turpitudine aliqua dicerentur, in istam quadrare apte viderentur."

Priusquam locum coniecturis temptamus, iam videamus, num qua sententia ex verbis obscuris elici possit. Primum constare mihi videtur sermonem esse de aliquo *facto* ridiculo, quod Cicero accidisse narrat, posteaquam Clodia eiusque amici rumores de veneni pyxide a Licinio porrecta, non tradita tota urbe dissipassent („commenticia pyxis"). *Facti* illius auctor, inquit Cicero, non erat Caelius, sed adulescens quidam non tam insulso quam non verecundus. Sed etiam fieri potest — ita orator pergit — ut *factum* sit (quid *factum* sit, non addit, nam consulto loquitur tecte), h. e. ut nemo quidquam *commiserit*. Si ita res se habet, mendacium saltem facetum est et facile ab hominibus probatum, vulgo fidem fecit, nam quidquid cum turpitudine dicitur, omnis „fabula obscenissima", in Clodiam cadere videtur. Iam rogamus, quid sit illud *factum* ridiculum, quod aut revera accidit, aut *factum* est, sed sane lepide *factum*.

Fortasse Ciceronis verbis Quintilianus, Inst. Or. VI 3, 25, lucem afferre potest, dummodo totum hunc locum, non tantum partem, cum illis comparemus. Agit Quintilianus de „ridiculis", *περί γελοίου*, duo eorum genera distinguens: „item ridicula aut *facimus* aut *dicimus*. *Facto* risus conciliatur interim admixta gravitate: ut M. Caelius praetor, cum sellam eius curulem consul Isauricus fregisset <sup>3)</sup>, alteram posuit loris intentam; dicebatur autem consul a patre flagris aliquando caesus; interim *sine respectu pudoris, ut in illa pyxide Caeliana, quod neque oratori neque ulli viro gravi conveniat*."

Cur Franckenus putaverit Quintilianum ad aliam rem respexisse atque Ciceronem, non assequor <sup>4)</sup>. Num duae pyxides

1) *adulescente fortasse* (hoc ordine) Σ Franck., rel.: *fortasse adulescente*.

2) Franck.: *sin autem totum est factum*.

3) Cassius Dio 42, 23 § 8.

4) Mnem. N. S. 8, p. 229.

Caelianae diversis temporibus fuerunt? An veri simile est, cum modo mentio facta esset M. Caelii praetoris (a<sup>o</sup> 48) P. Servilium Isauricum consulem ludificantis, in proximis vocabulis („in illa pyxide Caeliana”) alium quendam Caelium significatum esse? Minime, opinor, sed verba Ciceronis et Quintiliani ad idem „ridiculum” spectare mihi persuasum est. Si hoc mihi conceditur, ab utroque etiam idem *factum* (non dictum) designatum est, quod Cicero ipsum Caelium perpetrasse negat, Quintilianus autem, si quid video, Caelio imputat et viro gravi indignum ducit.

Quid igitur ridiculi *factum* est, postquam rumores illius veneficii tota Roma percerebruerunt, vel potius quid ioci latet in Quintiliani verbis („ut in illa pyxide Caeliana”)? Divinare possumus, inquit Franckenus, Clodiae inimicos, illudentes eam, narrasse pyxidem „poculum amatorium sive abortivum continuisse”. At si ita divinamus, nullum *factum* ridiculum in illa narratiuncula inest, quale fuit in sella curuli loris intenta, sed nihil aliud est nisi rumor salsus. Neque intellego, si Franckeni ratione aenigma solvere conamur, quomodo in Quintiliani verbis „pyxidis Caeliana” iocus ullus abditus sit.

Itaque rem sic mihi propono esse factam: adolescens aliqui, sive hic fuit Caelius ipse sive alius quis, simulatque fama veneni urbem pervagata est, reapse ad Clodiam *misit* pyxidem, scheda addita, in qua erat scripta, ut suspicor: *pyxidis Coeliaca*, una littera (n) mutata (facile enim iam tum *Caelius* in *Coelius* <sup>1)</sup> abiit).

Κοιλιακός autem sive *coeliacus* a Catone (de agr. 125) dolor ventris dicitur, *coeliaca* medicina est ad dolores ventris leniendos apta <sup>2)</sup>, *coeliacae* a Varrone (r. r. III 16, 22) apes vocantur ex ventre laborantes, *coeliaci* saepius a Plinio <sup>3)</sup> una cum dysentericis commemorantur. Ergo si quis in Caelianum nomen iocans ad Clodiam pyxidem Coeliacam mittebat, non ambiguum erat, quam ad rem Clodiae tali medicamento posse opus esse

1) Cf.: Κοιλίος (apud scriptores Graecos), *coelum*, *moestus*, *coelebs*, *proelium*; Lindsay I. L. p. 44; Schuchardt Vok. II p. 288, sqq.

2) Plin. n. h. XX § 201.

3) Plin. n. h. XX §§ 148, 202; XXIII § 14; XXVIII § 207; XXX § 58.

arbitraretur. Hoc igitur, nisi fallor, est *factum* illud ridiculum, quod etiamsi non factum, sed fictum esset, tamen mendacium non infacetum futurum fuisse Cicero dicit. Manebat tamen res obscena et, sicut Quintilianus dicit, oratori et viro gravi parum conveniens <sup>1)</sup>).

---

1) Romanos id genus iocos summo studio consecratos esse satis notum est ex Ciceronis epistulis aliisque scriptis, sed maxime mihi apparere videtur ex loco, qui proxime ad hunc accedit, Orat. § 154: „Quid, illud non olet unde sit, quod dicitur cum illis, cum autem nobis non dicitur, sed nobiscum? quia si ita diceretur, *obscenius* concurrerent litterae (cunno bis), ut etiam modo, nisi autem interposuisssem, concurrissent.” Cf. etiam Cic. ad fam. IX 22, 2: „hanc culpam maiorem an illam dicam (landicam)?”

---

#### PLUTARCHUS.

De Stoic. Rep. 1048 E. Docent Stoici non a Diis meliores fieri homines (sed *αὐθαίρετον εἶναι τὸ καλόν*). Respondet Plutarchus ét alia ét hoc: „ergo nihil eorum quae Dii dant hominibus ullius est pretii; nam id demum bonum est quo quis recte utitur; et hoc certe non est eius qui nullos fecerit profectus.” In eiusmodi quaestionibus constare debet inter disputantes quid illud sit „meliozem fieri”, quo sensu ea verba sint accipienda. Adiecit ergo haec, quae nunc quidem corrupta circumferuntur sed nullo negotio in integrum possunt restitui: τὸ δὲ τοὺς ἄλλως γενομένους ἀγαθοὺς κρίνειν κατ’ ἀρετὴν ἢ ἰσχὺν οὐδὲν ἐστὶ.

Multa hic critici moliuntur: post ἀγαθοὺς enim deesse quaedam statuunt eamque lacunam alius alio modo supplet. Lenissima transpositione lege: τὸ δὲ τοὺς γενομένους ἀγαθοὺς ἄλλως κρίνειν ἢ κατ’ ἀρετὴν (καὶ) ἰσχὺν οὐδὲν ἐστὶ.

Certam esse hanc emendationem apparet ex iis quae continuo sequuntur: καὶ γὰρ τοὺς θεοὺς οἱ ἀγαθοὶ κρίνουσι κατ’ ἀρετὴν καὶ ἰσχύν. „Meliozem fieri, hoc est: virtutem viresque acquirere; qui alia dicit nihil dicit, ineptit, nugatur.”

J. J. H.

# THUCYDIDEA.

SCRIPSIT

I. C. VOLLGRAFF.

(Continuantur e T. XXXIV p. 429).



THUCYDIDIS HISTORIAE. Recensuit CAROLUS  
HUDE HAUNIENSIS. Lipsiae 1901.

De postrema narrationis parte, quam scriptor usque ad finem belli exsequi constituerat (cf. V. 26) quaeque prae libris superioribus manca quodammodo atque incohata videtur, verissime sic iudicat Marcellinus § 44:

„Θουκυδίδου μὲν εἶναι δοκεῖ, ἄλλως δ' ἀκαλλώπιστος, δι' ἐκτύπων γεγραμμένη, καὶ πολλῶν πλήρης ἐν κεφαλαίῳ πραγμάτων καλλωπισθῆναι καὶ λαβεῖν ἔκτασιν δυναμένων. ἔνθεν καὶ λέγομεν ὡς ἀσθενέστερον πέφρασται καὶ ὀλίγον (an forte ὀλιγωρότερον?), καθότι ἀρρωστῶν αὐτὴν φαίνεται συντεθεικώς.”

Quapropter religiose cavendum est ne quae ipse Thucydides immatura morte abreptus rudia ac minus emendata reliquerit, nos recentiores philologi politius limare et corrigere conemur. Quamquam in libro octavo, ut in ceteris omnibus, codices nonnulla tam mendose et praepostere scripta exhibent ut mihi quidem nostrum non librarios ita peccavisse prorsus incredibile sit.

VIII c. 1 § 2 s. f.

Athenienses acerbo cladis Siciliensis nuntio graviter affecti in omnium rerum amissione et desperatione recuperandi pessima quaeque reformidabant: Syracusanos victores confestim adversus

se in Piraeum venturos et simul Peloponnesios τότε δὴ καὶ διπλασίως πάντα παρεσκευασμένους κατὰ κράτος ἤδη καὶ ἐκ γῆς καὶ ἐκ θαλάσσης ἐπικείσσεσθαι, καὶ τοὺς ξυμμάχους σφῶν μετ' αὐτῶν [ἀποστάντας].

Participium ἀποστάντας, quo sine ullo sententiae detrimento carere possumus, a sedulo lectore adscriptum esse suspicor. Ipso loco ubi occurrit arguitur additamentum. Bonus scriptor de perspicuitate sollicitus, ne quis contra sententiam iungeret μετ' αὐτῶν ἀποστάντας, certe dare praetulisset: καὶ μετ' αὐτῶν τοὺς ξυμμάχους. Insolitum vv. ordinem sic defendere conatur Classenius:

„μετ' αὐτῶν näml. ἐπικείσσεσθαι, dem ἀποστάντας der Zeit nach vorausgeht, aber des Nachdrucks wegen am Schlusse steht.“

At iusta emphasis manifesto cadit in τοὺς ξυμμάχους.

#### VIII c. 5 § 3 med.

ὁ γὰρ Ἄγρις, ὅσον χρόνον ἦν περὶ Δεκέλειαν ἔχων τὴν μεθ' ἑαυτοῦ δύναμιν, κύριος ἦν καὶ ἀποστέλλειν εἴ ποί τινα ἱβούλετο στρατιὰν καὶ ξυναγεῖρειν καὶ χρήματα πράσσειν.

En lepidum ὕστερον πρότερον: *millere copias et contrahere!*

Transpone sis: κύριος ἦν καὶ ἀποστέλλειν εἴ ποί τινα (legatum puta vel harmosten: Alcamenem (c. 5 § 2); Thermonem (c. 11 § 3)) ἱβούλετο, καὶ στρατιὰν ξυναγεῖρειν καὶ χρήματα πράσσειν <sup>1)</sup>.

#### VIII c. 6 § 1 s. f.

..... καὶ αὐτός, εἰ δύναίτο, ὅπερ καὶ Τισσαφέρνης προὔθυμειτο, τάς τ' ἐν τῇ ἑαυτοῦ ἀρχῇ πόλεις ἀποστήσειε τῶν Ἀθηναίων [διὰ τοὺς φόρους] κτέ.

Lectori non omnino oblivioso eorum quae in fine capitis proxime praecedentis scripserat noster <sup>2)</sup>, repetita haec tributorum

1) „Having a force permanently at his disposal, with full liberty of military action, the Spartan king at Dekeleia was more influential even than the authorities at home.” (Grote, Hist. of Gr. VII p. 365)

2) ὑπὸ βασιλείας γὰρ νεωστὶ ἐτύγχανε πεπραγμένος (ὁ Τισσαφέρνης) τοὺς ἐκ τῆς ἑαυτοῦ ἀρχῆς φόρους, οὓς δι' Ἀθηναίους ἀπὸ τῶν Ἑλληνίδων πόλεων οὐ δυνάμενος πράσσειν ἐπαφείλῃσε· τοὺς τε οὖν φόρους μᾶλλον ἐνόμιζε κομιεῖσθαι κακῶσας τοὺς Ἀθηναίους.

commemoratio plane inutilis est. Adde quod διὰ τοὺς Φόρους, si praegressa consideras, post νν. ὅπερ καὶ Τισσαφέρνης προϋθυμείτο adiectum suo certe loco positum fuisset: nunc alienus quoque locus fraudis indicio est.

In continuo sequentibus: πρασσόντων δὲ ταῦτα χωρὶς ἐκατέρων, τῶν τε ἀπὸ τοῦ Φαρναβάζου καὶ [τῶν] ἀπὸ τοῦ Τισσαφέρνους, cum unum dumtaxat legatum Tissaphernes misisset (cf. c. 5 § 4), v. d. van der Mey recte censet alterum articulum esse delendum.

### VIII c. 8 § 2 med.

καὶ ἔδοξε πρῶτον ἐς Χίον αὐτοῖς πλεῖν ἄρχοντά ἔχοντας Χαλκιδέα [ὅς ἐν τῇ Λακωνικῇ τὰς πέντε ναῦς παρεσκεύαζεν] κτέ.

Verba inclusa satis neglegenter desumta sunt e cap. 6 § 5 idque a homine qui animum ad ea quae legebat parum intentum habebat. Nam ne certum quidem est ipsum Chalcideum quinque illas naves instruxisse. Scilicet hoc tantum dixerat Thucydides: „Lacedaemonii terrae motu perculsi (σεισμοῦ γενομένου) in Chium ἀντὶ τοῦ Μελαγχρίδα — noli cum Hudio scribere Μελαγχρίδου — Χαλκιδέα ἔπεμπον, cumque primo decem triremes ornare cogitavissent, hoc numero iam ad dimidium revocato, ἀντὶ τῶν δέκα νεῶν πέντε παρεσκευάζοντο ἐν τῇ Λακωνικῇ.”

### Ibidem § 3.

..... διαφέρειν δὲ τὸν ἰσθμὸν τὰς ἡμισείας τῶν νεῶν πρῶτον (ἔδοξε τοῖς ξυμμάχοις) καὶ εὐθὺς ταύταις <sup>a)</sup> ἀποπλεῖν, ὅπως [μὴ] οἱ Ἀθηναῖοι πρὸς τὰς ἀφορμωμένας τὸν νοῦν μᾶλλον ἔχωσιν [ἢ τὰς ὕστερον ἐπιδιαφερομένας]. καὶ γὰρ τὸν πλοῦν ταύτῃ ἐκ τοῦ προφανοῦς ἐποιοῦντο, καταφρονήσαντες <τὴν> <sup>b)</sup> τῶν Ἀθηναίων ἀδυνασίαν κτέ.

a) Ταύταις cit. Cobetus: ταύτας codd. b) cf. VII 8.2: κατὰ τὴν τοῦ λέγειν ἀδυνασίαν codd. BH.

Verisimile est νν. ἢ τὰς ὕστερον ἐπιδιαφερομένας non ab ipso scriptore profecta esse. Cf. Herwerdenum in calce editionis, qui comparat VII 19 extr. ubi strategema plane contrarium narratur: αἱ δὲ πέντε καὶ εἴκοσι νῆες τῶν Κορινθίων αἱ τοῦ χειμῶνος πληρωθεῖσαι ἀνθώρμουν ταῖς ἐν τῇ Ναυπάκτῳ εἴκοσιν Ἀττικαῖς, ἕως περ

αὐτοῖς οὗτοι [οἱ δὲ πλείται] ταῖς δακάζουσιν ἀπὸ τῆς Πελοποννήσου ἀπῆραν· οὐδὲρ ἔνεκα καὶ τὸ πρῶτον ἐπληρώθησαν, ὅπως μὴ οἱ Ἀθηναῖοι πρὸς τὰς δακάζουσας μᾶλλον [ἢ πρὸς τὰς τριήρεις] τὸν νοῦν ἔχουσιν.  
del. Cobetus

Verum — id quod Classenio olim in mentem venerat — utique delenda est particula negativa μή. Socii Athenienses propter fractas vires contemnunt. A quibus adeo non metuunt ne impediuntur, ut propalam (ἐκ τοῦ προφανοῦς) navigare decernant. Num forte ita facere statuerant ne animum potius adverterent adversarii ad naves proficiscentes?

Loci sensum rite perspexit Didot a Classenio laudatus qui vertit: „on décida ... de mettre en mer sans délai pour attirer l'attention des Athéniens plutôt sur les vaisseaux qui s'éloigneraient que sur ceux qu'on devait transporter ensuite.”

#### VIII c. 14 in.

ὁ δὲ Χαλκιδεὺς καὶ ὁ Ἀλκιβιάδης πλέοντες ὅσοις τε ἐπιτύχοιεν ξυνελάμβανον τοῦ μὴ ἐξάγγελτοι γενέσθαι καὶ προσλαβόντες πρῶτον Κωρύκῃ τῆς ἡπείρου καὶ ἀφέντες ἐνταῦθα αὐτοὺς [αὐτοὶ μὲν], προξυγγενόμενοι τῶν ξυμπρασσόντων Χίων τισὶ καὶ κελευδόντων καταπλεῖν μὴ προσιπόντας ἐς τὴν πόλιν, ἀφικνοῦνται αἰφνίδιοι τοῖς Χίοις.

Infelicitur, ut dicam quid sentiam, Hudius expuncto μὲν otiosum pronomēn αὐτοῖ, quod et ipsum utpote e dittographia natum delendum erat, mutavit in αὐτοῦ.

#### Ibidem § 2 s. f.

καὶ γενομένων λόγων ἀπὸ τε τοῦ Χαλκιδέως καὶ Ἀλκιβιάδου ὡς ἄλλαι [τε] <sup>a)</sup> νῆες πολλαὶ προσπλέουσι καὶ τὰ περὶ τῆς πολιορκίας τῶν ἐν τῇ Πειραιῷ νεῶν οὐ δηλωσάντων, \*, ἀφίστανται Χῖοι καὶ αὖθις Ἐρυθραῖοι Ἀθηναίων.

a) τε del. Kruegerus.

Post participium quod est δηλωσάντων — nempe Chalcidei et Alcibiadis — pronominis omissio, ut ferri quodammodo possit, vereor tamen ne iusto sit durior. Equidem longe praetulerim: δηλωσάντων <αὐτῶν>.

## VIII c. 23 § 4 med.

..... ἀλλὰ τὴν Ἑρεσον ἀποστήσας [καὶ ὀπίστας καὶ] τοὺς ἀπὸ τῶν ἑαυτοῦ νεῶν ὀπίστας <sup>a)</sup> πεζῇ παραπέμπει ἐπὶ τὴν Ἀντισσαν καὶ Μήθυμναν κτέ.

a) del. Dobraeus.

Quid significat ὀπλίζειν ὀπίστας (i. e. ἐπιβάτας), *armare gravis armaturae milites?* quos armatura caruisse vix credibile est. Aut, si verbum ὀπίστας cum Hudio ad Eresum referri putas, sequenti copula καὶ quid facias? <sup>1)</sup> Verba habemus procul dubio interpolata. In quibus; si cum Dobraeo v. ὀπίστας inducimus, statim post τοὺς ἀπὸ τῶν ἑαυτοῦ νεῶν aliud nomen substantivum desiderabitur. Cf. IV. 9 in.: καὶ τοὺς ναύτας ἐξ αὐτῶν (scil. τῶν τριήρων) ὥπλισεν ἀσπίσι φαύλαις καὶ δισύναις ταῖς πολλαῖς et VIII. 17 in. (qui locus forsitan cum nostro loco comparatus interpolationi ansam dederit): ἐκ μὲν τῶν ἐκ Πελοποννήσου νεῶν τοὺς ναύτας ὀπλίσαντες. Quamobrem praestabit proicere ea quae seclusimus.

## VIII c. 24 § 5.

καὶ οὐδ' αὐτὴν τὴν ἀπόστασιν, εἰ τοῦτο δοκοῦσι παρὰ τὰς Φαλίστην πρᾶξαι, πρότερον ἐτόλμησαν ποιήσασθαι ἢ μετὰ πολλῶν τε καὶ ἀγαθῶν συμμάχων <sup>a)</sup> ἔμελλον κινδυνεύσειν <sup>b)</sup> καὶ τοὺς Ἀθηναίους ἡσθάνοντο οὐδ' αὐτοὺς ἀντιλέγοντας ἔτι μετὰ τὴν Σικελικὴν συμφορὰν ὥς οὐ πάνυ πονηρὰ σφῶν βεβελίως τὰ πράγματα εἶη.

a) συμμάχων μεθ' ὧν B. b) ξυγκινδυνεύειν B; ξυγκινδυνεύσειν cit. Bekkerus.

„πάνυ πονηρὰ ὑμῶν βεβελίως τὰ πράγματά ἐστιν ὧνδρες Ἀθηναῖοι“. Quis mortalis umquam sic locutus est? Nam loci a Classenio laudati (IV, 126. 4: οἷς δὲ βεβελίως τι πρόσσεστιν ἀγαθόν, προειδὼς τίς ἂν αὐτοῖς τολμηρότερον προσφέρειτο: *quis recte monitus stulta temeritate in illos feratur qui HAUD DUBIE* (ut

1) In fonte suo non reperit sed fidenter de suo excogitavit quae narrat Grote (Hist. of Greece VII p. 283):

„Astyocheus prevailed on Eresus to revolt from Athens and having armed the population sent them by land together with his own hoplites under Eteonikus to Methymna“.

vester exercitus) *et acres et fortes sint?* <sup>1)</sup>) ratio, ut vides, plane diversa est.

Suspicio adverbium quod est *βεβαίως* loco suo motum esse et commendo: ἢ μετὰ πολλῶν τε καὶ γαθῶν ξυμμάχων βεβαίως ἔμελλον κινδυνεύειν.

*Ne desciscere quidem prius ausi sunt quam cum multis et fortibus sociis TUTO belli periculum adituri erant.*

Ibidem:

εἰ δέ τι ἐν τοῖς ἀνθρωπέοις τοῦ βίου παραλόγοις ἐσφάλησαν κτέ.

Classenius: . . . . „das Adjectivum ἀνθρώπιος würden wir näher mit τοῦ βίου verbinden: *wie sie im menschlichen Leben vorkommen*“. Coll. Thuc. VII 61. 3: αἰ μνήσθητε τῶν ἐν πολέμοις παραλόγων; Diod. Sic. XVII, 66 in.: ταῦτα δὲ οἱ βασιλεῖς . . . διετήρησαν πρὸς τὰ παράλογα τῆς τύχης ἀπολιπόντες αὐτοῖς καταφυγὰς, mihi quidem magis arrideret: ἐν τοῖς τοῦ ἀνθρωπέου βίου παραλόγοις.

#### VIII c. 30 § 1.

. . . . . καὶ τὰς ἀπὸ Χίου καὶ τὰς ἄλλας πάσας (ναῦς) ξυναγαρόντες ἐβούλοντο διακληρωσάμενοι ἐπὶ μὲν τῇ Μιλήτῳ [τῷ] ναυτικῷ ἐφορμεῖν, πρὸς δὲ τὴν Χίον καὶ ναυτικὸν καὶ πεζὸν πέμψαι. καὶ ἐποίησαν οὕτως.

Rescribe ἐβουλεύοντο. In re tanti momenti primum, opinor, opus erat *deliberatione*. βούλεσθαι et βουλεύεσθαι in cuius libet aetatis libris confusa videmus. Ceterum post Μιλήτῳ duae literae expungendae sunt manifesto ortae e dittographia. Non enim τῷ ναυτικῷ i. e. tota classe verum navium parte maiore Miletum versus profecti sunt; altera pars cum copiis pedestribus missa est in Chium.

#### VIII. c. 31 § 2 (cf. cc. 14, 16 et 23).

ὁ δ' Ἀστυόχος . . . . προσβαλὼν Πτελεῶ καὶ οὐχ ἔλῶν παρέπλευσεν ἐπὶ Κλαζομενάς, καὶ ἐκέλευεν αὐτῶν τοὺς τὰ Ἀθηναίων φρονοῦντας ἀνοικίζεσθαι ἐς τὸν Δαφνοῦντα καὶ προσχωρεῖν σφίσιν. . . . . ὥς δ' οὐκ ἐσήκουον κτέ.

1) Cf. quae de hoc loco scripsimus *Μνημοσ.* a. 1902 p. 83.

Locus, ut nunc quidem se habet, satis ambiguus. Quosnam enim ad suas partes transire iubebat Astyochnus? num prae ceteris eos Clazomenios, qui aperte cum Atheniensibus faciebant? Multo melius intellegerem: . . . . ἐκέλευεν αὐτοῖς τοὺς τὰ Ἀθηναίων φρονοῦντας ἀνοικίζειν ἐς τὸν Δ. καὶ προσχωρεῖν σφίσιν.

Astyochnus Clazomeniis persuadere conatus est ut Atheniensium fautoribus civitate expulsis in suam ditionem concederent.

#### VIII c. 34 i. f.

ἐντεῦθεν δ' ὕστερον ἐς τὴν Λέσβον καθορμισάμενοι <sup>a</sup> παρσκευάζοντο ἐς τὸν τειχισμόν <sup>b</sup>).

a) μεθορμισάμενοι corr. Herwerdenus. b) ἐς τὴν Χίον vel ὡς ἐς cit. Dobraeus.

Recte Dobraeus extrema ad munitionem Delphinii trahit (cf. 38.2). Possis tamen ad ductum literarum aliquanto lenius supplere: ἐς τὸν <ΤΗC ΧΙΟΥ> ΤΕΙΧΙCμόν.

#### VIII c. 35 § 4.

τῇ δ' ὕστεραίᾳ αὐθις προσέβαλλον, καὶ ὡς ἄμεινον φαρξάμενων αὐτῶν ὑπὸ νύκτα καὶ ἐπεσελθόντων αὐτοῖς τῶν ἀπὸ τοῦ Τριοπίου ἐκ τῶν νεῶν διαφυγόντων οὐκέθ' ὁμοίως ἔβλαπτον, ἀπελθόντες . . . . ἐς τὴν Σάμον ἀπέπλευσαν.

Cum Herwerdeno expectes potius: καὶ ὑπὸ νύκτα ἐπεσελθόντων.

#### VIII c. 40 § 3.

ἔφασαν οὖν χρῆναι [οἱ Χῖοι], ἕως ἔτι ἐλπὶς καὶ δυνατὸν κωλύσαι, \* τειχιζομένου τοῦ Δελφινίου [καὶ ἀτελοῦς ὄντος] <sup>a</sup>), καὶ στρατοπέδῳ καὶ ναυσὶν ἐρύματος μείζονος προσπεριβαλλομένου, βεληθῆσαι σφίσιν.

a) del. Herwerdenus, cum τὸ τειχιζόμενον per se ἀτελές sit.

Abice οἱ Χῖοι ut sine ulla utilitate et alieno loco adiectum et vide ne forte expuncto emblemate a H. indicato restituendum sit: <ΕΤΙ> τειχιζομένου τοῦ Δ.

#### VIII c. 45 § 2.

Ἀλκιβιάδης . . . πρῶτον μὲν ὑποχωρεῖ δέσας παρὰ Τισσαφέρην, ἔπειτα ἐκάκου πρὸς αὐτὸν ὅσον ἐδύνατο μάλιστα τῶν Πελοποννησίων τὰ πράγματα, καὶ διδάσκαλος πάντων γιγνώμενος τὴν τε μισθο-

Φορὰν ξυνέτεμεν, ἀντὶ δραχμῆς Ἀττικῆς ὥστε τριώβολον [καὶ τοῦτο μὴ ξυνεχῶς] διδόνθαι, λέγειν κελεύων τὸν Τισσαφέρην πρὸς αὐτοὺς ὥς Ἀθηναῖοι ἐκ πλείονος [χρόνου] <sup>α)</sup> ἐπιστήμονες ὄντες τοῦ ναυτικοῦ τριώβολον \* τοῖς ἑαυτῶν διδόναι, οὐ τοσοῦτον πενίᾳ ὅσον ἴν' αὐτῶν μὴ οἱ ναῦται ἐκ περιουσίας ὑβρίζοντες, οἱ μὲν τὰ σώματα χεῖρων (l. χεῖρον) ἔχωσι [δαπανῶντες ἐς τοιαῦτα ἀφ' ὧν ἡ ἀσθένεια συμβαίνει], οἱ δὲ τὰς ναῦς ἀπολείπουσιν οὐχ ὑπολιπόντες ἐς ὀμηρεῖαν τὸν προσοφειλόμενον (l. προυφειλόμενον) μισθόν.

α) χρόνου exp. Kruegerus.

vv. καὶ τοῦτο μὴ ξυνεχῶς a Herwerdeno uncinis inclusa, ut omnia recte procedant in sententia, non sunt delenda sed, una particula μὴ in οὐ mutata, reducenda unde exciderunt ante vv. τοῖς ἑαυτῶν διδόναι, quo loco merito lacunam statuit Stahlus.

De altero emblemate recte sic iudicavit van der Mey (*Mnem.* a. 1883 p. 327): „Poteratne pro χεῖρον ἔχωσι dici ἀσθενέστεροι γίνωνται? nonne participio ὑβρίζοντες graviter et commode scriptor explanat, qua causa corpora nautarum attenuentur? ergo δαπανῶντες cum omnibus quae ex eo pendent, hic facessat”.

#### Ibidem § 4.

τὰς τε πόλεις δεομένας χρημάτων ἀπῆλασεν (ὁ Ἑρμοκράτης), αὐτὸς ἀντιλέγων ὑπὲρ τοῦ Τισσαφέρνους ὥς οἱ μὲν Χῖοι ἀναίσχυντοί εἰεν <sup>α)</sup>, <εἰ> <sup>β)</sup> πλουσιώτατοι ὄντες τῶν Ἑλλήνων ἐπικουρίᾳ [δὲ] <sup>γ)</sup> ἑμῶς σφζόμενοι ἀξιούσι, καὶ τοῖς σώμασι καὶ τοῖς χρήμασιν ἄλλους ὑπὲρ τῆς ἐκείνων ἐλευθερίας κινδυνεύειν· τὰς δ' ἄλλας πόλεις ἔφη ἀδικεῖν, αἱ <sup>δ)</sup> ἐς Ἀθηναίους πρότερον ἢ ἀποστήναι ἀνήλουν, εἰ μὴ καὶ νῦν τοσαῦτα καὶ ἔτι πλείω ὑπὲρ σφῶν αὐτῶν ἐβλήσουσιν ἐσφάινειν.

α) ἀναίσχυντοί εἰσιν Kruegerus. β) εἰ add. Kruegerus. γ) del. Herwerdenus. δ) αἱ cod. C Laurentianus.

Ut nihil ad sententiae integritatem desideretur, emendatio Kruegeriana, quam iniuria sprexit Hudius, ita perficienda est ut pro σφζόμενοι rescribatur σφζεσθαι.

In proxime sequentibus sententia enixe flagitat ut corrigamus: ἃ ἐς Ἀθηναίους . . . ἀνήλουν, εἰ μὴ καὶ νῦν τοσαῦτα . . . ἐβλήσουσιν ἐσφάινειν.

„Ceterae civitates iniuste agerent, si non quos sumtus

antea pro Atheniensibus facere consuevissent, eosdem et etiam plus nunc quoque pro se ipsis facere parati essent”.

In libris vetustioribus, in Thucydidis codice Laurentiano, ut hoc utar, vocalis *α* et diphthongus *αι* vel intentissima acie vix ac ne vix quidem distinguuntur.

### VIII c. 46 § 1.

παρήνει δὲ καὶ τῷ Τισσαφέρνει (ὁ Ἀλκιβιάδης) μὴ ἄγαν ἐπεί-  
γεσθαι διαλύσαι τὸν πόλεμον, μηδὲ βουλευθῆναι . . . τοῖς αὐτοῖς  
τῆς τε γῆς καὶ τῆς θαλάσσης τὸ κράτος δοῦναι, ἔχειν δ' ἀμφοτέ-  
ρους ἔαν δίχα τὴν ἀρχὴν καὶ \* βασιλεῖ ἐξεῖναι ἀεὶ ἐπὶ τοὺς  
αὐτῷ λυπηροὺς τοὺς ἑτέρους ἐπάγειν.

Expectes Thucydidem dedisse: καὶ τὰ vel καὶ οὕτως βασιλεῖ  
ἐξεῖναι.

### VIII c. 47 § 1.

ὁ δ' Ἀλκιβιάδης ταῦτα ἅμα μὲν τῷ Τισσαφέρνει καὶ [τῷ] \*)  
βασιλεῖ, ὦν παρ' ἐκείνοις, ἄριστα νομίζων παρήνει, ἅμα δὲ  
τὴν ἑαυτοῦ κάθοδον εἰς τὴν πατρίδα ἐπιθεραπεύων κτέ.

a) τῷ del. Bekkerus.

ὦν παρ' ἐκείνοις? num post Tissaphernem ipsum etiam re-  
gem Persarum adiit Alcibiades? εἶναι παρὰ τινι enim hoc  
loco non ut semper fere significare: *esse, degere apud aliquem*,  
sed, id quod Classenio videtur: „sich in Jemand's Schutze be-  
finden”, quis credat?

Commendo: ὥς ἄρ' ἐκείνοις ἄριστα νομίζων. Cf. e. g. Xen.  
Anab. V. 7.5: ἀκούω τινὰ διαβάλλειν ἐμέ, ὥς ἐγὼ ἄρα ἐξαπα-  
τήσας ὑμᾶς μέλλω ἄγειν εἰς Φᾶσιν.

### Ibidem § 2 s. f.

. . . Ἀλκιβιάδου προσπέμψαντος a) λόγους εἰς (1. πρὸς) τοὺς  
δυνατωτάτους αὐτῶν ἄνδρας ὥστε μνησθῆναι περὶ αὐτοῦ εἰς b) τοὺς  
βελτίστους τῶν ἀνθρώπων ὅτι ἐπ' ὀλιγαρχίᾳ βούλεται καὶ οὐ πο-  
νηρίᾳ [οὐδὲ δημοκρατίᾳ] c) τῇ ἑαυτὸν ἐκβαλοῦσιν κατελθὼν . . .  
αὐτοῖς ξυμπολιτεῦειν.

a) προσπέμψαντος recte habet cod. B. b) πρὸς em. Cobetus: ὥς βελτίστου cit.  
Madvigius. c) exp. Herwerdenus.

Mire dictum videtur: ἐπ' ὀλιγαρχίᾳ καὶ οὐ ποNHPIᾳ κατελ-

θόντα ξυμπολιτεύειν τινί. Naberus suspicatus est Thucydidis manum fuisse πολυαρχίᾳ; equidem scripserim: καὶ οὐ ποΛΙΤΕΐξ τῇ ἑαυτὸν ἐκβαλούσῃ.

In extremis libri exhibent: τὸ δὲ πλέον καὶ ἀπὸ σφῶν αὐτῶν οἱ ἐν τῇ Σάμῳ τριήραρχοι [τε τῶν Ἀθηναίων καὶ δυνατῶτατοι <sup>a)</sup>] ὥρμητο [ἐς τὸ] <sup>b)</sup> καταλῦσαι τὴν δημοκρατίαν.

a) κυβερνῆται cit. Classenius. b) ἐς τὸ exp. Herwerdenus.

Tolle quae inclusimus utpote plane otiosa et petita e praegressis quae supra laudavimus. Quomodo scriptura δυνατῶτατοι, in qua iure offendit Classenius, nasci potuit e vocabulo quod est κυβερνῆται?

#### VIII c. 48 § 1 s. f.

.... πολλὰς ἐλπίδας εἶχον αὐτοὶ τε ἑαυτοῖς οἱ δυνατοὶ <sup>a)</sup> τῶν πολιτῶν τὰ πράγματα, οἷπερ <sup>b)</sup> καὶ ταλαιπωροῦνται μάλιστα \* ἐς ἑαυτοὺς <sup>c)</sup> περιποιήσιν καὶ τῶν πολεμίων ἐπικρατήσιν.

a) δυνατῶτατοι cod. B. b) ὥπερ cit. Kruegerus. c) ἐξ αὐτοῦ Gertzius; ἐς ἑαυτοὺς del. Dobraeus.

Classenius, cui Dobraeus non persuasit vv. ἐς ἑαυτοὺς neque bene graece cum περιποιήσιν coniungi et post αὐτοὶ τε ἑαυτοῖς sine ullo lectoris commodo redundare, ad vv. οἷπερ καὶ ταλαιπωροῦνται μάλιστα annotat: „die nachträgliche und darum an ungewöhnlicher Stelle hinzutretende Einfügung dieser Worte... unterbricht die einfache Construction und hat zur Folge dass das vorausgeschickte ἑαυτοῖς in dem ἐς ἑαυτοὺς wieder aufgenommen wird". Mihi vero, cum universe negandum sit potentiores in omni civitate homines et optimates magis quam ceteros malis premi et miserandos esse, post μάλιστα aliquid intercidisse videtur quo significaretur (quod quam verum sit docet experientia) sub imperio populari id accidere solere. <ἐν δημοκρατίᾳ> supplere possis v. c. vel <δημοκρατούμενοι>.

Ceterum iusta misere turbatae sententiae structura redibit si transposueris:

πολλὰς ἐλπίδας εἶχον οἱ δυνατοὶ τῶν πολιτῶν — οἷπερ καὶ ταλαιπωροῦνται μάλιστα <ἐν δημοκρατίᾳ> — αὐτοὶ τε ἑαυτοῖς τὰ πράγματα περιποιήσιν καὶ τῶν πολεμίων ἐπικρατήσιν.

VIII c. 50 § 1 in.

(Phrynichus) δείσας . . . μὴ, εἰάν κατέλθῃ (ὁ Ἀλκιβιάδης), ὡς κωλυτὴν \* ὄντα κακῶς δρᾶν κτέ.

Lubenter suppleverim: ὡς κωλυτὴν <αὐτὸν> ὄντα.

VIII c. 54 § 3.

ἅμα τε διαβαλόντος καὶ Φρύνιχον τοῦ Πεισάνδρου παρέλυσαν τῆς ἀρχῆς καὶ τὸν ξυνάρχοντα Σκιρωνίδην.

Nullus dubito quin transponendum sit: ἅμα τε καὶ Φρύνιχον, διαβαλόντος τοῦ Πεισάνδρου, παρέλυσαν τῆς ἀρχῆς κτέ.

VIII c. 65 § 3.

λόγος τ' ἐκ τοῦ Φανεροῦ προεῖργαστο αὐτοῖς ὡς οὔτε μισθοφορητέον εἴη ἄλλους ἢ τοὺς στρατευομένους κτέ.

Ne in calce quidem a Hudio commemoratam video evidentem Herwerdeni emendationem προεῖρητο. Vitiosam lectionem procul dubio peperit id quod in initio capitis narratur: „καὶ καταλαμβάνουσι τὰ πλεῖστα τοῖς ἑταίροις προεῖργασμένα”.

VIII c. 66 § 5.

ἐνῆσαν γὰρ καὶ οὓς οὐκ ἂν ποτέ τις ᾔετο ἐς ὀλιγαρχίαν τραπέσθαι· [καὶ τὸ ἄπιστον οὗτοι μέγιστον πρὸς τοὺς πολλοὺς ἐποίησαν] \* καὶ πλεῖστα ἐς τὴν τῶν ὀλίγων ἀσφάλειαν ὠφέλησαν, βέβαιον τὴν ἀπιστίαν τῷ δήμῳ πρὸς ἑαυτὸν καταστήσαντες.

„τὸ ἄπιστον etc. qui differunt ab istis βέβαιον τὴν ἀπιστίαν” ? iure rogat Dobraeus. „an nondum statuerat secum Thucydides utrum horum praeferret” ?

Equidem Stahlie assentior vñ. καὶ τὸ ἄπιστον . . . ἐποίησαν eicienda esse existimanti ut interpretamentum quod in contextum irrepserit. Praeterea addendum esse arbitror: <οἱ> καὶ πλεῖστα . . . ὠφέλησαν κτέ.

VIII c. 67 in extr.

ἐλθόντας δ' αὐτοὺς τετρακοσίους ὄντας ἐς τὸ βουλευτήριον ἄρχειν ὅπῃ ἂν ἄριστα γιγνώσκωσιν αὐτοκράτορας καὶ τοὺς πεντακισχιλίους δὲ ξυλλέγειν ὁπόταν αὐτοῖς δοκῇ.

Imo τοὺς πεντακισχιλίους δὴ ξυλλέγειν.

## VIII c. 71 § 1.

.... οὐδ' ἐν τῷ παρόντι πάνυ τι πιστεύων μὴ οὐκ ἐτι τὰ ρά-  
τεσθαι αὐτοὺς, τοῖς μὲν ἀπὸ τῶν τετρακοσίων ἐλθοῦσιν οὐδὲν  
ξυμβατικὸν ἀπεκρίνατο κτῆ.

ταράττεσθαι cum Nabero in τὰ ράξεσθαι mutandum esse  
nec Hudius nec quisquam alius, opinor, admonitus negabit.  
Cf. VII, 36. 6: „Syracusani existimarunt Athenienses ξυμφερο-  
μένους, ἣν πῃ βιάζονται, .... προσπίπτοντας ἀλλήλοις τὰ ρά-  
ξεσθαι.

Ibidem paulo inferius:

.... καὶ αὐτὸς (Agis) τῇ ἐκ τῆς Δεκελείας Φρουρᾷ μετὰ τῶν  
\* ἐλθόντων κατέβη πρὸς αὐτὰ τὰ τεῖχη τῶν Ἀθηναίων α).

a) Ἀθηναίων Herwerdenus: Ἀθηναίων Hudius cum codd.

Iure Gertzius requirit: ἐπελθόντων. Cf. § 2 s. f.: τοὺς δ' ἐπελ-  
θόντας ὀλίγας τινὰς ἡμέρας ἐν τῇ γῇ μέινοντας ἀπέπεμψεν ἐπ'  
οἴκου.

In continuo sequentibus:

ἐλπίσας ἢ παραχθέντας αὐτοὺς μᾶλλον ἂν χειρωθῆναι σφίσιν ἢ  
βούλονται, ἢ καὶ αὐτοβοεῖ ἂν διὰ τὸν ἔνδοθεν τε καὶ ἔξωθεν κατὰ  
τὸ εἶκος γενησόμενον θόρυβον α) τῶν [γὰρ] b) μακρῶν τειχῶν [διὰ  
τὴν κατ' αὐτὰ ἐρημίαν] λήψεως c) οὐκ ἂν ἀμαρτεῖν.

a) τῆς in cod. A add. manus sec. expuncto γὰρ. b) γούν praeunte Bauero  
corr. Hudius. c) λήψεως del. Kruegerus.

Futiles emblemata abiecto cum cod. A<sup>2</sup> legerim: ἢ καὶ αὐτο-  
βοεῖ ἂν διὰ τὸν ἔνδοθεν τε καὶ ἔξωθεν .... γενησόμενον θόρυβον  
<τῆς> τῶν μακρῶν τειχῶν λήψεως οὐκ ἂν ἀμαρτεῖν.

Agis ob tumultum, quem intra simul et extra fore expecta-  
ret, longos muros se facili negotio capturum esse putabat.

διὰ τὴν κατ' αὐτὰ ἐρημίαν: propter solitudinem quae circum eos  
muros esset, male seduli commentatoris ineptum inventum esse  
videtur.

Ibidem § 2.

ὥς δὲ προσέμειξέ τ' ἐγγὺς καὶ οἱ Ἀθηναῖοι τὰ μὲν ἔνδοθεν οὐδ'  
ὁπωστίοῦν ἐκίνησαν .... οὕτω δὲ \* γνοὺς ἀπήγαγε πάλιν τὴν  
στρατιάν.

Si Classenium audis, participium γνούς hic prorsus idem valet quod αἰσθόμενος, ut satis otiose vertendum sit: „ita de-  
mum *re perspecta* receptui canit”. Equidem scriptorem potius dedisse suspicor: <μετα>γνούς.

Agis ubi intellexit se urbe (sicuti sperarat) nullo modo potiri posse, *mutat consilium* copiasque reducit (cf. Thuc. I, 44 in.).

### VIII c. 75 § 1.

οἱ δ' ἀκούοντες <sup>a)</sup> ἐπὶ τοὺς τὴν ὀλιγαρχίαν μάλιστα ποιήσαντας  
καὶ ἐπὶ <sup>b)</sup> τῶν ἄλλων τοὺς μετασχόντας τὸ μὲν πρῶτον ὥρμησαν  
\* βάλλειν κτῆ.

a) ἀκούοντες codd. BC: ἀκούσαντες ceteri. b) ἐπὶ CGM: ἔτι ABEF.

VIII, 84 § 3 codices habent: τὸ δὲ πλῆθος . . . ὥρμησαν ἐκ-  
γέντες ἐπὶ τὸν Ἀστυόχον ὥστε βάλλειν. Neque probabile est  
Thucydidem nostro loco aliter locutum esse.

### VIII c. 76 § 3.

. . . . καὶ παραινέσεις ἄλλας τε ἐποιοῦντο . . . . καὶ ὥς οὐ δεῖ  
ἀθυμεῖν ὅτι ἡ πόλις αὐτῶν ἀφέστηκε· τοὺς γὰρ ἐλάσσους ἀπὸ  
σφῶν τῶν πλειόνων καὶ ἐς πάντα ποριμωτέρων μεθεστάναι.

„pauciores enim a se qui numero plures essent defecisse.”

Num recte cogitatum et recte dictum est, quod nusquam  
alibi quod sciam occurrit, μεθίστασθαι ἀπὸ τινος? Fieri potest  
ut negligentius scripserit Th., sed ἀφεστάναι sententiae unice  
convenire videtur.

### VIII c. 78 in.

Peloponnesiorum classiarii milites qui Mileti in statione erant  
κατὰ σφᾶς αὐτοὺς διεβόων ὥς ὑπὸ τε Ἀστυόχου καὶ Τισσαφέρνηους  
Φθείρεται τὰ πράγματα, τοῦ μὲν οὐκ ἐθέλοντος οὔτε πρότε-  
ρον ναυμαχεῖν . . . . οὔτε νῦν, ὅτε στασιάζειν τε λέγονται καὶ αἱ  
νῆες αὐτῶν οὐδέπω ἐν ταύτῃ εἰσιν, ἀλλὰ τὰς παρὰ Τισσα-  
φέρνηους Φοινίσσας ναῦς μένοντες, ἄλλως ὄνομα καὶ  
οὐκ ἔργον, κινδυνεύσειν διατριβῆναι· τὸν δ' αὖ Τισ-  
σαφέρνη τὰς τε ναῦς ταύτας οὐ κομίζειν, καὶ τροφὴν ὅτι οὐ  
ξυνεχῶς οὐδ' ἐντελῇ διδοὺς κακοῖ τὸ ναυτικόν. οὐκ οὖν [ἔφασαν] <sup>a)</sup>  
χρῆναι μέλλειν ἔτι, ἀλλὰ διαναυμαχεῖν.

a) ἔφασαν exp. Herwerdenus.

In structura variata arcte cohaerent ac respondent inter se: τοῦ μὲν (Ἀστυόχου) οὐκ ἐθέλοντος . . . τὸν δὲ Τισσαφέρην, inter quae nunc incommode hercle media intercedunt νν. ΑΛΛΑ . . . διατριβῆναι. Classenius haec omnia a διεβδών pendere facit: „ἀλλὰ μένοντες . . . κινδυνεύσειν, inquit, kehrt ohne Rücksicht auf die Construction des ersten abhängigen Satzgliedes (ὡς φθίρεται τὰ πράγματα) zu dem Hauptverbum διεβδών zurück.” Aliter vero nec sine causa me iudice iudicabat Toupius ad Long. p. 258 Weisk. qui legit μένοντος et post διατριβῆναι excidisse arbitratur τὰ πράγματα vel simile quid. Nescio tamen an locus, in quo tot lectores offenderunt, hunc in modum transponendo in integrum restitui possit una tantum coniunctione ἀλλὰ in καὶ mutata:

. . . . κατὰ σφῶς αὐτοὺς διεβδών ὡς ὑπὸ τε Ἀστυόχου καὶ Τισσαφέρους φθίρεται τὰ πράγματα καὶ τὰς παρὰ Τισσαφέρους Φοινίσσας ναῦς μένοντες . . . κινδυνεύσειν διατριβῆναι, τοῦ μὲν οὐκ ἐθέλοντος . . . οὐδέπω ἐν ταύτῃ εἰσι, τὸν δὲ Τισσαφέρην τὰς τε ναῦς ταύτας οὐ κομίζειν κτέ.

Classiarii alta voce clamabant „res suas ab Astyocho et Tisapherne pessum dari: dum Phoenissas istas naves — inane nomen et non factum — frustra opperiantur, periculum sibi fore ne cunctando funditus conterantur.”

### VIII c. 81 § 3.

ὑπιτχνεῖτο δὲ οὖν τὰδε μέγιστα ἐπικομπῶν ὁ Ἀλκιβιάδης, ὡς Τισσαφέρηνς αὐτῷ ὑπεδέξατο ἢ μὴν, ἕως ἄν τι τῶν ἑαυτοῦ λείπηται, εἰ ἂν Ἀθηναίοις πιστεύσῃ, μὴ ἀπορήσειν αὐτοὺς τροφῆς κτέ.

Potior, utpote naturalis, ordo esset:

ὡς Τ. αὐτῷ ὑπεδέξατο, εἰ ἂν Ἀθηναίοις πιστεύσῃ, ἢ μὴν, ἕως ἄν τι τῶν ἑαυτοῦ λείπηται, μὴ ἀπορήσειν αὐτοὺς τροφῆς.

### VIII c. 82 § 2.

ὁ δὲ τὸ μὲν ἐπὶ τὸν Πειραιᾶ πλεῖν τοὺς ἐγγυτέρω πολεμίους ὑπολιπόντας καὶ πάνυ διεκώλυσε πολλῶν ἐπειγομένων κτέ.

Vidit Hudius, quod non viderat Classenius, iungi non posse: πάνυ διεκώλυσε itaque transposuit: διεκώλυσε πολλῶν καὶ πάνυ

ἐπειγομένων. Aliquanto rectius forsitan transposueris: καὶ πάνυ πολλῶν ἐπειγομένων διεκάλυσε. Cf. v. c. III. 93. 2 et VIII. 28. 3.

### VIII c. 83 § 2.

Alcibiadis reditu cognito Peloponnesii qui Mileti erant καὶ πρότερον τῷ Τισσαφέρνει ἀπιστοῦντες πολλῶ δὴ μᾶλλον ἔτι διεβέβληντο. Ξυνηνέχθη γὰρ αὐτοῖς κατὰ α) τὸν ἐπὶ τὴν Μίλητον τῶν Ἀθηναίων ἐπίπλουν, ὥς οὐκ ἠθέλησαν ἀνταναγαγόντες ναυμαχῆσαι, πολλῶ ἐς τὴν μισθοδοσίαν τὸν Τισσαφέρνη ἀρρωστότερον γενόμενον [καὶ] ἐς τὸ μισεῖσθαι ὑπ' αὐτῶν πρότερον ἔτι τούτων διὰ τὸν Ἀλκιβιάδην ἐπιδεωκέναι.

α) κατὰ corr. Dukerus: καὶ libri.

Sententia confusa in qua vñ. πρότερον ἔτι τούτων in fine posita — si genuina sunt — quid aliud significare possunt nisi id quod in initio legimus: κατὰ τὸν . . . τῶν Ἀθ. ἐπίπλουν? Dissociata locis apte ligabis transferendo:

Ξυνηνέχθη γὰρ αὐτοῖς καὶ πρότερον ἔτι τούτων, κατὰ τὸν ἐπὶ τὴν Μ. τῶν Ἀθ. ἐπίπλουν, κτέ. Copula καὶ ante ἐς τὸ μισεῖσθαι misere abundat.

### VIII c. 86 § 6.

[αὐτοῖς] δ' ἀποκρινάμενος αὐτοῖς ἀπέπεμπεν ὅτι κτέ.

Classenius: „in αὐτὸς δὲ . . . ist das unbegrenzte Selbstgefühl des Alkibiades . . . treffend geschildert”; mihi nescio quomodo vitium sonat αὐτὸς . . . αὐτοῖς. Num hoc vult rerum scriptor: ipse eos responso dato dimittebat? Vereor ne nominativus ille natus sit e dittographia. Verborum contextui certe plane sufficeret: ἀποκρινάμενος δ' αὐτοῖς (sive mavis αὐτοῦς) ἀπέπεμπεν.

In extr.: τοὺς μέντοι τετρακοσίους ἀπαλλάσσειν ἐκέλευεν αὐτοὺς καὶ καθιστάναι τὴν βουλὴν ὥσπερ καὶ πρότερον [τοὺς πεντακοσίους] magistellum olet istud τοὺς πεντακοσίους.

### VIII c. 90 in.

οἱ δὲ τῶν τετρακοσίων μάλιστα ἐναντίοι ὄντες τῷ τοιούτῳ εἶδει καὶ προεστῶτες, Φρύνιχός τε . . . καὶ Ἀρίσταρχος . . . καὶ Πείσανδρος κτέ.

Turbatam orationem probabiliter corrigere possis traiciendo:

οἱ δὲ τῶν τετρακοσίων προεστῶτες, <οἱ> καὶ μάλιστα ἐναντίοι ὄντες τῷ τοιούτῳ εἶδει: *Phrynichus scilicet et Aristarchus et Pindander* etc.

### VIII c. 92 in.

διόπερ καὶ τὸ τεῖχος τοῦτο, πυλίδας ἔχον καὶ ἐσόδους καὶ ἐπεσαγωγὰς [τῶν πολεμίων], ἐτείχιζόν τε προθύμως καὶ Φθῆναι ἐβούλοντο ἐξεργασάμενοι.

ἐπεσαγωγὰς τῶν πολεμίων Grote (Hist. of Gr. VIII p. 64) esse existimat: „facilities for admitting an enemy either from the seaside, or from the landside”. Quae interpretatio quam absurda sit dicit Naberus: „nimium stultum esse credere commodiora loca fuisse ad hostes quam suos accipiendos”. Nec ulla potest esse dubitatio, si quid video, quin ad rem frumentariam vocabulum spectet. Cf. quae c. 90 in fine narrantur de porticu ἐς ἣν καὶ τὸν σῖτον ἠνάγκαζον πάντας τὸν ὑπάρχοντά τε <ἐσκομίζειν> κτέ. Incertus tamen haereo utrum cum Nabero rescribam ἐπιτηδείων an melius una litura deleatur τῶν πολεμίων, ut ἐπεσαγωγὰς absolute accipiendum sit de victu quemadmodum de hominibus ἐσόδους. Interpolationi ansam dederint verba quae proxime antecedunt (c. 91 § 3): ἀλλὰ καὶ τοὺς πολεμίους ἐσαγαγόμενοι.

### VIII c. 94 § 1.

.... ἀγγέλλονται αἱ δύο καὶ τεσσαράκοντα νῆες καὶ ὁ Ἀθησανδρίδας ἀπὸ τῶν Μεγάρων τὴν Σαλαμῖνα παραπλεῖν· καὶ πᾶς τις [τῶν ὀπλιτῶν] <sup>a)</sup> αὐτὸ τοῦτο ἐνόμιζεν εἶναι τὸ πάλαι λεγόμενον ὑπὸ Θηραμένους καὶ τῶν μετ' αὐτοῦ, ὥς ἐς τὸ τείχισμα ἔπλεον αἱ νῆες, καὶ χρησίμως ἐδόκει καταπεπτωκέναι.

a) τῶν πολλῶν cod. B: τῶν πολιτῶν cit. Gertzius: del. Classenius.

Equidem longe praetulerim ipsumque scriptorem praetulisse coniecerim huncce fere vv. ordinem:

καὶ πᾶς τις, ὥς ἐς τὸ τείχισμα ἔπλεον αἱ νῆες, αὐτὸ τοῦτο ἐνόμιζεν εἶναι τὸ πάλαι λεγόμενον ὑπὸ Θηραμένους κτέ.

Ibidem paulo inferius:

οἱ δ' οὖν Ἀθηναῖοι, ὥς ἡγγέλθη αὐτοῖς, εὐθὺς δρόμῳ ἐς τὸν

Πειραιᾷ πανδημεὶ ἐχώρουν, ὥς τοῦ ἰδίου πολέμου μερίζονος [ἦ] ἀπὸ τῶν πολεμίων οὐχ ἐκὰς ἀλλὰ πρὸς τῷ λιμένι ὄντος.

Coniunctionem ἢ Hudius cum scholiasta („περιαιρετέον τὸν ἢ σύνδεσμον”) et plerisque editoribus induxit. Cf. et Greg. Cor. de dial. Att. p. 90. Ceterum verba ambigua, in quibus vv. dd. bene multi offenderunt quaeque variis modis corrigere et explanare non desinunt (vide Classen Anhang p. 188), omni obscuritate ac dubitatione carebunt, si cum Gish. Koenio (Greg. Cor. p. 89) transposuerimus:

ὥς μερίζονος, τοῦ ἰδίου, πολέμου ἀπὸ τῶν πολεμίων .... ὄντος.

„quippe ab hostibus externis maiore imminente bello quam bellum civile erat.”

#### VIII c. 96 § 2.

ὅπου γὰρ .... ἄδηλον ὃν ὁπότε σφίσιν αὐτοῖς ξυρράξουσι, τοσαύτη [ἦ] ξυμφορὰ ἐπεγεγένητο, ἐν ἣ ναῦς τε καὶ τὸ μέγιστον Εὐβοίαν ἀπολωλέκεσαν κτέ.

Articulus uncinis inclusus male abundare videtur.

#### Ibidem § 4.

.... καὶ ἐν τούτῳ Ἑλλήσποντός τε ἂν ἦν \* αὐτοῖς καὶ Ἰωνία .... καὶ ὥς εἰπεῖν ἢ Ἀθηναίων ἀρχὴ πᾶσα.

Si, quod nemo dubitat, recte interpretantur: *in eorum protestatem venisset*, vide ne necessario supplendum sit: <ὕπ> αὐτοῖς.

#### VIII c. 98 § 1.

.... Ἀρίσταρχος δ' αὐτῶν μόνος .... λαβὼν κατὰ τάχος τοξότας τινὰς .... ἐχώρει πρὸς τὴν Οἰνόνην [HN Δ] Ἀθηναίων ἐν μεθορίοις τῆς Βοιωτίας τεύχος κτέ.

„ad Oenoe contendebat, castellum in confiniis Boetiae.” Cf. II. 18. 2: ἢ γὰρ Οἰνὸν οὔσα ἐν μεθορίοις τῆς Ἀττικῆς καὶ Βοιωτίας ἐτετείχιστο καὶ αὐτῷ Φρουρίῳ οἱ Ἀθηναῖοι ἐχρῶντο. Ad vv. ἦν δ' Ἀθηναίων τεύχος Classenius annotat: „das Impf. in die Ortsbeschreibung aus der Erzählung übergegangen wie I, 63: οἱ δ' ἀπὸ τῆς Ὀλύμβου .... βοηθοὶ (ἀπεῖχε δὲ ἐξήκοντα μάλιστα

σταδίου;) κτέ." Quo loco tamen Bekkerus sive ex ingenio sive ex optimo codice Laurentiano dudum restituerat ἀπέχει.

Praestabit, ut opinor, Dobraeum sequi literas ΗΝΔ expellentem utpote quas inter Οινόην et Ἀθηναίων pepererit ditto-graphia. Cuius emendationem aut omnino spernunt aut in cal-cem relegant editores.

Ibidem § 2.

.... ἐπολιόρκουν δ' αὐτὸ διὰ ξυμφορὰν σφίσιν ἐκ τῆς Οινόης γενομένην ἀνδρῶν ἐκ Δεκελείας ἀναχωρούντων [διαφθορᾶς] <sup>a)</sup> οἱ Κορίνθιοι ἐβελοντηδὸν κτέ.

a) διὰ φθοράς B; διαφθορὰν cit. Reiskius.

Praeunte Goellero editores, quo traditam lectionem contra Reiskium defendant, cum vv. ξυμφορὰν .... διαφθορᾶς compo-nunt quod extat apud nostrum I. 33: ἡ ξυντυχία τῆς ἡμετέρας χρείας.

Quasi apud Thucydidem (ut apud Euripidem nonnumquam) inter ξυμφορά = ἀτυχία, κακοπάθεια, *clades*, *calamitas* et ξυν-τυχία, qua voce semper et ubique rerum fortuitarum *concur-sionem* et *casum* significat, nullum discrimen intercederet. Si me audis, quantocyus abice vocabulum cum plane inutile tum alieno loco positum.

Ad rem cf. c. 71.

VIII c. 105 § 2 s. f.

.... πρὶν οἱ Πελοποννήσιοι διὰ τὸ κρατήσαντες ἀδεῶς ἄλλοι ἄλλην ναῦν διώκειν <sup>a)</sup> ἤρξαντο μέρει τινι σφῶν ἀτακτότεροι γε-νέσθαι.

a) διώκοντες codd. ABFM.

Bekkerus, quem sequitur Hudius, contra meliorum librorum auctoritatem correxit διώκειν. Nec dubito quin prave dictum sit κρατήσαντες .... διώκοντες, sed cum Classenio rescribere malim: κρατῆσαι .... διώκοντες.

## AD LYGDAMI ELEGIAS.

SCRIPSIT

P. H. DAMSTÉ.



In elegiae primae initio sive versu 8 traditam lectionem *meis* editores retinent et versu 12 cum Italis *meum* pro codicum scriptura *tuum* reponunt, sive Mureto obsecuti illic *tuis* malunt quo facto hic servanda est tradita lectio, sive cum Postgatio pro *meis* legendum putant *novis*, vocabulum *facta* in vs. 12 utique corruptum esse eorum non unus censuit.

Summaque praetexat tenuis fastigia charta,

Indicet ut nomen littera facta meum.

Iam in editione Basil. a. 1569 legitur *pacta*, coniecit Livineius *picta*, L. Muellerus *festā*, editor vero recentissimus <sup>1)</sup> coniecturam suam *rubram* etiam in textum recepit atque miram intricatamque corruptelae excogitavit originem, ratus ortam eam esse ex praecedente *fastigia* ita ut pro *rubra* scriptum esset *fabra*, quo non intellecto librarii coniecissent *facta*.

At iure Eduardum Hillerum, qui bis Corpus Tibullianum edidit (anno 1885 Lipsiae ex officina Bernhardi Tauchnitz et anno 1891, quo mortuus est, in Postgatii Corpore Poetarum Latinorum), lectionem traditam retinuisse arbitror atque causam propter quam ita sentio exponam.

*Litteram* vel *litteras facere* pro: l. scribere inde a Plauti temporibus usque ad Iustinum locutio legitima fuit, cf. Plaut. Asin. 767: ne illi sit cera ubi facere possit litteras, Cic. Acad.

---

1) Lygdami Carmina accedit Panegyricus in Messallam edidit G. Némethy, Budapestini 1906.

4. 2: ne litteram quidem ullam facimus nisi forensem, Iustin. XXVII. 2: inde ad Antiochum facit litteras; nec non Ovidius, quem Lygdamus diligentissime imitatus est (rationem inversam ducit editor pg. 29, sed argumenta non attulit quibus sententiam usu receptam subverteret), Heroid. 5, 2 habet:

Ista Mycenaea littera facta manu.

Quoniam igitur non est quod verborum copulationem per se ipsam damnemus, restat quaestio num propter loci sententiam aliud epitheton flagitetur. Cum agatur de ornamentis et variis coloribus libri, Némethy contendit deesse non posse tituli rubro colore picti mentionem. At eo ipso quod tot libri ornamenta poeta enumerat, eiusmodi mentionem in tituli commemoratione nil desideramus. Quae cum ita sint, verba tradita iniuria vexata esse arbitror.

ELEG. II, 7:

Nec mihi vera loqui pudor est vitaeque fateri

Tot mala perpressae taedia nata meae.

Si ille poeta Lygdamus fuisset, quem imitari Ovidius non dedignatus esset „a iuvene usque ad senectutem in omnibus fere libris suis”, ut sunt Nemethei verba (pg. 30 supra), scripturum eum fuisse opinor:

vitaque fateri

Tot mala perpresso taedia nata mihi.

Nunc vero nihil mutandum censeo.

ELEG. III, 9:

Tum cum permenso defunctus tempore lucis

Nudus Lethaea cogeret ire rate?

Nonne haec abundantia *permenso defunctus tempore lucis* nimia est ita ut inepta fere videatur? Alterutrum verbum *permenso* aut *defunctus* non modo satis est sed alterum vix patitur, neque in locis ab editore allatis quibus verba illustraret, ullum video quo utrumque verbum copulentur. Nescio an pro *permenso* poeta scripserit *permisso*, quo verbo restituto idem habemus quod his verbis expressit Hor. Ep. II. 1. 21: terris semota suisque Temporibus defuncta.

Alios ante me idem offendisse video, nam Italos *praemensae* scripsisse Baehrens adnotavit.

In Elegia IV<sup>ta</sup> postquam poeta somnia vana esse exposuit, oraculis vero deorum et haruspicibus fidem esse habendam, atque miratus est homines pavidos nihilominus visa nocturna sacrificiis procurare, pergit vs. 11:

Et tamen, utcumque est, sive illi vera moneri,

Mendaci somno credere sive volent,

Efficiat vanos noctis Lucina timores e. q. s.

Editor Postgatii coniecturam *solent* recepit, quod nullus hic futuro locus neque *volent* cum *vera moneri* apte iungi posset. At perperam eum hunc locum intellexisse credo, qui in commentario ad verba *vera moneri* adscripserit: 'sc. somniis'. Adscribere oportuit: 'sc. a divis, cl. vs. 5'. Quidni? Lygdamus diserte docuit, somniis fidem omnino negandam, divos vero *vera monere* (vs. 5) sc. oraculis, at tamen homines credulos somniis fallacibus credere; deinde sermonem de absurda hominum credulitate abruptit versibus supra laudatis. Parva tantum mutatione facta At *tamen* pro Et *tamen* locum ita interpreto: At tamen, quocumque modo res se habet, sive homines *vera moneri* volent, oraculis deorum et haruspicibus fidem habentes, sive somniis fallacibus credere volent, meos huius noctis timores utique Iuno Lucina reddat irritos!

ELEG. IV. 43 Apollo in somnio poetam alloquitur:

Salve, cura deum: casto nam rite poetæ

Phoebusque et Bacchus Pieridesque favent:

Sed proles Semeles Bacchus doctæque sorores

Dicere non norunt, quid ferat hora sequens.

In verbis *proles Semeles Bacchus* nomen *Bacchus* glossa manifesta est, quæ epitheton aliquod ut puta *mollis*, cui primum *supra-scripta* fuit, detrusit postea.

ELEG. V. 21:

Parcite, pallentes undas quicumque tenetis

Duraque sortiti tertia regna dei.

Locus ut nunc legitur ita explicandus est ut *quicumque* cum *dei* iungatur atque ad *sortiti* subaudiatur *estis*: Percite, quicumque dei tenetis pallentes undas et sortiti estis dura tertia regna, vel, ut Housman mavult, *dura t. r.* Ita hucusque edito-

res omnes locum intellexisse videntur, quod magnopere miror. Primum constructio verborum molestissima est: ne dicam de duobus adiectivis diversi generis uni substantivo iunctis, vix quemquam esse opinor quin demum postquam distichon diligenter relegerit, ad *sortiti* verbum *estis* omissum et verbis *sortiti tertia regna dei* non Plutonem unum significari perspiciat. Et tamen ita factum oportuit, nam cum sortitio mundi facta sit inter Iovem, Neptunum, Plutonem, hic iure tertia regna sortitus dicitur, ceteros vero deos inferos sortitionis participes fuisse nusquam legi, cf. Ov. Met. V. 368: Cui triplicis cessit fortuna novissima regni, Senec. Herc. Fur. 837: tertiae regem sortis.

Pluto igitur unus dici potest Tartara sortitus esse, sed ceteri dei inferi Tartara tenere i. e. habitare optime dicuntur, cf. Ov. Fast. IV. 584 (de Proserpina): Nupta Iovis fratri tertia regna tenet.

Quae cum ita sint, unam litteram mecum muta neque aliter iam locus noster docebit. Legendum enim credo:

Parcite, pallentes undas quicumque tenetis

Ruraque sortiti tertia regna dei.

i. e. quicumque tenetis pallentes undas et rura dei, qui tertia regna sortitus est, i. e. Plutonis. Ceterum cf. Culex vs. 271 sqq.:

nec timuit Phlegethonta furens ardentibus undis

nec maesta obtenta Ditis ferrugine regna

defossasque domos ac Tartara nocte cruenta

obsita nec faciles Ditis sine iudice sedes.

et ibid. vs. 333: pallentesque lacus et squalida Tartara terrent.

ELEG. VI. 40. Lygdamus modo ut dolorem uxoris amissae abigat se ipsum et amicos ad bibendum admonet atque Bacchum invocat, modo Neerae amatae rursus reminiscitur. Tandem exclamat: 'Quid queror infelix? Turpes discedite curae: Odit Lenaeus tristia verba pater!' et subito deinde Ariadnam ita compellat:

39 Gnosia, Theseae quondam periuria linguae

Flevisti ignoto sola relicta mari:

Sic cecinit pro te doctus, Minoi, Catullus

Ingrati referens impia facta viri.

L. Muellerus lacunae signum post vs. 38 posuit, credibile non esse ratus tam abrupto sermone Lygdamum usum esse ad repetendam quam vss. 25, 26, 33—36 proposuerat sententiam: praeterea, cum toto hoc carmine de puellarum perfidia questus esset, poetam hoc loco exemplum feminae a viro deceptae proponere ne potuisse quidem, nisi id sententia munisset ut puta tali qualis legitur vs. 49 sq.

At non abruptus sermo videbitur neque quidquam desiderabis, cum facillimus sit a Baccho ad Ariadnam transitus, si Lygdamum non statim eam alloquentem feceris sed novum exemplum ita inducentem:

Gnosia Theseae quondam periuria linguae

Flevit in ignoto sola relictā mari.

Tertia persona ita restituta demum et vocativus *Minoi* non amplius prioris frigida manebit repetitio et apta fiet mentio Catulli C. 64 vs. 132—201; praeterea meam emendationem confirmant loci, quos imitatus est Lygdamus:

Ov. A. A. III. 35:

Quantum in te, Theseu, volucres Ariadna marinas

Pavit in ignoto sola relictā loco.

ibid. I. 527:

Gnosis in ignotis amens errabat harenis.

Cf. etiam Ov. Am. I. 7. 15:

Talis periuri promissaque velaque Thesei

Flevit praecipites Cressa tulisse notos.

Est in hac elegia alius locus qui parvo vitio laborare videtur, sc. vs. 23:

Quales his poenas qualis quantusque minetur,

Cadmeae matris praeda cruenta docet.

Melius locus comparatus erit, si pro *his* restitueris: *hic*.

His notulis unam ad Panegyricum in Messallam addere liceat.

Versu 181 sententiam sine coniunctione non apte cum praecedentibus cohaerere, iure editor post Dissenium observavit. Quod autem rogat, num versus exciderit, non credo: via leniore locum ad liquidum perferre posse mihi videor.

Postquam vs. 177—180 poeta affirmavit, vires sibi non suf-

ficere ad facta ingentia Messallae canenda, Valgium vero operi parem esse, haec sequuntur:

Languida non noster peragit labor otia, quamvis

Fortuna, ut mos est illi, me adversa fatiget.

Describit deinde calamitates suas et pergit vs. 190:

Sed licet asperiora cadant spoliisque relictis,

Non te deficient nostrae memorare Camenae.

Est igitur hic eius argumentandi cursus: Ego facta tua carmine epico celebrare nequeo, at potest Valgius tuus; neque tamen labor meus otiosus desidet, quamquam cladibus fortunae premor, nam vel sic, etiamsi maiores calamitates me opprimant, pro viribus meis te canam.

Nihil igitur desideramus nisi coniunctionem adversativam in vs. 181:

Languida non noster peragit labor otia.

Non male conicias: Languida non noster sed agit labor otia, cum locutio *otia agere* apud poetas etiam frequentior esse videatur quam *otia peragere*, cf. Ov. Fast. I. 68: Otia terra ferax, otia pontus agit, Verg. Georg. III. 376: segura sub alto Otia agunt terrae; sed veram lectionem ita restituendam puto:

Languida nec noster peragit labor otia.

Apud poetas et scriptores aetatis Augustae *nec* usurpari solere pro *ne* ... *quidem*, sed *non* res notissima est, de quo particulae usu vide Madvig, Cic. De Fin. Exc. III et Riemann, Études sur la langue et la grammaire de Tite-Live p. 277.

PLUT. DE CAP. EX INIM. UTIL. 90 F.

Durus sit et ferreus qui non laudet admireturque τὸν — (ἐχθρῷ) πταίσαντι συμπαθήσαντα καὶ δεηθέντι συλλαβόμενον καὶ παισὶν ἐχθροῦ καὶ οἰκείοις πραγμάτων ἐν χρεῖα γενομένοις σπουδὴν τινα καὶ προθυμίαν ἐνδείξάμενον.

Novimus omnes Trygaeum illum οὐκ ἔραστὴν πραγμάτων, et credimus alios in deliciis τὰ πράγματα habere, sed ne fingere quidem possumus homines qui *negotiorum indigeant*. Repone ergo id quod statim unicuique in mentem venit cum legit de hominibus qui indigentibus *opem* ferant: χρημάτων.

J. J. H.

## ΔΙΟΝΤΣΟΣ ΕΝ ΑΙΜΝΑΙΣ.

SCRIPSIT

C. GÜL. VOLLGRAFF.



Nuper in commentatiuncula quadam, quae in diario quod vocatur „Athenische Mittheilungen” publici iuris fiet, ostendere conatus sum cultum Liberi Eleutherei non, ut vulgo opinantur, VI<sup>o</sup> saeculo, sed anno 420 demum in urbem Athenarum receptum esse. Quod ut lectoribus probarem, argumentis usus sum: primum nobilissimos quinti saeculi sculptores Myronem eiusque filium Lycium in operum subscriptionibus semet ipsos Eleuthereos appellasse, quod quidem facere non potuissent, nisi patria eorum tunc temporis libera fuisset; tum e Thucydidis historiis luculenter patere Eleutheras vel initio belli Peloponnesiaci imperio Athenarum nondum adiectas fuisse. Cultum autem et antiquam dei imaginem Athenas transferri potuisse, cum ipsa civitas adhuc Boeotiae adscriberetur, quis credat? Contra Euripides in Supplicibus, quae fabula circiter anno 420 docta est, Eleutheras Theseo subiectas facit; quod sumere manifesto non potuisset, nisi tunc temporis oppidum iam e boeotio atticum esset factum. Accedit quod Athenis in vicinia theatri hodie rudera quaedam conspiciuntur duorum templorum, quorum alterum sexto saeculo, alterum fere anno 420 conditum esse demonstrarunt harum rerum periti. Habemus autem de hisce duobus aedificiis notissima Pausaniae verba (I, 20, 3): τοῦ Διονύσου δὲ ἐστὶ πρὸς τῷ θεάτρῳ τὸ ἀρχαιότατον ἱερόν· δύο δὲ εἰσὶν ἐντὸς τοῦ περιβόλου ναοὶ καὶ Διόνυσοι, ὃ τε Ἐλευθερεὺς καὶ ὃν Ἀλκαμένης ἐποίησεν

ἐλέφαντος καὶ χρυσοῦ. Ergo non est dubitandum quin alterum illud templum, quod circiter anno 420 vel paulo post aedificatum esse videatur, Libero Eleuthereo dicatum fuerit, cum cultus eius foris in urbem reciperetur. Iam vero illud etiam nullo negotio intellegimus, cur festo die, qui magnis Dionysiis antecedebat, pompae in honorem duorum diversissimorum numinum Liberi Eleutherei et Aesculapii ducerentur: etenim cultus Aesculapii quoque, ut titulus paucis ante annis in clivo arcis repertus docuit, anno 420 Epidauro Athenas translatus est. Quibus omnibus egregie confirmatur opinio Reischii, qui primus templum anni 420 ab aede, quam Plutarchus a Nicia ἐν Διονύσου i. e. ἐν τῷ τοῦ Διονύσου τεμένει conditam esse narrat <sup>1)</sup>, non diversum esse vidit.

Iam vero oritur alia quaestio, quam cum de Libero Eleuthereo agerem, tractare supersedi: quidnam de templo saeculi VI<sup>i</sup> prope theatrum sito censendum est? Liberi id quoque esse cum dicat Pausanias, age circumspiciamus cetera fana delubraque, quae huic numini Athenis dedicata fuisse testantur scriptores.

Duo in urbe erant Liberi templa vetustissima, quorum alteri τὸ ἐν Αἰμναῖς ἱερὸν, alteri τὸ Λήναιον nomen erat. Haec ubi posita essent, quaesiverunt multi, de quorum opinionibus satis esse duco studiosos relegare ad librum illum, quem duobus ante annis de topographia urbis Athenarum edidit Judeichius <sup>2)</sup>. Res eo difficilior est, quod hodie in pomoerio Athenarum unum tantum Διονύσιον repertum est, quod aut τὸ ἐν Αἰμναῖς ἱερὸν aut Lenaeum illud esse possit. Sunt quidem qui cum Doerpfeldio Foucartio <sup>3)</sup> Judeichio utrumque templum hic situm fuisse arbitrentur, rati aut uni eidemque aedificio duo nomina indita fuisse aut duo templa eodem loco stetisse eodemque muro fuisse inclusa. Haec tamen coniectura, si quid video, parum probabilis est. Cuius defensores nullo alio testimonio freti nisi hisce Hesychii verbis: Αἰμναί· ἐν Ἀθήναις τόπος ἀνειμένος Διονύσῳ, ὅπου τὰ Λήναια ἦγετο (cum quivis intellegat et alibi apud Hesychium diserte tradatur Lenaea acta esse in Lenaeo), duobus nominibus

1) Plut. Nic. 3: ὁ τοῖς χορηγικοῖς τρίποσιν ὑποκείμενος ἐν Διονύσου ναός.

2) Judeich, Topographie von Athen, p. 261—266.

3) Foucart, Le culte de Dionysos en Attique, p. 96.

quae sunt *Λίμναι* et *Λήναιον* unum idemque templum designari iusto audacius ne dicam temere suspicati sunt. Primum enim obiciendum est fieri posse ut Lenaea non semper eodem loco celebrata sint; scaenica certamina certe, postquam theatrum exstructum sit, e Lenaeo illuc translata esse (qua de re cf. Hesychius s. v. *ἐπὶ Ληναίῳ ἁγῶν*); Lenaea igitur si alibi in Lenaeo, alibi *ἐν Λίμναις* agi legatur, diversa scriptorum testimonia non necessario inter se repugnare. Sed inprimis animadvertas velim verba lexicī Hesychiani e fonte uberiore et melioris notae, ut videtur, negligenter descripta, sicut nunc habent, miserum in modum decurtata et mutilata esse. Quis enim grammaticus vel lexicographus de fano *ἐν Λίμναις* nihil aliud dixisset, nisi Lenaea ibi agi? Quod si mihi dederis, vide ne locus laudatus ad quaestionem de templis Liberi dirimendam plane inutilis sit. Quid in fonte Hesychii scriptum fuerit, nemo pro certo dixerit; equidem meo iure conicio hoc fere fuisse: *Λίμναι· ἐν Ἀθήναις τόπος ἀνειμένος Διονύσῳ, ὅπου τὰ Διονύσια τὰ ἐν ἄστει καὶ τὰ Ἀνθεστήρια καὶ ἐπειδὴ τὸ θέατρον ὠκοδομήθη καὶ τὰ Λήναια ἤγετο*, vel tale quid. Utut est, rationibus subductis mihi quidem constat fanum *ἐν Λίμναις* a Lenaeo omnino diversum esse.

Nunc vero revertamur ad aedem illam prope theatrum sitam, quam VI<sup>o</sup> saeculo conditam esse putant viri docti. Statim dicam quid sentiam. Antiqui templi *ἐν Λίμναις* fundamenta nos tenere persuasum habeo idque duabus maxime de causis.

Pausanias Athenis fanum Liberi iuxta theatrum unum omnium antiquissimum esse dicit. Collatis verbis auctoris orationis contra Neaeram, ubi § 76 legimus: *ἐν τῷ ἀρχαιοτάτῳ ἱερῷ τοῦ Διονύσου καὶ ἀγιοτάτῳ ἐν Λίμναις*, consentaneum esse apparet pervetusti aedificii rudera nostra memoria effossa, quae orchestrae theatri adiacent, τῷ *ἐν Λίμναις Διονύσῳ* vindicare.

Thucydides (II, 15) in arce stantibus maxime austrum versus iacere testatur *τό τε τοῦ Διὸς τοῦ Ὀλυμπίου (ἱερὸν) καὶ τὸ Πύθιον καὶ τὸ τῆς Γῆς καὶ τὸ ἐν Λίμναις Διονύσου*. Cum autem hodie unusquisque aut oculis suis conspiciere aut saltem ex inscriptionibus ipsis locis repertis concludere possit templa Iovis Apollinis Telluris revera haud procul a theatro tendere ad meridiem, nonne pro certo affirmare licet τὸ *ἐν Λίμναις ἱερὸν* ut et Ennea-

crunon (de qua cf. Thuc. ibidem paulo infra § 5) in eadem fere regione urbana sita fuisse?

In alia omnia tamen it Doerpfeldius verborum Thucydideorum explicationem proferens novam atque hucusque inauditam, quam nuper etiam Iohanna Harrison in libro qui inscribitur „Primitive Athens as described by Thucydides” copiose exposuit defenditque. Quid autem argumentatione efficere posse sibi videntur? Scilicet quattuor illa delubra a rerum scriptore nominata uno cum fonte Καλλιρρόη sive Ἐννεακρούνη in arce stantibus nequitiam ad meridiem, verum ad septentriones et occidentem iacere; Olympieum, Pythion, fanum Telluris, de quibus agit Thucydides, non notissima illa templa intellegenda esse, quae a theatro proxime abesse constat, sed altera eiusdem nominis in clivo arcis, qui ad septentriones spectat. Quae ut omnia revera ibi fuisse concesseris, tamen interpretatio Doerpfeldiana ideo stare non poterit, quod Thucydidem loco laudato non obscuriora quaedam, sed clarissima templa Iovi Olympio, Apollini Pythio, Telluri dedicata dicere consentaneum est. Sin minus, tam male scripsisse existimandus esset, ut ne aequales quidem libros eius intellegere potuissent.

Quodsi recte iudicavimus templum quod VI<sup>o</sup> saeculo aedificatum esse apparet Liberi τοῦ ἐν Ἀμναίς fuisse, sequitur etiam Enneacrunon non multum a theatro distare posse. Itaque non cum Doerpfeldio prope Areopagum, sed, ut vulgaris opinio obtinet, proxime alveum Ilissi collocanda est, ubi hodie quoque fons scatet et antiquum nomen Callirrhoe loco adhaeret.

Liberi templum ἐν Ἀμναίς theatro vicinum fuisse ante me coniecerunt multi, nominisque explicandi gratia quaesitum est, fueritne antiquis temporibus locus ille paluster necne; hodie enim siccus est si quis alius. Difficultatem auget, quod duo viri talium rerum periti, ad quos res dubia delata est, inter se plane dissentire videntur <sup>1)</sup>. Facit tamen vicinia fluminis, ut haud difficulter tibi persuadeas potissimum in hac parte urbis olim palustria esse potuisse.

Lenaeum autem, licet nusquam traditum inveniamus, ubi positum fuerit, tamen theatro vicinum fuisse negaverim; duo

1) Cf. Judeich, Rhein. Mus. 1893, p. 59, 1.

enim antiquissima fana eiusdem dei in eadem urbe collocata aliquantum inter se distare probabile est. Quare cum in fano Liberi, quod Doerpfeldius prope Areopagum effodit, etiam ληνός, i. e. torculum, inventus sit, quamvis certa documenta adhuc deficere fatendum sit, equidem Lenaeum illic potius situm fuisse crediderim.

## PLUTARCHUS.

Pseudo-Plut. de Liberis educandis I C.

καὶ μάλ' ὀρθῶς ὁ λέγων ποιητής Φησι .. (sequuntur duo versus ex Euripidis Hippolyto).

Ioculare vitium tollatur transponendo: λέγων δ. Cf. p. 4 A. καὶ οἱ παροιμιαζόμενοι δὲ Φασιν οὐκ ἀπὸ τρόπου λέγοντες.

Quom. quis suos in virtute sent. prof. 83 A.

Proficiatne aliquis in virtute an non etiam e somniis eius apparet. Id iam Plato intellexit, ergo

ἔξεμόρφωσε καὶ διετύπωσε τῆς φύσει τυραννικῆς ψυχῆς τὸ φανταστικὸν καὶ ἄλογον οἷα κατὰ τοὺς ὕπνους δρᾷ.

Immo vero οἷς: iis quae tyrannus in somniis agit Plato usus est ad týrannicae mentis speciem fingendam.

Pseudo-Plut. de Liberis educandis 7 F. „Neque in malis nimis esse tristem, neque in re secunda nimis elatum, neque in ira nimis acrem, haec sunt ..” scriptor ait

ἄπερ ἐγὼ πάντων τῶν ἐκ φιλοσοφίας περιγιγνομένων ἀγαθῶν πρεσβύτατα κρίνω.

Immo vero παραγιγνομένων: eas virtutes philosophia παρέχει, e philosophia παραγίνονται.

De Herod. mal. 855 F.

Quoniam Herodotus praesertim Boeotis et Corinthiis maledixit, oportet nos simul proavis nostris opem ferre et veritati.

Hinc efficio Corinthium fuisse Alexandrum illum cuius nomen libellus hic in fronte gerat. Sequitur:

κατ' αὐτὸ τοῦτο τῆς γραφῆς τὸ μέρος.

Absurdissima haec, nisi sumere velis, id quod absurdius etiam, Plutarchum ingens illud moralium opus plenum perfectumque ad Alexandrum mittere. Et vel sic cur illo loco potius quam alio Herodotum refutet? Lege: καὶ αὐτὸ τοῦτο τῆς γραφῆς τὸ τέλος: atque hoc huiusce libelli est propositum. Nunc demum apte sic pergit: „nam cetera Herodoti mendacia refutare qui vult illi multis opus est voluminibus”.

Quom. quis suos in virtute sent. prof. 85 F.

Qui se unquam divites fore desperant nihili faciunt parvas impensas μηδὲν οἰόμενοι ποιῆσειν μέγα τὸ μικρῷ τινι προστιθέμενον. Ne plane insaniant illi homines, ante μικρῷ insere μικρόν.

Sed quo quis propius accessit ad opulentiam eo fit parcior. Sic qui sibi ne minimorum quidem peccatorum veniam dat δῆλός ἐστιν ἤδη τι καθαρὸν κτώμενος ἑαυτῷ καὶ οὐδ' ὀπωσοῦν ἀξιῶν ῥυπαίνεσθαι.

Lege ἐν ἑαυτῷ, deinde observa quam inepte nunc bis idem dicatur et quam sit contorta structura. Utrique simul malo medeberis et venustissimam Plutarcho reddes sententiam legendo ἀξιῶν: καθαρὸν τι καὶ οὐκ ἀξιῶν ῥυπαίνεσθαι, puri aliquid quod nolit pollui.

Praec. reip. ger. 822 D.

Siqui magistratus, homines ipsi tenues, splendidos edunt ludos, semet ipsos ridiculos civibus suis faciunt:

οὐ γὰρ λανθάνουσιν ἐξασθενοῦντες ἢ φίλοις ἐνοχλοῦντες ἢ θεωπεύοντες δανειστάς.

Aut nihili verbum est ἐξασθενεῖν aut certe in hunc locum non quadrat. Quid sit reponendum contextus clamat. Tres enim fere modi sunt quibus homo tenuis, qui magnas vult facere impensas, praesentes sibi comparet nummos: aut apud mensarium facit versuram, aut negotia exhibet amicis, aut denique ... quid? Opinor: supellectilem vendit. Habebis hoc si ἐξαργυροῦντες legeris. Usitatus certe hoc sensu est ἐξαργυρίζειν, sed vel fingere verbum ἐξαργυροῦν hoc loco liceat.

J. J. H.

# PLATONICA.

SCRIPSIT

S. A. NABER.

(Continuantur ex pag. 28).



AD PHAEDRUM.

P. 227 A. Quod ex Annaeo Gazaeo Stallbaumius laudat: Ποῖ δὴ καὶ πόθεν, Ἄξιθες; id scribendum utique erit Εὐξιθες.

Ibid. 227 B: ἐν τῇδε τῇ πλησίον τοῦ Ὀλυμπίου οἰκίᾳ τῇ Μορυχίᾳ. Leve est reponere Ὀλυμπίου, sed hoc ipsum πλησίον τοῦ Ὀλυμπίου mihi docti lectoris videtur adnotatio. Certe Socrates non erat docendus, ubi Morychi domus esset.

Ibid. 228 A: εἰ ἐγὼ Φαῖδρον ἀγνοῶ καὶ ἐμαυτοῦ ἐπιλέλυσμαι. Hoc recte; sed interpolator cum metueret ne minus intelligeremus, adscripsit: ἀλλὰ γὰρ οὐδέτερά ἐσι τούτων.

Ibid. p. 229 A: ῥᾶσον βρέχουσι τοὺς πόδας ἵναί. Itane ῥᾶσον? Immo legendum ἄρισον.

Ibid. 233 B: οὐ τὴν παροῦσαν ἡδονὴν θεραπεύων συνέσομαι σοι. Omnino malim θηρεύων. Cf. Phaedr. 262 C: δόξαν τεθηρευκώς. Phaedr. 66 A: ἕκασον ἐπιχειρεῖ θηρεύειν. Lysid. 218 C: ἔχων ἀγαπητῶς ὃ ἐθηρεύεμην, Euthyd. 290 B, alibi. De hoc verbo cf. Heindorf. ad Gorg. p. 132 et H. Schmidt. ad Theaetetum p. 541.

Ibid. 234 E: *μηδαμῶς, ὃ Σώκρατες*. Excidit particula: *μηδαμῶς (γ')* ὃ Σώκρ. Exemplum ubique pullulant; in vicinia est p. 260 B.

Ibid. p. 234 E: *οἷι ἂν τιν' ἔχειν εἰπεῖν ἕτερα τούτων μείζω καὶ πλείω*; Necessarium duco *ἀμείνω*. P. 235 D legitur: *βελτίω τε καὶ μὴ ἐλάττω*.

Ibid. p. 235 A: *οἶός τ' ὦν ταῦτα ἐτέρως τε καὶ ἐτέρως λέγων ἀμφοτέρως εἰπεῖν ἄριστα*. L. cum Heindorfio: *ταῦτά*.

Ibid. p. 236 D: *οἶσθ' ὥς ἔχει· παῦσαι καλλωπιζόμενος*. Hic promere iuvat incertam suspicionem, de qua aliorum iudicia exspecto. Est nota locutio: *οἶσθ' ὥς ποιήσον*, de qua post Muretum *Var. Lect.* III 12 et Bentleium ad Menandr. p. 107 multi egerunt: Cobetus rem attigit: *Var. Lect.* p. 101, *Orat. Inaug.* p. 123 et plenissime *Mnem.* 1862 p. 439 et post eum Contus ἐν Ἑρμῇ *Λογίω* p. 140. Est ut postremo loco quem indicavi in *Mnemosyne* legimus: „*Οἶσθ' ὥς ποιήσω* optime habet, sed narrantis est, ut *οἶσθ' ὥς ποιήσον* est praeipientis et iubentis. Nulla, si hoc tenebis, potest esse usquam dubitatio, utra scriptura sit potior. Utrum quid narretur an iubeatur manifestum ubique est: itaque ubi futurum sequitur praesire futurum necesse est, ubi imperativus imperativum.” Hoc quam verum esset, post Elmsleium Cobetus nube exemplorum ita demonstravit ut ineptus sit qui dubitet; sed etiam nova quaedam afferre expeditum est. Veluti *Hermippi* locuta est ap. Athen. XI p. 476 A:

*Οἶσθα νῦν ὃ μοι ποιήσον; τήνδε νῦν μὴ μοι δίδου,  
ἐκ δὲ τοῦ κέρατος αὐτοῦ μοι δὸς πιεῖν ἅπαξ μόνον.*

Etiam in hoc ipso dialogo p. 237 A: *οἶσθ' οὖν ὥς ποιήσω . . . ἐγκαλυψάμενος ἐρῶ*. Est praeterea locutio *ἔχε δὴ*, hoc est *agedum* et *ἔχε ἡρέμα* et *ἔχε ἀτρέμας*, de qua Astius dixit ad *Leges* p. 19 et Schmidt. ad *Theaet.* p. 523 et Heind. ad *Gorg.* p. 41. Legitur v. c. apud Platonem *Cratyl.* 399 E, *Lach.* 198 B, *Gorg.* 460 A et 490 B, *Hipp. Mai.* 296 A et 298 C, *Hipp. Min.* 366 A, *Ion.* 535 B, *Legg.* I p. 627 C, alibi. Hisce omnibus in unum compositis non possum non suspicari scribendum esse: *οἶσθ' ὥς ἔχε; παῦσαι καλλωπιζόμενος*.

Ibid. 237 A: Ἄγετε δὴ, ὦ Μοῦσαι, εἴτε δι' ᾧδῆς εἶδος λιγείαι, εἴτε διὰ γένος μουσικὸν τὸ Λιγύων ταύτην ἔσχετε ἐπωνυμίαν, ξύμμοι λάβεσθε τοῦ μύθου. Miseret me interpretum, quos hic locus mire torsit, quum scholiastae fidem haberent et nescio quid de Liguribus somniarent. Aliunde inexpectata lux affulsit. Locum laudavit Heraclitus Alleg. Hom. et quidem sic: Ἄγετε δὴ, ὦ Μοῦσαι, εἴτε δι' ᾧδῆς εἶδος λιγείας, εἴτε διὰ γένος τι μουσικὸν ταύτην ἔσχετε τὴν ἐπωνυμίαν, ξύμμοι λάβεσθε τοῦ μύθου. Cf. Mehlerus *Praef.* p. xii.

Ibid. 239 A: πλείωνων γιγνομένων τε καὶ φύσει ἐνόντων.  
L.: ἐγγιγνομένων.

Ibid. 240 A: παιδικοῖς φθονεῖν οὐσίαν κεκτημένοις. Multo malim: κεκτημένῳ. Cf. supra p. 238 E: οὔτε δὴ κρείττω οὔτε ἰσούμενον ἐκὼν ἐραστῆς παιδικὰ ἀνέξεται. Lysid. 205 A: ἂν χρὴ ἐραστὴν περὶ παιδικῶν πρὸς αὐτὸν ἢ πρὸς ἄλλους λέγειν. Protag. 315 E: παιδικὰ Πausανίου τυγχάνει ὢν. Sed prae ceteris utilis locus Alcib. II p. 141 D: Ἀρχέλαον τὰ παιδικὰ ἐρασθέντα τῆς τυραννίδος ἀπέκτεινε, nam Aelianus Var. Hist. VIII 9, qui locum exscripsit, plane habet ἐρασθεῖς. Cf. praeterea Stallb. ad Phaedr. 238 E. et Hug. ad Symp. p. 40.

Ibid. 240 B: ἀλλὰ τις δαίμων ἔμιξε τοῖς πλείοις ἡδονήν. Continuo sequitur ἐπέμιξε, quod praestare dixerim.

Ibid. 240 E: φύλακας καχυποτόπους φυλατταμένῳ. Mira ita pergunt edere: longe praeferam καχυπόπτους, quod vocabulum praeterea recurrit Rep. III 409 C et confer Heindorfium p. 231.

Ibid. p. 240 E: πρὸς τῷ μὴ ἀνεκτῷ ἐπ' αἴσχει παρρησίᾳ κατακορεῖ καὶ ἀναπεπταμένη χρωμένου. Sic sine sensu editur, nec magis probaverim Heindorfianum ἐπισοχεῖς: commendo: ἐπαιοχεῖ παρρησίᾳ (καὶ) κατακορεῖ, sed sciendum est adiectivum ἐπαιοχέας ceterum apud Atticos scriptores non inveniri.

Ibid. 241 C: βλαβερῷ μὲν πρὸς οὐσίαν, βλαβερῷ δὲ πρὸς

τὴν τοῦ σώματος ἔξιν, πολὺ δὲ βλαβερωτάτῳ πρὸς τὴν τῆς ψυχῆς παιδευσιν. *Membrorum concinnitas altero loco postulat: βλαβερωτέρῳ.*

Ibid. 244 A: εἰ μὲν γὰρ ἦν ἀπλοῦν τὸ μανίαν κακὸν εἶναι, καλῶς ἂν ἐλέγετο· νῦν δὲ τὰ μέγιστα τῶν ἀγαθῶν ἡμῖν γίγνεται διὰ μανίας. In tali sententia καλῶς ἂν ἐλέγετο et καλῶς ἂν εἶχε et ταῦτα βέλτιστα sim. ut plurimum omittuntur, sed temerarium foret ubique locorum eiicere quod sine damno abesse possit nec tamen noceat. Ipse certe Cobetus, quum aetas vergeret ad senectutem, ἐπέχειν solebat, cf. *Mnem.* 1883 p. 14. Praeterea conferri possunt Schanzius in *Annal. Fleckeis.* 1870 p. 237 et Herwerdenus in *Mnem.* 1891 p. 338.

Ibid. 244 C. Fingit Socrates vocabulum οἰονισικὴν (sic enim scribam cum Bodl.), non οἰονοϊσικὴν, ἣν νῦν οἰωνισικὴν τῷ Ω σεμνύνοντες οἱ νέοι καλοῦσιν. Priore νῦν eiecto, malim: οἱ νῦν καλοῦσιν.

Ibid. 245 B: μηδὲ τις ἡμᾶς λόγος θορυβεῖτω δεδιττόμενος ὥς πρὸ τοῦ κεινημένου τὸν σώφρονα δεῖ προαιρεῖσθαι φίλον. De verbo δεδίττεσθαι haud incuriose quaesivit Piersonus ad Moer. p. 118, sed non assequor quid nunc quidem significare possit. Praeferam: αἰνιττόμενος, nam huius verbi frequens usus est apud Platonem, v. c. *Apol.* 21 B, 27 D, *Phaed.* 69 C, *Lysid.* 214 D, *Theaet.* 194 C, *Symp.* 192 D, *Charmid.* 162 A, *Rep.* I 332 B et V 479 C.

Ibid. 245 C. Contenderat Socrates: δεῖ οὖν πρῶτον ψυχῆς φύσεως περὶ θείας τε καὶ ἀνθρωπίνης ἰδόντα πάθῃ τε καὶ ἔργα τάληθες νοῆσαι. Deinde pergit: ψυχὴ πᾶσα ἀθάνατος et quae sequuntur. Sciolus autem intercalavit: ἀρχὴ δ' ἀποδείξεως ἥδε. Vix umquam vidi interpolationem quae tam nullo negotio argui posset; is quoque qui nondum usquam aliquid ex textu abiicere ausus est, nunc meam nimiam licentiam non carpet. Id miror nondum fuisse qui locum obelo notarent. Certe Hartmannus tacet, nec mihi Schanzius obtemperavit.

Ibid. 245 E: ψυχῆς οὐσίαν τε καὶ λόγον τοῦτον αὐτόν τις λέγων οὐκ αἰσχυνεῖται. Quod iam suscepi ostendere *Mnem.* 1876 p. 333, Plato ψυχῆς φύσιν solet appellare; veluti mox ταύτης οὐσης φύσεως ψυχῆς, p. 245 C ψυχῆς φύσεως περί, p. 270 C, 277 B, Alcib. I 123 E, Tim. 18 A, Legg. III 691 C, alibi fortasse; excipio corrupta verba Phaedr. 247 C, de quibus Madvigius egit p. 399. Est praeterea dignus quem conferas in Protagora locus p. 320 E: τοῖς δ' ἄοπλον διδοὺς φύσιν, deinde post pauca: πτηνὸν φυγὴν ἢ κατὰγειον οἰκησιν ἐνεμεν, ubi verum iudico πτηνὸν φύσιν. Saepe intellexisse mihi videor, ante ea tempora quibus vetustissimi nostri codices exararentur, fuisse cum compendiorum plurimus usus esset.

Ibid. 246 C: ἐπτερωμένη πάντα τὸν κόσμον διοικεῖ. In hoc dialogo fere reponere ausim poeticum verbum διοικνεῖ. Sed fortasse praestat cum Heindorfio servare vulgatam scripturam.

Ibid. 246 D: τὴν δ' αἰτίαν τῆς ἀποβολῆς . . . . λάβωμεν. Immo ἀναλάβωμεν requiro.

Ibid. 247 D: ἰδοῦσα διὰ χρόνου τὸ ὃν ἀγαπᾷ τε καὶ θεωροῦσα τὰληθῆ τρέφεται τε καὶ εὐπαθεῖ. Quanto significantius erit ἀγαταί! Cf. p. 259 B: τάχ' ἂν δοῖεν ἀγασθέντες.

Ibid. 250 A: οὐκέθ' αὐτῶν γίνονται. Expectaram cum Hirschigio: οὐκέτ' (ἐν) αὐτῶν γ. Multi de ea locutione egerunt et omnium fortasse postremus Cobetus *Mnem.* 1857 p. 319.

Ibid. 251 D: τὰ τῶν διεξόδων εἴματα, ἢ τὸ πτερὸν ὀρμᾷ. Alii videant an non praestet ὀργᾷ. Quae suspicio si fortasse probabitur, etiam p. 256 A: σπαργῶν δὲ καὶ ἀπορῶν erit fortasse qui malit: σπαργῶν δὲ καὶ ὀργῶν. De utroque verbo Ruhnkenium vide ad Timaeum.

Ibid. 252 A: ὧ παῖ καλέ· quam est inutile quod additur: πρὸς ὃν δὴ μοι ὁ λόγος. Primum velim corrigas: πρὸς ὃν δηλονότι ὁ λόγος· deinde ineptum additamentum una litura delendum.

Ibid. 253 E: σκολιός, πολὺς εἰκὴ συμπεφορημένος. Duplex de his verbis oritur dubitatio: primum mihi quidem verisimile est σκολιός forte in πολιός abiisse indeque malesana coniectura factum fuisse πολὺς. Nec magis tulerim συμπεφορημένος, pro quo cum Winckelmanno fere malim: συμπεφυρμένος, sicuti optime scribitur Phaed. 66 B: ξυμπεφυρμένη ἡ ψυχὴ μετὰ κακοῦ.

Ibid. 255 A. Hic non magis quidquam certi pronunciare ausim; etenim in verbis: πᾶσαν θεραπείαν ὡς ισόθεος θεραπευόμενος οὐχ ὑπὸ σχηματιζομένου τοῦ ἐρῶντος ἀλλ' ἀληθῶς τοῦτο πεπονθός, cum plerisque Codicibus et Hermia et Anecd. Bk. p. 68. 28, uno ductu scribendum arbitror: ὑποσχηματιζομένου. Miror quod Stallbaumius et Hermannus divisim scripserunt, etiamsi Ruhnkenius, Heindorfius, alii, compositum verbum iam agnoverint.

Ibid. 257 A: παλινφθία τοῖς ὀνόμασιν ἡναγκασμένη ποιητικοῦς τισι διὰ Φαῖδρον εἰρῆσθαι. Hic paulo fidentius loquar quam in proxime praecedentibus; contendo enim ἡναγκασμένη εἰρῆσθαι nimis contorte dictum esse: ecquid latet? Credo: κεκασμένη, quo rescripto εἰρῆσθαι sponte excidet. Nec sane improbandum quod in tali sententia poeticum verbum profertur. „In Phaedro”, ut Heusdus scribit, „dictio sic inigrat subinde prosae orationis fines, ut poetica atque adeo dithyrambica videatur. Sed vitia haec iuvenilis luxuriantisque ingenii qui est adeo severus quin huic aetati ignoscat?” Non Heusdio necesse fuit excusare quod hodie utique nemo vituperat, sed lepidum est videre contra Heusdium Stallbaumium anilliter σκιαμαχοῦντα et ἀδολεσχοῦντα. Ceterum, nam meritissimorum virorum manes placandi sunt, sciendum est verbum κεκάσθαι itidem legi Rep. I 334 B, ubi Homeri versiculus respicitur.

Ibid. 257 B: Λυσίαν τὸν τοῦ λόγου πατέρα αἰτιώμενος παῦε τῶν τοιούτων λόγων, ἐπὶ φιλοσοφίαν δέ, ὥσπερ ὁ ἀδελφὸς αὐτοῦ Πολέμαρχος τέτραπται, τρέφον. Dele propria Lysiae et Polemarchi nomina, nam Socrates nunc quidem, ubi id commode potuit fieri, non libenter usurpat propria aequalium nomina.

Itidem p. 268 A: τῷ ἐταίρῳ σου Ἐρυξιμάχῳ ἢ τῷ πατρὶ αὐτοῦ Ἀκουμένῳ, eo libentius nomina propria expunxerim, quoniam Dialogi initio non Eryximachus sed Acumenus Phaedri dicitur sodalis, quem Eryximachi filium fuisse suspicor, de nomine avi appellatum. Denique p. 279 A: ταῦτα δὴ ὡς ἐμοῖς παιδικοῖς Ἰσοκράτει ἐξαγγελῶ, σὺ δ' ἐκεῖνα ὡς σοῖς Λυσίᾳ, utar eodem remedio.

Ibid. 259 C: τὸ τετρίγων γένος γέρας λαβὼν μὴδὲν τροφῆς δεῖσθαι γενόμενον ἀλλ' ἄσιτόν τε καὶ ἄποτον εὐθύς ᾔδειν. Cum Badhamo transponendum participium γενόμενον ut fiat: εὐθύς γενόμενον ᾔδειν. Vide illam locutionem Phaed. 75 B et Theaet. p. 186 B, item Cobetum *Mnem.* 1860 p. 247.

Ibid. 260 D: εἴ τις ἐμὴ ξυμβουλή, κτησάμενος ἐκεῖνο, οὕτως ἐμὲ λαμβάνει. Loci sententia suadet ut scribatur: λαμβάνέτω.

Ibid. 263 D: εἰπὲ καὶ τόδε, εἰ ὠρισάμην ἔρωτα ἀρχόμενος τοῦ λόγου. Cum Lysia se comparat Socrates et in oppositione necessarium est: εἰ (ἐγὼ) ὠρισάμην.

Ibid. 264 B. Pergit Socrates carpere Lysiam: ἐμοὶ ἔδοξεν οὐκ ἀγεννῶς τοῦ πιδὼν εἰρήσθαι τῷ γράφοντι. Vertit Stallbaumius: *mihi satis confidenter a scriptore videtur dictum esse, quidquid ei in buccam venit*: satis bene ad sententiam, deinde addit: „Cum reprehensione dici istud οὐκ ἀγεννῶς non est obscurum, pro *cum audaci temeritate*: alias est *non intrepide, fortiter*”: quae significatio quatuor Platonis locis laudatis deinde comprobatur. Verum fierine potuit ut nunc „cum reprehensione” dicatur, quod ceteroquin laudi ducitur? Ipse, credo, Stallbaumius coniecturam amplexus fuisset, si lene se obtulisset remedium. Contuli equidem Ruhnkenium, qui ad Timaei Glossam: Ἀτενής· ἢ δ τῷ ἡθει εὐθύς καὶ ἀκλινής ἢ δ σκληρὸς καὶ ἀνύπεικτος πρὸς δ χρὴ ὑπεῖξαι, ad haec igitur verba cum alia multa scitu digna attulit, tum Plut. Cat. Mai. c. 5: ἀτενοῦς ἄγαν ἡθους ἐγὼ τίθεμαι καὶ μὴδὲν ἀνθρώπῳ πρὸς ἄνθρωπον οἰομένου κοινῶνημα τῆς χρείας πλέον ὑπάρχειν, ubi illud ἀτενοῦς Gesnero debetur, cum

olim legeretur: ἀγεννοῦς. Eadem correctione praeterea Ruhnkenius subvenit Maximo Tyrio: τὸ ἀγεννὲς τοῦ τῶν κηλουμένων τρόπου εἰκαζόντων ἀψύχοις σώμασιν. quis non potius, inquit, scribat τὸ ἀτενές. Alia excerpere expeditum est, veluti Arist. Vesp. 730. μηδ' ἀτενὲς ἄγαν ἀτεράμων τ' ἀνὴρ., quem locum Phrynichus respexit *Anecd. Bk.* p. 20. 16. Etiam Plato usurpavit Rep. VIII 547 E, ubi nominat ἀπλοῦς τε καὶ ἀτενεῖς ἄνδρας, sed quid opus est pluribus? Hoc arguit Socrates Lysiam scribendo non severe argumentorum ordinem servavisse, i. e. οὐκ ἀτενῶς.

Ibid. 264 E. Hoc ipsum igitur ut ostendat, confert Socrates epigramma quod in Midae monumento perhibebant insculptum esse, quod epigramma — sic enim mihi rem repraesento — propter laxam compositionem tunc temporis lippis et tonsoribus notum erat: itaque nihil opus erat addere: ὅτι δ' οὐδὲν διαφέρει αὐτοῦ πρῶτον ἢ ὕστατον τι λέγεσθαι. Nimirum hoc ipsum fecerat ut stultum poemation omnibus in ore esset.

Ibid. 265 D: εἰς μίαν ἰδέαν συνορῶντα ἄγειν τὰ πολλάκις διεσπαρμένα. Non intelligo hoc verbum συνορᾶν. praetulerim: συνείροντα.

Ibid. 267 C: ὦ παῖ. Sic semel ac sine exemplo Socrates Phaedrum alloquitur, qui, uti coniicimus, adolescens erat et pueritiam iamdudum post se reliquerat. Nonne melius erit: ὦ τᾶν? Cf. *Mnem.* 1899 p. 190.

Ibid. 269 D: οὐχ ἢ Τισίας πορεύεται δοκεῖ μοι φαίνεσθαι ἢ μέθοδος. Mihi quidem hoc improprie videtur dictum et praefero: Φέρεσθαι. Vide eiusdem confusionis exemplum 'Ερμ. Λογ. p. 169.

Ibid. 274 D: βασιλέως δ' αὖ τὸτ' ὄντος Αἰγύπτου ὅλης θαμοῦ περὶ τὴν μεγάλην πόλιν τοῦ ἄνω τόπου. Quidni scribitur νομοῦ? Cf. Tim. 21 E: Σαῖτικὸς ἐπικαλούμενος νομός· τούτου δὲ τοῦ νομοῦ μεγίστη πόλις Σαῖς.

Ibid. 276 B. Quantum video aliquid excidit: ἀγαπήν ἂν ἐν ὀγδόῳ μηνὶ ὅσα ἔσπειρε (μόλις) τέλος λαβόντα.

Ibid. 278 A. Planissime pro: τοὺς δ' ἄλλους χαίρειν ἔῶν requiritur infinitivus ἔῶν, sed longiorem locum in re levi parco describere.

## AD ALCIBIADEM I.

P. 106 B: ὡς διανοομένου σου [ταῦτ' ἐρωτῶ], ἃ Φῆμί σε διανοεῖσθαι. Inepte abundant verba quae notavi.

Ibid. 121 B: εἰ δέ σε δέοι καὶ τὴν πατρίδα Εὐρυσάκους ἐπιδεῖξαι [Σαλαμῖνα] ἢ τὴν Αἰακοῦ τοῦ ἔτι προτέρου [Αἰγιναν]. Mihi quidem propria Salaminis et Aeginae nomina addita displicent.

Ibid. 121 C: οὐ φρουρεῖται ἡ βασιλέως γυνὴ ἀλλ' ἡ ὑπὸ Φόβου. Hoc quidem absonum est, sed omnino facilis est correctio: ὑπὸ τροφοῦ. Sed in iis quae continuo sequuntur: μετὰ τοῦτο τρέφεται ὁ παῖς οὐχ ὑπὸ γυναικὸς τροφοῦ ὀλίγου ἀξίας ἀλλ' ὑπ' εὐνούχων, illud ipsum τροφοῦ libenter deleverim.

Ibid. 121 D. Sepositis aliquantisper criticis quaestionibus ut fessum animum meum reficiam, nunc digitum intendere lubet in ea quae sequuntur: nempe eunuchi curare debent ut regius puer κάλλιστος fiat, ἀναπλάττοντες τὰ μέλη τοῦ παιδὸς καὶ κατορθοῦντες. Dices fortasse tam absurdum institutum Platoni non potuisse probari indeque etiam liquido apparere hunc dialogum ex alia schola prodiisse; verum quid ipse in Legibus VII p. 789 E? Ne legibus, inquit, sanciat, sed moris sit τὴν κοῦσαν περιπατεῖν, τὸ γενόμενον δὲ πλάττειν τε οἷον κήρινον, ἕως ὕγρόν, καὶ μέχρι δυοῖν ἐτοῖν σπαργανῶν. Alia quae eodem pertinent facile est conquirere. Anecd. Bk. p. 504. 14: Σπαργανώματα· αἱ πρῶται Φασκίαι, σύνδεσμοι ἐν οἷς συνδεῖται τῶν ἄρτι τεχθέντων παιδίων τὸ σῶμα, ῥυθμιζόμενον ἐπὶ τὸ ὀρθότερον καὶ εὐμορφότερον. Plut. Lycurg. 16 nunc quidem Platone sapientius: ἦν δὲ περὶ τὰς τροφὰς ἐπιμέλειά τις μετὰ τέχνης, ὥς ANET ΣΠΑΡΓΑΝΩΝ

ἐκτρεφούσας τὰ βρέφη, τοῖς μέλεσι καὶ τοῖς εἵδεσιν ἐλευθέρια ποιεῖν, ἔτι δὲ εὐκόλα ταῖς διαίταις καὶ ἄσικχα καὶ ἀθαμβῇ σκότου καὶ πρὸς ἐρημίαν ἄφοβα καὶ ἄπειρα δυσκολίας ἀγεννοῦς καὶ κλαυθυρισμῶν. Praeterea traditur talem Spartanam nutricem educavisse Alcibiadem, qui in hoc dialogo fortasse mulierculae non meminit. Sed Aristoteles etiam longius progreditur quam ipse Plato: de Rep. VII 17: πρὸς δὲ τὸ μὴ διασρέφεσθαι τὰ μέλη (τῶν παιδίων) δι' ἀπαλότητα χρώνται καὶ νῦν ἓνια τῶν ἐθνῶν ὀργάνοις τισὶ μηχανικοῖς, ἃ τὸ σῶμα ποιεῖ τῶν τοιούτων ἀσραβέες. Quam hoc indignarentur nostri medici, si Graece intelligerent.

Ibid. p. 122 C. Rædeo non quidem in meum regnum, sed tamen in meam provinciam. Non fero *θεραπόντων* πλῆθος ἀκολουθίας et primum vocabulum delendum censeo, nam inter *θεράποντας* et ἀκολουθους nihil interest.

Ibid. 123 C. Hunc locum adde iis quae disputavi *Mnem.* 1899 p. 176, ut appareat divitissimos cives Athenienses vix trecenta πλέθρα possedissee; hinc etiam magis corroboratur, quod tunc demonstrare suscepī.

Ibid. 132 D: κινδυνεύει γὰρ οὐδὲ πολλαχοῦ εἶναι παράδειγμα αὐτοῦ ἀλλὰ κατὰ τὴν ὄψιν μόνον. Immo legendum: οὐδέ ποτ' ἀλλαχοῦ.

#### AD ALCIBIADEM II.

P. 138 C: ἐξὸν αὐτῷ τῶν παρόντων κακῶν ἀποτροπὴν τινα εὔξασθαι. Sine sensu ita editur: lege: εὐρέσθαι. Cf. p. 148 D: ἀποτροπὴν εὔρειν et de eo loco *Mnem.* 1883 p. 19.

Ibid. 142 B: συμφοραῖς δὲ χρησαμένων. Hic prorsus inutiliter additum reperies: ὥς εἰς ἐρηθῆναι.

Ibid. 143 A: τὰ δὲ δεινὰ καὶ εὐχομένοις ἀπαλέξειν κελεύει. Rectissime Cobetus *Mnem.* 1883 p. 17 scribit perperam adscriptum fuisse *κελεύει*, sed expuncto finito verbo, simul ἀπαλέξειν convertendum erit in imperativum: ἀπάλεξον.

Ibid. 148 D: *ξυνέβαινεν ἀεὶ τῇ πόλει [ᾧς τε καὶ] κατὰ γῆν καὶ κατὰ θάλατταν [ὅποτε μάχη γένοιτο] δυσυχεῖν.* Ipse videt absurdam interpolationem.

Ibid. 150 D. In inepta confabulatione Alcibiades merus stipes est qui nihil intelligit indeque rogat: *ἤδιστα γὰρ ἂν μοι δοκῶ ἰδεῖν τοῦτον τὸν ἄνθρωπον τίς ἐστιν.* Cui Socrates: *οὗτος ᾧ μέλει περὶ σοῦ.* Intelligi poterit: *οὗτος ᾧ μέλει παρὰ σοί.* et conferre poteris Ruhnk. ad Tim. p. 279. Adde Heindf. ad Gorg. p. 384 et F. H. E. Wolff. de Schol. Plat. p. 46.

## AD HIPPARCHUM.

P. 229 D: *καὶ τοὺς περιαλήσαντας οὕτως ἀποκτεῖναι τὸν Ἴππαρχον.* Non vacat plura describere ut appareat verum esse: *τούτους περιαλήσαντας.*

Ibid. 231 A: *ἄρα κέρδος λέγεις πᾶν κτήμα, ὃ ἂν τις κτήσεται ἢ μηδὲν ἀναλώσας ἢ ἔλαττον ἀναλώσας πλέον λάβῃ.* Vera lectio est *λαβών*, nonne?

## AD RIVALES.

P. 132 A: *γράφοντες ἐφαιέσθην.* Scribe: *γράφοντες*, ut paulo supra *ἐρίζοντες* et mox *ἐπικλίνοντες* et *ἐσπουδακότες*. Perpetuo hic offendimus dualem, sicuti p. 133: *ἐπακούσαντες τῷ μεираκίῳ ἐσιγησάτην καὶ αὐτὸ παυσαμένῳ τῆς ἔριδος ἡμῶν ἀκροαταὶ ἐγενέσθην.* Etiam Phaedr. 261 B potius scripserim *σχολάζοντες συνεγραψάτην* quam *σχολάζοντες*. De Theaet. 153 B ambigi non debet et palam est scribi oportere: *κινήσειον ὄντοιιν*, quocirca miror formas *οὔσαιν* Soph. 265 E, Tim. 79 E et Legg. VI 757 B et XII 955 D et *ἀπονεμηθείσαιν* Legg. VI 771 C. Cobetus rem effecit magis quam perfecit multaue aliorum studiis etiam hodie relicta sunt. Alia quae huc pertinent dedi *Mnem.* 1881 p. 231.

Ibid. 132 B: *ἀδολεσχοῦσι μὲν οὖν οὔτοι περὶ τῶν μετεώρων καὶ φλυαροῦσι φιλοσοφοῦντες.* Ultimum vocabulum insititium videtur.

Ibid. 132 C: τί οὕτω χαλεπῶς λέγεις; Quid est χαλεπῶς λέγειν? Melius intelligam Φέρεις.

Ibid. 132 D. Stallbaumius ad hunc locum laudat Galeni locum ad Thrasybulum c. 37: ὅλον γὰρ ἐωρῶμεν αὐτῶν τὸν βίον ἐν ταύτῃ τῇ περιόδῳ συσσεφομένων ἢ ἐσθιόντων ἢ πινόντων ἢ κοιμωμένων ἢ ἀποπατούντων ἢ κυλινδουμένων ἐν κόνει τε καὶ πηλῷ. Locum ut explicet, non multum metuo ne quis provocet ad Aristoph. Acharn. 81:

ἀλλ' εἰς ἀπόπατον ὄχετο στρατιὰν λαβών,  
κάχεζεν ὀκτὼ μῆνας ἐπὶ χρυσῶν ὀρῶν.

Sed Galenus περιπατούντων scripsit, de qua cura coniecturam facere possumus ex Phaedri initio. Kiehlius meus olim indicavit contrarium vitium in Theophrasto περὶ ἀκαιρίας: καὶ ἀνάγεσθαι δὴ μέλλοντας κωλύειν καὶ προσελθὼν δεῖσθαι ἐπισχεῖν ἕως ἂν περιπατήσῃ, sed hic quidem rectissime vidit requiri: ἀποπατήσῃ.

Ibidi. 136 E: ζητῶ ἀνομολογήσασθαι τὰ εἰρημένα. Intelligam: ἀναλογίσασθαι.

Ibid. 137 E: οὕτω δὴ καὶ εἰ κύων; Supplendum participium ὦν, quemadmodum in vicinia invenitur βούς ὦν et ἄνθρωπος ὦν. Etiam apud Platonem haud infrequens hoc vitium est. Veluti corrige Phileb. 64 C: οἰκειότερον (δὲν) ἐν τῷ παντὶ ξυνέστηκεν et in Tim. 37 D cum Stobaeo: τυγχάνει ζῶον αἰῖδιον (δὲν).

#### AD THEAGEM.

P. 121 D: τῶν ἡλικιωτῶν τινὲς αὐτοῦ (nempe filii Critobuli) καὶ δημοτῶν εἰς τὸ ἄστυ καταβαίνοντες, λόγους τινὰς ἀπομνημονεύοντες διαταράττουσιν αὐτόν. Longe praestiterit: καταβαίνοντος, nam credibile est patrem, aut certe filium, rure habitasse.

Ibid. 122 D: τί καλὸν ὄνομα τῷ νεανίσκῳ; τί αὐτὸν προσαγορεύωμεν. Hic Hartmannus post Baiterum eiecit id quod est καλόν. De vitio omnia concedo, non concedo de remedio. Interrogatus pater respondit Theagem esse; cui Socrates:

Καλόν γε, ὦ Δημόδοκε, τῷ υἱεῖ τὸ ὄνομα ἔθου καὶ ἱεροπρεπές. Novi ὀνόματα καλὰ, αἰσχρά, οἰκετικά, plebeia nec tamen minus absurdum est rogare: τί καλὸν ὄνομα τῷ νεανίσκῳ. Rescribendum est, nisi fallor: τί καλῶμεν ὄνομα τὸν νεανίσκον, quo facto sponte excidet: τί αὐτὸν προσαγορεύωμεν; Ὅνομα καλεῖν frequenter legitur imprimis in Cratylo. Apud Euripidem est Ion. 259: ὄνομα τί σε καλεῖν ἡμᾶς χρεών; Item Androm. 56. Sophist. 223 A: τὸ προσήκον ὄνομα καλεῖν τινά et ad eandem normam Phileb. 37 E: ὀρθὴν ἢ χρητὴν ἢ τί τῶν καλῶν ὀνομάτων προσθήσομεν;. Aliquoties Stallbaumius hoc attigit, attigit Valckenarius ad Eur. Phoen. vs. 12, alii etiam.

Ibid. 125 E: εὐξαίμην μὲν ἂν ἔγωγε τύραννος γενέσθαι. Imo prorsus necessarium est δεξαίμην· frequentissime haec confunduntur, sed numquam dubia optio.

Ibid. 126 E: τοὺς δημιουργοὺς αὐτοῦ τούτου [τοὺς ζωγράφους]. Stultum emblemata est.

Ibid. 127 C: ἐγὼ γάρ σοι ἐτοῖμός εἰμι διὰ βραχέων εἰπεῖν, καὶ ἐμέ καὶ τὰ ἐμὰ ὡς οἶόν τε οἰκειότατα παρέχειν ὅτου ἂν δέῃ ἔμβραχυν. Qui adscripsit διὰ βραχέων εἰπεῖν, explicare voluit quid esset ἔμβραχυν, de quo vocabulo Cobetus tum alibi dixit, tum *Mnem.* 1883 p. 10.

Ibid. 129 E: ταχὺ γὰρ παραχρῆμα ἐπιδιδάσιν. Collegi aliquando istiusmodi abundantias: recte dicitur εὐθὺς παραχρῆμα, τάχ' ἴσως, alia ad eandem normam, nec quisquam sollicitabit Cratini versiculum: ὡς εὖ καὶ ταχέως ἀπετίσαστο καὶ παραχρῆμα, sed nunc quidem malo: πολὺ γὰρ παραχρῆμα ἐπιδιδάσιν.

#### AD CHARMIDEM.

P. 153 A: εἰς τὴν Ταυρέου παλαίστραν τὴν καταντικρὺ τοῦ τῆς βασιλικῆς ἱεροῦ. Cur ipse Plato addidisset quod omnes Athenienses norant? De Taureae palaestra praeter Urlichsium, quem Schanzius laudat, Curtium cf. de Hist. Athen. p. 183.

Ibid. 154 D. De Charmide Chaerephon Socratem interpellat: τί σοι φαίνεται ὁ νεανίσκος; οὐκ εὐπρόσωπος; Respondet alter: ὑπερφυῶς. οὗτος μέντοι εἰ ἐθέλοι ἀποδῦναι, δόξει σοι ἀπρόσωπος εἶναι· οὕτως τὸ εἶδος πάγκαλός ἐστιν. Prorsus non intelligo et commendare ausim ὁλοπρόσωπος, coll. Valcken. ad Eurip. Phoen. 373. Stallbaumius apposite laudavit Aristaenetum Ep. I: ἐνδεδυμένη μέν, εὐπροσωποτάτη ἐστίν, ἐκδῦσα δὲ ὅλη πρόσωπον φαίνεται.. Lepida est historiola quam Boissonadius excitavit ex Montanii *Essays* I c. 35: „Je ne sçay qui demandoit à un de nos gueux, qu'il voyoit en chemise en plain hyver, aussi scarbillat que tel qui se tient amitonné dans les martres jusques aux oreilles, comme il pouvoit avoir patience: Et vous, Monsieur, répondit-il, vous avez bien la face découverte; or moi je suy tout visage.”

Ibid. 155 A: οὐδὲ γὰρ ἂν που . . . αἰσχροὺν ἂν ἦν αὐτῷ διαλέγεσθαι. Quod *Mnem.* 1873 p. 342 correxeram: οὐδὲν γὰρ δέη που, id etiam Schanzio me probavisse gaudeo. Etiam Cobettus *Mnem.* 1877 p. 2 locum attigit.

Ibid. 155 B: Κυδῖαν δὲ εἶπεν ἐπὶ καλοῦ λέγων παιδὸς εὐλαβεῖσθαι. Valde languet quod est additum: ἄλλω ὑποτιθέμενος.

Ibid. 156 B: λέγουσιν ὅτι . . . ἀλλ' ἀναγκαῖον εἶη ἅμα καὶ τὴν κεφαλὴν θεραπεύειν εἰ μέλλοι καὶ τὰ τῶν ὀμμάτων εὖ ἔχειν. Supplevit Madvigius ἀναγκαῖον (ἂν)· equidem praefero: ἀναγκαῖον εἶναι ac deinde indicativum μέλλει.

Ibid. 158 B: εἰ πρὸς σωφροσύνην ἰκάνως πέφυκας, μακάριον σε ἢ μήτηρ ἔτικτεν. Admodum mediocris ea laus est et prorsus requiro καλῶς, quae creberrima confusio est. Mox autem, quantum video, recte: πότερον φῆς ἰκανῶς ἤδη σωφροσύνης μετέχειν; Sed Critias in cognomine dialogo p. 117 D, ubi in urbe quam fingit navalía describit, non potuit depingere πάντα ἐξηρυμμένα ἰκανῶς, sed omnino καλῶς.

Ibid. 163 B: οὐκ οἶσθαί γε χρή. Qui negationem intercalarunt,

ignoravisse videntur quo sensu illud *οἶσθαί γε χρή* Plato haud semel usurpaverit. Exemplum offendes Protag. 325 C.

Ibid. 189 A: *μεγάλου δὴ τινος ἀνδρὸς δεῖ*. Vix mihi persuadeo ingeniosum virum sic simpliciter *μέγαν* dici potuisse. Placetne *μεγαλόνου*?

Ibid. 173 D: *σμικρὸν τοίνυν με ἔτι προσδίδαξον*. Imo *προδίδαξον* hoc dicendum est.

AD LACHETEM.

P. 179 C: *ὑπαισχυνόμεθά τε τοὺςδε καὶ αἰτιώμεθα τοὺς πατέρας ἡμῶν*. Audacter corrigere poteris: *ὑπερᾶισχυνόμεθα*. Eiusmodi composita pro re nata ab unoquoque finguntur neque urgeo, quod nihil refert, *ὑπερᾶισχύνεσθαι* Aeschinem auctorem habere.

Ibid. 179 E: *εἰσηγήσατο οὖν τις ἡμῖν καὶ τοῦτο τὸ μάθημα ὅτι καλὸν εἶη νέω μαθεῖν*. Otiose additur: *ἐν ὅπλοις μάχεσθαι*. Idem mendum redit p. 181 C: *τί δοκεῖ; τὸ μάθημα τοῖς μειρακίοις ἐπιτήδειον εἶναι ἢ οὐ, τὸ μαθεῖν ἐν ὅπλοις μάχεσθαι*;

Ibid. 180 D. Nihil desideraveris in hisce: *οὗτοι οἱ ἡλῖκοι ἐγὼ ἔτι γινώσκωμεν τοὺς νεωτέρους, ἅτε κατ' οἰκίαν τὰ πολλὰ διατρίβοντες*: nemo nostrum hic addidisset *ὑπὸ τῆς ἡλικίας*. Ceterum dum hunc dialogum et Gorgiam et alios quosdam relego et mente recolo, Platoni τῇ θείᾳ κεφαλῇ possum *συμβακχεῦσαι*, sed simul mihi ante oculos versatur non *εὐκολός τις*, sicuti Sophoclem fuisse accepimus, sed quam maxime *δύσκολος*.

Ibid. 181 D: *δικαιότατόν μοι δοκεῖ εἶναι ἀκούειν πρότερον τί λέγουσιν*. Mihi quidem positivus *δίκαιον* satis est.

Ibid. 182 D: *εὐσχημονέστερον (ποιήσκειν ἂν scil. ea ars quam Nicias commendat) ἐνταῦθα οὐ χρή τὸν ἄνδρα εὐσχημονέστερον φαίνεσθαι, οὐ ἅμα καὶ δεινότερος τοῖς ἐχθροῖς φανεῖται διὰ τὴν εὐσχημοσύνην*. Prorsus non intelligo illud *οὐ ἅμα*, ad quod tamen

Stallbaumius, qui talia curiose interpretari solet, nihil adnotavit. Incidi equidem in θαμά, coll. supra p. 180 E: διαλεγόμενοι θαμά ἐπιμέμνηται Σωκράτους. Lysid. p. 204 C: παραταθήσεται ὑπὸ σοῦ ἀκούων θαμά λέγοντος. Rep. I p. 330 E: ἐκ τῶν ὕπνων θαμά ἐγειρόμενος δειμαίνει. Cf. Phot. et Schol. Cratyl. p. 428 D.

Ibid. 184 A: ἦν δὲ γέλως καὶ κρότος. Nimis exiliter hoc dictum est: supplebo: ἦν δὲ γέλως (πολύς), quemadmodum recte legitur Charmid. 155 B: ἐποίησε γέλωτα πολύν. Sic saepe suspiratus sum in Xenoph. Anab. I 2. 18: οἱ δ' Ἕλληνες σὺν γέλωτι ἐπὶ τὰς σκηὰς ἦλθον, supplendum esse: σὺν (πολλῷ) γέλωτι. Plane eodem modo corrige Philostr. Vit. Apollon. p. 192: τοὺς δὲ βελτίστους Ἕλληνας οὐ ξὺν ὄλῳ γέλωτι Φοιτᾶν ἐς τὰς πανηγύρεις; Plutarch. Philopoe. 21: λόγων δὲ λεχθέντων καὶ Πολυβίου ἀντειπόντος, imo legendum λόγων δὲ (πολλῶν). Denique, ut ad Platonem redeam, Rep. III 398 A requiro: (πολὺ) μύρον κατὰ τῆς κεφαλῆς καταχέαντες. Itidem suppleam Rep. V 458 D: οὐ γεωμετρικαῖς ἀλλ' ἐρωτικαῖς ἀνάγκαις καὶ κινδυνεύουσιν ἐκείνων (πολὺ) δριμύτεραι εἶναι, coll. Rep. VIII 564 D.

Ibid. 184 B: εἴτε οὕτως μικρὰς ὠφελίας ἔχει μάθημα ὄν, εἴτε μὴ ὄν φασὶ καὶ προσποιῶνται. Satis hoc est, nec fero interpolata verba: αὐτὸ εἶναι μάθημα.

Ibid. 187 B. Itidem satis est: ἀτεχνῶς τὸ λεγόμενον nec praeterea quisquam additum requireret: κατὰ τὴν παροιμίαν.

Ibid. 191 B. In lepida confabulatione cum Lachete Socrates iocatus fuerat et contenderat posse aliquem etiam fugiendo contra hostes pugnare; laudarat Aeneae equos qui nossent κραιπνὰ μάλ' ἔνθα καὶ ἔνθα διωκόμεν ἢ δὲ Φέβεσθαι ipsumque Aeneam quem Homerus μήσωρα Φόβοιο appellaverat. Graviter nos admonet Stallbaumius ne haec serio accipiamus, Socratem enim ludere; paulo utilius fuisset animadvertere iamdiu ante Aristarchum ipsum intellexisse Socratem, qualem Φόβον Homerus nominet. Sed obiter hoc dictum esto; in Lachetis autem verbis: καλῶς γε, ὦ Σώκρατες· περὶ ἀρμάτων γὰρ ἔλεγε· καὶ

σὺ τὸ τῶν Σκυθῶν ἱππέων πέρι λέγεις, multum praeferam: περὶ ἄρματα λατῶν.

Ibid. 193C: ἐθέλουσι κολυμβῶντες καρτερεῖν μὴ ὄντες δεινοί. Suppleo: δεινοὶ (νεῖν). Quam late pateat usus adiectivi δεινόν, hodie, credo, etiam tirones norunt.

Ibid. 198E: αὐτοὶ ἂν μαρτυρήσαιτε ὅτι ἡ στρατηγία κάλλιστα προμηθεῖται περὶ τὸ μέλλον ἔσεσθαι. Adverbium κάλλιστα transponatur ante verbum μαρτυρήσαιτε.

Ibid. 199C: οὕτως αὖ μετατίθεσθαι ἢ πῶς λέγεις; Revoca id quod olim edebatur: μετατίθεσθαι.

Ibid. 200A: οὐδὲν οἶσι σὺ ἔτι πρᾶγμα εἶναι. Ex apographo quodam restitue veram librarii cuiusdam coniecturam: σοί.

## AD LYSIDEM.

P. 203A: ἐπορευόμην μὲν ἐξ Ἀκαδημείας εὐθὺς Λυκείου [τὴν ἔξω τεύχους] ὑπ' αὐτὸ τὸ τεῖχος. Cur tam parum eleganter addidisset Plato id quod omnes cives norant? Ceterum iter est duarum ferme horularum.

Ibid. 204B. Quod hic legitur: ὃ πατὴρ Ἱερωνύμου Ἰππόθαλες praebebit nobis occasionem complures locos Platonicos emendandi, qui nunc cum vitio ambulant; sed priusquam ad ipsam rem veniam, erunt quaedam praemittenda. Utar autem iis quae olim ante novem ferme lustra congressi in *Commentationem* quae cum duabus aliis ἀνεκδότου instar est, neque, uti spero, lectores aegre ferent si pergam facere quod etiam in superioribus aliquoties feci et illinc excerpam quae post tantum humanae vitae spatium etiamnunc mihi probantur. Solebant Graeci in iure nomen profiteri, addito nomine patris, gentis et tribus. Res satis constat et aliorum scriptorum testimoniis et fideiussorem habemus Platonem ipsum Legg. VI 753C, ubi philosophus in his, sicuti in aliis multis, veram Atheniensium vitam referens, unumquemque iubet nomen deferre εἰς πινάκιον γράψαντα τοῦ-

νομα πατρόςθεν καὶ φυλῆς καὶ δήμου ὁπόθεν ἂν δημοτεύηται. Historiarum quoque scriptores Μιλτιάδης ὁ Κίμωνος, Ἀριστείδης ὁ Λυσιμάχου· neque in ea re quidquam est quod quis miretur, cf. Wyttenb. ad calc. *Biblioth. Crit.* Praeterea in vita communi Graeci solebant duabus de causis aliquem compellare nomine patris. De priore eaque pervulgata constat ex Lysidis loco 204 E: οὐ γὰρ πάνυ τι αὐτοῦ τοῦνομα λέγουσιν ἀλλ' ἔτι πατρόςθεν ἐπὶ νομαζέται διὰ τὸ σφόδρα τὸν πατέρα γινώσκεισθαι αὐτοῦ. Hinc Alcibiades adulescentulus ὁ Κλεινίσιος vocabatur, Theramenes ὁ Ἀγνώσιος. Lysin pauci cognoverant, sed nemo ignorabat filium Democratis. Hinc apparet Alcibiadem non potuisse vocari τὸν Κλεινίσιον Ἀλκιβιάδην, nam cives eam ipsam ob causam patronymico utebantur, quia proprium nomen nesciebant. Hoc autem, ut aequum est, plerumque fiebat in populi sermonibus, sed qui adulescentulum norant, parentes, amici, praeceptores istiusmodi patronymicis non utebantur. Alia res est cum honoris causa vel iocantes aliquem hoc modo compellamus. Vetus haec erat consuetudo in dubiis rebus milites hortari ut *paternae* virtutis memores essent. Noti sunt Homeri versus:

πατρόςθεν ἐκ γενεῆς ὀνομάζων ἄνδρα ἔκαστον,  
πάντας κυδαίνων.

Cf. Perizon. ad Aelian. Var. Hist. VI 2. Hunc morem secutus est Nicias quoque apud Thucydidem VII 69. Quod autem Troiae et Syracusis serio fiebat, id apud Platonem itidem fit sed cum gravitate quadam ficta et iocosa. Verum neque hic neque illic in talibus proprium viri nomen patronymico recte additur, etiamsi librariorum male sedula diligentia hodie loci prope infiniti hoc modo interpolati sint. Quod in Herodoteis, *Mnem.* 1854 p. 479, hac observatione usus Musarum scriptorem bis emendaveram, id laetus video calculo suo comprobavisse Cobetum *Mnem.* 1858 p. 181, qui idem argumentum praeterea attigit *Collect. Crit.* p. 26. Addidit autem complurculos locos Platonicos, quibus adiungam quae huius generis sunt apud philosophum reliqua; verum qui post eum venit, brevi transigere potest negotium spicas legendi. Primum adducemus locos qui emendate in codicibus leguntur. Symp. 198 A: ὦ παῖ Ἀκουμενοῦ. Protag. 328 D: ὦ παῖ Ἀπολλοδώρου. Rep. IX 580 B: ὁ Ἀρίωνος υἱός. Lysid. 207 B: ὦ παῖ Δημοφῶντος. Lysid. 209 A: ὦ παῖ

Δημοκράτους. Lach. 180 D: ὃ παῖ Σωφρονίσκου. Charmid. 169 C:  
 ὃ παῖ Καλλαίσχρου. Alcib. I init.: ὃ παῖ Κλεινίου. Euthyd. 278 E:  
 ὃ παῖ Ἀξιόχου. Men. 76 E: ὃ παῖ Ἀλεξιδήμου, ubi malim  
 Ἀλεξιδάμου. Phileb. 36 D: ὃ παῖ κείνου ἀνδρός. Cratyl. 384 A:  
 ὃ παῖ Ἰππονίκου. Sed interpolati sunt: Lysid. 204 A: ὃ παῖ  
 Ἰερωνύμου [Ἰππόθαλες]. Cratyl. 384 A: ὃ παῖ Ἰππονίκου [Ἐρ-  
 μόγενης]. Euthyd. 296 D: ὁ ἀδελφός σου οὐτοσί [Διονυσόδω-  
 ρος], nam talia quoque interpolantur: nunc quidem satis habeo  
 laudare Gorg. 483 E, ubi recte ὁ πατὴρ αὐτοῦ, non addito Darii  
 patris nomine. Plane singulare est neque ullo modo ad exemplum  
 est trahendum quod Socrates fingit dicere aliquem in Cratylō  
 429 E: χαῖρ' ὃ ξένη Ἀθηναῖε, υἱὲ Σμικρίωνος Ἐρμόγενης. Non  
 multum diversa est alia interpolationis species, de qua nunc  
 dicam, quamquam ex parte refragantibus Hartmanno *de Em-  
 blem.* p. 112 cum cognomine Verneto in *Diss. Academ.* p. 45.  
 Recte dicitur ὃ φίλε Φαῖδρε, ὃ φιλούμενε Ἀγάθων, quamquam  
 non minus recte dicitur ὃ φίλε Euthyd. 293 C et Phileb.  
 26 B: ὃ καλὲ φίληβρε, sed cum dicis ὃ μακάριε, ὃ δαιμόνιε,  
 sim. nomen non recte additur. Saepe talia sine mendo in codi-  
 cibus comparent, sed *numquam* nomen proprium adscriptum est,  
 nisi *aliunde* de eo constet. Sic sine vitio legitur Protag. 309 C  
 ὃ μακάριε, quia viri nomen Plato nusquam memoriae tradidit.  
 Ὡ μακάριε praeterea recte legitur Crit. 48 D, Rep. I 341 D,  
 Symp. 198 B et 214 D, Charmid. 166 D, Theaet. 166 C, alibi.  
 Interpolati sunt Crit. 44 B: ὃ μακάριε Κρίτων, Phaed. 69 A:  
 ὃ μακάριε Σιμία, Rep. I 354 A: ὃ μακάριε Θρασύμαχε,  
 Cratyl. 391 A: ὃ μακάριε Ἐρμόγενης. Ὡ δαιμόνιε invenies  
 Theaet. 172 C; sed saepius perperam: Crit. 44 B: ὃ δαιμό-  
 νιε Σώκρατες, Rep. I 344 D: ὃ δαιμόνιε Θρασύμαχε,  
 Rep. VII 522 B: ὃ δαιμόνιε Γλαύκων, Hipp. Mai. 293 D:  
 ὃ δαιμόνιε Σώκρατες, Euthyd. 291 A: ὃ δαιμόνιε Κρίτων,  
 quamquam de hisce quidem fieri potest ut dubites. De inter-  
 polatione constat ubi non facta est suo loco, ut in Politic.  
 263 A: ὃ βέλτις ἀνδρῶν, οὐ Φαῦλον προστάτεις, Σώκρατες  
 et Alcib. I 124 C, quem locum Cobetus emendavit. Perperam  
 quoque nomen proprium adhaeret Crit. 54 D: ὃ φίλε ἐταῖρε  
 Κρίτων, Ion. 531 D: ὃ φίλη κεφαλὴ Ἴων, Menon. 90 B: τῷ  
 σαυτοῦ ξένῳ Μένωνι τῷδε et p. 91 A: περὶ τοῦ ξένου τρυτοῦ

Μένωνος, Menon. extr.: τὸν ξένον τόνδε Ἄνυτον, sed recte dictum est Euthyd. 283 E: ὃ ξένη Θούρις et ὃ ξένη Ἥλεις in Hippia. Animadvertite emblemata loco non suo posita in Phaed. 84 C: αὐτὸς πρὸς τῷ εἰρημένῳ λόγῳ ἣν ὁ Σωκράτης. Sunt alia de quibus subdubito. Verbi causa legitur in Menon. 98 A: ὃ Μένων ἐταῖρε, contra Cratyl. 438 A: ὃ ἐταῖρε Κρατύλε in verso verborum ordine, sed rectius p. 408 B: ὃ ἐταῖρε et 437 D: ὃ φίλε. Si quis hic interpolationem agnoscit, eadem opera debeat oportet Cratyl. 401 E: ὃ γὰρ ἔρμόγενες, p. 428 D et 436 C: ὃ γὰρ Κρατύλε. Recte vero legitur ὃ γὰρ Cratyl. 401 E, ὃ βέλτισε Cratyl. 435 B, Euthyphr. 4 A et ὃ θαυμάσιε Hipp. Mai. 288 B. Restant similia plura exempla: Rep. IV 423 D: ὃ γὰρ Ἀδείμαντε, Euthyphr. 7 D: ὃ γενναῖε Εὐθύφρον, Phileb. 28 E: ὃ θαυμάσιε Σώκρατες, quae imprimis displicebunt ei qui meminerit Legg. I 626 C ὃ θεῖε, ubi librarii nihil potuerunt committere, cum Atheniensis nomen nusquam inveniatur. Etiam suspicionem movet nomen cum superlativo coniunctum: Euthyd. 290 C: ὃ κάλλιστε καὶ σοφώτατε Κλεινία, Gorg. 489 C: ὃ σοφώτατε Καλλίκλεις, Rep. I p. 339 E: ὃ σοφώτατε Θρασύμαχε, Rep. I 343 D: ὃ εὐθέστατε Σώκρατες, Ion. 541 C: ὃ βέλτιστε Ἴων, Charmid. 162 D: ὃ βέλτιστε . . . . Κριτία, quod imprimis displicet, quia ἔφην ἐγὼ interpositum est; tandem Theaet. p. 166 A: ὃ ῥαθυμότατε Σώκρατες. Sed iamdudum nimis multa de tenui argumento.

Ibid. 204 D: ὃ ἐστὶν τούτων δεινότερον. Malo: ὃ ἐστὶ τούτων δεινότερον.

Ibid. 205 C: ἂν δὲ ἡ πόλις ὅλη ᾔδει περὶ Δημοκράτους καὶ Λύσιδος τοῦ πάππου τοῦ παιδὸς καὶ πάντων περὶ τῶν προγόνων. Insiticia sunt verba quae diductis literis notavi; nonne?

Ibid. 205 C: ταῦτα ποιεῖ τε καὶ λέγει· lege ᾔδει, sicuti in proxime sequentibus haud semel legitur.

Ibid. 221 D: ὅθλος τις ἦν ὥσπερ ποίημα μακρὸν συγκείμενον. Madvigius commendavit Κρόνῳ· equidem κρονικῶς, coll. p. 205 C: πρὸς δὲ τούτοις ἐστὶ τούτων κρονικώτερα.

## AD EUTHYDEMUM.

P. 271 B. Sunt verba Critonis de Clinia: καὶ μάλα πολλὰ ἐπιδεδωκέναι μοι ἔδοξε καὶ τοῦ ἡμετέρου οὐ πολὺ τι τὴν ἡλικίαν διαφέρειν Κριτοβούλου· ἀλλ' ἐκεῖνος μὲν σκληφρός, οὗτος δὲ προφερής. Apparet Critonem nequitiam potuisse dicere Cliniam et Critobulum pari aetate esse *videri*, quum continuo sequatur alterum σκληφρόν esse, alterum προφερῆ. Itaque Critobulus Clinia adultior *videbatur*, quod pater filii amans gaudet et notat. Non dicitur hic ἡλικία de aetate, sed eo sensu quo Apollodorus v. c. dixit de filia Demosth. p. 1024: τὴν δ' ἡλικίαν αὐτῆς εἰ ἴδοιτε, οὐκ ἂν θυγατέρα μου ἀλλ' ἀδελφὴν εἶναι αὐτὴν νομίσαιτε. Nec Plato scripsit διαφέρειν sed διαφέρει. *Videbatur* Clinias qui diu exilior fuerat quam pro aetate, his postremis mensibus multum profecisse, sed Crito *certo scil*, nam suis ipsius oculis cernere potuit, adolescentulum nunc fere eadem statura esse qua Critobulus sit, etiamsi huius proceritatem nondum prorsus assecutus sit.

Ibid. p. 271 C. Socrates de Euthydemo et Dionysodoro: τούτω γάρ, inquit, ἐστὶν κομιδὴ παμμαχῶ, οὐ κατὰ τὸ Ἀκαρνᾶνε τὸ παγκρατίας ἀδελφώ. Quis non videt spuria esse vocabula τὸ παγκρατίας ἀ, repetita ex iis quae proxime antecedunt: οὐκ ἤδη πρὸ τοῦ ὅτι εἶεν οἱ παγκρατίαςαί? Sed vel his eiectis locus nondum persanatus est. Erant Euthydemus cum fratre ὀπλομάχῳ, qui praeterea disputandi artem profitebantur: non est valde facetum eos comparare cum duobus aliis athleticis: solet Socrates elegantius iocari. Sed nemo nescit quam saepe Graeci Homericis exemplis uti soleant; idem facit Socrates apud Homerum saepissime. Qui meminit Homerum celebrare τὸ Ἀκτορίωνε, fratres illos διφυεῖς, mecum opinor illud ipsum Platoni reddet. Hoc nomine Socrates Sophistas ridet ob mutuam quam alter alteri perpetuo praestabat operam. Post Lehrsium omnes novimus quid Aristarchus de Actoris filiis senserit. Possis praeter Schol. Hom. Iliad. A 750 sqq., etiam Plutarchum conferre de Fraternali Amore p. 478 C: οἱ δὲ νῦν ἄνθρωποι πάντες, ὅταν ἐντυγχάνωσι χρηστοῖς ἀδελφοῖς, θαυμάζουσιν οὐδὲν ἥττον ἢ τοὺς Μολιονίδας ἐκείνους, συμφυεῖς τοῖς σώμασι γεγονέναι δοκοῦν-

τας. Patrum nostrorum memoria tale monstrum ex India usque  
sese spectandum dedit in utroque mundo, sed gemini  
minime erant παμμάχων.

Ibid. 272 B: ταύτης τῆς σοφίας ἥς ἔγωγ' ἐπιθυμῶ, τ  
ρικῆς. Delendum id quod vides.

Ibid. 285 B: ἀπολεσάντων ἡμῖν τὸ μεираκίον καὶ ποιησάντων. Propter perpetuum in hoc dialogi dualis  
usum praeferam: ἀπολεσάτων et ποιησάτων. S  
p. 272 A et D pro αὐτοῖς dixerim praestare αὐτοῖν.  
p. 288 B: ὁπόθεν χαίρετον ὀνομαζόμενοι substitutam  
ζομένω, aliter atque Cobetus fecit *Mnem.* 1874 p. 252

Ibid. 285 C: ὥσπερ τῇ Μηδείᾳ τῇ Κόλχῳ. Ipsum  
nomen Plato de more omisit, sicuti p. 288 C Protei in  
τὸν Πρωτέα μιμεῖσθον τὸν Αἰγύπτιον σοφιστήν.

Ibid. 287 B: εἴ τι πέρυσιν εἶπον. L. εἴπομεν, ut  
supra.

Ibid. 287 E: οὐδὲ σὺ ἐξελέγξεις καίπερ σοφὸς ὢν, οὐδ'  
ὅτι χρῆ τῷ λόγῳ. Parilitas membrorum postulat: ἔξεις.

Ibid. 288 E: ὅπου τῆς γῆς χρυσίον κατοράσκειται. Dici  
magis sine articulo ὅπου γῆς, cf. *Rep.* III 403 E.

Ibid. 290 E: ἀλλ' ἄρα μὴ ὁ Κτήσιππος ἦν ὁ ταῦτ'  
Reponam pro ἄρα imperativum ὄρα, qui modo a  
modo omittitur, veluti in iis quae subsequuntur: μὴ  
κρειττόνων αὐτὰ ἐφθέγγετο, sed eo utique sensu con  
μὴ cum indicativo construitur. Cf. *Gorg.* 512 B μὴ  
σοι κατὰ τὸν δικανικὸν εἶναι. Itidem corrige: *Protag.*  
ἀλλ' ἄρα, μὴ οὐ τοιαύτην ὑπολαμβάνεις τὴν μάθησιν  
*Phaedr.* 260 A: σκοπεῖν μὴ τι λέγωσι, prorsus est neces  
λέγουσι legere. Sic recte *Rep.* V 450 A: μὴ σφαλ  
ἀληθείας κείσομαι περὶ ᾧ ἤκιστα δεῖ σφάλλεσθαι, uti et  
458 C: σκοπεῖν χρὴ μὴ τινὰς αὐτῶν κατέχονεν. In *Lyside* p

recte editur p. 216: σκεψώμεθα μὴ ἡμᾶς λανθάνει et p. 218 D φοβοῦμαι μὴ ἐντετυχήκαμεν, sed coniunctio excidit p. 215 C: ἄθρει δὴ (μὴ) πῃ παρακρούμεθα. Corrige autem παίζεις Hipp. Mai. 300 D pro eo quod editur: ἐνθυμούμαι μὴ παίζης. Redit idem vitium Rep. I p. 330 E: οἱ λεγόμενοι μῦθοι — τότε δὴ εἰσφουσιν αὐτοῦ τὴν ψυχὴν μὴ ἀληθεῖς ὧσι, nam planissime requiritur indicativus εἰσί. Nusquam discrimen melius apparere poterit quam apud Euripidem in Phoenissis:

ἐπίσχος, ὡς ἂν προυξερευνήσω εἰδόν,  
μὴ τις πολιτῶν ἐν τρίβῳ φαντάζεται  
κάμοι μὲν ἔλθῃ φαῦλος ὡς δούλῳ ψόγος,  
σοὶ δ' ὡς ἀνάσσει.

Eodem modo Iulianum bis correxi *Mnem.* 1883 p. 409.

Ibid. 291 E. Hic apparet Critonem agros possedissee, quos coleret. Groenius p. 200 ad hunc locum non attendit.

Ibid. 292 A: οὐ πάνυ γ' εὐπορεῖς. Particula γε hic omni vi destituta est: corrigam quod in negationibus solemne est: οὐ πάνυ τι. De p. 296 D ambigo sitne indefinitum pronomen intercalandum necne.

Ibid. 294 A: ὡς θαυμαστὸν λέγεις καὶ ἀγαθὸν μέγα πεφάνθαι. Corrige sodes: πέφανθε.

Ibid. 295 B: οὐκ αἰσχύνηι; ἐρωτώμενος ἀντερωτᾷς; Verosimiliter supplere poteris: (εἰ) ἐρωτώμενος.

Ibid. 295 D: ἔχων φλυαρεῖς καὶ ἀρχαιότερος εἶ τοῦ δέοντος. Si quis forte ad eam locutionem nondum attendit, conferre poterit Gorg. 484 C: εἰ δὲ περαιτέρω τοῦ δέοντος ἐνδιατρίψῃ vel 487 B: αἰσχυνητοτέρω μᾶλλον τοῦ δέοντος vel 487 D: πέρα τοῦ δέοντος σοφώτεροι. Quid autem illud est quod nunc asseveratur esse quem stultiore[m] quam oporteat? At vero omnino non oportet esse stultum. Hinc latere conieci nomen proprium hominis cuiusdam qui prae ceteris propter stultitiam infamis erat factus, veluti Margites vel Coroebus. Ne nimium recederem a traditis literarum ductibus, emersit ἀρχαιότερος εἶ τοῦ Οὐκα-

λέγοντος. Infaustum nomen immerito hanc famam ei conciliare potuit. Lusisse putemur si nihil est.

Non sine animadversione dimittendus locus est p. 290 A: ἐμὲ οἶμαι εὐρηκέναι, quod suspicionem moveret, si esset in suo genere unicum, sed sunt eius constructionis plurima exempla; quia fore suspicor quibus hoc mirum et incredibile videatur, e magno acervo age aliquot locos delibemus. Apol. p. 32 C: ὥμην με δεῖν φοβηθέντα. . . . p. 36 B: ἡγησάμενος ἐμαυτὸν δεῖν . . . Symp. p. 175 E: οἶμαι γὰρ με παρὰ σοῦ πολλῆς σοφίας πληρωθῆσθαι. p. 220 E: προθυμότερος ἐγένου τῶν στρατηγῶν ἐμὲ λαβεῖν ἢ σαυτόν. p. 175 C: ἔφη . . . ἔδὲ οὐκ ἔαν . . . Gorg. p. 474 B: οἶμαι ἐμὲ καὶ σὲ τὸ ἀδικεῖν τοῦ ἀδικεῖσθαι κάκιον ἡγεῖσθαι. Rep. III 400 B: οἶμαι δὲ με ἀκηκοέναι. Rep. VI 507 A: βουλοίμην ἂν ἐμὲ τε δύνασθαι . . . Plura si quis requireret, inspiciat Hipp. Mai. p. 282 E, Charmid. p. 173 A, Cratyl. p. 398 E, Sophist. p. 217 B, quamquam illic equidem nominativum praeferam: πρὶν ἢ μεῖς δεῦρ' ἐλθεῖν, Legg. III p. 687 A et V 730: et alibi persaepe. Quid si Homerus iam cecinerit Iliad. Ω 134:

σκύζεσθαι σοι Φησὶ θεοῦς, ἐξ δ' ἔξοχα πάντων,  
uti et Odys. θ 221:

τῶν δ' ἄλλων ἐμὲ Φημι πολὺ προφερέτερον εἶναι.

In Isocrate miror Philipp. § 18: ὃς εἰ καὶ πρότερον ἐνόμιζεν αὐτὸν εἶναι τινος πρὸς τὸ φρονεῖν κατὰ δέετερον. Similia exempla Dobraeus ex Demosthene collegit in *Adversariis* I p. 391 et 443.

Ibid. 294 E: ἐπὶ τροχοῦ δινεῖσθαι. Hoc quid sit, ostendisse mihi videor *Mnem.* 1897 p. 438 et 439. Xenophontis *Conviv.* 2. 22 et 7. 3 si mecum correxeris, nihil difficultatis supererit. Cicero quum inveheretur in Pisonem, non pepercit collegae, 10. 22: „quum collegae tui domus cantu et cymbalis personaret quumque ipse nudus in convivio saltaret: in quo ne tum quidem, quum illum suum saltatorium versaret orbem, fortunae rotam pertimescebat.” Quid igitur ille? Nempe ἐτροχοδινεῖτο, quod Cicero utcumque potuit Latine dixit, ut aliquid iocaretur de rota fortunae.

Ibid. 297 C: Socrates lepidus et urbanus dicit se fratribus

non esse parem, cum Hercule multo minor sit, qui ne ipse quidem pugnam solus sustinuerit contra hydram σοφίστριαν οὔσαν et cancrum. Haec sunt Platonis verba: οὐχ ὁλός τ' ἦν . . . διαμάχεσθαι . . . καρκίνῳ τινὶ ἐτέρῳ σοφιστῇ [ἐκ' θαλάττης ἀφίγμένῳ] νεωστὶ μοι δοκεῖν καταπεπλευκότε. Qui meminit fratres Chio oriundos esse, aculeum intelligit; sed contendo facetum locum pessumdari addido illo ἐκ θαλάττης ἀφίγμένῳ, quod de cancro fortasse dici potest, non vero de eo qui διαπόντιος ἦκει et νεωστὶ καταπέπλευκε. Sed animadvertenda etiam sunt sequentia: ὅς ἐπειδὴ αὐτὸν ἐλύπει οὕτως ἐκ τοῦ ἐπ' ἀριστερά (ne hoc quidem sine causa additum) λέγων καὶ δάκνων, τὸν Ἰόλεων τὸν ἀδελφιδοῦν ἐπεκαλέσατο. Prorsus inutiliter hic adscriptum est proprium Iolai nomen. Deinde pergit Socrates: ὁ δ' ἐμὸς Ἰόλεως Πατροκλῆς εἰ ἔλθοι, πλεον ἂν θάτερον ποιήσειεν, sed Heindorfius iam vidit Patroclis nomen e textu esse eliminandum et verbum non addam.

Ibid. 302 C: Ζεὺς negatur esse πατρῷος, sed Ἀπόλλων. Οὐκ ἔστιν αὕτη ἡ ἐπωνυμία Ἰώνων οὐδενὶ, οὐθ' ὅσοι ἐκ τῆςδε τῆς πόλεως ἀπφικισμένοι εἰσὶν οὐθ' ἡμῖν. Non est admodum difficile intellectu, cur οὐδενὶ absurdum sit et requiratur οὐδέσι, cf. 303 B et 305 D. Noli mirari veterem scripturam periisse: recentiores enim aliter loquebantur, sicuti Photius docet in voce οὐδένες. Haud raro sic erratur, sed numquam ineptius quam Epist. II p. 310 D, ubi Plato gloriatur: οὔτε αὐτοὶ ἀγνώτες ἐσμεν οὐδενὶ Ἑλλήνων ὥς ἔπος εἰπεῖν, οὔτε ἡ συνουσία ἡμῶν σιγαῖται. Sentisne requiri οὐδέσι? Ipsis Athenis Atticis multi erant qui Platonem non norant, sed fama nominis pervenerat ad omnes Graecorum gentes. Magni et celebres homines *omnibus* noti sunt; nemini datur singulis notum esse, nec si daretur admodum esset honorificum, nam quivis de populo ad eam celebritatem aspirare potest, etiam carnifex. De Protag. autem p. 334 A assensum cohibeo: τὰ δὲ βουσι μόνον (ᾠφέλιμα), τὰ δὲ κυσί, τὰ δὲ γε τούτων οὐδενὶ, δένδροις δέ. Reposueram hic quoque οὐδέσι eamque correctionem Schanzio probaram. Negavit Cobetus *Mnem.* 1880 p. 341, cum οὐδένες de hominibus tantum dicatur et neutrum οὐδένα non sit Graecum. Ne illud neutrum inveniatur; causam equidem esse dixerim quod raro aut numquam incidere

potest ut eam formam usurpare necesse sit; accedit p  
quod si qua est offensio, est ea multo minor in casibus  
Sed plerique dicent in incerta re tutius esse Cobetum  
quam quemvis alium; neque ego dissentio.

Ibid. 303 B: οἱ κίονες οἱ ἐν τῷ Λυκείῳ ἐθορύβησαν τ'  
ἀνδροῖν καὶ ἤσθησαν. Mire dictum. Praestabit, credo  
σθησαν.

Ibid. 303 D: οἱ δ' ἄλλοι οὕτως νοοῦσιν αὐτούς, ὥς'  
θεῖεν ἂν μᾶλλον ἐξελέγχοντες τοιούτοις λόγοις ἢ αὐτοὶ ἐξ  
μενοι. Varia hic coniecta fuerunt, sed laetus video me S  
probavisse meum μισοῦσιν quod apprime convenit  
vides corruptelam repetendam esse ex uncialium litteraru  
Madvigius, qui mea non norat, aliquot annis post in  
scripturam incidit.

Ibid. 305 D. Edebatur olim εἶναι μὲν γὰρ σφᾶς σο  
τους, sed cum in Bodleiano sit σοφῶτατοι, corrigendu  
σφεῖς σοφῶτατοι ipsaque syntaxis nominativum p  
Meam observationem etiam Cobetus comprobavit *Mnem*  
p. 257 et Schanzius obsecutus est. Σφεῖς apud Platonem  
Politic. 268 A, Charmid. 165 A, Rep. VI 487 C, VII 5  
518 C.

#### AD PROTAGORAM.

P. 309 C: τοῦ Κλεινίου υἱέος. Malo: τοῦ Κλεινίου  
Supra hoc argumentum attigi.

Ibid. 310 A: πάνυ μὲν οὖν· καὶ χάριν γε εἶσομαι ἐὰν α  
Praestiterit χάριν πρὸς εἶσομαι. Videor mihi meminisse h  
ticulas haud raro confundi; ceterum cf. Apol. 20 A, Gorg.  
Rep. VII 521 D, Demodoc. 382 B.

Ibid. 311 B: παρὰ τὸν σαυτοῦ ὁμώνυμον ἐλθὼν [Ἴπποκ  
τὸν Κῶον, libenter eiecerim nomen proprium. Magis etia  
spicuum emblema est in Theaeteto p. 147 D: τῷ σῷ ὁρ  
τοῦ τῷ Σωκράτει, modo expuncto Socratis nomine res

τουτῶν. Semel si bene memini recte in exordio Parmenidis p. 126 C: κατὰ τὸν πάππον τε καὶ ὁμώνυμον πρὸς ἵππικῇ τὰ πολλὰ διατρίβει, ubi non est additum: Ἀντιφῶντα. Sed dialogi initium scatet interpolationibus. Sic statim habemus p. 312 B: οὐκ ἐπὶ τέχνῃ ἔμαθες ὥς δημιουργὸς ἐσόμενος et p. 315 A: ἐπὶ τέχνῃ μανθάνει ὥς σοφιστῆς ἐσόμενος, in quibus ἐπὶ τέχνῃ μανθάνειν satis esse arbitror et sine ullo detrimento carere possumus istis ὥς δημιουργὸς ἐσόμενος et ὥς σοφιστῆς ἐσόμενος. vide etiam *Mnem.* 1880 p. 331. Rectissime dicitur: οὐκ ἐπὶ τέχνῃ ἔμαθες ἀλλ' ἐπὶ παιδείᾳ, ὥς τὸν ἰδιώτην καὶ τὸν ἐλεύθερον πρέπει, dummodo altero loco articulum deleas, nam idem privatus est qui ingenuus. Postquam Socrates p. 313 C dixit: ὁ σοφιστῆς τυγχάνει ὢν ἔμπορὸς τις ἢ κάπηλος eorum quibus animus pascitur, haec subdit: ὅπως γε μὴ ὁ σοφιστῆς ἐπαινῶν ἃ πωλεῖ ἐξαπατήσῃ ὑμᾶς, ὥσπερ οἱ περὶ τὴν σώματος τροφήν. Quemnam fugere potest hic intelligi perfidos caupones? Additur tamen satis insulse: ὁ ἔμπορὸς τε καὶ κάπηλος. Debuerat certe interpolator ὁ κάπηλος scribere, addito articulo. Summo opere quoque displicet abundantia p. 314 B: τὸ μάθημα ἐν αὐτῇ τῇ ψυχῇ λαβόντα [καὶ μαθόντα] ἀπίεσθαι. Perit elegans translata dictio, si assumitur verbum non translatum; sed inspicere Platonem ipsum, ut videas quam necessarium sit id quod dixi.

Contra vocabulum excidit p. 313 B: εἴτ' ἐπιτρεπτόν εἴτε καὶ οὐ τῷ ἀφικομένῳ τούτῳ ξένῳ τὴν σὴν ψυχὴν, quasi Hippocrates tradere se posset hospiti qui nondum advenisset. Lege: τῷ (ἄρτι) ἀφικομένῳ. Dignus est locus quem conferas Lach. p. 191 C: τοῦτο τοίνυν αἴτιον ἔλεγον, ubi Iacobsius αἴτιον delevit, Hermannus autem ἄρτι rescripsit. Vide idem vitium apud Cornarium p. 33 et apud Heindf. ad Charm. p. 108.

Ibid. p. 313 E: εἰ μὲν οὖν σὺ τυγχάνεις ἐπιστήμων τούτων, non assentiri solent editores Heindorfio, qui post ἐπιστήμων suspicabatur participium ὦν intercidisse. Auctorem tamen Phrynichum habebat, qui aequales culpat quod participium post verbum τυγχάνειν omittere solent. Huius doctrinam probavit Porsonus quoque ad Hecubam vs. 782 et Cobetus adstipulatus est *Mnem.* 1880 p. 333. Nam quod Schaeferus adversatur lau-

dans Soph. Ai. 9, Electr. 46, 313, Eur. Helen. 628, concedendum est Tragicos aliquando eam licentiam usurpasse, et sunt eiusmodi in dictione tragica multo plura, sed nihil hoc ad orationem solutam. Magis miror in Aristophanis Eccl. vs. 1141: *εἴ τις εὖνους τυγχάνει*. Verumtamen apud Platonem cum Heindorfio faciendum videtur. Qui non ignorant quam frequenter id quod est ὦν oblitteratum sit apud Atticos scriptores, mirabuntur potius non plures locos dari corrigendos. Observavi Phaed. 62 A: *ἔστιν ὅτε τυγχάνει βέλτιον τεθνάναι ἢ ζῆν*. Rep. II p. 369 B: *τυγχάνει ὑμῶν ἕκαστος οὐκ αὐτάρκης*. Apol. 38 A: *τυγχάνει μέγιστον ἀγαθὸν ἀνθρώπῳ τοῦτο* sic olim legebatur, sed nunc ex optimis libris *ἀγαθὸν ὃν* restitutum est. Gorg. 502 B: *εἴ τι τυγχάνει ἀηδὲς καὶ ὠφέλιμον*. Hipp. Mai. p. 300 A: *τυγχάνει καλή*. Alcib. I p. 129 A: *πότερον οὖν δὴ ῥᾶδιον τυγχάνει τὸ γινῶναι ἑαυτόν*. Phaedr. p. 230 A: *εἴτε τι θηρίον τυγχάνῃ Τυφῶνος πολυπλοκώτερον* et p. 253 C: *μέγιστον τῶν ἀγαθῶν τυγχάνει*. Haec sunt quae novi exempla apud Platonem, octo numero, quae concedes pauca esse in tam proclivi vitio praesertim. Illud addo Heindorfium videri postea Porsonianae doctrinae patrocinium deseruisse. Fieri potest ut Astius in lexico Platónico plura exempla indicaverit, quae inter legendum me fugerunt, sed si quae sunt, paucissima tamen fore confido.

Ibid. 320 D: *προσέταξαν Προμηθεὶ νεῖμαι δυνάμεις ἐκάστοις ὡς πρέπει*. Malim: *πρέποι*.

Ibid. 320 D: *νείμαντος δ' ἐμοῦ (σύ), ἔφη, ἐπίσκεψαι*. Supplendum est quod vides.

Ibid. 318 C: *εἴποι ἂν ὅτι πρὸς γραφικὴν*. Eo sensu et hic aliquoties et p. 327 C *εἰς* praepositio usurpatur.

Ibid. 319 B: *ὅθεν δ' αὐτὸ ἡγοῦμαι οὐ διδακτὸν εἶναι*. Transposita fuit negatio, nam Plato dederat: *ὅθεν δ' αὐτὸ οὐχ ἡγοῦμαι δ*. Cf. p. 319 B, p. 320 B. Mecum facit Herwerdenus *Lect. Rh. Trai.* p. 42.

Ibid. 323 B: *ὁ ἐκεῖ σωφροσύνην ἡγοῦντο εἶναι [τὰ ληθῆ ἢ λεί-*

γειν], ἐνταῦθα μανίαν. Supervacanea verba notavi cum Hartmanno et Herwerdeno.

Ibid. 323 D: ὅσα δ' ἐξ ἐπιμελείας καὶ ἀσκήσεως καὶ διδαχῆς οἶονται γίνεσθαι ἀγαθὰ ἀνθρώποις, ἐάν τις ταῦτα μὴ ἔχῃ, ἀλλὰ τάναντία τούτων κακὰ, ἔτι τούτοις οἳ τε θυμοὶ γίνονται καὶ αἱ κολάσεις καὶ αἱ νοθετήσεις. Non dicitur τάναντία τούτων κακὰ, sed requiro: τάναντία τούτοις, expuncto κακὰ, eodem modo quo Protagoras dixerat: τὰ καλὰ καὶ τάναντία τούτοις, ubi nemo sane κακὰ additum ferret, si Codices praeberent. Deinde post αἱ κολάσεις excidisse videtur: καὶ αἱ διδασκαί, nam respicitur, nisi fallor, ad ea quae supra dicta sunt: οὐδεὶς θυμοῦται οὐδὲ νοθετεῖ οὐδὲ διδάσκει οὐδὲ κολάζει τοὺς ταῦτ' ἔχοντας. Est Plato in eiusmodi re mortalium accuratissimus.

Ibid. 333 C: συμβαίνει καὶ ἐμὲ τὸν ἐρωτώμενον καὶ (σὲ) τὸν ἀποκρινόμενον ἐξετάζεσθαι. Sentisne quid exciderit? Sed Herwerdenus hoc iam vidit.

Ibid. 334 B: κόπρος ταῖς μὲν ρίζαις ἀγαθὸν παραβαλλομένη. Longe malo: περιβαλλομένη.

Ibid. 338 B: πίθεσθέ μοι ἱαβδούχον ἐλέσθαι. Quanto melius erit: ἔλεσθε· sic enim solent Athenienses.

Ibid. 340 A. Hic nihil necesse fuerit Socrati Homerum αὐτολεξεῖ laudare et delebo illa: εἰπόντα· Φίλε κασίγνητε, σθένος ἀνέρος ἀμφοτέροί περ σχῶμεν.

Ibid. 341 D: οἶμαι Πρόδικον τόνδ' εἰδέναι ἀλλὰ παίζειν καὶ σοῦ δοκεῖν ἀποπειρᾶσθαι. Non fero οἶμαι δοκεῖν, quasi de ea re ex mente Socratis aliqua dubitatio oriri posset itaque scribam: δοκεῖ. In fine vocabulorum, quod omnes nosse dixeris, τὸ N sexcenties perperam aut additur aut omittitur. Veluti in vicinia p. 340 E: καὶ εἰμί τις γελοῖος ἱατρός· ἰώμενος μεῖζον τὸ νόσημα ποιῶ, non ausus est Schanzius in textum recipere quod Hirschigius reppererat: ποιῶν. Facillimum est cumulare exempla.

Ceterum Hartmannus eicere voluit id quod est *δοκεῖν*, sed malo id quod dixi.

Ibid. 342 B. Non obscurum est quomodo Athenis dicerentur qui Spartanorum mores diligerent et imitarentur, sicuti Cimon, Xenophon, alii. Etiam apud Platonem in *Gorgia* p. 515 E dicuntur οἱ τὰ ὄτα κατεργότες, qui simpliciter vocabantur οἱ λακωνίζοντες. Eodem sensu Aristophanes nescio quem appellavit ὠτοκάταξιν, Bekk. *Anecd.* I p. 116, de quo vocabulo Lobeckius ter egit: *Phryn.* p. 628, *Paral.* p. 238 et *Pathol.* p. 502; adde Hemsterhusium in *Anecd.* 71. Longe aliud est τὰ ὄτα ἐπὶ τῶν ὤμων ἔχειν, nam hoc faciunt prae pudore qui spe exciderunt, Rep. X 613 C. Sed legitur in Protagora eo loco quem modo indicavi: ἐξηπατήκασι τοὺς ἐν ταῖς πόλεσι λακωνίζοντας καὶ οἱ μὲν ὥτ' αὐτὰ τε κατὰ γυννται μιμούμενοι αὐτοὺς καὶ ἱμάντας περιερίττονται καὶ φιλογυμνασοῦσι καὶ βραχείας ἀναβολὰς φοροῦσιν. Pauci, uti opinor, negabunt electis verbis μιμούμενοι αὐτούς, legendum esse cum articulo (τὰ) ὄτα.

Ibid. 344 C. Hic grave vitium nos ludificatur. Laudarat Socrates Simonidis verba:

ἄνδρα δ' οὐκ ἔστι μὴ οὐ κακὸν ἔμμεναι

ὃν ἂν ἀμάχανος συμφορὰ καθέλῃ,

deinde pergit haec interpretari: τίνα οὖν ἀμήχανος συμφορὰ καθαιρεῖ ἐν πλοίου ἀρχῇ; At neque ipse poeta ab gubernatore exemplum petierat, quod facile tibi patebit, si fragmentum contuleris quemadmodum Schneidewinus constituit, neque eo ducunt Socratis verba quae statim adduntur: δῆλον ὅτι οὐ τὸν ἰδιώτην· ὁ μὲν γὰρ ἰδιώτης ἀεὶ καθήρηται· ὥσπερ οὖν οὐ τὸν κείμενον τις ἂν καταβάλοι, κτέ. Sed revoca quae Protagoras supra rogarat p. 339 B: τοῦτο ἐπίτρεσαι τὸ ἄσμα ἢ πᾶν σοι διεξέλθω; Apparet eum qui ita loquitur, ipsum carminis initium recitavisse. Quin igitur legimus: ἐν προοιμίου ἀρχῇ, quae verba supersunt ex docti grammatici adnotatione et corrupta in textu ad hunc diem potuere delitescere.

In interpretatione Simonidei carminis, p. 346 E, bis graviter ab librariis erratum fuit. Refert Socrates cecinisse poetam ne-

minem mortalium esse ab omni parte perfectum: καὶ οὐ ζητῶ, ἔφη, πανάμωμον ἄνθρωπον, εὐρυεδοῦς ὅσοι καρπὸν αἰνύμεθα χθονός· ἐπειθ' ὑμῖν εὐρὺν ἀπαγγελέω· ὥς τε τοῦτου γ' ἕνεκα οὐδὲν ἐπαινέσομαι. Itane? Potestne hoc intelligi? *Hanc igitur ob causam* neminem laudabo. Quorsum hoc? At tu scribe: ἐπαί-  
τιάσομαι, nam communi sermone Socrates refert quod Simonidem sua lingua supra dicentem audiveramus: οὐ μὲν ἐγὼ μωμάσομαι· οὐ γὰρ ἐγὼ φιλόμωμος. *Neminem reprehendam quod ad perfectionem non adscenderit, ἀλλὰ μοι ἐξαρκεῖ* — etenim haec continuo sequuntur apud Platonem — ἂν ἤ μέσος καὶ μηδὲν κακὸν ποιῇ. Risum autem movet quod offendimus paullo post. Pergit Socrates interpretari Simonidis carmen, qua interpretatione nihil excogitari potest festivius ad Sophistas deridendos. Dixerat poeta:

πάντας δ' ἐπαινῆμι καὶ φιλέω, ἐκὼν  
ὅστις ἔρδῃ μὴδὲν αἰσχρόν.

Conatur ostendere lepidus εἴρων adiectivum ἐκὼν non coniungi debere cum ἔρδῃ, sed cum verbo φιλέω· tum disputatione absoluta iterum recitat Simonidea verba: πάντας δ' ἐπαινῆμι καὶ φιλέω ἐκὼν, ὅστις ἔρδῃ μὴδὲν αἰσχρόν· ἄκων δ' ἔστιν οὗς ἐγὼ ἐπαινῶ καὶ φιλῶ. Videturne credibile etiam hodie adiectivo ἐκὼν adhaerere adnotatiunculam: ἐνταῦθα δεῖ ἐν τῷ ἐκὼν διαλαβεῖν λέγοντα? Sed diu ante me iam animum advertit Hoenebeekius Hissinkius, nec tamen Schanzius admonitus otiosa verba e textu ausus est eliminare. Quid enim? Non potuit Plato fingere hoc ipsum Socratem addidisse, nam iis qui audiebant, satis erat perspicuum utrum ἐκὼν cum superioribus coniungeret an cum sequentibus. Lectoribus autem erat satis provisum tum ipso disputationis tenore quem modo absolvit, tum istis verbis: ἄκων δ' ἔστιν οὗς ἐγὼ ἐπαινῶ καὶ φιλῶ, quae Platonem adiecisse putaverim in gratiam lectorum, nam iis qui aderant, ne haec quidem necessaria erant. Si quem Graeca verba fortasse minus advertunt, videat interpretationem Stallbaumii: *Hic oportet post ἐκὼν pronuntiando interstinguere*. Itaque teneamus nos deprehendisse scholium eiusdem generis atque illud, quod adscriptum est ad Theaet. p. 172 A: ἐντεῦθεν μέχρι τῶν ἐξῆς σελίδων ἰδ' ἀποσηθίζειν δεῖ, nempe usque ad p. 177 C, quod animadvertendum, quia inde confici potest quot versus singulae σελίδες com-

prehenderint in eo codice, ex quo adnotatiuncula fluxit: nimirum unaquaeque *σελίς* capiebat fere dimidiam paginam Teubnerianam. Quantum video Birtius *de Re Libraria Veterum* locum non examinavit.

Ibid. 351 A: *θάρσος καὶ ἀπὸ τέχνης γίνεται ἀνθρώποις καὶ ἀπὸ θυμοῦ τε ἀπὸ μανίας*. Praestat *ἀπὸ θυμοῦ γε* et Schanzius adnotavit hoc ipsum Stobaeum exhibere.

Ibid. 357 E. Quid hic displiceat, sic aperiā. Antiquis temporibus Sophistae nomen invidiosum non erat, sed honorificum et magnum. Herodotus verbi causa quotquot tota Graecia sapientiae fama illustres erant, Solonem, Pythagoram *σοφιστὰς* vocavit; vide de ea re Wesselingium ad Herodt. I 20, ubi laudat Aristidem III 517: *οὐχ Ἡρόδοτος Σόλωνα σοφιστὴν κέκληκεν; οὐ Πυθαγόραν πάλιν; οὐκ Ἀνδροτίων τοὺς ἐπὶ τὰ σοφιστὰς προσείρηκε; λέγω δὴ τοὺς σοφούς*, ubi requiro: *λέγων*. Eandem consuetudinem tenuerunt Tragicī; Euripides ut hoc utar qui haec habet in Hippolyto vs. 921:

*δεινὸν σοφιστὴν εἶπας ὅστις εὖ φρονεῖν*

*τοὺς μὴ φρονοῦντας δυνατός ἐς ἀναγκάσαι.*,

ubi vide Valckenaerium. Vocabulum erat late patens apud Atticos, ut fere cuiusvis paulo exquisitoris artificii aut scientiae significatio inesse posset, quae verba sunt Cobeti, qui sic scripsit in libro de Platone Comico p. 187, ubi laudat luculentum Clementis Alexandrini locum: *οἱ Ἕλληνες — τοὺς περὶ ὁτιοῦν πολυπράγμονας σοφούς ἅμα καὶ σοφιστὰς παρωνύμως κεκλήκασι*. Tum discimus Clementis testimonio Cratinum poetas sophistas vocavisse, Iophonta rhapsodos; addit Cobetus musicos quoque interdum sophistas vocari; addo exemplum Sophoclis quem Valckenaerius l.l. haud sine veri specie coniicit sic vocavisse Thamyryn. Verum sensim paulatimque sophistae apud Athenienses contemni coeperunt et rideri; nomen invidiosum est factum et odiosum, quae res quem exitum habuerit in Socrate sophistarum principe nemo nescit. Plato fecit quod potuit ut hanc civium suorum invidiam aleret ac foveret, frustra obnitente Isocrate. Grotus hoc egit ut sophistarum et institutionis sophisticae apologiam conficeret disertam et elegantem; nos autem qui non

agimus ut hanc quaestionem illustremus sed ut emendemus Platonem, expromemus locos nonnullos, e quibus constare poterit quomodo Sophistae nomen apud philosophum usurpetur. Primum describam Proculi testimonium ad Cratyl. 403 E, qui etsi erraverit et aculeos apud philosophum non senserit, tamen illud nos docere poterit, Platonem hac certe in re plebeculae opinionem secutum, sophistas non nominare nisi cum contemptu. Haec igitur verba sunt Proculi: *ὅτι οἶδεν ὁ Πλάτων τὸ ὄνομα τὸν σοφιστὴν ἐπὶ σεμνῷ τάττειν πράγματι· τὸν γὰρ πρὸς ἑαυτὸν τὰ ἄλλα δυνάμενον εὐφραίνει οὕτω καλεῖ, οἷον τὸν Δία, τὸν Ἀιδὴν, τὸν Ἑρώτα.* Ne hoc quidem intellexit locos quos respicit, non serio esse accipiendos, sed utilis observatio est ad demonstrandum id quod dixi. Memorabilis locus est in Protagorae exordio p. 312 A. Narrat ibi Socrates se collocutum esse cum Hippocrate adulescenti, qui se tradere vellet Protagorae ut eius institutionis particeps fieret. Rogat: *ὥς τις γεννησόμενος ἔρχεται παρὰ τὸν Πρωταγόραν; καὶ ὃς εἶπεν ἐρυθρίασας, εἰ μὲν τι τοῖς ἔμπροσθεν ἔοικε, δῆλον ὅτι σοφιστὴς γεννησόμενος. Σὺ δέ, ἦν δ' ἐγώ, πρὸς θεῶν οὐκ ἂν αἰσχύνοιο εἰς τοὺς Ἕλληνας σαυτὸν σοφιστὴν παρέχων;* Contra σοφοῦ nomen apud Platonem honorificum est, sed tenendum Socratem plerumque ironice et praeter animi sensum Sophistas σοφούς vocare. Sic Hippias ὁ σοφός est Protag. p. 337 C et initio dialogi cognominis: *Ἰππίας ὁ καλός τε καὶ σοφός ὥς διὰ χρόνου ἡμῖν κατῆρας εἰς τὰς Ἀθήνας.* Interdum Plato, sicuti in communi vita omnes saepe faciebant, Sophistas proprio nomine appellat sine significatione sive admirationis quae nulla erat sive contemptus, cui plerumque indulgebat, ut in Theaet. 167 C, sed tantum ubique eos ridet et exagitat. Vide v. c. quid Anytum faciat dicentem in Menone 91 B: *μηδένα τῶν συγγενῶν μηδὲ οἰκείων μηδὲ φίλων, μήτ' ἄνδρ' ἢ μήτε ξένον τοιαύτη μανία λάβοι, ὥς παρὰ τούτους ἐλθόντα λωβηθῆναι, ἐπεὶ οὗτοι γε φανερά ἐσι λώβη τε καὶ διαφθορά τῶν συγγιγνομένων.* Hinc fit ut nullus Sophista apud Platonem libenter se hoc nomine appellet et in alloquendo omnes probroso nomine tanquam convicio sedulo abstineant. Sic Socrates, ut vidimus, Hippiam compellans vocat eum καλόν τε καὶ σοφόν· eleganter et urbane abstinet proprio viri nomine itaque in eodem dialogo p. 281 E: *Ἄρ' εὖν πρὸς Διός, ὥσπερ αἱ ἄλλαι τέχναι ἐπιδεδώκασιν καὶ εἰσὶ*

παρὰ τοὺς νῦν δημιουργοὺς οἱ παλαιοὶ φαῦλοι, οὕτω καὶ τὴν ὑμετέρην τὴν τῶν σοφιστῶν ἐπιδεδωκέναι φῶμεν; Nunc fortasse obtinebo non Platonis esse verba: τὴν τῶν σοφιστῶν· accedit quod est gravissimum Socratem dicturum fuisse τὴν τῶν σοφῶν, sed tali additamento nihil opus est. Et sunt aliae eiusmodi interpolationes: veluti recte legitur Hipp. Mai. 286 D: ὑμῶν τῶν σοφῶν, Ion. 532 D: χαίρω ἀκούων ὑμῶν τῶν σοφῶν, alibi; sed interpolatus est Ion. 530 B: ἐξήλωσα ὑμᾶς [τοὺς ῥαψωδοὺς] τῆς τέχνης., nam hoc ad rhapsodos dici totus locus perspicue demonstrat, etiamsi non diserte addatur. Alia res in Euthyphrone p. 3 E, ubi nemini suaserim ut loco pellat: ὑμῖν τοῖς μάντεσιν. Recte in Hippiā σοφός usurpatur 283 B et 304 C; contra σοφίζεσθαι cum contemptu p. 283 A. In eodem dialogo itidem corrigemus p. 282 B, ubi non fero: Γοργίας οὗτος δ' Ἀλεοντῖνος σοφιστής· quasi quisquam hoc tempore nesciret quis esset Gorgias, quem praeterea Sophistam appellare qui orator erat, indecorum est. Sed interpolatio eiusdem generis est atque in Euthydemo 305 B: πότερον τῶν ἀγωνίσασθαι δεινῶν ἐν τοῖς δικαστηρίοις [ῥήτωρ τις] ἢ τῶν τοὺς τοιοῦτους εἰσπεμπόντων, ποιητῆς τῶν λόγων οἷς [οἱ ῥήτορες] ἀγωνίζονται. Cui Crito: ἦκιστα νῆ τὸν Δία [ῥήτωρ]. Nunc etiam eo loco, qui disputationi nimis fortasse prolixae ansam dedit, mihi de interpolatione credi poterit: εὔτε τοὺς ὑμετέρους παῖδας παρὰ τοὺς τοῦτων διδασκάλους [τούςδε τοὺς σοφιστάς] πέμπετε. Sed iam tempus est accedere ad Gorgiam. ,

## AD GORGIAM.

P. 448 C. Ex Poli quodam libro excerpta illa sunt: πολλὰί τέχνηαι ἐν ἀνθρώποις εἰσὶν ἐκ τῶν ἐμπειριῶν ἐμπείρως ἡρμημέναι, κτέ. Quoties hunc locum relego, semper mihi sese offert suspicio Polum scripsisse: ἐμπείροις. Sed ultro largior hoc nimis esse incertum.

Ibid. 451 C: εἴποίμ' ἂν ὥσπερ οἱ ἐν τῷ δήμῳ συγγραφόμενοι, ὅτι τὰ μὲν ἄλλα καθάπερ ἡ ἀριθμητικὴ [ἢ λογιστικὴ ἔχει]. περὶ τὸ αὐτὸ γὰρ εἰσιν, [τό τε ἄρτιον καὶ τὸ περιττόν], διαφέρει δὲ τοσοῦτον. Paulo plura quam soleo descripsi, quo melius appareret insiticia esse quae uncinis notavi.

Ibid. 456 A: αἴρεσις ἄν δὲ σὺ ἔλεγες. Arridet quod Ficinus correxit νῦν δὲ, scribatur modo νυνδὲ. Simile quid est p. 487 E, sed de eo loco etiamnunc ambigo.

Ibid. 457 C: οἶμαι καὶ σὲ ἔμπειρον εἶναι πολλῶν λόγων καὶ καθεορακέναι ἐν αὐτοῖς τὸ τοιόνδε, κτέ. Dubitatum fuit ac recte quidem dubitatum de illo λόγων, sitne sincere traditum. Hinc quod vere scribit Madvigius *Advers.* I p. 409, hoc dicit Socrates Gorgiam multos homines eius generis de quibus agatur, usu cognovisse, sed minus probo quod commendavit λογίων, itaque Cobetus *Mnem.* 1874 p. 119, cui itidem Madvigianum λογίων displicebat, simplicissima correctione reposuit ἀνθρώπων, nec tamen rem acu tetigisse videtur. Schanzius quod haud nimis saepe facit, suam ipsius coniecturam in textum intulit, nempe: φιλολόγων. Mihi quidem Socrates innuere videtur acerbissimas concertationes sophistarum, qui tandem discedunt εἰπόντες τε καὶ ἀκούσαντες περὶ σφῶν αὐτῶν τοιαῦτα, εἶα καὶ τοὺς παρόντας ἄχθεσθαι ὅτι τοιούτων ἀνθρώπων ἡξίωσαν ἀκροαταὶ γενέσθαι: supra autem cum cura ostendi quo nomine sophistae apud Platonem gaudeant itaque corrigam: ἔμπειρον εἶναι πολλῶν σοφῶν. In iis quae praeterea de hoc loco olim adnotaveram habui qui me sequerentur Hirschigium et Cobetum, sed ea repetere nihil opus est.

Sequitur valde difficilis locus p. 461 B: ἢ οἶσι ὅτι Γοργίας ἡτχύνθη σοι μὴ προσομολογῆσαι τὸν ῥητορικὸν ἄνδρα μὴ οὐχὶ καὶ τὰ δίκαια εἰδέναι; Quam vellem et Stallbaumius et Hirschigius et Schanzius fecissent, quod Astius fecit et obsecuti essent iudicio Cornarii, quo nemo Platonem elegantius emendavit! vidit enim is legendum esse ἢ (οὐκ) οἶσι, sed nemo paret. Quam me delectat Stallbaumius cum locum sic vertit: „An putas Gorgiam prae pudore negasse virum rhetoricum etiam iusta scire et pulchra et bona oportere”, cet. Aut nihil omnino haec significant, aut non sunt huius loci. Affirmavit certe in superioribus Gorgias, p. 460 A, oratorem necessario εἰδέναι τὰ δίκαια καὶ τὰ ἄδικα. Scio quidem esse qui negent umquam licere negationes interpolare, esse enim medicinam qua violentior nulla alia sit; sed hos reprehensores ablegandos censeo ad Senecam,

qui in Controv. 7 planissime confirmabit etiam t  
 eiusmodi vitia commissa fuisse. Vide Senecae locum  
 tractatum ad Horat. Sat. I 2.27 et est sane in  
 corruptelarum numerus: vide eleganter hac de re  
 Muretum in *Variis Lectionibus* IX. 9. Sed ut s  
 praestantia emendationis Cornarianae, primum ani  
 hoc dicere Polum puduisse Gorgiam. Res liquido  
 eius verba bis referuntur tum p. 482 C, ubi Calli  
 ἔφη γάρ που αἰσχυνοῦνται αὐτὸν καὶ φάναι διδάξ  
 p. 508 C, ubi Socrates de eadem re . . . . ἔ αὐ  
 Πῶλος δι' αἰσχύνην ὁμολογῆσαι. Addo p. 494 D: Π  
 Γοργίαν καὶ ἐξέπληξα καὶ αἰσχύνεσθαι ἐποίησα, σὺ  
 πλαγῆς οὐδὲ μὴ αἰσχυνοῦς, ubi μὴ fortasse insit  
 quidem οὐ μὴ . . . . οὐδέ negantis est, cf. Cobetus  
 p. 409, quamquam nunc quidem, ut nonnemin  
 minime τέλος ἔκετο μύθων, cf. Leeuwenius ad Aris  
 Illuc redeo: conferat mihi quis vulgatum textum  
 Γοργίας ἡσχύνθη; significat, si quid video: Γοργίας  
 Contra ἢ οὐκ οἶε ὅτι Γοργίας ἡσχύνθη idem est at  
 ἡσχύνθη: nonne putas puduisse Gorgiam? Illud  
 convenit, hoc apprime huius loci est. Gorgias ig  
 μὴ προσομολογῆσαι i. e. ὑπ' αἰσχύνης οὐ προσωμο  
 nam hoc quidem recte Stallbaumius: ἀπηρνήθη  
 ἄνδρα μὴ οὐχὶ καὶ τὰ δίκαια εἰδέναι. Videntur edit  
 rem inducti esse, cum conferrent quod continuo  
 οἶε ἀπαρνήσεσθαι μὴ οὐχὶ καὶ αὐτὸν ἐπίσασθαι τ  
 habet sane Graecus sermo in talibus aliquid amb  
 certe conduplicatis illis negationibus mea mens  
 rectum videt; sed liquido tamen constat unum  
 verum reperisse Cornarium. Ceterum subdubito  
 οἶε: requiro: ἢ οὐκ ἐνθυμεῖ vel simile quid, sed n  
 modo necessaria est; nec tamen persuadet Dobraeu  
 luthon esse putat. Placebit fortasse: ἢ οὐκ οἶσθα

Ibid. 462 B. In colloquio cum Polo Socrates roga  
 ἥντινα τέχνην Φημί εἶναι. Ἐγώ γε, Polus respondet.  
 tes: οὐδεμίαν ἔμοιγε δοκεῖ, ὦ Πῶλε. Aut fallo  
 scripsit: οὐδεμίαν, ἔμοιγε δοκεῖν. Idem illud ε

feri potest ut restitui debeat Menex. 236 B: ὅτε μοι δοκεῖ συνετίθεαι τὸν ἐπιτάφιον λόγον.

Ibid. 462 E: ταῦτόν δ' ἐστὶν ὀψοποιία καὶ ῥητορικὴ. Leve est corrigere ἐσθόν. Itidem p. 481 B: ἐγὼ τε καὶ σὺ νῦν τυγχάνομεν ταῦτόν τι πεπονθότες, erit qui malit πεπονθότες et p. 464 B: δυοῖν δυτοῖν τοῖν πραγμάτοιιν δύο λέγω τέχνα, quam τέχνας.

Ibid. 464 B: τῆς δὲ πολιτικῆς ἀντίτροφον μὲν τῇ γυμνασικῇ τὴν νομοθετικὴν, ἀντίτροφον δὲ τῇ ἱατρικῇ τὴν δικαιοσύνην. Res tribus verbis transigi potest, postquam Cobetus, *Mnem.* 1874 p. 278, luculenta disputatione evicit hanc δικασικὴν fuisse dicendam, quemadmodum recte legitur 520 B. Ut appareat vetustissimum esse vitium sed tamen vitium, iis quae Cobetus contulit, nunc iuvat addere Clitoph. p. 408 B: τὴν τῶν ἀνθρώπων κυβερνητικὴν, ἣν δὲ σὺ πολιτικὴν ἐπονομάζεις πολλάκις, τὴν αὐτὴν δὲ ταύτην δικασικὴν τε καὶ δικαιοσύνην ὡς ἔσι λέγων. Contra Sopater in Prolegomenis ad Aristidem: πάλιν καὶ ἐπὶ τῆς ψυχῆς δύο μέρη δίδωσι, τὴν νομοθετικὴν καὶ τὴν δικασικὴν. Denique prodeat scriptor dialogi de Iusto p. 373 E, qui officium iudicis δικασικὴν vocat. Ceterum probe distinguenda est δικανικὴ, quae est causarum patroni: tenendum hoc est Rep. III 405 A, sed Cobetus hoc iam attigit. Nihil praeterea ulterius dicam et miror quod Schanzius, qui in talibus valde se accuratum praestare solet, immemor Cobeti fuit septem annis postquam dissertatio in *Mnemosyne* prodiit.

Ibid. 465 B: ἡ κομωτικὴ σχήμασιν καὶ χρώμασιν καὶ λείδητι καὶ ἐσθήσει ἀπατῶσα. Longe melius intelligam σμήμασιν, nam haec Attica forma est, non σμήγμασιν et quod sincerum erat, sub corruptela tuto delituit. Antiphanes apud Athenaeum IX p. 409 C: ὅττω τις δεῦρ' ὕδωρ — καὶ σμήμα. Idem apud Clementem Alex. Paed. III 2 p. 218 Sylb.

σμήται, κτενίζετ', ἐκβεβηκ', ἐντρίβεται,  
λοῦται, σκοπεῖται, ἐλέλλεται, μυρίζεται.

Aristophanes apud Polluc. VII 166:

ἀλλ' ἀρτίως κατέλιπον αὐτὴν σμωμένην  
ἐν τῇ πυέλῳ.

Τοῖς σμήμασιν odorama admiscebantur et σμήματα ἱριόμικτα ex Philoxeno afferuntur. Etiam χρωμα et χρῆμα interdum confunduntur, cf. Cornarius p. 24 et 81.

Ibid. 465 C: καὶ γὰρ ἄν, εἰ μὴ ἡ ψυχὴ τῷ σώματι ἐπесάται . . . τὸ τοῦ Ἀναξαγόρου ἂν πολὺ ἦν — ὁμοῦ ἂν πάντα χρήματα ἐφύρετο ἐν ταύτῳ, ἀκρίτων ὄντων τῶν τ' ἰατρικῶν καὶ ὑγιεινῶν καὶ ὀψοποιικῶν. Primum est solemnus particularum confusio et reponam καὶ γὰρ δὴ· deinde eiicienda sunt vocabula ἂν πολὺ ἦν· additur illud τὸ τοῦ Ἀναξαγόρου eodem modo quo crebro interponitur illud τὸ λεγόμενον· nisi eiicias, ea quae subiunguntur ὁμοῦ ἂν πάντα κτέ. non satis arcte coniunguntur cum praecedentibus et in aere pendent. Denique Dobraeus eiicere voluit καὶ ὑγιεινῶν· ego contra in fine suppleverim: καὶ πονηρῶν, coll. 464 D et 517 E.

Ibid. 467 C. Exclamaverat Polus: Σχέτλια (γε) λέγεις καὶ ὑπερφυᾶ, ὦ Σώκρατες, nam particula γε ex Stobaeo qui locum laudavit, accedat oportet. Tum Socrates: μὴ κατηγορεῖς, ὦ λῶσε Πῶλε. Duo hic vitia mihi odorari visus sum. Primum novum est accusationis genus conviciis uti itaque verum esse dixerim μὴ κακηγόρεῖς. Prorsus idem vitium deprehendi in Photii lexico: εὐπγγελεῖν· ὕφ' ἐν λέγουσι καὶ κακαγγελεῖν, ubi codex καταγγέλλειν habet. Sed quid est cur post ὦ λῶσε Πῶλε sequatur ἵνα πρσείπω σε κατὰ σέ; Novimus Polum usum fuisse artificiali et calamistrato dicendi genere, nam diserta Socratis verba sunt Phaedr. p. 267 B: τὰ δὲ Πῶλου πῶς φράσομεν αὐ μουσεῖα λόγων, ὅς διπλασιολογίαν καὶ γνωμολογίαν καὶ εἰκονολογίαν, ὀνομάτων τε Λικυμνείων ἃ ἐκείνῳ ἐδωρήσατο πρὸς ποίησιν εὐπειας; Nec prorsus intelligo illa artis vocabula, nec multum refert, nam quid in Poli dictione Plato improbarit, apparet p. 448 C ubi eum inducit ita disserentem: πολλὰ τέχνη ἐν ἀνθρώποις εἰσὶν ἐκ τῶν ἐμπεύρων ἐμπεύροις ὑῤῃμῆναι· ἐμπειρία μὲν γὰρ ποιεῖ τὸν αἰῶνα ἡμῶν πορεύεσθαι κατὰ τέχνην, ἀπειρία δὲ κατὰ τύχην. ἐκείων δὲ τούτων μεταλαμβάνουσιν ἄλλοι ἄλλων ἄλλως, τῶν δ' ἀρίων οἱ ἄριστοι. Tale quid igitur latere debet in ὦ λῶσε Πῶλε, quod diserte legimus κατὰ τὸν Πῶλον fuisse dictum. Σκόπει, ut scribit scholiasta, τὰ πάρισα τοῦ Πῶλου· ἐμπειρία—

ἀπειρία, τέχνη—τύχη, ἄλλοι—ἄλλων—ἄλλως· quin et erant qui contenderent non haec dicere Polum ἐξ αὐτοσχεδίου, προσυγγραψάμενεν δέ. Scribit Hirschigius similiter legi Protag. 336 B: οὐ καλῶς λέγεις, ὦ Καλλία et Symp. 185 C: Πausανίου δὲ παυσάμενου, „qualia”, inquit, „ne putes Platonem temere ac forte fortuna ita scripsisse; apparet ex verbis quae sequuntur: διδάσκουσι γάρ με ἴσα λέγειν οὕτως οἱ σοφοί”. Verumtamen hisce diligenter expensis, nil quidquam promovimus ad intelligentiam verborum: ὦ λῶς Πῶλε· quid enim tandem notabile in simplicibus verbis, etiamsi scholiasta scribat: κατὰ σέ· καὶ γὰρ Γοργία καὶ τοῖς μετ' αὐτὸν αἱ παρισώσεις ἐπετηδεύοντο. Non magis hic παρίσωσιν cerno quam in ὦ Φίλε Πῶλε p. 465 D. Contuli autem Homericum: μαινόμενε, Φρένχς ἤ λέ, διέφθορας. Quid si Plato scripsit: ὦ ἤ λέ Πῶλε, quod quum per crasin offerendum sit, praeterea lucrabimur pronunciationem: ὦ λέ Πῶλε, etiamsi divisim scribi debeat ὦ ἤ λέ. Haec autem coniectura si probabitur, magis etiam id confirmabitur quod posuit Cobetus *Mnem.* 1874 p. 116, Gorgiam dialogum sibi compositum videri haud ita multo post Socratis mortem indeque animadverti in nonnullis iuvenilem quamdam effervescentiam, quae in Platonem aetate et usu hominum maturum non cadat. Illud ὦ ἤ λέ Πῶλε modum excedit, sed Plato iuvenis non magis quam Cicero acute dictum restringere poterat ne proferret.

Ibid. 470 C. Nunc iuvat tribus verbis indicare aliquot interpolationes: veluti in hisce: ἀλλὰ μὴ κάμης Φίλον ἄνδρα εὐεργετῶν, male adhaeret: ἀλλ' ἐλέγχε, quemadmodum κολαζόμενος insititium est p. 505 C et ἀναμνησθῆναι Phaed. 73 B. Itidem p. 471 C: τοιγάρτοι νῦν ἀθλιώτατός ἐστιν πάντων Μακεδόνων, frangitur loci vis quum addatur: ἀλλ' οὐκ εὐδαιμονέστατος. Praeterea p. 471 E: ῥητορικῶς γάρ με ἐπιχειρεῖς ἐλέγχειν ὥσπερ οἱ ἐν τοῖς δικαστηρίοις· satis hoc est et languet quod adscriptum fuit: ἡ γούμενοι ἐλέγχειν. Denique p. 473 E: ἄλλο αὖ τοῦτο εἶδος ἐλέγχου ἐστίν, ἐπειδὴν τίς τι εἶπη, καταγελαῶν; stulte addit qui addidit: ἐλέγχειν δὲ μή.

Ibid. 473 E. Laetus vidi post illa: ἐπειδὴ ἔδει με ἐπιψηφίζειν, γέλωτα παρεῖχον, Cobetum *Mnem.* 1874 p. 126 non tulisse quod

interpolatorem redolet: καὶ οὐκ ἡπιστάμενην ἐπιψηφίζειν, quae verba decem annis ante obelo notaram. Ex iis quae tunc disputavi nihil indicabo praeter duos locos ex quibus discimus secundum Platonem philosophum semper vulgo γέλωτα παρέχειν: Theaet. 174 C: philosophus ὅταν ἐν δικαστηρίῳ ἢ πρὸς ἄλλοις ἀναγκασθῇ περὶ τῶν παρὰ πῶδας διαλέγεσθαι, γέλωτα παρέχει οὐ μόνον Θράτταις ἀλλὰ καὶ τῷ ἄλλῳ ὅχλῳ. Et in eandem sententiam Rep. VII 517 A.

Ibid. 480 B: εἴπερ τὰ πρότερον μένει ἡμῖν δμολογήματα. Arridet: ὁμολογημένα.

Ibid. 480 C: παρέχειν μύσαντα καὶ ἀνδρείως ὥσπερ τέμνειν τε καὶ κἄνιν ἱατρῷ. Cobetus *Mnem.* 1874 p. 128 luculenter ostendit spuria esse verba: καὶ ἀνδρείως, deinde suscepit probare idoneis aliquot allatis exemplis, tanquam proverbio μύσαι dici, qui obfirmato animo quodlibet perferre ac pati paratus sit. Nec miror neque aegre fero quod non recordatus est eorum quae olim in angulo quodam scripseram ut commendarem meum (μὴ) μύσαντα, quod Hirschigium latuit nec vero Schanzium in laboriosissima adnotatione, ex qua didici ferme triginta annis ante me Bergkium quoque idem suasisse. Quid enim? Novum sane est virtutis genus, si quis ad mala *oculos attollere* non audet neque *rectis oculis* imminens periculum contueri. Aliud certe exemplum Socrates moriens dedit qui ταυρηδὸν βλέπων venenum bibit. Aliter Medea apud Euripidem vs. 92:

ἤδη γὰρ εἶδον ὄμμα νιν ταυρουμένην

τοῖςδ' ὥς τι δρασεῖουσιν.

Creontis filia contra vs. 1183: ἐξ ἀναύδου καὶ μύσαντος ὄμματος δεινὸν ζενάξας' ἢ τάλαιν' ἠγείρετο. Est sane Menandri γαμικὸν παράγγελμα, quod etiam Cobetus excitavit:

ἢ μὴ γαμεῖν γὰρ, ἂν δ' ἄπαξ λάβῃς φέρειν

μύσαντα πολλὴν προῖκα.,

quod hercle non ἀνδρείας signum est. Non minus luculentus locus est in Dione Cassio LIV 25, referente exemplum insanae crudelitatis in Caio Caesare, qui Capitonem patrem adesse iusserat caedi innocentis filii: πυθομένου δ' αὐτοῦ εἰ μύσαι γέ οἱ ἐπιτρέπει προτέταξε καὶ ἐκείνον σφαγῆναι. In Etymologico est:

ἀτάρμυκτον· ἄφοβον, θρασύ, κυρίως τὸ μὴ μῦν. Sed vide rem quam natura suadet et sermonis usus confirmat, egregie explicatam a Bentleio qui docte ornavit emendationem in Horat. Odar. I 3. 18: qui *rectis* oculis monstra natantia . . . vidit, cum antea legeretur *siccis*. Nullibi τὸ μύειν signum est ἀνδρείας.

Ibid. 484 A. Foede depravata est sententia eleganter enunciata: πάντα ταῦτα ἀποσεισάμενος καὶ διαρρήξας καὶ διαφυγὼν καταπατήσας τὰ ἡμέτερα γράμματα καὶ μαγγανεύματα καὶ ἐπωδάς. Quis non continuo admonitus intelligit post acre illud ἀποσεισάμενος καὶ διαρρήξας ferri non posse languidum διαφυγὼν? Repone apud Homerum celebrato loco δεσμὸν ἀπορρήξας θείῃ πεδίῳ — φοβηθείς, et intelliges Platonem non potuisse addere διαφυγὼν. Sed gravior labes est in vocabulo γράμματα et dissimilis sui fuisset Plato, si hoc vocabulum coniunxisset cum μαγγανεύματα et ἐπωδάς et deseruisset elegantem metaphoram quam instituerat: ἐκ νέων λαμβάνοντες ὥσπερ λέοντας κατεπείδοντες τε καὶ γοητεύοντες καταδουλούμεθα. Itaque mihi plaudebam — fatebor enim — cum correxissem περιάμματα et vocabuli usum — sic enim *amuleta* dicuntur — apud recentiores utique exemplis quibusdam stabilivi, nam veteres Athenienses *περιαπτὰ* magis appellant. Deinde aliquot annis post supervenit Hirschigius, qui in editione Gorgiae p. 77 docuit Cobetum in schedis Valckenaerianis ineditis eandem correctionem reperisse eamque correctionem sibi impense probari. Anno post, *Mnem.* 1874 in 133, apparuit Cobetum mutavisse sententiam, cum contenderet non nobis licere formam minus Atticam Platoni obtrudere, cum praesertim importuna nunc fiat *amuletorum* mentio. Itaque perparum abfuit quin locum sanum esse crederet; tandem, quod raro fecit, dubitanter coniecit πλάσματα. Nae ego nimium meorum amator sum, cum praesertim Valckenaerii ipsius auctoritas accesserit et aegre adducor ut illius lectionis περιάμματα patrocinium deseram; certe non postponam Cobetano πλάσματα. Qui fortasse probabit προτάγματα, ἱερὸν τὸν σέφανον pronunciabit esse. Periti lectores litem diiudicent.

Ibid. 484 B: τὸ γὰρ ἄσκη οὐκ ἐπίσταμαι, Lege: ἐξεπίσταμαι. Docuerunt me discrimen duo loci Platonis, quorum alter

in Protagora p. 339 B, ubi Abderita laudato fragmento Simoni-  
deo, Socratem rogat: τοῦτο ἐπίσασαι τὸ ἄσµα ἢ πᾶν σοι διεξέλθω;  
alter initio Phaedri, ubi Socrates: εἰς περίπατον ἔειξεπιστάμενος  
τὸν λόγον, quocum confer Phaedri verba: τὰ ῥήματα οὐκ ἐξέμα-  
θον, τὴν μέντοι διάνοιαν σχεδὸν ἀπάντων.

Ibid. 486 B: οἶσθ' ὅτι οὐκ ἂν ἔχοις ὃ τι χρήσαιο σαυτῷ. Longe  
praetulerim imperativum: ἴσθ' ὃ τι.

Ibid. 486 C. Callicles ad praesentem rem accommodat Euri-  
pidis verba ex Antiopa: ἐμοὶ πιθοῦ, παῦσαι δ' ἐλέγχων et  
quae sequuntur, quae Callicles pro suo consilio immutavit.  
Sed in oratione Zethi ad Amphionem quaesitum fuit quodnam  
verbum ipse poeta usurpaverit, cui verbo Callicles suum  
ἐλέγχων supposuerit. Vide varia doctorum virorum tentamina  
apud Nauckium fr. 188. Commendatum fuit ἀοιδῶν, μολπῶν,  
μέλπων, παῦσαι μὲν ἄδων· denique ipse Nauckius μελωδῶν prae-  
tulit, quod in textum adeo intulit. Me advertit quod in optimo  
Veneto Codice adscriptum est: ἐν ἄλλῳ πρόκειται παῦσαι μα-  
τρίζων. Cf. Oed. Tyr. vs. 891: τῶν ἀθίκτων ἔξεται ματρίζων.  
Hoc ipsum fortasse Lucianus legit de Luctu c. 16: παραιτη-  
σάμενος τὸν Αἰακὸν, τὸν πατέρα παῦσαι ματαιάζοντα.

Ibid. 487 A: τὸν μέλλοντα βασανιεῖν ἱκανῶς ψυχῆς πέρι ὁρθῶς  
τε ζώσης καὶ μὴ τρία ἄρα δεῖ ἔχειν. Displicet particula ἄρα et  
libenter legerim τρι' ἄττα. Componenda sunt Calliclis verba  
quae prostant p. 489 C: ἢ οἶμαι λέγειν, ἐὰν συρφετὸς συλλεγῇ  
δούλων καὶ παντοδαπῶν ἀνθρώπων μηδεὶς ἀξίῳ πλὴν ἴσως τῷ  
σώματι ἰσχυρίσασθαι, καὶ οὗτοι Φῶσιν ἄττα, ταῦτα εἶναι νό-  
μιμα; Ita Schanzius locum edidit Heindorfium secutus, qui  
ἄττα scripserat, cum in codicibus legeretur αὐτά. Cobetus  
*Mnem.* 1874 p. 136 in idem incidit idque laudatis duobus  
idoneis locis commendavit. Illud impense miror, cum septem  
paginis ante ostendisset Φῶμεν et θῶμεν saepe permutari, eum  
non animadvertisse hic quoque θῶσιν longe praestare, quin et  
unice verum esse. Est praeterea sciendum Heusdium Ficino  
duce commendasse: ἂν οὗτοι Φῶσι. Quibus omnibus in unum  
collatis, verum esse crediderim, reiecta Heindorfii suspicione:

ἢ οἷε με λέγειν . . . ἂν οὗτοι θῶσι, αὐτὰ ταῦτα εἶναι νόμιμα.  
Nempe αὐτὰ ταῦτα significat *eam ipsam ob causam*, sicuti Protag.  
310 E: ἀλλ' αὐτὰ ταῦτα καὶ νῦν ἤκω παρὰ σέ. Itidem Euripides  
eo modo locutus est Or. 665:

ἔρεῖς, ἀδύνατον· αὐτὸ τοῦτο τοὺς φίλους  
ἐν τοῖς κακοῖς δεῖ τοῖς φίλοιςιν ὀφελεῖν.

Ibid. 487 B: τὼ δὲ ξένῳ τῷδε Γοργίας τε καὶ Πῶλος.  
Eliminanda sunt propria nomina.

Ibid. 487 B: πεπαίδευσαι γὰρ ἱκανῶς. Tenuis ea laus est et  
audacter reponam καλῶς. Est haec frequentissima confusio.  
Veluti in Gorgiae verbis p. 453 A: δοκεῖς ἱκανῶς ὀρίζεσθαι,  
utere eadem correctione, coll. p. 450 D: πάνυ κελῶς ὑπολαμ-  
βάνεις et p. 455 D: αὐτὸς γὰρ καλῶς ὑφηγήσω. Eodem modo  
Hirschigius correxit Criton. p. 47 A. Dittographia est Symp.  
p. 177 E: ἐὰν οἱ πρόσθεν ἱκανῶς καὶ καλῶς εἴπωσιν. Menex. p. 244 B:  
παθόντες κακῶς ἱκανῶς, οὐκ ἐνδεῶς ἡμύναντο, Bekkerus eiecit  
id quod est ἱκανῶς. Rep. I 354 B: οὐ μέντοι καλῶς γε εἰζίταμαι,  
rectissime Stallbaumius correxit: ἱκανῶς. Deinde p. 485 E:  
ἐλεύθερον καὶ μέγα καὶ ἱκανόν, bene Coraes καλὸν correxit.  
Sed nullibi talium corruptelarum finem invenio.

Ibid. 487 C. Paulo pluris erit accurate considerare verba, ad  
quae quantum animadverti nemo satis attendit; Groenio certe  
nihil suboluit. Audiamus Socratem: οἶδα ὑμᾶς ἐγὼ τέτταρας  
ὄντας κοινωνίας γεγονότας σοφίας, σέ τε καὶ Τεῖσανδρον τὸν Ἀφιδ-  
ναῖον καὶ Ἀνδρῶνα τὸν Ἀνδροτίωνος καὶ Ναυσικύδην τὸν Χολαργέα·  
καὶ ποτε ὑμῶν ἐγὼ ἐπήκουσα βουλευομένων μέχρι οὗτου (sic recte  
Hirschigius) τὴν σοφίαν ἀσκητέον εἶη καὶ οἶδα ὅτι ἐνίκᾳ ἐν ὑμῶν  
τοιᾷδε τις δόξα, μὴ προθυμεῖσθαι εἰς τὴν ἀκρίβειαν φιλοσοφεῖν.  
Probabant igitur illi id quod est apud Ennium, philosophandum  
esse paucis, nam omnino haud placere; sed Socrates tali collo-  
quio numquam interfuit et, si interfuisset, numquam tacitus  
auditor assedisset. Quid igitur? Nempe sicuti supra vidimus  
Platonem aliquam Poli scriptionem respicere, sic nunc credere  
licebit Calliclem scriptorem fuisse dialogi, in quo cum tribus  
amicis Tisandro, Androne et Nausicyde de philosophiae usu ac

pretio colloqueretur. Nondum eius nomen inter Atticos scriptum relatum fuerat. De Nausicyde Cobetum cf. *Protop. Xen.* p. 310 sq. Ceterum de Lachete conferri poterunt Trubetzkous et Jo. in *Herm.* 1905 p. 636 sq. et 1906 p. 310 sq.

Ibid. 488C: τὸ κρείττον καὶ (τὸ) ἰσχυρόν καὶ (τὸ) βέλτερον Bis inserui articulum, sicuti mox recte legitur.

Ibid. 490C: τῷ μὲν ἄρχειν πάντα ἐκεῖνον δεῖ νέμειν. I finitivi locum permutanto.

Ibid. 497E: οἶμαι γὰρ σοι οὐδὲ τοῦτο ὁμολογεῖσθαι. Im praestat: ὁμολογεῖσθαι.

Ibid. 499B: τούτου ἄσμενος ἔχει ὥσπερ τὰ μειράκια. Malo τὰ σκυλάκια, coll. *Rep.* VII p. 539B.

Ibid. 501B: ἵνα σοι καὶ περὶ τῆς ὁμοιογενείας. Malo χαρίσωμαι. Scribe: τὸδε.

Ibid. 502A. Dum canebat Cinesias citharoedus, non hoc agebat ut ii qui audirent meliores fierent; non πρὸς τὸ βέλτερον ἔβλεπεν. olim autem pater eius filio longe peior οὐδὲ πρὸς τὸ ἥδιον. est hoc per facile intellectu et, si quis minus assequatur, adhibere poterit quod sequitur: ἡνία γὰρ ἄδων τοὺς θεατάς. modo scholium relegetur in marginem, unde in textum pessime irrepsit.

Ibid. 505E: ἵνα μοι τὸ τοῦ Ἐπιχάρμου γέννηται, ἃ πρὸ τοῦ δὲ ἄνδρες ἔλεγον, εἰς ἃν ἱκανὸς γένωμαι. *Mnem.* 1888 p. 98 demonstrare conatus sum, spurium esse vocabulum γέννηται et legendum esse: ἃ πρὸ (δ) τοῦ δὲ ἄνδρες ἔλεγον, quam locutionem Epicharmus duxerit ex Homericō versu: σύν τε δὲ ἔρχομένω — πρὸ δ τοῦ ἐνόησεν. Etiam *Symp.* 174D Plato eodem versu usus est; sed taedet longam disputationem verbotenus describere.

Ibid. 507E: ὅτῳ δὲ μὴ ἐνὶ κοινωνίᾳ, Φιλία οὐκ ἂν εἴη. Scribe: ἐν εἰρήνῃ.

Ibid. 511 C: ἦν σὺ κελεύεις ἐμὲ μελετᾶν [τὴν ῥητορικὴν] τὴν ἐν τοῖς δικαστηρίοις δικσώζουσαν. Vides interpolationem.

Unica litera non sine damno sententiae abundat p. 511 E. Si quis ex Aegypto et Ponto Athenas advenit, ars gubernatoria σώσασα ἃ νυνδὴ ἔλεγον καὶ αὐτὸν καὶ παῖδας καὶ χρήματα καὶ γυναῖκας ἀποβιβάσας· εἰς τὸν λιμένα, δύο δραχμὰς ἐπράξατο. Non fero pluralem numerum γυναῖκας, nam nunc uxor intelligitur, et reponam γυναῖκα. Ficinus legisse videtur καὶ παῖδας καὶ γυναῖκας καὶ χρήματα et hic verborum ordo placet, modo rescribas singularem numerum. Mihi quidem hoc certum videtur et habui Schanzium consentientem. Supra legimus p. 473 C: τοὺς αὐτοῦ ἐπιδὼν παῖδᾶς τε καὶ γυναῖκα. Legitur in Rep. IX 578 E: ἄρας ἐκ τῆς πόλεως αὐτόν τε καὶ γυναῖκα καὶ παῖδας, cf. Rep. V 464 D Legg. IV 721 C: ὃς ἂν παιδῶν καὶ γυναικὸς ἀμελῇ. Eadem medicina utemur in opere de Legibus I p. 650 A: ἐπιτρέποντα αὐτοῦ θυγατέρας τε καὶ υἱεῖς καὶ γυναῖκας, οὕτως ἐν τοῖς φιλότατοις κινδυνεύειν, nam quid potest esse ineptius quam pluralis in tali re? Contra singularis de pluribus usurpatus nihil habet offensionis. Homerus quidem Iliad. Δ 161: σὺν σφῆσι κεφαλῆσι γυναιξί τε καὶ τεκέεσσιν, sed Odyss. γ 37: Πεισίστρατος ἐγγυθεν ἐλθὼν ἀμφοτέρων ἔλε χειρα, Eur. Androm. 944: χρὴ τοὺς γε νοῦν ἔχοντας οἷς ἔστιν γυνή. Et in Med. 1024:

ἐγὼ δ' ἐς ἄλλην γαῖαν εἶμι δὴ Φυγὰς,  
πρὶν σφῶν ὄνασθαι ἀπιδεῖν εὐδαίμονας,  
πρὶν λέκτρα καὶ γυναῖκα καὶ γαμηλίους  
εὐνὰς ἀγῆλαι λαμπάδας τ' ἀνασχεθεῖν.

Adnotavit ad hunc locum Porsonus et provocavit ad Arist. Plut. 529: ὁπότεν νύμφην· ἀγάγησθον et ubique magna est talium copia. Sic etiam Euripides in Troad. 392:

ἀεὶ κατ' ἥμαρ σὺν δάμαρτι καὶ τέκνοις  
ῥέκουν.

Idem vitium quod e Platone sustulimus et e Luciano de Syria Dea 12, *Mnem.* 1901 p. 274, e Menandro sustulit Bentleius *Emendat.* p. 96. Porro vide Dobraeum *Advers.* II p. 283 et solitas Conti copias *Ερμ. Λογ.* p. 88.

Ibid. 512 A: ἂν τ' ἐκ θαλάττης (τις) ἂν τ' ἐκ δικαστηρίου σώσῃ.  
Necessario supplendum est quod vides.

Ibid. 513 A: τὰς τὴν σελήνην καθαιρούσας [τὰς Θετταλί-  
δας]. Dele glossam.

Ibid. 515 C: ὁμολογήκαμεν· ἐγὼ (γὰρ) ὑπὲρ σοῦ ἀποκρινοῦμαι.  
Unusquisque facile sentit quid desit.

Ibid. 516 A: ὄνων γοῦν ἂν ἐπιμελητὴς καὶ ἵππων καὶ βοῶν  
τοιοῦτος ὢν κακὸς ἂν ἐδόκει εἶναι, εἰ παραλαβὼν μὴ λακτίζοντας  
μηδὲ κυρίττοντας μηδὲ δάκνοντας, ἀπέδειξε ταῦθ' ἅπαντα ποιούν-  
τας δι' ἀγρίότητα. Iam dixi de hoc loco *Mnem.* 1879 p. 79.  
Qui enim λακτίζουσιν? Equi, opinor. Qui κυρίττουσιν? Boves.  
Qui denique δάκνουσιν? Asini. Itaque legendum est: καὶ βοῶν  
καὶ ἵππων, nam in talibus Plato qui Homerum solet imitari,  
semper verborum antecedentium ordinem *immutat*: A, B, Γ:  
Γ, Β, Α. Cf. Protag. 341 B: οὐδεὶς λέγει δεινοῦ πλούτου οὐδὲ  
δεινῆς εἰρήνης οὐδὲ δεινῆς ὑγείας, ἀλλὰ δεινῆς νόσου καὶ  
δεινοῦ πολέμου καὶ δεινῆς πενίας. Rep. IX 516 B: λακτί-  
ζοντες καὶ κυρίττοντες ἀλλήλους σιδηροῖς κέρασί τε καὶ  
ὀπλαῖς.

Ibid. 519 A: ἄνευ γὰρ σωφροσύνης Φλυαριῶν ἐμπεπλήκασι τὴν  
πόλιν. Etiam si iam Aristides in suo Codice eam lectionem in-  
venerit, tamen corrigere ausim: ἀντὶ γὰρ σωφροσύνης. Vide  
de hoc loco Cobetum *Mnem.* 1874 p. 154.

Ibid. 519 A: Θεμισοκλέα δὲ καὶ Κίμωνα καὶ Περικλέα ἐγ-  
κωμιάσουσιν. Propter p. 515 D hic prope modum necessario sup-  
plendum: (καὶ Μιλτιάδην) καὶ Κίμωνα. Neglexit Schanzius  
Hirschigium, qui hoc iam observarat p. 136, nec tamen anim-  
advertit Platonem in iisdem nominibus referendis invertisse  
eorum ordinem.

Ibid. 519 D: καίτοι τί ἂν ἀλογώτερον εἴη ἀνθρώπους ἀγαθοὺς  
γενομένους . . . . σχόντας δὲ δικαιοσύνην ἀδικεῖν τούτῳ ὃ οὐκ  
ἔχουσιν; Prorsus necessarium est: ἔχοντας.

Ibid. 522 A: ἴσως· οἴεσθαι γε γρή. Adnotaram spurium mihi videri illud ἴσως, sed sero veni, nam Hirschigius p. 139 idem iam observarat probavitque Cobetus *Mnem.* 1874 p. 157. ἴσως apud Platonem semel iterumque interpolatori debetur et de locutione οἴεσθαι γε γρή si plura requires, adire poteris Wytttenbachium ad Phaed. p. 68 A et Stallbaumium ad Criton. 53 D, Protag. 325 C, alibi.

Ibid. 522 B: οἷσι ἐν πάσῃ ἀπορίᾳ ἂν αὐτὸν ἔχουσθαι. Praetulerim: ἐνέχουσθαι. Simili modo p. 453 A et 454 E Cobetus sanavit *Mnem.* 1874 p. 117 sq.

Ibid. 522 D: κολακικῆς ῥητορικῆς ἐνδείξ. Mirum nondum fuisse qui e textu eiiceret id quod est ῥητορικῆς. Eiusdemmodi interpolationes minime rarae sunt: exempla invenies ab Cobeto collecta *Mnem.* 1874 p. 151.

Ibid. 523 E: γυμνοὺς κριτέον ἀπάντων τούτων· τεθνεῶτας γὰρ δεῖ κρίνεσθαι· haud sane obscura verba sunt; sequitur: καὶ τὸν κριτὴν δεῖ γυμνὸν εἶναι αὐτῇ τῇ ψυχῇ αὐτὴν τὴν ψυχὴν θεωροῦντα· hoc quoque perspicuum; sed quis admonitus aequo animo ferat ante αὐτῇ τῇ ψυχῇ stulte insertum τεθνεῶτα?

Ibid. 527 A: ἐλθὼν παρὰ τὸν τῆς Αἰγίνης υἱόν· inutiliter explicarunt: τὸν δικάστην.

Ibid. 526 E: ὅταν ἡ δίκη σοι ᾖ καὶ ἡ κρίσις. Parum abest quin verum esse suspicer: ὅταν ἡ δίκη σοι ᾖ καί.

Ibid. 527 A: ταῦτα μῦθος σοι δοκεῖ λέγεσθαι ὥσπερ γραδὸς καὶ καταφρονεῖς αὐτῶν· hoc recte et itidem recte quod sequitur: καὶ οὐδὲν γ' ἂν ἦν θαυμαστὸν εἰ πῇ ζητοῦντες εἴχομεν αὐτῶν βελτίω; sed nihil attinet post θαυμαστὸν explicationis gratia addere: καταφρονεῖν τούτων. Erit praeterea diligenter videndum, an non praestet γραδὸς ὕθλον appellare, quam μῦθον· paroemiographi certe γραδὸς ὕθλον enotarunt dixitque verbi causa ipse Plato Theaet. 176 B: ταῦτα γὰρ εἰσιν ὁ λεγόμενος γραῶν ὕθλος· vide quoque Rep. I 336 D. Cobetus in *Variis Lectionibus* p. 269

apud Lucianum in Philopseude § 9 γραῶν μύθους immutavit ut ὕθλοι fierent. Nihil impedit quominus adscribam nimis fortasse incertam suspicionem de Euripide. Sunt, Troad. vs. 1185, Hecubae verba de Polyxena:

οὐδ' οὐκ ἔμ', ἀλλ' ἐγὼ σε τὸν νεώτερον  
 γραῦς ἀπολις ἄτεκνος ἄθλιον θάπτω νεκρόν.  
 οἱμοι, τὰ πόλλ' ἀσπάζεσθαι αἶ τ' ἐμαὶ τροφᾷ  
 ὕπνοι τ' ἐκεῖνοι φροῦδά μοι.

Nemo umquam illos ὕπνους concoquere potuit itaque Prinzius cum Weckleinio non minus quam undecim coniecturas collegerunt, quarum pleraeque absurdae sunt, vix autem una et altera haud nimis improbabilis. Ipse quoque non ἀσύμβολος abibo et commendabo: ὕθλοι τ' ἐκεῖνοι.

Denique aliquid excidit p. 327 C: τῇ ῥητορικῇ οὕτω χρησέον ἐπὶ τὸ δίκαιον αἰεὶ, (ὦς) καὶ τῇ ἄλλῃ πάσῃ πράξει.

#### AD MENONEM.

P. 70 A. Huius dialogi initio nunc idem usu venit quod supra quum de Critia videbamus, nempe prorsus non habeo dicere quid de Menonis moribus atque indole iudicandum sit. Idem ille est quem Xenophon loco omnibus noto depinxit tanquam periurum, avarum, subdolum, mortalium pessimum denique. Aegre mihi persuadeo Xenophontem, cuius animi candorem diligimus, de suo promississe venenum quo nil tale meritum perfunderet. Apud Platonem omnia alia invenies. Ne hominem laudaverit, quod libenter concedo; vere observaverit Groenius sermonem nec Gorgiae magistro honorificum esse nec discipulo Menoni; dixerit Socrates p. 78 D: χρυσίον καὶ ἀργύριον πορίζεσθαι ἀρετὴ ἐστίν, ὥς φησι Μένων ὁ τοῦ μεγάλου βασιλέως ξένος: quid erat quod Plato Socratem faceret cum profligatissimo scelere disserentem? Cur hoc si facere collibuerit, quantum potest homini parcat? Nam quod ironice p. 76 A ὑβριτής dicitur, nihil ad rem. Certe causam non repetam ab nescio qua similitudine quae inter Platonem et Xenophontem intercesserit, qua de re conferre poteris Athenaeum XI p. 505 A et Diogenem Laert. II 50. Equidem identidem delabor ad suspicionem — sed metuo

ne philosophorum cohors in me invehatur ac plane indignum pronunciet qui veteres membranas contrectem, cum livida lingua manes τῆς θείας κεφαλῆς violare susceperim — delabor igitur ad suspicionem, adeo acrem Platonem τοῦ Δήμου osorem fuisse, ut, si cum libertatis fautoribus comparaveris, ei Critias et Meno excusabiles viderentur. Nec miror eum contempsisse Niciae timiditatem, quod ex Lachete existimari potest, cum σφοδρὸς ἦν ἐφ' ὃ τι ὀρμήσειε.

Ibid. 71 B. Vocula excidit: πῶς ἂν ὁποῖον γέ τί (ἐς ιν) εἰδείην. Contrarium vitium apud Demosthenem notavimus *Mnem.* 1903 p. 42. Itidem aliquid excidit p. 70 C: ἐνθάδε τὸ ἐναντίον περιέσκειν· ὥσπερ (γὰρ) αὐχμὸς τις τῆς σοφίας γέγονεν.

Ibid. 71 E: εἰ δὲ βούλει γυναικὸς ἀρετήν. Non vacat longam periodum describere, sed si inspexeris, videbis male adhaerere verba: χαλεπὸν διελθεῖν.

Ibid. 76 A: κατὰ γὰρ παντὸς σχήματος τοῦτο λέγω εἰς ὃ τὸ σπερδὸν περαίνει, τοῦτ' εἶναι σχῆμα. Absurde ita scribitur, sed lux oborietur si correxeris: κατὰ γὰρ πάντων σχῆμα τοῦτο λέγω, quo facto sponte excident vocabula: τοῦτ' εἶναι σχῆμα. Vide illud κατὰ πάντων eodem modo usurpatum p. 73 C et 88 E.

Ibid. 76 C: ἐμοῦ ἴσως κατέγνωκας ὅτι εἰμὶ ἥττων τῶν καλῶν. Satis novi quid sit καταγιγνώσκειν τινός, sed significatio huc minus quadrat. Contuli Euthyphr. 2 B: οὐ γὰρ ἐκεῖνό γε καταγνώσμαι ὥς σὺ ἕτερον· Arist. Eq. vs. 46:

οὗτος καταγνοὺς τοῦ γέροντος τοὺς τρόπους . . . .

. . . . ὑποπεσὼν τὸν δεσπότην, et correxi: ἐμὲ ἴσως κατέγνωκας. Aliquanto plus proderit haec observatio Paulo Apostolo qui in Epistula ad Galatas II 10 scripsisse creditur: κατὰ πρόσωπον αὐτῶ ἀντίστην, ὅτι κατεγνωσμένος ἦν. Iam *Mnem.* 1878 p. 102 correxi: κατέγνωμεν ὅς ἦν et fuerunt etiam inter Theologos qui mihi assentirentur.

Ibid. 76 D. In definitione: ἔστι γὰρ χρῶα ἀπορροὴ σχημάτων δψει σύμμετρος [καὶ αἰσθητός], duo postrema vocabula non

ferenda sunt, nam ὅψει σύμμετρος illud ipsum significat: αἰσθη-  
τός, quod tamen addi non potest in definitione coloris, nam  
quaeritur de ipsa natura τοῦ αἰσθάνεσθαι· est autem absonum  
in definiendo adsumere illud ipsum vocabulum de quo agitur  
et Socrates Menonem de hoc vitio admonuerat. Itidem interpo-  
latori redde adnotatiunculam p. 79 C: τοῦτο γάρ ἐσι λέγειν ὅταν  
λέγῃ τις ὅτι πᾶσα ἢ μετὰ δικαιοσύνης πρᾶξις ἀρετὴ ἐστίν. Schanzii  
suspicio minus placet. Praeterea me advertit p. 77 A: παῦσαι  
πολλὰ ποιῶν ἐκ τοῦ ἐνδὸς ὅπερ φασὶ τοὺς συντριβοντάς τι  
ἐκάστοτε οἱ σκώπτοντες, nam quis dicat quid sit in hac com-  
positione verborum ἐκάστοτε? Non fugit hic locus Erasmi dili-  
gentiam, qui bene intellexit latere proverbium. Graeci iocantes  
frangere vocabant πολλὰ ποιεῖν ἐξ ἐνδὸς· hoc si tenes, fortasse  
non noles mecum scribere: παῦσαι πολλὰ ποιῶν ἐκ τοῦ ἐνδὸς  
ἐκάστοτε: desine identidem ex uno multa facere. Supervenit sciolus  
qui omnia corrumpit adnotans quod nemo requirit: ὅπερ φασὶ  
τοὺς συντριβοντάς τι οἱ σκώπτοντες, scilicet ποιεῖν. Vide ἐκάστοτε  
eodem modo usurpatum Hipp. Mai. p. 301 C.

Ibid. 80 A. De torpedine paulo plura describenda erunt: καὶ  
γὰρ αὕτη τὸν αἰὲ πησιάζοντα καὶ ἀπτόμενον ναρκᾶν ποιεῖ· καὶ  
σύ δοκεῖς μοι νῦν ἐμὲ τοιοῦτόν τι πεποιηκέναι, ναρκᾶν· ἀληθῶς  
γὰρ ἔγωγε καὶ τὴν ψυχὴν καὶ τὸ σῶμα ναρκῶ, καίτοι μυριάκις  
γε περὶ ἀρετῆς παμπόλλους λόγους εἶρηκα. Alterum illud ναρ-  
κᾶν insiticiū est uti vidit Dobraeus, et in fine pro εἶρηκα  
omnino malim participium εἶρηκώς.

Ibid. 90 E. Etsi interpolationes per totum Platonem magno  
numero sparsae sunt, est tamen alter dialogus altero multo  
hoc vitiorum genere inquinatior, Apologia omnium maxime,  
opinor quia in scholis frequenter legebatur. Non dissimilem  
sortem Meno expertus est, in quo multa menda huius generis  
iam reperta sunt, alia adhuc latent. Verbi causa eo loco quem  
modo indicavi: πολλὴ ἄνοιά ἐστιν βουλομένους αὐλητὴν τινα ποιῆ-  
σαι παρὰ μὲν τοὺς ὑπισχνουμένους διδάξαι τὴν τέχνην καὶ μισθὸν  
πραττομένους μὴ ἐθέλειν πέμπειν, ἄλλοις δὲ τισὶ πράγματα παρέ-  
χειν, ζητοῦντα μαυθάνειν παρὰ τούτων, οἳ μὴ προσποιούν-  
ται διδάσκαλοι εἶναι. Non urgeo ζητοῦντας plurali numero requiri,

nam talia haud rara sunt apud Platonem, sed neque illi qui discipulum ad magistrum deducunt, recte dicuntur ζητεῖν μανθάνειν, nec loci ratio pati videtur, ut illud ζητοῦντα de discipulo intelligamus. Haud ignoro hanc doctrinam tueri Stallbaumium, sed tales explicationes nimis contortae sunt quam quae mihi placeant, qui facilitatem quandam et aequabile orationis genus in Platone admiror et librariorum vitium odorari mihi videor, quotiescumque lene orationis flumen interrumpatur. Suspicio interpolatori debere: ζητοῦντα μανθάνειν παρὰ τούτων, nec quisquam negaverit his verbis remotis nihil difficultatis remanere. Vitii originem repeto ex ignorance locutionis πράγματα πρέρχειν, quae hodie omnibus nota est; tirones qui haec legent ablegare satis est ad Cobetum *Mnem.* 1874 p. 139, 1857 p. 300 et 1858 p. 160.

Ibid. 94 B: ἵνα δὲ μὴ δλίγους οἷη (ἦ) καὶ τοὺς Φαυλοτάτους Ἀθηναίων ἀδυνάτους γεγονέναι τοῦτο τὸ πρᾶγμα. Schanzius percenset nomina eorum qui corruptum locum sanare conati sunt; nemo vidit simplex remedium, nam ἦ inserendum est.

Ibid. 94 E: καὶ ἐν ἄλλῃ πόλει ῥᾶν ἔσιν κακῶς ποιεῖν ἀνθρώπους ἢ εὖ, ἐν τῇδε δὲ καὶ πάνυ. Palam est excidisse: εὖ (ἀκούειν), nam modo Anytus dixerat: ῥᾶδίως μοι δοκεῖς κακῶς λέγειν ἀνθρώπους.

Ibid. 100 B: σὺ δὲ ταῦτα, ἄπερ αὐτὸς πέπεισαι, πείθε καὶ τὸν ξένον τόνδε. Audacter rescribo: εἴπερ.

## AD HIPPIAM MAIOREM.

P. 281 A. Gloriatur Sophista se saepe legatum creatum esse, quod cives se suspicerent tanquam δικασὴν καὶ ἄγγελον ἱκανά-  
τατον τῶν λόγων οἱ ἂν παρὰ τῶν πόλεων ἐκάσων λέγωνται. Non est hoc boni legati exterorum δικάζειν τοὺς λόγους: nam nihil minus est quam iudex, sed e diligenti rerum hominumque aestimatione intelligere quo consilio et quo animo quidque dicatur, hic labor est. Itaque potius crediderim Hippiam fuisse bonum aestimatorem, δοκιμαστήν. Cf. dial. de Iusto p. 378 D:

περὶ τὸ χρυσίον καὶ τὸ ἀργύριον εἶσιν ἡμῖν δοκιμασαί, οἷτινες ὀρῶντες κρίνουσι τὸ τε βέλτιον καὶ τὸ χεῖρον. Fortasse idem mendum latet Tim. 51 C: οὔτε οὖν δὴ τὸ παρὸν ἄκριτον καὶ ἀδίκασον ἀφέντα ἄξιον φάναι . . . ἔχειν οὕτως, nam multum sanè praefero: ἀδοκίμασον. Romanos scriptores attingere vix audeo, sed tamen apud Velleium Paterculum I 13: Scipio tam elegans liberalium omnisque doctrinae et auctor et admirator fuit, suspicor verum esse: *aestimator*.

Ibid. 282 B. εἶθθα μέντοι ἔγωγε τοὺς παλαιούς τε καὶ προτέρους ἡμῶν προτέρους τε καὶ μᾶλλον ἐγκωμιάζειν ἢ τοὺς νῦν. Pro altero προτέρους requiritur adverbium, sed πρότερον non satisfacit. Arridet: *προχειρότερον*.

Ibid. 286 D. ἀκούσας καὶ μαθὼν καὶ ἐκμελετήσας. Lege: ἐκμαθὼν, quod per se verisimile est et confirmatur quoniam Socrates lepide ridet, quod Hippas modo dixerat p. 285 E: ἡνάγκασμαι ἐκμεμαθηκέναι καὶ ἐκμεμελετηκέναι πάντα τὰ τοιαῦτα. Quicumque novit quid intersit inter μαθεῖν et ἐκμαθεῖν, ἐπίσασθαι et ἐξεπίσασθαι, dabit mihi, rescripto demum ἐκμαθὼν apparere quid sit in Socratis verbis festivum. Confer etiam quae supra disputavimus de Calliclis verbis in Gorgia 484 B. Luculentus imprimis locus est in initio Phaedri ubi Socrates de Lysiae auditore: εἰς περίπατον ἔειξε ἐξεπιδάμενος τὸν λόγον, quocum confer Phaedri ipsius verba: τὰ ῥήματα οὐκ ἐξέμαθον, τὴν μέντοι διάνοιαν σχεδὸν ἀπάντων.

Ibid. 292 A. τοῦτο ποιήσας οὐκ ἀχθέσεται καὶ δίκας ὀφλήσει. Quod correxeram ἀπαχθέσεται, id laetus vidi aliquamdiu post placuisse Cobeto *Mnem.* 1874 p. 251.

Ibid. 292 C. Etiamsi concedam Platonem valde iuvenem conscripsisse Hippiam Maiorem, non enim commendatur dialogus egregiis dotibus quibus opera splendent quae maturior aetas tulit, non credo tamen eum umquam tam sui dissimilem fuisse ut scriberet: διθύραμβον τοσούτον ἔσας οὕτως ἀμούσως πολὺ ἀπῆσας ἀπὸ τοῦ ἑρωτήματος. Magno opere displicet ἔσας . . . ἀπῆσας, nam possunt quidem afferri quae specie similia sunt,

sed si quis rem accurate exploret, facile comperiet revera ea prorsus esse dissimilia. Equidem requiro verbum quod ἀποκηδᾶν significet et lenissimum erit rescribere: ἀπῆξας. Vide verbum ἄττειν apud Platonem Rep. X 621 B, Theaet. 144 A, Alcib. I 118 B, Legg. IV 709 A et Epist. II 313 B. Quod Axiochi initio legitur διῆξε φωνή, mutari debet in διῆξε, nam ἰᾶτα non debet omitti. Legitur quidem verbum ἀπέδειν Hipp. Min. 374 C, sed illud nemo huc trahet.

Ibid. 292 D. Socrates denuo rogat Hippiam quid sit quo omnia pulchra sint pulchra, si accedat καὶ λίθω καὶ ξύλῳ καὶ ἀνθρώπῳ καὶ θεῷ καὶ ἀπάσῃ πράξει καὶ παντὶ μαθήματι. Duo hisce insunt vitia manifesta: primum scribendum est πάσῃ non ἀπάσῃ, cum praesertim coniungatur cum παντὶ μαθήματι. Sed hoc quoque verbum labem contraxit, nam non fit sermo de ulla *disciplina*, sed qua ratione ἀνθρώπος et θεός opponuntur, eadem opposita fuerunt: πάσῃ πράξει et . . . quid putas? παντὶ παθήματι, opinor. Norunt docti viri quam saepe confusa sint μαθεῖν et παθεῖν, μάθημα et πάθημα cet. Facit hoc ut meminerim loci in Euthyd. p. 283 C: ὃ τι μαθὼν ἐμοῦ καὶ τῶν ἄλλων καταψεύδει τοιοῦτο πᾶγμα. Praeter hunc locum ὃ τι μαθὼν bis legitur apud Platonem: in vicinia p. 229 A: ὃ τι μαθὼν σοφοῦς υἱεῖς οὕτω ἔφυσεν et in Apolog. p. 36 B: ὃ τι μαθὼν ἐν τῷ βίῳ οὐχ ἡσυχίαν ἤγον. Dissentiunt viri docti utrum μαθὼν hoc sensu in usu fuerit necne. Sunt qui ubique ὃ τι παθὼν reponere velint; sunt qui utrumque promiscue usurpari contendunt; sunt qui aliquod discrimen comminiscantur. Stallbaumius verbi causa contendit τί παθὼν τοῦτ' ἐπραξας significare: *quid tibi accidit ut istud feceris?* τί μαθὼν τοῦτ' ἐπραξας; *quid animum tuum induxisti, s. quid tibi in mentem venit ut hoc feceris?* Fateor me illud discrimen non intelligere: quamquam video in eandem fere sententiam disputasse magnum Hermannum ad Vigerum p. 759. Ὅτι μαθὼν probarunt Reiskius ad Demosth. p. 850. 21 et Fred. Aug. Wolfius ad Leptineam p. 348; improbarunt tum alii multi tum Brunckius, Elmsleius, Dobraeus et Cobetus v. c. *Mnem.* 1859 p. 120. Videtur Hermannus quoque, cum Aristophanis Nubes ederet, veterem sententiam deseruisse et unice probasse τί παθὼν. Nec sane verisimile est τί μαθὼν in usu

fuisse, cum οὗτος τί πάσχεις frequenter legatur, sed τί μανθάνεις hac potestate inauditum sit. *Quid enim agam* est τί γὰρ πάθω ut p. 302 D; τί γὰρ μάθω ne intelligi quidem potest. Iam Homerus in *Odysea* ω 106 similiter: τί παθόντες ἐρεμνὴν γαῖαν ἔδυτε;

Continuo sequitur in *Hippia*: οὐδέν σοι μᾶλλον γεγωνεῖν δύναμαι ἢ εἴ μοι παρεκάθησο λίθος καὶ οὗτος μυλίας μήτ' ὧτα μήτ' ἐγκέφαλον ἔχων. Lapidēs molares nec cerebrum neque aures habent; at quid? num ceteri lapides minus carent? Platoni tamen molares prae ceteris rationis expertes sunt. Rem ut explices, primum considerandus est locus qui legitur p. 301 C: πεπεισμένοις δὴ νῦν ἐγὼ ὑπὸ σοῦ ἐνθάδε κάθημαι. Quid hoc sit κάθημαι, tum demum plene intelliges, si memineris victores in puerorum ludis βασιλέας renunciātos fuisse, cum victi dicerentur καθῆσθαι ἔνοι. Eo respicit illud Socratis κάθημαι, victus scilicet in ingenii certamine; sed eodem pertinet alter locus, qui clara luce splendeat si scripseris: εἴ μοι παρεκάθησο ὄνος καὶ οὗτος μυλίας μήτ' ὧτα μήτ' ἐγκέφαλον ἔχων. Ambigua vox est: asini habent tamen aures et cerebrum, lapis molaris ne haec quidem habet. Genuinum vocabulum cessit interpretationi. Plato in ridendo *Hippia* modum excedit, sed opus iuvenile est.

Quod olim contendere solebat *Hirschigius* esse quaedam in Platone quorum correctio tota pendeat e Socratica arte disputandi, ita ut in ipsis poetis metrum haud tutior dux sit quam ipsa argumentorum series in Platone, hoc saepe comprobatum vidi et nunc novum exemplum ordine sequitur: p. 293 C: ἀδύνατον πᾶσι τοῦτο γενέσθαι καὶ εἶναι καλόν· supplendum καὶ (ἀεὶ) εἶναι καλόν, nam sic *Socrates* ubique p. 292 E, 294 D, alibi in vicinia, et praeterea rei cardo vertitur in isto ἀεὶ.

Ridiculum emblemata est p. 295 D: τὰ ὀχλήματα τὰ τε πεζὰ καὶ τὰ ἐν τῇ θαλάττῃ [πλοῖά τε καὶ τριήρεις]. *Burgesius* hoc iam vidit. Mox p. 298 B aliquid excidit quod est tamen ad sensum pernecessarium: τὰ ἐπιτηδεύματα τὰ καλὰ καὶ τοὺς νόμους (τοὺς καλοὺς) δι' ἀκοῆς ἢ δι' ὀψεως φήσομεν ἡδέα ὄντα καλὰ εἶναι;

Ibid. 300 D: ἐνθυμοῦμαι μὴ παίζης. Opus est indicativo παίζεις· supra nisi fallor hoc iam attigi. Cf. ad Euthyd. p. 290 E.

Ibid. 301 C: σὺ ἡμᾶς δνίνης ἀεὶ νοθετῶν. Praestat imperativus δνίνη. Cf. Hipp. Min. p. 373 A.

## AD HIPPIAM MINOREM.

P. 363 C: Ὀλυμπίαζε μὲν εἰς τὴν τῶν Ἑλλήνων πανήγυριν, [ᾧ ταν τὰ Ὀλύμπια ἦ] ἀεὶ ἐπανιῶν οἴκοθεν [ἐξ Ἡλίδος] εἰς τὸ ἱερὸν παρέχω ἑμαυτόν. Notanda interpolatio: similiter Ion. 530 A: πόθεν ἐπιδεδήμηκας; ἢ οἴκοθεν [ἐξ Ἐφέσου]; Librarius nosse poterat cuius Ion esset ex p. 533 C et 541 D.

Itidem interpolatio removenda p. 364 B: ὤκνουν γὰρ ἐπανερέσθαι διότι ὄχλος [τε] πολὺς ἔνδον ἦν, [καὶ] μὴ σοὶ ἐμποδῶν εἶην ἐρωτῶν τῇ ἐπιδείξει, quod ita demum referet Atticum colorem, si τε et καὶ deleveris. Sed imprimis ridicula est interpolatio p. 365 B. In comparatione Achillis cum Ulysse laudat Socrates aliquot Homeri versiculos ex nono Iliadis libro depromptos: λέγει αὐτῷ, inquit, ὃ Ἀχιλλεὺς πρὸς τὸν Ὀδυσσεά, deinde, postquam sex Homeri versus αὐτολεξεῖ recitavit, adiungit quid in iis notabile sibi videatur et concludit his verbis: ποιεῖ γὰρ τὸν Ἀχιλλεὺς εἰς τὸν Ὀδυσσεά λέγοντα ταῦτα τὰ ἔπη, quod modo iam dixerat ac fere plus quam satis erat semel dixisse. Praeterea ne sit hic dialogus genuinum Platonis opus, non tamen crediderim scriptorem quisquis fuerit, scribere potuisse Εἰς τὸν Ὀδυσσεά λέγοντα. Scribit Schanzius iam Hissinkium eadem haec verba obelo notavisse, nec tamen quamquam admonitus persuadere sibi potuit ut aurem praeberet.

Ibid 365 D: σοὶ συνδοκεῖ ταῦτα ὅπερ φῆς Ὅμηρον λέγειν. Hic verius est ταῦτά.

Ibid. 368 C: ὃ γ' ἔδοξεν σοφίας ἐπίδειγμα, [ἐπειδὴ] τὴν ζώην ἐφησθα πλέξαι. Nemini illud ἐπειδὴ non molestum erit; expunget qui animadverterit nihil esse nisi praecedentis vocabuli

διττογραφίαν. Diu ante me Astius hoc iam viderat, sed Schanzius quamquam de Platone optime est meritus, tamen interdum mirum in modum *δυσπειθής*.

Ibid. 371 A. Pergit Socrates interpretari Homerum et *εἰρωνεύεσθαι*. Achilles, inquit, ἦν οὕτω γόης καὶ ἐπίβουλος πρὸς τῇ ἀλαζονείᾳ, . . . ὥς τε καὶ. Nae ineptus homuncio fuit qui intercalaret: ὡς πεποίηκεν Ὀμηρος.

Ibid. 371 A. In iis quae continuo sequuntur aliud remanet leve mendum: τοῦ Ὀδυσσεώς τοσοῦτον φαίνεται φρονεῖν πλέον, requiritur participium φρονῶν, sicuti mox recte: οὐδὲν φαίνεται εἰπῶν.

Ibid. 371 B. Itidem interpolator interstrepit in hisce: Οὐκ οἶσθα ὅτι λέγων ὕστερον [ἢ ὡς πρὸς τὸν Ὀδυσσεά εἶφη ἅμα τῇ ἡοῖ ἀποπλευσεῖσθαι] πρὸς τὸν Αἴαντα οὐκ αὖ φησὶν ἀποπλευσεῖσθαι, ἀλλὰ ἄλλα λέγει; verbum non addam.

Est glossa apud Photium, Boethi uti opinor: τροφή· ἀντὶ τοῦ ἀγωγή καὶ παιδεία· καὶ τραφὲν ἀντὶ τοῦ ἀχθέν, παιδευθέν· ἐνίοτε δὲ καὶ ὁμοίως ἡμῖν. Πολιτείας· ἐπιθυμοῦμεν δ' αὖ τρίτῳ τινὶ τῶν περὶ τὴν τροφήν καὶ γέννησιν. Τροφήν μὲν γὰρ βρῶμα καὶ πῶμα λέγει, γέννησιν δὲ τὰ Ἀφροδίσια. Ἐν δὲ τρίτῳ Πολιτείας· καὶ ὑπὸ τῷ σοφωτάτῳ Χείρωνι τεθραμμένος· ἀντὶ τοῦ πεπαιδευμένος· ἵνα μὴ ἐναντιῶται Ὀμήρῳ πεπαιδεῦσθαι λέγοντι τὸν Ἀχιλλέα παρὰ Χείρωνι, οὐχὶ τεθράφθαι. Platonis loci sunt Rep. IV 436 A et III 391 C, neque quidquam hic remanet difficultatis. Sed nunc vide in Hippiā Minore p. 371 D de Achille dictum: ὑπὸ τοῦ σοφωτάτου Χείρωνος πεπαιδευμένον. Agnoscis scriptorem imitatum fuisse locum quem Boethus e Republica excitavit, sed sive suo ipsius errore sive librariorum perisse apud eum veram scripturam quae in Republica aetatem tulit: ὑπὸ τῷ σοφωτάτῳ Χείρωνι. Vide, si operae pretium videbitur, Bastium *Epist. Crit.* p. 235 et Cobetum *Mnem.* 1860 p. 5. Ad rem ipsam Leeuwenium cf. *Mnem.* 1906 p. 277 sq.

## AD IONEM.

P. 530 A. Audivit modo Socrates Ionem advenisse Epidauro ibique interfuisse certamini musico; tum rogat: τί οὖν; ἡγωνίζου τι ἡμῖν; καὶ πῶς τι ἡγωνίσω; Respondet Ion: τὰ πρῶτα τῶν ἄθλων ἡνεγκάμεθα, ὦ Σώκρατες. Palam est non sic scripsisse Platonem; fortasse eius manus sic restitui poterit: Σω. Τί οὖν; ἡγωνίσω τι ἡμῖν; Ἴων. Πῶς ἡγωνισάμην; τὰ πρῶτα κτέ. In his certe nihil est quod reprehendas. Πῶς ἡγωνισάμην est gloriosi hominis et magnifice de se sentientis; notum est πῶς et ποῖος sic usurpari. Praeterea conferre poteris Heindorfium ad Hipp. Mai. p. 166 Edit. 1802.

Etiam in hoc dialogo, quum de facilioribus sit, interpolationes pullulant. Veluti p. 530 B: ἐν Ὁμήρῳ, τῷ ἀρίστῳ καὶ θειοτάτῳ τῶν ποιητῶν, proprium Homeri nomen libenter expunxerim. Itidem in iis quae proxime sequuntur: τὴν τούτου διάνοιαν ἐκμυθάνειν [μὴ μόνον τὰ ἔπη]. Et quum rectissime enunciatur sit: τὸν γὰρ ῥαψωδὸν ἐρμηνέα δεῖ τοῦ ποιητοῦ τῆς διανοίας γίγνεσθαι τοῖς ἀκούουσι· τοῦτο δὲ καλῶς ποιεῖν μὴ γιγνώσκοντα ὃ τι λέγει ὁ ποιητὴς ἀδύνατον, pueriliter admodum praemittuntur inutilia verba: οὐ γὰρ ἂν γένοιτο ποτε ῥαψωδὸς, εἰ μὴ συνείη τὰ λεγόμενα ὑπὸ τοῦ ποιητοῦ.

Ibid. 530 C: ταῦτα πάντα ἄξια ζῆλοῦσθαι. Malo hoc de ipso rhapsodo intelligere indeque rescribere: ἄξιος.

Rogat Socrates p. 531 E τίς οὗτος; cui Ion: ἱατρός. Ad τίς οὗτος; nescio quis adscripsit: τί ὄνομ' αὐτοῦ; quod ei reddemus neque amplius in textu tolerabimus. Ut defendas, oportet ostendas esse aliquod discrimen quamvis exiguum inter utrumque. Quod sequitur p. 533 C: περὶ Ὀλύμπου ἢ περὶ Θαμύρου ἢ περὶ Ὀρφείας ἢ περὶ Φηλίου τοῦ Ἰθακησίου ῥαψωδοῦ, non est admodum difficile ad intelligendum unde ultimum vocabulum male huc pedem intulerit. Praeterea non fero p. 533 E de magnete: αὕτη ἢ λίθος οὐ μόνον αὐτοὺς τοὺς δακτυλίους ἄγει τοὺς σιδηροὺς, ἀλλὰ καὶ δύναμιν ἐντίθησι τοῖς δακτυλίοις, ὥς' αὐτὸ δύνασθαι ταύ-

τὸν αὐτὸ ποιῆν ὅπερ ἡ λίσς [ἄλλους ἀγεῖν δακτυλοῖς  
 Apparet tria vocabula servari non debere, quum prae-  
 sequatur: ὥς· ἵνατε ὁμαλὸς μακρὸς πάνυ σιδηρίων ἐξ  
 ἤρηται. Si putas sciolos hic nihil commisisse, retinen-  
 erunt p. 534 A illa quoque verba οὐκ ἐμφορὸς ὄντες ὀρχοῦνται, οὕτω  
 ὥσπερ οἱ κορυβαντιῶντες οὐκ ἐμφορὸς ὄντες] τὰ καλὰ μέλη ταῦτα πο-  
 μελοποιοῖ [οὐκ ἐμφορὸς ὄντες] βακχεύουσι κατεχόμενοι ὥσπερ  
 Vel κατεχόμεναι ibidem: βακχεύουσι κατεχόμενοι ὥσπερ  
 βάκχαι ἀρύονται ἐκ τῶν ποταμῶν μέλι καὶ γάλα [κατεχόμενοι]

Nunc vide quid editores tulerint p. 538 E: ἃ ὁ τῶν Me-  
 ποδιδῶν λέγει μάντις πρὸς τοὺς μνηστῆρας Θεοκλύμενος.  
 certe μάντις et Θεοκλύμενος alienis sedibus inserta  
 et sic interpolationem manifestam reddunt. Admodum utile  
 animadvertere tales locos, quibus interpolatio non tantum  
 abundat, nam de ea abundantia alii aliter indicabu-  
 elegantior aut violatur Atticorum dicendi consuetudo aut glo-  
 sed quibus a vocabulo suo divulsa est. Tales loci diligenter  
 marginalis faciant nos fidenter eiici iubeo Hecamedes nomen  
 examinati faciunt nos corruptela, audentiores ad caetera. Nisi hic liqui-  
 constaret de corruptela, nunc dubius haererem p. 538 B: Ἐκαμὴ δ  
 ἡ Νέστωρ παλλακή· quod Ion ceterique omnes cogitatione indubitanter nomen  
 poterant. Si quis mallet omnes Nestoris concubina fuisse. Hic  
 nam nusquam legitur Hecamedes concubina fuisse. Hecame-  
 autem memoriae error cadit in Platonem qui Homerum memo-  
 riter laudat, minus error cadit in grammaticum, qui codicis margines  
 adnotationibus opplebat. Similem errorem aliquando erravit Ci-  
 cero, ut Gellius refert in Noct. Att. XV. 6. Sed quod dixi,  
 Plato nimis memoriae porrexisset Eurypylo; apud Homerum tamen  
 porrigit Machaoni. Noli hoc tribuere peculiari quem supra ex Ione  
 corum carminum recensionem, nam eo loco quem supra ex Ione  
 excitavimus, philosophus sequitur vulgatam famam et Machaon  
 ab Hecamede potum accipit.

Ibid. 542 B: τοῦτο τὸ κάλλιον ὑπάρχει σοι παρ' ἡμῶν. Ita  
 libri manuscripti. Schanzius scripsit ὑπάρξει· equidem malim:  
 ὑπάρχειτω.

AD MENECHENUM.

P. 235 E. De Aspasia fit sermo, ἥπερ καὶ ἄλλους πολλοὺς καὶ ἀγαθοὺς πεποίηκε ῥήτορας, ἓνα δὲ καὶ διαφέροντα τῶν Ἑλλήνων. Ipsene Plato fuit qui adscripsit: Περικλέα τὸν Ξανθίππου?

Ibid. 236 E: δεῖ λόγου, ὅτις τοὺς μὲν τετελευτηκότας ἱκανῶς ἐπαινέσεται, κτέ. Solemne vitium, nam nimis tenuis ea laus est ἱκανῶς ἐπαινεῖν. Corrige καλῶς, sicuti bene p. 239 D.

Ibid. 239 D. Incidit sermo de Persarum regibus, ὧν ὁ μὲν πρῶτος Κῦρος ἐλευθερώσας Πέρσας τοὺς αὐτοῦ πολίτας τῷ αὐτοῦ Φρονήματι ἄμα καὶ τοὺς δεσπότας Μήδους ἐδουλώσατο, . . . ὁ δ' υἱὸς Αἰγύπτου (scil. Ἡρξεν) . . . τρίτος δὲ Δαρεῖος μέχρι Σκυθῶν τὴν ἀρχὴν ὥριστο. Quatuor propria nomina delenda sunt: haec enim veteribus elegantia esse videbatur: veteribus inquam, immo Graeculi quoque in omittendis propriis nominibus modum excesserunt: Libanium nunc cogito et Symmachum. Me puero sacri quoque concionatores eundem cursum tenebant nec Napoleontem appellabant, sed „saevum illum tyrannum, qui in insula vasti Oceani”, cet. Hodie homines sanius iudicant, sed quum tam multa in veterum scriptis merito admiramur, etiam ferre debemus si forte voluerint ineptire. Idem argumentum iam tribus verbis attigi *Mnem.* 1879 p. 70 et apud Isocratem aliquammulta propria nomina delevi et duos locos interpolatos ex Cratylo excitavi p. 396 A et 404 A. Recte autem in Gorgia p. 483 E: Ξέρξης ἢ ὁ πατὴρ αὐτοῦ, omisso proprio Darii nomine.

Ibid. 241 B: τῶν τε Μαραθῶνι μαχεσαμένων καὶ τῶν ἐν Σαλαμίνι ναυμαχησάντων· sic fere perpetuo scribitur ἐν Σαλαμίνι· sic enim librarii loqui solent et paucissimi loci sunt quibus omissa praepositio, veluti statim post p. 245 A: Μαραθῶνι καὶ Σαλαμίνι καὶ Πλαταιαῖς. Praeterea idem offendi Demosth. Symmor. § 30 et Lucian. Dem. Encom. § 36, fortasse quoque Aesch. Ctes. § 181 et in vetusta Inscriptione Attica, C. I. A. IV. 1. p. 57. Iam dixi de hoc argumento *Mnem.* 1882 p. 364

et 1901 p. 277. Reliqua paulo saepius recte, veluti *Μαραθῶνι* legitur in *Menexeno* et *Legg.* III. 699 A, sed vitiose editur *ἐν Μαραθῶνι* *Legg.* III 698 E, IV 707 C et *Gorg.* 516 D. Pessime *Isocrates Philipp.* § 147: τῆς *Μαραθῶνι μάχης καὶ τῆς ἐν Σαλαμῖνι ναυμαχίας*, recte tamen idem *Antid.* § 306 et alibi. In *Lyside* p. 205 C recte: *Πυθοῖ καὶ Ἰσθμοῖ καὶ Νεμέᾳ*, sed *ἐν Πυθοῖ* *Gorg.* 472 A et *Alcib.* I 129 A. Sed res non est tanti. Vide tamen *Ἐλευσῖνι* *Schol. Gorg.* 497 C.

*Ibid.* 243 A: ὧν οἱ ἐχθροὶ καὶ προσπολεμήσαντες πλείω ἔπαινον ἔχουσι σωφροσύνης καὶ ἀρετῆς ἢ τῶν ἄλλων οἱ φίλοι. Hic haerent interpretes tantum non omnes. Quod *Schanzius* me docuit, *Krebsius* pro *ἔχουσι* commendavit *λέγουσι* vel *ἐροῦσι*, *Baiterus* *χέουσι*, *Madvigius* autem *λέγουσι* vel *παρέχουσι*. Plurimum autem miror quod *Cobetius* scripsit *Mnem.* 1874 p. 244: „Hic quoque locus sophistico et affectato scribendi genere conceptus, quod Plato per iocum imitatur ac ridet, homines doctos in fraudem induxit quia opinabantur ἔπαινον ἔχειν pervulgato more dictum esse pro ἐπαινεῖσθαι. Sententia loci haec est: ὧν οἱ ἐχθροὶ τὴν σωφροσύνην καὶ ἀρετὴν μᾶλλον ἐπαινοῦσιν ἢ τῶν ἄλλων οἱ φίλοι, sive οἵτινες ὑπὸ τῶν ἐχθρῶν μᾶλλον ἐπαινοῦνται εἰς σωφροσύνην καὶ ἀρετὴν ἢ οἱ ἄλλοι ὑπὸ τῶν φίλων”. De sententia loci assentior, non agnosco inflatum, tumidum, affectatum dicendi genus, etiamsi non negaverim nunc quidem per iocum Platonem nimis verbose scribere. Lene admodum remedium hic lucem dabit: πλείω ἔπαινον ἔχουσι (λέγειν) σωφροσύνης.

*Ibid.* 243 B: τὰς τῶν πολεμίων ἐλόντες ναῦς, πολλὰς δὲ καὶ ἄλλας νικήσαντες. Stulta haec est oppositio: tuto rescribere poteris: τὰς τῶν *Λακεδαιμονίων* ἐλόντες ναῦς.

*Ibid.* 243 C. De pugna apud *Arginusas* ita scribitur: νικήσαντες μὲν τοὺς πολεμίους, λυσάμενοι δὲ τοὺς *Φιλίους*, ἀναξίου τύχης τυχόντες, [οὐκ ἀναιρεθέντες ἐκ τῆς θαλάττης] κεῖνται ἐνθάδε. Demiror quod *Schanzius Stallbaumio* non obsecutus est et assutum pannum uncinis circumvallavit.

*Ibid.* 244 D: τό γε θεϊότατον πάντων, τὸ καὶ βασιλέα εἰς

τοῦτο ἀπορίας ἀφικέσθαι, ὥς τε κτῆ. Immo: τό γε θαυμασιώ-  
τατον.

Ibid. 245 B. Respublica Atheniensium ὑπὲρ Παρίων ἐπολέμει  
Λακεδαιμονίοις. De Conone hic agitur et de pugna apud Cni-  
dum, nam Plato nihil curat Socratem ea tempora non potuisse  
videre, sed omnes consentiunt absurdam esse Pariorum mentio-  
nem. Itaque deinceps correctum fuit πάντων, Ῥοδίων, Κορινθίων,  
Ἀργείων, ἑταίρων, sed nihil horum aliquam evidentiam habet.  
Scribam: ὑπὲρ Ἰώνων et agnosces correctionis lenitatem, nec  
repugnat illorum temporum historia. Haud dissimiliter Hugius  
pro Ἰώνων Symp. 220 C reposuit νέων, sed confer Rettigium  
p. 351.

Ibid. 246 C: ἀ οἱ πατέρες ἡμῖν ἐπέσκηπτον ἀπαγγέλλειν τοῖς  
λειπομένοις. Inseram: τοῖς (ἀεὶ) λειπομένοις cum Marciano  
libro et Stobaeo.

Ibid. 247 C: φίλοι παρὰ φίλους ἡμᾶς ἀφίξεσθε, ὅταν ὑμᾶς ἡ  
προσέκουσα μοῖρα κομίσῃ, reponam: κοιμίσῃ. Non utar multis  
exemplis ad verbi usum stabiliendum, sed defungar uno loco,  
ubi olim eadem confusio fuit, nempe Aristoph. Av. 1734: ξυν-  
εκοίμισαν, ubi legebatur ξυνεκόμισαν, quod Dawesius correxit  
*Miscell.* p. 299.

## AD CLITOPHONTEM.

P. 407 A: ἐπιτιμῶν τοῖς ἀνθρώποις ὥσπερ ἐπὶ μηχανῆς τρα-  
γικῆς θεός. Requiro: ἀπὸ μηχανῆς. Digni sunt qui conferantur  
Wytténb. Bibl. Crit. III. 1. 41 et Ruhnkenius ad Timaeum p. 259.

Ibid. 408 A: τελευτᾷ δὴ καλῶς ὁ λόγος οὗτός σοι. Abundat  
illud καλῶς.

Ibid. 410 C. Cum crebro legatur ἀμυγέπῃ et ἀμωσγέπως et  
ἀμοθενγέποθεν, haud semel Cobetus affirmavit se, cum ad eam  
rem attenderet animum, numquam incidisse in formam ἀμοσε-  
γέποι. Enotatur sane Schol. Sophist. p. 259 D, sed ceterum ego

quoque ἀμοσεγέποι nusquam reperi. Sunt tamen duo loci de quibus ambigere possis num fortasse hoc ipsum lateat. Prior locus est quem modo indicabam: πρὸς Θρασύμαχον πορεύσομαι καὶ ἄλλοσε ὅποι δύναιμαι. Alter locus est Crit. 51 D: μετοικεῖν ἄλλοσε ποιεῖν ἐλθών, h. e. quod Cicero dixit Catil. I § 20: abire in aliquas terras. Utrobique tamen, nisi fallor, praestat vulgata lectio.

## AD REIP. LIBRUM PRIMUM.

P. 327 E. Videtur aliquid excidisse. Interpellarat Polemarchus Socratem: ὁρᾷς ἡμεῖς ὅσοι ἐσμέν? Tum Socrates: πῶς γὰρ οὐ; Ἡ τοίνυν τούτων, ἔφη (scil. Πολέμαρχος) κρείττους γένεσθε ἢ μένεις αὐτοῦ. Suppleverim: τούτων (τοσοούτων ὄντων).

Ibid. 328 D: εἰ μὲν ἐγὼ ἔτι ἐν δυνάμει ἢ τοῦ ῥαδίως πορεύεσθαι πρὸς τὸ ἄστυ, οὐδὲν ἂν σε ἔδει [δεῦρο ἰέναι], ἀλλ' ἡμεῖς ἂν παρὰ σέ ἤμεν· νῦν δέ σε χρεὶ πικνότερον δεῦρο ἰέναι. Paulo plura quam soleo describenda fuerunt, ut liquido appareret cur prius δεῦρο ἰέναι e textu eliminandum esse existimarem.

Ibid. 329 A: τότε μὲν εὖ ζῶντες, νῦν δὲ οὐδὲ ζῶντες. Meis utique auribus hoc parum eleganter enunciatum videtur; omnino placet: τότε μὲν εὖθενοῦντες. Ζῆν Graecis vivere est, eo sensu quo etiam Galli idem verbum usurpant, cf. *Mnem.* 1858 p. 36.

Ibid. 329 C. Celebratus hic locus est, de quo iam egi *Mnem.* 1897 p. 60, unde quaedam excerpam, pauca quaedam nova additurus. Interrogatur Sophocles: πῶς ἔχεις πρὸς τὰ Φροδίδια; nam plane adsentior Hirschigio qui e textu eiecit quod inutiliter et languide adhaeret: ἔτι οἶός τ' εἰ γυναικὶ συγγίγνεσθαι, cf. Vernetus Hartmannus p. 10. Respondet poeta: Εὐφήμει, ἔφη, ὦ ἄνθρωπε, ἀσμεναίτατα μέντοι αὐτὸ ἀπέφυγον ὥσπερ λυτῶντά τινα καὶ ἄγριον δεσπότην ἀποφυγών. Hunc locus laudavit Theon. Progymn. p. 159, sed pro ἀποφυγών habet ἀποδράς. Scribit Stallbaumius se mirari quod ea scriptura Hemsterhusio probari potuerit, quum et gravius sit ἀποφυγών et elegans in

hac narrationis simplicitate eiusdem verbi repetitio. Equidem nec gravitatem agnosco neque elegantiam in illo ἀπέφυγον ἀποφυγών et dixerim Theonem quum locum memoriter laudaret, ne idem verbum brevi intervallo recurreret, pro ἀποφυγών reposuisse ἀποδράς. Illud certe apparet, participium non debere e textu eliminari, unde consequitur non esse corruptum ἀποφυγών sed ἀπέφυγεν. Quid autem faciunt amatores ἄδοντες τὸ παρακλαυσίθυρον? Φοιτῶσιν, opinor. Quid quum ventitare desinunt? Ἀποφοιτῶσιν. Sic Aristides I p. 444 de Melete qui Smyrnam circumfluit: καὶ μὴν οὐ πλάνης γε ὁ Μέλης οὐδ' οἷος ἀποφοιτᾶν, ἀλλ' ἔοικεν ἑρασῇ τινι τῆς πόλεως οὐ τολμῶντι μακρότερον ἀπογίγνεσθαι. Studiosi iuvenes qui in scholam itant et olim dicebantur φοιτῆσαι et nunc quoque nisi fallor dicuntur. Sic Plutarch. Moral. p. 408 D: δεδιότες μὴ τοῦ χρηστηρίου καθάπερ σοφιστοῦ διατριβῆς ἀποφοιτήσωσιν et Pausaniae adnotationem examinavi in Proll. ad Photium p. 144; adde Porsonum ad Eurip. Orest. vs. 581. In Gorgia p. 489 D sunt Socratis verba ad Calliclem: ὦ θαυμάσιε, πρῶτερόν με προδίδασκε, ἵνα μὴ ἀποφοιτήσω παρὰ σοῦ. Quid autem si Sophocles eodem modo locutus est: ἀσμεναίτατα μέντοι ἀπεφοίτων ὥσπερ λυττῶντά τινα καὶ ἄγριον δεσπότην ἀποφυγών. Huiuscemodi composita nec rara sunt neque admodum crebro leguntur. Ἀποτύπτεσθαι legitur apud Herodotum II 40, quem locum Lucianus imitatur de Syria Dea c. 6. Cf. ibi Valckenaerii adnotatio, qui itidem dixit de verbo ἀποκηδεῦται ad Herodt. IX 31 et de verbo ἀποκηδεῖν ad Adonias. p. 202 A. Enotavi praeterea composita in quibus non dissimilis est vis praepositionis: ἀπαλγεῖν, ἀποπνεῖν, ἀποσπουδάζειν, ἀποκραιπαλᾶν, ἀποκαρτερεῖν, ἀπομερμηρίσαι, ἀπομανθάνειν, ἀποκλάειν, ἀποδακρύειν et nomina ἀπόμουτος, ἀπόσιτος, ἀπηλιασῆς, ἀπόμισθος, ἄφιππος, ἀπεςράτηγος Demosth. Aristocr. § 149. Alexidis denique sententia est:

πολλή 'ς' ἀνάγκη καὶ τὸν ἄνδρ' ἀποζέσαι  
 πρώτιστον ἀφυβρίσαι τ', ἀπανθήσαντα δὲ  
 σκληρὸν γενέσθαι.

Ibid. 331 B: οὐκ ἐλάχισον ἔγωγε θείην ἂν πλοῦτον χρησιμώτατον εἶναι. Non fero copulatos superlativos et longe malo: χρήσιμον.

Ibid. 332 A: τοῖς γὰρ φίλοις ὄεται δφείλειν τοὺς φίλους ἀγαθὸν μὲν τι δρᾶν, κακὸν δὲ μηδέν. Fore suspicor qui dativum τοῖς φίλοις mordicus retineant; equidem non video quomodo constructionem tuear. Facile est rescribere: ἀγαθὸν μὲν τι δοῦναι. Causam corruptelae Bastius aperiet in *Comment. Palaeogr.* p. 776.

Ibid. 333 E: ὅσις δεινὸς φυλάξασθαι [καὶ μὴ παθεῖν], οὗτος δεινότατος καὶ ἐμποιῆσαι. Multum dubitatum fuit de tribus vocabulis quibus uncinos circumdedi. Olim legebatur καὶ λαθεῖν, quod Muretus deleri volebat; ex libris deterioris notae accessit negatio, quam editores amplexi sunt; deinde coniectum fuit παθεῖν; videre hoc est apud Stallbaumium. Equidem omnino cum Mureto facio.

Ibid. 335 B. Interrogarat Socrates Thrasy-machum: ἔστιν ἄρα δικαίου ἀνδρὸς βλάπτειν καὶ ὄντινούν ἀνθρώπων; Tum ille: καὶ πάνυ γε, inquit, τοὺς γε πονηροὺς τε καὶ ἐχθροὺς. Satis hoc est perspicuum et nemo requiret quod additum videmus: δεῖ βλάπτειν.

Ibid. 336 A. Recte vidit Vernetus p. 22 quod me quoque adverterat, spuria esse verba: τὸ φάναι δίκαιον εἶναι τοὺς μὲν φίλους ὠφελεῖν, τοὺς δ' ἐχθροὺς βλάπτειν.

Ibid. 337 D: δεῖξω ἐτέραν ἀπόκρισιν παρὰ πάσας ταύτας. Hoc optime intelligo, sed languet explicatio quae nunc sine suspitione legitur: βελτίω τούτων. Herwerdenus *Mnem.* 1883 p. 333 τούτων abiecit, sed servavit βελτίω.

Ibid. 338 A: προσεποιεῖτο δὲ φιλονικεῖν πρὸς τὸ ἐμὲ εἶναι τὸν ἀποκρινόμενον. Eadem verba habuimus Protag. 360 D; sed, uti equidem arbitror, utrobique legendum est: τὸν ἀποκρινόμενον.

Ibid. 338 C: εἰ Πουλυδάμας ἡμῶν κρείττων [ὁ παγκρατίας ἥς]. Interpolatio ipsa sede arguitur.

Ibid. 339 D: οὐ μόνον δίκαιόν ἐστι τὸ τοῦ κρείττονος ξυμφέρων ποιεῖν ἀλλὰ καὶ τοῦναντίον. Quod saepe dixi et saepius observavi, est Socrates apud Platonem ubique in disputando accuratissimus eademque semper iisdem vocabulis enunciat; vide autem p. 339 D: ἐνίοτε διαμαρτάνειν τοῦ βελτίου, 340 A: ἐνίοτε κακὰ προστάττειν, 340 B: ἐνίοτε ἀξύμφορα κελεύειν, nec fortasse mecum dubitatis inserere: ἀλλὰ καὶ (ἐνίοτε) τοῦναντίον.

Ibid. 341 D: ἐξαρκεῖ ἐκάσῃ αὐτῇ ἑαυτῇ ὥς τε τέλειαν εἶναι. Necessarium est reddere Platoni nominativum τέλειαν, sicuti recte editur p. 371 E: ἡῤῥηται ἡ πόλις ὥς εἶναι τέλειαν. Quod autem vix credibile, Rep. VIII 547 E ante Hermannum recte legebatur κεκτημένη· hic autem pessimo consilio usus maluit κεκτημένην edere. Alia de genere eodem vide apud Madvigium *Advers.* I p. 430. Idem mendum obtinet Rep. V p. 457 B: τοῦτο μὲν ἐν ὥσπερ κύμα φῶμεν διαφεύγειν ὥς μὴ παντάπασι κατακλυσθῆναι τιθέντας ὥς δεῖ κτέ. Uniuscuiusque est corrigere: τιθέντες. Est proclive in paucis vitium.

Ibid. 341 E: ἐξαρκεῖ σώματι εἶναι σώματι. Secundum usum quem Cobetus nube exemplorum allata stabilivit *Mnem.* 1874 p. 159 et 276, multum praestabit legere σῶμα.

Ibid. 342 D: ἐπεχειρεῖ δὲ περὶ αὐτὰ μάχεσθαι. Mire dictum; malim: περιττὰ μάχεσθαι. Verum enimvero, fatebor enim, frustra circumspexi num similes Platonis locos invenire possem.

Ibid. 344 D: ὥσπερ βαλανεύς ὑμῶν καταντήσας κατὰ τῶν ὧτων ἄθρόον καὶ πολὺν τὸν λόγον, id Lucianus imitatus est *Encom.* Demosth. 16: διανοεῖ καταχεῖν μου τῶν ὧτων ὥσπερ βαλανεύς καταντήσας τὸν λοιπὸν λόγον, sed si quis forte propterea putaret apud Platonem ante τῶν ὧτων praepositionem omitti potuisse, erraret, nam dicitur quidem φιλοσοφίας γέλωτα καταντλεῖν Rep. VII 536 B et καταυλεῖν καὶ καταχεῖν τῆς ψυχῆς διὰ τῶν ὧτων et καταντλεῖν ἡμῶν Lysid. 204 D et βλασφημίαν τῶν ἱερῶν καταχέουσι Legg. VII 800 D et δόξαν τοῦ τῶν ἀνθρώπων γένους καταχεῖν Legg. VII 814 B, sed invenio κατὰ τῶν ἱματίων καταχεόμενοι Legg. I 637 E et Rep. III p. 398 A:

ἀποπέμπομεν μεντᾶν εἰς ἄλλην πόλιν μύρον κατὰ τῆς κεφαλῆς καταχέαντες, modo suppleas: πολὺ μύρον, quod vides cur exciderit. Similiter corrigendum Rep. V 458 D: ἀνάγκαις, αἱ κινδυνεύουσιν ἐκείνων (πολὺ) δριμύτεραι εἶναι πρὸς τὸ πείθειν, coll. Rep. VIII 564 D: πολὺ δέ γε δριμύτερον ἐν ταύτῃ.

Ibid 347 D: πᾶς ἂν ὁ γιγνώσκων τὸ ὠφελεῖσθαι μᾶλλον ἔλοιτο. Deest aliquid ad textus integritatem et supplendum: ὁ (δρθῶς) γιγνώσκων.

Ibid. 349 D: τοιοῦτος ἄρα ἐστὶν ἐκάτερος οἷς περ ἔοικεν, corrigam: οἷς περ, sicuti Euripides dixit: τοιοῦτός ἐσθ' οἷς περ ἥδεται ξυνών. Iam Madvigius hoc vidit p. 416 et miror quod Vernetus vulgati textus patrocinium suscepit.

Ibid. 350 D: ὠμολόγησε μὲν πάντα ταῦτα, οὐχ ὥς ἐγὼ νῦν ῥαδίως λέγω, ἀλλ' ἐλκόμενος καὶ μόγις. Adverbium ῥαδίως, nisi fallor, insititium est. Consensit Herwerdenus *Mnem.* 1883 p. 335. Itidem p. 351 B leve est pro: τότε περὶ αὐτοῦ σκοπῶ, reponere σκόπει. P. 352 A omnino requiro: ταῦτ' ἀπάντα, non ταῦτα et alia multa minuta supersunt quae praetereo.

Ibid. 351 E. Supplendum: ἀδυνάτου; κοινῇ (τι) μετ' ἀλλήλων πράττειν, quemadmodum recte legitur p. 352 C.

Ibid. p. 353 D: τιθῆμεν οὖν καὶ τᾶλλα πάντα εἰς τὸν αὐτὸν λόγον. Dubitantis et tanquam secum deliberantis est in tali re coniunctivum ponere: τιθῶμεν; Sic recte scribitur p. 376 C: τιθῶμεν φιλόσοφον αὐτὸν δεῖν εἶναι;

Ibid. 354 B: οὐ μέντοι καλῶς γε εἰσιᾶμαι δι' ἑμαυτόν. Stallbaumius se vulgati textus tenacem praestare solet; nunc tamen vi veritatis victus ipse quoque ἱκανῶς probavit, etiamsi inventum suum in margine delitescere iusserit; neque audentior Hermannus fuit. Omnes tamen novimus quam crebro καλῶς et ἱκανῶς confundantur, nec tamen umquam optio difficilis potest esse. Redit contrarium vitium quod modo procuravimus Rep. II

p. 362 C: *θυσίας ἱκανῶς καὶ μεγαλοπρεπῶς θύειν*, quasi sufficienter simul et magnifice sacrificare possis. Nunc quidem Herwerdenus *Mnem.* 1883 p. 335 non persuasit.

## AD REIP. LIBRUM SECUNDUM.

P. 358 B: *ἐπιθυμῶ γὰρ ἀκοῦσαι τί τ' ἔστιν ἐκάτερον — τοὺς δὲ μισθοὺς ἐᾶσαι χαίρειν*. offensionem est infinitivus *ἐᾶσαι* et commendo: *ἐᾶ σοι χαίρειν*. Dativum *σοι* prorsus eodem modo usurpatum videbis p. 409 E, 423 A et saepissime alibi.

Ibid. 360 A. In fabula de Gyge ita legimus: *τούτου δὲ γενομένου ἄφ' αὐτῇ αὐτὸν γενέσθαι τοῖς παρακαθημένοις καὶ διαλέγεσθαι ὥς περὶ οἰχομένου*, sed ratio suadet ut suppleamus: *καὶ (οὗς) διαλέγεσθαι*. Cobetus *Mnem.* 1858 p. 155 eadem medicina sanavit Protag. 320 A, nec mihi persuasit Stallbaumius ad Phaed. 72 B.

Ibid. 360 D, ubi Glauco ex aliena persona disputat, ut Socratem provocet, metuens ne quis forte arbitretur ipsi sibi probari quae tam clara in luce posuerit, interponit: *ὥς Φησιν ὁ περὶ τοῦ τοιούτου λόγου λέγων*. Satis unusquisque sentit quam incommode hoc dictum sit et contuli equidem Theaet. 164 E: *εἴπερ ὁ πατὴρ τοῦ ἐτέρου μύθου ἔζη* et Symp. 177 D: *ἐπειδὴ καὶ πρῶτος κατὰκειται καὶ ἔστιν ἅμα πατὴρ τοῦ λόγου* et Phaedr. 257 B: *Λυσίαν τὸν τοῦ λόγου πατέρα αἰτιώμενος παῦε τῶν τοιούτων λόγων, ἐπὶ φιλοσοφίαν δέ, ὥσπερ ὁ ἀδελφὸς αὐτοῦ Πολέμαρχος τέτραπται, τρέψον*, modo ibi deleas, quod supra iam observavimus, Lysiae et Polemarchi propria nomina, quae in precibus ad Amorem non tantum abesse possunt, sed debent etiam. Illic autem scribam: *ὥς Φησιν ὁ πατὴρ τοῦ τοιούτου λόγου λέγων*. nimirum Thrasymachus indicatur. Plane contrarium vitium deprehendi apud Achillem Tatium p. 593: *τῆς ἐορτῆς διηγοῦνται πατέρες μῦθον, οἶνον οὐκ εἶναι ποτε παρ' ἀνθρώποις*, ubi corrigendum: *τῆς ἐορτῆς διηγοῦντο περὶ μῦθον*, neque fidem habeo Koenio ad Gregor. Corinthium p. 108. Cf. *Mnem.* 1876 p. 334. Herwerdenus *Mnem.* 1883 p. 336 Platonem prorsus eodem modo emendavit.

Ibid. 361 A: οὕτω καὶ ὁ ἄδικος ἐπιχειρῶν [ὀρθῶς] τοῖς ἀδικήμασι λανθανέτω. Vides quid velim.

Ibid. 362 B: ξυμβάλλειν κοινωνεῖν οἷς ἂν ἐθέλῃ, diu ante me Cobetus *Var. Lect.* p. 527 eiecit verbum κοινωνεῖν et emblema in paucis manifestum est. Ostendit Cobetus p. 486 B synonyma esse adiectiva δυσξύμβολος et δυσκοινωνήτος et passim idem idoneis exemplis confirmare poteris. Sic p. 333 A ξυμβόλαια et κοινωνήματα eadem sunt et vide praeterea p. 425 C, 554 C, 556 B, alibi. Adire itidem poteris Vernetum p. 52.

Ibid. 363 C: Μούσατος δὲ τούτων νεανικώτερα τάγαθὰ καὶ ὁ υἱὸς αὐτοῦ παρὰ θεῶν διδάσκει τοῖς δικαίοις. Suppleverim: τούτων (ἔτι) νεανικώτερα, sicuti brevi post recte legitur: οἱ δ' ἔτι τούτων μακροτέρους ἀποτείνουνσι μισθοὺς παρὰ θεῶν· παῖδας γὰρ παῖδων Φασὶ καὶ γένος κατόπισθεν λείπεσθαι τοῦ δούλου, ubi suspicor fere servavisse Socratem poeticum: μετόπισθεν, sed in illo ἀποτείνουνσι haud satis scio sitne peccatum nec ne: intelligam certe quod secundum hodiernam orthographiam ἀποτίνουσιν est. Notus hic usus est; sic supra Musaeus cum filio praemia iustis *tribuunt* et iniustos εἰς πηλὸν τινα κατορύττουσιν ἐν ᾿Αἰδου. Alibi philosophi κινουσι τὴν γῆν quam moveri demonstrant. De hoc argumento permulta conguessit Hemsterhusius ad Thomam Magistrum p. 187 et post eum idem attigit Bakius ad Cleomedem p. 363. Sed nihil est μισθοὺς ἀποτείνειν, quod Stallbaumius utcumque conatur excusare, quamquam de ea locutione recte egerit ad Theaet. p. 181 A, ubi οἱ ῥέοντες sunt οἱ πάντα ρεῖν λέγοντες, cf. Sophist. 246 C, alibi. Ad eandem normam lepide Theophrastus Char. VIII: οἱ δ' ἐν τῇ σοφῇ πεζομαχίᾳ καὶ νυυμαχίᾳ νικῶντες, ἐρήμους δίκας ὠφλήκασιν. Consideranda quoque sunt quae leguntur Sophist. 246 E: τὴν λεγομένην ὑπ' αὐτῶν ἀλήθειαν κατὰ σμικρὰ διαθραύοντες ἐν τοῖς λόγοις γένεσιν ἀντ' οὐσίας φερομένην τινὰ προσαγορεύουσιν, ubi videndum num forte eiicienda illa sint: ἐν τοῖς λόγοις.

Ibid. 366 A. Stultum est quod editur: ἀλλὰ γὰρ ἐν ᾿Αἰδου δίκην δώσομεν ὧν ἂν ἐνθάδε ἀδικήσωμεν ἢ αὐτοὶ ἢ παῖδες

παίδων et non magno acumine opus est ut verum invenias:  
καὶ αὐτοὶ καὶ παῖδες παίδων.

Ibid. 367 B. Verbum εἶναι excidit in hisce: οὐ τὸ δίκαιον (εἶναι) φήσομεν ἐπαινεῖν σε, ἀλλὰ τὸ δοκεῖν, οὐδὲ τὸ ἄδικον εἶναι ψέγειν, ἀλλὰ τὸ δοκεῖν. Quantum video contrarium vitium obtinet Legg. III 686 A: ἄτε κεκοινωνηκότας . . . διακεκοσμημένους . . . πολλοῖς μάντεσι κεχρημένους [εἶναι]. Longior locus est quam qui totus describatur.

Ibid. 368 A: αἰ μὲν δὴ τὴν φύσιν τοῦ Γλαύκωνος ἠγάμην, ἀτὰρ οὖν καὶ τότε πάνυ γε ἥσθην, nimis tenue est ἥσθην et latet aoristus ἠγάσθην, qua forma Plato itidem usus est p. 329 D. Alibi, pag. est 334 A, ἄγεται in ἀγαπᾷ abiit, quod Steinbruchelius primus vidit, sed Stallbaumius correctionis praestantiam non agnovit, sicuti p. 370 E sero demum intellexit pro κομίσουσιν reponendum esse κομιοῦσιν. Contrarium vitium eius quod modo procuravimus, fortasse inquinat Tim. 37 C: ἠγάσθη τε καὶ εὐφρανθεῖς ἔτι δὴ μᾶλλον ὅμοιον πρὸς τὸ παράδειγμα ἐπενόησεν ἀπεργάσασθαι, ubi multum praefero ἥσθην.

Ibid. 370 D: τέκτονες δὴ καὶ χαλκῆς συχνὸν αὐτὸ ποιοῦσιν. Planissime futurum requiritur et Platoni reddam: ἀποτελοῦσιν, quae sane lenior correctio est quam ποιήσουσιν.

Ridiculam interpolationem odoratus sum p. 371 A, ubi memorantur οἱ εἰσάξοντες καὶ ἐξάξοντες ἕκαστα, sed nihil necesse est hoc quid sit interpretari et adscribere: οὗτοι δ' εἰσὶν ἔμποροι. Nec magis post breve intervallum ξύμβολον τῆς ἀλλαγῆς ἔνεκα addere νόμισμα, nam ξύμβολον iam per se satis perspicuum est.

Ibid. 371 C: εἰσὶν οἱ τοῦτο ὁρῶντες ἑαυτοὺς ἐπὶ τὴν διακονίαν τάττουσι ταύτην. Contextus sponte ducit ad τάξουσι.

Ibid. 371 D: ἡ οὐ καπήλους καλοῦμεν τοὺς πρὸς ὠνήν τε καὶ πρᾶσιν διακονοῦντας ἰδρυμένους ἐν ἀγορᾷ. otiosum est participium διακονοῦντας.

Ibid. 372 B: *μάζας γενναίας καὶ ἄρτους*. Inserui (δυναροὺς) ἄρτους *Mnem.* 1877 p. 208. Locis illic laudatis addere poteris Casauboni *Animadv. ad Athenaeum* p. 508.

Ibid. 372 C: *ἄλλας τε δῆλον ἔστι καὶ ἐλάας καὶ τυρὸν καὶ βολ-  
βούς καὶ λάχανα, οἷα δὲ ἐν ἀγροῖς ἐψήματα ἐψήσονται*.  
Quod studui ostendere *Mnem.* 1900 p. 334, satis apparet ex  
Plutarcho *Moral.* p. 664 A et 668 B, uti et ex Clemente Alexan-  
drino *Protr.* p. 173 Pott., verosimiliter Platonem scripsisse:  
*δψήματα δψήσονται*. Cum hoc loco coniungenda ea sunt  
quae brevi post insequuntur p. 373 A: *καὶ ὄψα δὲ καὶ μύρα  
καὶ θυριάματα καὶ ἑταῖραι καὶ πέμματα καὶ ἔκασα τούτων  
παντοδαπά*, ubi itidem in *Mnem.* l.l. commendavi: *καὶ σίραια*.  
Ad Platonis locum *Rep.* V 455 C: *τὴν τῶν ποπάνων τε καὶ  
ἐψημάτων θεραπείαν*, adnotavit scholiasta: *ποπάνων· πλακουντίων  
πλατέων καὶ λεπτῶν καὶ περιφερῶν· ἔψημα δ' ἐστὶν ὃ ἔνιοι  
ἔραιοι καλοῦσιν*, quod emendandum est ut fiat *σίραιον*. La-  
tine *sapa* vel *defrutum* dicitur et saepe Galenus inculcat in  
Asia *ἔψημα* dici, quod Atheniensibus ut plurimum *σίραιον* est.  
Sic autem vocatur τὸ ἠψημένον γλεῦκος vel etiam τῶν ἰσχυάδων  
ἀφέψημα. Incurrit in oculos quam facile *σίραια* in *ἑταῖραι* po-  
tuerit abire. Alia quae huc pertinent, vide in *Mnem.* l.l. Itidem  
confer *Κόντον ἐν τῇ Ἀθηνᾷ* XVII p. 342 sqq.

Ibid. 372 D: *ἐπὶ κλινῶν κατακεῖσθαι μέλλοντας μὴ ταλαι-  
πωρεῖσθαι*. Qui mensae accumbunt, magis, credo, dicuntur κα-  
τακλίνεσθαι. Sic certe p. 372 B: *κατακλινέντες ἐπὶ σιβάδων*.

Evidens interpolatio facillime coargui potest p. 373 E, sed  
paulo plura describenda esse video. Καὶ μηδὲν γε πω λέγωμεν —  
verba Socratis sunt — *μήτ' εἴ τι κακὸν μήτ' εἴ τι ἀγαθὸν ὁ  
πόλεμος ἐργάζεται, ἀλλὰ τοσοῦτον μόνον ὅτι πολέμου αὐτὸν γένεσιν  
εὐρήκαμεν*. Sed qui tam diserte dixit se nondum quaerere velle  
quidnam boni malive in bello insit, haudquaquam addere po-  
tuit: *ἐξ ὧν μάλιστα ταῖς πόλεσι καὶ ἰδίᾳ καὶ δημοσίᾳ  
κακὰ γίγνεται ὅταν γίγνηται*. Est in paucis aperta res  
et me iam antevertit Herwerdenus.

Ibidem quaedam interpolata sunt p. 374 B: ἐν ἀπεδίδομεν πρὸς ὃ πεφύκει ἕκαστος καὶ ἐφ' ᾧ ἔμελλε τῶν ἄλλων σχολὴν ἄγων διὰ βίου αὐτὸ ἐργαζόμενος, οὐ παριείς τοὺς καιροὺς, καλῶς ἀπεργάζεσθαι. Dicet Stallbaumius cur impedita verba commode explicari nequeant; sed salva res est nec violento remedio utemur: scribe σχολὴν ἄγειν et sponte excidet quod interpolatum est καλῶς ἀπεργάζεσθαι.

Ibid. 376 D: κατιδεῖν δικαιοσύνην τε καὶ ἀδικίαν τίνα τρόπον ἐν πόλει γίγνεται. Praestabit γίγνονται vel fortasse ἐγγίγνονται. Cf. p. 372 E: τάχ' ἂν κατιδόμεν τὴν τε δικαιοσύνην καὶ ἀδικίαν ὅπῃ ποτὲ ταῖς πόλεσιν ἐμφύονται. Similiter corrige IV p. 433 B.

Ibid. 377 A: οὐ μανθάνεις ὅτι πρῶτον τοῖς παιδίοις μύθους λέγομεν; τοῦτο δέ που, ὡς τὸ ὄλον εἰπεῖν, ψευδός, ἐνὶ δὲ καὶ ἀληθῇ. Haec quidem recte, sed ex margine adnotatio irrepsit in textum: πρότερον δὲ μύθοις πρὸς τὰ παιδία ἢ γυμνασίοις χρώμεθα.

Ibid. 378 A. Contenderat Socrates in bene morata civitate arcendas esse absurdas fabulas de deorum flagitiis. Καὶ γάρ, responderat Adimantus, οὗτοι γε οἱ λόγοι χαλεποί. Tum Socrates: καὶ οὐ λεκτέοι γε ἐν τῇ ἡμετέρᾳ πόλει. οὐδὲ λεκτέον νέω ἀκούοντι ὡς ἀδικῶν τὰ ἔσχατα οὐδὲν ἂν θαυμαστὸν ποιόη. Hic quanto elegantius scribetur: καὶ οὐ δεκτέοι γε, ne brevi intervallo idem verbum inutiliter iteretur. Vide δέχεσθαι hoc sensu cum compositis p. 378 D, 379 C, 389 A, X p. 595 A, Theaet. 160 C, alibi.

Ibid. 378 C: οὐδεὶς πώποτε πολίτης ἕτερος ἐτέρῳ ἀπήχθετο· difficile est hoc credere verum esse, sed aliquid excidissee conicio: οὐδεὶς πώποτε πολίτης (χρηστὸς πολίτῃ) ἕτερος ἐτέρῳ ἀπήχθετο.

Ibid. 379 B: τῶν μὲν εὖ ἐχόντων αἴτιον, τῶν δὲ κακῶν ἀναίτιον. Imo legendum: κακῶς.

Ibid. 380 A: *ἐάν τις ποιῇ τὰ τῆς Νιδβης πάθη*, male adhaeret fragmentum scholii: *ἐν οἷς ταῦτα τὰ λαμβεῖα ἔνεσι*. Est Plattii suspicio quam perperam reiecit Vernetus p. 72; non enim videtur animadvertisse laborare constructionem.

Ibid. 380 B. Copula excidit: *εἰ μὲν ὅτι ἐδεήθησαν κολάσεως λέγοιεν (καὶ) ὡς ἄθλιοι οἱ κκκοί, δίδοντες δὲ δίκην ὠφελοῦντο ὑπὸ τοῦ θεοῦ, ἐατέον*.

Ibid. 383 C: *εἰ μέλλουσιν ἡμῖν οἱ φύλακες θεοσεβεῖς τε καὶ θεῖοι γίγνεσθαι, καθ' ὅσον ἀνθρώπῳ ἐπὶ πλείστον οἶδν τε*, non difficulter agnoscitur vera lectio *ὅσιοι*. Sic p. 395 C Plato appellat eosdem *ἀνδρείους, σώφρονας, δσίους, ἐλευθέρους*. Qui autem pro patria mortem occubuerunt, eos tum demum *δαιμονίους τε καὶ θείους* appellat p. 469 A itidemque p. 500 D: *θείῳ δὴ καὶ κοσμίῳ ὃ γε Φιλόσοφος ὁμιλῶν κόσμιός τε καὶ θεῖος εἰς τὸ δυνατὸν ἀνθρώπῳ γίγνεται* itidemque post obitum sacra offerentur manibus, p. 540 C, *ἐὰν καὶ ἡ Πυθία ξυναναιρῇ ὡς δαίμοσιν, εἰ δὲ μὴ ὡς εὐδαίμοσιν τε καὶ θεοῖς*. Itidem poetae quippe divino instinctu afflati haud raro *θεῖοι* appellantur. Sed *ὅσιοι* sunt p. 615 B: *εἴ τινας εὐεργεσίας εὐηργετηκότες καὶ δίκαιοι καὶ ὅσιοι γεγονότες*. Locos cumulare facile est; si quis hoc curat, conferat Criti. p. 110 C, Legg. VII 817 A, 818 C. Lacedaemonii paulo crebrius *θεῖον ἄνδρα* vel, si id mavis, *σεῖον ἄνδρα* appellabant. Non fugit hoc scriptorem dialogi de Virtute p. 379 D: *λέγουσι δὲ πού καὶ αἱ γυναῖκες ὅτι θεῖος ἀνὴρ οὗτός ἐστι καὶ Λακεδαιμόνιοι ὅταν τινὰ μεγαλοπρεπῶς ἐπαινῶσι, θεῖον ἄνδρα φασὶν εἶναι*. Cf. Legg. I p. 626 C, 629 B, 642 D et Astium ad Legg. p. 15.

(*Continuabuntur*).

PLUT. DE RECTA RAT. AUDIENDI P. 38 B.

Xenocrates dicebat item ut athletic et pueris *ἀμφοτίδας* esse praebendas, et dicebat hoc

*οὐκ ἀνηκοῖαν οὐδὲ κωφότητα προμνόμενος*.

Neque *μνηστῆρσιν* Homericis neque *προμηστρίᾳ* Aristophanicae hic locus est ullus. Lege *προμηχανόμενος*. J. J. H.

# QUAESTIONES GRAECAE.

SCRIPSIT

I. M. J. VALETON.

(Continuantur ex Vol. XVI pag. 238.)



## III.

### DE INSCRIPTIONE LYGDAMENSI.

Scribere propositum mihi est de inscriptione Halicarnassensi illa celeberrima, quae insignita est nomine Lygdamis tyranni; quae licet ita sit a viris doctis tractata, ut magis fere idonea esse videri possit in qua demonstres, quantum communis multorum labor profecerit ad illustrandam rem initio satis obscuram visam, quam ut ipse aliquid novi eruas, tamen ex una parte etiam aliquid habere iampridem mihi visa est, quod nondum satis esset in luce positum. Ne repetam omnia quae cum ab aliis tum a viro cl. Dittenberger optime dicta sunt, lectorem relego ad adnotationes in Sylloge (ed. alt n<sup>o</sup> 10 pag. 17) ab illo additas. Inscriptionem nostram aliquanto ante a. 454 factam esse verisimile est, quo anno Halicarnassus fuit urbs Atheniensibus tributaria (C. I. A. 1. 226). Lygdamis autem, siquidem fuit filius Pisindeli, nepos Artemisiae, ut Suidas tradit, Pisin-delus vero eius pater si a. 480 adolescens etiam fuit, quod ex Herodoti verbis (7. 99) deducere solent viri docti, quot annos ipse natus fuerit cum tyrannus esse desineret, haud facile dictu est; vix adolescentem eum tum esse potuisse dixeris. Eam difficultatem variis modis solvere conati sunt viri docti. Fuerunt

qui conicerent, Lygdamin iniuria filium Pisindeli a Suida dictum, revera eius fuisse fratrem; sed id annon sufficiat dubito, Lygdamis ita quoque a. 480 aut nondum aut non multo ante natus fuerit necesse esse mihi videtur, nam si Artemisia a. 480 duos filios iam pueritia egressos habuisset, Herodotus vix dicturus fuisset ei fuisse unum adolescentem. Multa suadent ut credam, Suidam nonnisi in hac re erravisse, quod Pisindelum Artemisiae filium fuisse tradit, cum revera fuerit eius maritus, et fuerit ipse ille ἀποθανὼν ἀνὴρ αὐτῆς de quo mentionem facit Herodotus; qua coniectura accepta statuere licet, illum παῖδα νεηνίην quem Herodotus a. 480 Artemisiae fuisse dicat, fuisse Lygdamin ipsum, filium Pisindeli illius quem aliquando tyrannum fuisse, et patrem Lygdamis fuisse, ceteroquin recte dicat Suidas; ita Lygdamis a. 480 adultus iam fuit, et omnia recte se habent. Sed his missis, iam ex Sylloge transscribo textum restitutum, qui est huiusmodi:

(Pars I, praescriptio:) Ἱτάδε ὁ σύλλογος ἐβουλευέσαστο <sup>2</sup>ὁ Ἀλικαρνασσεῶν καὶ Σαλμακιστίων καὶ Λύγδαμις, ἐν τῇ ἱερῇ ἀγορῇ μηνὸς Ἑρμαῖωνος πέμπτῃ ἰσταμένου, ἐπὶ Λέοντος πρὸς τανεύοντος τοῦ Ὀαστάσιος, καὶ Σαρυσσώλλου τοῦ Θεκυλίω νεώπωιοι, πρὸς μνήμονας.

(Pars II, lex:) Μὴ παραῖδυσθαι μήτε γῆν μήτε οἰκίαν τοῖς μνήμοσιν ἐπὶ Ἀπολλωνίῳ Λυγδάμιος μνημονεύοντος καὶ Παναμῷ τοῦ Κασβῶντος, καὶ Σαλμακιστίων μνημονεύοντων Μεγαβάτεω τοῦ Ἀφιάσιος καὶ Φορμίωνος τοῦ Πανυάσιος. Ἦν δέ τις θέλῃ δικάζεσθαι περὶ γῆς ἢ οἰκίας, ἐπικαλεῖται ἐν δικτῷ καὶ δέκα μηνσίν, ἀπ' οὗ τῷ ἄδῳ ἐγένετο νόμος δέ, κατὰπερὶ νῦν, ὀρκῶσαι τοὺς δικαστάς. Ὅτι ἂν οἱ μνήμονες εἰδέωσιν, τοῦτο κατεργάζεσθαι. Ἦν δέ τις ὕστερον ἐπικαλῇ τούτου τοῦ χρόνου τῶν δικτῶν καὶ δέκα μηνῶν, ὅρκον εἶναι τῷ νεομένῳ τὴν γῆν ἢ τὰ οἰκία, ὀρκῶν δὲ τοὺς δικαστάς ἡμῖν ἐκτον δεξαμένους· τὸν δὲ ὅρκον εἶσθαι παρεόντος τοῦ ἐνεστηκότος· κατὰπερὶ δ' εἶναι γῆς καὶ οἰκίας, οἵτινες τότε εἶχον, ὅτε Ἀπολλωνίδης καὶ Παναμῷ μνήμονες εἰ μὴ ὕστερο ἀπεπέρασαν.

(Pars III, sanctio de lege non abroganda:) Τὸν νόμον τοῦτον ἢν τις θέλῃ συγχέαι ἢ προῃταῖ ψῆφον, ὥστε μὴ εἶναι τὸν νόμον τοῦτον, τὰ ἐόντα αὐτοῦ πεπρήσθω καὶ τῶν ἄλλων εἶναι ἱερὰ καὶ ἀτὸν Φεύγειν αἰεὶ. Ἦν δὲ μὴ ἢ αὐτῷ ἄξια δέκα

στατήρων, αὐτὸν π<sup>30</sup>επρῆσθαι ἐπ' ἐξαγωγῇ καὶ μηδ<sup>40</sup>αμὰ κάθοδον εἶναι ἐς Ἀλικαρν<sup>41</sup>ησσόν. Ἀλικαρνασσέων δὲ τῶσσ<sup>42</sup>υμπάντων τούτῳ ἐλεύθερον εἶ<sup>43</sup>ναι ὃς ἂν ταῦτα μὴ παραβαίῃη, κατ'ᾧ<sup>44</sup>περ τὰ ὄρκια ἔταμον καὶ ὥς γέγραπ<sup>45</sup>ται ἐν τῷ Ἀπολλωνίῳ, ἐπικαλεῖν.

Sunt qui malint partem primam terminare vocabulo νεωποιοῦ, et partis secundae initium ita legere: Τοὺς μνήμονας μὴ παραδίδόναι μήτε γῆν μήτε κ.τ.λ.

Ad ea igitur quae adnotanda videntur, ordine proferam.

I. Inscriptionem non esse foedus, neque factam esse post exsules revocatos. — Vocabulum ἄδος = δόγμα (lin. 19), quod, iam recte lectum a viro cl. Newton, postea explicavit Bergk, cum antea, haud agnitum, a quibusdam viris doctis in κάθοδος transformatum esset, excitavit apud multos opinionem, mox aliis haud melioribus argumentis specie confirmatam, legem nostram aliquo tempore latam esse, cum paullo antea pax Halicarnassi esset restituta inter partes contendentes, et exsules quidam essent nuper revocati. Vocabula praescriptionis autem (lin. 1—3): τάδε ὁ σύλλογος ἐβουλεύσατο . . . καὶ Λύγδαις, collata cum eis quae leguntur lin. 44, nonnullos viros doctos induxerunt ut inscriptionem nostram, quae ipsa lin. 32 legem se esse declarat, haberent pro foedere aut pro supplemento aliquo foederis nuper facti; id alii (Bauer, Sitzungsber. der Wiener Ak. 89. 1878 pag. 391—420) inter duas urbes vicinas, alii (Kirchhoff, Studien zur Gesch. d. Gr. Alph.) inter illas urbes et Lygdamin fieri putaverunt. Fuerunt etiam qui huic quaestioni immiscerent id quod apud Suidam traditum exstat de vitis et rebus gestis Panyasis poetae, quem a Lygdami necatum esse narrat Suidas, et filii sororis eius Herodoti, qui propter Lygdamin Samum in exsilium profectus, postea reversus, tyrannum expulisse ab eodem dicitur. Kirchhoff eas narrationes cum illis coniungere conatus quae ex inscriptione cognovisse sibi visus erat, statuit Herodotum aliquando cum sociis ab exsilio in patriam reversum, non pepulisse tyrannum, sed pacem cum eo fecisse, cuius rei monumentum esse volebat inscriptionem nostram. Bauer contra inscriptione usus est ad Suidam refellendum, cuius narrationem nulla fide dignum esse existimabat. Illis opinionibus egregie obstitit Rühl (Philol. 41. 1882 pag. 54—77); is non solum primus demonstravit, de

foedere cogitandum non esse, sed etiam in universum optime monuit, in interpretanda inscriptione abstinendum esse ab opinionibus praesumptis et argumentis extrinsecus allatis. Post eum Swoboda (Arch. Epigr. Mitth. 20. 1897 pag. 115—130) quantum satis est confirmavit illam opinionem, decretum publicum quod in inscriptione legatur esse legem quam fecit concilium quoddam civium Halicarnassensium et Salmacitarum cui auctor factus est Lygdamis tyrannus; is multis et gravibus argumentis exemplisque allatis demonstravit, in inscriptione nostra nihil inesse quod obstat quominus credamus, Lygdamin tum cum illa inscriptio fieret fuisse in plena potestatis tyrannicae possessione; nequaquam enim ab ea condicione alienum hoc esse, quod urbes quibus imperat ille, habent — et id quidem pro parte separatim, pro parte communiter — suos magistratus urbanos, et habent concilium civium, utrique urbi commune, quod leges dare potest modo tyrannus nomine addito se auctorem eis fieri testetur. Id concilium mihi quidem videtur non fuisse universi populi, sed partis cuiusdam civium ex censu constitutae, et quod extra ordinem, si opus esset, ipsius tyranni iussu advocaretur; nomen ipsum *δὲ σύλλογος*, quod quaesitum et coactum aliquid habet, indicio esse mihi videtur, concilium illud non magis fuisse inter instituta Halicarnassensia ordinaria et perantiqua, quam inter instituta plerisque civitatibus Graecis communia. Ne hoc quidem illi condicioni repugnare ostendit vir cl., quod in decreto nostro a concilio facto anni designantur non per numerum annorum tyrannidis, sed per nomina magistratum. Ea omnia enim vel similia etiam alibi facta esse monuit, ubi quin unus dominus rebus praefuerit non sit dubium. Omnino notum est, tyrannos Graecos vetera rerumpublicarum instituta pro magna parte intacta servare solitos fuisse, quod ex. gr. etiam Pisistratus fecit. Itaque hoc tenendum esse ego addo, si quis velit Suidae fide habita credere, Panyasin a Lygdami esse necatum, Herodotum propter Lygdamin in exsilium iisse, postea vero eundem in patriam reversum pepulisse tyrannum, et si ad eas res inscriptionem nostram referre placeat, id ita faciendum esse, ut dicamus, inscriptionem factam esse non postquam, sed aliquanto ante quam Herodotus in patriam redierit, eo tempore quo. etiam vigeret potentia tyranni. Apollonides autem ille,

filius Lygdamis, quem proximo anno mnemonia functurum esse declarat inscriptio, quin ipsius tyranni filius fuerit, nihil habeo quod dubitem; id nomen, derivatum a nomine dei qui praecipue Halicarnassi colebatur, quamquam frequens fuit, tamen filio tyranni certe non erat indignum; hoc saltem obstare non crediderim, quod tyrannum ipsum non Halicarnassi, sed Salmaci in arce habitavisse verisimile videtur. Sed illi coniecturae nullum momentum tribuo.

Quod inprimis asseveravit Rühl, hoc est, nostra lege aliquando mutatum esse ordinem iudiciorum privatorum ad vindicationes fundorum (sive praediorum cum rusticorum tum urbanorum, agrorum et aedium) pertinentium: „es handelt sich ait um eine neuordnung des processverfahrens in grundeigentumsstreitigkeiten”; quod non prorsus recte se habere mox ostendam. Sed idem, diligenter opera navata ut ex verbis legis legem explicaret, nihil aliud ex ea cognosci posse arbitratus est de rebus tempore Lygdamis Halicarnassi gestis; in inscriptione nullum indicium invenit quod referendum esset ad motus civiles etiam flagrantes aut nuper sedatos, bonorum publicationes decretas aut remissas, cives in exilium actos vel exsules revocatos. Ea res autem virum clarissimum egregie fefellisse mihi videtur; me iudice ei accidit, cum optime indicaret qua via incedendum non esset, ut viam quae pateret non videret; itaque non se ipse solum, sed alios etiam a veritate invenienda avertit. Constat quidem, in inscriptione nihil inesse quod pertineat ad pacem cum exsulibus revocatis factam, ad publicationes remissas, ad bona exsulibus reddenda, ut voluerunt quidam (Reinach, cuius argumenta vid. in *Recueil des Inscr. Iurid. Grecques* I pag. 2 sq., Hicks *A Manual of Gr. Histor. Inscr.* 1901 pag. 42, alii); sed eo plura inesse, quae pertineant ad victoriam a tyranno nuper de adversariis reportatam, ad cives necatos aut in exilium pulsos, ad bona eorum proscripta mox publice vendenda, et de eis rebus clara voce loqui et tantum non clamare lapidem nostrum, id ut his paginis demonstrarem mihi proposui.

II. De ordine iudiciorum nostra lege mutato. — In inscriptione lin. 19 sq., ubi describitur vetus ordo iudiciorum privatorum quae fiebant de iure fundorum, haec leguntur: νόμος δέ, κατάπερ νῦν, ὁρκῶ<ι>σαι τοὺς δικαστάς [lectio ὁρκῶσαι τοὺς,

quam Dittenberger dedit pro hoc quod in lapide est: ὀρκῶσι . . . . ., certa esse mihi videtur]. Quaeritur utrum τοὺς δικαστὰς sit subiectum an obiectum. Ego, quamquam a plerisque viris doctis (Swoboda excepto) in ea re me dissentire video, prorsus dubitari non posse censeo quin δικαστὰς sit subiectum. Est is constans sermonis Graeci usus. De quattuor locis quibus in Sylloge ὀρκῶσαι (imperative) legitur, tribus (nº 17 lin. 16 et 36; nº 122 lin. 19) obiectum, nullo vero subiectum omitti videmus; obiectum additur nº 55 lin. 2. In ipsa nostra inscriptione postea (lin. 26) prorsus eodem modo legimus: ὀρκῶν δὲ τοὺς δικαστὰς, ibi quoque δικαστὰς subiectum est, obiectum non enuntiatur. Nihil attinebat praescribere ut iudices iurarent; ei utique iurati erant, qui dicit δικαστὰς, dicit: iudices iuratos. Ubi apud infinitivum ὀρκῶσαι obiectum omittitur, indicatur omnes novisse, vel ex contextu patere, quinam sint qui sacramento sint adigendi; ubi id diserte declarari debet, aliae locutionis formae adhibentur, veluti: ὀρκον εἶναι τῷ δεῖνι (ut in nostra inscr. lin. 24), δμνύναι τὸν ὀρκον τὸν δεῖνα, ἐξορκίζεσθαι τὸν δεῖνα (Syll. nº 11 lin. 6), alia eiusmodi. Hoc loco quinam sint qui ad sacramentum sint adigendi, minime dubium est; sunt ipsi mnemones; nam cum deinceps addatur (lin. 21 sq.), litem disceptandam esse secundum testimonium mnemonum qui tunc erunt, consentaneum est eos iuratos testimonium dicere debuisse. Utrumque autem, cum hoc, iudices sacramento adigere debuissent in illis iudiis, tum illud, mnemones fuisse qui deberent ab eis ad sacramentum adigi, etiam Swoboda vidit, et suis argumentis quae h. l. non repetam confirmavit. Is quidem simul nonnulla affirmavit de officio mnemonum, quae annon vera sint dubito, ut infra prolixius ostendam; non prorsus enim probata mihi sunt quae scripsit de fonte e quo mnemones eo tempore, Halicarnasso in urbe, testimonium dicentes scientiam suam hausisse existimandi sint, quem negat fuisse in ullis perscriptionibus ab eis factis et in tabulario asservatis, quae pertinerent ad negotia privata quorum a privatis consciis facti essent, sed totum constituisse in eorum memoria nullis litteris publicis sublevata. Sed ea quaestio ad rem de qua nunc ago parum facit; hoc saltem apud omnes constat, mnemones initio institutos fuisse μνήμης ἕνεκα καὶ μαρτυρίας (ut verbis utar a Theophrasto

apud Stob. 44. 22 in alia re usurpatis), memoriae conservandae et testimonii dicendi causa, et eam memoriam quam conservarent imprimis complexam esse negotia a privatis gesta quae ad fundorum iura pertinerent, quae omnia eis cognita esse existimarentur. Ratio et causa autem, cur id testandi munus, mnemonibus proprium, in hac lege commemoretur, non haec est, quod novi aliquid illis verbis praescribatur; mnemones semper in his litibus in quibus quaeratur de iure alicuius fundi — non solum de dominio agri vel aedis, sed etiam de possessione, de conductione, de hypotheca et aliis eiusmodi — iuratos testimonium dicturos esse apparet ex ipsis verbis his quae adduntur: νόμος, κατάπερ νῦν; sed causa inest in hac re, quod testimonium mnemonum in posterum, inde a die quae erit post duodeviginti menses absolutos, nostra lege eatenus tollitur, quatenus in iudicio quaerendum erit cuiusnam aliquis fundus fuerit eo anno, quo Apollonides mnemon fuit; post illud tempus duodeviginti mensium, quoties talis quaestio in iudicio tractanda erit, iudicibus non amplius licebit ad iusiurandum et testimonium admittere mnemones qui tunc erunt. Ob eam causam id quod postea non amplius licitum esse dicitur, e contrario et nunc et intra duodeviginti menses proximos etiam licere non solum, sed fieri debere, diserte affirmatur, ne qua de ea re oriatur dubitatio.

III. De novo iure hac lege constituto. — Antiqua consuetudo, qua mnemonum testimonium exquirebatur in iudiciis, quae fiebant de iure alicuius fundi, nostra lege nequaquam aboletur. Immo manet, et vigebit etiam post eam diem quae erit post duodeviginti menses expletos. Officium mnemonum, opera quam mnemones praestant, ut in ceteris rebus, sic in iudiciis, intacta servantur. Hoc unum excipitur: si postea, post illam diem praestitutam, aliquis de iure alicuius fundi ita agere instituerit, ut dicat eum fundum, cuius possessionem amiserit ante nostram legem rogatam, sibi restituendum esse quod iam eo tempore suus fuerit, tum eam causam agi non licebit secundum ius antiquum; testimonio mnemonum tum uti non poterit petitor; sed valebit novum ius quod nostra lege institutum est, quo iudices iubentur ad sacramentum admittere reum, si is paratus erit, iureiurando παρέντος τοῦ ἐνεστηκότος

(i. e. coram petitore) interposito, affirmare se anno Apollonidis in possessione fuisse, aut possessionem qua nunc utatur deduci posse ab aliquo, qui anno Apollonidis in possessione fuerit. Praeterea nihil novatur. Non solum antiquum ius valebit in omnibus causis quae intra proximos duodeviginti menses ad iudicem deferentur; sed etiam in eis causis, quae post eam diem de iure alicuius fundi suscipientur, si lis, quae in eis disceptanda erit, versabitur in negotio aliquo post nostram legem rogatam gesto, nec quidquam pertinebit ad quaestionem, quis eum fundum antea possederit. Rem ita se habere, ex toto legis tenore sine ullo dubio efficitur; quod dixi, abunde confirmatur his argumentis: primum, quod lex illa quae nunc est, quae tangitur verbis: νόμος δὲ κατὰπερ νῦν, nostra lege non abrogatur, sed valet et manet; deinde quod vocabulis εἰ μὴ ἀπεπέρασαν (quae significant: nisi si is qui fundum possedit anno Apollonidis, eum postea sive ex iudicato amiserit sive aliquo negotio gesto legitime alienaverit), id quod dixi diserte exprimitur; denique vero, quod manifestum est, actionem quae niteretur negotio aliquo legitimo vel iudicio aliquo quod factum esse diceretur post nostram legem rogatam, non potuisse repelli iureiurando quod respiceret ad possessionem quae fuerit ante id negotium gestum vel id iudicium factum. Itaque, ut rem tribus exemplis comprehendam:

a Si de iure alicuius fundi agetur causa, quae suscepta erit intra duodeviginti proximos menses post hanc legem rogatam, iudicibus utique exquirendum erit testimonium mnemonum, eique testimonio obsequendum; quod aequè valet, sive petitor dixerit se possessionem amisisse ante hanc legem rogatam, sive post legem rogatam.

b Si causa agetur, quae suscepta erit post diem praestitutam duodeviginti mensium, si petitor dicet eum fundum post hanc legem rogatam aut sibi esse adiudicatum in iudicio sed sibi exhibitum non esse, aut aliquo modo suum factum esse post hanc legem rogatam, neque tum sibi traditum aut postea sibi ademptum esse ab eo qui tum possideat, eodemmodo iudicibus ad mnemonum testimonium recurrendum erit.

c Solum si causa agetur, quae suscepta erit post diem illam praestitutam, si petitor dixerit, accidissee sibi ante hanc legem

rogatam ut excideret ex possessione eius fundi quem sibi restitui velit, tum iudicibus non licebit aurem praebere testimonio mnemonum, sed statim debebunt ad iusiurandum admittere reum possessorem, ut is sacramento confirmet se anno Apollonidis fuisse in possessione, utque ita actionem petitoris a se repellat.

Iamvero cum duo causarum exempla quae primis locis posui, tota cadant sub veterem iudiciorum ordinem, qui hac lege non mutatur, cum tertium exemplum solum pertineat ad novum ius quod nostra lege constituitur, patet eam legem ad hos cives solos pertinere, qui fundos suos ante legem rogatam iniuste se amisisse dixerint; omnes reliquos cives autem, qui nunc sunt aut qui postea erunt, ea non tangi. Itaque non rectissime se habet quod statuit Rühl: „es handelt sich um eine neuordnung des processverfahrens in grundeigentumsstreitigkeiten”. Lex nequaquam pertinet ad omnes futuras de iure fundorum controversias. Deinde vero lex non formam mutat iudiciorum solum, sed mutat et infringit ipsum ius. Hi enim ad quos lex pertinet, si intra certam diem de fundis recuperandis iure agere aut noluerint aut nequiverint, postea non solum nova ratione causam suam agere coguntur, sed ipsum ius suum persequi prohibentur; repellentur enim iureiurando alterius partis, quo aliquid affirmabitur quod ipsi nequaquam negant (scil.: eam partem in possessione fuisse anno Apollonidis), sed quod iniuria, aut vi aut clam aut alio modo iniusto, factum esse dicunt; nihilominus copia probandi per mnemonum testimonium id iniuria factum esse, eis non dabitur. Quod nostra lex iubet, ita fere reddi potest: „Omnes fundi, qui ante hanc legem rogatam ex possessione dominorum suorum exciderunt, si a dominis non intra duodeviginti menses proximos repetuntur, ab eo tempore, sublato et deleto iure antiquorum dominorum, eorum erunt, in quorum possessione fuerint anno Apollinidis.”

Addendum I. Hoc loco de duabus rebus in transitu monendum esse videtur. Altera earum pertinet ad illa verba: *ἢν τις ὕστερον ἐπικαλῆ ὄρκον εἶναι τῷ νεμομένῳ τὴν γῆν καρτεροῦς δ' εἶναι γῆς καὶ οἰκίῳν, οἵτινες τότε εἶχον ὅτε Ἀπολλ. καὶ Παν. ἐμνημόνευον, εἰ μὴ ὕστερον ἀπεπέρασαν.* Ea verba docent, in omnibus iudiciis de iure fundorum post praestitutam diem initis (supra sub *δ*

et c), utique reos, qui eidem tum sint possessores fundorum controversorum, fore adigendos iuriurando illi si iurare parati sint; sed non utique illud iusiurandum satis eis valitum esse ad causam obtinendam. Condiciones rerum, quibus iusiurandum irritum futurum est possessoribus reis, in lege comprehenduntur hac formula: *εἰ ὕστερον ἀπετέραςαν*. Quamquam iam indicavi (sub *δ*), quanam fuerint illae condiciones quae iusiurandum possessoribus reis inutile redderent, tamen expedit eas h. l. in conspectu ponere.

a Si actor post diem praestitutam, ad rem iudicatam provocans, dicet se illum fundum quem sibi restitui velit, post nostram legem rogatam in iudicio evicisse ab eodem illo possessore qui nunc quoque reus sit, neque eum fundum tum sibi esse ab eo exhibitum, vel postea sibi esse ab eo iniuste ademptum. Actor enim cum id dixerit, concedet quidem reum in possessione fundi fuisse anno Apollonidis, et eius sacramentum iustum esse, sed contendet eum *ὕστερον ἀποτεράσαι*, i. e., eum postea in iudicio quod de illo fundo factum esset, esse condemnatum. Actor tum quin potuerit provocare ad testimonium mnemonum ut rem nuper iudicatam esse probaret, dubitari nullo modo potest. Quod posui, vocabulum *ἀποτεράσαι*, quamquam id per se nihil aliud est quam alienare, nihilominus in nostra lege etiam comprehendere hunc eventum, ut quis condemnatus sit in iudicio quod de iure fundi a se possessi factum sit in quo ipse reus fuerit, quo factum sit ut ius quod in illo fundo se habere diceret nullum esse apparuisset, hanc ob causam certum est: Quia si in lege nihil exceptum fuisset quod ad eiusmodi iudicia pertineret, futurum esset ut omnia iudicia de iure fundorum quae fierent anno Apollonidis, irrita essent futura si modo eis qui tum condemnati essent, contigisset ut possessionem iniustam retinerent ultra diem illam praestitutam duodeviginti mensium; ita enim futurum esset ut ab eo die contra rem iudicatam possessionem suam iureiurando illo defendere possent et in omne tempus eam retinere. Eandem ob causam autem statuendum est, in vocibus *εἰ μὴ ὕστερον ἀπετέραςαν* illud *ὕστερον* non esse accipiendum quasi esset: *ὕστερον ἐκείνου τοῦ ἐνικυροῦ*; nam si id verum esset, sic quoque futurum esset ut omnia illa iudicia quae de iure fundorum fierent anno Apol-

lonidis, irrita essent si modo condemnati possessionem iniustam ultra diem praestitutam producere ausi essent; immo illud ὕστερον nihil aliud est quam: „postquam eo anno in possessione fuerunt”, ὕστερον τοῦ ἔχειν, et eodem redit quo „post hanc legem rogatam”.

δ Si actor post diem praestitutam, provocans ad emptionem quam fecit aut ad aliud negotium aliquod, dicet eum fundum post hanc legem rogatam suum factum esse neque tum sibi traditum aut postea sibi ademptum esse ab eo qui reus nunc sit. Actor ita quoque concedet quidem, reum possedissee anno Apollonidis, et eius sacramentum iustum esse, sed contendet eum ὕστερον ἀποπεράσαι, eum postquam in possessione eo anno fuerit, fundum alienavisse. Quod sub *a* dixi de vocabulo ὕστερον, hoc loco idem valet. Id probat, errare eos, qui affirmant, non licuisse fundos alienare anno Apollonidis, qua de re infra videbimus.

Addendum II. Altera res de qua breviter monendum videtur, est tempus quo Apollonides eiusque collegae magistratu functos esse existimandum sit, quod in lege significatur his vocibus: ἐπὶ Ἀπ. μνημονεύοντος καὶ Παν. κ. τ. λ. (lin. 10—16), et: ὅτε Ἀπ. καὶ Παν. ἐμνημόνευον (lin. 30). Rühl statuit, eos mnemones aut nuper aut nondum magistratum iniisse quo tempore lex nostra rogaretur; „die also ihr Amt damals entweder eben angetreten hatten oder, was wahrscheinlicher ist, in bälde antreten sollten”. Revera illos mnemones fuisse tempore legis etiam designatos constat, quandoquidem fieri non potest, ut aliquid ne eo anno fiat interdicatur (lin. 8—16) qui iam aut totus aut pro parte praeterierit. Sed id sufficit. Swoboda v. cl. errat, cum dicat (pag. 120) fieri non posse ut dies illa praestituta duodeviginti mensium excessura fuerit tempus quo illi magistratu functuri essent. Eo errore perductus, ad coniecturam aberravit quae non solum prava opinione nititur, sed etiam per se omni probabilitate caret; coniecit enim (pag. 120 adn. 27) iam ante legem nostram rogatam accidissee, ut collegio illi mnemonum designato, cuius Apollonides futurus erat, tempus fungendi extra ordinem prorogaretur in sex menses, quo fieret ut per annos unum et dimidium essent magistratu functuri. Rationem certissimam cur nostra lege dies illa ita sit constituta,

ut per menses sex paullo minus excederet finem magistratus Apollonidis, infra indicabo; eam non potuerunt enucleare, qui veras legis nostrae rationes non perspexerunt; quamquam etiam sic, illa coniectura eis minime opus erat. Quidquid id est, hoc manet, tempus illud quo dies praestituta excessura est finem magistratus Apollonidis, posse quidem per coniecturam tolli ab eis qui legem non recte intellegunt, sed non posse ab eis explicari. Nobis iam dubium non erit, quin aut statim post legem rogatam aut post paucos dies Apollonides magistratum cum collegis sit initurus.

IV De ratione et causa legis. — Sed v. cl. Rühl, cum de ratione legis quaereret, egregii propositi sui immemor, non ex verbis legis ad eam quaestionem respondere conatus, sed ad levissimas coniecturas delapsus, mirabilia protulit. „Es ist ait pag. 67, eine processordnung in grundbesitzstreitigkeiten, hervorgerufen durch die unzuträglichkeiten, welche das bisherige verfahren beim beweis des eigenthumsrechts an grundstücken hervorgerufen hatte. Es sollte hier ein für allemal eine feste, unverrückbare norm geschaffen werden. .... Wenn z. B. das archiv der mnemonen mangelhaft beaufsichtigt oder z. th. verloren gegangen war, oder wenn .... vielfältig versäumt worden war, die ausschlaggebenden kontrakte bei den mnemonen zu hinterlegen, so konnten massenhaft besitzstreitigkeiten und zweifel am eigenthumsrecht entstehen, denen man nunmehr definitiv ein ende machen wollte“. Et pag. 62: „wenn die amtszeit des Apollonides wirklich als normaljahr für die zukunft gelten sollte ....“ etc. — Non quaeram unde ea omnia noverit v. cl.; ne subsistam quidem in ridendo illo „anno normali“, anno videlicet qui est etiam futurus, quo fit ut Halicarnassenses illud „uti possidetis“ in „uti possidebitis“ convertisse videantur; omittam quaerere, cur is „annus normalis“ adeo placuerit viro cl. Swoboda, ut eum (sine iusta causa additamento semenstri etiam auctum) a viro cl. Rühl mutuatus sit, id quod eo magis miror, quandoquidem is tabularium mnemonibus nullum fuisse contendens, eam ingentem perturbationem non in litteris publicis, sed in mnemonum capitibus ortam esse crediderit necesse est; — hoc solum obiciam: Nullo modo fieri posse manifestum est, ut mnemonum sive tabulario sive scientiae et memoriae

tantopere diffidere coeperint Halicarnassenses, ut propter eam causam eorum testimonio post duodeviginti menses a iudicibus fidem amplius haberi noluerint, quandoquidem eos tantum illis tribuisse lex nostra docet, ut eis etiam per duodeviginti menses proximos uti iudices iuberent in omnibus illis ipsis iudiciis, in quibus quaerendum esset de iure fundorum quod fuit ante legem nostram rogatam. — Sed quaerentibus nobis, numqui fuerint, quibus hac lege, id iubente quod supra (in fine capitis III pag. 297 ante Add. I) exposui, noceretur, responderit fortasse quispiam: „iniuria omnino nemini fit hac lege; nihil aliud ea assequi voluerunt Halicarnassenses quam hoc, ut paullo celerius, intra duodeviginti menses, absolverentur omnes controversiae, quae de iure fundorum eo tempore essent. Quod petitoribus, qui diem praestitutam praetermiserint, postea ius suum persequi non amplius permittitur, id sane severum est, sed tamen accipi potest; poena est, quam lex minatur, ut ad celebritatem stimulet eos, qui alioquin fortasse actiones suas per socordiam et cunctationem in nimis longum tempus erant dilaturi; eam nimis gravem esse iam hanc ob causam negari oportet, quia nemo non facile eam evitare potuerit, parendo legi”. — Eam interpretationem legis, quia sola et unica est quae cum aliqua specie veritatis possit meae opponi, argumentis refutabo. 1<sup>o</sup> Ineptum est credere, fuisse quosdam qui nisi lege ad mature agendum cogerentur, actiones suas per socordiam et inertiam fuissent dilaturi; dilationes actionum temerariae solis petitoribus ipsis nocent. 2<sup>o</sup> Magis ineptum est credere, civitatem Halicarnassensem hoc solo consilio legem facturam fuisse, ut cunctationi et inertiae petitorum obsisteret, eamque se salvam esse non posse existimavisse, nisi intra annos unum et dimidium proximos omnes veteres de iure fundorum controversiae disceptarentur. Quid tandem id fieri, civitati prodesse potuit? Quid, si non fieret, ei nocere? Quis credat, civitatem huic rei constituturam fuisse poenam tam acerbam et intolerabilem, ut qui legi non parerent omne ius quod in fundis controversis haberent essent perdituri? At Rühl: nimis multae, ait, de possessione fundorum controversiae erant; earum ingentem multitudinem iam tolerare non poterat civitas; ad finem erat quacumque ratione perveniendum. Quis credat? Num ulla est

controversia, quamdiu nondum lege agere coepit petitor? Si omnes petitores tam socordes erant ut lege ad agendum cogi deberent, controversiae omnino nullaerant. Sunt illa revera vocabula inania, non minus quam ille „annus normalis”, quem Halicarnassenses constituturi fuisse dicuntur; cuius utilitatem aliquam quidem vides esse potuisse eis qui de inscriptione nostra quid facerent non haberent, Halicarnassensibus vero prorsus nullam. 3<sup>o</sup> Sed quod rem conficit, hoc est. Dominium fundorum, ita iubet lex, quos non tempore repetiverint domini, transibit ad alios. Illi alii quinam sint, inprimis attendendum est. Si omnino de consilio actionum hac lege accelerandarum cogitari posset (quod fieri non posse constat), hoc certe utique necessarium esset, ut dominium fundorum de quibus intra diem praestitutam iudicio disceptatum non esset, ad eos transferri iuberet lex, qui eo tempore cum lex rogaretur, essent in possessione. Ei enim in controversiis illis de quibus disceptatum nondum est, sunt homines „unde petitur”; inter eos et petitores illos nimis tardos res agitur; ad eos, si iudicia facta essent, reorum partes agere pertinuisset. Manifestum est, si hoc cordi fuerit Halicarnassensibus ut mature disceptaretur, si eam ob causam petitores qui diem praetermitterent causa cadere voluerint, ei homines causam obtinere iubeantur necesse esse. Atenim quid fieri videmus? Dominium tum horum futurum esse iubet lex, qui anno Apollonidis se possedissee iureiurando affirmare poterunt, si neque iudicio neque venditione aut alienatione eos postea amiserint. Fundi igitur dabuntur personis incertis, hominibus qui quinam tum futuri sint hodie etiam ignoratur; qui num forte futurum sit ut pessimis artibus, vi aut dolo, in possessionem pervenerint, obscurum est. Id revera est illud „uti possidetis” convertere in „uti possidebitis”, quo omnis irridetur constantia iuris. — Explosa igitur et reiecta unica interpretatione legis, quae cum aliqua specie contra nostram possit defendi, iam nihil aliud superest quam hoc, ut credamus, rationem cur lex nostra facta sit hanc esse, ut decernatur aliquid quod detrimento sit eis fundorum dominis, qui neque hoc tempore adsint cum lex feratur, neque adfuturi sint intra duodeviginti menses proximos, quia adesse non possint. Talem legem autem fieri non posse patet nisi ab eis, qui ex-

istiment et sciant, esse quosdam fundorum dominos hodie absentes, quos tempore adfuturos non esse constet, et id quidem hanc ob causam (nam ipsa eorum absentia futura eam causam postulat) quod eos retineat et retenturum sit aliquod impedimentum insuperabile, quo futurum sit ut tempore adesse prohibeantur. Apparet igitur, Halicarnassenses novisse, esse quosdam cives, qui in ea condicione versentur.

Addendum. Dicendum hoc loco videtur, me in scribendis capitibus tertio et quarto rationem quidem habuisse opinionis a viro cl. Swoboda prolatae de illa mutatione ordinis iudiciorum privatorum ab Halicarnassensibus instituta, sed consulto me ibi de ea mentionem non fecisse, quandoquidem existimabam eam opinionem, quae manifesto errore nititur, paullo inconsultius me iudice prolatam, melius ibi refutari non posse quam si quis ei opposuisset quod recte se haberet. Sed hoc loco eam brevi attingam. Swoboda igitur in fine commentationis qua de inscriptione nostra egit, haec scripsit: „Leider können wir über den Grund der auffälligen Maszregel, dass für die Feststellung des Besitzstandes in Halikarnass ein Normaljahr (richtiger ein Jahr und ein halbes) bestimmt ward und nach dessen Ablauf als Beweismittel der Eid des im factischen Besitze eines Grundstückes befindlichen an Stelle des Zeugnisses der Mnemonen trat, nichts sicheres vermuthen“; et in adnotatione 80 addidit: „Jedenfalls resultierte daraus eine Herabdrückung des Mnemonats, eine Verminderung seiner Befugnisse“. Statuit igitur vir cl., hoc fuisse ab Halicarnassensibus decretum: „(dass nach Ablauf des Jahres des Apollonides) als Beweismittel der Eid des im factischen Besitze eines Grundstückes befindlichen an Stelle des Zeugnisses der Mnemonen trat“. Unusquisque monitus intellexerit, verba illa pro exigua parte vera quidem esse, sed eadem etiam pro longe maiore parte falsa; itaque id quod ex eis deducatur de deminuto mnemonum iure, prorsus esse falsum.

Iusiurandum, cui futurum erat ut in causis post diem praestitutam de iure fundorum agendis adigendus esset aut reus (possessor) ipse aut is possessionis eius auctor qui fuerat anno Apollonidis, i. e. is a quo ille possidebat sive primo gradu sive altero sive tertio etc. usque ad annum Apollonidis — nam auctorem illum possessionis suae ad iusiurandum interponendum

excitare debebat reus, si in ea causa de suo iure ideo ambigi videbat, quia ambigebatur de iure illius auctoris possessionis suae qui fuerat anno Apollonidis — illud iusiurandum, dico, tum solum in locum testimonii mnemonum erat venturum, si ei locus erat futurus in iudicio quod agebatur, minime verum, si ad eam rem de qua agebatur nihil pertinebat. Iusiurandum rei (vel auctoris possessionis eius qui fuerat anno Apollonidis primus) huiusmodi erat futurum: „Iuro me possedissem hunc fundum anno Apollonidis”. Id iusiurandum autem erat valiturum (κατεργόν ἦν) contra intentionem petitoris (lin. 29 et 30), et tantopere quidem ut contra id ne liceret quidem excitare testimonium mnemonum; sed tamen tum solum valiturum erat, si ei locus erat in iudicio illo, si pertinebat ad illam rem de qua agebatur, i. e., si petitor dicebat eum fundum iam ante annum Apollonidis suum fuisse et illam alterius possessionem iniustam fuisse; illud autem quando futurum esset, ut locus ei esset nullus, scil. si petitor dicebat id nihil ad se pertinere cuiusnam ille fundus fuisset anno Apollonidis, sed eum postea demum suum factum esse, id in inscriptione diserte indicatur vocabulis: *εἰ ὕστερον ἀπεπέρασαν*. — Ac primum quidem si quis negat, iusiurandum illud legis nostrae tale fuisse quale dixi, is cuiusmodi id fuisse dicet? Num perhibebit, reum hoc iuravisse: „iuro me hodie in possessione esse”? Id sane ineptum; omnes iam ab initio noverant eum in possessione esse, reus enim erat; sed petitor dicebat eum iniuria possidere. An vero huiusmodi fuit iusiurandum: „iuro me *iure* hunc fundum hodie possidere”? Aliquid eiusmodi credidisse virum cl. Swoboda suspicor. Ego autem, si quis contenderit, aliquid eiusmodi a reis pro forma iurari debuisse Halicarnassi, non multum refragabor, ea res prorsus ignota est; modo ne quis dicat, tale iusiurandum lege nostra esse praescriptum vel introductum, et lege nostra id validum factum esse tamquam instrumentum quo probaretur quid verum esset (als Beweismittel). Id prorsus falsum est; tale iusiurandum, si forte in usu fuit Halicarnassi, certe validum ad probandum ibi non fuisse novimus<sup>1)</sup>, et

---

1) Sic Athenis in iudiciis Areopagiticis utraque partes, et rei et accusatores, iam ab initio suas intentiones iureiurando confirmabant; sed deinde causam de integro

superari id potuisse testimonio mnemonum, constat; lex enim diserte dicit (lin. 29 et 30), validum fore id iusiurandum solum, quod pertineat ad possessionem quae fuit anno Apollonidis, et cum de iureiurando ad possessionem quae nunc est pertinente taceat, certe iusiurandum eo pertinens pro valido (*κατεργῶ*) haberi non iubet. — Deinde vero, si quis ratione non habita exceptionis illius quae in inscriptione nostra diserte admittitur (*εἰ ὕστερον ἀπετέραςαν*), qua iusiurandum illud etiam quod pertineat ad possessionem quae fuit anno Apollonidis, validum tamen *non* esse declaratur in causis ad posterum tempus pertinentibus — itaque si quis eius exceptionis ratione non habita negat id verum esse quod dixi, ne illud iusiurandum quidem in eis causis valiturum esse, is rem ad absurdum redigit. Finge, legem nostram factam esse ineunte a 460 a. C. n.. Finge, post decem annos fundum aliquem possideri a Numerio Negidio cive Halicarnassensi, eumque Numerium tum in ius vocari ab Aulo Agerio, qui dicat sibi *aliquando* accidisse ut a Numerio de possessione illius fundi deiceretur, specie emptionis vel alius negotii alicuius, cum Numerius tum praetendisset se illum fundum emisse vel alio modo acquisivisse seque eo iure possessionem inire; quod iure factum esse cum neget Agerius, fundum a Numerio repetit. Tum maximi momenti hoc erit, quid sit illud *aliquando*. Iam haud facile fieri potuisse statim vides, ut id vocabulum pertineret ad ineuntem a. 460, utque iam eo anno se non amplius in possessione fuisse, deinde eodem anno Numerium sub specie emptionis in possessionem irrepsisse, a. 450 demum diceret Agerius; causa aliqua mira et singularis subfuerit necesse esse vides, si existimare debemus actionem suam tam diu, per decem annos, distulisse Agerium; sed tamen, si res ita se habuerit, Numerius ad iusiurandum nostrae legis admittendus erit, et is, mnemonibus silentio imposito, iurando se iam a. 460 in possessione fuisse, actionem petitoris repellet. Contra, si id vocabulum pertinet ad ipsum a. 450, vel ad a. 451, vel etiam si longius pertinet ad alium aliquem annum qui fuit

---

cognoscere coeperant iudices, neque ulla probandi vis illis sacramentis tribuebatur. Aliquid eiusmodi ut Halicarnassi in iudiciis privatis facere moris fuerit, facile fieri potest; sed testimonium de ea re omnino nullum exstat.

post ineuntem a. 460, iam de efficientia iurisiurandi alicuius cui Numerius adigatur tamquam instrumenti probandi (als Beweismittel) ne sermo quidem esse poterit ullus; neque si id pertinere voluerit aliquis ad stabiliendum ius quo tum (a. 450) se possidere dicat reus — lex nostra enim, ut modo dixi, eiusmodi iusiurandum omnino non novit, nedum validum (κατεργόν) id esse velit —; neque vero si quis voluerit, Numerium eo affirmare, se iam a. 460 in possessione fuisse, nam Agerius dicit, etiamsi id verum sit, tamen se ipsum postea iure ab eo possedissee et illum ὕστερον ἀποπεράσαι; revera nimis stultum id esse quis non videt, existimare, aliquem potuisse a. 450, iurando se anno 460 possessorem fuisse, a se repellere actionem petitoris qui diceret se postea, ab anno ex. gr. 455, possedissee eum fundum, deinde iniuria se esse ea possessione privatum? Itaque, iurisiurandi iam nulla ratione habita, iudices tum causam cognoscere debebunt, et vetere more quidem, mnemonibus ad testimonium vocatis, secundum legem illam quae de mnemonibus viget, quam tangit inscriptio nostra his vocabulis: νόμος δέ, κατὰπερ νῦν (lin. 19 et 20), quae vocabula probant eam legem non esse sublatam sed vigere. Quod qui negat — et negavit id quidem vir cl. Swoboda, in vocabulis supra exscriptis, non diserte quidem, sed tacite et in errorem incidens, quia exceptionis legis ibi rationem non habuit — is contendat necesse est, omnem alienationem fundorum Halicarnassi ab eo tempore quo lex ferretur, in omne aevum fuisse lege nostra prohibitam, omnia negotia futura ad alienandos fundos pertinentia in omne aevum ab ea esse irrita facta, rationem fundorum habendi et possidendi quae fuit eo anno quo lex facta est, in omne aevum esse per eam immutabilem factam et aeternam; quod non solum absurdum est, sed etiam diserte in lege ipsa reicitur vocabulis εἰ μὴ ὕστερον ἀπεπέρασεν. Verum qui nihilominus contendere auderet, rem ita se habuisse, is solus recte de *anno normali* loqui posset hac lege instituto, et suo iure diceret, Halicarnassenses voluisse annum Apollonidis facere normalem ita ut ex statu rerum qui tum fuisset, in posterum omne ius fundos habendi et possidendi penderet Halicarnassi; ea res autem cum sit stultissima et cum satis sit a nobis refutata, etiam totum illum annum normalem ridiculum et molestum

iam pro falso et exploso habitum inventori reddere nobis licebit. Iamvero cum clarum sit, ad causas quae versaturae erant in negotiis post legem rogatam cum eis qui tum in possessione erant gestis nihil pertinere illud iusiurandum legis, etiam clarum est, in eius modi causis nihil deminutum esse de iure vel auctoritate vel officio mnemonum, et falsum esse quod scripsit Swoboda „jedenfalls resultierte daraus eine Herabdrückung des Mnemonats, eine Verminderung seiner Befugnisse". Manifestum autem est, quamquam omnino causas quibus de dominio alicuius fundi directe ageretur apud Graecos creberrimas esse potuisse haud crediderim, tamen longe maiorem partem earum causarum quae post ineuntem a. 460 (si licet etiam paullisper in fictione mea perstare) Halicarnassi de dominio et possessione fundi alicuius fuerint agenda, ad id genus causarum debuisse pertinere quae versarentur in negotiis controversis aut ipso anno 460 aut postea cum possessoribus eius temporis gestis; manifestum quidem id est, sed tamen virum cl. Swoboda id imprimis fugisse suspicor, et ita factum esse ut exceptionem illam legis impune in vocabulis illis neglegi posse putaret. Causae alterius generis vero, quae pertinerent ad statum rerum qui aut tum fuit cum lex nostra rogaretur et per totum annum Apollonidis aut antea, tum solae agenda esse potuerunt eo tempore, si actor èt ipso anno 460 possessione frui iam nequiverat quod peregre abesset — nam si tum adfuisset, postea ipse etiam, non minus quam reus, affirmare posset, se anno Apollonidis in possessione fuisse, et id quidem ante illum, et ea re utique superior tum futurus esset, ut iubet lex nostra lin. 29 sq. (καρτερούς εἶναι κ.τ.λ.), èt aliqua causa singulari impeditus fuerat quominus tum statim, cum novum hominem in eam possessionem irrepsisse animadverteret, ius suum persequeretur. Attamen de talibus actionibus solis agit lex nostra, si quae erant dilatae a petitoribus, et tam diu quidem ab eis dilatae erant, ut praetermissa esset dies illa praestituta duodeviginti mensium. Eas actiones solas lex eripit ex manibus mnemonum, et iubet eas disceptari secundum iusiurandum cui adigatur reus; ad eas solas adulterandas et corrumpendas lex mnemonibus remotis adhibet illud iusiurandum, quo veteres domini cum aliqua bona spe ius suum persequi prohibentur. Itaque fieri non potest, ut supra dixi, quin fuerit

tum cum lex nostra fieret certum quoddam civium genus quod in ea singulari condicione versaretur, ut èt tum ipsum, quod peregre abessent, possessionem suam defendere nequirent, èt postea gravi aliquo periculo prohiberentur, quominus ad ius suum persequendum ante diem praestitutam tempore redirent; ad eos cives bonis spoliandos lex nostra facta sit necesse est. Revera suspicionem veritatis iam hac re apud viros doctos ultro excitari debuisse dixerim, quod lex nostra ex quibusdam causis removeat testimonium mnemonum; nam quemadmodum illorum officium sane haud alio consilio institutum esse constat, quam ut ex eo aliquid proficeretur ad ius tuendum, sic legem, quae in quibusdam causis silentium eis imponeret, vix alio consilio factam esse posse manifestum esse videtur, quam ut victoriam per eam de iure reportaret iniuria. Itaque si liceat mihi corrigere verba illa viri clarissimi supra allata, etiam addere velim quid fere pro eis legi oporteat, siquidem futurum sit ut recte se habeant; est id huiusmodi: „Leider können wir den Grund der auffälligen Maszregel, dass für die Feststellung des Besitzrechtes an Grundstücke welche im Jahre des Apollonides in neue Hände kommen sollten, als Beweismittel gegen die früheren Eigenthümer in etwaigen nach Ablauf des gesetzlich festgestellten Termi- nes noch zu führenden Prozessen, der Eid des damaligen factischen Besitzers oder seines Auktor dass er schon im Jahre des Apollonides im Besitz befindlich gewesen sei, an Stelle des Zeugnisses der Mnemonen gestellt wurde, nur zu deutlich durchschauen; es ist dies eben ein von der Gewalt über das Recht gefeierter Triumph gewesen.

V De civibus quibus haec lex sit irrogata. — Iam intellegimus, fieri non posse quin fundorum domini, quibus hanc legem impingi videmus, fuerint cives in turba civili victi, in exsilium pulsi, proscripti, et eiusmodi civium, si qui in bello civili necati sunt, heredes, cum reliquis exsules facti. Ei soli sunt ad quorum condicionem lex nostra conveniat. Eos in hoc statu rerum qui nunc est, intra annos unum et dimidium certe redituros non esse constabat, propter capitis periculum proscriptis in patriam redeuntibus impendens. Ad speciem aequitatis aliquod temporis spatium eis permittitur, quo ius suum antiquo more persequi eis licebit; eo temporis spatio insuper

opus erit ad tuenda iura eorum civium, qui cum seditionis socii non fuerint, sed ex aliis causis fundos suos amiserint, habeant actiones quas instituere velint ad recuperandos fundos amissos. Eius beneficii exsules illos participes facere, quod dissuaderet nihil erat, quia eos eo usuros non esse certum erat; quin etiam id facere expediebat, quod communitas iuris ita specie servaretur, et exsules ita videri possent non a civitate bonis privati esse, sed se ipsi quodammodo eis privavisse. Legem revera hoc consilio fieri apparet, ut exsules in perpetuum bonis exuantur. Nam si umquam accidet, ut illi, hoc rerum statu qui nunc est fortasse aliquando mutato, in patriam reversi bona sua recuperare conentur, iam obstat lex nostra, quae iubet tum fore ut eorum actiones repelli possint iureiurando eorum, qui interea in possessionem venerint. Iusta possessio autem datur possessoribus futuris, personis incertis. Id probat, civitatem Halicarnassensem fundos exsulum nondum vendidisse neque dilargitam esse; venditiones etiam instant; eae fient anno proximo quo Apollonides mnemon erit; homines illi „οἵτινες τότε εἶχον ὅτε Ἀπολλωνίδης ἐμνημόνευε” (lin. 30) sunt emptores futuri et ei quos civitas largitione fundorum honorabit. Ad rem recte intellegendam inprimis hoc tenendum est, fundos exsulum non fuisse publicatos tum cum lex nostra fieret, neque umquam publicatum iri; decretum de fundis publicandis neque adhuc fecerunt Halicarnassenses, neque ullum facturi sunt. Scilicet si fundi iam publici iuris facti essent vel postea essent futuri, de eis iure repetendis sermo in nostra lege esse non amplius posset; id tamen quovis tempore veteribus dominis licere, tota hac lege diserte statuitur vel praetenditur saltem. Fundi iacent deserti, indefensi. Civitas eos occupavit vel occupatura est, quasi res nullius eos esse crederet; mox iubebit magistratus suos, eos vendere et partim fortasse dono dare; neque tamen dicit, eos suos esse. Verum, inquis, putasne Halicarnassi licuisse bona aliena vendere? Non licuit sane; nihilominus, quodammodo tamen id facere etiam licere dicere possis, non Halicarnassi solum, sed ubique; fieri posse saltem, modo si emptores invenire potuerit aliquis, et audebit periculum subire quod ab actione domini certissima impendet. Civitas Halicarnassensis id periculum subibit, postquam nostra lege

paullulum inflexerit ius. Ea lege paullo artius circumscribitur tempus, quo de his fundis qui anno Apollonidis ad novos possessores pervenerint, a dominis ita iure agi possit, ut dubium non esset — si modo adesse possent eo tempore, neque extremo vitae periculo retinerentur — quin futurum esset ut causam obtinerent, scil. per testimonium mnemonum. Dies qua finitur facultas dominorum iure agendi vetere more, fit annorum unius et dimidii. Ratio eius rei haec est: auctionibus faciendis, quae fient anno Apollonidis, satis longum tempus dari oportet; quamquam fieri fortasse potest ut iam principio anni ad finem perventurae sint, lex tamen totum annum eis impertit, quod inest in verbis illis οἵτινες εἶχον ἐπὶ Ἀπολλωνίδεω μνημονεύοντος; quae eadem vero ab altera parte efficiunt, ut post eum annum expletum prorsus fieri non amplius possit ut ullae eorum fundorum auctiones habeantur, quoniam qui post anni finem a civitate emerit, praesidio legis nostrae carebit. Sed facultas iure vetere agendi paullo longius patere debet. Fieri enim potest ut magistratus, aliquo errore inducti, aliquem fundum sint vendituri, cuius dominus Halicarnassi adesse poterit, quia neque seditionis socius fuit neque exsul factus est, aut fundum aliquem in quo aliquod ius habet eiusmodi civis; ei civi facultatem iure agendi cum civitate aliquamdiu etiam post auctiones ad finem perductas patere oportet; sed annum dimidium eis actionibus dedisse satis est. Id est quod supra (Add. II ad cap. III pag. 300) dixi, certam causam fuisse cur lex institueret ut dies praestituta duodeviginti mensium aliquantulum excederet finem anni Apollonidis, temporis quod auctionibus faciendis destinatum est; id tempus excedens datur civibus qui a seditione alieni fuerunt, quo ius suum adversus civitatem persequi possint si id forte aliquo modo laesum sit in venditionibus; quod nisi eis datum esset, post expletum annum Apollonidis iniuriam a se propellere iam non possent, cum futurum esset ut mnemonum testimonio tum uti nequirent, et ut repellerentur iureiurando eorum qui illos fundos anno Apollonidis a civitate emptos ipsi possederent, sive ab eis possiderent. Lex specie est iusta, innoxia, aequitatis plena. Ne post illam diem quidem quisquam intercluditur facultate iure agendi de fundo quem ante legem rogatam se amisisse dixerit. Sed tum petitoribus ademptum erit

auxilium, quod ceteroquin suppeditare solet e testimonio mne-  
monum; curam et operam huius collegii, quod institutum est  
ut esset custos iuris, praesidium aequitatis, iam tum illis iu-  
diciis se immiscere non amplius passura est civitas, cum hoc  
solum agatur, ut infringatur ius; itaque silentio illis imposito,  
tum eorum testimonium loco cedit iuriurando illi cui adigentur  
novi possessores, quo ei omnes actiones molestas de fundis  
alienis emptis in omne tempus a se sunt repulsuri.

VI. De venditionibus bonorum quae nostra lege  
praeeparantur. — Illis omnibus igitur per hanc legem prae-  
paratis, civitas procedet ad vendenda bona aliena, bona a civi-  
bus seditiosis necatis aut in exsilium pulsis deserta et indefensa  
relicta. Num deerunt emptores? Noli dubitare quin affluxuri  
sint; in pretio erunt fundi exsulum. Num nullus emptoribus  
metus manet? Unus certe manet; quamvis certa et plena et  
perpetua sit securitas quam eis praebeat lex, tamen eiusmodi  
est, ut prorsus ex lege pendeat. Ea si umquam futurum est ut  
abrogetur, perierit securitas. Id periculum autem vel minuere  
vel tollere conati sunt Halicarnassenses addito legi capite tertio  
quod est de hac lege non abroganda (lin. 32—45). Id caput  
eiusmodi est, ut iam ex eo solo fere diluceat legis natura et  
indoles; quo magis miror id animos non advertisse viros doctos.  
Talia capita quibus extremae poenae indicuntur omnibus qui  
aliquid fecerint quod ad hanc legem tollendam pertineat, in-  
primis inveniuntur in decretis publicis quibus bona civium  
quorundam ad alios transferuntur; sive directe et diserte id  
agitur, per ipsam illam bonorum publicationem, cuius rei  
exemplum exstat in inscriptione Mylasensi anno 366 a. C. facta  
(Ditt. n° 95), in qua ter repetita legitur exsecratio eius qui  
abrogando decreto aliquam operam dederit (lin. 12—16, 28—31,  
46—51); sive magis oblique et occulte agitur eadem res, ut  
in nostra inscriptione. Ratio sanctionis de lege non abroganda,  
quae legitur in plebiscito Democlidis de colonis Bream mitten-  
dis (Ditt. n° 19 lin. 20 sqq.), quamquam diversa est a ratione  
legis nostrae, tamen eatenus convenit, ut ex eo plebiscito quo-  
que pendeat omne ius quod coloni in suis fundis habent. —  
Iamvero cum noverimus, eo tempore quo lex nostra lata est,  
stetisse tyrannidem Lygdamis (vid. supr. cap. I), iam dubitari

nequit quin lex facta sit ad voluntatem tyranni eiusque factionis. Is igitur nuper superior discesserat e certamine aliquo, quod adversarii eius contra eum excitaverant, ad potentiam ei adimendam; cives victi, partim necati partim in exilium pulsus, fundos suos tamquam praedam victoribus optatissimam desertos et indefensos reliquerant. Quod publice sunt occupati et proscripti, id Lygdamis iussu factum esse consentaneum est. Eiusdem iussu etiam esse legem nostram scriptam, concilium ad eam accipiendam advocatum, tempus venditionibus constitutum, ut statuamus sequitur. Nam hercle prorsus supervacaneum mihi videtur eos refutare velle, qui tam stulti sint ut forma quam pro re acceperint se decipi passi, putent verba illa praescriptionis „τάδε ὁ σύλλογος ἐβουλεύσατο καὶ Λύγδαμις” probare legem nostram ortam esse ex voluntate libera concilii civium, quod voluntatem suam Lygdami tyranno obtruderet; quasi in monumentis publicis talia ad litteram sint accipienda! Haud paucos quidem fuisse puto inter cives utriusque urbis a Lygdami in concilium vocatos, quibus violentia legis parum placeret; sed tyrannum qui post recentem victoriam omnia teneret, eos facile imperio et metu ad legem accipiendam permovere potuisse manifestum est. Verisimile est, civitatem Halicarnassensem aliquam partem fundorum occupatorum gratificando donaturam esse tyranno ipsi et quibusdam fortasse ex satellitibus eius, quod etiam ita exprimi potest, ut dicamus partem haud spernendam praedae sibi destinavisse victorem; sic in inscr. Mylasensi (Ditt. n° 95) bona quaedam publicata *πρόθετα* fiunt Mausolo satrapae. Venditiones fient eo anno quo Apollonides Lygdamis filius erit mnemon; verisimile est eum virum, qui annon filius tyranni fuerit cur dubitemus nihil esse iam supra dixi, hoc ipso consilio mnemonem creatum esse in eum annum, ut „hastam illam cruentam verberaret”, venditionibus faciendis praefectus. — Suidas tradit, Panyasin poetam a Lygdami esse necatum; non ignoro quidem fuisse qui conicerent, eum in primo certamine cum tyranno gesto cuius particeps fuerit, non esse necatum, sed cum Herodoto Samum effugisse (vid. Stein Herod. Einl. pag. 10); quae coniectura hac re nititur, quod Duris Samium dixerit Panyasin. Fieri potest ut id verum sit, quamquam non video, Herodotum ob eam causam quod Samum effugerit, a

quoquam Samium dictum esse; potius crediderim, rem ita se habere (cfr. Christ Gesch. der Gr. Lit.<sup>4</sup> pag. 110 et 336) ut Duris erraverit vel aliam causam eius cognominis habuerit, utque Panyasis in eo certamine, quo nostra inscriptio pertinet, Halicarnassi sit necatus; haud facile enim dixeris quo tempore postea id factum esse potuerit ut a Lygdami necaretur. Utique verisimile est, bona Panyasis fuisse inter fundos proscriptos, neque minus bona Herodoti, fortasse etiam bona Lyxis patris et Theodori fratris eius. — Quin etiam quod Suidas tradit, Herodotum cum postea Halicarnassum reversus et eiectionis tyranni socius factus, aliquamdiu in patria mansisset, mox displicuisse civibus suis, et ob eorum invidiam peregre profectum esse, fortasse ad nostram legem quodammodo pertinet. Haud incredibile enim videtur, causam eius invidiae hanc fuisse, quod exsules reducti, abrogata hac lege de qua agimus, recuperaverant fundos e quibus a tyranno antea erant exturbati, et redierant ad pristinam opulentiam — nam cives illi satis illustres fuisse videntur; sed quod ea re graviter laeserant commoda multorum civium, quo factum esset ut ei, reliquis contra eos instigatis, tandem effecissent ut illi tolerari non amplius posse viderentur in civitate. Sed coniecturis fortasse levioribus faciendis iam finem impono. Quod certum est, manet, legem nostram factam esse ad praeparandas venditiones futuras bonorum proscriptorum, quae erant ab adversariis Lygdamis indefensa relictæ.

VII. De tertio capite legis. — In transitu dico, parum mihi placere quod ad lin. 42 adnotavit Hicks (A Manual of Gr. Hist. Inscriptions 1901 pag. 42): „τούτω” accipiendum esse pro: *τούτω τῷ νόμῳ*; quod quis umquam mediis ipsis legis alicuius verbis insertum, et illo uno vocabulo enuntiatum, vidit? Equidem malim, siquidem viro cl. concedendum est *ἐλεύθερον* esse masc. gen., *τούτω* ita referre ad *ἐπικαλεῖν* ut ab eo vocabulo pendeat dativus. — Quid sit, quod lin. 43 legitur, *ἐπικαλεῖν τινι κατόπερ τὰ ὅρκια ἔταμον καὶ ὡς γέγραπται ἐν τῷ Ἀπολλωνείῳ*, ignoramus; sed cum alia inscriptio (Ditt. n<sup>o</sup> 23 lin. 25) doceat, Halicarnassensibus moris fuisse stelas decretis publicis exornatas *ἐν τῷ ἱερῷ τοῦ Ἀπολλωνος* ponere, apparet eis verbis lectores relegari ad decretum aliquod antea Halicar-

nassi factum, quod continuerit iusiurandum et execrationem popularem, et idem declaraverit quid fieri oporteret, si quis iusiurandum violasset; ex. gr. quod definiverit quae poena luenda ei esset qui id fecisset, quomodo et a quibusnam posset in ius vocari, iudices quales futuri essent, quaenam essent praemia accusatoribus proposita, vel alia eiusmodi. Ita fieri potuit ut in nostra lege ad illud decretum sacratum provocaretur, ad indicandas regulas quibus utendum esset in causis ex hac lege proventuris; nam quod illis verbis significatur, hoc est: id quod in decreto illo sacrato constitutum sit ut fieret cum accusarentur ei qui illud iusiurandum violassent, etiam valere in eis qui huic legi abrogandae aliquam operam dedissent. Eius generis decretorum sacratorum autem exemplum habemus quod cum illo egregie comparari possit, decretum dico quod Athenis factum est a. 410, quod dici solet ἡ Δημοφάντου στήλη, sive ἡ ἐν τῷ βουλευτηρίῳ στήλη (Andoc. Myst. 95 sq.). Quod quamquam spectabat ad confirmandam democratiam, decretum Halicarnassense vero pertinuit ad stabiliendam tyranni potestatem, illud denique quamquam populus liber, et universus quidem, libentissime scivit, hoc vero quin civibus invitis fere, neque eis universis ut verisimile est, sed τῷ συλλόγῳ tantum, imperio et metu expressum sit vix dubitari posse censeo, tamen haec manet similitudo, quod utrumque decretum factum est eo consilio, ut ordo rerum publicarum qui tunc esset cum id scisceretur, confirmaretur iureiurando civili. Praeterea vero etiam hac re me iudice utrumque decretum simile fuerit necesse est, quod aliquo temporis momento factum sit, quo is ordo reipublicae qui tunc erat esset aut recens constitutus, aut nuperrime a vi et impetu adversariorum defensus et victoria potestatis legitimae conservatus; quemadmodum populiscitum Demophanti factum est post dominationem quadringentorum eversam et democratiam restitutam. Comparari etiam potest iusiurandum publicum, cui Solon adegit populum Atheniensem, postquam legibus datis discordias civiles sedavisse sibi visus est. Eiusmodi decreta sacrata tum praesertim fieri manifestum est, cum vehementi partium certamini victoria alteriusutrius partis finem recens imposuit. Decretum Halicarnassense autem, cum sub tyranno valuerit, etiam a tyranno excitatum esse constat; qui quisnam fuerit, ignoramus

quidem — nam fieri potest ut iam ex Artemisiae temporibus sit repetendum —; sed tamen cum fere certum sit, decretum factum esse post graves turbas civiles nuper finitas, et factum esse quidem hoc consilio ut cives in posterum a redintegrandis certaminibus absterrentur, cum vero supra ostenderimus regnante Lygdami discordias intestinas gravissimas Halicarnassi fuisse, non prorsus deest quod adducat ut credamus, illud decretum sacratum tum cum lex nostra ferretur fuisse recentissime factum, et pertinuisse ad finem ipsarum illarum discordiarum e quibus nostram legem ortam esse videmus.

#### VIII. De mnemonibus annuis Halicarnassensibus.

— De mnemonibus ante undecim annos egit Swoboda (in Arch. Epigr. Mitth. 20. 1897 pag. 115—130), quem honoris causa nomino; quem virum doctissimum in eis quae infra scripturus sum, quamvis interdum eum verbis oppugnandum mihi fore videam, eo libentius appellabo, quia expertus novi vix umquam aliquid ab eo scribi quin aliquid inde discas, ne tum quidem cum forte erraverit, et quia eum intellegere probe scio, huius certaminis ludicri quod viri litterati inter nos gerere solemus, hoc proprium esse ut eos potissimum oppugnemus ad sententiam propriam commendandam, quos plurimi faciamus. Swoboda igitur obstitit eis viris doctis, inter quos sunt cum alii tum Rühl, qui putarent, Halicarnassi tempore legis nostrae cum negotia privata de iure fundorum fierent, id scripto ita factum esse ut eorum negotiorum tabulae conficerentur nominibus signatae; illa acta autem a privatis apud mnemones in tabulario esse deposita; postea vero, cum iudicium fieret de iure alicuius fundi, mnemones ex tabulario depromptis et prolatis actis quae ad eam causam pertinerent, quid verum esset indicavisse iudicibus. Negat Swoboda, Halicarnassenses tum in rebus privatis iudicandis usos esse ea probandi ratione quae per tabulas fieret (urkundenbeweis). Qua in re sine ulla dubitatione cum eo faciendum esse censeo. Mnemones Halicarnassenses non hoc consilio ad iudicia advocatos esse constat, ut copiam facerent iudicibus inspiciendi acta quae apud se deposita essent, sed ut ipsi, et iurati quidem, testimonium dicerent, neque acta eos in iudiciis protulisse, sed testatos esse quod ipsi scirent (ὅτι ἂν εἰδέωσι lin. 21); ipsa id docet inscriptio nostra. Bene etiam

idem nos admonuit, „memoriam illam”, *μνήμην* seu publicam seu privatam cui olim cum tabulae de negotiis privatis nondum perscriberentur, tam multum tribuerunt veteres ad confirmanda negotia privata ea imprimis quae ad iura fundorum pertinerent, quae ipsa etiam illis nominibus *μνημόνων* et *γνωμόνων* subest, initio ubique asservatam fuisse non per litteras, sed per homines negotiorum gestorum conscios factos; cuius rei aliquot argumenta et exempla attulit haud spernenda. Ne hoc quidem ei concedere nolim, statum rerum quem quarto saeculo a. C. in nonnullis civitatibus fuisse docent loci illi celeberrimi Aristotelis et Theophrasti, nondum prorsus convenire ad condiciones Halicarnassenses quae fuerunt medio saeculo quinto a. C., tempore inscriptionis nostrae. Ei loci, valde triti quidem sed graviores quam quos omittam, huiusmodi sunt. Aristoteles (Polit. 7. 8. p. 1321 b 34): *ἐτέρα δ' ἀρχὴ αἰτ' πρὸς ἣν ἀναγράφεσθαι δεῖ τὰ τε ἴδια συμβόλαια καὶ τὰς κρίσεις ἐκ τῶν δικαστηρίων· παρὰ δὲ τοῖς αὐτοῖς τούτοις καὶ τὰς γραφὰς τῶν δικῶν γίνεσθαι δεῖ καὶ τὰς εἰσαγωγάς, ἐνιαχοῦ μὲν οὖν μερίζουσι καὶ ταύτην εἰς πλείους, ἔστι δὲ μία κυρία τούτων πάντων, καλοῦνται δὲ ἱερομνήμονες καὶ ἐπιστάται καὶ μνήμονες καὶ τούτοις ἄλλα ὀνόματα σύνεγγυς*. Illae *ἀναγραφαὶ* apud mnemones factae quam utilitatem attulerint, aptissime docet alter locus qui est Theophrasti (Thalheim Lehrbuch der Gr. Rechtsalt. von Hermann, pag. 148, cfr. pag. 57 adn. 1 et 85 adn. 1) his verbis: *παρ' οἷς γὰρ ἀναγραφῇ τῶν κτημάτων ἔστι καὶ τῶν συμβολαίων, ἐξ ἐκείνων* (scil. *ἐκ τῶν κτημάτων καὶ τῶν συμβολαίων ἀναγεγραμμένων*) *ἔστι μαθεῖν εἰ ἐλεύθερα καὶ ἀνέπαφα, καὶ τὰ αὐτοῦ, πωλεῖ δικαίως· εὐθὺς γὰρ καὶ μετεγγράφει ἡ ἀρχὴ τὸν ἐωνημένον*. Ego equidem acile concedo, Halicarnassi tempore legis nostrae nondum fuisse *ἀναγραφὴν* τῶν *ιδίων συμβολαίων* et τῶν *κρίσεων*, quae sunt ipsae eae tabulae et ea acta quae iam tum per scripturam ibi confecta esse negavi, neque magis τῶν *κτημάτων* quae addit Theophrastus. Sed tamen in ea parte nimis longe processisse mihi videtur v. d. Censet enim, memoriam mnemonum Halicarnassensium tum etiam totam fuisse eius generis antiquissimi, quod non per litteras publicas, sed per conscientiam solam eorum qui conscii facti essent asservaretur; mnemonum hoc officium fuisse existimat, ut coram eis negotia privatorum quae ut rata

essent futurum esset, gererentur. Mihi videtur illa antiquissima consuetudo memoriae negotiorum gestorum per conscientiam humanam conservandae, in variis formis valde diu mansisse quidem, sed ea etiam vigente aliquando in quibusdam civitatibus exstitisse novum morem memoriae per litteras adiuvandae. Id quando factum sit, obscurum esse mihi non videtur: tum ipsum enim factum sit necesse esse, cum primum magistratus annui crearentur ad quos ea cura deferretur. Prior ratio enim postulat, ut homines negotiorum consci, quamdiu in civitate vivi adsint, possint quovis tempore excitari ad testimonium dandum; ei ut ita dicam *μάρτυρες διὰ βίου* fuerint necesse est, et, si conicere licet nomen *μνημόνων* iam ad eos pertinuisse, possis eos dicere *μνήμονας διὰ βίου*. Id mutatum est, cum ad magistratus annuos transirent et nomen *μνημόνων* et officium testimonii dicendi ex conscientia quam haberent de negotiis privatis antea gestis. Magistratus enim, cum quotannis successoribus loco cederent, de negotiis ante annum suum gestis propriam scientiam iam habere non poterant, et tamen instituti erant ut in iudiciis de eis interrogarentur et si possent testimonium de eis dicerent. Itaque fieri non potest, quin simul institutum sit ut mnemones essent magistratus annui, simul vero ut notitia negotiorum gestorum, quae antea servari soleret per nudam conscientiam hominum privatorum, ab eo tempore iam in litteris publicis condita asservaretur. Non obstat certe quod Swoboda demonstravit, cum docte et copiose ageret de fragmentis lapidum quibusdam quae ad nos pervenerunt, in quibus incisa fuerint fundorum cum dominorum nominibus libri vel latercula (*grondboeken*) vel descriptae fuerint agrorum formae (*kadaster*), ea omnia esse recentioris aetatis, incipientis a secundo saeculo ante C. n.; nam eas perscriptiones de quibus nos cogitamus in lapide fuisse incisas et ita potuisse nobis servari cui tandem in mentem venerit? Quod tamen nequaquam ita intellegendum est, ac si iam eo tempore quo mnemones magistratus annui facti sunt, negotiorum privatorum acta per tabulas confecta in tabulario recondiderentur. Negotiorum per verba gestorum mentionem tantum apud mnemones factam esse credo ab his qui ea gesserant, ut illi possent scripto adnotare, cuiusnam fundus quisque factus esset vel ad quemnam aliquod in eo

pervenisset ius; quod si quis facere supersedebat, damnum ad ipsum redibat. Recte igitur rem delineavisse mihi videtur Bruno Keil (Hermes 29. 1894 pag. 258) his verbis: „besonderen Beamten, den Mnemonen, lag [in Halicarnass] die Aufsicht und Buchung des jeweiligen Besitzstandes ob, das lehrt die Lygdamisinschrift ohne jeden Zweifel“. Mnemonum perscriptiones, si tales fuerunt, prorsus satisfaciebant necessitudini conservandae memoriae, neque tamen levabant mnemones onere auctoritatis, quod ipsis ferendum erat; si ad iudicia advocabantur, nihilominus sacramento primum adigendi erant, antequam fides eis posset haberi; ipsi, si fidem non habebant perscriptionibus a praecessoribus sibi relictis, testimonio se abstinere poterant, vel indiciiis dubiis quae in perscriptionibus inerant id praeferre poterant quod ipsi melius scire sibi videbantur. Privatis vero qui eos adirent, aurem praebere eosque de omnibus quae scire eorum intererat certiores facere debebant; quo fiebat ut eam summam utilitatem, quam Theophrastus his verbis describit: *ἔστι μαθεῖν εἰ ἐλεύθερα καὶ ἀνέπαφα, καὶ τὰ ἑαυτοῦ, πωλεῖ (τις) δικαίως*, iam eo tempore quantum satis esset praestare possent.

Addendum. De mnemonibus in inscriptione Iasensi commemoratis. — Inscriptio Iasensis, quae exhibetur apud Dittenberger in Sylloge n<sup>o</sup> 96, est decretum publicum civitatis Iasensis sub regno Mausoli satrapae factum. Inscriptio tripartita est; prima pars continet venditiones bonorum quae privata fuerunt, primo die factas; secunda pars continet venditiones decem portionum agri (*κληρῶν*) alio mense factas, tertia vero itidem decem portionum, tertio aliquo mense factas. In prima parte decreti, cuius nunc unius rationem habeo, civitas Iasensis iubet bona quaedam publicari quae fuerunt civium in seditione pulso- rum aut necatorum (inter quos polemarchi Iasenses fuisse videntur), et statuit cives noxios cum posteris eorum in perpetuo exsilio esse, et declarat fundos publicatos emptos esse ab his quorum nomina exhibentur. Adscribuntur autem primum nomina omnium magistratuum ordinariorum qui tunc Iasi erant (exceptis ut videtur polemarchis) et nomina *τῶν ἀπὸ Φυλῆς* et nomina sacerdotum unius collegii; dicuntur ei magistratus et cives et sacerdotes omnes simul: *τὰ κτήματα πωλεῖσθαι*. Sequuntur (lin. 30) ipsae venditiones; adscribuntur ad singulas vendi-

tiones nomina emptorum, et designationes fundorum cum nominibus civium illorum quorum ante publicationem fuerunt, et pretia; deinde ad singulas semper venditiones (novissima excepta) adduntur vocabula haec: *μνήμονες συνεπώλησαν* (vocabulum *συνεπώλησαν* omissum esse videtur lin. 47 in quinta venditione), et mnemones illi nominatim afferuntur. Enumerantur sex venditiones; prima et secunda habent singulos emptores, binos mnemones; tertia habet tres emptores, quinque mnemones; quarta habet unum emptorem, duos mnemones; quinta habet unum emptorem, et ut videtur quattuor mnemones; sexta habet quattuor emptores, mnemones non habet, sed pro eis habet *γνώμονας* quattuor, qui *παρέστησαν*. Inter mnemones qui nominantur, nonnulli sunt qui bis funguntur, et hi quidem: Thoas Iatroclis, is fungitur in prima venditione et in tertia (lin. 33 et 41); Hecataeus Samii, is fungitur in secunda et in quarta (lin. 35 et 46); Histiaeus Antidoti, is fungitur in secunda et in quarta (lin. 36 et 46). Mnemones igitur fuerunt quindecim, sed nomina diversa mnemonum sunt numero duodecim tantum.

Quaerentibus autem nobis de illis mnemonibus Iasensibus et de eorum officio, facile apparet eos non solum non fuisse magistratus ordinarios et annuos, sed omnino ne magistratus quidem eos fuisse. Id inprimis his rebus clarum est:

1<sup>o</sup> Si magistratus fuissent, ratio non fuisset cur non enumerati essent cum ceteris magistratibus qui *ἐπώλησαν*.

2<sup>o</sup> Unus ex mnemonibus, et unus quidem eorum quos bis fungi modo dixi, Thoas Iatroclis, eo tempore fuit idem magistratus ordinarius; nominatur enim (lin. 8) inter quaestores eius anni.

3<sup>o</sup> Iam ipse magnus numerus mnemonum, qui manifesto ad numerum et gravitatem venditionum accommodatus est, ostendit, eos non fuisse unius collegii quod eo anno fungeretur, sed eos fuisse administratos venditionum publicos, ad id ipsum designatos.

4<sup>o</sup> Maxime vero ipsum officium quo in illis venditionibus publicis funguntur, declarat cuiusnam generis fuerint. Nempe dicuntur una cum civitate vendente singulos fundos vendidisse, *συναπωλῆσαι*. Fuerunt igitur *συμπρατῆρες* sive *βεβλιωτῆρες*, fideiussores ip re vendenda a venditore constituti. Res ceteris Graecis

(sed non item Atheniensibus, cf. Lipsius Bedeutung d. G. Rechts pag. 28 adn. 22) valde usitata, qualis fuerit testantur grammatici: Becker Anektd. I pag. 193. 16: *συμπρατήρ· ὁ τὰ πωλούμενα ὑφ' ἑτέρου βεβαιῶν*; Pollux 7. 12 (e Lysia): *τοὺς δὲ σὺν ἄλλοις πιπράσκοντας συμπράτας*. — *Συμπρατῆρες* et *βεβαιωτῆρες* (οἱ τὴν ὥνὴν βέβαιον παρέχοντες τῷ ἑωνημένῳ Dittenb. Syll. n° 857—860 et alibi) erant homines qui una cum venditore et se emptori venditione et emptorem sibi emptione obligari passi erant; specie et nomine magis quam re diversi ab illis qui dicebantur *προπωληταὶ* vel *προπωλοῦντες*, *προπρᾶται* Pollux 7. 11 sq., qui „pro alio” vel „alieno iussu” vendebant, quos etiam *ὑποδίκους* fuisse *καθάπερ τοὺς ἀποδομένους* testatur Plato legg. 12 pag. 954 a; cfr. Dittenb. n° 845, ubi *προαποδότης*, deo ementi constitutus a venditore, eundem locum occupat quem alibi (n° 844, 846 et sqq.) *ὁ βεβαιωτῆρ* tenet. Mnemones autem qui in inscr. Iasensi memorantur, fuerunt fideiussores publice constituti. Nulla re nisi nomine videntur differre ab illis fideiussoribus privatis; neque aliam ob causam videntur eo specioso mnemonum nomine insigniti fuisse, quam quod publicos et publice constitutos eos esse id nomen declarare deberet, et a privatorum fideiussorum munere eorum officium aliqua dignitate distinguere videretur. Utilitas quam in venditionibus publicis praebebant, eadem erat quam in venditionibus privatis *οἱ βεβαιωτῆρες* praestabant; futurum erat ab altera parte, ut emptores cum eis iure agere possent si res empta sibi non traderetur, ab altera parte vero ut ipsi pro civitate si opus esset ab emptoribus pretium rerum emptarum exigere possent nisi tempore solveretur; sed praecipua utilitas quam praestarent haec fuisse videtur, quod quamdiu vivi in civitate adessent quovis tempore, tamquam *μνήμονες διὰ βίου* ut ita dicam, ab emptoribus excitari possent ut in iudiciis si opus esset testarentur, illos a se emisse et illorum possessionem iustam esse; notum est apud Graecos in vindicationibus hoc officium impositum fuisse possessoribus unde petebatur, ut causas possessionis suae aperirent, et aut longum tempus possessionis suae demonstrarent aut auctorem possessionis suae indicarent, cfr. Isaeus 10. 24; *συμπρατῆρες* autem non minus quam ipsi *πρατῆρες* emptoribus praesto esse debebant, cum emptores eo pervenissent ut deberent

τὸν πρᾶτῆρα παρέχεισθαι, auctorem possessionis suae indicare.

Officium illorum memonum igitur non longius pertinebat quam ad venditiones illas quarum mandato civitatis participes facti erant tamquam mnemones sive fideiussores publici; ad id ipsum designati erant; eorum officium tempore certe non finiebatur, sed perpetuum erat. Quinam homines fuerint ad quos illa mnemonia extraordinaria deferri soleret, facile suspicari licet; unus ex eis tum ipsum cum mnemon fieret, erat ταμίης publicus; reliquos aut privatos fuisse aut scriptu vel alio aliquo ministerio publico fungentes tum fuisse verisimile est. In sexta venditione cur γνώμονες, arbitri sive testes, adhibiti sint neque mnemones, obscurum est.

Nihil obstat quin suspicemur, etiam Halicarnassi id ius fuisse ut civitas, cum fundos venderet, mnemones extraordinarios constitueret illis Iasensibus similes. — Halicarnassi etiam in venditionibus fundorum quae fierent a privatis vel a deis συμπρᾶτῆρας constitutos esse, sed ad eos non pertinuisse nomen μνημόνων, ostendit alia inscriptio Halicarnassensis Dittenb. n<sup>o</sup> 11. In ea perscriptae sunt venditiones quae Halicarnassi factae sunt sub finem saeculi quinti; emptores emisse dicuntur παρὰ τοῦ Ἀπόλλωνος καὶ τῆς Ἀθηναίης καὶ Παρθένου; fideiussores deorum fuerunt ipsi sacerdotes, οἱ νεωποῖται τῶν θεῶν, quod in inscr. his verbis declaratur: βεβαιοῦν τοὺς θεούς . . . , συμβεβαιοῦν δὲ τοὺς νεωποίας τῶν θεῶν . . . καὶ ἐξορκίζεσθαι κατὰ ταῦτα. Quod νεωποῖται ibi non dicuntur μνήμονες, probat id nomen reservatum fuisse ab altera parte magistratibus annuis, ab altera fideiussoribus publicis; quod omnino mnemones in ea inscr. non commemorantur, ostendit eos falli qui perhibeant, Halicarnassi in omnibus fundorum venditionibus operam mnemonum (annuorum) fuisse necessariam. Satis apparet, mnemones ordinarios annuos Halicarnassenses qui in nostra lege nominentur, prorsus diversos esse ab illis mnemonibus extraordinariis inscriptionis Iasensi. Itaque non video, quomodo recte se habere possit quod scripsit Swoboda (pag. 119): „in der Inschrift von Iasos heisst es bei Verkauf von Gütern: μνήμονες συνεπώλησαν, was nicht anders gedeutet werden kann als Dittenberger es thut: legibus Iasensium emtiones venditiones tum demum ratae fuisse videntur, cum a mnemonibus in tabulas relatae erant; oder, wenn wir

die Sache allgemeiner fassen: dass die Mnemonen bei jedem Kauf und Verkauf assistierten und ihm damit rechtliche Giltigkeit verliehen". Ne prorsus quidem me assequi quid sibi velint ea verba, invitus confiteor; *συμπωλεῖν* et *συμβεβαιοῦν* quid sit, satis clarum esse mihi videri ostendunt ea quae supra scripsi; sed quomodo fieri possit ut ea verba significant „aliquid in tabulas publicas referre", vel „venditioni adesse ut rata sit venditio", non video.

IX. De supplendis et legendis lineis octava et nona. — Lacuna qua incipit linea octava, quin recte a v. cl. Reinach ita sit suppleta, ut existeret vocabulum *νε[ωπ]οι[δ]*, prorsus dubitari non posse censeo. Quae sequuntur: . . . *μ . . μονας μὴ παρ. δίδο . . μη . . κ.τ.λ.*, antea ita suppleri solebant ut legeretur: *τοὺς μνήμονας μὴ παραδιδόναι μήτε γῆν μήτε οἰκία τοῖς μνήμοσιν ἐπὶ Ἀπολωνίδεω — μνημονεύοντος κ.τ.λ.* — Rühl primus graviter interpunxit post *μνήμονας*, et pro *παραδιδόναι* dedit *παραδίδοσθαι*. Dittenberger deinde *τοὺς* in *πρὸς* mutavit, et ante eas voces comma, post eas pro puncto semicolon posuit; iungebat autem eas voces cum vocabulo antecedente *ἐβουλεύσατο*, „ut conexus enuntiati restitueretur". Eam lectionem recentiorem quam dedit Dittenberger, supra (pag. 290) exhibui.

Lectio antiquior: *τοὺς μνήμονας μὴ παραδιδόναι κ.τ.λ.* cur ferri non posset, Rühl conatus est demonstrare. Scilicet Iürgens (de rebus Halicarnassensium pag. 24, quem librum non vidi) eam ita fere verterat: „ut fundi et domus . . . iam a praesentibus mnemonibus ne tradantur insequentibus Apollonidae Lygdamis filio et collegis eius". Ad ea Rühl adnotavit: „niemand wird den verlangten sinn: „die gegenwärtigen mnemonen sollen ihren nachfolgern Apollonides und genossen [etwas] nicht übergeben" [so] ausdrücken". Dittenberger ei assensus „ac certe ait *τοὺς μνήμονας — παραδιδόναι*, ut priores legerunt, sanam sententiam non habet". Neuter eorum addit, quid propie inesse existiment quod ferri non possit. Itaque incertus haereo, nesciens quid tantopere eis displicuisse credam; sed id tollere conabor, quod mihi videtur inprimis offensioni eis fuisse. Video enim plerosque viros doctos vocabula *ἐπ' Ἀπολωνίδεω κ.τ.λ.* iungere cum verbo *παραδίδο* . . . , quod sine dubio falsum est; immo iungenda sunt cum vocabulis proxime antecedentibus *τοῖς μνή-*

μοσιν. Sic sexcenties in inscriptionibus Atticis annus quo homines quidam funguntur aliquo magistratu vel cura, indicatur additis ad nomen illius magistratus vel curationis vocabulis ἐπὶ τοῦ δεῖνα ἄρχοντος, articulo non repetito. Vocabula ἐπ' Ἀπολ. h. l. ad τοῖς μνήμοσιν addita sunt, ad definiendum annum illorum mnemonum quibus illud tradi non debeat. Non quod credam, mnemones Halicarnassi fuisse annorum eponymos; sed id ita hoc loco factum esse et fieri potuisse facile intellegitur, si huius rei ratio habetur, quod annus qui definiendus erat erat etiam futurus, necdum fortasse habebat iustum suum magistratum eponymum. At, inquit, quidni simplicius ea res enuntiatur? Expectaveris: τοῖς μνήμοσιν Ἀπολλωνίδῃ καὶ τοῖς συνάρχουσι, non: τοῖς μνήμοσιν ἐπ' Ἀπολλωνίδεω. Sed si in ea re offensus est Rühl, res eum fefellit; non deest quo defendi possit locutio. Lex non personas spectat, sed munus; ob eam causam lex coniungit munus a personis. Neque inepta est ea diligentia. Si lex nominatim aliquid tradi vetaret Apollonidae et collegis eius, fieri posset ut dubitatio postea oreretur, ex. gr. si forte accidisset ut aliquis eorum ante magistratum initum aut in magistratu mortem obiret, utrum ad eum cum collegis solum an ad successorem suffectum quoque ea res pertineret. Conferri velim quae adnotavit Boekh (Seeurkunden pag. 49 sq.) ad explicandam locutionem quandam a nostra absimilem quidem sed etiam multo magis miram, qua aliquando usi sunt curatores navalium Athenienses ad distinguendas personas a munere, cum scriberent: ἡμεῖς (οἱ νεωρίων ἐπιμεληταὶ ἐπ' Ἀντικλέους ἄρχοντος) παρελάβομεν ὑποζώματα παρὰ . . . νεωρίων ἐπιμελητῶν ἐπ' Ἀντικλέους ἄρχοντος, neque dicerent παρ' ἡμῶν αὐτῶν. Ab ea parte prorsus recte se habet illa lectio antiquior. Ea omnia autem quae modo dixi, aequae valent in lectione recentiore.

Praeterea vero illam lectionem antiquiorem difficultatem non praebere, et eum qui dicere velit: „mnemones qui nunc sint non debere aliquid tradere mnemonibus qui futuri sint anno Apollonidis”, id aptissime ita dicere posse: τοὺς μνήμονας μὴ παραδίδουαι . . . τοῖς μνήμοσιν ἐπ' Ἀπολλ., per se satis clarum est. Inprimis verbum παραδίδουαι proprie usurpatur ubi agitur de magistratibus qui res quas publice custodiendas vel usurpandas habuerunt tradunt successoribus suis; de sollemni et

legitima illa rerum παραδίδει (cf. ex. gr. Dittenb. n° 652 lin. 11), quae facienda est eis qui aliquo magistratu vel cura publica functi sunt postquam eo magistratu iam abierunt et υπεύθυνοι facti sunt, quae eadem est rerum παράληψις (cfr. ex. gr. Dittenb. n° 932 lin. 70—74) quatenus eas res accipiunt novi magistratus, optime egit Boekh (Seeurk. pag. 3) his verbis: „die Rechnung legende Behörde sagt von demjenigen was ihr die Vorgänger überliefert haben παρελάβομεν, von dem was sie übergeben hat, παρέδομεν; welche beide Ausdrücke sich genau entsprechen, so dass, was die vorhergehende Behörde παρέδωκε, die folgende παρέλαβεν. Hat die Behörde während des Amts und Rechnungsjares etwas empfangen, was sie also nicht von den Vorgängern empfangen hat, so sagt sie davon ἀπελάβομεν, welchem Wort das ἀποδοῦναι als Handlung des Abliefernden entspricht: letzteres kommt seltner vor ... man findet dafür auch παραδοῦναι“. Illud παραλαμβάνειν autem cum inprimis hac re contineatur, ut novi magistratus statuunt, res tradendas omnes ita adesse et ita a se accipi quemadmodum in tabulis publicis scriptum est, ipsa παραδόσις etiam ad scriptum (ἐγγράφως vel πρὸς τὸ διάγραμμα) fieri nonnumquam dicitur (cfr. Dittenb. n° 932 lin. 67 sqq.: παραδίδοντας τοῖς μεθ' αὐτοῦς ἐγγράφως ὥσπερ παραλαμβάνουσι).

Lectionem antiquiorem Swoboda quoque reiecit. Is autem contendit, eam prorsus profligatam esse ex observatione spatiorum quam in lapide nuper fecerat Hirschfeld, secundum quam lacuna quae in fine verbi παραδίδο... exstat, dicebatur non posse tribus litteris expleri, sed quattuor exigere litteras, neque posse per (παραδίδδναι, sed debere per (παραδίδδ)σθαι expleri. Sed nimis confidenter de ea re locutus esse mihi videtur Swoboda. Lacunam quidem, quae tribus non amplius litteris spatium offerat, per quattuor litteras expleri non posse, pro certo affirmari potest; lacunam vero quae quattuor litteris spatium praebeat non posse per tres litteras expleri, nequaquam tam certe constat, si agitur de inscriptione in qua spatia inter litteras relicta sunt inaequalia. Scriptura autem lapidis nostri universa, in ea parte parum aequalis est. Adsunt lineae octo 23 litterarum, decem 24 litterarum; octo 25 litterarum; novem 26 litterarum; duo 27 litterarum; una linea habet 28, una 29, una

32 litteras. Lineae septima et tertia decima et quarta decima habent 22 litteras; linea octava habet 23, linea nona (si decedis ab ea lacuna de qua agimus) habet 19; linea decima habet 21 litteras. Itaque si lacunae nostrae dantur quattuor litterae, linea nona habebit 23 litteras; si tres ei dederis, habebit 22, et numerus litterarum eius idem erit atque in lineis 7 et 13 et 14, et per unam litteram etiam superabit lineam proximam, decimam. Spatio lacunae autem respondent in linea proxima non quattuor litterae, sed tres. Apparet, spatiis litterarum rem confici non posse.

Mihi autem lectio recentior hanc ob causam reicienda esse videtur, quod ea lectio a priore parte sanam sententiam non praebeat. Quid sit „*τοὺς μνήμονας*” in medio tenore inscriptionis absolute positum, nemo facile dixerit. Sed id quoque quod pro eo posuit Dittenberger, *πρὸς μνήμονας*, quod refertur ad antecedens *ἐβουλεύσατο*, quantumvis licet movear auctoritate viri cl., quidquam esse negare non dubito. Sanam sententiam quam praebere possint vocabula: *τάδε ὁ σύλλογος ἐβουλεύσατο πρὸς μνήμονας*, frustra dispicere conor. Quae etiamsi possent significare (quod significare nullo modo possunt): concilium hanc legem fecit adversus mnemones, vel: ut ei obsequerentur mnemones, ea ipsa significatione repugnatura essent ceteris verbis legis, quae pro maxima parte pertinent non ad officium mnemonum, sed ad iura privatorum et officium iudicum. Itaque profectus ab hoc principio, lectionem recentiorem ferri non posse quod a sana mente et a sermone graeco abhorreat, iam nihil nobis superesse statuo quam hoc, ut redeamus ad antiquiorem lectionem, utque conemur eam interpretari.

Hoc quoque accedit, quod recentior lectio: „*μὴ παραδίδοσθαι μήτε γῆν μήτε οἰκία τοῖς μνήμοσιν ἐπ’ Ἀπ. μν.*” aliquo formae vitio videtur laborare. Ea sententia fuisset exprimenda aut ita: *τοὺς μνήμονας ἐπ’ Ἀπ. μν. μὴ παραλαμβάνειν μήτε γῆν μήτε οἰκία*, aut ita: *τοὺς Ἀλικαρνασσεῖς μὴ παραδίδόναι μήτε γῆν μήτε οἰκία τοῖς μν. ἐπ’ Ἀπ. μν.*; lex potest vetare mnemones, fundos et domos accipere, vel cives tradere; sed vix recte fundos et domos mnemonibus tradi vetat. Eo vitio autem altera lectio antiquior libera est, et eatenus quoque recte se habet.

Conabor igitur, primum refutare interpretationem lectionis

recentioris quam temptaverunt viri d. Rühl et Swoboda; deinde, interdictum legis secundum lectionem antiquiorem coniciendo interpretari. Sed moneo, non a probabilitate interpretationis pendere optionem quae inter duas lectiones facienda sit; ea optio iam nulla esse videtur, quia ut modo dixi recentior lectio omnino ferri non potest.

X De interpretatione lectionis recentioris. — Audiamus v. cl. Rühl. Is pag. 62: „Wenn, ait, die Amtszeit des Apollonides wirklich als normaljahr für die zukunft gelten sollte, so muszte in der that dafür gesorgt werden, dass während derselben möglichst wenige oder besser gar keine besitzwechsel stattfanden ... et pag. 63: man könnte παραδιδόναι γῆν ἢ οἰκία (τοῖς μνήμοσι) dahin verstehen, dass es nicht heisse grundstücke oder häuser zur verwahrung, sondern zur aufzeichnung in den büchern der mnemonen übergeben. Man hätte dann, um ein wirkliches normaljahr zu finden, die übertragung von grundeigenthum rechtlich für eine gewisse zeit ausgeschlosssen“. Ea dubitanter protulit Rühl. Apparet, secundum eam opinionem, παραδιδόναι γῆν ἢ οἰκία τοῖς μνήμοσιν fere id esse quod ab Aristotele et Theophrasto (supr. pag. 316) dicatur: ἀναγράφεσθαι τὰ ἴδια συμβόλαια παρὰ τοῖς μνήμοσι; et illud: παραλαμβάνεσθαι γῆν ἢ οἰκία ὑπὸ τῶν μνημόνων id ipsum esse quod a Theophrasto dicatur: μετεγγράφεσθαι τὸν ἐωνημένον ὑπὸ τῆς ἀρχῆς.

Sed Swoboda pro illa ἀναγραφῇ quae quarto saeculo in nonnullis civitatibus graecis fieret, medio saeculo quinto et Haliarnasso in urbe hoc substituendum esse arbitratus ut venditiones fierent coram mnemonibus et ita ratae fierent, verba παραδιδόναι γῆν τοῖς μνήμοσιν ita interpretatur ut fere idem valeant quod: „adhibere mnemones ad venditionem vel alienationem agri“. Praeterea vero fere consentit cum viro cl. Rühl. Sic pag. 119: „dass die Mnemonen, ait, bei jedem Kauf und Verkauf assistierten, und ihm damit rechtliche Gültigkeit verliehen; die Sprache des Gesetzes (quo verbo nostram legem respicit) drückt dies dadurch aus, dass Grundstücke und Häuser ihnen, natürlich zur Perfection des Besitzwechsels, „übergeben“ wurden. Die Bestimmung Z. 18 sqq. kann daher keinen anderen Zweck gehabt haben, als dass, wie Rühl (S. 63) meint, für eine ge-

wisse Zeit, diejenige da Apollonides und die zugleich mit ihm Angeführten Mnemonen waren, die Übertragung von Grundeigenthum rechtlich ausgeschlossen blieb, oder wie Hirschfeld (*Ancient Greek Inscriptions in the British Museum part IV section 1 n° 886*, mit beigegebenem Commentar) S. 51 übersetzt: *Neither land nor houses shall be surrendered (for sale) to the mnemones of the time when Apollonides . . . held office*".

Mihi eae opiniones reiciendae esse videntur, non hanc ob causam quidem quod novae sint, nam ratio inscriptionis nostrae ea est, ut utique ad eam interpretandam aliquid comminiscamur necesse sit, quod novum et ceteroquin incognitum et inauditum sit; sed propter haec argumenta quae nunc ordine proferam.

1. Opinio qua nititur Swoboda, venditiones fundorum Halicarnassi ita solum ratas fuisse, si coram mnemonibus factae essent, est mera coniectura. Quod ipsum non impediret quidem, quominus eam admitteremus, si necessaria et probabilis esset. Sed tamen, obliviscendum non est, fundamentum quod ei substruere conatus sit Swoboda, esse fallax. Id fundamentum ab eo petatum est ex inscriptione Iasensi de qua supra (Add. ad cap. VIII, pag. 318—322) egimus. „In der Inschrift von Iassos ait pag. 119, heisst es bei dem Verkauf von Gütern, welche hier allerdings vom Staate eingezogen wurden: *μνήμονες συνεπώλησαν*, was nicht anders gedeutet werden kann als . . .: dass die Mnemonen bei jedem Kauf und Verkauf assistierten und ihm damit rechtliche Giltigkeit verliehen". Id prorsus falsum esse, supra ostendi; mnemones saeculi quarti in inscriptione Iasensi commemoratos nihil commune habuisse praeter nomen cum mnemonibus annuis Halicarnassensibus saeculi quinti, eos fuisse fideiussores a civitate ad eam ipsam rem constitutos, demonstravimus; itaque quod ad nostram legem transiliens inde deducit v. cl.: „die Sprache des Gesetzes (scil. nostrae legis Halicarnassensis) drückt dies (scil. quod ex decreto Iasensi effecisse sibi visus est) dadurch aus, dass Grundstücke und Häuser ihnen, natürlich zur Perfection des Besitzwechsels, „übergeben" wurden", iam propterea omni probabilitate caret, quod res prorsus dissimiles in ea sententia inter se permiscetur.

2. Praecise nego, fieri posse ut „*παράδιδόναι γῆν τοῖς μνήμοσιν*" fuerit formula Halicarnassensibus usitata pro eo quod

est „ἀναγράφεσθαι χωρίον πεπραμένον (vel ἐωνημένον) παρὰ τοῖς μνήμοσιν“, „ἀναγράφεσθαι πρᾶσιν (vel ὄνῃν) παρὰ τοῖς μνήμοσιν“; neque minus nego, fieri posse ut ea fuerit apud Halicarnassenses formula qua significaretur, „mnemones adhibere ad venditionem fundi“, „fundum coram mnemonibus vendere“; formulas autem, quibus eam rem tum germanice tum anglice claram reddere conati sunt viri docti: „Grundstücke und Häuser den Mnemonen zur Perfection des Besitzwechsels übergeben“, „to surrender land or houses for sale to the mnemones“, vocabulis inanibus contineri iudico, neque cum ipsae sensu careant, quidquam valere ad rem probabilem reddendam.

3. Sed fac, illa omnia ita se habuisse ut volunt illi, παραδίδόναι γῆν τοῖς μνήμοσιν revera nihil aliud esse quam „fundum alienare“; fac etiam, nostram legem ita esse interpretandam ut „annum normalem“ per eam constituere voluerint Halicarnassenses (sive, ut placuit viro d. Swoboda, annos unum et dimidium normales); verum sit quod supra refutavi, voluisse Halicarnassenses ea lege hoc solum assequi, ut intra duodeviginti menses proximis absolverentur omnes controversiae quae de iure fundorum eo tempore essent; ita semper tamen haec quaestio manet: cur tandem in illo temporis spatio normali fundos alienare prohiberi debuerunt cives? Quid proderat, eos id prohiberi? Quid suadebat, ut id prohiberentur? Ad eam quaestionem nullum datur responsum, neque dari potest ullum. „Es musste dafür gesorgt werden“ ait Rühl; quem etsi mirum fortasse non est, cum ipse fuerit anni normalis illius inventor, melius quam me novisse quae sint in genere „temporum normalium“ condiciones, eas condiciones tam prorsus obscuras reliquisse vehementer me piget. Sed ego, de utilitate rei iam non amplius quaerens, nego factum; nego lege nostra mnemones pro tempore prohibitos esse aut alienationes fundorum in scriptis suis adnotare aut praesentes eis interesse, quo fieret ut eo tempore alienationes fundorum iam a privatis perfici non possent; et id quidem has ob causas:

4. Qui statuunt, mnemones illis verbis legis prohiberi alienationes fundorum ratas facere, ei me iudice negare non poterunt, illa verba etiam referenda esse ad iudicia de iure fundorum, τὰς κρίσεις ἐκ τῶν δικαστηρίων, quae etiam ad mnemones deferri

debuisset Aristoteles (supr. pag. 316) indicat, ad testamenta — quae apud Graecos inter τὰ ἴδια συμβόλαια numerata esse notum est —, ad hypothecas, ad donationes agrorum, et alia eiusmodi. Sed tamen iudicia de iure fundorum eo tempore haberi non licuisse, nemo salva lege nostra contendere potest; et fuit illud tempus, secundum illos, quam maxime iudiciis habendis et controversiis ad finem perducendis destinatum. Quis autem credat, cetera negotia quae dixi illo tempore praeclusa fuisse civibus; non solum quod sine ulla causa vehementer ita se ipsi vexaturi fuissent Halicarnassenses, sed etiam de iure civium graviter fuissent deminuturi, et acerbum damnum multis fuissent illaturi. Verum quod ad ipsas venditiones emptionesque fundorum pertinet, quomodo fieri potest ut eae fieri lege prohibita sint, cum ipsa lex tum solum nihil valere voluit iusiurandum eorum qui anno Apollonidis possedissent cum post duodeviginti menses quam lex lata est in ius vocati essent, si apparuisset eos eo tempore quo Apollonides mnemon fuerat (quod ipsum duodeviginti mensium fuisse statuit Swoboda) vel postea eum fundum de quo ageretur alienasse: εἰ ὕστερον ἀπεπέρασαν? Id sane satis probare mihi videtur licuisse eo tempore fundos ἀποπεράσαι (cf. supr. pag. 299 sub δ).

Itaque iam constare videtur, 1<sup>o</sup> lectionem illam de qua ago talem esse ut per se ferri non possit; 2<sup>o</sup> eam id significare nullo modo posse quod eius fautores eam significare volunt; 3<sup>o</sup> id quod ea significari contendat illi, carere omni utilitate, necessitate, probabilitate; 4<sup>o</sup> denique id repugnare ipsius legis verbis.

XI. De fundis privatis in custodiam mnemonum traditis. — Iam mihi superest ut quaeram, possitne altera lectio, τοὺς μνήμονας μὴ παραδίδναι μήτε γῆν μήτε οἰκία τοῖς μνήμοσιν ἐπὶ Ἀπολλωνίδεω τοῦ Λυγδάμιος μνημονεύοντος ex coniectura ita explicari, ut in ea possit acquiesci. Quod ut fiat, nova coniectura opus esse arbitror. Varias enim eius lectionis interpretationes quas a quibusdam viris doctis temptatas esse video, parum mihi placere confiteor, et tam parum quidem, ut vix mirum videatur eas a plerisque reiectas esse. Sic fuerunt qui conicerent, hoc ius fuisse Halicarnassensibus, ut fundi, quorum ius esset controversum, a civitate sequestrarentur et

mnemonibus administrandi committerentur, ut in eorum administratione manerent dum de lite disceptarent iudices. Verum est quod obiecit Rühl, iniquius ita cum possessoribus fundorum controversorum acturam fuisse legem, quam ut id ita se habuisse credere possemus. Alii coniecerunt, aliquo tempore ante legem nostram rogatam accidisse Halicarnassi, ut civitas occupasset et in publicam mnemonum tuitionem dedisset fundos quosdam privatos, qui relictis essent a dominis, adversariis tyranni, in motu civili victis et in exilium actis; eos fundos autem, cum exsules paullo postea revocati essent, lege nostra dominis reddi. Ei coniecturae inprimis obstat, ut recte animadvertit Rühl, quod nostra lege non agitur de certis quibusdam fundis; id si voluisset lex, ampliore definitione eorum fundorum opus fuisset, neque certe careri potuisset articulo; immo agitur de condicione quadam fundorum, quae eiusmodi est, ut omnes fundi privati possint pro re nata in eam pervenire. Accedit autem, quod de reditu exsulum, et de fundis redditis vel reddendis nihil in inscriptione legitur; ea coniectura in ea parte refutatur omnibus illis quae supra scripsi. — Sed ego habere mihi videor principium certissimum unde proficisci possim, quo caruerint viri docti antiquiores. Iam enim constat, legem hoc consilio factum esse, ut bonis suis in perpetuum exuerentur cives quidam, vel civium quorundam heredes, qui tum cum lex rogaretur peregre abessent. Constat civitatem, cum lex nostra ferretur, in eo fuisse ut venderet bona eorum civium, quamvis essent bona aliena, quasi essent res nullius; constat eo praesertim spectare legem, ut efficiat, eas venditiones instantes ut bene procedant, ut tute licitari possint emptores, omni sublato periculo et metu ne postea fundi cum ulla bona spe obtinendi repetantur a dominis. Necessarium igitur mihi videtur, etiam hunc legis articulum de quo nunc ago, ad idem illud consilium pertinere; eum quoque factum esse ad praeparandas venditiones, id iam ab initio sine ulla dubitatione affirmare possumus. Atqui fuitne Halicarnassi aliqua cura vel custodia publica, a mnemonibus exercenda, in quam recipi possent fundi qui essent aut pupillorum aut civium peregre profectorum? Si qua fuit, ea custodia lege nostra removeatur necesse est ab illis fundis, qui anno Apollonidis ut a civitate veneant et ab

emptoribus possideantur futurum est. Itaque quod conicio huiusmodi est: ius legitimum hoc fuisse Halicarnassensibus, ut fundi privati possent partim a dominis ipsis in fidem publicam commendari (*ἐν παρακκαθήκῃ δίδοσθαι* vel *παρακατατίθεσθαι τῇ πόλει*), si eos aliqua de causa ipsi tueri nequirent illi, quod in primis tum factum esse credo cum quis peregre profecturus esset, si absentiam suam diuturniorem fore praevideret; partim vero ut fundi privati in fide publica esse (*ἐν παρακκαθήκῃ εἶναι παρὰ τῇ πόλει*) tum ultro inciperent, cum domini eorum mortui eos reliquissent heredibus nondum adultis et tutelae etiam obnoxiiis; fundos autem propter eas causas semel a mnemonibus in fidem receptos, eorum curae et tuitioni subiectas mansisse, et ab uno collegio debuisse *παραδίδοσθαι* proximo et ab eo *παρλαμβάνεσθαι*, ab illo deinde tertio, et ita deinceps, tamdiu, dum eos repeterent domini et redderent (*ἀποδίδοιεν*) mnemones, sive quod ab itinere domum rediissent, sive quod a tutela liberati administrationem rerum suarum susciperent. Nomen autem eius fundorum traditionis quae a privatis fieri posset, non *παράδοσιν* sed *παρακαταθήκην* fuisse censeo, quod vocabulum fere convenit ad id quod latine „depositum” dicitur; sed cum iure Romano depositum ad res mobiles solum pertineat, apud Graecos vero *παρακαταθέσθαι τινά τινι* potuisse etiam fundos et loca ex multis mentionibus et exemplis constet (cfr. Herod. 3. 59; Thuc. 2. 72. 3; Xen. Hell. 6. 1. 2; Isocr. Archid. 19; Paus. 2. 18. 7; Dittenb. Syll. n° 53 lin. 15 sq.), illud reddere praestat vocabulo q. e. custodia ubi de rebus immobilibus sermo est. Custodia mnemonum autem quam longe pertinuerit, vix conicere ausim; licet fortasse hoc loco citare verba, quibus in inscr. quadam Attica describitur officium ad curatores annuos, *ἐπιμελητάς*, aliquando delatum in tribu Erechtheide ex decreto tribulium (Dittenberger Syll. n° 429 lin. 8—10): *βαδίζειν ἐπὶ τὰ κτήματα δις τοῦ ἐνιαυτοῦ, ἐπισκοπεῖσθαι τὰ τε χωρία εἰ γεωργεῖται κατὰ τὰς συνθήκας, καὶ τοὺς ὄρους εἰ ἐφεστήκασιν κατὰ τὰ αὐτά*. Diligentius rem persequi non conabor. Sed hoc tenendum esse videtur, tuitionem illam mnemonicam si omnino fuerit, in primis pertinuisse ad vindicanda et protegenda iura quae in fundis suis haberent cives illi absentes et pupilli, veluti dominium et hypothecam, ad ipsos defendendos ab omni damno quod fraude

et iniuria eis afferri posset, ex. gr. si quis eorum absentia vel imbecillitate abusus clam in possessionem irreperet, lapides terminales si loco moverentur aut hypothecarii si attrectarentur, cultura agri si neglegeretur ab eis ad quos pertinebat, colonis vel conductoribus vel ipsis tutoribus. Custodia mnemonum hoc valuisse debet, ut possent castigare, in ius vocare, poena ulcisci eos qui eiusmodi aliquid perpetrassent; itaque necessarium videtur id ius eis fuisse, ut agere possent tamquam procuratores quidam publici dominorum, tamquam possessores temporarii fundorum sibi commissorum. Ac ne quis obiecerit, eiusmodi operam, a magistratibus graecis in bona privata impensam, esse rem prorsus inauditam: primum, vocabula legis ita se habent, ut utique aliquid sub eis lateat necesse sit quod nobis novum sit; deinde non desunt res absimiles quidem, sed tamen quae conferri possint. Reputemus curam quam Athenis archontem habuisse novimus pupillorum et orbarum eorumque possessionum, ἡ ἐπικλήρων καὶ ὀρφανῶν καὶ τῶν τοκέων προστάκται ἐπιμελεῖσθαι, Demosth. 35. 48 cfr. 43. 75. Quin etiam opera, quam in perscribendis nominibus eorum qui ex negotio privato ius in fundo acquisivissent, mnemonibus Halicarnassensibus ponendam fuisse novimus, nonne ipsa iam tota pertinet ad iura privatorum publice tuenda? Quid autem illi magis consentaneum esse potest quam ut credamus, ius publicum, cum ab altera parte pro eis fundorum dominis qui ipsi satis valerent ad iniuriam a se arcendam, satis se fecisse crederet cum per illas perscriptiones et illa testimonia mnemonum eis opem tulisset et ut ita dicam arma paravisset quibus ipsi ius suum vindicare possent si opus esset, ab altera parte pro his qui se ipsi defendere non possent iam ipsum voluisse pugnare, et instituisse magistratus qui ipsi illis armis uti possent et deberent ad eorum ius defendendum. Iamvero si credimus, talem curam fuisse mnemonibus Halicarnassensibus publice mandatam, iam sequitur ut statuamus, Halicarnassi revera id fieri non potuisse quod supra (pag. 309) tetigi, ut bona aliena venirent. Si statuimus, cives, qui nuper cum Lygdami eiusque factione conflixissent, antequam in exilium abirent, fundos suos tradidisse in publicam mnemonum custodiam, et bona civium qui necati essent ultro tamquam pupillaria pervenisse in eorum custodiam, iam

concedendum est id fieri non potuisse, ut ea bona occuparentur et proscriberentur ab adversariis qui victores discesserant; mnemones tali iniuriae non obsistere non poterant. Id obstaculum igitur ut removeatur, lex nostra providet. Sed ipsam custodiam publicam in quam tradi possint fundi privati, lex nequaquam abolet; omnes cives in posterum etiam eo instituto frui patitur. Officium mnemonum, opera quam praestant, ut in ceteris rebus, sic in hoc fundorum custodiendi genere, intacta manent. Hoc unum novatur: mnemones soli qui nunc sunt, non debent postquam magistratu abierunt et ὑπεύθυνοι facti sunt, successoribus suis tradere fundos privatos, si quos forte eo anno in custodia habuerunt. Lex se continet in uno anno, in uno mnemonum collegio; ex παραδόσει et παραλήψει illa solemni et annua, hoc anno solum excipiuntur fundi si qui ante legem nostram rogatam ad mnemones custodiendi pervenerunt. Quid ut de eis fiat? Hoc solum, ut custodiae publicae subtracta sint. Ad mnemones qui nunc sunt, ei fundi iam nihil pertinebunt ut primum illi magistratu abeuntes privati facti erunt. Novi mnemones eos non acceperint in custodiam. Domini ipsi, quamquam nemo impediturus est quominus denuo in custodiam publicam eos tradant, aut ipsi in suam dicionem eos recipiant, id facere non poterunt quia peregre absunt. Fundi igitur erunt deserti, indefensi. Nemo erit qui obsistat, si civitas eos occupatos proscripserit; venditiones sine ulla difficultate procedent. — Cum altera illa parte legis autem, de qua supra egi cap. I—VI, qua domini fundorum, qui de fundis suis, ante hanc legem rogatam amissis, recuperandis intra diem praestitutam iure agere nequiverint, ius suum testimonio mnemonum confirmare prohibiti, iureiurando novorum possessorum repelli iubentur, artissime cohaerere apparet eam partem quam hoc capite conatus sum coniciendo explicare, qua mnemones prohibentur fundos quos in custodia habuerunt successoribus tradere. Fundi qui in utraque legis parte respiciuntur, eidem sunt; non verbis quidem et specie, nam specie summa aequitas observatur in lege, neque quidquam in ea iubetur quod non specie pertineat ad universos cives et universa omnium fundorum iura — sed consilio et voluntate et effectu. Cura et opera illius collegii, quod erat ut supra dixi institutum ut esset custos iuris et praesidium aequitatis, utroque

legis praecepto paullulum cohibetur et praepeditur, eo consilio, ut exsules ea iam frui ne possint, utque ipsa ne possit impedimento esse quominus victor praedam quam sibi destinavit rapiat. Nam ut in altera parte testimonio mnemonum eatenus silentium imponitur, quatenus id possit in posterum exsulibus prodesse, sic in altera legis parte custodia qua fundos privatos relictos et pupillares tueri eos oportet, eatenus tollitur, quatenus ea possit in praesentia eisdem saluti esse. — Lectionem igitur quam defendo, si accipitur coniectura quam proposui, sanam et egregiam sententiam habere iam in propatulo est. Eam coniecturam solam esse credo, quae prorsus ad causas et rationes nostrae legis conveniat. Id magnae commendationi ei esse debere, nemo negaverit.

---

#### ADDENDUM.

Cum magno gaudio, neque sine aliquo dolore tamen, post scriptionem meam ad finem perductam et typis expressam, vidi adnotationem, quam in Addendis et Corrigendis adiecit Dittenberger (Syll. vol. II pag. 940), quae est haec: „*Versu 9 supplemento παραδιδόσθαι spatium non sufficere ideoque ad παραδιδόσθαι redeundum esse ectypo chartaceo examinato asseverat B. Haussoullier Revue Critique 1899 pag. 405*”. Scilicet vehementer dolebam, quod negligentia mea factum esset, ut ignarus mansissem opis, quae ex scriptione viri cl. Haussoullier a me peti potuisset; sed magno simul afficiebar gaudio, cum discerem, ea quae supra proprio Marte statuissem de lacunae spatio, confirmari testimonio fide digno viri harum rerum peritissimi qui rem suis oculis exploratam haberet; et ita fieri ut interpretationi meae, quam iam per se et probabilem et necessariam esse quantum potui demonstraveram, fundamentum substrueretur quod solidum et eiusmodi esset, quo tum cum de ea scriberem etiam careret. Eam interpretationem igitur eo magis commendatam et probatam fortasse lectori fore posse existimo.

I. M. J. VALETON.

---

## DE EURIPIDAE FABULAE PIRITHOI FRAGMENTO NUPER REPERTO.

SCRIPSIT

K. KUIPER.



In Musei Rhenani volumine huius anni, fasciculo primo, Hugo Rabe publici iuris fecit excerpta quaedam e codice Vaticano 2228 (cod. pap. s. XIV), in quo codice insunt adnotationes *Ἰωάννου διακόνου καὶ λογιστοῦ τῆς μεγάλης ἐκκλησίας εἰς τὸ Περὶ μεθόδου δεινότητος Ἑρμογένους.*

Ex tribus Euripidis tragoediis hodie deperditis, Pirithoo, Melanippa, Stheneboea Rabii cura traduntur nobis fragmenta sive nova sive maiora quam in Gregorii Corinthii commentariis ad Hermogenem nobis servata erant.

De ipso Iohanne diacono pro certo quidquam affirmari posse negat Rabijs, ne id quidem constare ratus utrum idem sit necne atque *Ἰωάννης* ille *διάκονος τῆς μεγάλης ἐκκλησίας* cuius olim Maius librum edidit *περὶ τῆς ἐξ ἀρχῆς καὶ μέχρι τέλους οἰκονομίας τοῦ θεοῦ εἰς τὸν ἄνθρωπον.* Sed hoc saltem affirmat: „der Johannes-Commentar bringt uns vor Gregor, dessen Vorlage aber war er nicht. Johannes spricht oft von Vorgängern, ihre Namen nennt er nicht.”

Argumenta fabularum apud utrumque commentatorem fere sunt similia — nisi quod codex Vaticanus servavit quaedam quae in Gregorii codice Mediceo lacera sunt, atque hic illic occasionem offert corruptelas in Gregorianis sanandi; apparet itaque ex eodem fonte fluxisse quae de Euripidis fabulis disserat uterque. Sed aliquanto breviora sunt apud Gregorium, sive

ipse decurtavit, sive auctor cui sua debebat, fragmenta ipsa quibus argumenta fabularum illustrata erant.

In Pirithoo haec dedit Gregorius (Rhet. ed. Walz. VII. 1312):  
 ἐν μὲν γὰρ τῷ Πειριθῷ παρεισάγεται Ἡρακλῆς ἐν Ἰδίου κατελθὼν  
 κατὰ κέλευσιν Εὐρυσθέως καὶ ὑπὸ τοῦ Αἰακοῦ ἐρωτῶμενος ὅστις  
 ἐστὶ καὶ ἀποκρινόμενος

ἔμοι πατρίς μὲν Ἄργος, ὄνομα δ' Ἡρακλῆς,  
 θεῶν δὲ πάντων πατὴρ ἐξέφυν Διός·  
 ἐμῇ γὰρ ἦλθε μητρὶ κεδνῇ πρὸς λέχος  
 Ζεύς, ὥς λέλεκται τῆς ἀληθείας ὕπο.  
 ἦκω δὲ δεῦρο πρὸς βίαν Εὐρυσθέως.

Decurtatum a fine hoc fragmentum esse, non potuit quin viderint editores, quamquam tacent. Etenim missum in Orcum fuisse Heraclem ab Eurystheo ipso constabat, verba autem πρὸς βίαν Εὐρυσθέως contrarium significare et omnes alii scriptores docere poterant et ipse Euripides, qui *Heraclid.* 97 scripsit:

μήτ' ἐκδοθῆναι μήτε πρὸς βίαν θεῶν  
 τῶν σῶν ἀποσπασθέντες εἰς Ἄργος μολεῖν.

item *Suppl.* 158 Ἀμφιάρεώ γε πρὸς βίαν et alibi. Sed Hercules non invito Eurystheo in Orcum descendit verum invitus ipse, vi coactus „πρὸς βίαν”; ut Menelaus *Andr.* 730 πρὸς βίαν venit in Phthiam. Commode lacerum fragmentum supplet Iohannes Diaconus et ita supplet, ut primum appareat iniuria dubitasse olim Dindorfium de fide Gregorii in argumento fabulae enarrando, „Herculis enim verba sapere prologum”, deinde, licet ipsa controversia de Pirithoi fabulae auctore parvo versuum lucro vix dirimatur, nobis iterum praebeatur occasio caute disquirendi num indolem Euripideam, „τὸν Εὐριπίδου τρόπον”, versus recens cogniti habere videantur. Quod disquirere eo minus absurdum videtur, quo magis libri Iohannis, quem ex parte nunc edidit Rabijs, ratio universa nos vetat cogitare de fraude quadam sive ab ipso Diacono, sive ab auctore quem sequitur, in antiquorum testimoniis referendis commissa. Colore Euripideo eiusmodi versus inficere, id sanequam potuerat fraudator quispiam, sed causa non est tale quid imputandi Diacono; quatenus nobis licet conferre antiquorum libros cum fragmentis a Iohanne relatis, constans eius est fides. Laudat ex Platone, Demosthene, Euripide aliis ea quae conveniunt cum libris nostris, neque unquam de se quidquam addit ficti.

Ecce igitur novum Pirithoi fragmentum :

εἰσάγεται γοῦν ἐν τούτῳ τῷ δράματι Αἰακὸς πρὸς Ἡρακλέα λέγων·  
 ἔα, τί χρῆμα; δέρομαι σπουδῇ τινα  
 δεῦρ' ἐγκοινοῦντα καὶ μάλ' εὐτόλμῳ Φρενί.  
 εἰπεῖν δίκαιον, ὦ ξέν', ὅστις ὦν τόπους  
 εἰς τοῦσδε χρίμπτη καὶ καθ' ἥντιν' αἰτίαν.  
 εἶτα Ἡρακλῆς πρὸς αὐτόν·

- 5 οὐδεὶς ὄκνος πάντ' ἐκκαλύψασθαι λόγον·  
 ἐμοὶ πατρίς μὲν Ἄργος, ὄνομα δ' Ἡρακλῆς,  
 θεῶν <δὲ> πάντων πατὴρ ἐξέφυν Διός.  
 ἐμῇ γὰρ ἦλθε μητρὶ κενυῇ πρὸς λέχος  
 Ζεὺς, ὡς λέλεκται τῆς ἀληθείας ὕπο.  
 10 ἦκω δὲ δεῦρο πρὸς βίαν, Εὐρυσθέως  
 ἀρχαῖς ὑπείκων, ὅς μ' ἔπεμψ' Αἰδοῦ κύνα  
 ἄγειν κελεύων ζῶντα πρὸς Μυκηνίδας  
 πύλας, ἰδεῖν μὲν οὐ θέλων, ἄθλον δὲ μοι  
 ἀνήνυστον τὸν δῶκεν ἐξηνυκέναι.  
 15 τοιοῦνδ' ἰχνεύων πρῶτος Εὐρώπης κύκλῳ  
 Ἀσίας τε πάσης ἐς μυχοὺς ἐλήλυθα.

Sani atque integri hi versus videntur praeter versum 14. Vitium metri quo versus illius initium laborat iam sustulit Rabijs ἀνήνυστον δ' ἔδωκεν in ἀνήνυτον δέδωκεν corrigens, quamquam dubito rectene se habeat perfectum, pro quo malim ἀνήνυτον δίδωσιν. Sed vix ferendus videtur versus exitu ἐξηνυκέναι. Perfecti quidem infinitivus post verba iubendi, mandandi, constituendi haud prorsus insolitus est; sufficit enim in memoriam revocare notum illud ὦρῃ ἐρᾶν, ὦρῃ δὲ γαμεῖν, ὦρῃ δὲ πεπαῦσθαι. Sed frustra quaeres in Euripidis fabulis exemplum litterae υ in verbo ἀνύειν, sive in aoristi sive in perfecti formis productae. Versus finem frequenter apud Euripidem efficiunt huius verbi formae: ἔργον ἤνυσσα, οὐδὲν ἤνυτον similia, semper correpta vocali. Sequiores in eiusmodi formis nonnumquam negligentiores sunt. Quapropter probabile dixerim librarii cuiusdam culpa, non ipsius Iohannis Diaconi, pravam formam huc irrepsisse. — id quod eo facilius factum est quod cum substantivis ἄθλος, πόνος, ἀγὼν nonnumquam verbum ἀνύσαι coniungunt poetae tragici, — ipsum vero Euripidem hunc in modum scripsisse suspicor:

ἀνήνυτον δίδωσιν ἐξηνυκληκέναι.

Operae pretium mihi videtur in novis hisce versibus ex Pirithoo servatis iterum experiri quod in ceteris huius fabulae versibus conatus sum (cf. Mnem. XXXV p. 367 sqq.). Non enim puerile negotium suscipere equidem putaverim eum qui demonstratum ierit Pirithoī poetam in hoc quoque fragmento ad Euripideos recurrere numeros, dictionique hic quoque eundem inesse colorem qui Euripidem prodat auctorem. Ceterum molestior fuit fortasse labor conquirendi exempla quam erit legendi, lectori itaque si cui taedium movebo, breve sanequam hoc erit taedium.

Singulos percurram versus recens repertos, exemplisque Euripideis quantum attinet illustrabo.

Vs. 1. *ἔα, τί χρῆμα; δέρκομαι σπουδῇ τινα*

*δεῦρ' ἐγκονοῦντα, καὶ μάλ' εὐτόλμῳ Φρενί.*

Qui in scena Euripidea peregrini cuiusdam adventum admirantur vel factum inexpectatum nuntiant sic solent exclamare *ἔα, τί χρῆμα, ὄρῳ* . . . sive *δέδορκα*, sive *δέρκομαι*. Locos, quales sunt *Andr.* 897, *Hipp.* 905, *Or.* 1573, *Suppl.* 92, *Herc.* 525, fr. 125 non exscribam, chartae enim parcere decet; sed praeter eos versus, omnes ab exclamatione *ἔα* sive a verbis *ἔα τί χρῆμα* incipientes, conferri velim *Andr.* 545

*καὶ μὴν δέδορκα τόνδε Πηλέα πέλας*

*σπουδῇ τιθέντα δεῦρο γηραιὸν πόδα.*

Sic semper eadem in rebus eisdem redeunt apud poetam nostrum. Quam frequens ei est dativus ille *σπουδῇ*, sive quis *σπουδῇ σκυθρωπὸς πρὸς δόμους ὀρμώμενος* describitur (*Hipp.* 1161) sive — ut *Hec.* 216 — *ἔρχεται σπουδῇ ποδός*, sive — ut *Bacch.* 212 — *πρὸς οἴκους ὄδε διὰ σπουδῆς περᾶ* (vide quoque *Phoen.* 849)! Etenim amat Euripides vocem *σπουδῇ* in quinta sede versus, ut *δεῦρο* in prima, id quod vix illustrare exemplis vellem nisi unus ex Phoenissis versus in memoria mihi haereret propter sonitus similitudinem memorabilis, versus 853 *δεῦρ' ἐκκομισθεῖς* (cf. *Hel.* 862, *Io* 1258).

Verbum *ἐγκονεῖν* nihil habet quod nos detineat. Cum ceteris Euripides id adhibet, veluti *Hec.* 507 *σπεύδωμεν, ἐγκονῶμεν*. Sed *Herc.* 520 sq. exscribi non absonum:

*δεῦρ' ὦ τέκν', ἐκκρίμνασθε πατρώων πέπλων*

*ἴτ' ἐγκονεῖτε.*

Exitu versus secundi, καὶ μάλ' εὐτόλμῳ Φρενὶ memoriam, ut saepius, Aeschyli colit poeta. Is enim *Ag.* 1302 dixerat ἀπ' εὐτόλμου Φρενός. Nec displicet Euripidi haec dicendi ratio. Frequens eiusmodi ei est versus exitus, ut *Med.* 1373 ἀπόπτυστον Φρένα, *Iph.* 327 ἀναισχύντου Φρενός, *Alc.* 778 εὐπροσηγόρῳ Φρενί. Sed nolo in ea re nunc morari, quoniam posthac accuratius disquirere in animo est, qualis vocabulorum ψυχή, Φρήν, θυμός, ἦθος, τρόπος in fabulis Euripideis usus fuisse videatur.

Sequitur versu 3

εἰπεῖν δίκαιον, ὃ ξέν', ὅστις ὦν τόπους

εἰς τοῦσδε χρίμπτη, καὶ καθ' ἥντιν' αἰτίαν.

In quibus vocabula sunt fere qualia quivis adhibere potuerit in dialogo, sive scriptor sive poeta. Verbum χρίμπτομαι cum compositis Euripidi valde acceptum fuisse, docent *Ion.* 156, *Phoen.* 99, *Cycl.* 406, *Iph. T.* 815. Veram autem, ni fallor, Euripideam originem et numeri et dictionis ordo, sedesque a singulis vocibus in versu occupatae ostendunt. Quod ad numeros attinet, cum versus tertii initio conféro *Ion.* 1017 στυγεῖν δίκαιον, *Hipp.* 914 κρύπτειν δίκαιον, fr. 240 μοχθεῖν δίκαιον, fr. 354 τιμᾶν δίκαιον (*Suppl.* 1052 τί δ' οὐ δίκαιον, *Hipp.* 1600 ἢ γὰρ δίκαιον, *Phoen.* 369 *Troad.* 962); cum fine eiusdem versus *El.* 622 ἐν ποιοῖς τόποις, *Bacch.* 1290. Structura participii ὅστις ὦν (quod sua in versu sede revocat *Andr.* 883 ἀτὰρ δὴ πυνθάνη τις ὦν τᾶδε) comparari potest cum *Phoen.* 285 σὺ δ' ἀντάμειψαι ὅστις ὦν ἐλήλυθας (cf. *Hel.* 79), versus vero finis per substantivum αἰτίαν haud insolitus recurrit. *Ion.* 1525 προστιθεῖς τὴν αἰτίαν, *Iph. T.* 64 ἀλλ' ἐξ αἰτίας, *Andr.* 1126 ποίας ὀλλυμαι πρὸς αἰτίας. Minus autem solita est dictio κατ' αἰτίαν (quacum conferatur Aesch. *Prom.* 226 Herod. II. 91) non causam (ut *Andr.* 387 αἰτίας πέρι, *Hec.* 1203 τίν' αἰτίαν ἔχων) sed consilium propositum significans, id quod saepius redit apud Aristophanem in dictione ἡλθες δὲ κατὰ τί et similibus (cf. *Nubb.* 239). Universe autem hanc Aeaci interrogationem, responsumque quod sequitur Herculis cum nullo loco Euripideo aptius compares quam *Heraclid.* 132:

ΔΗ. σὺν δὴ τὸ φράζειν ἔστι μὴ μέλλειν ἐμοὶ  
ποίας ἀφίξαι δεῦρο γῆς ὄρους λιπῶν;

ΚΟ. Ἀργεῖός εἰμι· τοῦτο γὰρ θέλεις μαθεῖν·

ἰφ' οἷσι δ' ἤκω καὶ παρ' οὐ λέγειν θέλω.  
πέμπει Μυκηῶν δεῦρδ' μ' Εὐρυσθέους ἄναξ  
ἄξοντα τούσδε.

Vs. 5 sqq. De primo tantum versu quo Hercules respondet pauca addam; versus enim 6—10 antea iam tractavi. Prorsus eodem modo numquam quantum novi versus initium instituit Euripides. Accedit proxime *Bacch.* 461, ubi Pentheo interroganti „λέξον ὅστις εἴ γένος; sic respondet Dionysus:

οὐ κόμπος οὐδεὶς, ῥᾶδιον δ' εἰπεῖν τόδε,

comparari autem cum versus initio potest *Bacch.* 780 ἀλλ' οὐκ ὀκνεῖν δεῖ, et *Suppl.* 295 qui numeris et sonitu nostrum versum revocat, licet significet contrarium: „ἀλλ' εἰς ὄκνον μοι μῦθος ὃν κεύθω φέρει". Tandem cum exitu versus confero *Iph. A.* 1146 ἄκουε δὴ νῦν, ἀνακαλύψομεν λόγον (cf. *ibid.* 872). Opponi potest *Med.* 282 παραμπέχειν λόγον.

Haud minus versus illi, qui post 6—10 ex Gregorii commentario iam pridem cognitos sequuntur, persuadere possunt lectori ex Euripidis officina Pirithoum fabulam provenisse.

Vs. 11 ἀρχαῖς imperium indicatur ratione non dissimili ab *Iph. A.* 343, *Andr.* 699, *Or.* 857. Alibi distinctius iussa Eurysthei circumscribit Euripides: „Εὐρυσθέως πομπαῖσι" (*Herc.* 580) sive „ἐντολαῖς" *ibid.* 1275. — Participium ὑπείκων more Euripidi inprimis proprio partem versus priorem claudens, collocatum habemus ea sede qua est fr. 390 ἐπτησο' ὑπείκων (cf. 431 Ζεύς, ἀλλ' ὑπείκει).

Vs. 11 ὅς μ' ἔπεμψ' Ἀϊδου κύνα | ἄγειν κελεύων. Apte, quibuscum haec comparentur sunt *Herc.* vs. 22:

βέβηκ' εἰς Ἀϊδου τὸν τρισάματον κύνα  
εἰς Φῶς ἀνάξων.

Finis autem versus in Μυκηνίδας exiens in memoriam revocat versus *El.* 761 παρθένοι Μυκηνίδες et *Phoen.* 865 in Μυκηνίδα desinentes, quam formam alibi quoque pro adiectivo usitatiorē Μυκηναῖος Euripides adhibuit (vide *Or.* 1246. 1470).

Extremi versus non multa singularia habent dictionis Euripidae insignia. Nempe ἰχνεύειν scenicis commune est, πρᾶγος vox magis fortasse a Sophocle quam ab Euripide usitata, nec tamen ab eius sermone est aliena, κυκλῶ in fine versus habent omnes: Euripides *Hel.* 1557. Sed impense gaudet idem sub-

stantivo *μυχός*, quod vario sensu adhibet. Sic *Hec.* 1040 habemus *δόμων μυχούς*. *Iph. A.* 660 *Αύλιδος μυχοῖς*, *Troad.* 84 *κοῖλον Εὐβοίας μυχόν* (cf. *Hel.* 820). Tandem moneo non tantum *Bacch.* 17 prorsus simile versui nostro extremo habere initium *Ἀσίας τε πάσης* — dictione autem convenire quoque *Ion.* 1355 *πᾶσάν γ' ἐπελθὼν Ἀσίαν Εὐρώπης θ' ὄρους* et *Ion.* 1586 *Ἀσιάδος τε γῆς | Εὐρωπίας τε* — sed etiam exitum versus Euripideum colorem habere. Versus sic in *ἐλήλυθα* exeuntes habes multos; exemplo sint *Bacch.* 1201 *ἦν φέρυσ' ἐλήλυθα*, *Iph. A.* 1270 *βουλόμενον ἐλήλυθα*, *Hipp.* 946 *ἐς μίασμ' ἐλήλυθα*, *Phoen.* 384 *διὰ πόθου δ' ἐλήλυθα*.

Sed nolo pergere *στάθμῃ καὶ ταλάντῳ* poësin exigere. Sufficiunt haec, eis quidem qui tali ratione opuscula poetae cuidam vindicari posse non negent. Nec tamen aliam rationem video qua de versibus tam paucis tamque simplicibus disceptando efficiamus Euripidine debeantur an Critiae. Et mihi quidem haud minus quam antea, repertis hisce versibus verisimile videtur Pirithoi poetam Euripidem fuisse.

Ser. Amstelodami mense Martio exeunte.

PLUT. DE CAP. EX INIM. UTIL. 92 B.

Bonus hortulanus rosis violisque porrum et caepe apponit, quae quidquid humus acre habeat et male olens ad se trahant. Sic amicis te leniorem et in eorum re secunda minus invidum faciet *ὁ ἐχθρὸς ἀναλαμβάνων καὶ περιέπων τὸ κακόνῃς καὶ βάσκανον*.

Nullus hic locus verbo q. e. *περιέπειν*, sed quid requiratur totus clamat contextus: vitia illa inimicus non solum in se recipit sed etiam (nam sic demum prodest) *retinet*. Lege ergo *περιστέλλων* et cf. de Virtute et vitio p. 100 C: *ἦν ὁ ἄνθρωπος ἀναδίδωσιν ἐξ ἑαυτοῦ θερμότητα ταύτην ἢ ἐσθῆς τῷ σώματι προσπεσούσα συνέχει καὶ περιστέλλει*.

J. J. H.

# NOVAE CONIECTURAE IN FRAGMENTA MENANDREA REPERTA A LEFEBURIO.

SCRIPSIT

H. VAN HERWERDEN.

*Novas* dico has suspensiones respiciens eas quas iam vulgavi antehac in Berliner Phil. Woch. 1908 Ian. 18 et 25.

Nunc vero uti mihi licuit Leeuwenii editione multo emendatiore quam curare potuit codicis primus lector et editor. — Nullus vero dubito quin compluribus locis, ubi non nisi dispersas quasdam litteras notavit Lefebvre, codex denuo inspectus viro oculatiori et tam palaeographiae quam sermonis et numerorum peritiori plura certiora oblaturus sit, quae firmiora praebeant emendaturis subsidia. Leeuwenianae editionis laudandae alia mihi dabitur occasio: nunc eximio libro gratus utar sequens tantum non ubique eius verborum personarumque dispositionem et versuum numerationem.

## AD DISCEPTANTES (Ἐπιτρέποντας).

Vs. 25. ἐν τῷ δάσει τῷ πλησίον τῶν χωρίων  
τούτων ἐποίμαινον κτέ.

Substantivum δάσος pro δασύτης quamquam legitime formatum ut βάθος, πάχος, τάχος, alia multa, non nisi a recentibus scriptoribus usurpari videtur neque igitur iniuria damnari a veteribus Atticistis. Quia autem Menandri codex caret accentibus, nihil nos vetat ΔΑCΕΙ habere pro dativo neutro adiectivi δασύς et rescribere δασεῖ. Δασὺ χωρίον saepius legitur apud Thucydidem et Xenophontem.

Vs. 103. βλέψον δὲ κάκει, πάτερ· ἴσως ἔσθ' οὕτως  
ὁ παῖς ὑπὲρ ἡμᾶς, κτέ.

Ἐκεῖ pro ἐκεῖσε procul dubio non est aetatis Menandreae et βλέψον ἐκεῖ aequae soloecum ac Latine foret *specta hic pro huc*. Recte igitur iam antehac suasisse mihi videor:

βλέψον δέ, πάτερ, κάκει· ἴσως κτέ.

Of. usitatissimum comicis βλέπε δεῦρο.

Vs. 170. ὑπόχρυσος δακτύλιδος τις οὕτως.

Vulgo quidem ἐπίχρυσος et ὑπόχρυσος ad similitum compositorum analogiam sic distinguuntur ut illud significet *cui superest aurum*, itaque *deauratus*, hoc vero *cui subest*, quapropter antehac suadebam ἐπίχρυσος, quod recepit vLeeuwen. Mox vero coepi dubitare num recte fecerim. Minus me movet ter eodem sensu ὑπόχρυσος lectum apud Philostratum minorem, qui plurima habet a vulgari usu remota, *vit. Apollonii* 48, 3; *Imag.* 304, 15 et 339, 12, quam titulus ap. Dittenberg. *Syll.* n° 588, I 61 δακτύλιοι ὑπάργυροι et III χονδύλιον ὑπόχρυσον. Atticum tamen bonae aetatis exemplum desiderans ampliandum censeo. Reputandum fortasse Menandri et aequalium sermonem iam a puro Atticismo descivisse visum esse grammaticis antiquis.

Fieri potest ut huc pertineat etiam mirus usus verbi καταμένειν vs. 198, ubi Syrisus Onesimo, qui dixerat opportunum non videri eo die domino suo epulanti cum amicis tradere anulum, sed postridie, respondet

καταμένῳ

αὔριον κτέ.

Καταμένειν antiquis est *manere in loco*, quae notio hic aperte non convenit, sed seriores dicere coeperunt καταμένειν ἐπὶ τινος, *persistere in aliqua re* et fortasse interpretandum: *non mutabo propositum*. Non potuit saltem ita dici pro ἀναμένῳ τὴν αὔριον, *expectabo diem crastinum*, qualem sententiam hic expectaveris.

Vs. 218 *Habrotonon*

οὐκ ἔτι μ' ἔῃ γὰρ οὐδὲ κατάκεισθαι, τάλαν,  
παρ' αὐτόν, ἀλλὰ χωρίς.

Sic cum spiritu leni uterque editor, sed requiri arbitror pro-

nomen reflexivum αὐτόν. Pro οὐκ ἔστι autem uno vocabulo scribendum esse οὐκ ἔστι sequi mihi videtur ex μηκέτι.

Vs. 280 *Onesimus*

πρότερον ἐκείνην ἥτις ἔστιν, Ἀβρότερον,  
εὐρωμεν, ΕΠΙΤΟΤΤΩΔΕΜΟΙΟΤΝΤΝ[.]ΕΛ[.]

Presse quidem litterarum vestigiis insistens Lefebvre edidit: εὐρωμεν, ἐπὶ τούτῳ δ' ἔμοι<γ> οὐ νῦν [μ]έλ[ει], sed ἐπὶ τούτῳ — μέλει pro τούτου — μέλει Graecum non est. Nec tamen opus est ad iusto audaciorem Leeuwenii (fatetur ipse) coniecturam (ἐπὶ τοῦτον δ' ἴωμεν ὕστερον) confugere, quoniam scribi posse videtur εὐρωμεν, ἐπεὶ τοῦτου γ' ἔμοιγ' οὐ νῦν μέλει  
*quandoquidem hunc ego sane in praesentia non curo.*

Vs. 340. *Onesimus* secum:

τοπαστικὸν τὸ γύναιον ὥς ΕΠΙΘ ὅτι  
κατὰ τὸν ἔρωτ' οὐκ ἔστ' ἐλευθερίας τυχεῖν,  
ἄλλως δ' ἀλύει, τὴν ἐτέραν πορεύεται  
ὁδόν.

• De coniectura vLeeuwen edidit

τοπαστικὸν τὸ γύναιον! ὥς ἡσθηθ' ὅτι κτέ.

Aptissime sane et vellem ita scripsisset Menander. At vix credibile HICΘΗΘ abire potuisset in litteras praeter ultimam dissimillimas. Fac vero in archetypo vitiose exaratum fuisse OPACΘ pro OPAΘ, fortasse locus concedetur leniori coniecturae:

τοπαστικὸν τὸ γύναιον, ὥς ὁ ρᾶθ'! ὅτι κτέ.

*uti videtis* (dicta at spectatores, ut saepius ἄνδρες in comoedia antiqua et nova). *Propterea quod via amoris non est parabilis libertas itaque* (hanc ingressa) *frustra errat, alteram viam ingreditur.* Attamen ita nescio an legendum sit potius vs. 3:

ἄλλως δ' (sc. ἔστιν) ἀλύει<ν>.

Vs. 360. *Onesimus*

οὐτοσὶ

τίς ἐστ' ὁ προϊών; Σμικρίνης ἀναστρέφει  
ἐξ ἄστεως πάλιν ΤΑΡ . . . ΩCΘ. ΩΝ  
αὐθις· πέπυσται τὰς ΑΛ . . . . . IC  
παρά τινος οὗτος; ἐκποδὼν δὲ βούλομαι  
ποιεῖν ἐμαυτὸν . . .

Diu et multum me hic locus eiusque sententia exercuerunt.

Smicrines, Charisii socer, Onesimo servo eiusdem occurrit rediens ex urbe rus, ubi eum habitasse iam suspicari poteramus ex prima scena, in qua arbitrio inter pastores fungitur. Quid vero iam audivisse eum in urbe Onesimus suspicatur? Vix aliud, opinor, quam quod utriusque, tam servi quam soceri referat, scil. dissidia inter coniuges, filiam suam et Charisium; quod si ita est, non miramur Onesimum, fortasse e minaci personati Smicrinae aspectu aut gestibus turbidum animi statum efficien-tem, nolle cum eo congregi, ne de dominorum suorum inimi-citiis interrogetur.

Talia mecum reputans (nec tamen sine dubitatione) conieci:

οὐτοσι

τίς ἐσθ' ὁ προσίων; Σμικρίνης. — ἀναστρέφει  
ἐξ ἄστεως πάλιν, ταρ[ακτικ]ῶς ἔ[χ]ων  
αὖθις. πέπυσται τὰς ἀμ[ηχάνους] στάσε[ι]ς  
παρά τινος οὗτος; ἐκποδὼν δὲ βούλομαι  
ποιεῖν ἐμαυτὸν . . .

Verba *ταρακτικῶς ἔχων* significant *praeceps ad turbandum*, itaque convenire videntur Smicrinae indoli, qualem novimus ex vss. 464—533. Gallice de eiusmodi homine dixeris *c'est un tapageur!* aut *il est d'humeur tapageuse*.

Vs. 399. *Onesimus*

ὑπομαίνειθ' οὗτος! νῆ τὸν Ἀπόλλω, μαίνεται·  
ἐμάνη γ' (?) ἀληθῶς· μαίνεται, νῆ τοὺς θεούς,  
τὸν δεσπότην λέγω Χαρίσιον. χολή  
μέλαινα προσπέτωκεν ἢ τοιουτονί  
... ἀγαντ . . . . . αλλογεγον[.]

Confidenter expleverim sic verba ultima:

ἢ τοιουτονί

[μέγ'] ἄγαν τ[ι] αὐτῷ δὴ κακὸν] ἄλλο γέγον[έ] πως.]

Vs. 415. ἀλειτήριος.

Utpote ductum ab ἀλειτής, hoc adiectivum ubique per di-phthongum ἀλειτήριος scribendum arbitror, quod confirmatur secundae syllabae longitudine. Cf. etiam Blass in opere *De eloquentia Attica*, vol. III<sup>2</sup>, 1, 107, 3.

Vs. 418. „— οὐκ ἔσχον οὐδ' ἔδωκα συγγνώμης μέρος

οὐθὲν ἀτυχούσῃ ταῦτ' ἐκείνῃ, βάρβαρος  
ἀνηλεὲς τε!" λοιδορεῖ τ' ἐρρωμένως  
αὐτῷ βλέπει θ' ὕφαιμον ἡρεθισμένος.

Sic vLeeuwen Wilamowitzium secutus edidit pro ΤΕΛΟΙΔΟΡΕΙ  
et ..CΩ, sed soloece, quia λοιδορεῖν cum quarto, λοιδορεῖσθαι  
cum tertio casu iungi iubet constans lex sermonis, itaque aut  
αὐτὸν requiritur aut ἀσυνδέτως scribendum λοιδορεῖται).

Vs. 445. χ.....τ' ἦδετο μετὰ τ[ ,  
οπ... μενεισων Χαρισίῳ[  
οἱ...περ οἶσθα πιστός· οὐ γάρ ἐστι δὴ  
ἐταιρίδιον τοῦτ' οὐδὲ τὸ τυχ[  
υῖοτ δηδε καὶ παιδάριον...[  
ἐλεύθερος. πᾶξ. μὴ βλέπ[  
καὶ πρῶτον αὐτὸν κατὰ μόν[ας  
τὸν Φίλτατον καὶ τὸν γλυκύτατ[ον

Initio vs. 2 sq. agi videtur de Onesimo fideli Charisii servo,  
nec dubito quin recte Lefebvre dederit οἶδ' ὅν περ; deinde vero  
de puerulo, Syrisi pastoris alumno, quem iam Onesimi, do-  
miui sui anulum agnoscentis, praesertim ope (adiuvantibus  
Habrotono et Sophrona) Pamphilae filium esse apparuit, quique  
nunc, ni fallor, matri suae nondum huius inventi consciae (a  
nutrice?) affertur. Nempe vss. 447 sqq. leniter reflectos in hunc  
fere modum expleverim:

οὐ γάρ ἐστι δὴ  
ἐταιρίδιον τοῦτ' οὐδὲ τὸ τυχ[ὸν παιδίον,  
υῖος δὲ δὴ (sic iam antehac et ego) τὸ παιδάριον [ἐλευ-  
ἐλεύθερος. πᾶξ! μὴ βλέπ[ ἄλλος, ὃ Φίλη, θέρα;  
καὶ πρῶτον αὐτὸν κατὰ μόν[ας λάβ' ὠλέναις,  
τὸν Φίλτατον καὶ τὸν γλυκύτατ[ον, οὐχ ὄρε;

Quibus si quid veri inest, ut inesse credo, Smicrinae (cui  
vLeeuwen tribuit), qui usque ad finem veram pueri originem  
ignoravit, haec verba esse nequeunt, sed Pamphilae dicuntur  
aut ab Habrotono aut, quod veri similis, a Sophrona nutrice. —  
Allatum sibi infantem nondum ut suum agnoscens, mater avertit  
vultum. Sic igitur praeparari scenam τῆς ἀναγνώσεως suspicor.

Vs. 518. Pro πεντάμηνῃ potius Attice scripserim πεντέμηνῃ.  
Vid. Lobeck. Phryn. 413. Cf. tamen dicta ad vs. 170.

## AD CIRCUMTONSAM (Περικειρομένην).

Vs. 15. Recipienda fuerat certa Croenertii (et mea) emendatio διδοῦς pro δίδωσ', quod sententiam pessumdat.

Vs. 115.

*Davus.* Μοσχίων, ἡ μὲν (Glycera) λέλονται καὶ κάθεται.

*Moschion.* Φιλτάτη!

*Davus.* ἡ δὲ μητὴρ σου διοικεῖ περιπατοῦσ' οὐκ οἶδ' ὅ τι.  
εὐτρεπὲς δ' ἄριστόν ἐστιν, ἐκ δὲ τῶν ποουμένων  
περιμένειν δοκοῦσί μοι σε Π.ΛΟΤ...[

Vitiosam esse syllabam ΛΟΤ numeri demonstrant. Suadet sententia:

περιμένειν δοκοῦσί μοι σε π[ο]λὺν ἄγαν [ἤδη χρόνον.]

Cf. *Samia* 330, ubi de coenantibus σὲ γὰρ δὴ περιμένουσ' οὗτοι πάλαι.

Scena est propter verniles Davi iocos lepidissima, quo magis dolendum eam scatere lacunis non explebilibus. Glycera ob falsam adulterii suspicionem a Polemone circumtonsa confugerat ad vicinam suam Myrrhinam, quam educatus ab illa Moschion pro matre sua habebat, et comiter ab ea fuerat recepta, Moschion vero, qui Glyceram quam amabat sororem suam esse nesciebat, a militia redux non poterat dubitare, quin mater adoptiva ipsum quoque domi suae libenter esset admissura et futura amoris suo. Sed res aliter cecidit; nam illam, procul dubio a Glycera de sua cum Moschione consanguinitate edoctam, filium adoptivum domo exclusisse non est quod miremur. Quam rem mox Davus, qui ipse ut domini sui nuntius facile introductus cibis se ingurgitaverat (cf. 279 sqq.), confiteri coactus est vs. 129 sq. dicendo:

ὥς γὰρ ἐλθὼν εἶπα πρὸς τὴν μητέρα

ὅτι πάρει „μή μοι τι τούτων!“ Φησίν, οὐδ' ἀκήκοεν.

Vs. 154. Eiusdem dialogi haec sunt:

(*Davus*) ἀνεκοινοῦτό μοι

ταῦτ' ἀκοῦσαι παρ' ε...νυν.

*Moschion.* ποῦ πεδήσας κατα...

... ε περιπατεῖν ποεῖς με περίπατον πολύν τινα.  
ἀρτίως μενου ... ἤθεσ ... δ. λ. .... ας πάλιν.

Suspisor:

D. ἀνεκοινοῦτό μοι

ταῦτ' ἀκοῦσαι παρὰ γ' ἐ[κεί]νων.

M. ποῖ πεδήσας κατὰ [μόνας]

οὔτω (?) περιπατεῖν ποεῖς με περίπατον πολύν τινα;

ἀρτίως μὲν οὐ[κ ἔ]πηρες, [νῦν] δ[ὲ] [λελύπηκ]ας πάλιν;

i. e. quo consilio invitum (vincitum) solum ita iubes me diu deambulare? nonne modo quidem (spe) me erigebas (excitabas), nunc vero (dolore) afflixisti denuo? Verbo πεδᾶν, quod proprie usurpatur de dominis vincientibus servos, de industria Moschion utitur de Davo tractante ipsum ut servum suum.

Vs. 176 sq. Ita explendi videntur verba Polemonis ad mancipia sua, quae ipse domum relinquens Glyceram custodire iussisse videtur:

ὕμεῖς δ' ἀφήκαθ', ἱερόσυλα θηρία,

ἀφήκατ' ἔξω τῆς θύρας [τὴν] ἀ[θλίαν];

Mox (179) secuntur haec:

ἡ δ' οἴχεθ' ὥς τὸν γείτον' εὐθύς δηλαδὴ

τὸν μοιχόν! οἰμώζειν, ὀρᾶς, α. η μ . . μ . . α.

καὶ μεγάλα.

Verbum οἰμώζειν non habet unde pendeat, nec ὀρᾶς commodam hic praebet interpretationem.

Conieci:

οἰμώζειν ἐρᾶτ(ε)', [ο]ἴμ[α]ι, μ[ακρ]ᾶ

καὶ μεγάλα!

i. e. *plorare cupitis, opinor, diu multumque!*

Vs. 189. Polemon cum suis vi intrare volens aedes Myrrhinae, ut Glyceram petat, sic ad Davum ianuam defendentem:

πότερα νομίζετ' οὐκ ἐκείνην

οὐδ' ἄνδρας εἶναι;

Davus. μὴ μὰ Δία τὸ [

ᾧταν δὲ τετράδραχμον τοιου[

Locum sic fere expleverim:

P. πότερα νομίζετ' οὐκ ἐκείνην [ἐξολεῖν,]

οὐδ' ἄνδρας εἶναι; D. μὴ μὰ Δία το[υτ]ὶ λέγε·

ᾧταν δὲ τετράδραχμον τοιοῦ[τον ὄρῳ, πάνν.]

P. *Num putatis non illam (Glyceram) me perditurum, nec viros esse? D. Noli per Iovem istud dicere! .. sed, quando talem (qualis tu es) video mercennarium, omnino (ita existimo, vos viros non esse)! God beware, dat ik in 't algemeen aan 't bestaan van mannen zou twijfelen! Maar, zie ik een laarzegepoetst zooals gij zijt, dan geloof ik zeer zeker dat gij geen mannen zijt!*

Vs. 197.

*Polemon.* ὡμῶν ..... ας πρὸς τίν' οἴεσθ', εἰπέ μοι,  
παίζειν ..... ρος; κατὰ κράτος τὸ δυστυχὲς  
οἰκίδιον τοῦτ' αὐτίκ' ἐξαίρησομεν.  
ᾧπλίζε τὸν μοιχόν!

*Davus.* πονηρόν, ἄθλιε,  
ὥσπερ παρ' ἡμῖν οὔσαν € . . . Νεῖς πάλαι.

Ultima sic redintegranda esse conicio:

*D.* πονηρόν, ἄθλιε (sc. ἐξαίρειν τὴν οἰκίαν),  
ὥσπερ παρ' ἡμῖν οὔσαν "Ἦν ζητεῖς πάλαι,  
*quasi apud nos sit quam dudum quaeris (Glycera).*

Nam hoc postulare videtur sententia, quamquam ita sumendum litteras € et N in codice male lectas esse aut corruptas. — In vs. 198 expectabam παίζειν [ἀκαλ]ρω, sed denuo refragatur lacuna sex litterarum capax et traditum O.

Vs. 263. *Moschion* ad oppugnatores aedium Myrrhinae:

οὐκ ἐκΦθερεῖσθε θᾶπτον ὑμεῖς ἐκποδών; —

λόγχας ἔχοντες ἐκπεπηδήκασί μοι,

265 οὐκ ἂν δύναιντο δ' ἐξελεῖν νεοττιᾶν

χελιδόνων, οἳ παρὲς οἱ βάσκανοι. —

ἀλλὰ ξένους, Φήσ', εἶχον. εἰς δ' οἱ ξένοι

οἱ περιβόητοι Σωσίας εἰς οὔτοσί κτέ.

Primum pro ΕΚπεπηδήκασι requiro ΕΙCπεπηδήκασί sc. εἰς τὴν οἰκίαν, nam μοι videtur esse dat. ethicus (cur non praeferam ἐμπεπηδήκασί μοι mox dicam), deinde vero haereo in Φήσ' vs. 267, nam si recte Sosias a Leeuwenio pro Moschionis ministro armato habetur, procul dubio requiritur Φήμ', ut sit sententia, famosos illos mercennarios, quos olim duceret Moschion, nunc ipsum deficere et unum superesse Sosiam; neque aliter locum possum interpretari, nam neque Φησί intellegi potest de Pole-

mone, neque εἶχον esse tertia persona numeri pluralis, licet haud diffitear mirum videri posse, Moschionem, quem paullo ante solum ambulanti offendimus, hic repente apparere cum stipatore. Nisi adeo lacunosa forent antegressa, procul dubio non haereremus. Si autem recte loci compositionem rationemque perspicio, Moschion haec dicit *e longinquo* clamans minitabundus et ferox, germanus Pyrgopolinices, mox vero vs. 267 sqq., intellegens cum unico suo ministro nihil se profecturum dimicando cum pluribus, a pugna abstinet, deplorando miseram suam sortem contentus.

Vs. 278. *Moschion.* ἀλλ' εἰς οἶκον ἐλθὼν ἐκποδῶν

ἐνταῦθα κατεκείμην συνεστηκὼς πάνυ.

Difficile dictu est, quid h. l. significet *συνεστηκὼς*. Lubens verterim *compositus*, i. e. tranquillus, quamquam nullum novi locum, ubi hoc sensu vox usurpatur, quod idem valet de Lefeburii interpretatione *absorbé dans mes pensées*.

Vs. 301. Frustra quaero quid sibi velint verba [οὐ γὰρ γέ-  
λ]οιον τὸ κακόν sic expleta et Pataeco tributa a Leeuwenio. Nec vero lacunam *tredecim* litterarum capacem *octo* sarcire possunt.

Vs. 317. Glycera orationem suam (nondum ab omni parte expeditam), qua adulterii crimen indignabunda repellit, finit his verbis:

Πάταικε, καὶ σὺ ταῦτα συμπεπεισμένος

ἤλθες τοιαύτην θ' ὑπέλαβές μ' εἶναι κόρην;

Quibus Pataecus respondet:

μὴ δὴ γένοιτ' ὦ Ζεῦ πολυ[τίμητ']

δείξαις ἀληθῶς ὄντ'· ἐγὼ [

ἀλλ' ἄπιθι, μηδὲν ἤττον

ὑβριζέτω τὸ λοιπόν.

Sed verba ἀλλ' ἄπιθι haec omnia Pataeco tribui vetant. Venit in mentem locum partim fortasse sic posse redintegrari:

μὴ δὴ γένοιτ'· ὦ Ζεῦ πολυ[τίμητ']! — εἴθ' ἂν Φῆς

δείξαις ἀληθῶς ὄντ'· ἐγὼ [δ' ἀπέρχομαι (aut δ' ἄπειμι δὴ).

*Glycera.* ἀλλ' ἄπιθι, κτέ.

Ad verba μὴ — πολυ[τίμητ'] mente supplendum ex antecedentibus:

*ut talem te esse ducam. Tum verte: utinam demonstres quae ais re vera ita se habere!*

Vs. 329. Obiter corrigantur typorum vitia ἀκακῶς et in *Samiae* vs. 165 Φαυλῶς pro ἀκάκως et Φρύλως.]

## AD SAMIAM.

Vs. 117. ἦν ἂν ἐπὶ τῆς αὐτῆς διανο[ίας ὡς τὸ πρὶν.]

Apte quidem ita hunc versum explevit Croiset, sed nescio an pro ὡς magis Attice scribendum sit ἦς. Platonem Phaed. p. 86 A non τῷ αὐτῷ λόγῳ ὥσπερ, quod traditur, sed ὥπερ σύ scripsisse existimo. Similiter Latine *idem qui* dicitur, non *idem ut*, et *idem ac*, ut Graece ὁ αὐτὸς καί.

Vs. 125. πολλὰ δ' ἔργ' ἐργάζεται

καὶ δεῖν' ἄκρατος καὶ νεότης, ὅταν λάβῃ

καιρὸν ἐπιβουλεύσαντά τοι τοῖς πλησίον.

Vide ne particula affirmativa τοι, quam hic additam non expectes, dittographia nata sit e sequenti articulo. Longe certe malim, quod etiam suavius sonat, τοῖς<ι> πλησίον.

Vs. 185. Quamquam τυθέν ex vulgari scribendi norma fortasse recte pro tradito θυθέν dedit vLeeuwen, notandum tamen ipsos veteres haud raro hanc grammaticorum legem migrasse, ut vel in hoc ipso vocabulo saepius peccari docent tituli. Sic in Deli inscriptione a. 250 a. C. BCH VII p. 65 legitur θυθέντος, item in Magnesiae ad Maeandrum saec. II a. C. titulo ibidem p. 99, 7; ἀπεθύθη in Smyrnae tit. Rev. des ét. Gr. XIV, 300, n. 11, 3. Cf. Nachmanson, *Laute und Forme der Magn. Inschr.* p. 79.

Vs. 208. *Demeas.*

Ἡράκλεις,

ἡλίκον κέκραγε (Niceratus)! τοῦτ' ἦν· πῦρ βοᾷ· τὸ παιδίον

Φησι... εἰ... ἐμπρησείναιωδουν ὀπτωμένον

...ρ... πέπληχε τὴν θύραν.

Ita codex, unde vLeeuwen

Φησὶν ἐμπρήσειν, ἐκείνην (Chrysidem) οὐδὲν οὖν ὀπτη-  
δψον ἔξειν. ἦν, πέπληχε τ. θ. [μένον

ingeniose sane et partim vere; nam *δπτώμενον* servari poterit, modo deinde scribamus:

*δψον δψεσθαι. πέπληχε τὴν θύραν*

cum assonantia triplice.

Vs. 239. Obiter castigo turpem errorem meum haerentis antehac in optima huius versus mensura.

Vs. 325. *Demeas* (ad *Moschionem* aversatum)

*ὕστεριζεῖν μοι δοκεῖς σύ· παντελῶς ἀπαλλαγεῖς  
πραγμάτων, εἰδὼς δ' ἀκριβῶς οὐδὲν οὐδ' ἀκηκῶς,  
διακενῆς σαυτὸν ταραττεῖς ἐξιὼν· τί δῆτ' ἔχεις;*

Moschion, qui patri iratus Parmenonem servum miserat domum, ut sibi afferret paenulam et gladium abituro peregre militatum, nisi pater ipsum (quod sperabat Plangonis quam amabat causa) obsecrasset ut domi maneret, nunc vero simulat se Demeam habere pro Parmenone, qui nondum redierat; Moschion igitur creditur respondere:

*οὐ Φέρεις; ..... ἀρ σοι τοὺς γάμους .... CK ....*

post quae *Demeas* dantur sola verba:

*οὐμια. γ ..... ἀναπτέται Ἡφαίστου ...*

Ut vero probat iterata quasi ad servum quaestio *οὗτος οὐ Φέρεις*; omnia quae secuntur usque ad finem vs. 329 sunt *Demeae*, continuantis, ut arbitror, querelas, quod filius ad nuptiale convivium ipsi et sponsae paratum non venerit. Nimirum legendum suspicor:

*Mosch. οὐ Φέρεις; Dem. [ἄλλως] ἄρ' <—> σοι τοὺς γάμους  
[παρέ]σχ[ομεν,*

*θυμιᾶ[ται τ' ἡδ'] ἀνάπτει θύμαθ' Ἡφαίστου [βία]!*

*Frustra ergo nuptias tibi prae buimus, frustra quoque tus suffitur et accendit hostiam Volcani vis; quae si recte sic restitui, compluria sermonis tragici indicia produnt versum alterum esse parodiam aut paratragediam. In priore versu fortasse post ἄρ' nihil aliud supplendum quam ἄ, eheu!; ἄρ' οὖν recentis admodum est graecitatis.*

# ANNOTATIONES AD STATII THEBAIDEM.

SCRIPSIT

P. H. DAMSTÉ.




Singulari studio atque mira industria viri docti his proximis annis Statii carminibus pervestigandis ac melius cognoscendis impenderunt operam: Klotz, Kohlmann, Vollmer, Wilkins, Garrod, Phillimore — quot nomina surgunt! His ipsis diebus libellus ad me perlatus est, quo M. Schamberger de P. Papinio Statio verborum novatore plenam doctamque inquisitionem instituit <sup>1)</sup>. Minime mirum id quidem, tot virorum curas nostrae Statianorum operum notitiae permultum profuisse, at tamen etiamnunc multas restare dubitationes et controversias in auctore tam difficili nemo mirabitur. Postquam igitur de locis compluribus, qui in Thebaide et in Achilleide sunt, antea egi <sup>2)</sup>, nunc locos e Thebaide tota petitos deinceps pertractabo, quos aut male suspectos interpretatione allata explicare aut corruptos exigua adhibita mutatione restituere posse mihi videor. Editionibus usus sum, quas Kohlmann, Wilkins, Garrod curaverunt, e quibus illam minime mihi placuisse plane confiteor: tot coniecturas minime necessarias, Lachmanni et Baehrensii imprimis, editor Germanus poetae obtrudere, tot propositis omnino improbabilibus apparatus suum onerare atque commaculare non est veritus. Quid mirum, identidem cantilenam illam de nostra-

---

1) In dissertationibus philologicis Halensibus Vol. XVII pars 3, Halis Saxonum MCMVII.

2) In Mnemos. Vol. XXXV p. 130—142, XXXVI p. 61 et 182 et in albo gratulatorio S. A. Naberi p. 79—84.



tium coniectandi levitate iam decantatam mihi venisse in mentem? Nempe disquisitio de codicibus mss. diligentissime instituta iam comprobavit, Thebaidos recensionem ad hanc normam utique dirigendam esse: ubicumque codices consentiunt, textus est qualis saeculo V. vel VI. iam legebatur, quandoquidem iam antiquis temporibus stirpes codicum nostrorum disceserunt. Ergo corruptelas ibi tantum latere credibile est ubi codices dissentiant aut eas esse quae paucis singulisve litteris mutatis tolli possint. In universum igitur hoc probe tenendum est, in Thebaide enucleanda et extendenda interpretatione magis quam emendatione elaborandum esse.

E trimestri Teubneri libello modo cognovi, Alfredum Klotzium, virum de ceteris Statii poematis optime iam meritum, editionem alteram recensionis Kohlmannianae iamiam emissurum esse. Quare audita primum meas observationes ad tempus suppressere decreveram, sed reputans eas maximam partem ad carminis interpretationem pertinere atque emendationes, si forte cum summi viri lectionibus consentirent, eo futuras probabiliores, denique consilium mutavi atque iudici illi idoneo iustoque eas iam nunc submitto. Siquando vir doctus existat qui commentario in Thebaidem nos ditare velit ad eius exemplar quo Vollmer Silvas adornavit, ex hisce annotationibus aliquantulum fructus forsitan ei redundare possit.

#### LIBER PRIMUS.

limes mihi carminis esto

Oedipodae confusa domus, quando Itala nondum

18 signa nec Arctos ausim sperare triumphos.

N. Heinsius pro *sperare* legendum censuit *spirare*; assensi sunt Bentleius et Marklandus (ad Silv. I. 4. 9), Kohlmann et Wilkins coniecturam etiam receperunt — Garrod non item. Multa me adducunt ut summos viros poetae non suum restituisse credam sed potius eum scripsisse: superare, quae quidem haec sunt. Primum in Silv. IV. 4. 94 sqq. idem argumentum poeta his verbis exposuit:

Troia quidem magnusque mihi temptatur Achilles,  
sed vocat arcitenens alio pater armaque monstrat

11701

Ausonii maiora ducis. trahit impetus illo  
iam pridem retrahitque timor. stabuntne sub illa  
mole umeri an magno vincetur pondere cervix?

In Ach. I. 189 est:

quae tumidae superarit iussa novercae

Amphitryoniades.

Deinde scholiasta ad locum nostrum observavit: „ideo Graeca bella scribo, quia Latina non possum”, denique verbi audendi notio apud Statium saepe prope ad verbi *posse* vim accedit, cf. Ach. I 544:

non mihi quis vatum dubiis in casibus ausit  
fata videre prior,

de quo loco in Mnem. Vol. XXXV p. 139 egi, et Theb. II. 217:  
tantum ausae perferre manus!

Ad *superare* nimirum post *carminis* facile intellegitur: canendo; poeta igitur dicit se non posse „Martem aequare canendo”, ut Silv. V. 3. 11 legitur.

In precibus ad Furias datis Oedipus et alia dicit et haec:

mox avidus poenae digitis caedentibus ultro

72 incubui miseraque oculos in matre reliqui.

Hic versus multis criticis scrupulum iam iniecit. Bentleius *in mente* — Peyraredus *in morte* scripsit, Garrod vero *miserosque* edidit servata scriptura tradita *in matre*.

Aperire liceat quomodo olim locus explicari posse mihi visus sit.

Oedipus verba facturus „vacuos orbis — ostentat caelo manibusque cruentis pulsat inane solum” (vs. 55). Haec verba a scholiasta bene illustrantur versu Vergiliano (Aen. VI. 269): „perque domos Ditis vacuas et inania regna”, nam solum videlicet terra est neque vacui oculorum loci, ut nonnulli voluerunt. Quare autem Oedipus humum pulsat? Quia compellare vult deos inferos, Furias, Tisiphonen praecipue. Cf. Macrob. III. 9. 12, qui ibi carmen devotionis tradit quod finitur verbis: „Tellus mater teque Iuppiter obtestor”; deinde addit: „cum Tellurem dicit, manibus terram tangit: cum Iovem dicit, manus ad caelum tollit”, e. q. s. Cum vero Acheron pater, Terra mater Eumenidum haberetur, verba *in matre reliqui* significare posse

credidi: *humi reliqui*, cum praesertim legantur I. 238: at nati — cadentis calcavere oculos, XI. 620: oculique cadentes. Quodsi verum esset, pro *miseraque* scilicet scribi oportebat *vestraque*.

At nunc quidem locum integrum esse atque interpretationem, quam Duebnerus (Statii opera Lipsiae a. 1837 edidit) prae-buit, a Statii mente minime alienam esse arbitror. Quae cum viros doctos fortasse fugerit utpote in libro notae deterioris evulgata, eius verba describo: „Dicit se, simul ac matrem agnovisset, oculos sibi eruisse et nihil post eam conspexisse: ergo *in matre oculos reliquit*”.

Imprecationis in filios Oedipus hunc facit finem:

da, Tartarei regina barathri,

quod cupiam vidisse nefas, nec tarda sequetur

87 mens iuvenum; modo digna veni: mea pignora nosces. Hic locus multimodis temptatus est. Kohlmann et Wilkins Lachmanni propositum receperunt: *modo, dira, veni*; O. Mueller *modo, diva, veni* coniecit, Baehrens *mea digna (veni modo) p. n.*; Garrod, qui lectionem traditam retinuit, proponit *mens iuvenum, me digna: veni, mea*. At tamen nil mutandum esse puto. Oedipus Tisiphonen rogat ut filios suos discordia dividat: ‘i media in fratres, generis consortia ferro dissiliant’. Quonam modo ornata? Id quoque modo dixit vs. 82:

indue quod madidum tabo diadema cruentis  
unguibus abripui.

Hunc autem locum Lactantius non intellexit interpretatus: „indue liberis meis diadema, quod ego Laio abripui cruore pollutum”, nam hoc poeta voluit: diadema, quod sanguine meo etiam nunc madet, tuo capiti impone itaque stimulum etiam adde furori, quem ipsa filiis meis iam inicies. Aptè igitur continuat: Filii mei illico te sequentur, ad quodvis scelus parati, dummodo digna venias ad eos i. e. induta diademate illo, quod toto pectore ambo cupiunt. Statius saepe adiectivo absolute usus est, e. g. I. 73: exaudi si digna precor, VI. 37: dignis vultibus, XII. 80: quae digna tibi sollemnia quasve largiar exsequias? 122: digno plangore, 799: dignis conatibus.

Homo e plebe Thebana, Thersites alter, Eteoclem regem maledictis carpit.

186 cernis, ut erectum torva sub fronte minetur  
saevior assurgens dempto consorte potestas?

Kohlmann Baehrensii coniecturam recepit: *erecta torvum*, commemorans O. Muellerum proposuisse: *ut e rictu*. Editores Britannii lectionem traditam retinuerunt. Baehrensii scriptura omnino reiicienda est, nam verba *torva sub fronte* non tangenda esse demonstrant loci Statiani qui sunt II. 716: cui torva genis horrore decoro cassis, XII. 189: sub casside torva, Silv. V. 2. 179: torvaque induceret ora casside. Neque tamen locus ab omnibus numeris sanus est.

Quamquam Statius neutrum adiectivorum sive singulari sive plurali numero frequentissime pro adverbio ponere solet, nusquam *erectum* adverbialiter scripsit; *erecte* sane legitur Silv. V. 1. 205: ille etiam *erecte* rupisset tempora vitae, ubi Vollmer observavit: „*erecte* mutig, wie oft”, sed vocabuli usus adiectivus apud nostrum creberrimus est, ut nonnullis exemplis ostendam: I. 412: tum vero erectus uterque, II. 470: erectus saetis et aduncae fulmine malae, 506: pallentis erecta genas, V. 95: sic erecta genas, X. 415: natos erecta superstat (lea), XI. 728: ego erectum subigam et servire docebo, Ach. I. 235 et Silv. I. 2. 217: erecto prospectat equo (Chiron), Ach. I. 764: erectumque genas, II. 34: quem — erectumque manet Bellum; cf. etiam Ach. I. 412: fervet amor belli concussasque erigit urbes, et Theb. X. 575 armatas erexit apes (pastor). At vero sive *erectum* retinemus sive forma adiectiva vocabuli restituenda est, nemo umquam mihi persuadebit, vocem *potestas* subiectum intellegendum esse verbi *minetur*, cum praesertim sequantur haec:

quas gerit ore minas! quanto premit omnia fastu!  
hicne umquam privatus erit?

Haud dubie Eteocles pro subiecto habendus. Versu autem altero unam ex sententiis illis contineri dico, quae apud Statium non paucae inveniuntur. Itaque locum sic constituo:

cernis, ut erectus torva sub fronte minetur?

saevior assurgens dempto consorte potestas! (sc. est)

Cf. I. 627: saevior Delius insurgit, atque e versibus supra laudatis XI. 728: ego erectum subigam et servire docebo, quo quae sit verbi *erectus* vis clare patet.

In oratione qua Iuno Iovem precatur ut, si mortales emendare placeat, parcat Argivis suis atque a maleficiis vetustioribus potius faciat initium, haec sunt:

Arcades hic tua (nec pudor est) delubra nefastis  
imposuere locis, illic Mavortius axis  
Oenomai Geticoque pecus stabulare sub Haemo  
276 dignius, abruptis etiamnum inhumata procorum  
reliquiis trunca ora rigent. tamen hic tibi templi  
gratus honos.

Locus intricatus sic explicandus est: hic i. e. ubi Lycaon hominem in ara tua mactavit, Arcades templum tibi posuerunt — illic Oenomai currus et equi (sc. sunt), digniores qui cum Diomedis Thracis equis stabulent, et rigent trunca ora procorum, etiamnum inhumata, abruptis reliquiis: at tamen templum hoc loco nefasto dedicatum tibi acceptum est. Corrigendum igitur: abruptisque. Innumeri sunt loci in codibus mss. Statii quibus *que* a librariis omissum est vel in codice optimo, vid. II. 612, X. 240, sed plerique sunt in codice N.

Polynices iam exsul nocturno itinere Argos petit.  
ille tamen, modo saxa iugis fugientia ruptis  
miratus, modo nubigenas e montibus amnis  
366 aure pavens passimque insano turbine raptas  
pastorum pecorumque domos — vastum  
haurit iter.

Lachmannum, cum pro *aure* coniceret *ire*, iniuria hunc locum sollicitasse loci qui sequuntur satis comprobant, Theb. XII. 222: nil corde nec aure pavescens, Ach. I. 794: vigilque haec aure trahentem, cum paveant aliae; insuper cf. Silv. I. 4. 119: nunc aure vigil nunc lumine cuncta aucupor, III. 5. 35: aure rapis vigili, Theb. XI. 252: mugitum hostilem summa tulit aure iuvenus.

Est igitur nihil quod in lectione offendant. Quo mirum videtur, editores in versu e libro XII modo laudato Lachmannum secutos esse atque pro codicum mss. scriptura *aure* edidisse: *ore*, magis mirum etiam, Garrodum iis se adiunxisse quippe qui Ach. I. 753 in incerta codicum scriptura ipse *aure* restituerit idque quidem collato loco qui est Theb. I. 366.

Quamquam recte eum Ach. I. 753: 'aure pavent aliae' recensuisse credo, nam quoniam nil certi traditum est atque e coniectura locus restituendus, *aure* praestare puto coniecturis *ire* (Schraderi), *cuncta* (Kochii), *inde* (Baehrensii), neque *iure* satisfacit, quod e litterarum reliquiis in duobus codicibus refic-tum est, nam defensio a Klotzio adscripta: 'at puellae iure pavent' poetae ingenio mihi quidem indigna videtur. Accedit quod in codice E fuit *Aurea*, quod in *Iurea* depravatum est teste Garrodo.

Adrastus Polynicem et Tydea ante ostium domus suae dimi-cantes occupat.

Quae causa furoris,

externi iuvenes (neque enim meus audeat istas

440 civis in usque manus), quisnam implacabilis ardor e. q. s. Hic locus a multis olim temptatus est. Burmannum *audeat ire*, Handium *audeat istic* vel *istac*, Menkium *audeat ista civis et Inachius* coniecisse video, verum nunc traditam lectionem edi-tores servant, Garrod coniecturas illas ne commemorat quidem, Kohlmann infra paginam enumerat sed idem ad locutionem *audere in manus* conferri iubet Verg. Aen. II. 347, ubi legitur:

quos ubi confertos audere in proelia vidi.

Ipse addo Theb. I. 185, ubi *ad usque nepotes* legitur, et scholiastae paraphrasin: „externi estis, o iuvenes, nam civis meus num-quam usque adeo finem litis suae audeat extendere ut transferat in manus furorem”.

Quamquam igitur de loci integritate non est dubitandum, antea me coniecisse *civis* inisse *manus* nunc refero propterea quod locum afferre velim, quem olim coniecturam meam con-firmare existimabam, nunc vero traditam lectionem stabilire credo. Primum tamen versus citare liceat, ubi forma contracta *isse* ubique legitur: I. 475, III. 340, 354, VI. 596, nec non VIII. 107: Argolicas acies — non ignarus ini, X. 9: ineuntibus arma — populis, XI. 124: impia bella unus init, unde me haud nimis audacter ita coniecisse patet. Verum versus quem volo est XI. 258: ille autem fractis huc audeat usque viribus?

Viden quam mire hic versus nostrum tueatur? Atqui olim cum verba *in usque* corrupta esse mihi persuasissem, versum e

libro XI pro me pugnare aliquamdiu credidi, quia Lactantius ibi legit: *huc audeat ire viribus*, quod editores commemorare neglexerunt omnes, fortasse quia eius lectio in annotatione ad verum antecedentem occurrit.

Tydeus rixae quam Polynices secum inierit causam Adrasto aperit et queritur

pariter stabulare bimembris  
Centauros unaque ferunt Cyclopas in Aetna  
compositos (sunt et rabidis iura insita monstribus  
460 fasque suum, ut nobis) sociare cubilia terrae.  
sed quid ego.

Ecce Garrodi recensio, qui *ut nobis* de suo dedit pro codicum scriptura *nobis* et Housmanni interpunctionem recepit. Kohlmann duce Baehrensio sic locum constituerat:

compositos. Sunt et rabidis iura insita monstribus  
fasque suum: norunt sociare cubilia terrae.

Wilkins Postgatio obsecutus recensuit:

compositos (sunt et rabidis iura insita monstribus  
fasque suum) sociae novisse cubilia terrae.

Denique Lachmann coniecit *fasque suum: et non vis*, Housman: *binos sociare cubilia terrae*.

At nihil mutandum est, quod iam Barthium perspexisse in Duebneri editione video, qui quidem annotavit: „Recte vidit Barthius sermonem hic artificiose esse interruptum, ut in notissimo Vergilii: *Hos ego -- sed motos*, etc. Statiana exempla idem dedit, e. c. VIII. 60: *Me quoque --: sed durae melior violentia legis*”. Ego addo III. 87: ‘Te superis fratrique —’ et Lactantii notam: „eclipsis figura. deest enim ‘relinquo puniendum’. quasi festinus in vulnere orationem implere non potuit. ut Virgilius <Aen. IV. 76>: ‘incipit effari mediaque in voce resistit’.” Addo etiam VIII. 506: ‘genus huic — sed mitto agnoscere’, ubi Lactantius: „subaudis: genus huic magnum nobileque. sed ἀποσιώπησιν fecit. ut Virgilius <Aen. I. 135>: ‘quos ego —! sed motos praestat componere fluctus’.” Quae cum ita sint, ita locum distingue:

pariter stabulare bimembris  
Centauros, unaque ferunt Cyclopas in Aetna

compositos, sunt et rabidis iura insita monstris  
 fasque suum: nobis sociare cubilia terrae —  
 sed quid ego?

Quid quod Lactantius iam ita legit, sed misere eius scholion Jahnke corrumpit, quod sic constituit:

SOCIARE CUBILIA TERRAE 'et' deest. non licuit per iracundiam. [iratis enim sermo deficit. Virgilius <Aen. I. 135>: 'quos ego'.]

et in apparatu critico nos docet, verba inclusa in uno codice omissa esse, in alio *et* (ante *deest*) omissum.

Quis, si scholia quae supra ad III. 87 et VIII. 506 descripsi comparaverit, mecum scribere dubitabit:

SOCIARE CUBILIA TERRAE. deest: 'non licuit per iracundiam'. ratis enim sermo deficit. ut Virgilius <Aen. I. 135>: 'quos ego'.

Sunt nimirum verba 'non licuit per iracundiam' ipsa illa, quae per reticentiae figuram Tydeus omisit: ad 'iracundiam' intellegendum esse 'Polynicis', ad 'iratis' vero 'hominibus ut h. l. Tydeo', vix opus est ut moneam.

Nota etiam, verba *iratis* — *ego*, quae librario codicis M et Jahnkio delenda videbantur cum tantum *et* Tydea reticuisse putarent, quam opportune dicta iam sint. Neque tamen *et* temere ab aliquo insertum puto, sed primum *ut* e versu sequenti in superiorem irrepsisse, deinde in *et* abiisse. Scholiasta enim exempla quae e Vergilio fere sumit, semper et ubique inducere solet addito *ut*.

517                    pars ostro tenuis auroque sonantis

emunire toros alteque inferre tapetas, e. q. s.

Kohlmann vocabulum *tenuis* asteriscis saepsit corruptumque declaravit, Wilkins Burium secutus *ardentes* scripsit, Mueller *inctos* proposuit. Nullum tamen loco inest vitium.

Viros doctos sibi persuasum habuisse suspicor, verba *ostro tenuis* iungenda esse, ostro vero, cum aurum continuo sequeretur, significari ipsam purpurae materiam: at dici non posse aliquid ostro s. purpura esse tenue.

Etiamsi ita verba coniungenda sint, locus optime explicari potest, dummodo ostro denotari accipiamus vestes purpura perfusas, ut est VI. 62:

summa crepant auro, Tyrioque attollitur ostro  
molle supercilium,  
et Silv. V. 1. 225: Sidonio velatam molliter ostro.

Sic *ostro* *tenuis tori* possunt esse tori e purpureis vestimentis molliter facti. Sed a Statii dicendi genere alienum non est ita construere: pars *tenuis toros* emunire, *ostro auroque* sonantes. Quod èt assimilatio (*tenuis — toros*) suadere videtur èt zeugma sic noster imitatus erit quod apud Verg. Aen. XI. 72 legitur:

vestes auroque ostroque rigentes.

Accuratius scilicet est quod Aen. I. 648 est:

pallam signis auroque rigentem.

Phoebus ut infantem a Psamathe expositum ulcisceretur monstrum misit quod Argivorum infantes recens natos devoraret. Quod cum descripsit poeta, sequitur:

601 haec tum dira lues nocturno squalida passu  
inlabi thalamis.

Verba *nocturno squalida passu* quomodo recte explicari possint, non video; quae utique cohaerere necesse est, nam si verba *nocturno passu* ad *inlabi* pertinere velis, mirum oriatur asyndeton *haec dira squalida lues* neque ordo verborum tale quid commendat. Itaque verba *nocturno squalida passu* appositionem esse oportet ad *lues* atque *nocturno passu* ablativum causae qui dicitur. At vero mire dictum videtur, monstrum squalidum fuisse eo quod noctu incederet, credo, quod loca lutosa evitare non satis potuisset. Nisi me fallunt omnia, legendum est: *nocturno squalida pastu*, sicut vs. 618 de eodem monstro iam occiso dicitur:

iuvat ire et visere iuxta

liventis in morte oculos uterique nefandam  
proluviem et crasso squalentia pectora tabo,  
qua nostrae cecidere animae.

Cf. X. 290 (de tigride): ubi — rabies — crasso sordida tabo confudit maculas, Ach. I. 556: e pastu referuntur aves, et Mayor ad Iuven. 8. 130.

Polynices ubi originem suam Adrasto aperuit, hic respondet: scimus' ait 'nec sic aversum fama Mycenis

684 volvit iter. regnum et furias oculosque pudentis  
novit et Arctois si quis de solibus horret  
quique bibit Gangen e. q. s.

Garrod verbum corruptum *pudentis* crucibus cinxit neque tamen  
Lachmanni *parentis* vel *pudendos* recipere sustinuit, ipse vero  
ascripsit, legendum fortasse esse *cruentos*. Ceteri editores re-  
centiores, cum Lachmanni coniecturas memoratu dignas iudi-  
carint, lectionem traditam retinuerunt verbo non addito. Muta-  
tione exigua manum poetae restituo: cadentis, cl.

I. 72: miseraque oculos in matre reliqui.

I. 238: at nati — cadentis calcavere oculos.

XI. 620: et pater et genetrix et regna oculique cadentes.

LIBER SECUNDUS.

Sit mihi versus 71 huius libri locus unde brevis exordiat  
expositio eorum quae de adiectivi 'totus' usu apud Statium  
deprehendisse mihi videor. Eo enim quod viri docti, qui eius  
carminibus epicis operam dederunt, hucusque in usum solito  
frequentiore huius adiectivi animum non satis attenderunt,  
factum credo ut locos complures, ubi id vocabulum nunc legi-  
tur, iniuria coniecturis sollicitarint ipsi aut, ubi librarii, eadem  
sive ignorance sive negligentia ducti, adiectivum 'totus' in  
aliud quoddam immutarunt, id non perspexerint nequedum  
poetae suum reddiderint. Dabo exempla.

Menoecus moriturus pro patria deos precatur

X. 762 Armorum superi tuque o qui funere tanto  
indulges mihi, Phoebe, mori, date gaudia Thebis  
quae pepigi et toto quae sanguine prodigus emi.

Quod Valckenaer proposuit *voto* ab editoribus recentioribus omni-  
bus in apparatu critico commemoratur — immerito, nam locum  
tuentur Silv. I. 2. 170: hic tibi sanguine toto deditus, Theb.  
II. 561: dein toto sanguine nixus; cf. Ach. I. 642: toto  
pectore veros admovet amplexus, 857: totoque in pectore  
Troia est, Silv. II. 2. 70: quos toto pectore sentis.

Eteocles, a Creonte conviciis laesus, comparatur cum ser-  
pente

XI. 310 ictus ut incerto pastoris vulnere serpens

erigitur gyro longumque e corpore toto  
virus in ora legit.

Garrod scripturam codicis A affert addens: 'fortasse recte'.  
Minime, nam cf.

II. 411 iacto velut aspera saxo  
comminus erigitur serpens, cui subter inanis  
longa sitis latebras totumque agitata per artus  
convocat in fauces et squamea colla venenum.

Praeterea cf. IV. 90: totoque exstantem corpore, XII. 318:  
corpore toto sternitur in vultus, Ach. I. 228: toto resolutum  
corpore Achillem, Silv. V. 4. 13: vigilabat corpore toto.

Oedipus post filiorum interitum e latebris prodiens cum  
Charonte comparatur ad superos aliquando exeunte

XI. 591 interea longum cessante magistro  
crescat opus, totisque expectent saecula ripis.

Pro *totis* alii alia coniecerunt, Heinsius *tostis*, Imhof *tota atque*,  
Garrod scribere non veritus est *solis*. Locum sanum credo: ab-  
sente Charonte turba umbrarum ita accrevit ut ripam omnem  
Stygos fluminis iam implerent expectantes dum traicerentur.  
Cf. II. 209: (Fama) totis perfundit moenia pennis, Ach. I. 303:  
totisque novum bibit ossibus ignem, 446: totos consumunt  
carbasa ventos, 745: totosque penatis obit.

Usus huius adiectivi creberrimum apud Statium cum consi-  
dero, confiteor ne persuasum quidem mihi esse, duos locos,  
qui plerumque corrupti existimantur, manu emendatrice vere  
egere: dico Theb. III. 217: iuxta illi finis et aetas *tota* retro,  
ubi editores *torta* scribere solent cl. Ach. II. 110, Baehrens  
etiam *mota* proposuit, et Silv. IV. 4. 85: proavitaque *toto* rura  
abiisse mari, de quo versu cf. H. T. Karsten in Mnem. Vol.  
XXVII p. 368.

Iam duos locos afferam, ubi adiectivum, ab imprudenti li-  
brario olim male immutatum, poetae restituendum esse arbitror.

Prior est ubi de amicis sermo est qui amicos navi proficis-  
centes quam diutissime oculis persequuntur

IV. 31 stant tamen et *nota* puppim de rupe salutant.

Versus, in codice P omissus, a plerisque editoribus spurius  
iudicatus est — iniuria, ut credo. Si pro *nota* scripseris *tota*,  
versus non modo contextui aptissimus evadet sed etiam vix

desiderari poterit. Illi qui remanent primum amicos abituros amplectuntur osculanturque (vs. 27), deinde iam relictis 'stant in rupe tamen' et navem recedentem usquedum oculis sequuntur (vs. 30), denique cum navigantes ipsi non amplius discerni possunt oculis, at navem salutant tota rupe dense stipati. Cf. V. 295: et e cunctis prospectem collibus undas, VII. 421: toto planxisse Palaemona ponto, Silv. I. 2. 74:

hunc egomet tota — quondam tibi dulce — pharetra  
improbis et densa trepidantem cuspidi fixi.

Cum toto loco conferre utile est Ov. Met. XI. 465 sqq.

Alter locus ille est unde profectus de hoc adiectivo disputare coepi, sc.

II. 71 Et tunc forte dies noto signata Tonantis  
fulmine, praerupti cum te, tener Euhie, partus  
transmisere patri.

Ubi Lachmann *torto*, Baehrens *moto* voluerunt, legendum vero esse *toto* me docuerunt:

III. 228: tota perfusum pectora belli tempestate.

IX. 72: tota Mars impulit hasta.

X. 904: totis in me conitere flammis.

927: talia dicentem toto Iove fulmen adactum corripuit.

Silv. I. 2. 74: hunc egomet tota — pharetra — fixi.

5. 45: radiis ubi culmina totis perforat — sol.

Ceterum apud nostrum et alibi adiectivum totus legitur et Theb. II. 288, 341, III. 309, IV. 165, V. 368, 400, VI. 480, 620, IX. 57, 346, XI. 94, 515, 573, 600, 631, XII. 10, 339, Ach. I. 7, 231, 316, 620, 692, Silv. I. 1. 42, 56, 3. 41, II. 1. 163, 3. 33, 5. 15, III. 2. 12, 3. 85, 3. 148, IV. 3. 99, 4. 83, V. 4. 16.

qualis ubi audito venantum murmure tigris

129 horruit in maculas somnosque excussit inertis,  
bella cupit laxatque genas e. q. s.

Quamquam haud ita facile est, quid verbis *horruit in maculas* poeta voluerit subtiliter definire, quin sana sint neque coniecturis sollicitanda equidem dubitavi numquam, qua de causa non video quid Kohlmann Baehrensii illud *in stabulis* dignum putaverit quod ad paginae calcem commemoraret. Prior scholiastae

interpretatio recta videtur: „quasi saevitiam feritatis macularum praemonstret horrore”, sed non cum eo cogitandum esse puto de pilis se erigentibus, ut versu ex Aeneide laudato significare videtur: „comasque arrexit et haeret visceribus incumbens”, verum de horrore totius corporis, velut terrae tremor dicitur ‘horror soli’ apud Florum. Melius igitur scholiasta attulisset e Vergilio: „mihi frigidus horror membra quatit” et e nostro Theb. I. 494: „per artus horror iit”. Statius in dicendi ratione, quae a Vergilio frequentatur (Gossrau ad Aen. XII. 71 exempla collegit) nimius fuit.

Moneo alteram Lactantii qualemcumque explicationem (nam satis obscura est) omnino reiciendam esse: „aut certe maculas, quae in retibus texuntur, explicuit de reticulo variis minutis maculis pleno in horrorem”. Locus alter, ubi vocabulum apud Statium legitur, est

Caspia non aliter magnorum in strage iuvenum  
tigris, ubi immenso rabies placata cruore  
lassavitque genas et crasso sordida tabo

X. 291 confudit maculas, spectat sua facta doletque  
defecisse famem.

Ad hunc versum Garrod rogat num forte *malas* sit legendum. Minime! Recte enim scholiasta: „pulchritudinem macularum cruore perfusa turbavit”. His duobus locis et VII. 571, ubi de tigride ubique sermo est, vocabulum *maculas* idem significare statuere licet, sc. virgas quibus tigridum cutis distincta est, quod peculiare tigridum est ornamentum. Porro legitur VI. 336, 786 et XI. 121.

Et iam Mygdoniis elata cubilibus alto

135 impulerat caelo gelidas Aurora tenebras.

Kohlmann et Wilkins Lachmanni coniecturas *dispulerat* vel *depulerat* commemorant, Garrod illam in textum recepit. Iniuria. Mirum in modum Statius verbum impellendi adamavit atque ibi etiam eo usus est ubi dispellere vel expellere exspectaveris. Cf. huius libri vs. 617:

dumque trahit prensis taurum tibi cornibus, Euan,  
procidit impulsus nimiis conatibus infans,

ubi sine dubio *expulsus* magis in loco fuisset, quo verbo scho-

liasta etiam in loco illustrando usus est: „dicit ergo hunc non nascendi ordine procreatum, sed conatu nimio utero matris expulsum”. Porro cf. III. 35:

ubi primum maxima Tethys

impulit Eoo cunctantem Hyperiona ponto.

Verbum et alibi invenitur et II. 80, 250, 468, IV. 3, 310, 802, V. 230, 555, 657, VII. 83, XII. 733, Ach. I. 434.

Describitur quomodo Vulcanus monile Harmoniae fecerit

haec circum spumis lunaribus ungit

285 callidus atque hilari perfundit cuncta veneno.

Non *hyali* cum Jortinio corrigendum puto, sed *hilaris*. Vulcanus enim monile fecit ut illa puniretur quae ex adulterio Martis et Veneris nata erat; cf.

III. 641: vidi hominum divumque metus hilaremque Megaeram et Lachesin putri vacuantem saecula penso.

V. 201: hilares acuunt fera tela Sorores.

Ceterum cf. VIII. 191: anne sedes hilaris iuxta tua numina Parcas? 257: (Phineus) hilaris mensasque torosque nec turbata feris tractavit pocula pinnis, IX. 698: interdum cristas hilaris iactare comantis, X. 316: hilarisque sub umbras vita fugit, Silv. II. 1. 56: quis tua colloquiis hilaris mulcebit amatis pectora? III. 1. 103: et talis hilaris tamen intro penates.

E quinquaginta viris, quos Eteocles misit ut Tydeum legatum infecta re Thebis Argos redeuntem noctu interficerent, Chromis unus est qui

619 pinea nodosam quassabat robora clavam

increpitans: „Unusne, viri, tot caedibus unus

ibit ovans Argos? vix credet fama reverso!

622 heu socii, nullaene manus, nulla arma valebunt?

haec regi promissa, Cydon, haec, Lampe, dabamus?”

Primum moneo, editores Jortinii lectionem *nodosae* — *clavae* iniuria recepisse: *pineae robora* optime apposita sunt verbis *nodosae* — *clavam*, ut in codice optimo legitur; in deterioribus est: *nodosae* — *clava*. Sic alibi quoque poeta scribere amat, e. g. VI. 80:

cultusque insignia regni purpureos sceptrumque.

Deinde in vs. 622 omnes pro tradito *heu* cum Muellero scripserunt *heus*. Lege:

hunc, socii, nullaene manus, nulla arma valebunt?  
De eclipseos figura, cui saepius Statius indulsit, iam egi ad I. 460 atque addo III. 201: illa tamen superi, V. 471: inde fugam Minyae.

Victoria reportata Tydeus tropaeum statuit et Palladem deam salutat

huic adnue sacro,  
seu Pandionio nostras invisere noctes  
721 monte venis, sive Aonia devertis Itone  
laeta choris, seu tu Libyco Tritone e. q. s.

Iure Garrod palmariam emendationem Postgatii *noctes* pro codicum *voces* et *caedes* recepit (cf. II. 650, VII. 543, VIII. 109, XII. 367), sed offendit in verbo *devertis*, quod hoc sensu apud neminem poetam usurpari videri ascripsit, rogans num forte *Aoniae de vertice Itones* legendum sit. Equidem locum corruptum esse non credo. Scholiasta iam ad VII. 330 ad voc. *Itonaeos* illustrandum versum nostrum laudat qualis nunc legitur, sed praeterea duos locos inveni quibus fretus quam maxime loci nostri integritatem defendere ausim; sunt autem III. 45: haud aliter saltu devertitur orbus pastor, et VI. 328: dum Scythici deversus ad ostia ponti Castor Amyclaeas remo permutat habenas (sic enim legendum est — codices et editores *diversus* exhibent; similiter loco nostro *divertis* in nonnullis legitur codicibus). Significatio igitur, quam verbum iam apud Varronem habet (R.R. II. 11. 12, III. 3. 9), apud nostrum non deest, sed formis activa et passiva hic eodem sensu iuxta usus est.

#### LIBER TERTIUS.

Iusta cum solverentur Thebanis quos Tydeus occiderat, Aletes iam grandior aevo vehementer Eteoclem incusavit

unde ea libertas? iuxta illi finis et aetas

217 tota retro, seraeque decus velit addere morti.

Nonne *certainaeque* h. e. instanti Statium scripsisse putandum est? Cf. I. 640:

non tu pia degener arma  
oculis aut certae trepidas occurrere morti,  
neque scio an Lactantius quoque ita legerit, qui haec: „videt  
enim sibi et vitae finem propinquum et omne incolumitatis  
spatium esse translatum. et propter hoc, ne moriatur inglorius,  
quasi liber et constans, ut hoc de illo populus post loquatur,  
optat occidi.”

Iuppiter ubi Martem deum iussit Argivos quam maxime belli  
cupidos reddere, his denique verbis: „rape cunctantis et foedera  
turba!” addit:

234 cui dedimus, tibi fas ipsos incendere bello  
caelicolas pacemque meam. iam semina pugnae  
ipse dedi e. q. s.

Codices duo (PD) *cui* — ceteri *quae* praebent itemque scholiasta,  
quod nimirum nihili est neque interpretatione eius quidquam  
adiuvamur: „concessimus tibi longa otia subito bello turbare”.  
Sub litteris, quae in codice optimo servatae sunt, veram lectio-  
nem latere verisimile est, hanc vero esse credo:

sic dedimus: tibi fas ipsos incendere bello e. q. s.  
quam loci qui sequuntur vel maxime comprobant:

III. 482: mirum unde, sed olim est  
hic honor alitibus, superae seu conditor aulae  
sic dedit effusum chaos in nova semina texens  
seu quia e. q. s.

Ach. II. 102:  
haec mihi prima Ceres, haec laeti munera Bacchi,  
sic dabat ille pater.

Veneri Thebanos commiseranti propter bellum imminens Mars  
respondet, nunc quidem sibi non licere id mutare, sed cum  
uterque exercitus sub Thebarum moenibus certarent, tunc se  
adfuturum atque arma socia adiuturum.

314 tunc me sanguineo late defervere campo  
res super Argolicas haud sic deiecta videbis.

Garrod unus hoc verbo offendisse videtur, qui ascripsit: „*defervere*  
*vix ferri potest: fortasse bellantem fervere*”. Quin restituendum  
sit *decernere*, equidem vix dubito his praesertim locis comparatis:

VI. 474: hic anceps Fortuna diu decernere primum  
ausa venit.

VI. 646: emisso si quis decernere disco — velit.

VII. 174: quid si ille tuos Curetas in arma | ducat et innocuis  
iubeat decernere peltis?

Quam facile hoc verbum propter litterarum similitudinem in  
illud transire potuerit quivis videt. Verbum igitur defervere  
ex indice vocabulorum, quibus Statius solus usus est, apud Scham-  
bergerum iam eximendum est, quod idem de verbo undare  
in Mnemos. Vol. XXXVI p. 61 demonstravi.

Tydeus legatus Thebas missus cum male mulcatus inde  
rediisset atque in eo iam esset ut Argivi Thebanis bellum in-  
ferre vellent, Polynices unum se ad fratrem profecturum pro-  
mittit.

ibo libens certusque mori, licet optima coniunx

379 auditusque iterum revocet socer.

Haec verba multimodis sollicitata sunt. Bury *augustusque*, Slater  
*ambitusque* vel *grandaevusque*, Baehrens *cunctatusque*, Koeslin *Ar-  
givusque* proposuerunt. Alii vocabulum *iterum* quoque suspectum  
habuerunt, Lachmann *largitusque torum*, Garrod *suadeat usque  
torum*, temptarunt. Nihil tamen ex illis editoribus satis placuit,  
quandoquidem omnes verba suspecta munierunt crucibus. Atta-  
men vereor ne hoc loco rursus factum sit, quod saepius factum  
videmus cum e multis multorum medelis nulla umquam omni-  
bus omnino probata sit, scilicet ut locus sanus sit sed poetae  
mens hucusque interpretatores latuerit omnes. Credo enim scho-  
liastae, hoc loco referri ad legationem priorem, quam Tydeus  
suscepit, Polynices vero suscipere voluerat ipse; tunc Argia  
coniunx et Adrastus socer eum retinuerunt, cf. II. 373 sq. Nunc  
igitur dicit, se utique iturum, et iamsi coniunx et socer, quem  
tunc audiisset, iterum se revocent. Iam scholiastam  
audiamus, qui ita disserit:

„AUDITUS a me scilicet. ut obtemperans primum non isse.  
sic hoc dicit, ut intellegamus Polynicem ad Thebas ante ire  
voluisse, sed prohibitum se ab Adraсто queritur, ut prius lega-  
tio mitteretur.”

Sic enim distinguendum est neque cum Jahnkio, qui dat:

„ut obtemperans primum non isse sic. hoc dicit” e. q. s. atque in apparatu critico rogat num forte pro *sic* legendum sit: *significetur*. Moneo igitur voc. *iterum* cum verbo *revocet* iungendum esse.

447 hinc pacis tranquilla movent, atque inde pudori  
foeda quies, flectique nova dulcedine pugnae  
difficiles populi.

Corrigas: ast inde pudori, collatis his locis: VI. 119 hanc tristibus umbris, ast illam superis, VIII. 611 haec matris taedas, oculos ast illa paternos — gemit. Ceterum cf. V. 383 ast alii pugnant, VI. 278 ast illam melior Phariis erexerat arvis Iuppiter, VII. 215 ast ego non proprio diros impendo dolori Oedipodionidas, 438 ast ubi ductor taurus init, VIII. 61 ast ego, X. 780 ast illum.

Altercatio inter Amphiaräum et Capaneum hoc versu clauditur:

677 haec alterna ducum nox interfusa diremit.

Coniecerunt *dicta* Barthius, *sic* Kostlin, *aeque* Baehrens, quod Kohlmann recepit. Scribendum est *hic*, quo adverbio ad tempus significandum Statius saepe utitur, cf.

495: si prohibes, hic nocte moras dextrisque profundum  
alitibus praetexe diem!

616: iamque hic timida cum fraude sacerdos exeat!

In huius libri fine Argia a patre suo flagitat ut bellum inferat Thebanis atque Polynicem, maritum suum, reducat in patriam. Ultima eius verba sunt:

et nunc maesta quidem grave et inlaetabile munus,  
ut timeam doleamque, rogo; sed cum oscula rumpet  
maesta dies, cum rauca dabunt abeuntibus armis  
signa tubae saevoque genas fulgebitis auro,

710 ei mihi! care parens, iterum fortasse rogabo!

Codices hac tantum re discrepant quod unus optimus *parens* praebet — ceteri omnes *pater*. Ex editoribus unus Garrod loco offendisse videtur, qui vocabulo *iterum* asteriscis saepio ascripsit, fortasse legendum esse: *pater, pacem fortasse rogabo*: verbum *pacem* propter similitudinem verbi *pater* excidisse et librarium

aliquem *iterum* inserto versum explevisse. Idem suspicatur in codice P *parens* scriptum esse metri gratia propter sequens *iterum*.

Equidem viro docto versum corruptum esse assentior sed de corruptelae origine atque medela non item. Primum lectionem codicis eius, quem Garrod totiens tuetur adversus ceterorum codicum auctoritatem, hic quoque servandam esse censeo; nam versu sequenti voc. *pater* redit et vs. 686 Argia patrem iamiam allocutura „magno — adfusa parenti est”. Ergo causa nulla est propter quam lectio *parens* in suspicionem vocanda sit. Iam de vocabulo *iterum* videamus. Hoc autem apud Statium significat: alterum, ut III. 379: auditusque iterum revocet socer, VII. 559: nempe iterum reddes? aut positum est pro: rursus, ut Ach. I. 930: adspiciamne iterum? X. 247: quam si Aeolus portam iterum saxo premat. Neutra vero significatio huic loco apta est.

Ego sic rem mihi fingo, poetam scripsisse:

ei mihi! care parens, retro fortasse rogabo!

deinde interpretatorem aliquem supra voc. *retro* scripsisse *iterum*, quod veram lectionem postea detruserit. Nam *retro rogare* h. e. revocare id est quod hoc loco requiratur. Quod Deidamea in Ach. I. 940 se non audere dicit: „neque enim tantos ausim revocare paratus”, id Argia fortasse se ausuram exclamat cum maritus iamiam ad bellum profecturus sit. Exempli notione, quae adverbio inesse hic debet, apud nostrum abundant, cf. I. 269: saecula retro emendare, II. 14: tellus miratur patuisse retro, 467: in limine retro vociferans, VIII. 690: retroque datum Thebana tegebant arma ducem, IX. 7: retro torsisse iugales, XI. 328: oblatam retro dedit armiger hastam, Silv. I. 4. 68: permissaque retro nobilitas, Val. Fl. Arg. I. 782: iamiam exorabile retro carmen agens.

#### LIBER QUARTUS.

22 illi, quis ferrum modo, quis mors ipsa placebat,  
dant gemitus fractaque labant singultibus ira.

Pro voc. *ferrum* forsitan praetuleris *bellum*, ut Wilkins ad vs. 145:

Quis numerum ferri gentisque et robora dictu  
aequarit mortale sonans?

rogat num *belli* forte legendum sit. Verum nihil mutandum est, cum utriusque vocabuli usus apud Statium mire permistus sit atque solito liberior, cuius rei haec alia documenta sunt:

VII. 22: at si ipsi rabies ferrique insana voluptas, 640: certat opus ferri.

Iuxta posita sunt VI. 730: haec bellis et ferro proxima virtus.

Ea de causa Heinsius ad V. 348: nos Thracia visu bella ratae (sc. navem Argonautarum) immerito coniecit *vela*, memor fortasse vs. 130: adverso nituerunt vela profundo: Lemnia classis erat.

Ceterum cf. IV. 153: vulgus innumerum bello, quae verba Lactantius optime illustrat: „expositio, quid sit ter centum pectora, vulgus innumerum: quia tam fortes erant, ut multorum facta fortia sua virtute pensarent”.

inter adhortantis vix sponte incedit Adrastus,

41 contentus ferro cingi latus: arma manipli

pone ferunt.

Markland ad Silv. V. 2. 154 pro *manipli* scribendum esse monet *ministri*. At lectionem traditam sollicitandam non esse mihi quidem satis comprobant loci qui sunt IV. 65: non unus namque manipulis mos neque sanguis, IV. 804: levibus tollens vexilla manipulis, VII. 485: trepidi visam expavere manipuli, VIII. 134: hortanti diversa in parte manipulos, XII. 399: dantem vexilla manipulis (triumphos A) vidisti, XII. 754: hunc diversa bellorum in fronte manipulos hortantem.

Apparet Statium hoc vocabulum adamasse. Alio sensu est apud Iuven. 8. 153: manipulos solvet.

Proxima longaevo profert Dircaeus Adraeto

75 signa gener, cui bella favent, cui commodat iras  
cuncta cohors.

Garrod ascripsit: „*favent* corruptum: *gerit* Bentley e cod. qui *gerent* (+ *favent*) praebebat: cf. 115. fort. *bella movens accommodat*.” At una litterula mutata mecum scribe: *cui bella fovent*, h. e. cuius gratia Argivi bella Thebanis inferunt. Et Lactantii interpretatio et multi loci tam apud nostrum quam apud alios me

adduxerunt ut hanc veram lectionem esse crederem; ille enim ita interpretatus est: „Polynicem ergo Dircaeum appellat, propter quem ab omnibus populis prodiebatur ad bellum”, et cf. VI. 916:

tuque o, quem propter avita  
iugera, dilectas cui desolavimus urbes.

VIII. 507: quando tu diversa foves, XII. 348: parvoque torum Polynice fovebo, Silv. II. 6. 94: quid damna foves et pectore iniquo vulnus amas? Porro Verg. Aen. X. 93: Aut ego tela dedi fovive cupidine bella? Juven. 8. 165: nec ultra fovisti errorem.

huic et patria de sede volentes  
77 advenere viri, seu quos movet exsul et haesit  
tristibus aucta fides, seu quis mutare potentis  
praecipuum.

Muellerum antequam me perspexisse video, Statium scripserisse *et actis*, quod Garrod ne commemorat quidem. Cf. II. 650: sine tristitia Thebis nuntius acta feram, VIII 556: nec tristibus actis aversatus erat, Lact. ad l.l.: „in quibus est fides aucta calamitatibus, quia misericordia commoti sunt, sive quibus praecipuum erat potentes mutare.”

Nominis *acta* usum creberrimum docent II. 104, 175, 431, 706, III. 175, 572, IV. 827, V. 120, 503, IX. 422, Ach. I. 3, 175.

(Achelous) adhuc imis vix truncam attollere frontem  
ausus aquis glaucoque caput submersus in antro

109 maeret, anhelantes aegrescunt pulvere ripae.

Coniecturam Menkii et Hauptii *arescunt*, quam editores recentiores commemorant, recte Kohlmann reiecit cl. XII. 712 sq.: dirisque vaporibus aegrum aëra pulvere penitus sub casside ducens ingemit. Addo II. 18: insultare malis rebusque aegrescere laetis, XII. 194: aegrescit furiis. Nec non Lactantius lectionem traditam tuetur verissimeque explicat.

Hippomedon armatus describitur.

capiti tremit aerea cassis

130 *ter niveum scandente iuba*, *latus omne sub armis*  
*ferrea suta terunt*, e. q. s.

Garrod *verba ter n. sc. iuba* inter cruces collocavit, corruptionem latere iudicans, neque aliter Heinsius censuit cum pro *scandente* proposuerit *candente*.

Medendi viam ostendit Schol. D, qui versui ascripsit: 'triplici ordine', et locus Vergilii, quem totiens noster imitatur et hoc loco imitatus esse videtur: legitur enim Aen. VII. 785:

cui triplici crinita iuba galea alta Chimaeram | sustinet.  
 Quae cum ita sint et Statius crebro neutrum adiectivi pro adverbio ponere soleat, e. g. IX. 239: *turpe latent*, XII. 128: *torvum lacrimans*, eum scripsisse credo:

*tergeminum scandente iuba*.

Ceterum cf. IV. 175: *galeaeque corusca prominet arce gigas*, VIII. 166: *nec cassidis altam compsit adornavitque iubam*, 706: *nusquam ardua coni gloria*, IX. 107: *Lycus excelso terrore comantem perstringit galeam*.

Adiectivum *tergeminus* apud Statium est II. 31: *tergeminosomno*, VI. 289: *tergamina — luna*, IX. 750: *tergeminis — uncis*, X. 366: *si te tergeminis perhibent variare figuris numen*, Silv. I. 1. 92: *Iovis ignem tergeminum*, II. 1. 10 *tergeminum — carmen*.

Neutrum huius adiectivi adverbialiter positum equidem non inveni; quodsi ideo *tergamina* malueris, non est quod obloquar: in cod. N est *nivea*.

Ad *ferrea suta* in vs. 131 cf. III. 85: *aerea suta thoracum*, Verg. Aen. X. 313: *aerea suta*.

In descriptione clipei Capanei legitur

*squalet triplici ramosa corona*

*Hydra recens obitu: pars anguibus aspera vivis*

170 *argento caelata micat, pars arte reperta*

*conditur et fulvo moriens nigrescit in auro*.

Apud Kohlmannum et Wilkinsium voc. *reperta* — apud Garrodum vocc. *arte reperta* crucibus saepta sunt. Praesto sunt coniecturae Barthii: *torre repressa*, Lachmanni: *arte recurva*, Muelleri: *retorta* (vel *repressa*), Baehrensii: *resecta*, denique Garrod addidit, fortasse legendum esse: *pars altera reptans*.

Ad locum emendandum exigua modo mutatione opus esse credo, scilicet legendum: *arte repressā*, ita ut sit loci significatio haec: pars Hydrae, quae ex anguibus quasi vivis consistens exsculpta est, micat, pars vero altera, in qua fingenda artifex artem suam repressit, h. e. arti non indulsit, non usus est manu artifice, conditur. E centum enim anguibus pars illa vivere videbatur, haec autem, desecta cum esset ab Hercule, artificis manu non indigebat, cf. Sil. It. II. 158:

centum angues idem Lernaeaque monstra gerebat  
in clipeo et sectis geminam serpentibus hydram.

Cf. II. 355: lacrimasque repressit, III. 29: arte relicta ingemit (rektor navis), V. 522: fontisque repressos, VI. 453: victam proiecit casibus artem, X. 398: gressumque repressit, 661: dextramque repressit, XI. 309: ensem — repressit.

Argia dum monile exitiale libens Eriphylae concedit, marito et alia dicit et haec:

'non haec apta mihi nitidis ornatibus' inquit  
'tempora nec miserae placeant insignia formae  
202 te sine: sat dubium coetu solante timorem  
fallere et incultos aris adverrere crinis.

Schol. D *coetu* explicat: *matronarum*, sed iam pridem editores rem moribus heroicis plane contrariam esse perspexerunt, unde factum est ut coniectura Lipsii: *calathō solante* nonnullis placuerit. Lactantii interpretatione non multum proficimus: „sufficit ad solatium feminae tali tempore ornatibus carere, ordo talis est: sat mihi timorem dubium coetu solante fallere hoc est dissimulare.”

Unam litteram excidisse credo et emendandum: *coeptu* solante.

Cf. XII. 644: dignas insumite mentes *coeptibus*, IX. 144: non ibi Sidoniae valuissent pellere *coepto* Hippomedonta manus.

Ceterum cf. V. 84: solantia miscent conloquia, 500: longa solatur damna querela, 710: quis superum tanto solatus funera voto, IX. 569: alterni praebent solacia luctus. Ad vs. 203 cf. IX. 638: gelidas verrentem crinibus aras.

Spartiatarum indolem poeta edocet

deus ipse viros in pulvere crudo  
Arcas alit nudaque modos virtutis et iras  
ingenerat; vigor inde animis et mortis honorae  
dulce sacrum. gaudent natorum fata parentes

232 hortanturque mori, deflent iamque omnis ephebum  
turba, coronato contenta est funere mater.

Corrigendum est: *namque*. Optime locum interpretatus est Lactantius: „omnis quidem turba ephebi lamentatur interitum, mater sola negligit luctus, quia filius coronatur exstinctus.”

Atalante ubi cognovit Parthenopaeum, filium suum, puerum  
admodum Thebas proficisci velle, eum iamiam iturum occupat  
ut stetit adversisque impegit pectora frenis

318 (ille ad humum pallens): 'Unde haec furibunda cupido, e.q.s.  
Ita Kohlmann et Wilkins locum conclamatum interpunxerunt  
commemorata Peyraredi coniectura *illa ad eum*, Garrod aliquid  
excidisse putat. Sic mihi quoque visum est. Qualis vero versus  
excidisse putandus sit, docet me locus in libro III, ubi Martem  
Iovis iussu bellum incitaturum Venus consequitur:

iamque iter extremum caelique abrupta tenebat,  
cum Venus ante ipsos nulla formidine gressum  
figit equos; cessere retro iam iamque rigentis

265 suppliciter posuere iubas. tunc pectora summo  
acclinata iugo vultumque obliqua madentem  
incipit; interea dominae vestigia iuxta  
spumantem proni mandunt adamanta iugales:  
'Bella etiam in Thebas e. q. s.

Locum igitur nostrum in hunc fere modum refigendum esse  
opinor:

ut stetit adversisque impegit pectora frenis,  
<incipit; interea iuvenilia deicit ora>  
ille ad humum pallens: 'Unde haec e. q. s.

Tiresias ab Eteocle consultatur de somnio et

ille deos non larga caede iuvenum

410 non alacri pinna aut verum salientibus extis —  
tam penitus, durae quam mortis limine manis  
elicitos, patuisse refert.

Sic legitur in cod. P — codices ceteri *spirantibus* praebent. Explicat schol. Gud.: 'spirantibus aut salientibus i. e. saliendo monstrantibus verum'.

Ego *verum* suspectum habeo, nam *verum sal.* vel *spir.* etiamsi bene a scholiasta Gudiano explicetur, huic loco minime aptum videtur. Poetam hoc tantum dicere voluisse credo, rationibus sollemnibus a Tiresia institutis voluntatem deorum non tam penitus patuisse quam manes ex inferis elicitos. Cf. VIII. 178:

quis mihi sidereos lapsus mentemque sinistri

fulguris, aut caesis saliat quod numen in extis.

Quapropter collato loco in Silv. IV. 8. 2: „pecudum fibris spirantibus” suspicor Statium scripsisse: aut pecudum salientibus extis, vel *ovium*, sed illud alliteratio commendat. Postquam vocabulum corruptum est in *verum*, verbum quoque *salientibus* mutatum est in *spirantibus*, quod id obiectum quodammodo regere posse videbatur.

(Cadmus) durus qui vomere primo  
ausus humum versare et putria sanguine prata  
eruit; ingentis infelix terra tumultus  
439 lucis adhuc medio solaque in nocte per umbras  
expirat, nigri cum vana in proelia surgunt  
terrigenae.

Pro *eruit* nescio an scripserit poeta: *eruer.* Verba *lucis adhuc medio*, quae iam Heinsio suspicionem moverunt *media* conicienti, proponere velim: *luce sub occidua*. Cf. I. 403: sub nocte sopora, II. 102: nocte sub alta, 272: sub luce iugali, 318: per noctem ac luce sub omni, III. 2: nocte sub ancipiti, 33: sub occiduas versae iam noctis habenas, IV. 85 et Ach. I. 705: hiberna sub nocte, V. 82: sub nocte dieque, 265: sub nocte, 477: occidui Phoebi, VII. 455: horrore sub illo, VIII. 272: sub luce parata, 310: mundi — inoccidui, 647: morte sub ipsa, 691: nocte sub atra, IX. 605: rore sub Eoo, IX. 793 et X. 202 et Silv. I. 1. 94: sub nocte silenti, X. 84: occiduae noctis, XII. 282: nocte sub infesta, Silv. I. 3. 71: nocte sub arcana.

Tiresias cum sacrificat inferis et alia facit et  
principio largos noviens tellure cavata

452 inclinat Bacchi latices et munera verni  
lactis et Actaeos imbris suadumque cruorem  
manibus.

Lectio haud dubie corrupta facile emendari potest. Lege:  
inclinat Bacchi latices et, munera Averni,  
lactis et e. q. s.

Causam propter quam *munera Averni* ad *lactis latices* praecipue appositum sit exponam. Apud Vergilium manibus libatur Aen. III. 66 lacte et sanguine (tepido lacte), V. 78 lacte, vino, sanguine (lacte novo), Ecl. 5. 67 lacte, vino, oleo (novo lacte), apud Tibull. III. 2. 19 vino et lacte (niveo lacte), apud nostrum VI. 210 sqq. melle, vino, sanguine, lacte (rapti lactis) ut loco nostro. Cum igitur in eiusmodi sacrificiis licuisse videatur partes cetefas variare, de lacte non ita: semper et ubique lac sacrificii est pars, unde mirum non est, epitheton *munera Averni* ad hanc muneris partem prae ceteris esse additum.

Ne quis forte dubitet num de lacte nomen *latex* dici possit, affero Gossravii observationem ad Aen. I. 686: „est enim quodvis udum et fluidum; inde de aqua IV. 512, VI. 715, etiam de oleo et lacte”, quamquam nil obstat quominus *lactis* ad *imbris* pertineat, cl. V. 618 sq.:

cui nunc venit inritus orbae

lactis et infelix in vulnera liquitur imber.

Appositio similiter inclusa est apud nostrum VI. 80: cultusque, insignia regni, purpureos, VIII. 300: innumerosque deae, sua munera, flores — addit et intacto spargens altaria lacte. Cf. etiam VI. 608: Triviae — munus.

Nomen *Avernus* occurrit VII. 98, 823, VIII. 34, 193, XI. 12 e. a.

isque ubi pulverea Nemeen effervere nube

665 conspicit et solem radiis ignescere ferri, e. q. s.  
Ita codices ad unum omnes. Editores omnes locum corruptum habuere, Kohlmann *solem* inter asteriscos posuit, Garrod etiam vocabula sequentia. Coniecit Madvig: *solis* — *ferrum*, Koestlin *silvam* — *ferri* cl. V. 9 sq. et IX. 592, Baehrens: *solem radiis* vanescere *ferri*, Slater: *frondem* — *ferri*, Garrod denique ascripsit, fortasse legendum: *solem radiis* pallescere *ferri*,

cum *palescere* et *ignescere* item ad IV. 171 confusa sint. Wilkins rogat: An *atque solum*?

Frustra tot viros in hoc loco desudasse, locis ex ipso carmine allatis ostendam. Capaneus (X. 843) per scalas moenia Thebarum ascendit longeque timendus

multifidam quercum flagranti lumine vibrat;

arma rubent una clipeoque incenditur ignis.

Recte Lactantius haec verba explicat: „splendore clipei repercussus splendidior fit”. Ut igitur h. l. facis lumen augeri dicitur radiis clipei, ita loco nostro lux solis poetice sed optime ferri radiis augeri fertur. Amat enim poeta armis, clipeo praecipue, suam quasi insitam assignare lucem, quae non a sole originem ducat sed etiam eum aemuletur atque interdum superare possit, cf. III. 225:

clipeique cruenta-

lux rubet, et solem longe ferit aemulus orbis.

et rursus VI. 665:

qualis Bistonis clipeus Mavortis in arvis

luce mala Pangaea ferit solemque refulgens

territat.

Cf. etiam IV. 132: umeros ac pectora late flammeus orbis habet, 170: pars anguibus aspera vivis argento caelata micat, V. 557: ad armorum radios, IX. 229: claraque armorum incenditur umbra (unda sc.), ubi reicienda est Kochii coni. *claroque* a. i. *auro*, XII. 658: nec pulvere crasso armorum lux victa perit sed in aethera longum frangitur et mediis ardent in nubibus hastae, 732: campumque trucem lux cuspidis implet.

Adrastus Hypsipylon orat ut copiis siti vexatis succurrat  
da fessis in rebus opem, seu turbidus amnis

758 seu tibi foeda palus; nihil hac in sorte pudendum,  
nil humile est; tu nunc ventis pluvisque rogaris  
pro Iove, e. q. s.

Pro *foeda* malim *fida*: certe verba quae sequuntur illud non requirunt, quippe quae ipso vocabulo *palus* satis iam confirmantur, et cf. IX. 321: Crenaeus, cui prima dies in gurgite fido et natale vadum et virides cunabula ripae, XII. 183: quo semet ab agmine fido segreget, VII. 592, VIII. 571 et 616, Ach. I. 751: virginibus qua fida domus.

In versu sequenti Garrodum *ventis* iniuria in *undis* mutasse, Baehrensium sine causa *venis* coniecisse testantur:

IX. 405: unde aurae nubesque bibunt atque imbrifer arcus.

IV. 836: gravidive indulgent nubila Cori.

787 at puer in gremio vernae telluris et alto

gramine nunc facilis sternit prodeursibus herbas e.q.s.

Garrod quod non vernum tempus esset, adiectivum cinxit crucibus rogans: An *tenerae*? Immo *variae*, cl. V. 502: languentiaque ora comanti mergit humo — presa manus haeret in herba, VII. 570: variisque ornare corymbis.

Ubi denique iam agmen sitiens aquas invenit, „incubueret vadis passim discrimine nullo turba simul primique” (vs. 810), atque vss. 810—824 poeta res, quae in tali tempore fieri solent, vividis coloribus depinxit, in quibus et alia et haec sunt:

hos turbo rapax, hos lubrica fallunt

saxa, nec implicitos fluvio reverentia reges

816 proterere aut mersisse vado clamantis amici  
ora.

Corrigas quaeso: *incumbentis*, cl. vs. 810, IV. 559: nec tristi incumbere sulco cura (sc. manibus est), V. 595: ingeminat misera oscula tantum incumbens, VI. 576: tunc Palladios non inscius haustus incubuit, XII. 290: corpora prona supinat incumbens, Ach. II. 151: ferus ille minari desuper incumbens.

### LIBER QUINTUS.

Hypsipyle narrationem de viris a Lemniadibus interfectis incipit:

Immania vulnera, rector,

30 integrare iubes, Furias et Lemnon et artis  
arma inserta toris debellatosque pudendo  
ense mares.

Hoc loco, qui versum Vergilianum (Aen. II. 1) in mentem vocat: „Infandum, regina, iubes renovare dolorem”, adiectivum *artis* absolute positum est, aliter atque XI. 273: ‘urbem — modo



inane, cf. II. 144: illos — cornu perfuderat omni Somnus, VI. 27: (Lunae habenas) cornu fugiebat Somnus inani. Cf. etiam VIII. 481: in expleto rapitur per milia ferro, IX. 729: caelestibus implet coryton telis, X. 111: haec (manus Somni sc.) cornu oblita remisit.

Lycaste Cydimon fratrem dormientem necare veretur,  
cum saeva parens iam coniuge fuso

230 astitit impellitque minis atque inserit ensem.

Dubites utra Cydimon tandem interfecerit, Lycaste an mater. Comparatio quae mox sequitur Lycastem fecisse comprobatur a matre compulsam; ad *inserit* igitur mente supplendum est: *manibus Lycastes*, cl. vs. 31: artis arma inserta toris, ut ad *impellit* nimirum obiectum intellegitur: *Lycasten*. An vero credibile est, Statium tam ambigue rem descripsisse ut legentibus in medio relinqueret atque demum imagine quae sequitur quasi adumbraret, matrem Lycastes ensem in manus filiae, non in filii corpus inseruisse, ut ap. Liv. legitur: *inserere* ex propinquo telum. Cui difficultati ut obviam iret, nescio quem in codicis optimi margine ascripsisse opinor: *ingerit*. At dubito an pro *minis* noster posuisse putandus sit: *manus*, qua voce recepta sane omnis loci asperitas iam tolleretur. Cf. XI. 694:

ultricem crudelis in ora retorsi

non ullo cogente manum.

Verg. Aen. XII. 423: secuta manum nullo cogente sagitta.

Ceterum impellendi usum cum accusativo iuncti ap. Statium creberrimum esse, hi loci demonstrent: II. 80 impulerat matres, 250 impulsae mentes, 468 impulsa per agmina, III. 35 Tethys impulit Hyperiona, IV. 3 impulsa fatis consilia, 310 totam impellere natum Arcadium, 802 impulit auris murmur, V. 264 impulsis mensis, 555 Argolicas ululatus auris impulit, 657 impellite raptam, VII. 83 Mars impellit equos, VIII. 683: telum ingens avide impulit, Ach. I. 89 impelletque manu nostros muros, 430 (ferrum) quod conspirante veneno impellat mortis.

Quodsi quis in numero plurali *manus* offendant, ne obliviscatur moneo sermonem esse de puella, cuius imbecillitati vix conveniret virilem in modum dextra una gladium dirigere, atque

verbis quae sequuntur: 'sic illa iacenti incidit' adducor ut credam, illam gladio utraque manu directo extentoque in corpus fratris dormientis se immisisse. Cf. etiam vs. 282, ubi Bacchus Venerem dicens rogat: Unde manus, unde haec Mavortia divae pectora?

Hypsipyle quomodo Thoanti patri pepercerit narrat atque cum eo fugerit ex oppido,

ferimur per devia vastae  
urbis et ingentem nocturnae caedis acervum  
passim, ut quosque sacris crudelis vespera lucis

251 straverat, occulta speculamur nube latentes.

Legendum est: *nocte*, cf. vs. 265: sub nocte. Nempe nox ita fuit obscura ut non conspicerentur, quod e sequentibus patet; ergo opus non fuit nube qua deus aliquis eos involveret. Vs. 265 Bacchus sese iis ostendit, qui cum multis eos adhortatus est, abit et

285                      nostrum, visus arcentibus umbris,  
                         mitis iter longae claravit limite flammae,

quae verba Gronovius optime illustravit: „visus aliorum, umbris impredientibus ne nos conspiceremur.” Bacchus igitur non modo non nubem iis offundendam duxit, sed etiam lumen ali-quod praebendum ut viam invenirent. Cf. X. 18: dux noctis opertae.

Simulat Hypsipyle se patris corpus mortuum comburere

316 ac prope maesta rogom confusis ignibus asto  
                         ense cruentato, e. q. s.

Kohlmann glossam e cod. Gud. eandemque Lachmanni coniecturam *crinibus* recepit, Ellis *contusis unguibus* proposuit. Cum vero alibi quoque ignes pro oculis poeta usurparit, e. g. XI. 146: tantum fleverat atque manu tacitos averterat ignis, XII. 186: hortantur pietas ignesque pudici, et multis locis participium *confusus* eodem sensu apud nostrum occurrat, nullam causam video propter quam tradita lectio displiceat. Cf. II. 234: primae modestia culpa confundit vultus, I. 17, V. 421, VII. 419.

Hypsipyle enim omnia signa filiae patrem plangentis quam maxime imitatur, „metu, si forte premant”, ut vs. 318 legitur.

Iam paenitet Lemniades factae caedis

iam meminisse nefas, iam ponere manibus aras

329 concessum et multum cineres iurare sepultos.

Saepius quidem isto modo verbum iurandi apud Statium legitur e. g. VII. 103, ubi Adrastus ad manes Archemori: captivis etiam iurabere Thebis, VII. 160: nec Styge iurata nec paelicis arte rogatus, VIII. 100: quid enim hic iurandus Apollo? sed loco nostro verbum minime accommodatum esse iudico, immo vix dubito quin poeta scripserit: *curare* i. e. *θεραπεύειν*.

Ad *multum curare* cf. I. 58: multumque mihi consueta vocari, XII. 478: Creonta multum et ubique fremunt, 811: o mihi bisseuos multum vigilata per annos Thebai, Ach. I. 449: litora multum montivagae dilecta deae.

Lemniades navem Argonautarum appropinquantem conspiciunt, Thraces hostiles esse credunt, arma virilia sumunt.

quin et squalentia texta

355 thoracum et vultu galeas intrare soluto

non pudet.

Quid verbis *vultu soluto* poeta voluerit, vix quemquam fugere opinor, at tamen fugit Lactantium, cuius interpretatio haec est: 'SOLVTO molli aut muliebri'. Est nimirum vultus galeae (vizier) atque manifestum est, Statium non galeas vere Romanas ante oculos habuisse quippe quae mobili oris tegumento carerent, sed Graecas vel eas quibus certa gladiatorum genera uterentur, cf.

VIII. 163: qui fletus galeis cecidere solutis.

IX. 700: ast ubi pugna | cassis anhelae calet, resoluta vertice nudus | exoritur.

Eodem tempore Argonautae subita tempestate iactantur et Lemniades tela in eorum navem immittunt.

376 nos quoque per rupes murorumque aggere ab omni,  
dum labor ille viris fretaque indignantur et Austros,  
desuper invalidis fluitantia tela lacertis  
(quid non ausa manus?) Telamona et Pelea contra  
spargimus, et nostro petitur Tirynthius arcu.

Ineptum illud *per rupes* emendandum est: per turres. Nempe mulieres, ut vs. 350 sqq. Hypsipyle narravit,

portus amplexaque litus  
 moenia, qua longe pelago despectus aperto,  
 scandimus et celsas turris,  
 neque, hercle! credibile, eas deinde ex oppido egressas per ru-  
 pes stationes iniisse quae comminus cum hostibus certarent,  
 neque ita factum e vs. 409 sqq. apparet, ubi Argonautae et  
 undis et Lemniadum telis petiti dicuntur:

quatiunt impulsibus illi  
 nunc freta, nunc muros, sed nec spumantia cedunt  
 aequora et incussae redeunt a turribus hastae.  
 Ad praepositionis *per* usum cf. III. 229, 573, V. 404, 595, 638,  
 VIII. 218.

Hypsipyle de filiis suis Lemni relictis dicit,  
 nec quae fortuna relictis  
 466 nosse datur, iam plena quater quinquennia pergunt  
 si modo fata sinunt aluitque rogata Lycaste.  
 Kohlmann et Wilkins lectionem traditam retinuerunt, Garrod  
 Lachmanni coniecturam *vergunt* recepit, at scribendum esse  
*degunt* hi loci docebunt:

- I. 63: possem cum degere falso contentus Polybo.  
 V. 752: Phrygiis aut degere longius annis.  
 VI. 831: sic otia Martis degere — assueverat.

Iam rumor incessit, Hypsipylam patrem non interfecisse,  
 iam taedet Lemniades eius imperii.

quin etiam occultae vulgo increbrescere voces:  
 Solane fida suis, nos autem in funera laetae?  
 492 non deus haec fatumque? quid imperat urbe nefanda?  
 Kohlmann pro *laetae* recepit Baehrensii coniecturam *latae* —  
 pro *non* scripturam codicis Gud. *num*; Wilkins *laetae* retinuit,  
 sed recepit *num*; Garrod cum lectionem traditam servarit, ad  
 vs. 491 ascripsit, fortasse legendum esse: *nostra autem in*  
*funera laeta est?* et versum sequentem tamquam corruptum  
 intra cruces posuit.

At nihil mutandum esse puto nisi interpunctionem vel potius  
 enuntiatorum divisionem: ut Lactantii verbis utar, quae ad  
 XI. 257 ascripsit, membratim ista quae vs. 491 sq. continentur

legenda sunt ut videantur a multis dici, atque sic distinguenda:

'Solane fida suis, nos autem in funera laetae?'

'non deus haec fatumque? 'Quid imperat urbe nefanda?'

Ad verba *non deus haec fatumque* nimirum mente supplendum est: vident atque ulciscuntur? Cum loco bene comparaveris XII. 458 sq., ubi Antigone et Argia sibi quaeque culpam vindicant corporis Polynicis combusti:

Ego corpus, ego ignis,

me pietas, me duxit amor.

Ceterum nihil esse quod in verbis *nos autem in funera* (sc. ficta Thoantis) *laetae* offendamus, exempla quae infra ad vs. 593 allata sunt, satis ostendent.

Capaneus ora monstri, quod Archemorum occiderat, hasta ferit eiusque caput figit solo.

574

longus vix tota peregit

membra dolor, rapido celer ille volumine telum

circuit avulsumque ferens in opaca refugit

templa dei.

Immerito Garrod Lachmanni coniecturam *peredit* commemorat et de suo *peragrat* proponit, quandoquidem *peregit* ipsum verbum est quo Statius eo sensu uti soleat, ut probat VI. 109:

non grassante Noto citius nocturna peregit

flamma nemus,

ad quem locum iure Duebner: „multi codices *peredit*, sed amat illud verbum Statius”. Alia exempla haec sunt V. 543: qualis non totas peragunt insomnia voces, VIII. 208: peragunt sollemnia, XI. 56: carmen tuba sola peregit, Ach. I 136: sub axe peracto, 314: cui nondum toto peraguntur cornua gyro.

Subita infantis morte detecta, cuius cura ei mandata erat, Hypsipyle

agnoscitque nefas, terraeque inlisa nocenti

593 fulminis in morem non verba in funere primo

non lacrimas habet.

Non cum Benteio corrigendum esse *in vulnere*, sed scribendum *in funera* censeo atque *primo* adverbium esse moneo. Pertinent ad hunc locum vs. 605 sq.:

ut laceros artus gremio miseranda recepit  
intexitque comis, tandem laxata dolori  
vox invenit iter gemitusque in verba soluti.

Similiter est in libro XII: primò (vs. 9) — mox (vs. 19) — tandem (vs. 20).

Voc. *funera* plurali numero a Statio saepius pro uno homine mortuo positum esse demonstrant V. 491: nos autem in funera laetae? 647: prima, Lycurge, dabis Dircae funera bello, VIII. 225: nunc funera rident auguris, IX. 96: haec infamantia bellum funera (Tydei sc.), 365: miseri funera nati, 539: ingentiaque horrent funera (Hippomedontis sc.), XII. 383: mea membra tenes, mea funera plangis.

Usus autem liberioris praepositionis *in* cum accusativo iunctae haec exempla affero II. 514: strictosque in vulnera dentis, III. 584: gladios in saeva recurant vulnera, IV. 574: canes in vulnus hiantis, VI. 79: in nomen credula, 269: miris in vultum animata figuris, 271: (Hercules) sua frangit in ossa leonem, 290: iungunt discordis inimica in foedera dextras, 458: is furor in laudes, VII. 198: veteres seraeque in proelia causae, X. 294: optat nunc bracchia centum centenasque in bella manus, XII. 632: ipse quoque in pugnas vacuatur collis.

Lycurgus Hypsipylon supplicio affecturus a ducibus Argivis prohibetur: oritur altercatio atque ille deum invocat testem et arces respicit

atque illic alio certamine belli  
tecta fremunt; volucris equitum praevertent alas  
692 fama recens, geminos alis amplexa tumultus:  
illi ad fata rapi atque illi iam occumbere leto  
sic meritam Hypsipylon iterant.

Hanc codicum omnium lectionem, quamvis a compluribus sollicitatam, servandam esse arbitror; Lachmann *agilis complexa*, Burmannus e codice ut videtur aliquo *geminosque suis* (sc. alis!) *amplexa* proposuit, Garrod *aulis* scripsit interpunctione ita mutata:

tecta fremunt (volucris equitum praevertent alas  
fama recens), geminos aulis amplexa tumultus:

Hi omnes nimirum offenderunt in vocabulo *alis* post *alas* repe-

tito, sed nescio an propter significationes vocabuli prorsus diversas ista repetitio poetam aut fugerit aut non offenderit, nam ceteros locos conferas ubi de Fama sermo est: primum III. 425 fuse eius volatus describitur:

at vigil omni

Fama sono vanos rerum succincta tumultus

ante volat currum (Martis sc.), e. q. s.

deinde X. 626: iam fama sacratam vocem amplexa volat.

Similiter de Somno Ach. I. 620:

totis ubi Somnus inertior alis

defluit in terras mutumque amplectitur orbem.

Si *sic meritam* retinendum est neque cum Peyraredo corrigendum: *immeritam*, ironice scilicet est intellegendum neve cum Kohlmanno virgulam post *leto* ponas moneo: item legitur VI. 168, ubi mater pueri occisi de eadem Hypsipyle:

sed miserae mihi nec punire potestas

sic meritam!

Est *immeritas* VII. 23, X. 4, *immeritam* XII. 296, *emerito* III. 591, *emeritis* XII. 522, *emeritas* XII. 638.

Hypsipyle cum natos, de quibus vs. 464 sqq. locuta est, agnoscit, cessit dolor de Archemoro sua neglegentia interfecto.

ut vero et vultus et signa Argoa relictis

726 ensibus atque umeris amborum intextus Iason,  
cesserunt luctus.

Similiter umeri pro toto corpore positi sunt ut h. l. pro tota veste: VI. 835: terrificos umeris Aetolus amictus exuitur.

X. 648: (Herculem) perdere Sidonios umeris ridebat amictus (Lydia coniunx).

Signa vestibus intexta etiam commemorantur:

VII. 255: cui nivea arma tridentem atque auro rude fulmen habent.

VII. 352: armaque vel Tityon vel Delon habentia.

### LIBER SEXTUS.

25 Clara laboriferos caelo Tithonia currus  
extulerat e. q. s.

Kohlmann et Wilkins coniecturam Lachmanni *clara ubi roriferos* commemorant, Garrod item sed addit, se vereri ut Latinum sit *ubi extulerat* pro *ubi extulit* vel *ut extulerat*. Lachmannum ita coniecisse suspicor propterea quod I. 338 sunt:

Titanis late, mundo subvecta silenti,  
rorifera gelidum tenuaverat aëra biga,  
verum sine causa locum nostrum vexavit. Staius enim epitheto *laborifer*, quod apud Ovidium et in Silv. IV. 6. 26 idem est quod 'laborem perferens', novam vim subiecit ut Vergilianum illud novaret (Aen. XI. 183):

extulerat lucem referens opera atque labores,  
postquam ipse de Somno iam cecinit (I. 340):

grata laboratae referens oblivia vitae,  
quem secutus est postea Ausonius 322, 7 h.:

Graio schola nomine dicta est,  
iusta laboriferis tribuantur ut otia musis.  
Cf. Schamberger II. p. 286 sq. de adiectivis compositis in — *fer*  
cadentibus.

ille quoque adfatus non mollius audit amicos,  
quam truci Ionii rabies clamantia ponto

53 vota virum aut tenuis curant vaga flumina nimbos. Haec versuum trias in codice P omissa est et alia manu post ascriptum: *deficiunt tres*, neque a Lactantio agnoscitur: exstat in ceteris codicibus, ab editoribus Kohlmanno et Garrodo uncinis est inclusa, a Wilkinsio non item. Codices variant in *flumina* — *fulmina*, *nimbos* — *cultu* cod. Bodl. Can. 77. Garrod temptavit: *flumina* — *lembos*. Scribendum est:

aut tenuis curant vaga flumina cumbas.

Cf. Silv. I. 4. 120: *immensae veluti conexa carinae cumba minor*.

II. 1. 186: *ipse avidae trux navita cumbae*.

III. 3. 84: *inque omni felix tua cumba profundo*.

V. 1. 252: *manes placidus locat hospite cumba, ubi sine causa Markland ripa scripsit*.

Versus 79—83 in codice P omissi sunt atque alia manus addidit: *deficiunt V*, in codice B ascripti sunt in margine, ex-

stant in codd. DKNS, apud Lactantium non explicantur.. Kohlmann eos eiecit, Wilkins et Garrod uncinis incluserunt atque hic totam versuum seriem 72—89 Statio omnino indignos iudicat.

Varias virorum doctorum coniecturas, quibus singula vocabula temptarunt quo totum loci contextum ad liquidum perducerent, nunc non afferam, quoniam ista ratione hic progrediendum non esse persuasum habeo: alia corruptelae est origo, alia utendum medela. Credo post vs. 66:

oderat atque oculos flectebat ab omine mater  
traiciendos esse versus 79—81 (spes avidae — minus) et finem versus 77 ita:

spes avidae! quas non in nomen credula vestis  
urgebat studio cultusque insignia regni  
purpureos sceptrumque minus cinctusque sonantes.

Versus autem 78:

armaque maiores exspectatura lacertos  
excidit post versum 73, quo cum rursus eum traieceris, videbis quam apte verba *namque illi* (74) — *equos* (77) iam sequantur: venuste iis narratur, patrem iam tunc nato suo, cum vix loqui atque incedere posset, equos destinasse et arma exigua facienda curasse, quae vel sic parvuli viribus graviora essent.

Quid tandem factum videmus? Post versum 66 tres versus — post versum 73 unum versum olim excidisse, quos omnes una confertos sed mutato ordine scriba posterior inter verba *equos* in vs. 77 et *cuncta* in vs. 81 inseruit, deinde scriba codicis P vel huius codicis exemplaris, cum iure offendisset in conturbato loci contextu, versus 79—83 omisit. Locum igitur sic constituo:

65 opus admirabile semper  
oderat atque oculos flectebat ab omine mater.  
(79) spes avidae! quas non in nomen credula vestis  
urgebat studio cultusque insignia regni  
purpureos sceptrumque minus (77) cinctusque sonantes.

67 arma etiam e. q. s.

Deinde:

73 numeraque in cineres annis graviora feruntur  
(78) armaque maiores exspectatura lacertos.  
74 namque illi et pharetras brevioraque tela dicarat  
75 festinus voti pater insontisque sagittas

76 iam tunc et nota stabuli de gente probatos

77 in nomen pascebat equos: (81) cuncta ignibus atris

82 damnat atrox suaque ipse parens gestamina ferri,

83 si damnis rabidum queat exsaturare dolorem.

Versibus ita mecum collocatis nullum corruptelae vestigium iam restare videbis, quamquam fuit cum pro *damnat* (vs. 82): *donat* scribendum esse putarem fretus locis qui sunt VI. 168: quid dona, duces, quid inania fertis iusta rogis? 206: ditantur flammae, 728: at tibi — hunc — ferre damus — ense, 822: mittamque informe sepulcro corpus et Oebalio donem lugere magistro? VIII. 209: ceu flammas ac dona rogo tristisque rependant exsequias.

Iam face subiecta primis in frondibus ignis

203 exclamat; labor insanos arcere parentes.

Lactantius ad l.: „EXCLAMAT crepitu sonat. omnis enim clamor sonus est”, quem falli Gronovius dicens ipse explicat: „ignis incipiens renovat complorationem et facit ut conclament dolentes: sic qui iubent rem et causam aut quaecumque occasionem dant eius, facere eam dicuntur”. Kohlmann Baehrensio obsecutus est legenti: *ignis: exclamant (labor insanos arcere) parentes. Mihi vero Lactantium verum vidisse constat cl.*

X. 94: licet omnia clament litora.

XI. 116: clamant amnes, freta, nubila, silvae.

Silv. II. 2. 50: pelagi clamore.

De nova vi verbo clamandi a Statio subiecta, sc. clamore implendi, cf. Schamberger l.l. pg. 319, qui duo affert exempla Th. V. 462 et Silv. IV. 8. 16.

iam prior Oeclides et iam non tertius ibat

446 Admetus, laxo cum tandem ab orbe reductus

aequoreus sonipes premit evaditque parumper

gavisos.

Ita in codicibus fere omnibus legitur, cum *et ab* vel *et ex* in nonnullis deterioribus traditum sit, quorum illud Kohlmann — hoc Wilkins recepit. Garrod vocabula *tandem ab orbe* crucibus circumdedit, altius latere corruptelam ratus. At recte Lactantium locum interpretari existimo: „LAXO CVM TANDEM AB ORBE id est ab exteriori gyro”. Nempe modo de equo nostro poeta dixit:

dum non cohibente magistro  
 spargitur in gyros dexterque exerrat Arion,  
 et cf. vs. 479:  
 mox Chromis Hippodamum metae interioris ad orbem  
 viribus Herculeis et toto robore patris  
 axe tenet presso.

Apollo Amphiaraus palmam in equestri certamine redditurus,  
 ut equos aemulos terreat, monstri effigiem subito tollit.  
 anguicomam monstri effigiem, saevissima visu  
 496 ora, movet sive ille Erebo seu finxit in artus  
 temporis, innumera certe formidine cultum  
 tollit in astra nefas.

Ita cod. P — ceteri *in acta*. Coniecit Barthius: *seu finxerat aestu*,  
 R. Unger: *in ictu*, Mueller: *in astus*, anon. Heidelb. *in actu*  
 cl. XII. 187: omni manifestus in actu, quod editores recen-  
 tiores recipiunt.

Nescio an scripserit poeta: *in arta* temporis.

Stadium saepissime neutrum plurale adiectivorum cum gene-  
 tivo casu substantivi posuisse notum est, cuius rei exempla  
 sunt I 376: opaca nemorum, III 262: caeli abrupta, 548:  
 cuncta rerum, XI. 5: concussa plagarum. Adiectivum autem  
*artus* hoc sensu et alibi fortasse legitur et X. 590: quodque  
 unum rebus solamen in artis, XI. 156: sera quidem —  
 consulta, pater, iam rebus in artis adgredior.

De praepositionis *in* usu cum accusativo apud Statium iam  
 egi ad V. 593.

Verba igitur *in arta temporis* significant: urgente tempore.

In chlamyde, quae Admeto ex equestri certamine praemium  
 assignatur, Leander acu pictus est.

544 in latus ire manus mutaturusque videtur  
 braccia, nec siccum speres in stamine crinem;  
 contra autem frustra sedet anxia turre suprema  
 Sestias in speculis, moritur prope conscius ignis.

Varie hic locus temptatus iam est. Primum vocabulum *manus*,  
 quod Kohlmann et Wilkins retinuerunt, Markland (ad Silv. I.  
 2. 82) in *manu* mutavit, quod Garrod recepit quamvis de suo

proponens: *dilatare manus*. Deinde verbum *mutaturusque* displicuit criticis, e quibus Peyraredus *lentaturusque* — Baehrens *motaturusque* maluit. Quod Garrod observavit, verbum sollicitandum non esse, cum in latere, non prono pectore nare solerent Romani: propter id pro *nare* eos dicere *alternare* (Ov. Met. IV. 353) seu *mutare brachia*, fallitur, nam sunt duo sigilla aenea Lutetiae Parisiorum et Florentiae hominum prono pectore natantium, quod mecum communicavit C. Gul. Vollgraff v. d. Ceterum sive prono pectore nabant sive corpore obliquo, utique alternabant sive mutabant brachia, h. e. modo dextrum modo laevum emittebant brachium (cf. III. 595, ubi Enceladus temptat mutare latus), ut etiam nunc apud multas gentes mos est. Verbum igitur sanum esse Garrodo assentior, de causa non item.

Locutio autem *in latus ire* mihi optime convenire videtur homini, qui natans in tela acu pictus est, cum in eiusmodi opere vix et ne vix quidem effici possit ut quaedam partes eminere, quaedam recessisse videantur: ita fit ut Leander haud male dicatur in latus ire, ut aliquis qui desuper cadit, in caput effunditur, quod legitur VI. 803 sq. Sed constat mihi, neque *manus* retineri posse, cum verbi *videtur*, quod et ad *in latus ire* et ad *mutaturus* pertinet, Leander haud dubie sit subiectum, neque *manu* cum Marklando scribendum, quandoquidem non *manu*, sed brachiis in latus ire dici potest. Legendum credo:

in latus ire omnis mutaturusque videtur  
brachia.

Totum enim Leandri corpus transversum cum sit quasi brachiis ambulare videtur, quod deinde accuratius describitur verbis: mutaturus videtur brachia. Saepe *omnis* apud Statium pro *totus* est, ut VI. 571, 767, VII. 359: vultumque per omnem. 450: sol montibus omnis erepsit, IX. 528: Hippomedon omnis patet leto, Ach. I. 4: nos ire per omnem — heroa velis.

Ad verba *moritur prope conscius ignis* (cf. XII. 252: e speculis moriens intermicet ignis) moneo, Statium saepe pulchritudinem rerum acu vel caelo expressarum augere ut quasi vivere eas dicat e. g. I. 547, ubi in patera Perseus Gorgonis caput tenens describitur, haec autem

gravis oculos languentiaque ora  
 paene movet vivoque etiam pallescit in auro.  
 Deinde in templi descriptione, quod in Archemori memoriam  
 exstructum est, tota mortis eius historia redditur et serpens in  
 eo exsculptus est, de quo VI. 247 sq.:

exspectes morientis ab ore cruenta  
 sibila, marmorea sic volvitur anguis in hasta.  
 Denique in l. IX. 337, ubi clipeus Crenaei describitur in quo  
 Europa in tauri sedens tergis caelata est:

ire putes clipeo fluctusque secare iuvenum,  
 ad quae recte Lact. „ad picturae laudem poeta mobilitatem  
 immobilibus dedit” et affert Verg. Aen. VIII. 691 sqq.: ‘pelago  
 credas innare revulsas Cycladas aut montes concurrere montibus  
 altos’.

Inter cursus pedestris aemulos Idas est, cui  
 iam tenuem pingues florem inducere palaestrae  
 586 deserpitque genis nec se lanugo fatetur  
 intonsae sub nube comae.  
 Garrod ascripsit, fortasse legendum esse *inserpitque*, at oblo-  
 quitur locus alter quem Georges s. v. dat, sc. Apul. Apol. 63:  
 „ut decenter utrimque lanugo malis deserpat.”

Complures primo disci certamine certaturi erant; cum vero  
 Hippomedon discum immani pondere in medios tulisset, uni  
 Phlegyas et Menestheus restabant

concessit cetera pubes  
 664 sponte et adorato rediit ingloria disco.  
 Participium *adoratus* apud Statium loco haud uno legitur, sed  
 semper et ubique vulgari significatione, quam hic minime ac-  
 commodatam esse censeo, cf. X. 254: *adoratas*, Phoebea in-  
 signia, frondes, 790: corpus *adoratum*. Verbum igitur cor-  
 ruptum puto atque coalitum ex *ab aerato*, cf. II. 532: *aeratis*  
 — in armis, IV. 110: omnibus *aeratae* propugnant pectora  
 crates, V. 335: *aerata* — prora.

Sic et Aloidae, cum iam calcaret Olympum  
 720 desuper Ossa rigens, ipsa glaciale ferebant

Pelion et trepido sperabant iungere caelo.

Hi versus tres in nonnullis codicibus deterioris notae leguntur atque ab editoribus aut omitti aut uncinis includi solent, quod non ob stare oportet quominus emendentur. Quod varie codices exhibent *ipse* — *ipsam* corrigendum est: *supra*, cf. VI. 886: animisque et pectore *supra* est, VIII. 125: ire *supra* satis est, IX. 859: cum *supra* respexit olor, Ach. II. 118: ire *supra*.

Eadem comparatio redit X. 850 sqq.

PLUTARCHUS.

Quom. adol. 19 F. Sunt quaedam Homeri narrationes quae lascivae videantur sed revera utilissimae esse possint legentibus. At omnem earum utilitatem pessumdant nonnulli ineptis suis allegoriis. Sic:

ἔνιοι μοιχευομένην Φασὶν Ἀφροδίτην ὑπ' Ἄρεος μὲνύειν Ἥλιον, ὅτι τῷ τῆς Ἀφροδίτης ἀστέρι συνελθὼν ὁ τοῦ Ἄρεος μοιχικᾶς ἀποτελεῖ γενέσεις, Ἥλιου δ' ἐπαναφερομένου καὶ καταλαμβάνοντος οὐ λαμβάνουσιν.

Paulo rarior, nec tamen insolitus, verbi *μὲνύειν* usus fecit ut sciolo intempestive in mentem veniret Solis adulterium *prodentis* Vulcano. Eiecto Ἥλιον omnia optime procedunt et *μὲνύειν* significandi vim habet. Cf. Plat. Phaedr. 277 C ὡς ὁ ἔμπροσθεν πᾶς μεμύηκεν ἡμῖν λόγος et saepe alibi.

Pseudo-Plut. de Liberis educ. 10 F. „Ideo proavi nostri mysteria instituerunt ut in illis silere assuefacti”:

ἐπὶ τὴν τῶν ἀνθρώπων μυστηρίων πίστιν τὸν ἀπὸ τῶν θεῶν μεταφέρωμεν φόβον.

Immo vero *θεῶν*: opponuntur inter se humana et divina mysteria.

J. J. H.

## AD SCHOLIA BOBIENSIA.

SCRIPSIT

C. BRAKMAN I. F.



Anno ante Paulus Hildebrandt apud Teubnerum in lucem emisit novam editionem Scholiorum in Ciceronis Orationes Bobiensium. Huius scholiastae recentissimum textum quamquam facile concedo praestare Orelliano <sup>1)</sup>, tamen hic illic puto me corrigere posse. Maior autem pars coniecturarum, quas prolaturus sum, supplementa sunt Graeca neque vero desunt emendationes Latinae; perpaucos denique locos similes adieci.

Omnes novimus Ciceronem magistratus Sicyonii cruciatum narrare hisce verbis (In Verr. Act. II Lib. I § 44): Ignem ex lignis viridibus atque humidis in loco angusto fieri iussit: ibi hominem ingenuum, domi nobilem ... semivivum reliquit.

Huius orationis brevitatem laudans scholiasta qui dicitur Gronovianus cum alia adnotat tum haec:

H 1, 7 O 402, 29 *Ignem* parum erat dixisse: subiecit *ex lignis viridibus*, quod est intolerabilius, addidit etiam *umidis*, quo *spiritus* magis magisque auferri solet: superposuit *in loco angusto*, ubi densior fumus *animas haurientes urget*.

Cum his ultimis verbis apte composueris senarium, quem Cicero e Sophoclis Trachiniis sic expressit Latine (Tuscul. II § 20):

*Urguensque graviter pulmonum haurit spiritus.*

Similiter dixit Apuleius Met. X 28 (ed. Helm. 259, 7) pul-

---

1) M. Tullii Ciceronis Scholiastae. Ediderunt I. C. Orellius et I. G. Baierus Turici 1833. Infra numeris usus sum editionum Hildebrandtianae et Orellianae.

mones eius pererrat tempestas detestabilis potionis, primum suspicata, quod res erat, mox *urgente spiritu* iam certo certior e. q. s.

H 4, 23 O 404, 20 Ciceronis verbis (In Verr. Act. II Lib. I § 54) neque in suburbana amicorum subiungitur hoc scholion: Hortensium praecipue videtur significare, qui huiusmodi signis et tabulis pictis familiariter delectabatur. Id manifestius in Hortensio ostendit dialogo: Cum in villa Luculli *bellum* esset omni apparatu venustatis ornatum.

Plerique *bellum* tamquam corruptum sollicitaverunt, at mihi videtur sincera lectio fuisse: Cum in villa Luculli *bellum* <*tabulinum*> esset omni apparatu venustatis ornatum.

*Tabulinum* (i. e. *πινακοθήκη*), quod ipsa sententia enixe flagitatur, post *Luculli bellum* facile intercidere potuit praesertim in scriptura continua, cuius multa vestigia in textu Scholiastae Gronoviani deprehenduntur <sup>1)</sup>. Vocem a me insertam tuetur Apul. Florid. XXIII (ed. v. d. Vliet. 189, 15) sed et medici cum intraverint ad aegrum, uti uisent, nemo eorum, quod *tabulina* perpulchra in aedibus cernant et lacunaria auro oblita . . . . aegrum iubet, uti sit animo bono e. q. s.

Initium commentarii ab interprete, quem Scholiastam Bobiensem vocare solemus, scripti ad orationem, quam Cicero habuit pro Sulla, nobis periit. Primum vero scholium, quod quamquam integrum non est, aetatem tulit, sic se habet:

H 7, 1 O 359, 16 videatur adsciscere, ait se non periculum communicare, sed laudem, nec ut plures periclitentur, sed ut multi aequaliter glorientur.

Haec manifesto spectant ad oratoris verba (Pro Sull. § 9): Neque ego hoc partiendae invidiae, sed communicandae laudis causa loquor; oneris mei partem nemini impertio, gloriae bonis omnibus. Itaque ut unum saltem versiculum vel 16 fere litteras recuperemus, edendum censeo: <*gloriam ne sibi uni*> videatur adsciscere, ait se non periculum communicare, sed laudem e. q. s. *Sibi uni* ipse scholiasta adhibet infra (H 8, 16): Non contentus

1) Cf. Stangl Der sogenannte Gronovscholiast. Pag. 72. Nachweis 27.

*sibi uni* vindicare testis auctoritatem e. q. s. Cicero autem scribit (H 27, 13): *cui uni* absoluto lites aestimatae sunt.

H 9, 18 O 361, 21 Hic contra ita quievit, ut eo tempore omni Neapoli fuerit.

Quoniam videri poterat P. Sylla damnatus conscientia detecti criminis sui ab oculis omnium secessisse et urbem Romam reliquisse, trahit orator ad verecundiae argumentum dicens ea propter sub oculis esse civium noluisse, quod erubesceret in *aliquo vitae suae* honorem defloratum dignitatemque mutilatam.

Maio placuit legere: in aliquo vitae suae *<articulo>* <sup>1)</sup>, at Leo maluit addere *fastigio* <sup>2)</sup>, equidem longe praetulerim: in aliquo vitae suae *<cardine>*. Certe eiusmodi exempla offendimus Sil. Pun. IX 140

Sat magnum hoc miserae fuerit mihi *cardine vitae*

Solamen, caruisse meis.

Stat. Silv. II 6, 70

*vitae modo cardine* adultae

nectere temptabat iuuenum pulcherrimus ille

cum tribus Eleis unam trieterida lustris; cet.

Hic laudentur Vollmeri <sup>3)</sup> verba: gewöhnlich heiszt *cardo vitae* Lebensende, doch zeigt der Zusatz *extremus* Sen. Troad. 52 <sup>4)</sup> Luc. VII 381 <sup>5)</sup>, dasz man auch andere *cardines* denken konnte, vgl. *cardo anni* Plin. N. H. XVIII 264, auch 220.

Praeterea legentes relegamus ad Thesaurum.

H 17, 17 O 367, 30 (Pro Sull. § 29) Sed ego in quae-

1) *Articulus* plerumque breve temporis spatium significare videtur, velut Amm. Marc. XVI 12, 37 in ipso proeliorum *articulo*; ibid. XVI 12, 45 extremae necessitatis *articulo*; ibid. XVIII 6, 1 cet.

2) Cum *fastigio* malis coniungere *maiestatis* (Iustin. I 1, 1 = Amm. Marc. XX 5, 6); *fortunae* (Curt. III 12, 25 = Amm. Marc. XIV 11, 29); *rerum* (Verg. Aen. I 342); *populi Romani* (Tac. A. III 73) sim.

Interpres noster Velleium Paterculum imitatus infra scribit (H. 139, 6) *fastigium* consulare.

3) P. Papinii Statii Silvarum Libri. Herausgegeben von F. Vollmer. Teubner 1898. Pag. 370.

4) *mortalis aevi cardinem extremum* premens.

5) *deprecor, ac turpes extremi cardinis annos*.

stionibus et indiciis non hoc quaerendum arbitror, num purgetur aliqui, sed num arguatur.

... et perquam exercitata respondendi facultate propositioni accusatoris occurrit non illud spectandum in indiciis, an defensus sit aliqui, sed an nominatus, quoniam videri possit etiam stulta defensio id quod non accusetur velle purgare.

In fronte scholii restituo *δικανικῶς*, quod lacuna capit quodque in sententiam quadrat.

H 24, 1 O 333, 10 (In Clod. et Cur. Frgm. XV) Hanc loquacem Siciliam non despexit.

*Loquacem* videtur *Siciliam* dicere, quod plerosque de pecuniis repetundis accusaverant, *sed* ut scimus ipsum C. Verrem.

Illud *sed* corruptum est, nisi mecum legeris: sed <*Cicerone accusante*> ut scimus ipsum C. Verrem. Meo supplemento favent (H 20, 15) accusante P. Lentulo; (H 34, 18) M. Caelio Rufo accusante; (H 73, 27) accusante Cn. Minucio; (H. 122, 19) accusante C. Licinio cet.

H. 25, 16 O 334, 29 (In Clod. et Cur. Frgm. XX) Ita fuit caecus, ut facile appareret vidisse eum, quod fas non fuisset.

... de Appi enim Caeci familia genus trahebat. Et praecipitem volens significare atque temerarium resculpit infamiam illius incesti, quod fecisse in operto Bonae Deae videbatur, quo viris ingredi non liceret, quasi poenam criminis sui luere iam coeperit nihil providendo quod dicat.

A quibus Graecis verbis scholium nostrum incipere oporteat, magna ex parte, nisi fallor, discimus ex alio loco eundem P. Clodium respiciente quem deprehendimus infra

H 102, 22 O 307, 15 (Pro Sest. § 126) Itaque illa via latebrosior, qua spectatum ille veniebat.

*Εὐσήμως κατὰ* ... opportunissime fingit ipse Tullius illas partes itineris, qua soleret Appius commeari <Appiam viam vocatas. Re> autem vera scimus viam, quae per Campaniam ducit, sub hoc nomine celebrari, quod Appius eam Claudius munierit.

Nonne et hic et illic necessarium est *εὐσήμως κατὰ ὑπόνοιαν*?

H 26, 3 O 336, 5 (In Clod. et Cur. Frgm. XIII) Tu qui indutus muliebri veste fueris.

Videtur enim Clodius habitu muliebri sexum mentitus penetrasse domum C. Caesaris, ut incestum sub hac fraude committeret. Id describitur . . . . ut omnia liniamenta turpitudinis detegantur.

Hic in versiculi spatio, si quid video, requiritur κατὰ λεπτολογίαν. Confirmat me quod lego apud Halmium: <sup>1)</sup> Λεπτολογία est, qua in descriptionibus tenuissimis utimur, ut apud Cicero- nem (In Verr. V § 27): Reticulumque sibi ad nares admovebat tenuissimo lino, minutissimis maculis, plenum rosae.

Statim subiciam:

H 86, 16 O 295, 7 (Pro Sest. § 18) Alter unguentis affluens.

. . . . Summa cum stomachi acerbitate proscindit mores Gabinii χλευασμῷ quodam, ut liniamentis omnibus impudicitiae denotetur.

Hic quoque subtiliter vitium describitur a Cicerone, id quod scholiasta indicat, sicut fere supra, locutione *liniamentis omnibus*, quapropter h. l. in lacuna 6 ferme litterarum revoco adverbium λεπτῶς.

H 26, 8 O 336, 12 (In Clod. et Cur. Frgm. XXIV) Cum calautica capiti accommodaretur.

. . . . genus, quo feminae capita velabant, hoc nomine ferebatur. Et Afranius meminit in Consobrinis ita dicens: *Cum mithris, calauticis*.

Haec ultima verba suadent, ut putem primam vocem huius scholii olim fuisse μίτρας <sup>2)</sup>.

H 27, 12 O 337, 19 (In Clod. et Cur. Frgm. XXVI) „At sum”, inquit, „absolutus!” Novo quidem hercle more, cui uni absoluto lites aestimatae sunt.

. . . . Victoriam quoque iudicii orator convertit in dedecus inopinata inlata huiusmodi responsione.

1) Rhetores Latini Minores. Emendabat C. Halm. 1863. Pag. 73.

2) Ziegler proposuit κέσμου, Maius ornamentum.

In lacuna 9 litterarum, quae intercedit inter lemma et scholion, reponendum videtur Παράδοξον.

At vero in continuo sequenti scholio, ubi spatium 14 ferme litterarum vacuum exstat, scribere velim (H 28, 6 O 338, 20): Et hic subest <παραπροσδόκημα> <sup>1)</sup> postulasse iudices ab senatu praesidium, non ut fortiter et libere iudicarent, sed ne illam sibi pecuniam reus absolutus eriperet.

H 34, 25 O 229, 28 (Pro Flacc. § 5) Cur sibi confidat is, qui ea proferenda et patefacienda curavit?

.... haec ad semet ipsum refert periculi etiam sui gradu quodammodo adiecto, ut omnes, <qui> coniuratos obnixi persecuti sint, poenae videantur quodammodo destinati, dum singulis crimen aliquod et invidia conflatur.

In proxime praecedenti scholio legimus C. Antonium collegam Ciceronis „ob hanc coniurationem” damnatum esse. Hic autem concludit interpretes nihil fuisse causae cur liberaretur alter consul, qui consilia Catilinae ex urbe pulsus patefecisset. Tali ratiocinationi convenire videtur εἰκότως quod spatium (8 litt.) vacuum explet. Comparare possumus Demosth. VIII § 41 καὶ τοῦτ' εἰκότως τρόπον τινὰ πράττει <sup>2)</sup>.

H 41, 10 O 236, 17 (Pro Flacc. § 15) Non iure iurando constricta, sed porrigenda manu.

Hanc Graeci <χειροτονίαν> dicunt. Itaque <τῇ χειροτονίᾳ> morem nationis plurimum dissentire a fide et religione testium confirmat ex hoc, quod non iurare soleant in aliquam rem, sed tantum porrecta manu consentire, ex quo praeceps temeritas colligi potest.

Maio priorem Graecam vocem debemus, alteram ipse supplevi, nam veri simile est quondam in codice exaratum fuisse

XEIPOTONIANDIQUNT

ITAQ. THIXEIPOTONIAI

Hodie omnes litteras Graecas evanuisse vix opus est dicere.

1) Cf. Halmii l.l. pg. 76, 23.

2) Blass adnotat εἰκότως „folgerecht (logisch)”, was § 42 heisst οὐ κακῶς ταῦτα λογίζόμενος.

H 42, 15 O 237, 13 (Pro Flacc. § 17) Quod se velle dixit, id sutores et zonarii conclamarunt. Hoc testimonium est civitatis?

Ἐνεργῶς in clausula pronuntiandum est <τῆς πολιτείας> quid sit testimonium. Ad quod destruendum ἀνασκευή ab oratore praemissa est dicendo sutores et zonarios, ut vulgaribus et sordidis artificiis appareat humilitas personarum nec ullum genus publicae maiestatis obtineat.

Ἐνεργῶς e vestigiis scripturae restituit Hildebrandt, at Ziegleri est supplementum ἀνασκευή, ipse autem in secunda lacuna desidero τῆς πολιτείας, cum in lemmate iusta emphasis cadat in civitatis.

H 44, 19 O 238, 30 (Pro Flacc. § 34) Procedit unus Asclepiades.

.... satis, quoniam praeco legatos Acmonenses excitaverat et de Acmonensibus unus Asclepiades prodierat, arripuit accusaturus malitiosam criminationem Graecorum, qui uni homini auctoritatem quandam multitudinis darent.

In codice lemma scholio excipitur sic DES.....SATIS, quocirca in spatio vacuo 8 fere litterarum videtur scribendum esse γελοῶς.

Idem adverbium revoco infra:

H 47, 8 O 240, 18 (Pro Flacc. § 41) Homini enim Frygi, qui arborem numquam vidisset, fiscinam ficorum obiecisti.

Γελοῶς valde. Summa cum festivitate discussit inridens veneni criminationem, quod hic videretur unus de numero accusatorum Flacci repentina morte defunctus. <Καταμήνυσις> <sup>1)</sup> interposita est aviditatis et intemperantiae barbari hominis, quem poma inusitata distenderint. Notemus igitur quasdam criminationes non pugnaci argumentatione, sed etiam festiva urbanitate dissolvi.

Hic cui non venit in mentem proverbii Francogalli, quod est „le ridicule tue”? Neque sine fructu legeris Quintil. περὶ γελοίου VI 3, 25 cet.

1) Hoc vocabulum in lacuna 12 fere litterarum supplavi.

H 46,5 O 239,29 Instrumentum igitur laudationis creta obsignatum proferebatur; tabulae vero, quibus illi ad criminandum utebantur, signa habebant cerae <inpressa>. Quod ergo secundum morem factum sit, id vult esse veritatis; illud contra falsum, quod dissenserit a perpetua consuetudine.

Verbo huc a Leone inserto in lacunula 6 litterarum substituo <illita>, cui vestigia respondent. Interdum et vocabula et constructionem interpres a poetis mutuatus est, ergo laudare licet Hor. Sat. I 4,36

Et quodcumque semel chartis illevertit e. q. s.  
nec non et Hor. Ep. I 7,10

Quodsi bruma nivis Albanis inlinet agris.

Ipsa scholiasta, qui *imprimendi* verbum non agnoscit, scribit infra (H 147,27) alba creta oblinire cervicem.

H 53,28 O 245,19 (Pro Flacc. § 91) Nunc denique materculae suae festivus filius, aniculae minime suspiciosae, purgat se per epistulam.

.... fidem Falcidio, qui per luxuriam consumpto patrimonio litteras calumniose compositas de avaritia Flacci ad matrem suam miserit, ut prodigos mores huiusmodi mendacio coloraret. Facit ergo *μετάθεσιν* <sup>1)</sup>, qua illi ostendat egestatis causam vitio suo accidisse, non huius iniquitate praetoris.

Initium scholii paene periit, nam duo versiculi, qui continent ultimam vocem lemmatis et priora scholii verba, sic fere se habent in codice:

P  
EPISTULAM . . . . O .

T . . . . . FIDEFAL

Quibus e reliquiis efficio: <Cicero ita deprimit> fidem Falcidio e. q. s. Conferre possumus (H 45,26): Sic et *deprimitur fides* accusantium et veritas laudationis aggeratur. Ita denique sic usurpatum offendimus (H 85,16): Ita et dicendo studiosum victoriae Antonium pepercit et dubitando laceravit.

H 68,5 O 280,30 (Pro Mil. § 13) Cur igitur incen-

<sup>1)</sup> Sic supplendum esse olim demonstravi (cf. Bobiens. Traiecti ad Rhenum. Apud Kemink. 1904; pg. 8).

dium curiae, oppugnationem aedium M. Lepidi, caedem senatus contra remp. factam esse decreverit?

.... utebatur accusator ex eo videlicet adseverans vere hanc a senatu caedem praedamnatam, cum decreverit contra rem p. commissum videri, quod exarsisset curia quodque domus M. Lepidi oppugnata esset.

Requiri videtur in fronte scholii, ubi decem undecimve litterae Graecae evanuerunt: *Δεδογμένω*.

Cum hoc scholio coniungendum est:

H 103, 6 O 307, 26 (Pro Sest. § 129) Ne quis de caelo servaret.

Undiqueversum .... hoc est iudicia publicae voluntatis de se habita congregat et inlustrat. Inter quae ponit et hoc esse decretum, ne de caelo servaretur, quoniam solebant actiones impediri, si fulgur nuntiaretur vel ostentu aliquo dirimerentur ea, quae ad populum ferebantur.

In spatium 9 litterarum vacuo reponendum est, nisi omnia me fallunt, *δεδογμένα*, quod commendatur utique verbis conceptis Atheniensium populi scitorum: *ἴδοξε τῇ βουλῇ καὶ τῷ δήμῳ*.

H 78, 10 O 281, 27 (Pro Mil. § 14) Itaque ego ipse decrevi.

.... retinenda hic pronuntiatio est, ut illud sapiat: ego ipse, qui P. Clodio inimicus fui, qui Miloni praeter ceteros faveo.

Interpres igitur dicere vult verba *ego ipse* de industria voce esse premenda. Expectaveris ergo *Σπουδῇ* retinenda hic e. q. s.

H 75, 7 O 285, 29 (Pro Mil. § 29) Hora fere undecima aut non multo secus.

.... *ον* fecit addubitatione, quod non undecimam horam quasi pro certo dixit adseveranter; nam hoc additamentum *aut non multo secus* verisimilitudini plurimum dedit.

Olim in fronte scholii scripsi *πίστιν*, quod licet sententiae sufficiat, parum vestigiis respondet. Itaque voci revocatae substituo *εὐπίστον*, quod optime quadrat in spatium vacuum, ut vides ex imagine subiecta

MULTOSECUSEΤΠΙC  
TONFECITIPSAADDU

H 78, 10 O 287, 2 (Pro Mil. § 38) Quem si interficere voluisset, quotiens et quantae occasiones, quam praeclarae fuerunt!

.... καιρ... opportuniorum temporum prosequitur enumerationem, quibus Miloni facile factu esse potuerit interimere P. Clodium, cum et occasiones opportunas et causas honestas haberet. Quod tamen ipsum cum facere noluerit, procul dubio verisimile non sit, ut hoc *inportune* adgressus sit.

Quoniam legitur infra in scholio (H 104, 4): Et *opportune* κατὰ τὴν εὐκαιρίαν hunc diem significat et reversionis suae fuisse in coloniam Brindisinam et natalem filiae, etiam ipsius coloniae e. q. s., censeo contra nostro loco restituendum esse: ἀνασκευὴ ἀπὸ τῆς ἀκαιρίας (cf. *inportune* in fine scholii).

H 81, 20 O 290, 13 (Pro Mil. § 103) Quid me reducem esse voluistis?

.... exilium quoddam sibi praerogatum videri vult, cum relegatio Milonis immineat, a quo separari nihil aliud sibi quam poenam contestatur esse graviolem.

Si re vera spatium vacuum 8 litteras capit, propono Τραγικῶς i. e. miserabilem in modum; comparari vero potest (H 55, 10): Οἰκτιρμῶς. <Ut> magis moveret, addidit conservandos bene de re p. meritos viros, ut ceteri huius devotionis imitentur exemplum. Hic etiam iuvat legentes admonere Platonis verborum (Apol. XXIII): τοῦτ' αὐτ' ἐνδείκνυσθαι, ὅτι πολὺ μᾶλλον καταφθιεῖσθε τοῦ τὰ ἐλείνα ταῦτα δράματ' εἰσάγοντος καὶ καταγέλαστον τὴν πόλιν ποιοῦντος ἢ τοῦ ἡσυχίαν ἄγοντος.

H 85, 9 O 294, 11 (Pro Sest. § 12) Quos stimulos admoverit homini studioso fortasse victoriae.

Notissimum est in historiis C. Antonium exercitui praepositum, qui contra Catilinam duceretur. Et eleganter hic omne victoriae meritum derivat in P. Sestium quaestorem, quasi eius incitamento factum sit, ut Antonius.... parceret, subdidit μετὰ κολακίας; homini studioso fortasse victoriae; nam *fortasse* dubitativum est. Ita et dicendo studiosum victoriae Antonium pepercit et dubitando laceravit.

Ciceronis verba, quae hoc lemma antecedunt (Pro Sest. § 12):

„Hic ego quid praedicem, quibus hic rebus consulem quaestor ad rem gerendam excitari” — mihi videntur suadere, ut supra versiculo inserto edamus: ut Antonius <rem gereret, cui ut> parceret, subdidit e. q. s.

H 87, 12 O 295, 29 (Pro Sest. § 24) Ut, si gladium parvo puero.

.... inperitos administrandi consulatus omne hoc officium suae potestatis in rei p. perniciem convertisse, quamvis nihil ipsos habentes virtutis, tamen ad nocendum praecipue iure subnixos.

Hic Cicero simili usus Gabinium et Pisonem arguit rempublicam perdidisse. Itaque in lacuna 20 fere litterarum repono: Κατηγορία μετὰ εἰκόνης. Saepius de εἰκόνι agitur in Epistulis Frontonianis (Ad M. Caes. et invic. Lib. III 7—11; ed. Nab. pg. 45, 46, 47 cet.).

H 88, 25 O 296, 32 (Pro Sest. § 39) Non verebar, ne quis aut vim vi depulsam reprehenderet aut perditorum civium mortem maereret.

Mire sub commemoratione temporis sui defendit etiam causam P. Sesti, qui videtur similia fecisse, et proficit .... ut licuisse videatur vim vi repellere.

Halmii supplementum ἐν παρέργῳ spatium vacuum (15 fere litt.) non explet, lege ergo ἐν παρέργου χώρῃ vel ἐν παρέργου μέρει.

H 89, 16 O 297, 14 (Pro Sest. § 40) Me vero non illius oratio, sed eorum taciturnitas movebat, in quos illa oratio conferebatur.

.... quid de Pompeio et Crasso et Caesare sentiat; nam si hanc P. Clodi adseverationem non refutarunt, sine dubio auctores se fuisse ad exterminandum patria Ciceronem vel ipsa taciturnitate confessi sunt.

In codice scriptum est TUR.....<sup>?</sup>N QUID. Quapropter haud scio an in fronte scholii scribendum sit Δῆλόν ἐστιν.

H 90, 3 O 297, 28 (Pro Sest. § 42) Intenta signa legionum existimari cervicibus vestris falso, sed putari tamen.

Consultissimo temperamento et C. Caesarem perstringit invidia et tamen nihil accusat exerte. Hac enim <μεθόδῳ> qua dicit multos sic opinatos, ostendit verum fuisse, et medetur sibi, ne offendat, dum adicit falso quosdam locutos. Sic nec omittit acerbiter et honorem personae debitum servat.

In congruo spatio addidi μεθόδῳ, quod supplementum fortasse altero quoque loco desideratur, ubi de simili ratione argumentandi scholiasta verba facit, nempe (H. 115, 22): Consultissime facit locuturus de tribunatu eius, in quo omnia pro C. Caesaris potentatu Vatinius gessisse manifestum est. Hac ... temperat acerbiter insectationis, ut salvo honore illius et citra offensam viri huius privatim persona laedatur. Sed quia spatium illud Graecum vocabulum non admittit, ante quattuor annos conieci δῶδ<sup>1</sup>).

H 100, 24 O 306, 1 (Pro Sest. § 122) O immunes Graii

Et haec verba sunt de tragoedia, in qua verbum istud *immunes* ingratos significat, quemadmodum ..... *munificos* dicebant eos, qui grati et liberales exstitissent. Ergo versus omnes tragici ad ipsum Ciceronem ..... convertuntur, ut aliud quidem in opere poetico fuerit, aliud vero in ipsius actoris significationibus.

In priore lacuna, quae unum versiculum capit, nunc suppleo ποιηται καὶ ἰδιῶται, notum enim est apud Platonem ἰδιώτης non ita raro legi sensu prosae orationis scriptoris. Exempli causa proferatur Sympos. VI (178 B) γυνῆς γὰρ Ἐρωτος οὗτ' εἰσὶν οὔτε λέγονται ὕπ' οὐδενὸς οὔτε ἰδιώτου οὔτε ποιητοῦ κτέ.

In altera lacuna 6 fere litterarum scripserim ἀληθῶς.

H 107, 9 O 310, 29 (Pro Sest. § 138) Sed mihi oratio est cum virtute, non cum desidia, cum dignitate, non cum voluptate.

---

1) Qui diligenter hos duos locos contulerit, negare non poterit olim post *Hac* (p. 115, 24) Graecam vocem exaratam fuisse.

.... implet exhortationem bonae sectae ad conservationem reip. pertinentis.

Leo in fronte scholii requirebat *μάλα παθητικῶς*, equidem praetulerim *Προτρεπτικῶς*, nam nihil est quod sermonis abundantia nos moveat.

H 111, 17 O 312, 31 Poenus Hannibal, cum multos per annos Italiam gravissimis cladibus adfecisset, ad extremum in Africam decreto Karthaginiensium revocatus congressione apud Zamam facta superatus a P. Scipione, cum vereretur, *ne merces pacis* ipse <sup>1)</sup> populo R. dederetur a suis civibus, aufugit et absens damnatus est.

Locutionem *merces pacis* interpret fortasse petivit e Sallust. fragm. Epist. Mithr. § 8 Eumenem, cuius amicitiam gloriose ostentant, initio prodidere Antiocho *pacis mercedem*. Alterum locum dignum quem conferas habes Liv. IX 41, 7 stipendium exercitu Romano ab hoste in eum annum pensum et binae tunicae in militem exactae: ea *merces indutiarum* fuit.

H 116, 2 O 317, 4 Etiam simul decore .... locutioni ornamenta quaesita sunt, cum ita dicat (In Vatin. § 13): Omniaque mea tela sic in te coicientur, ut nemo per tuum latus, quod soles dicere, saucietur.

Hic in lacuna 10 litterarum verum puto *καταχρήσει*, sicut alibi demonstravi scribendum esse supra (H 67, 3): Et plane *καταχρηστικῶς* quod sequitur: Intermortuae contiones.

H 119, 15 O 320, 4 (In Vatin. § 24) Fuerisne tanta crudelitate, ut delectos viros, principes civitatis, delere tua rogatione, conarere.

De hoc tempore locuti sumus in oratione, quae hanc praecedit, L. Vettium, perditae *<nequitiae>* hominem, instinctu Vatini professum esse apud senatum se indicaturum plerosque nobilissimos viros de interficiendo Pompeio inisse coniurationem idque negotium sibi mandasse e. q. s.

1) Kellermann quoque probante Stanglio (cf. Berl. Phil. Woch. 1904 N°. 51 pg. 1615) addidit *ipse*, quod eruit e cod. scriptura *SCRIPTO*. Quae tamen scriptura, *pacis* corrupto in *capis*, ante *populi* nata videtur ex dittographia quadam.

Inserui *nequitiae*, cuius extremum simile est litteris posterioribus verbi praecedentis *perditae*, permotus Cic. Pro Cluent. § 36 fuit Avilius quidem Larino *perdita nequitia* et summa egestate, arte quadam praeditus ad libidines adulescentulorum excitandas adcommodata e. q. s.

H 121, 30 O 322, 12 Igitur ne Vatinio hoc prodesset . . . . . idcirco se atratum fuisse, ne supplicationes nomine C. Pomptini ratas habuisse et festa facie religiosas probasse videretur occurrit e diverso Tullius non oportuisse etiam illo convivii tempore a ceterorum habitu dissentire, ne coetus epulantium unius veste lugubri contaminaretur.

Recentissimus editor lacuna significata ante *idcirco* scribere vult <ut diceret>, mihi sufficeret inserere *dicere*.

H 123, 13 O 323, 20 (In Vatin. § 35) Ut non nuntios pacis ac belli, non oratores, non interpretes.

Haec et reliqua usque ad finem copiosissimam habent . . . . . varie descripto legationis officio, ut hoc idem munus in omnibus recognoscas.

Huc in lacuna 10 litterarum optime mea quidem sententia quadrat *ἐπεξηγήσιν*.

H 127, 23 O 254, 28 (Pro Planc. § 20) At si in aliquem Arpinatem incideris, erit tibi fortasse etiam de nobis aliquid, sed certe de C. Mario audiendum.

. . . . sed de C. Mario multo liberius et erectius. Ex quo etiam suo honori plurimum dedit, de quo aliquanto demissius et verecundius dixerat.

In fronte scholii Mai supplevit *modeste de se*, quod sententiae convenit, sed opus est versiculo Graeco vel 16 fere litteris. Quare Mai supplementum vertamus aut per *μετρίως περὶ αὐτοῦ* (ut respondeat *verecundius*) aut per *ταπεινῶς περὶ αὐτοῦ* (ut respondeat *demissius*).

H 128, 8 O 255, 7 (Pro Planc. § 21) Quam quidem nunc multitudinem videtis, iudices, in squalore et luctu supplicem vobis.

Miscuit .... non tantum quo doceretur iudex, verum etiam quo moveretur. Adfectus enim coloravit ad misericordiam secundum Plancium permovendam ex habitu civium luctuoso, quasi ipsi sollicitudinem <et> molestiam pro suo cive succeperint.

Ut versiculum incipientem a MISCUIT suppleam, edere velim: Miscuit <πειθὼ πάθει> non tantum quo doceretur e. q. s. Quamquam de re ipsa Cicero dissentit a Socrate, tamen conducit huius verba laudare, quae legimus Plat. Apol. XXIV Χωρὶς δὲ τῆς δόξης, ὧ ἄνδρες, οὐδὲ δίκαιόν μοι δοκεῖ εἶναι δεῖσθαι τοῦ δικαστοῦ οὐδὲ δεδμενον ἀποφεύγειν, ἀλλὰ διδάσκειν καὶ πείθειν.

H 129, 6 O 256, 6 Feriarum Latinarum sacrificio solebat hoc observari, ut hostia ..... civitates adiacentes portiunculas carnis acciperent ex Albano monte secundum veterem superstitionem.

Orellium audio statuentem post *hostia* aliquid excidisse. Equidem sumo unum versiculum a librario praetermissum esse atque genuinam lectionem fortasse fuisse: ut hostia <*mactata universae*> civitates adiacentes portiunculas carnis acciperent e. q. s.

H 134, 17 O 260, 6 (Pro Planc. § 33) Idem tribuno plebi potentissimo, M. Druso.

Et haec dicacitas praeconis istius non minus urbanitatis habuisse videtur quam asperitatis. Nam M. Livius Drusus, cum multa seditiose in tribunatu suo contra quam esset rei p. utile moliretur, adventantem Granium sic compellavit: „Grani, quid agis?” Ad hoc ille ... isdem verbis, sed cum magna asperitate respondit: „Immo tu, Druse, quid agis?” hoc est: quae et quam periculosa et quam patriae metuenda conaris?

Persuasum mihi est non temere spatium vacuum 3 fere litterarum post *ille* exstare. Ibi verisimile est olim exaratum fuisse εὔ. Conferatur Horat. A. P. vs. 427

nolito ad versus tibi factos ducere plenum

laetitiae; clamabit enim „pulchre, bene, recte”.

nec non et ib. vs. 327

si de quincunce remotast

uncia, quid superat? poteras dixisse.” „triens”. „eu”.

H 141, 10 O 265, 7 (Pro Planc. § 64). Non vereor, ne mihi aliquid, iudices, videar adrogare, si de quaestura mea dixerō.

Scholii, quod huic lemmati subiectum est, haec tantum verba describo: Persuadere vult namque omnia illa, quae foris gesserit, apud conscientiam populi R. latere potuisse. Ac ne acerbius animum laederet audientis <ἀλαζονείᾳ> de quaestura sua egit non sine figura <χαριεντισμοῦ> <sup>1)</sup>, quod cum Lilybaeo decedens Puteolos adventasset, omnes eum ignoraverint primo ex provincia, tunc deinde ex Sicilia, ad extremum ex Lilybitana venire.

Cum meo supplemento ἀλαζονείᾳ compone quaeso (H 154, 20): Quoniam erat aliquid cum sua laude dicturus, eiciendus est, inquit, ex urbe civis, auctor et custos salutis, otii, dignitatis, fidei! Haec quoniam <ἀλαζονικῶ> erant e. q. s. sicut e Halmii coniectura edi oportet.

H 145, 4 O 268, 1 (Pro Planc. § 76) Sic enim dixisti: „Vidi ego tuam lacrimulam”.

.... Laterensis in Tullium dixerat epilogos eius inridens, quos eum constat nimium flebiles et miserationis plenos in iudiciis semper habuisse.

Sex septemve litterae Graecae inter lemma et scholion evanuerunt. Aptum autem obiectum verbi *dixerat*, quod revocandum est, erit σκῶμμα, de qua figura Iulius Rufinianus <sup>2)</sup> nos docet: Χαριεντισμὸς sive σκῶμμα. Hac figura fit festiva dictio, cum amoenitate mordax e. q. s.

H 146, 7 O 269, 4 (Pro Planc. § 78) Quo quidem etiam magis sum non dicam miser — nam hoc quidem abhorret a virtute verbum — sed certe exercitus.

.... Hanc sententiam secundum illos philosophos intulit, qui existimaverunt semper beatos esse sapientes, numquam [non] miseros existimandos ac, si quid adversi prudentibus eveniret, non poenam magis et calamitatem quam exercitationem esse fortunae.

1) Nuper addidi cf. Rev. de l'Instr. Publ. en Belgique 1908 (pg. 36).

2) Cf. Halmii l.l. pg. 39.

Vix dubito quin ante Latina scholii verba scribendum sit *Δόγμα*. Sic legitur in codice (H 87, 9): Eos autem, qui dicerent dignitati serviendum. *Δόγμα* hoc Stoicorum est et Platoniorum dissentiens ab Epicuri auctoritate.

Halm autem inter lemma (H 95, 11): Quae et in tempestate saeva quieta est et lucet in tenebris et scholion: quoniam de Catone loquitur, Stoicae sectae viro e. q. s. in congruo spatio inseruit *Δόγμα Στωικόν*.

H 152, 9 O 342, 11 Erat alia praeterea interrogatio testium, sicut ipse M. Tullius P. Vatinius .... testem interrogavit; proprie namque interrogatio dicebatur, qua testes redarguebantur.

Inter PUTATINIM (sic cod.) et TESTEM spatium 4 litterarum vacuum est. Non facio cum editore novissimo scribente: emendationis causa hoc spatium vacuum esse videtur. Ibi ego suppleo *νόμῳ*.

H 155, 1 O 343, 11 (de aer. al. Mil. Frgm. X) qui populi R. imperium non terrarum regionibus, sed caeli partibus terminavit.

Hoc enim ita .... superiectum est, ut et Pompeio blandiretur et Clodium quasi hostem publicum denotaret, qui virum tam necessarium rei p. ipsi eripere conatus sit.

Suppleverim in lacuna 14 fere litterarum *κατὰ ὑπερβολήν*.

H 156, 16 O 346, 12 (de aere al. Mil. Frgm. XVIII) Nec vero illam nefariam libertatem.

.... legis mentio fit in oratione quae habita est pro Milone e. q. s.

Cubant in lacuna 10 fere litterae Latinae. Ziegler excogitavit *eiusdem*, cui ipse addo *sane*.

H 157, 16 O 347, 6 (de aere al. Mil. Frgm. XXII) Tum habuisti quasdam formidines, <quae> quasi cornua quaedam exciderunt impleta.

<Ἀλληγορίαι> qua P. Clodium ad ferae alicuius et beluae similitudinem describit. Etiam hoc <παραβολικῶς>, in exitu <τῆς ἀλληγορίας> posuit cornua illi, quae habuisse quondam

videbatur, nunc esse delapsa, ut nimirum sensus ille sit, magis iam contemni Clodium quam timeri.

De primo meo supplemento repetere quae alio loco <sup>1)</sup> disserui supervacaneum est. Quae hodie adieci verborum contextus flagitare videtur. Hae voces Graecae praeterea omnes congruunt cum spatiis vacuis, cum suo quaeque.

H 162, 5 O 356, 13 (Pro Arch. § 6) Et Catonem et totam Hortensiorum domum.

De posteriore tantum huius scholii parte nunc agendum est, nempe de his verbis: Densitas igitur haec exemplorum, quae ad personas *nobilitas* fertur, multum praesenti negotio patrociniatur, ut Archias tot amicis et tam inlustribus nixus perquam facile <ad> honorem civitatis Romanae potuerit pervenire.

In *nobilitas* librarius per haplographiam leviter videtur erravisse. Integram lectionem fortasse habebimus, si reposuerimus: quae ad personas *nobilitatas* fertur e. q. s.

H 165, 9 O 359, 8 (Pro Arch. § 31) Qui vos, qui vestros imperatores, qui p. R. res gestas semper ornavit.

Epilogus valde conveniens personae rei, quo devotionem Licinii Archiae commendat in rebus p. R. <celebrandis spectatam omnesque ingenii vires <in eis extollendis> occupatas.

Haec mea supplementa utinam ne nimis longe a vero absint, non deteriora esse aliorum coniecturis confido.

---

1) Cf. Sertum Nabericum. Lugduni Batavorum Brill 1908. Pg. 53.

---

#### PLUTARCHUS.

Arist. et Men. Comp. 853 D.

Ἡ δὲ Μενάνδρου φράσις οὕτω συνέξεται καὶ συμπέπνευκε κεκραμένη πρὸς ἑαυτὴν κτλ.

Nihili est compositum συγξείν, cuius praepositio nata est contagio vicini verbi q. e. συμπέπνευκε. Lege οὕτως ἔξεται. Poliando sermone Menander effecit ut semper secum concineret.

J. J. H.

# NOTULAE AD ALTERAM LEEUWENII EDITIONEM FRAGMENTORUM MENANDREO- RUM RECENS DETECTORUM.

SORIPSIT

H. VAN HERWERDEN.



*Herois* vss. 44 sqq.

ἀλλὰ νῦν

τί μισρὸς ἀποδημεῖ; τριταῖος ἐπὶ τινὰ  
πρᾶξιν ἰδίαν εἰς Λῆμ[νον  
ἐχόμεθα τῆς αὐτῆς [  
σφῆζοιτο κτῆ.

Versuum 46 sq. nulla quidem certa reperiri possunt supple-  
menta, sed tamen sententiam, ni fallor, satis probabilem nan-  
ciscimur suspicando:

πρᾶξιν ἰδίαν εἰς Λῆμ[νον ἀπο(vel ἐκ)πέπλευκε γάρ.  
ἐχόμεθα τῆς αὐτῆς δ' ὑπὸ Φροντίδος· μόνον  
σφῆζοιτο!

*tenemur autem eadem qua ante cura. Modo redeat sospes!*

*Discept.* 173. Φέρε, δεῖξον.

Res est perexegui momenti, verum quia hic Φέρε, ut passim  
etiam ἄγε et ἴθι, adverbii vice fungitur, virgula melius aberit.

Vs. 193. ἢ μοι δὲς ἔστ' ἂν σοι παρέχω σῶν.

Sic editor pro ....νι.. At nullum particulae ἔστε = ἕως in  
comoedia exemplum mihi innotuit, quare praefero ὥς ἂν σοι,  
quod etiam sententiae magis convenit.

Vs. 340. τοπαστικὸν τὸ γύναιον, ὥς ἐρπέθ' ὅτι κτέ.  
 Improbabilem admodum videri Leeuwenii quam et nunc tuetur  
 mutationem ἥσθηθ', iam dixi in Mnem. h. a. p. 340, ubi ipse  
 vix melius proposui δρᾶθ'. Nimirum hodie persuasum habeo  
 sanissimam esse codicis lectionem, memor loci evang. Matthaei  
 X 16 γίνεσθε οὖν Φρόνιμοι ὥς οἱ ὄφεις. Nec sane mirandum  
 veteres anguibus, qui vel a vulgo pro geniis haberentur, tri-  
 buisse ingenium, suggerente huiusmodi sententiam cum fulgore  
 oculorum tum latitante insidiosoque horum animalium incessu.

Vs. 362. πίπυσται τὰς ἀλ . . . . . ις.  
 Quaerit editor ἀληθεῖς αἰτίας?

Hoc ipsum et ego prius conieceram, sed abieceram propter  
 ultimas litteras IC (non AC), quae admittunt supplementum  
 sive verum sive falsum ΑΛ[Ληχάνους στάσε]ς, quod proposui  
 Mnem. p. 345.

Vs. 367. ποικίλον  
 ἄριστον ἀρι . . . . νω τρισάθλιος  
 ἐγὼ καταπα . . . νῦν μὲν οὖν οὐκ οἶδ' ὅπως  
 δύσκολον . . . . κτέ.

Satis certa mihi quidem videtur haec restitutio:

ποικίλον

ἄριστον ἀρι[στῶμε]ν. ὦ τρισάθλιος  
 ἐγὼ κατὰ πᾶ[ντα]! νῦν μὲν οὖν κτέ.

Quae verba potius Charisio, quem in opiparis conviviis turpis  
 sui facinoris poeniteat, quam cum Leeuwenio Onesimo aut co-  
 quo tribuerim. Altera Leonis de Menandreis commentatio (in-  
 serta actis Soc. R. scient. Göttingensis 19 Aug. 1908) hanc  
 plagulam corrigentem me docet non me solum locum ita ex-  
 plere, sed Körtium codicem denuo explorantem in lacuna  
 agnovisse litteram T et in versu sequenti καταπολλ; unde Leo  
 suspicatur fuisse καταπολλ[ύς], de forma conferens καταπολαύειν.

Vs. 427. In editoris nota de forma πέπληχα desidero com-  
 parationem formarum πέπληχα (trans.) et πέπληγα (intrans. apud  
 seriores) cum πέπραχα (trans.) et πέπραγα (intrans. apud omnes).

Probabile autem duco iam Menandri aetate *πέπληγα* intransitivam induisse notionem, et hanc causam fuisse cur ad similitudinem τοῦ *πέπραχα* formari coeptum sit *πέπληχα*. Apud Xenophontem Anab. V 9, 5 in codd. est v. l. *πέπληχέναι*.

*Circumt.* 77.

Δᾶε, πολλάκις μὲν ἤδη πρὸς μὲν ἀπήγγελκας . . α . .  
οὐκ ἀληθές, κτέ.

Codicis reliquiis etiam minus respondet aptior Leeuwenii coniectura σαφῶς quam Leonis πολύ. Equidem cogitavi de reponendo [λ]α[ν] οὐκ ἀληθές = ψευδές. Parvum mendacium minus curare se autumat Moschio, sed Parmenonis mendacia omnem modum excedere!

Vs. 83.

καὶ πέπεικ' ἐ . . . . . μὲν . . . . . δεῦρ' ἀναλώσας λόγους  
μυρίους τὴν ἐμ . . . . . εἶναι καὶ ποεῖν  
πάνθ' ἃ σοι δοκεῖ. τίς ἔσομ . . . . . βίος μάλιστα [

Suspicio:

καὶ πέπεικ' [ἄν μὲν ἦκ]ε[ιν] δεῦρ', ἀναλώσας λόγους  
μυρίους, τὴν ἐμ [πόνοισί σε τε δέχ]εσθαι καὶ ποεῖν κτέ.

Verba ultima non intellego, sed post μάλιστα vix aliud perit quam ὁ σός. Si βίος bene lectum aut traditum sit, nihil sani extundam, sin vero minus, ut arbitror, versum duce sententia sic explere liceat:

πάνθ' ἃ σοι δοκεῖ. τίς ἔσομ'; [οὐκ οὖν] Φίλος μάλιστα [ὁ σός;  
i. e. *Quis ero* (si nempe res successerit)? *Nonne summus tuus amicus?* In quibus οὐκ οὖν divisim scribo propter caesuram.

Verum enimvero Moschio, perspecta servi fallacia, *summus amicum* in pistrinum se coniecturum affirmat respondens:

Δᾶε, τῶν πάντων . . ε . . κ . . βλε . ο .

ἄρα τὸ μυλωθρεῖν κράτιστον σοὶ ἐστίν;

In prioris versus exitu quin fuerit βλε[π]ο[ε], *frons, imprudentia* (cf. Ar. Nub. 1174) punctum temporis non dubito, sed pauciores quae huic voci tanquam e codice notatae praecedunt litterae scriptae aut omissae, procul dubio neutiquam sufficiunt ad explendum versum octonarium, neque igitur haec vestigia arte premere possumus. Audacius conicere liceat:

Δᾶε, τῶν πάντων κάκιστε κύντατόν τ' ἔχων βλέπας.  
 Similiter Eubulo comico grammaticus BA tribuit κυντερώτερος  
 et Aristophani κυντότατος, neque igitur video cur Menandro  
 denegemus libertatem usurpandi ipsam formam Homericam usi-  
 tatam etiam poetis Alexandrinis.

Meliore sorte dignum se ratus Davus requirit a domino vs. 89  
 procuracionem rerum herilium:

βούλομαι δὲ προστάτην σε πραγμάτων τῶν σῶν ποιεῖν]  
 scil. με, quod pronomen fuerit in antegressis aut sequentibus.  
 Sic enim confidenter hunc versum redintegro.

Vs. 121 expleatur hunc in modum:

ἡμέναις [εἰ χρὴ παρ]εῖ[ναι μ', εἰς]ωμεν δηλαδὴ.

Verba sunt Moschionis, cui nihilominus Davi vafrities persua-  
 serat, ut haberet sibi fidem. Notandus usus novicius in sermone  
 communi verbi simplicis ἥσθαι pro καθῆσθαι de mulieribus se-  
 dentibus (in prandio).

Vs. 158 sq. Fortasse:

οὐκ ἔῃς φρονεῖν με θορυβῶν. [αἰμύ]λ[ως] τρόπον τινὰ  
 κοσμίως τ' εἴσω παρέλθε.

Αἰμύλος saepe de blanda persuasione usurpari constat.

Vs. 296. [τῶν τις] θεραπευνῶν οἶδε ταῦθ' ὅπου ἐστὶ σοι;

Obstat huic Leeuwenii supplemento, quod nusquam neque in  
 comoedia neque in prosa Attica apparet haec Ionica et Herodo-  
 tea constructio pro τις τῶν, qua seri demum scriptores, ut  
 Pausanias aliique, passim utuntur. Praeferenda igitur Leonis  
 correctio τίς τῶν.

Samiae vs. 210. Iniuria editor leniori meae coniecturae obicere  
 mihi videtur articuli absentiam, quippe quae ipsa omissio tra-  
 gica augeat, ni fallor, vim tragocomicam huius loci. Commen-  
 datur praeterea triplici, quod dixi, assonantia.

# DE VOCABULI ΤΡΟΠΟΣ VI ATQUE USU PER SAECULA VI ET V.

SCRIPSIT

K. KUIPER.



Nuper cum in GLOTTAE suae volumine primo (p. 339) PAULUS KRETSCHMER diserte exposuit quantum, vel potius quantillum, hucusque progressum sit in Thesauro Linguae Graecae, qualem hodie studia nostra postulent, praeparando, hoc saltem docuit vir egregius, etiamnunc longe abesse diem quo desideratissimi operis prima fundamenta condi possint. Simul autem apta fuerunt Kretschmeri verba quibus incitentur omnes ut promere ne desistant siquid fortasse ad semasiologiam Graecam pertinens ἐν τοῖς ταμείοις apud se seruent. Me saltem Kretschmeri commentatio permovit ut de voce τρόπῳ quaedam in medium proferrem quae in meum usum notata habebam.

Causa adnotandi prae buerat mihi monitum quoddam WILAMOWITZII. Is enim in commentatione de Menandri fragmentis Lefebrianis (*Neue Jahrbücher* 1908 XXI 34) ex poetae verbis „ἐκάστω τὸν τρόπον συνήρμωσαν Φρούραρχον” occasionem nactus disserendi de substantivi τρόπος notione per aetatem mutata, haec — breviter sane concepta — pro sententia edidit: „τρόπος sagt Menander nach dem schwerlich viel älteren Epicharm, wo Heraklit ἦθος sagte. Es ist eigentlich seltsam von der Wendung eines Menschen zu reden, und das Ältere ist auch der Gebrauch des Pluralis, der nichts Besonderes an sich hat. τρόπος hat im V Jahrhundert das ältere Ionische ῥυθμός (Wendung statt Fluss) in Ausdrücken wie τίνα τρόπον, ἀρχαῖον τρόπον, Κρητικόν (in der

Musik) ersetzt. Für ἤθος is es gar nicht so sehr verbreitet, wenigstens in alter Zeit; das spätere stoische οἶος δὲ τρόπος τοιοῦτος δὲ λόγος lässt sich noch gut in seiner Relativität verstehen." — Quibus verbis adnotationis loco haec subicit vir sagacissimus: „Es steht im Peirithoos 597, 6 *τρόπος δὲ χρηστὸς ἀσφαλέστερος νόμου*. Ein neuer Beleg, dass die Tragödie von Kritias, nicht von Euripides ist, oder wo verwendet er *τρόπος* so?"

Equidem si de Pirithoi fabulae auctore propter hanc Wilamowitzii sententiam iterum disputare instituerem, et lectoribus taedium moverem et Wilamowitzio et mihimet ipsi. Sed quoniam mihi quidem vocis *τρόπος* usus qualis fit in Pirithoo neque ab Euripide alienus neque ab Atticorum illius aetatis sermone abhorrens videtur, utile censui, raptim percurrere denuo scripta Pindari, Aeschyli, Sophoclis, Euripidis ceterorum, ut accuratius quam Stephano duce fieri potest huius vocabuli historiam constituerem a Pindari aetate usque ad tempora Aristophanis; Platonem autem Isocratemque, recentiorum temporum testes, adhibere in hac re aequum non iudicabam. Brevitati quantum potui consului, sed quamvis breviter ea quae invenisse mihi visus sum, etiamsi haud nova atque incognita sint, litteris mandare eo magis utile ducebam quo magis a sententia Wilamowitzii discrepant. Est enim in tali discrepantia utilitas quaedam certantibus ipsis communis.

Abesse substantivum *τρόπος* tam ab homerica poesi quam a carminibus hesiodeis res est notissima. Tamen haud temere conicias *τρέπον*, tum cum primum appareret in sermone Graecorum statim, ut postea, indicasse neque *τοῦτο ὃ τι τρέπει τινα* — licet id sane siverit forma vocis — neque *τοῦτο ὃ τι τρέπεται*, sed *directionem viamque ὅπῃ τις τρέπεται*. Sumpta in hac re imago est illinc unde abundans imaginum copia in dictionem Graecorum fluxit, ex verbis nempe et notionibus movendi, sienti ὁδὸς κέλευθος πλοῦς translata significatione a poetis usurpantur. Nec quisquam id mirabitur, modo meminerit quam saepe quaevis mutatio status sortis coloris voluntatis animi verbo *τρέπεσθαι* iam ab Homero Hesiodoque indicari solita sit.

Substantivum *τρόπος*, quantum ex testibus superstitionibus ap-

paret, a primo initio statim eandem notionum habuit varietatem, qua postea, frequentiore sane usu et notionis finibus quodammodo dilatatis, gaudebat. Vix cautum videtur pro certo constituere velle, quanam praecipue ex variis illis significationibus *τρόπος* primum cognitum fuerit. Nemo hoc discernere potest, utrum ab artis musices usu speciali ad notionem moralem translatum sit an ab universa viae atque rationis indicatione ad animi statum musicesque modos diversos devenerit. Hucusque unum tantum sapimus omnes: in quavis persona arte re actione *τρόπον* indicare ὁδὸν ἣν ἂν τραπή.

In vocabuli autem historia describenda utile videtur Aeschylum Pindarumque coniunctos spectare, ut ex paucis exemplis quae suppeditet uterque constituamus, qualis universus fuerit initio vocis *τρόπου* adspectus. Quo adspectu delineato leves quae deinde subnatae sint notionum immutationes exemplis Euripideis Lysiacis Thucydideis aliis illustrabo.

a. *τρόπος* *modus*. Raro in Pindaricis *τρόπος* rationem universam qua quid fit indicat, neque multum habent pauca exempla quod nos detineat. Monendum tamen est affinitatem cum verbo *τραπήναι* adhuc servari, nam ὁδὸν fere *τρόπος* Pindaro valet cum *Isthm.* 6. 59 dicit τὸν Ἀργεῖον τρόπον εἰρήσεται, itemque *Nem.* 7. 14 ἔργοις δὲ καλοῖς ἔσοπτον ἴσαμεν ἐνὶ σὺν τρόπῳ. Convenit extrema haec dictio cum Aeschylea. Aeschylus enim *Sept.* 269 haec habet:

ἐγὼ δ' ἐπάρχους ἐξ ἐμοὶ σὺν ἐβδόμῳ  
ἀντηρέτας ἐχθροῖσι τὸν μέγαν τρόπον  
ἐς ἐπτατειχεῖς ἐξόδους τάξω μολών,

sed aliquanto saepius Aeschylus quam Pindarus voce *τρόπος* rationem agendi indicat. Variat hic pro rei necessitate singularis numerus cum plurali, prorsus eadem ratione qua fit ut animi status modo per singularem *τρόπον* modo per pluralem *τρόπους* significetur. Ita *Ag.* 911: καὶ τᾶλλα μὴ γυναικὸς ἐν τρόποις ἐμὲ ἄβρυνε, variae luxuriae rationes spectantur quae sequentibus enumerantur versibus; *Cho.* 478: πατὴρ τρόποισιν οὐ τυραννικοῖς θανών, varia contumeliae genera spectat pluralis; *Eum.* 441: ἐν τρόποις Ἰξίονος, simul supplicandi rationem ac habitum supplicis Ixionis denotat. — Addendum est, iam apud Aeschylum vi prorsus adverbiali occurrere illud παντὶ τρόπῳ (*Sept.* 289)

ita cum prece vel iusso coniunctum ut postera aetate (vide e. g. Lys. XIII. 25) solitissimum fuit.

a<sup>2</sup>. *Cantus musicesque rationes diversas* vocabulo τρῶπῳ tam Pindarus quam ceteri scriptores musici indicaverunt. Quem usum per technicorum opera nunc persequi inutile est. Usitatissima enim ratione ac certis finibus circumscripta musices εἶδη hac voce indicantur, quod e. g. fecit Pindarus *Ol.* 14. 16 *Λυδῶ ἐν τρῶπῳ* *Ol.* 10. 76 *ἐγκώμιον ἀμφὶ τρῶπον*, adiecta ut adamat, primariae notionis memor, praepositione. Idoneus autem ad hanc notionem illustrandum est versus *Ol.* 3. 4. Etenim non potest, quin quae-ramus, quid moverit musicos, ut τὸ Λυδικὸν εἶδος sive τὴν Φρυγίαν ἀρμονίαν nomine τρῶπῳ indicarent. Quod si respondeas eum qui dicatur cantus tibiaeque τρῶπους mutare, „ἄλλην μέλους δδδν τετράφθαι”, vel, ut Pindari verbis utaris, „ἄλλην βαίνειν κέλευθον ὕμνων” (fr. 191) ipsum fortasse poetam assentientem habebis, qui *viae* imaginem ante oculos habuit nec verbi τρέπεσθαι immemor fuit, cum *Ol.* III. 4 harmoniae numerique (τρῶπου καὶ ῥυθμοῦ) notiones duplices duplici ornans imagine haec dixit: Μοῦσα δ’ οὕτω μοι παρεσταίη (Naberi enim sequor venustissimam emendationem) νεοσίγαλον εὐρόντι τρῶπον Δωρίφ Φωνὰν ἐναρμόξας πεδίλῳ.

b. *τρόπος de animi vitaeque institutione dictum.* Iam indicavi meo iudicio fieri non posse, ut efficiamus, quam hunc musices τρῶπον et ἀνθρώπου τρῶπον affinitate coniunxerint poetae.

Recentioribus antiquiora illustrari cauta vetat interpretatio. Nihil affert utilitatis si quis monet nobis quoque consuetudinem esse transferendi ad animi conditionem depingendam vocabula qualia sunt *stemming, toon*. Nec vero ad originem usus explorandam prodesse nobis quidquam poterit, si forte recentior poeta per imaginem ex musica re petitam statum animi depingat, quod fecit Euripides et alibi saepe et *Hipp.* 161 memorans γυναικῶν δύστροπον ἀρμονίαν. Antiquiores certe vix imaginem adhibere sibi videbantur, cum ita de hominis animo dicerent ut Archilochus fr. 66. 7 iubens discernere

οἶος ῥυσμὸς ἀνθρώπους ἔχει

vel Theognis, vs. 963 ita amicum dehortans:

μή ποτ’ ἐπαινέσῃς πρὶν ἂν εἰδῇς ἄνδρα σαφηνέως  
δργὴν καὶ ῥυθμὸν καὶ τρῶπον ὄντιν’ ἔχει.

Putaverim equidem antiquos illos poetas, cum τρόπον hominis memorarent nihil revera cogitasse nisi ὁδὸν ἥντινα ψυχὴ vel ἡθὺς τινος τέτραπται, et recte vocis notionem perspexisse videtur Antisthenes, quamvis in ceteris vera falsaque misceat, cum de Ulixē πολυτρόπῳ disserens (fr. 26 Mull.) ita docuit: εὐτροπὸς γὰρ ὁ τὸ ἥθος ἔχων εὖ τετραμμένον. Convenit haec explicatio cum usu Pindarico. Nonne cum is de insula Aegina dicit (*Isthm.* IV. 22) εἰ δὲ τέτραπται θεοδότων ἔργων κέλευθον ἂν καθαρὰν, iure contendimus eum laudare τὸν Αἰγίνης τρόπον, vitae sanctam institutionem? Substantivum saltem modo, definite, de certa dimicandi ratione *Ol.* 8. 63 adhibuit (τίς τρόπος ἄνδρα προβάσει) modo de cuncta vitae institutione (*Nem.* 1. 29) Ἀγησιδάμου παῖ, σέο δ' ἅμφι τρόπῳ τῶν τε καὶ τῶν χρήσιες. Quibus exemplis si addimus *Pyth.* X. 37 (de Hyperboreis) Μοῖσα δ' οὐκ ἀποδαμεῖ τρόποις ἐπὶ σφετέροις, apparebit ab initio hoc in pluralis singularisque usu fuisse discrimen, quod singularis modo certum quoddam animi institutum indicat, modo totam ψυχῆς διάθεσιν complectitur, plurali contra varios cuiusdam mores distinguit. Hoc autem si tenemus, nihil mirabimur quod Prometheus Aeschyleus *Prom.* 11 et 28 monetur παύσασθαι τοῦ Φιλανθρώπου τρόπου, contra vs. 309 μεθαρμόσασθαι τρόπους νέους, nec quod Clytaemestra coram civibus praedicat τοὺς Φιλάνορας τρόπους (*Ag.* 855). Singulari enim ὁ Προμηθέως Φιλάνθρωπος τρόπος, haud sine contemptu, indicatur, quia non cogitatur de moribus Promethei sed de certa quadam eius proclivitate (ὡς ἂν διδαχῇ τὴν Διδὸς τυραννίδα στέργειν, Φιλανθρώπου δὲ παύεσθαι τρόπου). Contra qui, ut Prometheus vs. 309, monetur, ut ad νέους τρόπους indolem informet, ei varietas spectanda est et imitanda morum; et si quis, ut Clytaemestra, memorat τοὺς Φιλάνορας τρόπους, varios cogitat rationes quibus τὴν Φιλανδρίαν testata esse videatur. Quare autem *Eum.* 192 de habitu externo Furiarum locutus singulari numero τρόπον μορφῆς poeta dixit? Quoniam totum formae adspectum habitumque complectitur, prorsus eodem modo ut *Ag.* 1063 de Cassandra chorus dicit: „τρόπος δὲ θηρὸς ὡς νεαιρέτου“, silentium ferox totamque rationem gerendi sic indicans. Vides quantum sit discrimen, si hoc loco τρόπος in pluralem mutes!

Paucis absolvi possunt ea quae hisce addidit tragoedia So-

phoclis; nam Aesch. *Choeph.* 753 τρέπος Φρενός, ut manifeste corruptum, et Soph. fr. 858, incertissima Brunckii coniectura demptum Diphilo ut traderetur Sophocli, silentio praeterire praestat. Sophoclis autem sermone antiquiorem colorem servari quam dictione Euripidis et aequalium, ex vocis τρόπου usu quoque apparebit.

a. *Ratio modusque* rei bis in Sophoclis tragoediis singulari τρόπω indicatur. Rogat Oedipus (*O. R.* 99) τίς ὁ τρόπος τῆς ξυμφορᾶς; „quaenam calamitatis ratio ac natura est?” Haud aliter Deianira *Trach.* 21 dicit „καὶ τρόπον μὲν ἂν πόνων οὐκ ἂν δειπνοίμι,” i. e. *singularem* certaminis *rationem* exponere non meum est.

b. *Animi conditionem* non nisi plurali indicatam apud Sophoclem invenimus, id quod casui tribuendum esse videtur. *El.* 397 (σὺ ταῦτα θώπευ· οὐκ ἔμοῦς τρόπους λέγεις), pluralis adhibetur ut congruat cum θωπεύμασι, „non flectitur animus meus in istiusmodi adulationes”, quod optime reddidit Anglice Jebbiius vertens „those are not my ways.” Sic saepius, cum aut improbatur agendi dicendive ratio, aut incerta quaedam eius rationis natura indicanda est, plurali proprius est usus. Quapropter *El.* 1051 Chrysothemis sororem increpans recte dicit

ἄπειμι τοίνυν· οὔτε γὰρ σὺ τᾶμ' ἔπη

τολμᾷς ἐπαινεῖν, οὔτ' ἐγὼ τοὺς σοὺς τρόπους.

Non enim indolem sororis carpere se significat sed miram eam et parum a se perspectam animi conditionem qua nunc agit. Eiusdem autem generis videtur locus in *Aiace* (735) ubi chorus de Aiace

Φροῦδος ἀρτίως, νέας

βουλὰς νέοισιν ἐγκαταζεύξας τρόποις,

hoc enim loco — in quo non neglegendus est aptus verbi ζεύξαι usus — eadem causa quae postulabat pluralem βουλὰς, poetae suasit ut τρόπους, non τρόπον, scriberet. Sed *Ai.* 1245 revera varii τρόποι cogitantur, nam qui dicit

ἐκ τῶνδε μέντοι τῶν τρόπων οὐκ ἂν ποτε

κατάστασις γένοιτ' ἂν οὐδενὸς νόμου

hoc fere vult: „ἐὰν τοιάσδε ὁδοὺς τὰ τῶν ἀνθρώπων ἤθῃ τρέπηται i. e. si οἱ πλατεῖς οἱ τ' εὐρύνωτοι φῶτες ἀσφαλέστατοι iudicabuntur.”

Restat unus locus quem apte cum *Eum.* 192 (τρέπος μορφῆς) conferas, ut videas quantillum interdum sit discrimen inter plu-

ralem et singularem numerum: *Philoct.* 127 ναυκλήρου τρόποις μορφὴν δολώσας. Hic profecto habitum nauclericum singulari potuerat significare poeta. Maluit opinor *varia* indicia τοῦ σχήματος memorare plurali.

Constat igitur inde a Pindari aetate rei actionisve rationem plerumque τρόπον dici, hominis sive institutionem sive habitum tam singulari τρόπῳ quam plurali τρόποις indicari. Apparebit proprios notionis fines tempore dilatatos esse, quo simul factum est ut discrimen inter singularem ac pluralem saepe tantum non evanesceret. Ut cursum rei planefaciam ordine recensebo Herodotum Democritum Euripidem Antiphontem Andocidem Lysian Thucydidem Aristophanem. Rem non exigam cum pulvisculo, quod in vocabulo tritissimo nihil affert commodi. Dicam autem primum de notione τρόπου quae est *ratio*, tum de ea notione quae animum spectat. Utramque notionem saepius confluere non mirum est.

a. τρόπος *ratio*. Commodum affert quoddam vocis notioni pernoscendae Herodotus, eo quod nonnumquam in vocabulo τρόπῳ adhibendo memor fuit verbi τρέπεσθαι. I. 189 memorantur διώρυχες πάντα τρόπον τετραμμέναι (quocum conferatur II. 8) I. 199 sunt σχοινοτενέες διέξοδοι πάντα τρόπον ὁδῶν ἔχουσai διὰ γυναικῶν et II. 118 διώρυχες παντοίους τρόπους ἔχουσai. Omnibus his locis τρόπος *directionem* ἢ τι τέτραπται indicat. Modum rationemque rei plurali numero significat Herodotus IV. 28 κελύβηται δὲ οὗτος ὁ χειμῶν τοὺς τρόπους πᾶσι τοῖσι ἐν ἄλλοιςi χωρίοιςi γινόμενοιςi χειμῶσι, ubi plurali causa est indiciorum varietas quae deinde enumerantur.

Euripides, qui his τρόπον cum adiectivo infinito coniunxit (*Or.* 1040 αὐτοχειρὶ θυῆσκ' ὅτῳ βούλῃ τρόπῳ, et *Rhes.* 800 τρόπῳ δ' ὅτῳ τεθνᾶσιν) exquisito quodam usu et proprio idem substantivum exornat adiectivo finito ut *Rhes.* 599 μολόντα Ῥῆσον οὐ Φαύλῃ τρόπῳ, *Med.* 750 μεθιέναι ἔκουσίῳ τρόπῳ, *Hel.* 1547 ἐκβάλλειν δάκρυα ποιητῷ τρόπῳ. Insignis haec veteris usus est ampliatio. Nam vix credo Aeschyli Pindarive aetate „τρόπον ποιητόν” vel „τρόπον ἐκούσιον” ita dictum fuisse; aliquantum saltem distant hae dictiones ab Aeschyleis illis (*Sept.* 270) „τὸν μέγαν τρόπον.” Excogitata esse talia ab Euripide quis demon-

strabit? Amat is peculiariter et exquisite hic illic adhibere vocem *τρόπον*, sicuti non civium suorum sed Ionum dictionem imitatus *El.* 772 scripsit:

ποῖω τρόπῳ δὲ καὶ τίνι ῥυθμῷ Φόνου  
κτείνει Θυέστου παῖδα;

plerumque autem talem vocis usum observat quo magis refertur ad indolem naturamque rei personaeve quam actionis. Equidem profecto *Phoen.* 390 τίς ὁ τρόπος αὐτοῦ (sc. τοῦ στέρεσθαι τῆς πατρίδος) non vertam „quisnam exilii *modus* est” i. e. „qui fit?” sed „quaenam *propria est exilii ratio ac natura*,” sequitur enim „τί Φυγάσιν τὸ δυσχερές;.” Idem fortasse valet de fragmento 271 τῆς τύχης οὐχ εἷς τρόπος. Sed in brevi versiculo hoc dubium; saltem certum est aliter accipiendos esse versus ex *Troad.* 1204

τοῖς τρόποις γὰρ αἱ τύχαι  
ἐμπληκτος ὡς ἄνθρωπος ἄλλοτ’ ἄλλοσε  
πηδῶσι,

hic enim verbum *πηδᾶν* me monet, ut *τρόπους* accipiam de variis rationibus quibus in homines insiliant infortunia. Quamquam tenendum est non ipsum pluralem per se tale quid postulare, ut ostendunt loci ex Herodoto allati, quibus apte coniungi poterit Diogenes Apolloniates (*Muel.* I. 255) „πολλοὶ τρόποι καὶ αὐτοῦ τοῦ ἀερός καὶ τῆς νοήσιός εἰσι.”

Iam frequentius multo hac aetate, licet desint fere in Euripidis Sophoclisque sermone tragico, usu venerunt dictiones adverbiales quales sunt ἐνὶ τρόπῳ, παντὶ τρόπῳ, τρόπῳ etc., ut Antiphon 5. 66 ὅτῳ τρόπῳ ἀφανής ἐστι, 5. 70 τῷ τρόπῳ ἀπολώλει, 5. 71 ὅτῳ τρόπῳ τέθνηκεν, 6. 20 οἷῳ τρόπῳ ἔρχονται ἐπὶ τὰ πράγματα; itidem 6. 24 cum verbo βασιανίζειν. Persaepe Lysias τὸν αὐτὸν τρόπον (1. 20. 37; 7. 20; 10. 10; vel τῷ αὐτῷ τρόπῳ (12. 77; 13. 3. 7. 8. 51. 81. 82 alibi); exquisitius quoque ἐξ ἐνός τρόπου et talia quae ne memorare quidem utile esset, nisi necesse videretur propter parvum discrimen unum conferre locum ex Andocida *Myet.* 73 εἰ δὲ ἄτιμοι τίνες ἦσαν, καὶ τίνα τρόπον ἕκαστοι; quibus adiungenda § 74 εἷς μὲν τρόπος οὗτος ἀτιμίαις.

Thucydideos mittimus ut qui nihil novi praebeant locos ubi παντὶ τρόπῳ vel tale quid occurrit, memorabo tamen VIII. 62. 2 ἐκ τρόπου τινὸς ἐπιτηδείου ἐτεθνήκει. Ceterum scriptor accura-

tissimus in hac voce utenda propriam curam dicendi non deseruit. Ita vero *τρόπον* et *τρόπους* is saepe adhibet ut ad eam notionem qua humani ingenii conditio indicatur — de qua infra dicetur — satis prope haec prior quae nunc illustratur notio accedat. *Agendī mos* est, *ἔθος*, quem significat Thucydides cum I. 130 de Pausania scribit „οὐκέτ' ἐν τῷ καθεστηκότι τρόπῳ ἐδύνατο βιοτεύειν,” itidem I. 6 vix aliud nisi *ἔθος* indicat illud „μετρίᾳ δ' αὖ ἰσθῆτι καὶ ἐς τὸν νῦν τρόπον πῶτοι Λακεδαιμόνιοι ἐχρήσαντο.” Is quoque in hisce verbi *τρέπεσθαι* memoriam non neglexit; sic I. 5 postquam tempora descripsit quibus homines *ἐτράποντο πρὸς ληστείαν* pergit *ἐλῆζοντο δὲ κατ' ἡπειρον ἀλλήλους. καὶ μέχρι τοῦδε πολλὰ τῆς Ἑλλάδος τῷ παλαιῷ τρόπῳ νέμονται.* Tandem pertinet huc (propter pluralis usum iterativum notandum) IV. 98 *τρόποις θεραπευόμενα οἷς ἂν πρὸ τοῦ εἰωθόσι καὶ δύνανται.*

Sed saepe *ἔθος* τι per vocem *τρόπον* ita significat, ut haud multum absit ab *ἥθους* *τρόπου*. Haud sine iure ad hanc alteram *τρόπου* notionem referas exempla duo quae iam hic tractabo. I. 132 *ἀλλ' οὐδὲ ὥς οὐδὲ τῶν Εἰλωτῶν μηνυταῖς τισι πιστεύσαντες ἡξίωσαν νεώτερόν τι ποιεῖν ἐς αὐτὸν χρώμενοι τῷ τρόπῳ ᾧπερ εἰώθασιν ἐς σφᾶς αὐτοὺς μὴ ταχεῖς εἶναι περὶ ἀνδρὸς Σπαρτιάτου.* Consuetudinem dicit, sed consuetudinem ingenio Spartiatarum debitam. Et sic quoque cum VII. 67 *mos* quidam, ratio proelii instituendi *τρόπος* dicitur „τά τε ἀντιμιμήσεως αὐτῶν τῆς παρασκευῆς ἡμῶν τῷ μὲν ἡμετέρῳ τρόπῳ ξυνήθη ἐστί,” magis persona quam actio spectatur, eodem modo ac VIII. 95 *διάφοροι γὰρ ὄντες τὸν τρόπον, οἱ μὲν δξεῖς, οἱ δὲ βραδεῖς, καὶ οἱ μὲν ἐπιχειρηταί, οἱ δὲ ἄτολμοι, ἄλλως τε καὶ ἐν ἀρχῇ ναυτικῇ πλεῖστα ὠφέλουν.*

Non multum referet utrum haec priori an alteri exemplorum ordini tribuamus. Res ipsa in aperto est: usu frequentiore iam evanescit hac aetate discrimen inter *τρόπον* quod *ἔργου* ὁδὸν et *τρόπον* quod *βουλευμάτων*, *ψυχῆς* ὁδὸν indicat. Cetera huiuscemodi exempla Thucydidea tractanda ergo differo, nunc iam monens, nihil attinere quaerere, num Thucydides sicubi carpat *κακοτροπίαν* vel homines dicat *ὁμοιοτρόπους*, *τρόπους* an *τρόπον* cogitaverit. Nulli vero obscurum erit, quid sibi velit δ *ἀνθρωπεῖος τρόπος* quem memoravit I. 76 scriptor qui paullo ante (c. 71) *ἀρχαιότροπα ἐπιτηδεύματα* memoravit; eodem redit utrum *Φύσιν* an *ἐπιτήδευσιν* intellegas.

Pauca sufficient ut demonstrem, antequam alteram τρόπου illam significationem exemplis illustrem, idem quod in Thucydide apparuit usu venire in Aristophanis sermone minus elato. Profecto is quoque παντὶ τρόπῳ, ἐξ ἑνὸς γε τοῦ τρόπου et similia cum ceteris mortalibus dixit, dixit quoque ἀπλῶ τρόπῳ *Ecccl.* 231, nec quisquam dubitabit, utrum *modus* significetur necne cum in *Thesm.* 961 χορομανῆς τρόπος et in *Ranis* καλλιχορώτατος τρόπος memoretur, aut dimicabit de vi vocis in versu *Pac.* 54 ὁ δεσπότης μου μαίνεται καὶνὸν τρόπον. Item ut Thucydides τὸν ἀρχαῖον τρόπον memoraverat, ita Aristophanes in *Pluto* (47) τὸν ἐπιχώριον τρόπον (ἀτκεῖν τὸν υἱὸν τὸν ἐπιχώριον τρόπον). Sed cum non modum sed *rei rationem*, vel *agendi modum* indicat poeta, iterum videmus quam facile inter se confluant vocis notiones diversae. In *Lysistrata* vs. 25 οὐχ οὗτος ὁ τρόπος significat „non ea est *rei ratio*”, sed cum *Ran.* 563 Xanthias de Dionysio affirmat τούτου πάνυ τοῦργον· οὗτος ὁ τρόπος πανταχοῦ minus recte vertes, opinor, „haec eius *ratio agendi* est”, quam si dicas „eiusmodi eius *mos* est”, i. e. convenit ingenii moribus, ἐστὶν ἐκ τοῦ τούτου τρόπου vel quod plane idem est „ὁμοῖόν ἐστι τοῖς τρόποις αὐτοῦ”. Ad alteram vocis notionem haec et similia referre equidem malo, cuius historiam nunc ordine exponam.

δ. τρόπος (τρόποι) *animi conditio*. Quoniam constat apud omnes inde ab initio τρόπους plurali numero frequentissime et ab omnibus scriptoribus adhibitum esse quo hominis mores significarent, non anxie exemplorum copiam ex Herodoto Lysia Thucydide ita congeram ut nihil desit. Ex uno Euripide afferam locos quotquot notavi, — nec multos me fugisse credo, — ex ceteris dabo quantum opus videbitur; praesertim autem attendam ad *singularis* τρόπου usum per temporum lapsum et dilatatum et aliquatenus mutatum. Exemplis quibus numerus singularis illustratur praemitto.

Animi διάθεσιν, totumque hominis habitum Herodotus bis tantum sed diserte admodum substantivo τρόπος indicavit. Primum VI. 128, quo loco quin versus Theognidei quem supra attuli memor fuerit Herodotus dubitare vix possum, licet incertam ipsius Theognidis esse auctoritatem ut in ceteris ita in hoc versu necesse sit fateri. Hic accurate Herodotus τρόπου significationem illustrat. „Clisthenes Sicyonius” — ita narrat — „procos un-

dique arcessitos apud se κατέχων ἐνιαυτὸν διεπειράτο αὐτῶν τῆς τε ἀνδραγαθίης καὶ τῆς ὀργῆς καὶ παιδεύσιος τε καὶ τρόπου. Neminem fugit quam arcte παίδευτιν atque τρόπον coniunxerit Herodotus. Illam opinor ἥθους καὶ ψυχῆς διάθεσιν cogitavit quae educatione informatur. Eandem autem animi directionem haud minus diserte indicat altero loco qui est I. 107: τὸν εὕρισκε οἰκίης μὲν ἐόντα ἀγαθῆς, τρόπου δὲ ἡσυχίου.

Non prorsus his locis idem valere τρόπον ac si scriptum esset ἥθος facile est videre. Quid vero — et quam parvo discrimine — distent, docebit unum alterumque fragmentum ex Democrito. Is (περὶ παιδείας fr. 127 Muell.) monet: κτηνέων μὲν εὐγενείῃ ἢ τοῦ σκηνέος εὐσθενείῃ, ἀνθρώπου δὲ ἥθους εὐτροπίῃ, i. e. animi institutio bona; censet enim Democritus animum flecti (τρέπεσθαι) posse διὰ τῆς παιδείας quippe quae μεταρρυσμοῖ τὸν ἄνθρωπον (fr. 133). Quapropter haud absurdum est in memoriam revocare eiusdem sententiam fr. 135 editam: κρέσσων ἐπ' ἀρετὴν φανέεται προτροπῇ χρεώμενος καὶ λόγου πειθοῖ ἥπερ νόμῳ καὶ ἀνάγκῃ. Nam προτροπῇ sive ad bonum sive ad malum τρέπεται τὸ ἥθος, et informatur ὁ τρόπος. — Ceterum difficile est, nec cautae videtur interpretationis, ex paucis et disiectis fragmentis pro certo efficere velle quatenus iam Democritus sustulerit discrimen quod inter ἥθος et τρόπον accuratior saltem usus antiquorum servaverat; me quidem ut caveam admonet verborum lusus, cui — si fides est Stobaeo — indulsit Democritus ita docens (fr. 133): ἡ φύσις καὶ ἡ διδαχὴ παραπλήσιόν ἐστι· καὶ γὰρ ἡ διδαχὴ μεταρρυσμοῖ τὸν ἄνθρωπον, μεταρρυσμοῦσα δὲ φυσιοποιεῖ. Sed duo extant loci ubi varie hoc discrimen servatur; accuratius in lepida sententia de parentum parsimonia quadam (fr. 69) ἡ τέκνοισι ἄγαν χρημάτων ξυναγωγὴ πρόφασίς ἐστι Φιλάργυρης τρόπον ἴδιον ἐλέγχουσα, i. e. „arguens animum ad avaritiam inclinatum, τρόπον (ἥθους) Φιλάργυρον”; minus accurate fr. 45 „τοῖσι ὁ τρόπος ἐστὶ εὐτακτος, τοῦτοισι ὁ βίος ξυντέτακται”, in quorum verborum breviloquentia, placito apta, iam vix dignoscas discrimen. Etenim proprie ipse tantum animus, non animi διάθεσις vel τρόπος dici potest εὐτακτος.

Apparet itaque Euripidis aetate iam eo perventum esse, ut cum certa quaedam animi inclinatio nomine τρόπῳ significaretur, adiectivo circumscribi posset (Φιλάργυρος τρόπος, Φιλάνθρωπος

τρόπος); itidem autem *tota* hominis διάθεσις, singulari τρόπῳ indicabatur, addito si res ferebat adiectivo (ἡσύχιος τρόπος, εὐτακτος τρόπος). Neque apud Euripidem neque apud oratores huius usus exempla desunt. Quod autem temporis lapsu crevit in hac re negligentia, ita ut magis magisque ipse animus, ipsa indoles nomine τρόπῳ indicari posse videretur, haud minima culpa fuit tragicorum, praesertim Euripidis quo nemo magis vocabulorum Φρὴν (Φρένες) ἦθος (ἦθη) ψυχὴ θυμὸς καρδιά τρόπος notiones conturbavit. Sed de hac re alias; nunc subsistendum in voce τρόπος, quae Euripidis aetate talem viam absolvisse fere videtur qualem diu post vox χαρακτηρ, cuius vocabuli notionem nativam propemodum servatam videmus in Euripide (cf. *Hec.* 379; *El.* 558, 576; *Med.* 518; *Herc.* 658).

Ut iam diu antea factum erat, hac aetate pergunt homines mores hominis plurali τρόποις indicare. Brevissime locos qui nihil novi afferant recensebo. Apud Euripidem dicuntur τρόποι ἐλεύθεροι (fr. 413) et δούλοι (*Suppl.* 884); ἀνδρὸς οὐ κακοῦ τρόποι (*Iph. A.* 502); κακῶν μητέρων τρόποι (*Andr.* 230); μητρὸς τρόποι (*Bacch.* 1252); παρθένου τρόποι (fr. 603); νυμφῶν (fr. 404); τρόποι πατρὸς δικαίου (*Hel.* 940); ἐμοί, σοὶ τρόποι (*Suppl.* 338 *Troad.* 700); dicitur quoque (*Ion.* 237) mulieris σχῆμα esse „γενναιότητος καὶ τρόπων τεκμήριον.” Non solum possunt homines πηδᾶν ἄλλοις εἰς ἄλλους τρόπους (*Troad.* 67), vel πεποικίλθαι τρόπους (*Suppl.* 187), possunt μεταβάλλειν vel μεθιστάναι τοὺς τρόπους (*Iph. A.* 343. 502) vel ἀγρίων τρόπων χωρὶς ναιεῖν (fr. 847), sed possunt quoque χρῆσθαι τρόποις τινὲς (*Or.* 769), quin συντακῆναι τρόποις τινὲς (*Or.* 805), id quod facilius de animo quam de moribus accipi potest, sic ut quoque si quid τρόποισιν ἔμφυτον dicitur (fr. 1022) ad mores refertur id quod de animo tantum recte dicitur. Saepe autem vix quidquam differt, utrum quis τρόπους an τρόπον dicat: *Suppl.* 187 (Σπάρτη μὲν ὦμῃ καὶ πεποικίλται τρόπους) plurali indicantur varii civium mores, *Bacch.* 400 (μαينوμένων οἷδε τρόποι) variae spectantur stultorum hominum rationes. Sed *El.* 1116 τρόποι τοιοῦτοι quam parum differat a *Ranarum* versu οὗτος δὲ τρόπος πανταχοῦ nemo non videt; tandem *Iph. A.* 558 (διάφοροι δὲ φύσεις βροτῶν, διάφοροι δὲ τρόποι) singulorum hominum φύσιν et τρόπον, non τρόπους spectat. Hoc vero manifestum est, tam ab Euripide quam ab aequalibus hominis mores plurali τρό-

ποις plerumque significari, nonnumquam autem ita pluralem illum adhiberi ut non ἤθῃ, sed ψυχὴν rectius substituas.

Huius usus si exempla ex oratoribus vel comicis poetis congerere velim, risum vel taedium moveam. Sed in Thucydide paulisper subsistere necesse est, qui dicendi quadam subtilitate optime docere posse videtur, quam levi discrimine pluralis et singularis vocabuli τρόπος tum, cum animi conditio spectatur, adhiberi possint. Insignis est locus in oratione funebri II. 39. 4, eo ipso nobis notabilis quoniam ibidem eadem inter leges moresque oppositio illustratur, quam et a Democrito factam esse vidimus et ab Euripide in eo Pirithoi fragmento a quo tota nostra profecta est disputatio: II. 39. 4 „εἰ ῥαθυμία μᾶλλον ἢ πόνων μελέτη καὶ μὴ μετὰ νόμων τὸ πλεῖον ἢ τρόπων ἀνδρείας ἐθέλομεν κινδυνεύειν.” Postulatur hic numerus pluralis. Opponuntur enim inter se νόμων ἀνδρεία et τρόπων ἀνδρεία, virtus ad quam cogunt variae leges atque illa virtus quae ex singulorum hominum habitu ac ratione vitae nascitur. Pro genetivo νόμων si Thucydides universam legis notionem voce νόμου indicasset (quod potuit), procul dubio scripsisset quoque τρόπου. Prorsus idem valet de duobus aliis locis in eadem oratione, II. 36. 4: ἀπὸ δὲ οἷας ἐπιτηδεύσεως ἤλθομεν ἐκ’ αὐτὰ καὶ μεθ’ οἷας πολιτείας καὶ τρόπων ἐξ οἷων μεγάλα ἐγένετο, et 41. 2 δύναμις ἦν ἀπὸ τῶνδε τῶν τρόπων ἐκτησάμεθα, variarum enim aetatum τρόπος est quem spectat orator; et eodem referri oportere videtur id quod Nicias V. 9. 3 coram civibus verba faciens dicit πρὸς τοὺς τρόπους τοὺς ὑμετέροους ἀσθενὴς ἂν μου ὁ λόγος εἴη εἰ τὰ τε ὑπάρχοντα σφάζειν παραινοίην καὶ μὴ τοῖς ἐτοίμοις περὶ τῶν ἀφανῶν καὶ μελλόντων κινδυνεύειν. Spectat enim orator non totam animi Atheniensium διάθεσιν sed certas quasdam in rebus gerendis animi inclinationes. Discrimen enim in eiusmodi sentiis a Thucydide observatum esse quod singularem a plurali separet, apte docet locus VI. 87. 3: καθ’ ὅσον δὲ τι ὑμῖν τῆς ἡμετέρας πολυπραγμοσύνης καὶ τρόπου τὸ αὐτὸ ξυμφέρει, ubi egregie Steupius „Die Begriffe πολυπραγμοσύνη und τρόπος stehen im Verhältniss von Species und Genus zu einander”. Nam hic profecto τρόπος universam animi διάθεσιν indicat.

Ab hoc loco profectus demonstrare conabor, tam apud Euripidem, quam apud Lysiam atque Aristophanem singulari τρόπῳ

indicari ingenii *διάθεσιν*, qua inter se homines distinguuntur. Nam idem est in moralibus ut in re musica *διάθεσις* et *τρόπος*, quae vocabula rem musicam attingens Eupolis quoque notissimo fragmento iuxta posuit (*πότερ' α βούλεσθε τήνδε τὴν διάθεσιν ᾧδης ἀκούειν ἢ τὸν ἀρχαῖον τρόπον*);).

Apud Euripidem rara quidem exempla sed ni fallor diserta. Medea (*Med.* 808) se praedicat

μηδ' ἡσυχαίαν ἀλλὰ θατέρου τρόπου,  
βαρεῖαν ἐχθροῖς καὶ φίλοιςιν εὐμενῇ.

Electra (*El.* 948) exoptat ut sibi sit maritus

μη παρθενωπὸς ἀλλὰ τάνδρ' εἶναι τρόπον.

Differt haec dicendi ratio a loco Herodoteo (I. 107) quod articulus additus accuratius τὸν τρόπον circumscribit, sed ipsam vocabuli notionem non mutat articulus; non enim is qui τοῦ ἀνδρείου τρόπου est pertinere ad quendam τρόπον (= τυπὸν) i. e. ad genus eiusmodi dicitur (quae fortasse explicandi ratio valebit cum dicitur quis τοῦ πονηροῦ κόμματος εἶναι), sed ut qui τῆς αὐτῆς γνώμης ἐστὶ, τὴν αὐτὴν γνώμην ἔχει, ita qui τάνδρ' εἶναι τρόπον ἐστὶ dici poterit τὸν ἀνδρῆον ἔχειν τρόπον. Ita enim recipiendum esse docet aequalium usus, ut Eupolidis fr. 103 βληχὴ τὰ τέκνα κοῦδαμοῦ τοῦ σοῦ τρόπου, Aristophanis *Thesm.* 92 τὸ πρᾶγμα κομψὸν καὶ σφόδρ' ἐκ τοῦ σοῦ τρόπου, *Thesm.* 574 φίλαι γυναῖκες ξυγγενεῖς τοῦμοῦ τρόπου *Vesp.* 1002 ἄκων γὰρ αὐτ' ἔδρασα κοῦ τοῦμοῦ τρόπου. *Plut.* 245 ἐγὼ δὲ τοῦτου τοῦ τρόπου πῶς εἰμ' αἶ, et tandem *Plut.* 630 ἄλλοις δ' ὅσοις μέτεστι τοῦ χρηστοῦ τρόπου.

Videmus in his omnibus hoc constanter observatum quod proxime quidem τρόπου et ἥθους notiones convenient nec tamen prorsus coalescant. Valet idem in eo Pirithoi versu qui post verba ex Pluto allata haud male sequitur, τρόπος δὲ χρηστὸς ἀσφαλέστερος νόμου; non enim φύσιν, ἥθος, ψυχὴν anteponenda esse legibus hic praedicat poeta philosophus, sed cum Democrito perhibet firmiter adminiculum vitae bene constituendae praeberi *animi inclinatione* bene instituta quam vi legis. Ad certae autem cuiusdam personae institutionem alio loco refert singularem τρόπον:

fr. 739: Φεῦ Φεῦ, τὸ Φῦναι πατὴρ εὐγενεὺς ἀπο  
δοὴν ἔχει Φρόνησιν ἀξίωμα τέ.

κἄν γὰρ πένης ὢν τυγχάνῃ, χρηστὸς γεγώς  
τιμὴν ἔχει τιν', ἀναμετρούμενος δὲ πως  
τὸ τοῦ πατρὸς γενναῖον ὠφελεῖ τρόπῳ.

Quamvis placitum referant hi versus in Euripidea philosophia saepe versatum (e. g. *Hec.* 397. 597), suspecti tamen primi versus esse possunt propter *Φρονήσεως* substantivi usum, quod adhibitum est quo sensu solet adhiberi *Φρόνημα*. Equidem tamen manum abstinere malim quam sive *δνησιν* scribere cum Schmidtio, sive *δόκησιν ἀξίωματος* cum Meinekio. Sed quidquid id est, extremi versus corruptela vacant, quibus versibus hoc docet poeta, filium probum paternam nobilitatem *vitae suae ratione* sustentare atque in memoriam revocare.

Hic igitur *ἀνδρὸς χρηστοῦ τρόπος* laudatur sicuti in fragmento Pirithoi *χρηστὸς τρόπος*. Restat ut exemplis ex Lysiae Aristophanisque scriptis hunc vocis usum illustrem. In singulis quantillo discrimine *τρόπος* et *ἦθος* distent indicare non necesse erit. Lysiacae exempla sufficient tria. XII. 19 εἰς τοσαύτην ἀπληστίαν καὶ αἰσχροκέρδειαν ἀφίκοντο καὶ τοῦ τρόπου τοῦ αὐτῶν ἀπόδειξιν ἐποιήσαντο (quo inclinaret animus eorum). — XXVI. 5 τοῦ μὲν γὰρ νῦν μηδὲν ἐξαμαρτάνειν οἱ κωλύσαντες αἴτιοι, τῶν δὲ τότε γενομένων δ' αὐτοῦ τρόπος. Et tandem, quo eximie vis vocis illustratur, XIX. 60 ἐνθυμεῖσθε δὲ ὅτι ὀλίγον μὲν χρόνον δύναιτ' ἂν τις πλάσασθαι τὸν τρόπον τὸν αὐτοῦ, ἐν ἐβδομήκοντα δ' ἔτεσιν οὐδ' ἂν εἰς λάθοι πονηρὸς ὢν. Adici hisce licebit quamvis excerpto debitum, non ex ipsius Lysiae oratione desumptum, IX. 1.: τοῦ μὲν πράγματος παρημελήκασι, τὸν δὲ τρόπον μου ἐπεχείρησαν διαβάλλειν. Coniungenda cum hisce Aristophanea, quippe quae sermonis simplicis et cottidiani exemplum reddant. Transitum ex notione *rationis*, ut vidimus, versus praebent qualis est *Vesp.* 434

ἴν' εἰδῇτ' οἷός ἐστ' ἀνδρῶν τρόπος

δευθύμων καὶ δικαίων καὶ βλεπόντων κάρδαμα.

Arctius cum *ἦθους* notione coniunctum est *Pac.* 607

τὰς φύσεις ὁμῶν δεδοικῶς καὶ τὸν αὐτοδαξ τρόπον,

sed *Nuób.* 478 idem poeta qui *Nuób.* 88 Strepsiadem filii mores, τὴν ἱπποτροφίαν et quidquid cum ea arte cohaerebat, aversatum ita supplicentem fecerat „ἐκστρεψεν (tamquam vestem) τοὺς σαυτοῦ τρόπους”, Socratem ad Strepsiadem dicentem facit (vs. 478)

ἄγε δὴ κατεῖπέ μοί σὺ τὸν σαυτοῦ τρόπον,  
 ἵν' αὐτὸν εἰδὼς ὅστις ἐστὶ, μηχανᾷς  
 ἥδη ἐπὶ τοῖς πρὸς σὲ καινὰς προφέρω,

hic enim non mores quosdam, non certas quaerit consuetudines, sed totum mentis animique habitum, fere τὴν φύσιν (cf. 487 ἐνεστί δὴτά σοι λέγειν ἐν τῇ φύσει);).

Ea aetate igitur qua floruit ars Euripidis non magis quam aut antea aut brevi post ita τρόπος adhibebatur ut plane ac nihil usu differret ab ἥθους, attamen iam Pindari aetate eam inierat viam βῆμα πολύτροπον, ut sensim propius ad ἥθους notionem perveniret. Ea identidem progressum est, et cum nondum ab eo usu qui communis fuit Euripidi Herodoto Lysiae Aristophani deflexisset Antiphanes cum Euripidem, opinor, sectatus ita dixit (Stob. 37. 13):

τρόπος δίκαιος κτῆμα τιμιώτατον,  
 longe aliam rationem inierunt aequales Menandri, cui placuit dicere ἐκάστῳ τὸν τρόπον συνήρμωσαν Φρούραρχον. Cui versui tamquam Epicharmeum exemplum apponere tritum illud „ὁ τρόπος ἀνθρώποισι δαίμων ἀγαθός, οἷς δὲ καὶ κακός” (Stob. 31. 16) vix cautum videtur.

## PLUTARCHUS.

Praec. reip. ger. 820 A.

„Aurum argentumque contemnamus politici viri, semperque nosmet ipsos admoneamus in nobis ipsis nos habere:”

χρυσὸν ἀδιάφθορον καὶ ἀκήρατον καὶ ἄχραντον ὑπὸ Φθόνου καὶ μώμου τιμὴν ἄμα λογισμῷ καὶ παραθεωρήσει τῶν πεπραγμένων ἡμῶν καὶ πεπολιτευμένων αὐξανόμενον.

Parum huic loco profuit Madvigius τιμὴν delendo, nam restat, quod non minus molestum, ἄμα. E duobus unum fac vocabulum τίμημα, habebis id quod solum in hunc locum quadret: censum, rem familiarem, opulentiam.

J. J. H.

# PLATONICA.

SCRIPSIT

S. A. NABER.

(*Continuantur ex pag. 288*).



## AD REIP. LIBRUM TERTIUM.

P. 387 C. Vetat Socrates ne quis terri culamenta ex inferis excitet atque civium ingenia corrumpat: etenim ὅσα τούτου τοῦ τύπου ὀνομαζόμενα φρίττειν ποιεῖ τοὺς ἀκούοντας· ἡμεῖς δὲ, inquit, ὑπὲρ τῶν φυλάκων φοβούμεθα μὴ ἐκ τῆς τοιαύτης φρίκης θερμότεροι καὶ μαλακώτεροι τοῦ δέοντος γένωνται. Haec lectio plerisque interpretibus displicuit itaque primum Stephanus ἀθερμότεροι coniecit, Astius autem ἀθυμότεροι, quae non nimis felices coniecturae sunt. Vernetus p. 78 vulgatum textum defendit et apposite laudavit Phaedr. 251 A: ὁ δ' ἀρχιτελής . . . ὅταν θεοειδὲς πρόσωπον ἴδῃ . . . πρῶτον μὲν ἐφρίξε . . . ἰδόντα δ' αὐτὸν, οἷον ἐκ τῆς φρίκης, μεταβολή τε καὶ ἰδρῶς καὶ θερμότης λαμβάνει, θερμανθέντος δ' ἐτάκη τὰ περὶ τὴν ἐκφυσιν κτλ. „Horrore” — ita enim Vernetus pergit — „illo mens perturbatur et aestuat, quo fit ut animi robur sicut ferrum candefactum molliatur. Recte Campbellius vertit: *too heated* i. e. nervous, excitable, not cool enough”. Mihi haec ratio probari non potuit nec, credo, ex Phaedro metaphora continuo transferenda est in alterum locum, nam plane diversa ratio est. Nec sane custodes illi, dum animi incaluerunt, remissiores fiunt et μαλακώτεροι. Commendare ausim: ἡμερώτεροι καὶ μαλακώτεροι. Pariter vide coniunctam μαλακίας τε καὶ ἡμερότητος mentionem p. 410 D.

Ibid. p. 388 A. Hic describere iuvat quae olim disputavi *Μnem.* 1891 p. 311: Plato Homerum respicit, Ω 12, his verbis: πάλιν δὴ Ὅμηρου τε δεησόμεθα καὶ τῶν ἄλλων ποιητῶν μὴ ποιεῖν Ἀχιλλέα θεᾶς παῖδα ἄλλοτε ἐπὶ πλευρᾷς κατακείμενον, ἄλλοτε δ' αὐτε ὑπτιον, ἄλλοτε δὲ πρηνῇ, τότε δ' ὀρθὸν ἀναστάντα πλωϊζόντα. Absurdum est πλωϊζόντα· quid reponendum? Nemo certe Astium sequetur et corriget πρὸ ἰόντα, nec melius est Liebholdi πρὸ ἰύζοντα. Legitur apud Homerum: δινεύεσκ' ἀλύων παρὰ θῖν' ἀλός, sed nemo videtur observasse Platonem Homerī verba nunc quidem ita immutare, ut tamen immutata verba versiculi cuiusdam speciem habeant; unde consequitur pro πλωϊζόντα participium requiri, quod a vocali litera incipiat. Quid igitur latet? Opinor:

ἄλλοτ' ἐπὶ πλευρᾷς κατακείμενον, ἄλλοτε δ' αὐτε  
ὑπτιον, ἄλλοτε δὲ πρηνῇ, τότε δ' ὀρθὸν ἀναστάντ'  
αἰάζοντ' ἀλύοντ' ἐπὶ θῖν' ἀλός ἀτρυγέτοιο.

Ibid. p. 389 A: Οὐκοῦν Ὅμηρου οὐδὲ τὰ τοιαῦτα [ἀποδεξόμεθα περὶ θεῶν],

ἄσβεστος δ' ἄρ' ἐνῶρτο γέλως μακάρεσσι θεοῖσιν,  
[ὥς ἴδον Ἥφαιστον διὰ δώματα ποικιλονύοντα].

οὐκ ἀποδεκτέον κατὰ τὸν σὸν λόγον. Iamdudum est ex quo ostendi spuria ea esse quae notavi; verbum non addam.

Ibid. p. 390 C. De Iove legimus: οὕτως ἐκπλαγέντα ἰδόντα τὴν Ἥραν, ὥστε μὴδ' εἰς τὸ δωμάτιον ἐθέλειν ἐλθεῖν, ἀλλ' αὐτοῦ βουλούμενον χαμαὶ ξυγγίγνεσθαι. Delebo illud ἐθέλειν, quod certe coniungi non potest cum participio βουλούμενον. Componam Plutarchum πῶς ἂν τις διακρ. p. 67 C, ubi Plato rogat ut Dionysium convenire liceat; tyrannus autem concedit, οἰόμενος ὑπὲρ αὐτοῦ τι ἔχειν μέμψασθαι τὸν Πλάτωνα καὶ διελεθεῖν· inseram autem διελεθεῖν (ἐθέλειν). Altera correctio alteram confirmat.

Ibid. p. 391 B: καὶ αὖ τὰς τοῦ ἑτέρου ποταμοῦ Σπερχειοῦ ἱερὰς τρίχας, satius est expungere proprium Sperchei nomen, quod et per se speciem habet, nec negligendum est etiam in superioribus non esse additum Scamandri nomen. Non multum dissimile est p. 391 C, ubi Achilles dicitur θεᾶς παῖς καὶ Πη-

λέως σωφρονεσάτου τε καὶ τρίτου ἀπὸ Διός, ubi itidem expuncto proprio nomine praeferam: θεῶς παῖς καὶ ἀνδρὸς σωφρονεσάτου.

Ibid. p. 392 B: κακῶς λέγουσι περὶ ἀνθρώπων τὰ μέγιστα, ὅτι εἰσὶν ἄδικοι μὲν, εὐδαίμονες δὲ πολλοί, δίκαιοι δ' ἄθλιοι, iustam demum habebimus oppositionem si correxerimus: ἄδικοι μὲν εὐδαίμονες δέ, πολλοὶ δὲ δίκαιοι ἄθλιοι δέ.

Ibid. p. 392 D: γελοῖος ἔοικα διδάσκαλος εἶναι καὶ ἀσαφής, duo postrema vocabula parum eleganter abundant. Philosophus perpetuo γέλωτα παρέχει imperitae multitudini, cf. Rep. VII 517 A et Theaet. 174 C. Hinc, quem locum supra tractavimus, Socrates noto loco Gorg. p. 474 A: καὶ πέρυσι βουλεύειν λαχών, ἐπειδὴ ἡ (ἐμὴ) Φυλὴ ἐπρυτάνευε καὶ ἔδει με ἐπιψηφίζειν, γέλωτα παρείχον, expungenda verba sunt: καὶ οὐκ ἠπιστάμην ἐπιψηφίζειν, quae verba etiam per se spectata absurda sunt, nisi forte credas Socratem senatorem ignorare potuisse quod toties vidisset.

Ibid. p. 395 D: αἱ μιμήσεις εἰς ἔθνη τε καὶ φύσιν καθίστανται· vide an non praestet μεθίστανται.

Ibid. p. 393 E. Recitat quaedam Socrates ex Iliadis exordio, sed in suam ipsius dialectum conversa: inter quae haec quoque sunt: μὴ αὐτῷ τό τε σκῆπτρον καὶ τὰ τοῦ θεοῦ τέμματα οὐκ ἐπαρκέσοι. Illic certe apud Homerum legitur σκῆπτρον καὶ τέμμα θεοῖο, sed paulo supra plurali numero Plato: τέμματ' ἔχων et cum Platone grammatici Alexandrini, etiamsi Leidae τέμμα τ' ἔχων edatur singulari numero.

Ibid. p. 396 D: μάλιτα μὲν μιμούμενος τὸν ἀγαθὸν ἀσφαλῶς τε καὶ ἐμφρόνως πράττοντα, ἐλάττω δὲ καὶ ἥττον (τὸν) ἢ ὑπὸ νόσων ἢ ὑπ' ἐρώτων ἐσφλμένον. Vides quid exciderit.

Ibid. p. 398 A. Qui varias induit formas, παντοδαπὸς γίγνεται καὶ μιμεῖται πάντα χρήματα. Dicendum hoc fuit πάντα σχήματα, vide modo p. 397 A: λέξις διὰ μιμήσεως φωναῖς τε καὶ σχήμασιν ἢ σμικρὸν τι διηγήσεως ἔχουσα.

Ibid. p. 402 D: ὅτου ἂν ξυμπίπτῃ ἐν τε τῇ ψυχῇ καλὰ ἤθη  
 ἐνόντα καὶ ἐν τῇ εἶδει ὁμολογοῦντα. Praestabit corrigere: ὅπου.

Ibid. p. 404 C: τῷ μέλλοντι σώματι εὖ ἔξειν ἀφεκτέον τῶν  
 τοιούτων ἀπάντων, malo σώματος, sicuti continuo post legitur:  
 ἀνδράσι μέλλουσιν εὖ σώματος ἔξειν. Eurip. Heraclid. 379:

μή μοι δορὶ συνταράξῃς  
 τὰν εὖ χαρίτων ἔχουσιν  
 πόλιν, ἀλλ' ἀνάσχου.

Itidem Eurip. Hippol. 642:

πόσους δοκεῖς δὴ κάρτ' ἔχοντας εὖ Φρενῶν  
 νοσοῦνθ' ὀρῶντας λέκτρα μὴ δοκεῖν ὀρᾶν;

Ibid. p. 405 B: ἡ δοκεῖ σοι τούτου αἴσχιον εἶναι τοῦτο; Quod  
 mox sequitur τοῦτ' ἐκείνου ἔτι αἴσχιον, manu dicit ad: ἡ δοκεῖ  
 σοι ἔτι αἴσχιον εἶναι τοῦτο;

Interpolatio saepe fecit ut loci elegantia penitus interiret,  
 veluti p. 406 A: τῇ παιδαγωγικῇ τῶν νοσημάτων ταύτῃ πρὸ τοῦ  
 Ἀσκληπιάδαι οὐκ ἐχρῶντο, ubi perperam adscriptum est: τῇ νῦν  
 ἰατρικῇ. Sed multo gravius est quod me advertit p. 406 C.  
 Melius est, Socratis verba sunt, cito emori quam diuturno  
 morbo cruciari: in bene constituta republica οὐδενὶ σχολὴ διὰ  
 βίου κάμνειν ἰατρευομένῳ idque apud nos etiam opifices intelli-  
 gunt. Serione credis ipsum Platonem addidisse quod in nostris  
 libris est: ὁ ἡμεῖς γελοῖως ἐπὶ τῶν δημιουργῶν αἰσθανόμεθα.  
 Itane γελοῖως? Si quis non statim perspicit, cur Platonis  
 sententia lectori cuidam *ridicula* visa sit, adeat Stallbaumium  
 qui philosophi placitum mirifice ac plane ridiculo modo tuetur.  
 Lubet hic comparare Clementis Alexandrini locum, quem Co-  
 betus tractavit Έρμ. Λογ. p. 193. Nempe Clemens stulte imitatur  
 quod Plato minime stulte dixerat Legg. XII p. 956; res lecto-  
 rem adverterat qui in margine suum apposuerat βλακικόν idque  
 ipsum βλακικόν ab editoribus πάνυ βλακικῶς in textu relictum fuit.

Ibid. p. 406 D: πιλίδια περὶ τὴν κεφαλὴν περιτιθεῖς, praestat  
 singularis πιλίδιον.

Ibid. p. 410: οἱ δὲ μουσικῇ μαλακώτεροι αὖ γίνονται ἢ ὥς κάλλιον αὐτοῖς, examinavi Stallbaumii adnotationem, sed constructionem ne nunc quidem plane intelligo; praestat, credo, ἢ ὥς κόσμιον αὐτοῖς.

Ibid. p. 411 E: μισόλογος δὲ ὁ τοιοῦτος γίνεταί καὶ ἄμουσος, καὶ πειθοῖ μὲν διὰ λόγων οὐδὲν ἔτι χρῆται, βίᾳ δὲ καὶ ἀγριότητι ὥσπερ θηρίον πρὸς πάντα διαπράττεται. Postremum verbum multorum coniecturis infame factum est, donec Hermannus ex textu eiecit, quae est expeditissima ratio interpretandi quae non intelligas. Equidem, ut in incerta re, commendare ausim: διαπικραίνεται.

Ibid. p. 412 B: κήδοιτο δὲ γ' ἄν τις μάλιστα τούτου ὁ τυγχάνοι φιλῶν, correxit Vernetus eodem modo in quem ego quoque incideram: τοῦ ὁ τυγχάνοι φιλῶν, sicuti recte legimus p. 469 B: τῶν ὅσοι ἂν ἀγαθοὶ κριθῶσι. Eadem correctione opus est p. 519 A: ὀξέως διορᾷ τὰ ἐφ' ᾧ τέτραπται, ubi ταῦτα in libris est et p. 519 B: ἐκεῖνα ἂν ὀξύτατα ἑώρα ὥσπερ καὶ τὰ ἐφ' ᾧ νῦν τέτραπται, ubi τὰ plane intercudit.

Ibid. p. 413 E: ἐν τε παισὶ καὶ (ἐν) νεανίσκοις καὶ ἐν ἀνδράσι βασιανίζμενον. Exciderat, uti vides, praepositio.

Ibid. p. 414 A: satis est ὥς ἐν τύπῳ εἰρῆσθαι, neque opus est explicatione: μὴ δι' ἀκριβείας.

Ibid. p. 414 E: ὑπὲρ τῶν ἄλλων πολιτῶν ὥς ἀδελφῶν ὄντων καὶ γηγενῶν διανοεῖσθαι. Eliminanda coniunctio.

Ibid. p. 415 D: θεασάσθων τῆς πόλεως ὅπου κάλλιστον στρατοπεδεύσασθαι. Nisi fallor dicendum hoc fuit ἐν στρατοπεδεύσασθαι.

#### AD REIP. LIBRUM QUARTUM.

P. 420 C: ἡμᾶς ἀνδριάντας γράφοντας, nulla causa est cur plurali numero ἀνδριάντας legatur et satis est rescribere: ἀνδριάντα.

Ibid. p. 420 E: ἐπιστάμεθα — τοὺς γεωργοὺς — ἐργάζεσθαι κελεύειν τὴν γῆν καὶ τοὺς κεραμέας — κεραμεύειν, in praelonga sententia praestabit in fine iterare verbum κελεύειν.

Ibid. p. 423 D: ταῦτα πολλὰ καὶ μεγάλα αὐτοῖς προστάττομεν, in ea disputatione Socrates perpetuo utitur futuro tempore et requiro: προστάξομεν, vide modo p. 423 C. Similiter p. 442 A pro πράττει reddendum est πράξῃ, quocum coniungitur aoristus ἐπιχειρήσῃ. Recurrit idem error p. 530 C: ἡ λαμπλάσιον, ἔφη, τὸ ἔργον ἢ ὡς νῦν ἀφρονομεῖται προστάττεις. Futurum necessarium esse apparet ex iis quae continuo insequuntur: οἶμαι δέ γε, εἶπον, καὶ τᾶλλα κατὰ τὸν αὐτὸν τρόπον προστάξειν ἡμᾶς. Itidem II p. 371 C: εἰσὶν οἱ τοῦθ' ὄρωντες ἑαυτοὺς ἐπὶ τὴν διακονίαν τάττουσι ταύτην, arridet τάξουσι. Praeterea cf. p. 433 E, V 455 E, 465 A: κολάζειν προστετάζεται, alios locos bene multos.

Ibid. p. 424 A. Ὅδοῦ πάρεργον — nam viarum diverticula nec quaero nec fugito in hoc libero scribendi genere — animadvertat mihi quis primam originationem eius quam *evolutionem* hodie appellant: πολιτεία ἑάνπερ ἄπαξ ὁρμήσῃ εὖ, ἔρχεται ὥσπερ κύκλος αὐξανόμενη. τροφή γὰρ καὶ παιδευσὶς χρηστὴ σωζομένη φύσεις ἀγαθὰς ἐμποιεῖ, καὶ αὐτὴ φύσεις χρησταὶ τοιαύτης παιδείας ἀντιλαμβάνόμεναι ἔτι βελτίους τῶν προτέρων φύνονται, εἷς τε τᾶλλα καὶ εἷς τὸ γεννᾶν, ὥσπερ καὶ ἐν τοῖς ἄλλοις ζῴοις.

Ibid. p. 424 C. Illud quoque vide, quod hodie, quantum comperi, nemo curat: οὐδαμοῦ γὰρ κινούνται μουσικῆς τρόποι ἄνευ πολιτικῶν νόμων τῶν μεγίστων, ὡς Φησὶ τε Δάμων καὶ ἐγὼ πείθομαι, quod intelligam, si mecum correxeris: ἄνευ πολιτικῶν νόσων τῶν μεγίστων. Ad rem conferre poteris quod severe disputat Polybius IV 20, de quo loco Georgius Grotus egit in docto libro de Platone IV p. 306 et 316. Operosa ratio est Verneti.

Ibid. p. 424 B: ὑπορρεῖ πρὸς τὰ ἥθη, satis sentimus veram lectionem esse εἰς τὰ ἥθη. Contra p. 433 E: οὐκοῦν δικαιοσύνην

τό γε τούτοις ἐνάμιλλον ἂν εἰς ἀρετὴν πόλεως θείης, multum praestare dixerim πρὸς ἀρετὴν. Itidem p. 472 C: εἰς ἐκείνους ἀποβλέποντες, eo sensu positum est quo dicendum est: πρὸς ἐκείνους, itemque p. 484 C: εἰς τὸ ἀληθέστατον ἀποβλέποντες, requiro πρὸς et fortasse etiam alibi idem mendum recurrit.

Ibid. p. 425 A: τὰ σμικρὰ νόμιμα ἐξευρίσκουσιν οὗτοι. Corrigan ἐξευρήσουσιν, quemadmodum recte legitur p. 425 E.

Necessaria vacula excidit p. 425 E: ἐπανορθούμενοι τὸν βίον διατελοῦσιν, οἰόμενοι λήψεσθαι τοῦ βελτίστου, nam apertissime legendum est: (ἀεὶ) οἰόμενοι. Cf. p. 426 A. E.

Ibid. p. 427 C: οὗτος ὁ θεὸς περὶ τὰ τοιαῦτα πᾶσιν ἀνθρώποις πάτριος ἐξηγητὴς ἐν μέσῳ τῆς γῆς ἐπὶ τοῦ ὀμφαλοῦ καθήμενος ἐξηγεῖται. Ultimum vocabulum inutiliter additum.

Ibid. p. 436 D scribitur nullo sensu de turbinibus, qui dum agitantur, moventur nec tamen locum mutant: ὥς οὐ κατὰ ταῦτὰ ἐαυτῶν τὰ τοιαῦτα τότε μενόντων τε καὶ φερομένων. Vertit Ficinus: quia non secundum eadem sui haec tunc moveantur et maneat; quem si sequeris, ut Stallbaumius perhibet, scribendum erit τῶν τοιούτων· probat tamen Astii sententiam, qui τὰ τοιαῦτα delendum censuit. Multo simplicius erit corrigere: μένοντά τε καὶ φερόμενα.

Ibid. p. 429 C: τῆς δόξης τῆς ὑπὸ νόμου διὰ παιδείας γεγонуίης. Equidem haec parum intelligo; sed in iis quae proxime insequuntur ipse Socrates lucem dabit: διὰ παντὸς δ' ἔλεγον αὐτὴν σωτηρίαν τῷ ἔν τε λύπαις ὄντα διασώζεσθαι αὐτὴν καὶ ἐν ἡδοναῖς. Item p. 430 B: τὴν δὲ τοιαύτην δύνανται καὶ σωτηρίαν διὰ παντὸς δόξης ὀρθῆς τε καὶ νομίμου δεινῶν πέρι καὶ μὴ ἀνδρείαν ἔγωγε καλῶ. Vides quomodo illud διὰ παιδείας corrigendum esse censeam.

Ibid. p. 442 A: τῶν περὶ τὸ σῶμα καλουμένων ἡδονῶν. Mire dictum; num forte verum est: καλινδουμένων?

## AD REIP. LIBRUM QUINTUM.

P. 449 B: ἄλλο μὲν οὐδὲν κατηκούσαμεν, requiro singularem numerum κατήκουσα, quod et per se intelligitur et confirmatur p. 450 C: τοῦτο δὲ σὺ ἤκουσας.

Ibid. p. 450 C: ὡς δυνατὰ λέγεται, ἀπιστοῖτ' ἂν, longe praefero quod legitur p. 472 D: ὡς δύναιται γενέσθαι· hinc fit ut continuo sequatur: καὶ εἰ ὅτι μάλιστα γένοιτο, κτέ. Est haec confusio longe frequentissima verborum λέγεσθαι et γενέσθαι. Veluti admodum ridiculum est apud Strabonem p. 43 Cas.: οὐ γὰρ κατ' ἄγνοιαν τῆς ἰσορίας ὑποληπτέον γενέσθαι τοῦτο, pro λέγεσθαι. Apud eundem p. 244: τοῦτο χωρίον Πλουτάνιον τι ὑπελάμβανον καὶ τοὺς Κιμμερίους ἐνταῦθα λέγεσθαι· lege: γενέσθαι. Apud eundem p. 641: ἐκείνου μὲν ποιήσαντος, λεγομένου δ' Ὀμήρου διὰ τὴν λεγομένην ξενίαν· lege: γενομένην. Plutarchum eodem modo tentavi *Mnem.* 1899 p. 196 et 402.

Ibid. p. 450 D: ὡς ἄρις' ἂν εἴη ταῦτα καὶ ταύτῃ, ἀπιστήσεται. Immo: ἀπιστήσετε.

Ibid. p. 451 A: σφαλεῖς τῆς ἀληθείας . . . κείσομαι περὶ ἧς ἡκιστα δεῖ σφάλλεσθαι, ultimum vocabulum libenter expunxerim. Dixit de ea locutione Cobetus *Mnem.* 1858 p. 45 eaque fuit multarum corruptelarum origo. Veluti apud Herodotum III 52 in verbis Periandri ad filium: ὀργῇ χρεόμενος ἐς τὸν σε ἡκιστα χρῆν, Cobetus pronomen personale deleuit itidemque Gorg. 516 C: ἀγριωτέρους ἀπέφηνεν αὐτοὺς ἢ οἴους παρέλαβε καὶ ταῦτ' εἰς αὐτόν, ὃν ἡκισ' ἂν ἐβούλετο, Hirschigius olim in Parisina editione αὐτὸν eliminavit οὐδ' ἔγραφεν, sed postea haud satis apparet qua de causa sententiam retractaverit et operosiores medicinam commendaverit.

Ibid. p. 452 A: παρὰ τὸ ἔθος γελοῖα ἂν φαίνοιτο πολλὰ περὶ τὰ νῦν λεγόμενα εἰ πράξεται ἢ λέγεται. Haud parum melius erit: παρὰ τὰ νῦν γενόμενα.

Ibid. p. 453 D: νευτέον καὶ πειρατέον σώζεσθαι ἐκ τοῦ λόγου, mirum ni Plato scripsit: ἐκ (τοῦ πελάγους) τοῦ λόγου. Mox 453 E: ταῦτα ἡμῶν κατηγορεῖτε, de more scribendum est κατηγορεῖται: etiam Vernetus hoc vidit p. 136. Cf. p. 450 C.

Ibid. p. 454 E: ἢ οὖν ἀνδράσι πάντα προστάξομεν, γυναῖκί δ' οὐδέν; Quidni scribitur γυναῖξί?

Ibid. p. 457 C: τοῦτο μὲν τοῖνυν ἐν ὥσπερ κῦμα φῶμεν διαφεύγειν . . . ὥς μὴ παντάπασι κατακλυσθῆναι τιθέντας κτέ., requiritur nominativus τιθέντες eademque correctione in re non dissimili Madvigijs usus est Rep. 547 B.

Ibid. p. 457 C: οἶμαι περὶ τοῦ εἰ δυνατὸν ἢ μὴ πλείσῃν ἀμφισβήτησιν γενέσθαι. Inserenda particula: πλείσῃν (ἄν). Esse miror qui dubitent.

Ibid. p. 459 C: συχνῶ τῷ ψεύδει καὶ τῇ ἀπάτῃ κινδυνεύει ἡμῖν δεήσειν χρῆσθαι τοῖς ἄρχοντα. Libenter expungam quod additum fuit: ἐπ' ὠφελείᾳ τῶν ἀρχομένων, cum praesertim sequatur: ἔφαμεν δέ που ἐν φαρμάκου εἶδει πάντα τὰ τοιαῦτα χρήσιμα εἶναι.

Post haec ita Plato pergit: καὶ ὁρθῶς γε, ἔφη. Ἐν τοῖς γάμοις τοῖνυν καὶ παιδοποιαῖς ἔοικε τὸ ὁρθὸν τοῦτο γίνεσθαι οὐκ ἐλάχιον. Nonne hoc ὁρθῶς scriptum oportuit?

Difficilia verba sunt p. 460 E: ἀνδρὶ δέ, ἐπειδὴν τὴν δξυτάτην δρόμου ἀκμὴν παρῇ, τὸ ἀπὸ τούτου γεννᾷν τῇ πόλει. Audiamus Stallbaumium: primum interpretatur: *quum acerrimum curriculi vigorem transmisserit*. Addit autem: verba, nisi fallor, ex poeta aliquo petita hoc significant: *exacta ea iuvenilis aetatis parte, qua vires adhuc quasi fervent et aestuant*. Assentitur Herwerdenus *Mnemos*. 1883 p. 349. „Stallbaumii sententiam”, inquit, „verba ex poeta aliquo petita esse, praeter dictionis insolentiam mirifice confirmat eorum numerus. Nempe vv. δξυτάτην δρόμου ἀκμὴν faciunt hexametri clausulam, itaque aut ex epico aut ex elegiaco poeta sumta esse videntur.” Non refragabor equidem, sed etiam in carmine illam δξυτάτην δρόμου ἀκμὴν vix esse ferendam dixerim. Plurimum arridet: δξυτάτην σπόρου ἀκμὴν.

Ibid. p. 461 A: οὐχ ὑπὸ θυσίων οὐδ' ὑπ' εὐχῶν φύς, ἀς ἐφ' ἐκάστοις τοῖς γάμοις εὐξονται. Vides quid in nostris libris exciderit, nempe: (θύσουσι καὶ) εὐξονται. Cf. Lys. c. Andocid. § 4.

Itidem verbum excidit p. 462 A: ἔχομεν οὖν τι μεῖζον κακὸν πόλει (εἰπεῖν) ἢ ἐκεῖνο; vide modo p. 462 A et 463 B. Plane idem vitium occurrit in Theage p. 124 D: ἔχοις ἂν οὖν μοι (εἰπεῖν); ubi editur sine sensu: εἴποις ἂν οὖν μοι;

Ibid. p. 462 C: ὅταν που ἡμῶν δάκτυλός του πληγῇ, πᾶσα ἡ κοινωνία — ἅμα ξυνήλγησε μέρους πονήσαντος ὅλη, illud ξυνήλγησε facit ut pro πληγῇ multo malim ἀλγῇ.

Ibid. p. 463 D: Φῆμαι ὑμνήσουσιν εὐθὺς περὶ τὰ τῶν παιδῶν ὧτα. Non concoquo verbum ὑμνεῖν intransitive usurpatum; veram lectionem esse suspicor βομβήσουσιν. Crit. 54 D: ἐν ἐμοὶ αὕτη ἡ ἡχὴ τούτων τῶν λόγων βομβεῖ.

Ibid. p. 465 C: τὰ γε μὴν σμικρότατα τῶν κακῶν ὀκνῶ καὶ λέγειν. Restitue comparativum: σμικρότερα.

Ibid. p. 465 C: ἀλγηδόνας, ὅσας ἐν παιδοτροφίαις καὶ χρηματισμοῖς διὰ τροφὴν οἰκετῶν ἀναγκαίαν ἴσχουσι. Scribendum hoc utique est: οἰκείων.

Ibid. p. 468 D: Ὅμηρος τὸν εὐδοκιμήσαντα ἐν τῷ πολέμῳ νότοιςιν Αἴαντα ἔφη διηνεκέσσι γεραίρεσθαι. Otiosum est in tam nota re addere proprium Aiacis nomen idque sede tam parum opportuna. Consimiles interpolationes etiam supra aliquoties indicavimus. Cf. Vernetus p. 149.

Contra p. 470 D ne intelligi quidem potest: ὅπου ἂν — διατῇ πόλεις, nisi suppleas: πρὸς πόλιν. Non dissimile est apud Dionysium Halic. IV 25: εἴ τι πρόσκρουσμα πρὸς πόλιν — ἐγγέγνηι, ubi legendum: (πρόλεως) πρὸς πόλιν.

Quod plurimum miror nondum quemquam animadvertisse, longa interpolatio est p. 478 A: εἴπερ ἐπ' ἄλλῃ ἄλλῃ δύναμις πέφυκε, δυνάμεις δὲ ἀμφοτέραι ἔσον, δόξα τε

καὶ ἐπισήμη, ἄλλη δὲ ἑκατέρα, ὡς ἔφαμεν, ἐκ τούτων δὴ οὐκ ἐγχωρεῖ γνωστὸν καὶ δοξαστὸν ταύτῳ εἶναι. Male haec cum superioribus et cum sequentibus coniunguntur. Qui adnotationem in margine appinxit, tribus verbis absolvit, quod Socrates copiose persecutus fuerat, sed hoc ut luculenter appareret, tota pagina mihi transscribenda foret. Eiusmodi interpolationum origo nusquam melius cernitur quam in Frontonis codice.

## AD REIP. LIBRUM SEXTUM.

P. 484D: τούτους οὖν μᾶλλον φύλακας τησόμεθα. Eo sensu compositum Graeci usurpant: κατατησόμεθα.

Ibid. p. 487C. Elegans locus est: ἡγοῦνται . . . ὥσπερ ὑπὸ τῶν πεττεύειν δεινῶν οἱ μὴ τελευτῶντες ἀποκλείονται καὶ οὐκ ἔχουσιν ὅτι φέρωσιν, οὕτω καὶ σφεῖς τελευτῶντες ἀποκλείεσθαι καὶ οὐκ ἔχειν ὅτι λέγωσιν ὑπὸ πεττείας αὐτῆς τινὸς ἑτέρας, οὐκ ἐν ψήφοις ἀλλ' ἐν λόγοις. Uti vides, *dare calculum* Graece dicitur ψῆφον φέρειν ac proinde etiam in altera sententiae parte itidem malim: οὐκ ἔχειν ὅτι φέρωσιν, sed illud certe mihi videor intelligere spuria esse quae in fine adduntur: οὐκ ἐν ψήφοις ἀλλ' ἐν λόγοις, nam prorsus inutilis explicatio. Πεττεία est quam Plato nunc cogitat et dignus est qui conferatur Polybii locus I 84 de Hamilcare: πολλοὺς μὲν γὰρ αὐτῶν ἐν ταῖς κατὰ μέρος χρεῖαις ἀποτεμνόμενος καὶ συγκλείων ὥσπερ ἀγαθὸς πεττευτὴς ἀμαχῇ διέφθειρε. Utrumque ludorum genus, cum πεττείαν tum κυβείαν in comparationibus Plato saepe memoravit: καὶ πεσσὰ πεντέγραμμα καὶ κύβων βολάς, sicuti Sophocles dixit. Luculentus imprimis locus est Rep. II 374C: πεττευτικὸς ἢ κυβευτικὸς ἱκανῶς οὐδ' ἂν εἰς γένοιτο μὴ αὐτὸ τοῦτο ἐκ παιδὸς ἐπιτηδεύων ἀλλὰ παρέργῳ χρώμενος. Ita loqui eius est qui omne ludorum genus plurimum adamaverit. Qui hoc argumentum de ludis veterum haud incuriose persecutus est, Lud. Becq de Fouquières; *les Jeux des Anciens*, ita verissime perhibet p. 388: „Dans Euripide (Med. 68), nous retrouvons la scène d'Homère (Od. α 107) et Platon vivait à la façon des vieillards de Corinthe. Ce qui en est un témoignage curieux,

ce sont justement ces jeux auxquels lui et ses auditeurs se livraient, tout en discourant des plus graves matières, et auxquels, comme à des objets toujours présents, il emprunte fréquemment des comparaisons vives et enjouées, qui laissent à la pensée le loisir de se reposer avec le regard sur ces jeux paisibles. Ouvrez les œuvres des écrivains modernes, vous ne retrouverez plus ces comparaisons; elles ne leur viendraient pas à l'esprit, car ces jeux ne font plus partie de la vie de chaque jour. C'est ainsi que la langue et le style des écrivains se modifient selon les usages de leur temps et que la manière de vivre d'un peuple est en rapport direct avec la forme de ses œuvres d'art." *Περὶ τῆς πεττείας* post Becquium nihil novi proferre possum, sed de talis quaedam hucusque nondum satis cognita repperisse mihi videor *Mnem.* 1901 p. 178 sqq. Verum manum de *Tabula*, ne quis me iuxta Platonem tanquam aleatorem diffamet.

Ibid. p. 488 C: in nobilissima comparatione: αὐτοὺς δ' αὐτῷ ἀεὶ [τῷ ναυκλήρῳ] περικεχύσθαι δεομένους καὶ πάντα ποιοῦντας ὅπως ἂν σφίσι τὸ πηδάλιον ἐπιτρέψῃ. Vides quid suadeam.

Ibid. p. 489 E: λέγωμεν ἐκεῖθεν ἀναμνησθέντες ὅθεν διήμεν. Placet ἐξῆμεν.

Ibid. p. 488 D. Gubernator debet τὴν ἐπιμέλειαν ποιεῖσθαι ἐνιαυτοῦ καὶ ὥρων καὶ οὐρανοῦ καὶ ἄστρον, sed non video quid ἐνιαυτός huc faciat, etiamsi in vetere cantilena ἐνιαυτῶν καὶ ὥρων coniuncta mentio fiat:

ἦλθ' ἦλθε χειλιδῶν  
καλὰς ὥρας ἄγουσα,  
καλοὺς ἐνιαυτούς.

Recte quoque p. 516 B Sol dicitur τάς τε ὥρας παρέχειν καὶ ἐνιαυτούς· verum quid hoc ad gubernatorem? Observabit ille ὥρας, οὐρανὸν, ἄστρον, πνεύματα· observabitne etiam ἐνιαυτούς? Contuli p. 527 D: τὸ γὰρ περὶ ὥρας εὐαισθητοτέρως ἔχειν καὶ μηνῶν καὶ ἐνιαυτῶν οὐ μόνον γεωργίᾳ οὐδὲ ναυτιλίᾳ προσήκει, et primum suspicatus sum eodem modo eliminata coniunctione scribendum esse: τὴν ἐπιμέλειαν ποιεῖσθαι ἐνιαυτοῦ ὥρων, sed

mox elegantior medicina sese mihi obtulit: τὴν ἐπιμέλειαν ποιεῖσθαι ἐνιαχοῦ καὶ ὥρων καὶ οὐρανοῦ, nec praeter rem hoc additum est, nam quo tempore imperiti nautae gubernatorem adoriuntur, uti credibile est, est mare tranquillum nec sentiunt quam necessarium sit gubernatoris officium, quo forte tempore ei libebit dormire in puppi beatum. Ceterum ἐνιαχοῦ apud Platonem exstat in Phaed. 71 B.

Ibid. p. 491 C: λαβοῦ τοίνυν ὅλου αὐτοῦ ὁρθῶς καὶ σοὶ εὐδηλόν τι φανεῖται καὶ οὐκ ἄτοπα δοῖται τὰ προειρημένα. Sine sensu ita scribitur, sed pellucet hoc agere Socratem ut Glaucō totam rem sub uno conspectu ponat et omissa singularum rerum consideratione, id quod quaeritur spectet universum. Iam habet τὸν τύπον ὃν Σωκράτης λέγει et nunc debet λαβέσθαι ἀθρόως hoc demum apertum est.

Ibid. p. 492 B: συγκαθεζόμενοι ἄθροοι. Quod adhaeret πολλοί, mihi glossula videtur esse.

Ibid. p. 495 B: ἐκ τούτων δὴ τῶν ἀνδρῶν καὶ οἱ τὰ μέγιστα κακὰ ἐργαζόμενοι τὰς πόλεις γίνονται καὶ τοὺς ἰδιώτας καὶ οἱ τὰ γὰρ ἂν, οἱ ἂν ταύτῃ τύχῃσι βυέντες. Longe praeferendum ducō: ὅταν.

Ibid. p. 495 C: οἱ ξυνόντες αὐτῇ οἱ μὲν οὐδενὸς οἱ δὲ πολλοὶ πολλῶν κακῶν ἄξιοί εἰσι. Imo αἵτιοί corrigendum est, cf. 490 D, 491 E, 517 C et solemnīs est illorum adiectivorum confusio.

Ibid. p. 495 E: χαλκῆως φαλακροῦ καὶ σμικροῦ, quoniam vix assequor quomodo haec adiectiva copulari possint, propono: φαλακροῦ καὶ σιμοῦ, cf. Theaet. p. 143 E et Rep. 474 D.

Ibid. p. 496 B: πάνσμικρον λείπεται τῶν κατ' ἀξίαν ὁμιλούντων φιλοσοφίᾳ, ἣ ποὺ ὑπὸ φυγῆς καταληφθὲν γενναῖον καὶ εὐτεθραμμένον ἦθος κτέ. Latina Stallbaumii: „fortasse generosa aliqua ac bene educata natura, ab epilio deprehensa”, etiam minus intelligo quam Graeca. Incidi in ὑπὸ σχολῆς, quod paulo melius placere poterit, quum continuo sequatur: ἀπορία τῶν διαφθερούντων κατὰ φύσιν μεῖναν ἐπ' αὐτῇ. Aliam rationem Herwerdenus sequitur *Mnem.* 1884 p. 321.

Ibid. p. 497: οὐ τὸ μὴ βούλεσθαι, ἀλλ' εἴπερ, τὸ μὴ δύνασθαι διακωλύσει. Dicitur hoc nisi fallor: εἴπερ (ἄρα), quam locutionem nube exemplorum illustravit Wytttenbachius ad Plut. Moral. p. 113A, ubi immanis Reiskii error haud immerito castigatur. Sed Boeckhius ad Minoem p. 149 faciet fortasse ut quis subdubitet.

Ibid. p. 500A: παρεξίοντες καὶ παρακαλυπτομένου τοῦ λόγου. Mire hoc dictum et interpretes intempestive memores fuerunt eorum quae leguntur Phaedr. 237A: ἐγκλυψάμενος ἐρῶ. Aut fallor aut latet περικαμπτομένου τοῦ λόγου, sicuti in Euthydemo est p. 291C: οἶμενοι ἤδη ἐπὶ τέλει εἶναι, περικάμψαντες πάλιν — ἀνεφάνημεν. Utar eadem medicina Plat. Epist. VII p. 340A: πορεύομαι δὴ τῷ λογισμῷ τούτῳ κατακαλυψάμενος, ubi κατακαμψάμενος demum commode intelligi poterit, quemadmodum Aeschines dixit p. 26. 33: ὅταν οἱ τὴν τῶν νόμων παρακαταθήκην ἔχοντες πρὸς τὰς αἰσχύνας κατακάμπτωνται. Eorundem verborum confusionem notavit Porsonus in *Adversariis* p. 64. Alia dabunt Valckenaerius ad Adonias. p. 226 et Cobetus *Mnem.* 1862 p. 294. Quod ad usum verbi κάμπτειν attinet, praeterea adscribam Protag. p. 320B: ἐπειδὴ δέ σου ἀκούω ταῦτα λέγοντος, κάμπτομαι καὶ οἶμαι τί σε λέγειν. Tim. 71C: τὰ μὲν ἐξ ὀρθοῦ κατακάμπτουσα καὶ ξυσπῶσα, τὰ δὲ ἐμφράττουσα συγκλείουσά τε. Itidem confer Porsonum ad Athenaeum III p. 106F.

Improprie dictum est p. 503B: εἰς ταῦτ' ἐξυμῶσθαι τὰ μέρη ὀλιγάκις ἐθέλει, τὰ πολλὰ δὲ διεσπασμένα φύεται. Etenim potuit διεσπασμένον videri quod numquam in unum coalluit? Videtur praestare διεσπαρμένα eodemque verbo Plato supra in consimili argumento usus est.

Ibid. p. 508B: τοῦτον τοίνυν φάναι με λέγειν. Immo τοιοῦτον verum est.

Ibid. p. 508D: ἄνω καὶ κάτω τὰς δόξας μεταβάλλον. Cf. *Mnem.* 1900 p. 361.

(Continuabuntur).

th

NOV 10 1908

# MNEMOSYNE.

## BIBLIOTHECA PHILOLOGICA BATAVA.

COLLEGERUNT

S. A. NABER, J. VAN LEEUWEN J.F., I. M. J. VALETON.

OPERAM SUAM POLLICITI SUNT

J. J. HARTMAN, H. VAN HERWERDEN, A. E. J. HOLWERDA, H. T. KARSTEN,  
J. C. NABER, K. G. P. SCHWARTZ, M. C. VALETON, J. WOLTJER.

~~~~~  
NOVA SERIES.

VOLUMEN TRICESIMUM SEXTUM. PARS IV.  
~~~~~

**LUGDUNI-BATAVORUM**

**E. J. BRILL.**

~~~~~  
LIPSIAE,  
O. HARRASSOWITZ.  
1908.

# INDEX

|                                                                                                                     | Pag.     |
|---------------------------------------------------------------------------------------------------------------------|----------|
| Annotationes ad Statii Thebaidem, scripsit P. H. DAMSTÉ . . . . .                                                   | 353—396. |
| Ad Plutarchum, scripsit J. J. H. . . . .                                                                            | 396.     |
| Ad scholia Bobiensia, scripsit C. BRAKMAN I. F. . . . .                                                             | 397—414. |
| Ad Plutarchum, scripsit J. J. H. . . . .                                                                            | 414.     |
| Notulae ad alteram Leeuwenii editionem fragmentorum Me-<br>nandreorum recens detectorum, scripsit H. VAN HERWERDEN. | 415—418. |
| De vocabuli <i>πρότος</i> vi atque usu per saecula VI et V, scripsit<br>K. KUIPER . . . . .                         | 419—434. |
| Ad Plutarchum, scripsit J. J. H. . . . .                                                                            | 434.     |
| Platonica ( <i>contin. ex pag. 288</i> ), scripsit S. A. NABER . . . . .                                            | 435—448. |

N. V. BOEKHANDEL EN DRUKKERIJ  
 VOORHEEN **E. J. BRILL** LEIDEN.

---

NIEUWE UITGAVEN 1907.

---

- Annales du Jardin Botanique de Buitenzorg**, Publiées par Melchior Treub. 2<sup>me</sup> Série. Vol. VI. 1907. (327 et 29 pl.) in-8°. f 12.—
- Archiv für Ethnographie (Internationales)**, Unter Redaction von Dr. J. D. E. Schmeltz. Vol. XVIII. 1907. (*der Jahrgang zu 6 Lieferungen*). in-4°. » 12.—
- Bijdragen (Doopsgezinde)**, Verzameld en uitgegeven door Dr. S. Cramer. Jaargang 1907. in-8°. » 1.25
- Blink, H.**, Nederlandsch Oost- en West-Indië, geographisch, ethnographisch en economisch beschreven. 2 dln. 1905—1906. (VI. 576; XII 596). gr. in-8°. » 18.—  
 In linnen banden » 20.—
- El-Bokhâri**, Le recueil des traditions mahométanes par Abou Abdallah Mohammed ibn Ismail el-Bokhâri, publié par Ludolf Krehl, continué par Th. W. Juynboll. Vol. IV. 1<sup>ere</sup> partie 1907. (IV, 252. Texte Arabe) in-4°. » 8.75
- Bone, Karl**, A painting by Li Lung-Mien. 1100—1106 (Li Kung-lin: jap. Ri-riu-min). 1907. (II. 235—267, with 4 pl.) in-8°. » 3.—  
 (Extrait du "T'oung-Pao", Série II, Vol. VIII).
- Catalogus Codicum Arabicorum Bibliothecae Academicae Lugduno-Batavae**. Editio 2a. Auctt. M. J. de Goeje et Th. W. Juynboll. Vol. II pars 1. 1907. (IV. 256) in-8°. » 5.60
- Catalogus (Supplement op den) van de Javaansche en Madoereesche handschriften der Leidsche Universiteits-Bibliotheek**. Dl. I. Madoereesche handschriften, Oud-Javaansche inscripties en Oud- en Middel-Javaansche gedichten, door Dr. H. H. Juynboll. 1907. (XVIII. 280, in-8°. » 5.—
- Catalogus van het Rijksmuseum van Oudheden te Leiden**. Egyptische Afdeling door Dr. P. A. A. Boeser. 1907. (XII. 193) in-8°. » 0.50
- Döderlein, L.**, Die gestielten Crinoiden der Siboga-Expedition 1907. (VIII. 54. mit 23 Taf.) gr. in-4°. » 10.—  
 Livr. 37, Monogr. XLII a. der Siboga-Expeditie.  
 fl. 1 = 100 cts. = fr. 2.12 = 1 M. 70 Pf. = 1 Sh. 8 d.

**Duker, A. C., Gisbertus Voetius.**

- DI. I. Jeugd en Academiejaren, 1589—1611. — Predikantsleven van 1611—1634. 1897 (VIII, 395. Bijlagen CXL). gr. in-8°. f 5.25  
 DI. II. Hoogleeraarschap, 1634—1676. 1907. (IX, 270. Bijlagen XCVI). gr. in-8°. f 3.75

**Engel, Georg, Hann Klüth. Naar het Duitsch door Adonius.**

1907. (IV, 402). in-8°. » 3.—  
 Gebonden » 3.50

**Ergebnisse (Zoologische) einer Reise in Niederländisch Ost-Indien, Herausgegeben von Max Weber.**

- I<sup>er</sup> Band. 1890—91. (XII, 460. 3 color. Karten 25 schw. u. color. Tafeln und 28 Figuren im Text.) gr. in-8°. » 24.—  
 II<sup>er</sup> » 1891—92. (VIII, 571. Mit 30 Tafeln und 24 Figuren im Text.) gr. in-8°. » 24.—  
 III<sup>er</sup> » 1893—94. (VIII, 476. Mit 22 Tafeln.) gr. in-8°. » 24.—  
 IV<sup>ter</sup> » 1<sup>ste</sup> Heft. 1897. (1—356. Mit XII Taf. und Abbild. im Text.) gr. in-8°. » 12.—  
 IV<sup>ter</sup> » 2<sup>de</sup> Heft. 1907. (357—447. Mit 4 Taf. u. Abbild. im Text.) gr. in-8°. » 4.—

**Fauna van Nederland.**

- II. Vrijlevende zoetwater-Copepoden door Dr. P. J. van Breemen. 1907. (IV, 66 met 2 pl.). in-8°.

**Fokker, A. A., Kitap tjonto soerat-soerat Melajoe. Maleisch brievenboek en woordenlijst, bevattende modellen en voorbeelden van handelscorrespondentie en brieven van anderen aard in Latijnsch Schrift, benevens een Nederl.-Maleische Woordenlijst. 2<sup>o</sup> druk. 1907. (155). in-8°.**

» 1.50

**Gewin, B., Beginselen van Strafrecht. 1907. (XXVI, 328). in-8°.**

» 6.—

Gebonden » 6.90

**Gibb, E. J. W., Memorial.**

- Vol. IV. Umayyads and 'Abb'asids, being the fourth part of Jurji Zaydan's History of Islamic civilisation, translated by D. S. Margoliouth. 1907. (XVI, 325). in-8°.  
 Toile » 3.—

- Vol. V. The travels of Ibn-Jubayr, edited from a Ms. in the University Library of Leyden by William Wright. Second edition revised by M. J. de Goeje. 1907. (53 and 393, Arabic Text) in-8°.  
 Toile » 3.60

**Goethart, J. W. C., en W. J. Jongmans, Plantenkaartjes voor Nederland. Bewerkt naar den Prodrômus florae batavae, de gegevens van H. Heukels en die van verschillende andere floristen. 1907. Afl. 21—25. in-4°.**

per jrg. » 4.50

fl. 1 = 100 cts. = fr. 2.12 = 1 M. 70 Pf. = 1 Sh. 8 d.

**Groot, J. J. M. de,** The religious system of China.  
Vol. V. Book II. On the soul and ancestral worship. Part. II.  
Demonology. Part. III. Sorcery.

1907. (VI. 465—928, with 5 plates). gr. in-8°. f 7.20

**Guézennec, F.,** Cours pratique de Japonais. Fasc. I.  
1907. (64) in-8°. » 1.25

**Handelingen der jaarlijksche algemeene vergadering van**  
de Maatschappij der Nederlandsche letterkunde te Leiden. Met  
levensberichten der afgestorven leden. in-8°.

1906—1907. Handelingen (IV. 156) » 1 60

1906—1907. Levensberichten (IV. 291). » 3.—

**Hausser, Otto,** Spinoza. Roman naar het duitsch door H. A.  
Lesturgeon. Met portret van Spinoza. 1907. (VIII. 346). kl. in-4°.

» 2 90

Gebonden » 3 50

**Hellénomnemon (Nouvel),** Revue Grecque paraissant tous  
les trois mois, rédigée et publiée par Spyr. P. Lambros. 1907.

*L'Année de 4 livraisons* » 7.50

**Hemmes, H.,** Leerboek der Anorganische Scheikunde. 1907  
(XIII. 297, met 17 fig.). in-8°. » 3.—

**Hesseling, D. C.,** De betekenis van het Nieuw-Grieks  
voor de geschiedenis der Griekse taal en der Griekse letter-  
kunde. Rede uitgesproken bij het aanvaarden van het ambt van  
Buitengewoon-Hoogleraar aan de Rijksuniversiteit te Leiden op  
6 Maart 1907. 1907. (36). gr. in-8°. » 0.50

**Heukels, H.,** Kennis der Natuur. B. Leerboek der dier-  
kunde en natuurkunde voor studeerenden voor de hoofdkte.

DI. II. Natuurkunde. 2<sup>e</sup> verbeterde druk. 1907. (XI. 207). in-8°. » 1.40

**Hickson, Sydney J., and J. Versluys,** Die Alcyoniden  
der Siboga-Expedition. 1907. (IV. 8. 32 mit 3 Taf. u. 16 Fig. im  
Text). gr. in-4°. » 2.75

I. Coralliidae by Sidney J. Hickson.

II. Pseudocladochonus Hicksoni von J. Versluys.

Livr. 36. Monogr. XIIIe der Siboga-Expeditie.

**Hoek, P. P. C.,** The Cirripedia of the Siboga-Expedition.

A. Cirripedia pedunculata. 1907. (IV. 127. with 10 pl.). gr. in-4°. » 6.75

Livr. 36. Monogr. XXXIa der Siboga-Expeditie.

**Holwerda Jr., J. H.,** Nederlands vroegste beschaving. Proeve  
van een Archaeologisch systeem. Met 13 lichtdrukplaten naar ori-  
gineele teekeningen van Mevr. N. Holwerda-Jentink. 1907. (IX.  
94, met 1 titelpl. in autotypie en 13 lichtdrukpl.) gr. in-4°. » 6.—

In linnen band » 6.75

f. 1 = 100 cts. = fr. 2.12 = 1 M. 70 Pf. = 1 Sh. 8 d.

**Holwerda Jr., J. H.**, Hetzelfde werk. Mit Anhang in deutscher Sprache »Zur frühhistorischen keramik". f 7 —

In linnen band » 7 50

**Homan van der Heide, G.**, Het middelbaar technisch onderwijs, een verwaarloosd volksbelang. Hoe tot een regeling te geraken in de quaestie betreffende dit M. O. 1907. (82). gr. in-8°. » 0.80

**Jaarboekje van de Rijks-Universiteit te Leiden 1907.**

p. jrg. » 1.30

**Jacobson, Edw., en J. H. van Hasselt**, De Gong-fabricatie te Semarang. Met 12 platen in lichtdruk en 12 afbeeldingen in den tekst. Hollandsche en Duitsche tekst 1907. (VII 64, met 12 pl.). gr. in-4°. » 10.—

**Jardin Botanique de Buitenzorg**, Icones Bogorienses. Volume III. 2<sup>me</sup> Fascicule. Pl. CCXXVI—CCL. 1907. (IV. 65—124. Av. 25 pl.). gr. in-8°. » 10.—

**Jesup North Pacific Expedition**. Memoir of the American Museum of Natural History, New York. gr. in-4°.

Vol. II, part VI. Harlan I. Smith, Archaeology of the Gulf of Georgia and Puget Sound. 1907. (301—441, with 3 pl.) » 7.50

Vol. VII, part II. Waldemar Bogoras, The Chukchee. 2. Religion 1907. (277—536. with 3 pl. and 101 textill.) » 10 —

**Joosting, J. G. C.**, Rijksarchief in Drente. gr. in-8°.

De Archieven van de schultengerechten in Drente 1907. (140). » 1.50

**Joosting, J. G. C.**, Rijksarchief in Drente.

De Archieven der besturen in Drente van het Nederl. Herv. Kerkgenootschap, berustende in het depôt van 's Rijks Archieven in Drente. 1907. (89). gr. in-8°. » 1.—

**Joosting, J. G. C.**, Rijksarchief in Drente.

Het Archief der heerlijkheid Ruinen. 1907. (134). gr. in-8°. » 1.50

**Joustra, M.**, Karo-Bataksch Woordenboek. Uitgegeven vanwege het Departement van Koloniën. 1907. (XI. 244). gr. in-8°. » 5.50

**Karsten, H. T.**, De commenti Donatiani ad Terenti fabulas origine et compositione. 1907. (VII. 192). in-8°. » 2 20

**Kerkelijke Courant**, Weekblad voor de Nederlandsche Hervormde Kerk. Gedeeltelijk ten voordeele van het Synodale Weduwenfonds. 1907.

per jrg. » 6.50

**Kloes, J. A. van der, en G. van Helden**, Handleiding (voornamelijk tot zelfonderricht) voor den Wagenmaker. 1907. (XII. 273, met 149 fig.) in-8°. » 2.40

Gebonden » 2.75

fl. 1 = 100 cts. = fr. 2.12 = 1 M. 70 Pf. = 1 Sh. 8 d.

- Kohlbrugge, J. H. F.**, Blikken in het zieleleven van den Javaan en zijner overheerschers. 1907. (190). in-8°. f 2.40
- Kuenen, J. P.**, Het tegenwoordig standpunt en de betekenis der moleculairtheorie. Rede bij de aanvaarding van het Hoogleeraarsambt aan de Rijksuniversiteit te Leiden, uitgesproken den 25<sup>e</sup>n Februari 1907. 1907. (35). in-8°. » 0.40
- Magnasco, F.**, Outlines of Hebrew Grammar, with points. 1908. (VIII. 97). in-8°. » 1.50
- Mededeelingen (Oudheidkundige)** van het Rijksmuseum van Oudheden te Leiden. I. 1907. (28 met 7 pl.) in-8°. » 0.70
- Minerva**, Nederlandsch Studenten-Weekblad. 1907. fol. per jrg. » 3.50
- Mnemosyne**, Bibliotheca philologica batava. Nova Series. Vol. XXXV. 1907. in-8°. per vol. » 5.25
- Muller, Hendrik P. N.**, Oude tijden in den Oranje-Vrijstaat. Naar Mr. H. A. L. Hamelberg's nagelaten papieren beschreven. 1907. (XII, 383, met 6 pl. en 1 facs.) gr. in-8°. » 4.25  
Gebonden » 4.75
- Muséum d'histoire naturelle des Pays-Bas**, Tome X, 1<sup>e</sup> partie: Catalogue ostéologique des oiseaux par E. D. van Oort. 1907. (VIII. 384, av. 14 planches). in-8°. » 9.50
- Nakā'id (The) of Jarīr and al-Farardak** edited by A. A. Bevan. Vol. I, part. 3. 1907. (VIII. VI. 341—545. Arab. Text). gr. in-4°. » 7.40
- Nes, H. M. van**, Suprahistorisch. Rede bij de aanvaarding van het ambt van hoogleeraar in de godgeleerdheid vanwege de Nederlandsche Hervormde Kerk, aan de Rijksuniversiteit te Leiden, uitgesproken op Woensdag 18 September 1907. 1907 (35). gr. in-8°. » 0.40
- Nierstrasz, H. F.**, Die Nematomorpha der Siboga-Expedition. 1907. (21, mit 3 farbigen Taf.) gr. in-4°. » 3.50  
Livr. 34. Monogr. XX der Siboga-Expeditie.
- Nieuwenhuis, A. W.**, Quer durch Borneo. Ergebnisse seiner Reisen in den Jahren 1894, 1896—97 und 1898—1900, unter Mitarbeit von M. Nieuwenhuis—von Uxküll-Güldenbandt. Bnd. I. 1904. (XV. 493, mit 97 Taf. in Lichtdruck u. 2 Krtn.) Bnd. II. 1907. (XIII. 557, mit 73 Taf. in Lichtdruck u. 18 Taf. in Farbendr.) 2 Bände gr. in-8°. » 22.—  
Gebonden » 25.—
- Notes from the Leyden Museum**, edited by F. A. Jentink. Vol. XXIX, 1907. (with plates). per Vol. » 7.50  
fl. 1 = 100 cts. = fr. 2.12 = 1 M. 70 Pf. = 1 Sh. 8 d.

**Nova Guinea, Résultats de l'expédition scientifique, Néerlandaise à la Nouvelle-Guinée, en 1903, sous les auspices de Arthur Wichmann, chef de l'expédition.**

Vol. III. *Ethnography and Anthropology* by G. A. van der Sande. 1907. (VIII. 390. with 50 plates, 216 textfig. and a map). gr. in-4°. f 50.—

Bij intekening » 40.—

### **Persian Historical Texts.**

Vol. V. Part. II of the *Tadhkiratu 'l-Awliyá* (»Memoirs of the Saints») of Muḥammad Ibn Ibrahim Faridu'ddin 'Attār. Edited in the original Persian, with preface, indices and variants, and a comparative table showing the parallel passages which occur in the *Risālatu il-Qushayziyya* of Abu 'l-Qāsim al-Qushayzī, bij Reynold A. Nicholson. 1907. (IX. 119. 361. Persian Text). in-8°. *Toile* » 10.50

**Petiscus, Mythologie der Griechen en Romeinen.** Vrij bewerkt naar den 21<sup>en</sup> hoogd. druk. Met een voorwoord van Dr. A. E. J. Holwerda, 2e herziene uitgave. 1907. (XII, 352 met 43 afbeeldingen). in-8°. » 2.40

In linnen » 2.90

**Plepers, M. C.,** Noch einmal Mimicry, Selektion, Darwinismus. *Biologische Studien*. 1907. (IV. 481). in-8°. » 5.50

**Pijper, F.,** Erasmus en de Nederlandsche reformatie. 1907 (31). gr. in-8°. » 0.40

(Herdrukt uit de *Handel. en Mededeel. van de M. d. Ned. Letterk.* 1906—1907).

**Plautus, T. Maccius, Mostellaria.** Verkort en met aantekeningen voorzien door A. van IJsendijk. 1907. (37). in-8°. » 0.50

**Repertorium der Verhandelingen en Bijdragen betreffende de geschiedenis des Vaderlands, in tijdschriften en mengelwerken tot op 1900 verschenen.** In opdracht van de commissie voor geschied- en oudheidkunde van de Maatschappij der Nederlandsche Letterkunde te Leiden, bewerkt door Louis D. Petit. 1907 (10. 6. XXIX. 1638. in 2 kol.). gr. in-8°. » 10.—

In linnen band » 11.—

**Sachse, F. J. P.,** Het eiland Seran en zijne bewoners. Met een voorwoord van Prof. Dr. K. Martin, platen, 1 kaart en profielen. 1907. (XII. 184. met 17 platen, 1 bl. profielen en 1 kaart). gr. in-8°. » 3.50

**Sammlungen des Geologischen Reichsmuseums in Leiden,** herausgegeben von K. Martin und A. Wichmann.

1e Serie: *Beträge zur Geologie Ost-Asiens und Australiens.*

Bnd. VIII. Heft 3, 4. 1907. (145—252, mit Taf. X—XVIII). gr. in-8°. » 6.—

K. Martin, Eine altmiocäne Gastropodenfauna von Rembang, nebst Bemerkungen über den stratigraphischen Wert der Nummuliniden. — M. M. Schepman, Mollusken aus posttertiären Schichten von Celebes. — H. Icke en K. Martin, Over tertiaire en kwartaire vormingen van het eiland Nias.

Z. 1 = 100 cts. = fr. 2.12 = 1 M. 70 Pf. = 1 Sh. 8 d.

### Schrijvers (Grieksche en Latijnsche), met aantekeningen.

Uitgegeven volgens besluit van het Genootschap van Leeraren aan Nederlandsche Gymnasia, enz.

No. XXVIII, zie *Plantus, Mostellaria*.

**Siboga-Expeditie**, Uitkomsten op zoölogisch, botanisch, oceanographisch en geologisch gebied, verzameld in Nederlandsch Oost-Indië, 1899—1900, aan boord H. M. Siboga. Uitgegeven door Dr. Max Weber (met medewerking van de Maatschappij tot bevordering van het natuurkundig onderzoek der Nederlandsche koloniën). gr. in-4°.

Livr. 33. (Monogr. XXVI) J. W. Spengel, Die Enteropneusten der Siboga-Expedition. Mit 17 Tafeln. f 17.50

Bij intekening » 14.—

Livr. 34. (Monogr. XX) H. F. Nierstrasz, Die Nematomorpha der Siboga-Expedition. Mit 3 Tafeln. » 3.50

Bij intekening » 2.80

Livr. 35. (Monogr. XIIIc). Die Alcyoniden der Siboga-Expedition.

I. Coralliidae bij Sydney J. Hikson.

II. Pseudocladochonus Hicksoni von J. Versluys. Mit 3 Tafeln. » 2.75

Bij intekening » 2.20

Livr. 36. (Monogr. XXXIa) P. P. C. Hoek, The Cirripedia of the Siboga-Expedition. A. Cirripedia pedunculata. With 10 plates. » 6.75

Bij intekening » 5.40

Livr. 37. (Monogr. XLIIa) L. Döderlein, Die gestielten Crinoiden der Siboga-Expedition. Mit 23 Tafeln. » 10.—

Bij intekening » 8.—

### Semitic Study Series.

Vol. VIII. Selections from Arabic geographical Literature, edited with notes by M. J. de Goeje. 1907. (X. 114. *Arabic Text*). in-8°. » 1.75

Vol. IX. Selected Babylonian Business and legal documents of the Hammurabi period by Arthur Ungnad. 1907. (XVI. 42. 48. *Aut. Text*). in-8°. » 2.40

**Smit, G.**, „Bijbel en Legende” bij den Arabischen schrijver Ja'qubi, 9<sup>e</sup> eeuw na Christus. Vertaling en onderzoek naar de bronnen van Ibn-Wādhīh qui dicitur Al-Ja'qubi, historiae. Pars prior. pp. 1—89 ed. M. Th. Houtsma. 1883. 1907 (IX. 134). in-8°. » 1.75

**Snouck Hurgronje, C.**, Arabië en Oost-Indië. Rede uitgesproken bij de aanvaarding van het hoogleeraarsambt den 23<sup>en</sup> Januari 1907. 1907. (28). in-8°. » —.40

**Spengel, J. W.**, Studien über die Enteropneusten der Siboga-Expedition, nebst Beobachtungen an verwandten Arten. 1907. (IV. 128. Mit 17 Taf. und 20 Fig. im Text). gr. in-4°. » 17.50

Livr. 33. Monogr. XXVI. der Siboga-Expeditie..

fl. 1 = 100 cts. = fr. 2.12 = 1 M. 70 Pf. = 1 Sh. 8 d.

- Suyling, J. Ph.**, Critische rechtswetenschap en volkenrecht. Rede bij de aanvaarding van het ambt van buitengewoon hoogleeraar aan de Rijks-Universiteit te Leiden, den 16<sup>en</sup> October 1907 uitgesproken. 1907. (43). in-8°. f 0.50
- Testament (Het Oude)**, Naar de Leidsche vertaling. Met verkorte inleidingen en toelichtingen bewerkt door I. Hooykaas. Onder toezicht van Prof. Dr. H. Oort. 1906. (VIII. 1534. met 2 kaarten). gr. in-8°. » 5.—  
In linnen band » 6.—
- Tijdschrift van het Kon. Nederl. Aardrijkskundig Genootschap**. 2e serie. Deel XXIV. 1907 in-8°. *per jrg.* » 12.—
- Tijdschrift der Nederl. Dierkundige Vereeniging**. 2e serie. Deel X. 1907. in-8°. *per deel* » 6.—
- Tijdschrift voor Nederlandsche taal- en letterkunde**. Nieuwe reeks. Deel XVIII. in-8°. *per jrg.* » 4.—  
Register op Dl 1—XXV, bewerkt door J. Kikkert 1907. (VIII. 115). in-8°. » 2.25
- Tijdschrift voor Strafrecht**. Deel XIX. 1907. in-8°. *per jrg.* » 7.50
- Tijdschrift voor Wijsbegeerte**. 1e Jaarg. 1907. *per jrg. van 4 afl.* » 6.—
- 通報** T'oung Pao. Archives pour servir à l'étude de l'histoire, des langues, de la géographie et de l'ethnographie de l'Asie orientale (Chine, Japan, Corée, Indo-chine, Asie centrale et Malaisie. Rédigées par H. Cordier et E. Chavannes. 2e Série Vol. VIII. 1907. in-8°. *l'Année* » 12.—
- Universiteitsgids**. Op verzoek van het rectorencollege, uitgegeven door P. C. Molhuysen. 1907—08. 6<sup>e</sup> jrg. kl. in-8°. In linnen band. *per jrg.* » 1.—
- Völter, D.**, Aegypten und die Bibel. Die Urgeschichte Israels im Licht der aegyptischen Mythologie. Dritte, neubearbeitete Auflage. 1907. (VIII. 125). in-8°. » 1.50
- Vollenhoven, C. van**, Het adatrecht van Nederlandsch-Indië. Afl. 1. 1906. (VIII. 64). » 0.80  
Afl. 2. 1907. (65—148). » 0.80  
Kompleet in ca. 15 afl. (76 vel) à 16 cent per vel.
- Warren, S. J.**, Kort overzicht der voornaamste bijzonderheden van het dialect van Homerus en Herodotus. Tweede verbeterde uitgave. 1907. (43). in-8°. » 0.50
- ΞΕΝΟΦΩΝΤΟΣ Ἑλληνικά**. Xenophontis Historia Graeca, in usum scholarum edidit C. G. Cobet. Editio 5a quam curavit L. Punt. 1907. (XVI. 302). in-8°. » 1.20

f. 1 = 100 cts. = fr. 2.12 = 1 M. 70 Pf. = 1 Sh. 8 d.

BIBLIOTHECA PHILOLOGICA BATAVA quater in anno prodibit Calendis  
Ianuariis, Aprilibus, Iuliis, Octobribus.

Pretium annuum erit floren. 5.25.

Singuli fasciculi separatim non veniunt.

## Sumptibus E. J. BRILL prodierunt:

- M. T. Cicero**, Commentarii rerum suarum sive de vita sua, a. esse-  
runt Annales Ciceroniani in quibus ad suum quaeque annum referuntur  
quae in his commentariis memorantur; utrumque librum scripsit  
W. H. D. Suringar. 1854. 2 part. 1 vol. 8°. . . . . f 8.50.
- C. G. Cobet**, Variarum lectionum, quibus continentur observationes criti-  
cae in scriptores Graecos. Editio secunda auctior. 1873. 8°. - 7.—.
- *Miscellanea Critica*, quibus continentur observationes criticae in  
scriptores Graecos praesertim Homerum et Demosthenem. 1876. - 7.—.
- *Collectanea critica*, quibus continentur observationes criticae in  
scriptores Graecos. 1877. 8°. . . . . - 7.—.
- *Hyperidis Orationes duae* Ὁ ΕΠΙΤΑΦΙΟΣ ΛΟΓΟΣ et ἡ ΓΡΗΓ  
ΕΥΧΕΝΝΗΤΟΡ. Editio altera auctior et emendatior. 8°. 1877. - 1.50.
- *Observationes criticae et palaeographicae ad Dionysii Halicarnas-  
sensis antiquitates Romanas*. 1877. 8°. . . . . - 3.50.
- *De Philostrati libello ΠΕΡΙ ΓΥΜΝΑΣΤΙΚΗΣ*. 1859. 8°. . . - 1.25.
- *Cornelii Nepotis vitae excellentium imperatorum*. In usum schola-  
rum. Editio tertia, quam curavit H. W. van der Mey. 1893. 8°. - 0.60.
- *Xenophontis Expeditio Cyri*. In usum scholarum. Editio sexta,  
quam curavit S. J. Warren. 1898. 8°. . . . . - 1.20.
- *Xenophontis Historia Graeca*. In usum scholarum. Editio quinta,  
quam curavit L. Punt. 1907. 8°. . . . . - 1.20.
- J. J. Cornelissen**, *Oratio inauguralis*. 1879. 8°. . . . . - 0.45.
- *Coniectanea Latina*. 8°. . . . . - 0.60.
- *Cornelii Taciti de vita et moribus Iulii Agricolae*. 1881. 8°. - 0.75.
- *Opus idem*. In usum scholarum. 1881. kl. 8°. . . . - 0.30.
- *Minucii Felicis Octavius*. 1882. kl. 8°. . . . . - 0.90.
- J. J. Hartman**, *De Ovidio Poeta commentatio*. 1905. 8°. . - 1.75.
- *Analecta Tacitea*. 1905. 8°. . . . . - 4.20.
- H. van Herwerden**, *Lectiones Rheno-Traiectinae* . . . . - 1.50.
- Lysiae Orationes. In usum studiosae iuventutis textum constituit C. G.  
Cobet. Editio quarta, quam novis curis recensuit J. J. Hartman.  
(Editio maior prolegomenis, fragmentis, indice nominum aucta).  
1905. 8°. . . . . - 2.40.**
- *Editio minor*. . . . . - 1.20.
- E. Mehler**, *Luciani dialogi quatuor* (Timon, Philopseudes, Verae  
historiae, Gallus). In usum scholarum . . . . . - 1.90.
- Mnemosyne**. — *Bibliotheca philologica Batava*. Edid. C. G. Cobet, T. J.  
Halbertsma, H. G. Hamaker, E. J. Kiehl, etc. 1852—62. 11 vol.  
et Appendix ad vol. 2—7. 8°. (f 56.50) . . . . . - 30.—.
- *Nova series*. Scripserunt C. G. Cobet, C. M. Francken, H. van Her-  
werden, S. A. Naber, W. G. Pluygers, J. J. Cornelissen, J. van  
Leeuwen J. f., I. M. J. Valetton, alii; Vol. I—XIV colleg. C. G.  
Cobet, H. W. van der Mey, Vol. XV—XXXVI colleg. S. A. Naber,  
J. van Leeuwen J. f., I. M. J. Valetton. 1873—1908. 8°. pro vol. - 5.25.



